

續修四庫全書

《續修四庫全書》編纂委員會編

續修四庫全書



上海古籍出版社

三九二・史部・紀事本末類

欽定剿平三省邪匪方略正編三百五十二卷續編三十六卷附編十二卷首九卷表文一卷

(正編卷二十九至卷六十五)

〔清〕慶

桂等撰

2286/02

欽定剿平三省邪匪方略正編卷二十九 丁巳年

二月十五日 丙戌 惠齡恒瑞慶成舒亮奏言前次

差探東北一路逃匪經阿爾薩朗訥音分投跟

剿茲據阿爾薩朗等報稱賊匪由洛陽店均川

一帶逃竄一面知會明泰帶兵迎往官潭阿爾

薩朗等即統兵由洛陽店一帶進剿及到均川

賊已先期遁去隨即趕至官潭賊匪經明泰剿

剿著邪匪方略編卷二十九

向北竄並據明泰稟稱該總兵行至官潭天色

已晚正欲紮營賊匪忽從山後蜂擁而來公然

撲犯明泰隨令馬兵抄截衝散賊匪分為兩截

左右圍裹明泰督率叅將馬為錦遊擊朱廷進

亦將兵分為兩翼迎頭擊剿賊匪恐不畏死悉

力抗禦黑夜之中互相攙殺明泰左腿受有矛

傷二處官兵人人憤恨奮力向前殺死多賊餘

匪始四散潰逃該處山路甚雜時已昏夜不便

窮追即於該處紮營 臣 等查東北一路山勢綿

延與河南之桐柏等縣連界 臣 等已飛飭楚豫

兩省邊界州縣嚴加防堵茲復馳檄各該處加

緊嚴截並知會景安一體飭備以免闖入一面

飛札阿爾薩朗訥音及叅將馬為錦烏爾鄉額

候補知府鄭成基同知周李堂等將此敗竄之

剿著邪匪方略編卷二十九

賊分投截剿並於各要隘密行佈置晝夜巡防

勿使逃逸又據應山安陸等縣具報大兵節次

剿散餘匪或二三百人或一二百人及數十人

不等間由山僻小路潛逃入境一經鄉兵截擊

賊匪即分路逃散此等潰匪因被官兵追殺不

暇與賊首姚之富等會為一處是以紛紛散竄

莫延旦夕更恐分路牽掣官兵致令首逆乘機

遠竄若必慮必分撥官兵愈分愈單惟有探賊

姚之富等實在去向上緊擒獲則餘匪不難次

第掃除適差探回報姚之富等現由大洪山左

近奔逃臣等公同商酌臣恒瑞慶成同碩雲

六十七分帶馬隊繞至賊前攔截並令總兵高

成帶兵伏於路側臣惠齡舒亮等帶領官兵由

長岡嶺一帶進剿行至三里岡探聞小阜街有

《剿三省賊匪編卷元》 三

賊匪千餘人屯聚臣舒亮帶領馬兵繞至前面

迎頭剿捕臣惠齡等從後掩襲將抵小阜街果

見賊匪各持器械紛紛行走猝見官兵不及逃

竄各拚命抗拒我兵排鎗擊打殺死多人山東

遊擊默爾根射死執旗賊目一名眾兵生擒周

則仁等二十餘人臣恒瑞慶成已經繞至前面

賊匪見官兵四面驟至驚竄之餘盡捨命衝突

官兵鎗打箭射賊奔上山梁我兵復尋路繞上

爭先追捕殲斃五百餘人拿獲賊目李士英邱

添有等十七人其餘賊匪奔竄下山又遇富成

等伏兵齊起殺死無數生擒袁有裕等四十三

名隨提問周則仁等犯賊訊均無要供當即分

別寸磔梟示偵探賊人盡從西北一帶奔逃臣

等所領各營馬隊最為得力臣惠齡到營時查

《剿三省賊匪編卷元》 四

看可以乘騎壯馬不過四五百匹今月餘以來

晝夜馳驟馬力不無勞乏經景安疊次協濟馬

三百餘匹臣惠齡復知會撫臣汪新在於楚省

購辦本地之馬陸續解營以資更換一面分派

馬隊將各賊設法兜圍驅歸一處以備官兵合

力痛殲

同日額勒登保德楞額奏言查楚北襄陽教匪

於屢經剿殺之後尙敢四路奔竄前接惠齡等咨會當將乾州鎮守附近分駐之荊州滿兵二千七百餘名及陸續撤出之綠營官兵二千餘名令將軍與肇及副將劉廷基等分起由水路前赴襄陽以資分派臣額勒登保卽行起程速赴楚北如尙有應行添帶官兵之處俟路過乾州再於廣東廣西兵丁內酌撤一二千名隨帶前去以期得力至黃栢山一路已有勒保帶領貴州之兵到彼與福寧會合足敷剿捕惟聞該處山路亦極險峻尙須添兵力茲查有原駐花園後路之宜昌施南等處官兵應行撤回者約計尙有二千餘名現今宜昌鎮總兵張廷彥帶回本處並知會福寧等如果需用卽可就近酌調臣德楞泰遵

聖旨

五

旨與明亮同赴達州協力剿辦所有川省官兵除前派川北鎮朱射斗副將長春等帶回二千餘名外現在苗疆尙有三千餘名已全數撤出卽日統交提臣穆克登阿總兵達音泰等督率將領分起行走並於原調之五寨屯兵內挑出五百名兩金川降番內挑出一百名一併帶往其餘病弱殘廢者悉行遣回以示體恤均奏入

聖旨

六

上命軍機大臣傳諭惠齡額勒登保景安汪新曰此次賊匪向官潭小阜街等處逃竄經惠齡等帶領將弁官兵分投迎截雖殲斃賊匪五百餘人生擒六十餘名尙不爲多且惠齡摺內祇稱東北一路賊匪經阿爾薩朗明泰剿殺紛紛潰逃究竟逃往何處摺內未據聲明又西北一路賊匪經惠齡由小阜街掩襲摺內亦祇稱餘賊奔竄下山仍向西

北奔逸又究竟逃往何處亦未聲明東北一帶與桐栢山相近固當防其竄入而西北即係呂堰樊城及豫省鄧州浙川等處尤不可不嚴密堵截景安務與王文雄督率弁兵鄉勇於毗連楚省各要隘加意巡防汪新現駐襄陽亦應一體迎堵截殺使賊匪無路逃生不致再有勾結至額勒登保等奏將荊州滿兵及綠營兵共三千七百餘名交與

聖訓彙編卷九

七

不及仍著景安於河南省酌量辦往協濟但賊匪俱係步行我兵騎用馬匹祇須足數追捕之用亦不必過多致滋糜費賊人雖俱係本地匪徒熟悉路徑而惠齡等隨營鄉勇亦多係該處之人何難令其在前指引或繞至賊前或預行埋伏以便隨路剿殺惟在惠齡隨時調度勿得藉口賊人熟悉路徑稍稽剿捕

聖訓彙編卷九

八

十八日 巳 丑

上諭內閣曰湖北賊匪迭經官兵痛剿日就窮蹙現因逃竄餘匪尚須搜剿淨盡需費正多著於部庫內撥給銀三百萬兩並著梁肯堂委員赴京領運至河南交界地方景安即預行委員等候接替前進運赴襄陽交與汪新等收領備用

二十日 辛 臣 會同泰承恩剿辦光

再於本地上緊購辦迅解軍營如楚省一時購辦

乏自應酌換業經景安協濟馬三百匹外著汪新

便覆奏至各營馬隊追賊最為得力今既間有疲

稍形疲乏今得此勝兵壁壘一新振作士氣更為

得力總兵明泰打仗受傷現在會否痊愈並著附

緊趨行到襄助剿惠齡一路官兵剿捕已久未免

肇及副將劉廷基帶領前赴襄陽著傳諭興肇加

奏將荊州滿兵及綠營兵共三千七百餘名交與

使賊匪無路逃生不致再有勾結至額勒登保等

隘加意巡防汪新現駐襄陽亦應一體迎堵截殺

安務與王文雄督率弁兵鄉勇於毗連楚省各要

城及豫省鄧州浙川等處尤不可不嚴密堵截景

桐栢山相近固當防其竄入而西北即係呂堰樊

北奔逸又究竟逃往何處亦未聲明東北一帶與

頭山賊匪事竣馳抵興安核有宜綿知會以通
江巴州之賊現經川陝兵勇四面兜圍易於賊
事令_臣欽遵節次

諭旨仍由紫陽前赴太平協剿東鄉達州之賊現在
趕緊部署酌帶弁兵即日赴州協剿

同日秦承恩奏言上年九月內四川達州匪徒

蠢動闖入陝省興安境內所到之處居民多被

剿平三省邪匪方略

九

焚掠附近村莊俱有棄家逃避者經_臣派委安

員分途查看先令搭棚棲止散給膳粥隨照災

賑之例大口日給米五合小口減半以資口食

其有實在號寒者酌給棉衣俱問明住址分別

註冊目下陝省境內全就肅清時當東作應令

復歸本業及早春耕但該民人等籽種口糧牛

具房屋蕩然無存情堪憫惻仰懇

皇上天恩再行分別賑借無論極次貧民概行賑卹

三個月折色口糧被焚房屋瓦房給銀五錢草

房給銀三錢令其自行葺造仍各借給籽種牛

具俾資耕作_臣現已分飭委員趕緊清查辦理

以廣

皇仁均奏入

上命軍機大臣傳諭秦承恩柯藩日前因秦承恩奏

剿平三省邪匪方略

十

稱興漢一帶道路遼遠營汛稍單曾有旨令柯藩

或於途次轉回幫同秦承恩駐劄漢中照料一切

本日秦承恩摺內稱陝境肅清可見該撫前奏不

免張皇此時柯藩自應迅赴達州與宜綿等上緊

剿辦東鄉賊匪為是至秦承恩所請撫卹興安地

方民人各事宜均著照所請行

二十二日_{癸巳}明亮德楞額奏言查黃柏山教匪

已經官兵連奪賊卡嚴密攻圍茲又將隨征苗
 疆之宜昌施南等處官兵酌派二千餘名交總
 兵張廷彥帶回聽候福寧酌量調用想該處賊
 匪可期剋日殲除惟達州一路教匪節據觀成
 英善等知會自東鄉失陷賊勢較張近日又與
 巴州屬之方山坪王家寨土壩營教匪勾連起
 事自達州以致太平大路亦有梗塞查川省民
 情向來喜事遊惰之輩亦多而巴州等處界連
 楚陝地方遠濶尤為藏奸淵藪若非厚集兵力
 剋日剿除設再有蔓延關係甚重臣等權宜緩
 急自應帶兵赴川以期迅速集事是以現將應
 撤川兵三千餘名分起間日進發臣明亮卽帶
 頭起官兵定於十三日自永綬起程臣德楞泰
 俟川兵全撤隨後督催前進並查此次苗疆所

聖訓寶鑑卷五

十一

調滇省官兵幾及二萬除現在酌留苗疆二千
 名外其餘概應撤回臣等公同商酌因達州大
 路教匪旣形猖獗應請於撤回滇兵內擇其與
 川省較近營分挑出三千名一併帶往實為便
 捷
 同日景安奏言臣接據總兵王文雄來信賊匪
 又復北竄至桐栢隨州交界處所王文雄帶兵
 前往迎擊途遇慶成德光德齡帶兵前來抄截
 該總兵遂會合一處併力截剿又聞惠齡恒瑞
 亦帶兵前來賊匪又復分爲兩股折回逃竄一
 股由山路奔往東南一帶慶成德光德齡等帶
 領馬步隊前往抄擊王文雄帶兵於桐栢交界
 要隘攔截一股復向南竄惠齡恒瑞等帶領馬
 步隊緊壓追剿賊勢實已窮蹙惟官兵趕到賊

聖訓寶鑑卷五

十一

卽望影奔逃竄徒無定臣已飛飭南汝道率同

地方官齊集鄉勇設卡防守又派叅將德勝都

司蘇大雄帶兵六百名分守關隘並知會王文

雄就近偵探賊匪如向信陽一路奔竄卽移兵

前往相機堵截西路浙川甫經剿定已留兵一

千名並派文武幹員帶領巡防足資彈壓中路

鄧州新野唐縣地方平坦幅員遼濶在在均關

聖諭稽察編卷元

三

緊要所有之兵僅數百名實屬不敷是以臣暫

駐中路率同文武多集兵勇以資堵截均奏入

上命軍機大臣傳諭惠齡明亮額勒登保德楞泰景

安曰明亮奏將應撤川兵三千餘名分起間日進

發於十三日自永綏起程德楞泰俟川兵全撤隨

後督催前進並於撤回滇兵之內挑出三千名帶

往務須加緊行走迅速到川額勒登保先經起程

前赴楚北亦應加緊遊行本日據景安奏賊匪分

爲兩股一由山路奔往東南一帶慶成等帶兵前

往抄擊一向南竄惠齡恒瑞等帶兵壓追此股向

南奔竄之賊諒姚之富等自必在內是以惠齡親

往壓追惠齡等惟當倍加奮勉務獲首逆迅奏成

功

二十四日乙未惠齡恒瑞慶成舒亮奏言據阿爾

聖諭稽察編卷元

四

薩朗訥音報稱探得東北一路賊匪竄往唐家

店地方隨即繞至該處賊人一見官兵排列抗

拒阿爾薩朗訥音分帶馬隊衝入中堅並令翼

長七十五委署前鋒叅領保亨帶領步兵分爲

兩翼左右並進候補知府鄭成基同知周季堂

叅將烏爾卿額等帶領鄉勇繞過賊後截其竄

路賊匪見馬隊衝入卽思返身回竄因被鄉勇

圍截遂捨命直撲前來鄭成基周季堂等身先
 士卒奮勇截殺官兵從後追擊登時殺死三百
 餘人餘賊冒死奪路盡向西北奔逃時因近夜
 卽在該處紮營詎賊匪狡獪異常於三更後復
 從溝內潛出齊來撲營經官兵鎗礮齊發擊死
 無數保亨跳出卡外射死執旗二賊餘匪始退
 鄉勇頭人郭輝五執矛趕上連斃三賊不意頭
 中鎗傷陣亡衆兵勇等生擒賊匪黃大德等二
 十三名訊稱此夥賊匪係王大樹帶領因探聞
 姚之富等被官兵剿散向石門一路潛逃是以
 王大樹差人各處招聚逃散夥黨現有二千餘
 人一同跟尋希圖會合張富國現因年老多病
 已將所領一千餘人交伊徒陳谷保率領僞稱
 元帥等語當將該犯等正法臣等探明姚之富

聖朝聖編卷五

五

等率其黨與逃出石門與黃大德所供相合因
 恐其竄入豫境隨知會景安並總兵王文雄加
 意堵截一面令總兵德光德齡帶兵二千名由
 三合店繞向鄭家河過其北竄之路臣恒瑞慶
 成舒亮同碩雲保六十七並巴圖魯侍衛丑保
 等分帶馬兵由西南一路兜剿臣惠齡帶領文
 武員弁由東北一路圍截十三日臣恒瑞慶成
 舒亮等行至曾家店遙望山梁上賊旗布滿分
 爲數隊約有四五千入適臣惠齡率領馬步官
 兵亦抵該處合兵馳上山岡賊匪分遣夥黨從
 上壓下我兵鼓勇直上鎗箭並發賊匪公然不
 退並見騎馬賊內有一賊手執大旗左右招搖
 抵死抗拒前賊被殺後賊復前臣等隨親督官
 兵一齊衝上兵鋒所到殺死五百餘人賊始潰

聖朝聖編卷五

六

散盡從白雲山西南奔逃我兵在後殲剿又殺

死三百餘人臣慶成帶領巴圖魯侍衛等將執

旗賊目生擒並拿獲夥匪廖正楚等五十二名

臣慶成胸右受有矛傷三等侍衛哲克頭受石

傷均不甚重現仍帶兵打仗臣等因思賊眾既

向白雲山一路而逃必由石門行走當即商定

臣恒瑞率領原帶官兵另覓小路飛赴石門截

剿平三省邪匪方略

七

剿時值王文雄帶兵前來十四日與德光德齡

相遇當即合為一處行至鄭家河正遇臣等剿

敗之賊蜂擁逃至隨縱兵掩擊賊匪進退無路

竟敢直前迎撲我兵鎗箭並施又殺死三百餘

入各賊料難抵敵分向山內狂奔臣等當即連

夜分投追剿至十五日於新城地方又殺死四

百餘名生擒賊目李潮等三十二名及騎馬小

兒一名餘匪棄其輜重復分兩股向東南西南

奔逃臣等因官兵連殺三晝夜未免稍乏且離

豫省邊界已近是以暫行紮住隨提執旗賊目

並小兒等逐一質詢據賊目供稱名喚陳谷保

係張富國之徒張富國年老手下賊夥俱交該

犯管領偽稱元帥李潮即係該犯名下小頭目

現在王大樹等已與姚之富會合今被官兵剿

剿平三省邪匪方略

六

敗姚之富等復行分竄逃生他們原說如遇官兵

不能抵敵即四散分逃使官兵難以追捕今逃

往何處實不得知道小兒名叫姚裕是姚之富

之孫姚是瓏之子等語質之李潮廖正楚等供

亦相同當即分別寸磔梟示臣恒瑞舒亮隨帶

官兵向西南進剿臣慶成等帶兵向東南追捕

臣惠齡直向正南接應東西兩路探知四散潰

匪於十六日紛紛逃至解家河臣惠齡卽帶兵

到彼探得左右山坳各有賊匪二三百名潛匿

當遣副翼長富廉叅將穆克登布帶兵往剿左

手山坳之賊協領穆克登佈副將皂靈保帶兵

往剿右手山坳之賊臣惠齡率領道員先福恒

慶等居中策應賊匪不料官兵驟至爬山越嶺

覓路亂逃官兵兩路兜圍立將各潰匪全行殺

《聖朝聖紀卷五

九

盡現仍確探賊蹤設法兜截務在擒渠迅速集

事

同日宜綿觀成英善奎舒勒禮善明興奏言臣

宜綿明興於初五日行抵東鄉縣屬之大成寨

臣英善亦星夜趕至會同商酌張家觀地險賊

多非厚集兵力難以一鼓蕩平而東鄉縣治及

會家山均經賊匪盤踞又於金我寺清溪場兩

處分屯賊匪各數千人若同時並舉兵力實在

不敷若先攻一處賊人又必爭相接應况太平

達州新寧開縣界連東鄉之處均須撥兵防守

口鎮臣百祥攻剿王家寨又分兵勇數千現據

稟報尙未得手必俟王家寨方山坪以次削平

始能會攻張家觀臣等實深焦急適據普光寺

卡盤獲奸細宋思攀宋思福二名解營訊據供

《聖朝聖紀卷五

十

稱張家觀賊首徐添德因聞官兵攻剿王家寨

卽於張家觀及東鄉各抽壯健賊匪數千定於

初八日由後河一帶覓路前往救援王家寨等

情臣等因思張家觀之賊既已分屯於金我寺

清溪場今徐添德等料官兵遠剿王家寨不能

卽來又思遠出救援所留守寨之賊必不能多

正可乘機攻剿現在兵力未充擬於後河一路

安設疑兵使賊匪不敢遽進臣等儘所有之兵

分路潛赴張家觀及東鄉乘夜攻取隨飛飭鎮

臣百祥等令其趕緊攻打嚴密堵禦並派都司

夏福等各帶兵勇百餘名於後河之雙河場瓦

窑壩胡家場周家河等處隘口各立帳房旗幟

以遏東鄉賊匪接應王家寨之路維時川北鎮

臣朱射斗帶領苗疆撤回川兵二千名亦陸續

到營適臣奎舒自打箭爐回至成都接奉

硃批奏摺令前赴軍營幫辦隨於初十日偕臣觀成

趕到督率朱射斗及將備等由馬鞍山至三墩

坡一路臣英善勒禮善督率鎮臣艾如文副將

富明阿等由冉家壩橫山子至茅坪一路同取

張家觀臣宜綿明興督率鎮臣索費英阿帶領

副將王清弼姜敏功等由老君洞襲會家山直

趨東鄉縣治是日賊首徐添德等行至周家河

附近山梁望見帳房旗幟以為兵勇衆多果不

敢進臣宜綿明興等已於是夜三鼓潛抵會家

山賊匪果未設備官兵奮勇齊上一擁而登賊

匪驚潰當將寨柵燒燬火光燭天張家觀守寨

賊目周方遠等望見火起率衆下山趨救臣明

興索費英阿攔頭截殺賊衆拚命直衝短兵交

接正在相持之際臣觀成奎舒已抵三墩坡臣

英善勒禮善亦至茅坪各勵兵勇衝入賊柵賊

衆尙復抗拒艾如文等率衆先登鎗礮齊發賊

匪勢不能支望後退走乘勢擁進奪取賊卡趕

緊追殺至二層崖上臣觀成等令官兵用火箭

射入頭層寨內草棚火起延燒貯藥之所煙焰

四衝我兵四路用土袋填壕齊抵寨脚守寨之

賊倉惶失措我兵砍開寨門蜂擁而入擒獲賊
 匪蕭良久等三百餘人老弱婦女燒斃及殺死
 者無數餘賊皆翻山滾崖而逸臣奎舒勒禮善
 督同將弁四面搜山臣觀成英善沿途追趕至
 大東林渡賊衆尙在格鬪兩面夾攻賊匪擁擠
 落河淹斃甚多生擒周方遠等一百餘人天色
 黎明臣宜綿明興帶兵由會家山乘勢攻取東
 鄉該縣本無城垣賊匪知張家觀已破不敢迎
 敵皆自東門竄出臣等卽分駐縣治內外以防
 賊匪竄回派撥艾如文朱射斗索費英阿等分
 路追殺逸匪並赴後河一帶邀截賊人歸路一
 面招集難民妥爲撫卹並恐城鄉居民奸良莫
 辨派道員李憲宜清查辦理所獲糧食什物分
 賞出力鄉勇鎗礮軍械存貯備用賊目蕭良久

《聖朝實錄卷九

三

周方遠均帶重傷訊非緊要賊首卽凌遲處死
 餘賊四百餘人訊明悉行處斬賊首徐添德等
 知巢穴已破回救不及折而東竄經艾如文朱
 射斗索費英阿等邀截擒斬其餘俱歸入金莪
 寺清溪場兩處查金莪寺三面陡崖其險不下
 於張家觀又與清溪場互相首尾兩處匪黨本
 有萬餘人今徐添德又率強悍賊匪數千歸併
 其中勢必恃險抗拒其地東北逼近開縣太平
 等處又恐四出焚掠臣等飛飭各隘口添派兵
 勇加意防堵卽日分路進兵迅速掃除庶免蔓
 延爲害其巴州通江所屬王家寨方山坪兩處
 賊巢現經兵勇四面圍困賊匪不能突出不日
 亦可蕪事
 同日德楞泰奏言臣於三月初八日行至新寧

《聖朝實錄卷九

四

接據觀成英善飛札內稱張家觀賊巢業已攻
 克東鄉縣治亦經收復賊匪現據金莪寺勢仍
 猖獗令臣將現領川兵卽赴金莪寺之西剿堵
臣卽同提臣穆克登阿鎮臣達音泰於初九日
 馳抵楊柳坪軍營面晤宜綿觀成英善會商進
 剿事宜適接明亮札知現在賊匪在金莪寺負
 隅抗拒詢之士人均稱東鄉祇須嚴密堵禦並
 無鄰近賊巢路逕可以進攻現查馬伏山緊臨
 金莪寺之上如在彼紮營安兵向下壓攻最爲
 扼要臣所帶川兵三千名先因金莪寺之南兵
 力不敷卽經派撥五百名交遊擊沈宗文帶領
 在白瓦溝添防又查達州兵力甚單東鄉所屬
 之羅江口在金莪寺之西亦係達州緊要隘口
 亦派留五百名交叅將胡尙賢帶赴添防所餘

聖著聖編卷五
 五

川兵二千名臣卽帶領於十三日前赴馬伏山
 軍營會同籌剿其後到之滇兵現已飛催迅速
 行走臣惟與明亮宜綿等和衷熟籌趕緊辦理
 均奏入
 上命軍機大臣傳諭惠齡額勒登保興肇景安曰惠
 齡自到襄陽以來屢次剿殺賊匪今又督率將弁
 連日打仗殲戮多名所辦俱好著加恩賞戴雙眼
 花翎並賞大小荷包用昭優眷恒瑞慶成等分路
 剿賊均屬出力恒瑞慶成舒亮訥音阿爾薩朗碩
 雲保著各賞金盒大小荷包王文雄德光德齡著
 各賞玉搬指大小荷包以示獎勵其鄉勇頭人郭
 輝五連斃數賊中鎗陣亡殊爲可惜並著從優卹
 賞前據惠齡等奏賊匪尙有五六千人今經官兵
 殲斃二千餘人其潰逃餘匪不過三千餘人現分

聖著聖編卷五
 五

兩股逃竄業經官兵分路逼剿而豫省邊界先經王文雄帶兵截剿景安亦已回至新野一帶現在首逆姚之富之孫業經擒獲所有各首逆等諒不過在附近地方潛匿無難跟蹤擒捕且賊匪紛紛逃竄入山自必聚為一處與灌灣腦等處情形相似正可趁其聚集併力圍捕與肇現帶楚南撤回各兵行走著漏夜加緊趨行迅抵襄陽與惠齡等合力奮剿至額勒登保亦已帶兵前赴黃栢山一路如黃栢山賊匪已經福寧等剿淨額勒登保即將所帶各兵移赴襄陽一路幫同惠齡等剿辦

二十六日丁酉福寧奏言據查卡總兵慶溥在天

池口地方拿獲奸細黃士榜押解到營臣親加

研訊據供賊首林之華等見官兵圍逼甚緊糧

食漸少思逃到長樂一帶地方焚掠屯聚令賊

聖祖聖孫萬歲

聖祖聖孫萬歲

與張東山等十六人下來探看官兵等語臣一面即密遣安弁將張東山等按名拿獲隔別熬訊供俱相同當即凌遲梟示一面飛行知會成德文圖及鎮將等加意防範十三日夜間果有賊匪數百人潛下徑撲守備李光晟營卡我兵已有準備俟其將至齊出奮擊賊人公然抗拒候補叅將董寧川聞信帶兵前往我兵奮勇爭先殺斃執旗賊目一名餘匪紛紛奔逃又為伏兵截殺及跌巖而死者甚多看來此時賊糧垂盡其勢必思逃竄各路官兵紮卡堵截頗為嚴密惟查黃金嶂迤西有夜遊山一帶山梁為賊所佔最關緊要雖有卡庵皆係鄉勇止可藉壯聲援究難深恃前因成德文圖處兵力無多未能撥兵攻取今添有貴州兵丁自應先將夜遊

山據守俾賊人無從逃竄當卽札知成德帶兵
進取並知會文圖同時攻撲小薄道嶺臣督率
諸神保慶溥關騰等分路攻剿以分賊勢文圖
親督官兵直至前敵令遊擊褚大榮帶兵奮勇
仰攻都司閃懷希帶兵接應賊人鎗礮搗石亂
發我兵不避危險搶至賊卡牆根用軟梯扒牆
賊人併力死拒因卡牆下階陡壁僅容一人不
能競上又見有賊一股從山溝前來接應經副
將朱士奉追擊殺賊無數並乘勢拿卡一座向
前進逼維時成德帶領官弁兵勇乘夜進發逆
匪於緊要路口設卡堵拒我兵出其不意一齊
撲上連拋火彈將賊人卡棚立時焚燒攻破賊
卡斃賊八九十人餘匪棄卡奔逃我兵追至二
卡鼓勇先登立時攻破乘勢前進又將三卡攻

欽定剿平三省邪匪方略

正編卷二九

得遂將夜遊山一帶山梁全行奪取擇其緊要
處所拿營八座嚴爲堵禦阻遏賊人出路其西
面山根與諸神保一路聲勢可通已令相機妥
辦進逼賊巢臣並飭各鎮將率同弁兵更番迭
換緊對賊卡環放鎗礮晝夜不停使賊不得休
息一面悉心設法進攻務期立淨妖氛
同日景安奏言本月十九日據探報賊匪已竄
至楊家墩距溇河鎮僅二十餘里正在派員帶
兵前往又據探報賊已至溇河鎮迤東新店一
帶村莊屯聚時已入夜臣先派令佐領塞博興
額帶領馬兵一百名迤至賊屯迤北湖陽一帶
預爲埋伏諭令俟南略礮響卽行施放鎗礮迤
作聲勢使賊不敢北竄當派遊擊六十五都司
曹星帶領步兵三百名連夜前往四鼓時潛抵

欽定剿平三省邪匪方略

正編卷二九

賊屯處所賊匪並無營卡俱散屯各村正在酣睡毫不知覺該遊擊等帶兵由西北面分爲兩路施放連環鎗向村撲打賊匪倉猝驚慌紛竄村外四散奔逃因夜間山路高低未能多有殲獲然輜重牛畜拋棄遍地北面馬兵聞南面鎗聲亦復施放鎗礮賊匪不敢北竄復向東路棗陽一帶奔逃該遊擊等因夜深路險不便窮追收兵仍回漳河鎮現在賊匪已出豫境探得惠齡恒瑞等已帶領大兵趕抵棗陽吟風寺地方抄截前來此股賊匪自可無虞復擾豫境再據報東股賊匪被剿窮蹙又復竄至信陽邊界之駱駝店等處臣當卽飛催王文雄迅速帶兵前往並接准惠齡來信已令慶成德光等帶領大兵緊追抄擊茲據王文雄報稱賊匪至駱駝店

聖諭

三

鄭家衝等處經守備何昇等帶兵迎擊適大兵亦已趕到合力協剿賊卽竄過將軍店欲奔隨州應山諒此敗竄餘匪兩路截殺自可殄滅無遺同日汪新奏言臣因探聞賊匪復竄西北飭令附近樊城各卡並駐守夾河洲等處之鎮將道員等晝夜偵探加意嚴防茲據探報本月十三四五等日有賊匪一股由棗陽西竄似欲逃向豫境隨據駐守宜城西岸之侍衛烏什哈達具報十六日晚有賊七八百人在古河口測探水淺將欲偷渡當經率領兵勇奮力追擊鎗礮疊發傷斃賊匪多名餘賊不敢前進退向官莊茅子洲等處遁去又據襄陽道胡齊崙具報十八日午刻有騎馬賊二十餘人率領羣賊前來夾

聖諭

三

河洲渡口沿河吶喊公然喚渡正在激勵鄉勇
迎敵忽據郝家營委員知縣高瑤州同俞克振
飛報有賊數百將策馬亂流徑渡該道當留候
補同知虞友度州同董邦安在渡口與賊相持
立即督率原任廣西蒼梧縣知縣陳華祝投効
從九品方文七品職銜生員邱映甲抽帶壯健
鄉勇馳赴該處整隊林立果見賊眾乘馬浮水
內有執旗賊目二人經行營千總甘宗羅李時
霖譚正常等箭射鎗打墮馬落水立即躍入河
心生擒到岸餘賊一擁奔搶經該道督同員弁
鄉勇開鎗擲石傷斃賊匪順流漂沒無數其在
對岸站立及郝家營之賊因知賊目被擒震駭
奔逃當因無船未得過河追剿獲犯王世華方
正彩均係逆首姚之官賊營頭目遣令率眾先

欽定剿平三省邪匪方略

正編卷二九

行沿河探看淺灘希圖竄逸當即寸磔示眾又
據粵標中軍候補副將馬爲錦具報十八日卯
刻老鸛灘王家河地方各有賊數百人潛行窺
探將欲鬼水偷渡當經放鎗擊退又據襄樊同
知蕭與潔遊擊什圖賈永吉等具報十七八等
日潘家臺陸良河報恩寺等處均有賊各數百
人前來窺探當經開駁放鎗旋即奔竄並據陸
續擒獲奸細李莊士等三十餘名前來現俱訊
明正法臣查前此賊匪竄向豫界均由夾河洲
等處涉水徑渡今妄希由此復竄該處河洲綿
長五十餘里經臣派令鎮將道員等各帶兵勇
分段安營且河身先已築壩蓄水深至七八尺
丈餘不等斷難徒涉是以連日分投力撲並無
一名竄越均奏入

欽定剿平三省邪匪方略

正編卷二九

上命軍機大臣傳諭額勒登保福寧曰黃栢山賊匪屢被官兵剿殺勢漸窮蹙希圖弋竄經成德等帶兵截殺將夜遊山一帶山梁全行攻取此次官兵打仗不避危險奪據要隘阻遏賊人出路甚屬可嘉文圖著交部議敘所有出力兵丁著賞給一月錢糧其受傷陣亡者查明加倍優卹現在黃栢山各路營卡聲勢聯絡賊匪被圍日久糧食將盡福寧務督率官兵一面嚴密防堵卽一面設法迅速進攻四方臺掃蕩賊巢額勒登保現已自湖南起身來楚不日可到福寧能於伊未到之前將賊匪剿淨方爲福寧之功至福寧摺內奏稱飭令各該鎮將督率弁兵更番迭換緊對賊卡環放鎗礮等語殊無此理緣官兵丁往往未見賊匪先放鎗礮鎗礮爲行軍利器必須賊匪近前始行施放方爲

得力若僅對賊卡環放豈不施之無用之地况更番迭換焉有如許火藥接濟必致臨敵轉形短少而弁兵等亦必至於疲乏殊非用兵之道嗣後當飭知將弁等勿得空放鎗礮糜軍火勞兵力也

上又命軍機大臣傳諭惠齡景安汪新曰湖北襄陽一帶賊匪節經官兵剿殺分股奔逃其竄至漳河鎮迤東之賊經景安預派弁兵防堵並於夜分乘其不備潛抵賊屯處所分投撲擊將賊匪截回所辦甚好深合機宜其分路帶兵邀擊賊匪之遊擊六十五都司曹星俱著咨部議敘至竄近襄陽賊匪於夾河洲地方希圖偷渡經汪新督飭該處員弁帶領鄉勇迎頭攔截將賊匪擊退無一名竄越其生擒賊目之千總甘宗羅李時霖譚正常奮勉可嘉均著咨部議敘以示鼓勵現在賊匪向南逃

竄距豫境已遠惠齡等於東南西南正南三路分兵兜剿惟當鼓勵將弁乘官兵勝勢上緊兜圍以冀逾期竣事

二十九日庚子巴克坦布慶成奏言臣等同副都

統訥音總兵德齡德光各帶滿漢官兵由桐栢

山邊界截剿因聞賊匪折回東北漸近信陽州

地方臣等連夜繞山抄截於十七日至信陽州

屬駱駝店地方適遇賊匪當經官兵迎頭截殺

賊復南竄查近日賊匪並不與官兵對敵惟從

山內深林密箐轉折竄逸專走高峯峻嶺路徑

陡狹僅容一騎臣等帶領官兵兼程前進於十

九日至應山縣邊界之界河地方探知賊匪復

行折回北竄臣等恐步兵繞回追趕不及令在

該處駐扎先帶馬隊馳往詎賊匪在山瞥見官

兵繞來紛紛越山向東南逃遁俯由大路竄至

東望店距河南武勝關甚近仍可北入信陽臣

等若追蹤前進必致折回又恐兜剿不及隨即

督兵由僻路兼程抄繞二十一日先至武勝關

賊匪已向北來相距二十餘里一聞官兵在前

又復竄至東南深山臣等詳查桐栢信陽孝感

黃陂四州縣大山綿亘二三百里處處可通賊

情狡得奔竄靡定武勝關為楚豫接壤緊要驛

路現無兵勇防堵臣巴克坦布帶火器營步兵

暫在武勝關防守俟豫省防堵之兵到來再行

接續前進臣慶成與訥音德齡德光帶領弁兵

先即加緊抄截惟期速擒首逆早靖餘氛奏入

上命軍機大臣傳諭惠齡德楞泰景安曰巴克坦布

等奏武勝關一帶現無兵勇防堵巴克坦布帶兵

等奏武勝關一帶現無兵勇防堵巴克坦布帶兵

暫在該處防守武勝關既為楚豫交界緊要之處
自應設有專汛何以無兵防堵或係調往他處著
景安查明具奏德楞泰現經起程務當加緊行走
以期迅速到川並著沿途探聽如一得川省戴功
之信即於途次轉回先赴襄陽協力兜圍將姚之
富等擒獲自可迅速戴功

聖朝新編卷五

羌

欽定剿平三省邪匪方略正編卷三十 丁巳年

三月初三日 癸卯 興肇奏言 接准額勒登保等

移知令將現在荊州滿兵一千七百餘名帶往

襄陽 臣 即將撤出鎮寧乾州二路兵分為四隊

于二月初四日親領頭隊自乾州起程二十一

日至荊州次日接奉

上諭令 臣 迅速前往襄陽合擊賊匪 臣 遵將滿兵內

聖朝新編卷五

一

患病者撤回挑足一千七百名仍分四隊于二
十四日自荊州起程俟行抵軍營會同惠齡擊
除賊匪奏入

上命軍機大臣傳諭惠齡曰荊州距襄陽不遠計興
肇於二十八九內可到前據惠齡等奏殲斃多賊
並擒獲姚之富之孫賊勢益加窮蹙現又添興肇
所帶得勝生力兵丁一千七百餘名軍威壯盛豈

尙不能剋期竣事再劉起榮一犯現經解到令軍機大臣等嚴訊據供前在張家塢地方焚燒村莊抗拒官兵有李槐劉啟華幫同打仗又前在白龍觀聚眾時有李述同高成傑入夥眾人都稱他爲李叔約三十多歲劉起榮被獲李述在隨州一帶逃散等語除高成傑一犯早經官兵殲斃外所有李槐劉啟華李述三人俱係賊中要犯並著惠齡等留心查拏按名就獲勿任漏網

欽定剿平三省邪匪方略

正編卷三〇

初四日甲辰惠齡恒瑞舒亮奏言臣等前同慶成在鄭家河等處將賊剿散賊匪分路狂奔所有兩河口以下經臣惠齡於報恩寺等處派員築壩三處積水漸已寬深並因宋家埠口至陳家中營綿延一百餘里水勢深淺不一臣隨飭委總兵馬瑀督同原任總兵楊秀等帶領官兵一

千數百名襄陽道胡齊嵩帶領御勇六千名分段安卡悉力嚴防並委總兵徐昭德帶領兵勇在黃龍塢一帶防禦其襄江西南各岸灘高水淺處均撥兵勇嚴守飭委侍衛烏什哈達特松額會同地方官督領稽查詎賊匪狡惡異常其由西南逃竄之賊探知臣等兩路截剿率其黨與連夜狂奔夾河洲襄江等處踴躍偷渡冀向西南各處分逃旋據烏什哈達等稟報賊匪屢向郭海營等處窺探均經擊退並據馬瑀胡齊嵩稟稱十八日賊向唐河之劉家大灣郝家營老鶴灘潘家臺王家河等處或六七十人或一二百人乘夜潛來到處窺探並騎馬欲渡唐河時馬瑀胡齊嵩楊秀督率分守卡段之副將白守忠等各帶兵勇排列河干鎗打箭射殺賊不

下二百餘人餘均竄回行營干總甘宗羅李時
霖譚正常等生擒賊目王世華方正彩二名並
各路擒獲賊夥詹成彬李莊士等三十五名解
送前來訊據供稱姚之富等因剿捕緊迫商同
四散奔逃既可牽綴官兵並得苟延殘喘昨來
分起偷渡不料竟被官兵打退姚之富等不知
逃往何處至東南一路是李述張富國帶領夥
黨逃往隨州應山一帶山內藏匿現在不知下
落等語當將該犯等分別凌遲正法旋差探賊
匪又折向淳河鎮一帶臣等帶兵兩路抄截於
二十日卯刻至新店地方遙聞鎗礮之聲料係
豫省官兵乘夜截剿隨一面差探一面埋伏果
見賊匪紛紛而來我兵迎擊殺賊又經伏兵四
起截殺六七百人生擒執旗賊目戴有成等三

十七名一併凌遲梟示並探悉賊匪竄赴邢家
川屯聚隨於二十三日子時進發黎明趕到賊
匪正在炊爨不料官兵驟至即有賊目數人執
旗招集騎馬賊匪約四百餘人直來衝撲我兵
馳馬迎剿左衝右擊殺死多人餘賊偕步行賊
匪奔上對面大山臣等分領官兵向上直撲賊
即站住山腰拋石如雨我兵冒險齊上因山路
拗折馬力難施各兵均下馬攀援追殺賊匪不
能抵當即於山勢陡險之處側身滾下我兵從
上拋石擊打殺死百餘人餘賊四散奔逃官兵
分隊追趕各殺死一二百人不等墜岩跌死者
不可勝計並擒獲活賊張大有等八十三名奪
獲牛馬刀械無算旋據探馬報稱賊匪敗後復
分為兩股一向洪山一路南逃一向泰山寺一

帶東竄^臣等公同商酌恒瑞舒亮帶兵往追東竄之賊惠齡帶兵往追洪山竄匪二十四日^臣惠齡行至丁字店遙見相離十里外隱有烟起遣人前探果有伏賊四百餘人當卽帶兵剿捕殺死二百餘人擒獲朱正昭等十四名婦女幼孩八十五名餘賊分竄訊供與前獲之犯相同並稱此內並無頭目因係分起逃走我們因落^臣後做飯遇見官兵大衆商議總想要官兵分投追趕頭人等好從無兵處逃走所以忽分忽合毫無定準等語當將該犯等正法婦女幼孩押解地方官暫行收禁分別辦理查此數日內^臣等所遣探馬回報均稱各處皆有賊匪潛匿人數多寡不等迨經遣人往捕又已逃逸無蹤鬼域情形實堪髮指今據朱正昭所供與現在情

欽定剿平三省邪匪方略

正編卷三〇

事適相符合是其借此牽掣官兵以便姚之富等從而遠竄已無疑義雖各逆實在去向獲犯均未供明而查看東南竄匪人馬較多姚之富等當在其內但其勢已窮蹙若再加緊逼剿賊黨益分不特兜截愈難且恐各首逆乘隙漏網或情急自戕轉得幸逃^臣國法現在^臣等互相知會暫緩窮追一面帶兵抄繞小徑四路分安然後漸逼漸緊務將各匪聚歸一處以便聚而殲洗仍一面募有認識姚之富等並熟習路徑之人數名帶作眼目分遣查訪一經探明實在下落卽行四面合圍悉力掩捕至慶成一路自與^臣等分投剿捕之後相離較遠屢次差弁往探尙無回信卽慶成處亦無信寄到現復專人持札囑其將如何剿賊情形

欽定剿平三省邪匪方略

正編卷三〇

自行奏報庶可早慰

聖懷惟聞應山一帶近有無賴棍徒冒充教匪恐嚇

鄉民乘機搶掠並據應山縣具報有賊匪數百

名在近城一帶滋擾經該縣莫子捷督勵鄉勇

直前擊殺現已退散等語查該縣界連豫境且

為驛站衝途殊關緊要臣等已經飛咨慶成囑

令分道將弁速行撲滅毋致蔓延

聖諭 聖諭 聖諭 聖諭 聖諭 聖諭 聖諭 聖諭 聖諭 聖諭

八

同日景安奏言查前此浙川內鄉教匪陰謀糾

結經臣督兵馳往剿捕教匪悉予擒誅至鄧州

唐縣新野邊境村莊當賊匪竄擾焚掠時所有

遷避民人經臣督飭各地方官妥為安置量加

撫卹未致遠徙賊退後隨即招集歸業雖被焚

房屋未能一律興修現在或搭棚棲止或於附

近借居仍得及時耕種甚為安堵再連日探得

中路賊匪經臣處恭剿出境復竄至棗陽隨州

一帶臣有惠齡恒瑞等統領大兵趕剿其東路賊

匪現聞竄往應山地面有慶成德光等帶兵追

擊兩路賊情實已窮蹙但分股竄徙無常地方

遼濶難以處處設兵堵截惟有不時差弁遠探

視其趨向相機堵截現在臣於鄧州唐縣新野

邊境往來策應總兵王文雄在信陽桐栢一帶

聖諭 聖諭 聖諭 聖諭 聖諭 聖諭 聖諭 聖諭 聖諭 聖諭

九

防堵均奏入

上命軍機大臣傳諭惠齡額勒登保景安汪新曰惠

齡等帶兵分路抄截殲賊共有千餘逸匪仍翻山

越嶺四散奔逃實為可惡昨據慶成奏在東南一

帶追捕賊匪其東奔西竄情形與惠齡等所奏相

同看來賊匪雖已分股奔逃勢漸窮蹙而四處竄

逸並無定向今惠齡等互相知會暫緩窮追帶兵

抄繞小徑分路將賊匪逼歸一處以便殲洗此亦一法但總須探明賊首姚之富等實在下落併力掩捕現在興肇業經帶兵前抵該處額勒登保在黃栢山剿辦完竣亦當移師前赴襄陽與惠齡等會合而川省賊匪業經宜綿等收復東鄉即可剿淨明亮等於事竣後復可赴楚助剿襄陽賊匪勢已潰散今有如許官兵合力堵剿豈尙不能迅速

聖祖聖訓卷三十一

十一

蕨事惠齡等當倍加奮勉設法籌辦再據奏由西南逃竄之賊欲由夾河洲襄江向西南分逃甚關緊要著傳諭汪新督飭官兵將來河洲等處嚴密防堵勿任乘間偷渡又據景安奏東路賊匪現竄往應山地方窺伺滋擾該處與豫省信陽桐栢一帶境壤毗連景安必須督率官兵相機防堵毋使賊匪又擾豫境並著慶成德光等速行帶兵追擊

悉數殲除

初五日^乙額勒登保奏言^臣自鎮筸起程於二

月二十七日行抵荊州查得自湖南撤回之湖

北滿洲綠營兵四千餘名業經將軍興肇帶赴

襄陽^臣現領湖北兵三百餘名於二十八日自

荊州前往黃栢山所有兩廣未到之兵一千五

百餘名飭令上緊趨行俟到彼後察看地勢賊

聖祖聖訓卷三十一

十二

情會同福寧相機剿辦務期迅速成功奏入報

聞

初六日^丙宜綿奏言查通江賊匪竄入巴州之

王家寨與方山坪嘯聚之賊互爲首尾距漢中

府屬均在六七百里以外奏承恩責成知府榮

德鄧夢琴雇募鄉勇分佈防守各隘口^臣又派

漢興道文需照料稽查聲威頗壯柯藩於光頭

山事竣後帶領兵勇遍歷安康紫陽各山內追

搜逸匪地方俱極寧謐柯藩已於二月二十二

日行抵東鄉軍營是陝省毗連川楚各邊界有

秦承恩駐劄興安調度兼應足資倚仗至巴州

賊匪恃險負隅經臣派重慶鎮百祥等帶領兵

勇先赴王家寨相機剿辦復調駐守漢中之延

綏兵五百名前往協剿又經觀成英善派知府

《聖朝聖訓卷三十一》

十一

李杭都司羅定國等帶領兵勇圍守方山坪邊

其接應王家寨之勢不日自可竣事惟東鄉賊

匪經臣與觀成英善收復縣治攻克張家觀賊

巢後賊匪併聚清溪場金莪寺兩處地方甚險

連日踴明途徑派撥將弁分作五路進兵二十

一日臣所派副將玉柱等抵楊柳坪正在紮營

詎清溪場賊首冷添祿等膽敢率賊六千餘人

直撲營盤該副將與候補知州劉清等鼓勵兵

勇併力堵剿武童李子青帶領鄉勇五百名由

白堽寨截殺共殲斃一百六十五名生擒二十

三名訊非緊要賊目當卽磔梟觀成英善所派

總兵朱射斗亦於是日帶領兵勇前進將至南

壩場探知金莪寺賊首王三槐等率賊五六千

人在彼焚掠該鎮督兵進擊殲賊甚多賊匪潰

《聖朝聖訓卷三十一》

十一

散而去是日兩處殺賊均係倉猝之間以少勝

多賊鋒已挫連日陰雨山路險滑未能進攻現

在朱射斗紮營黃石溪艾如文紮營白瓦溝索

費英阿紮營馬伏山玉柱等紮營清溪場臣與

觀成英善柯藩明興分途馳往就近策應均距

賊巢不過二三十里一俟天色稍霽即可四面

夾攻

同日秦承恩奏言臣前與柯藩剿淨光頭山賊匪正在籌辦善後事宜適准宜綿咨稱擊獲奸細何如會供詞內有東鄉賊匪欲歸併巴州通江先搶漢中再到西安之語又其時襄陽賊匪擾及河南鄧州邊界擊獲奸細亦有欲潛竄商維之供臣以此等賊匪詭譎異常所供原不足信當飭地方官祇須密為防範不得稍露驚疑

欽定剿平三省邪匪方略

正編卷三〇

惟是省南三面均有應需堵禦之處而漢中密邇通巴城守兵丁僅止一百餘名更形單薄計西安滿漢官兵前後調派出征者四千餘名延綏興漢兩鎮官兵派赴川楚二省者三千餘名設有緩急斷難再有調撥是以前摺

奏請添兵茲

諭令柯藩將原帶之兵迅回漢中自當欽遵辦理惟

連接宜綿來信知巴州方山坪等處之賊已派總兵百祥督率兵勇會同川省四面兜圍柯藩於未經奉

旨之先已帶領光頭山得勝之師馳抵太平現經派防金莪寺賊匪北竄之路外患既遠本境自寧且先經派赴興安協剿之漢中協兵二百名臣已飭令回汛兵威稍壯與月初情形又復不同

欽定剿平三省邪匪方略

正編卷三〇

此時宜綿正在會合各路官兵剿捕柯藩自應留川幫辦毋庸令其帶兵回陝均奏入

上命軍機大臣傳諭宜綿秦承恩日清溪場金莪寺兩處賊匪負隅屯聚經宜綿派兵分路進攻賊目冷添祿王三槐等膽敢率眾抗拒我兵迎頭衝殺殲斃甚多所辦尙好總兵朱射斗副將玉柱打仗出力均著咨部議叙其帶領鄉勇截殺賊匪之武

童李子青亦著賞給八九品頂戴以示獎勵該處賊匪又經官兵分路攻擊大挫賊鋒宜綿觀成英善等分途帶兵近逼均距賊巢不過一二十里務當倍加奮勉上緊剿辦至前此秦承恩因聞賊匪欲歸併通巴潛出滋擾之信奏請令柯藩帶回興漢鎮兵丁並密調山西兵一千名所辦原未免張皇今據奏陝西本境尚為安靜秦承恩惟當在漢中一帶督率嚴防鎮靜辦理

聖諭 聖諭 聖諭

六

初九日已酉景安奏言臣在中路唐縣新野鄧州一帶堵截楚匪連日探聞賊勢被剿窮蹙分股奔逃豫省中路邊境遼闊平坦恐其復行折回必須分股設兵防堵查浙川地方現已寧貼當於原留一千兵內撤回五百名正在布置間據南汝道陳鍾琛稟稱有一股賊匪由信陽之申

陽等處翻山竄入確山縣境之石滾河溝竹一帶滋擾一股賊匪復折向東竄至羅山縣境之仙花嶺王文雄已帶兵前往堵截又據光州知州莊荏民稟稱光山與羅山連境之墨斗關千金堡等處亦有賊匪分投竄入焚掠已稟請現駐固始之壽春鎮總兵定柱前往截剿臣查確山係南北驛路甚關緊要且在信陽之北此股賊匪急須速行撲滅今聞王文雄已往羅山僅派參將德勝帶兵二百名前往截剿恐不足恃臣當將中路邊防事宜布置妥協分撥弁兵暫交臬司陳文緯往來照料臣即親帶馬步兵六百名星馳抄道前往確山惟相距五百餘里兼之陰雨泥濘河水漲發步隊難以趨行惟有趕緊前往相機迎剿並一面密札河北鎮總兵

聖諭 聖諭 聖諭

七

張文奇酌帶弁兵以巡閱營伍為名前赴許州
駐紮以備策應除俟臣趕抵確山一帶先將該
處賊匪極力擊退即探明羅山光山等處剿賊
情形何處緊要再馳赴何處會同截剿奏入

上命軍機大臣傳諭惠齡景安曰襄陽賊匪被剿窮
蹙分股奔逃至河南邊境景安親帶兵馳往確山
迎剿並派總兵王文雄前赴羅山知會壽春鎮定

剿平三省邪匪方略

六

柱在光山一帶堵截亦祇可知此辦理此等賊匪
自係被湖北官兵剿散分股折回豫省邊界希圖
四散奔逃以為牽綴官兵之計景安當探明何處
賊多即先行兜剿寧可使之南竄不致闖入豫境
為要慎勿因楚省潰敗餘匪一任湖北官兵往來
追捕不但兵力易於疲乏而緊要賊首及屯聚賊
眾轉不能併力殲擒致墮奸計至首逆姚之富等

現在何處惠齡曾否探明實在下落設法掩捕又
巴克坦布慶成在武勝關一帶追剿竄匪該處距
信陽州不遠伊二人曾否已至信陽截剿抑又往
何處剿賊何以未據奏報並著查明具奏

初十日庚戌福寧奏言臣自前次督率官兵奪佔

夜游山賊卡後嚴飭鎮將帶兵緊對賊卡日夜
施放鎗礮不令賊人稍有休息祇因春雨連綿

剿平三省邪匪方略

七

山路溥滑復經知會成德文圖並各鎮等一俟
晴霽即行四面攻剿又因小薄道嶺一帶賊人
所築卡牆甚堅當將新鑄大銅礮三尊派弁送
至黃金嶂營盤應用並設法誘賊下山茲慶溥
一路將水連賊卡茅蓬焚燒爭盡諸神保一路
截殺竄賊多名餘匪逃回原處拒守察看情形
併嚴訊獲犯據供逆首林之華覃加耀自知滅

亡在通併力死守添築卡牆到處挖濠堆石為苟延旦夕之計而薄道嶺為四方臺屏障四方臺又為賊巢門戶逆匪精銳大半在此一路亟應設法進取二十七日天氣開霽臣督率諸神保慶溥關騰各路同時進攻成德文圖率領副將朱士奉褚大榮等帶領漢土官兵分三路進攻小薄道嶺一帶賊卡賊人吹號聚眾鎗礮如雨我兵向上仰攻又將大礮施放賊人情急分遣逆黨多人由山溝潛出冀截我兵之後成德文圖督率兵將分投剿殺斃賊無數奪獲鳥鎗器械數十件自二十七至二十九日攻撲三晝夜賊人憑高恃險用大石滾木盡力推放我兵被傷不少副將朱士奉身先士卒鼓勇而登左膀受有鎗傷把總王永寧亦受石傷土遊擊阿

聖朝聖編卷三

二

朋松多土都司楊德明土守備作斗交及土把總等均各受鎗石傷輕重不等我兵並不退却俱衝鋒奮勇向前直至賊卡之下拋擲火彈將賊人卡內茅蓬燃著逆匪慌亂撲救旋燃旋熄適值大雨卡牆壁立道路狹窄又復泥濘恐更多傷兵力暫行停止臣查賊匪此次復被官兵殺死多人益形迫蹙我兵又已緊逼現在額勒登保已帶領巴圖魯侍衛等官及湖北廣東廣西兵共一千八百名又總兵張廷彥帶領宜昌施南兵二千餘名俱將次可到無難一鼓殲除同日慶成訥臣奏言等督兵於信陽邊界截剿逆匪連日偵探賊匪竄入楚豫接壤之天台山一帶深山并在附近村莊焚掠查天台山北面為豫省確山光山兩縣邊界路徑叢雜均有

聖朝聖編卷三

三

歧路可通東北尚有柴山蓮塘山勢極險峻

臣

等選帶精壯弁兵由豫省邊界向前截剿總兵

德齡德光等自西北一帶督兵掩襲詎賊匪登

山越嶺捨命狂奔山路陡險林密箐深官兵不

能騎馬攀援而進德齡等拏獲活賊據供東股

賊衆由深山逃竄常在山巔暗窺官兵總欲乘

間東竄江南邊界或北入豫境滋擾

臣等以賊

衆豕突狼奔東北面各要隘兵勇設一時防堵

不及所關匪細德齡等仍帶步兵追剿

臣等卽

帶領巴圖魯侍衛弁兵等日間紮營暫息兵力

夜間卽枚疾行於二月二十八日繞出光山縣

界葉家灣地方計已抄至賊前

臣慶成卽帶副

將丁有成遊擊涂登弼等督兵由東北山口進

攻

臣訥音與副都統銜六十七等帶馬兵先上

山梁賊衆正在造飯一聞官兵驟至拋棄食物

越山逃遁忽遇德齡等追兵遂驚慌亂竄我兵

乘勢鎗礮齊發斃賊甚多總兵王文雄亦自西

北帶兵截剿前來賊人復由原路向西南一帶

大山逃竄官兵追殺三十餘里天晚暫爲紮住

伏查賊匪屢次窺伺豫境均被官兵攔頭截殺

未能深入滋擾現在巴克坦布帶火器營兵丁

留防武勝關重山間隔不及接續前來

臣等所

帶打仗滿漢馬步弁兵二千餘名不敷分佈圍

剿現在一面盡力抄截相機剿殺若與惠齡恒

瑞等不拘何路官兵相近卽可彼此知會併力

夾攻

同日汪新奏言查楚北自上年軍興至今各營

應需軍儲均經安站設夫以資飛輓又各營口

需擡送糧餉鍋帳等項並經另設隨營長夫以資搬運其應需夫價口糧前因例給不敷食用酌定各站長夫守空之日給銀一錢行用之日給銀二錢隨營長夫按日概給銀二錢仍各給口糧一升通飭一體照辦茲_臣於抵襄後留心體察如襄陽安陸德安各屬半年以來被賊往來滋擾墟市零落軍行所至食物昂貴各夫日

《聖朝聖訓卷三十一

五

得雇價不敷果腹隨營在站各夫奔馳日久未免漸形疲憊應即另雇解送以供挑換近日官兵追剿多在隨州棗陽等境山深地僻無從覓食各夫均須多帶乾糧且賊蹤倏忽無定俱有戒心必得酌增雇價方能踴躍赴募但需費較多不可不亟籌調劑_臣再四思維楚北土驛十馬實已搜採無餘而各境驢頭不乏尙堪購辦

且日食止需熬草喂飼亦易_臣現已差人分赴附近各境捐賞採買健驢一千頭並委員往來催集日內購足即飭分撥各營站以供馱運竊計一驢負重可抵兩夫有餘健驢一千每日可省二千餘名夫價以節省之贏餘稍補長夫加價之多費即日安襄剿匪事竣如黃栢山軍營尙須轉運此項驢頭復可撥赴濟用似屬有益

《聖朝聖訓卷三十一

五

又昨接據應山縣具稟有賊數百人在近城一帶滋擾節經督率鄉勇放鎗擊退俱即向東逃竄隨准惠齡咨稱慶成現在帶兵前赴應山已由武勝關直前追剿所需糧餉軍火_臣已飛飭藩司祖之望及漢黃道張道源就近督飭撥解接濟並令毘連各境多集鄉勇嚴爲堵截以便大兵掩擊均奏入

上命軍機大臣傳諭惠齡額勒登保福寧景安慶成汪新日福寧攻圍黃栢山雖經焚燬賊卡殲戮匪衆仍未能奪佔四方臺直搗賊巢自係聞知額勒登保將到是以爲此一奏敷衍塞責且摺內所奏情形亦多不實如飭令將弁緊對賊卡日夜施放鎗礮一節殊無此理綠營兵丁往往未見賊匪先放鎗礮虛費火藥於無用之地最爲惡習福寧方

聖祖聖訓卷三十一

三

當嚴行飭禁乃轉令將弁緊對賊卡施放鎗礮至於日夜不止兵丁等不得休息必致不戰自疲兼恐火藥糜費太多難於接濟臨敵轉形缺乏福寧若祇敷衍虛詞已屬無謂倘竟係如此辦理實爲失策可笑又據奏小薄道嶺一帶賊卡賊人吹號聚衆鎗礮如雨等語賊匪聚守多日不能四出搶掠即存有舊時所搶火藥應亦無多何從得有如

許火藥鎗礮竟至如雨此必係綠營將弁怯懦妄報陋習虛張賊勢希冀邀功福寧不察虛實據以入奏所言實不可信額勒登保現已到彼伊係久經軍旅之人於調遣兵丁及查探賊匪虛實皆所諳悉務須會同福寧查明虛實認真督率弁兵力加振作卽行設法進攻擒擊首逆至福寧此次打仗將弁兵丁奮勇進攻間有被傷殊堪憫惜所有

聖祖聖訓卷三十一

三

受傷各兵均著查明各賞一月錢糧副將朱士奉把總王永寧及受傷兵丁均著分別等次咨部照例加賞其受傷之士遊擊阿朋松多土都司楊德明土守備作斗交並土把總等均著各照綠營將弁之例一併咨部賞恤以示鼓勵又湖北潰敗賊匪竄入豫省邊界慶成訥音等繞出光山縣地方抄至賊前截殺由東北山口進攻總兵王文雄亦

自西北帶兵截剿所辦尙好現在該處賊匪向西
 南一帶大山逃竄自不致再向東北擾及豫境但
 慶成山東北山口進攻後曾否追及賊匪巴克坦
 布在武勝關防堵曾否帶兵會合抄截伊等所帶
 馬步弁兵雖不敷分佈圍剿豈不能追殺賊匪今
 究在何處殺賊且所奏亦屬遲緩現在惠齡一路
 官兵正在西南追剿業經慶成等就近知會夾攻
 此次竄回西南之賊惠齡等正可迎頭剿殺與慶
 成等兩面夾擊官兵曾否會合景安在確山堵剿
 曾否將賊匪全行擊退深為慮注惠齡景安慶成
 等務須倍加奮勉剋期蒞事毋得稽延時日致賊
 匪再行乘間北竄又據汪新奏籌辦糧餉事宜現
 當官兵分路追剿賊匪之時糧運正關緊要汪新
 採買健驢以供馱運既可節省夫價糧運又可迅

聖祖聖孫萬歲 卷三十一 天

速所辦亦好汪新惟當督飭員弁趕緊運送毋悞
 要需
 上又命軍機大臣傳諭蘇凌阿王柄曰景安奏湖北
 賊匪分竄豫省之確山光山等處已派總兵王文
 雄前赴羅山知會壽春鎮定柱在光山一帶堵截
 光山羅山等處與安徽潁毫一帶境壤毗連恐賊
 匪被剿緊急乘間闖入王柄現無應辦要事著卽
 以巡閱營伍爲名前往潁毫一帶於豫省交界處
 所駐劄彈壓密爲防範爲定柱後應至蘇凌阿係
 該省總督呼應較靈該督亦卽以巡閱營伍地方
 爲名前赴交界處所督率防堵毋令豫省潰逃賊
 匪竄入安徽境內總須不動聲色妥協防守不可
 稍露楚匪有闖入江境之信以致民情惶惑也

聖祖聖孫萬歲 卷三十一 天

十二日 王景安奏言 臣自新野拜摺後由泌陽

陳家店帶兵趕赴確山初五六日大雨臣鼓勵

弁兵冒雨涉水不分晝夜過行因探聞賊匪由

吳家集直向東北奔竄臣即係逃平驛路臣恐步

兵遲緩先派馬隊二百名令都司曹星同知阿

勒炳阿馳往臣帶步兵四百名隨後策應復飛

飭叅將德勝帶領防守確山兵二百名由遂平

一路前來迎擊連日賊匪正向東北一帶沿山

聖朝實錄卷三十一

三

奔竄曹星等帶領馬隊前往抄截賊匪見官兵

不多竟敢撲拒該都司等奮勇衝擊殺死七八

十名賊匪始行折回由楂牙山向西北奔竄查

西北係舞陽地面當令曹星及守備李光斗帶

馬步弁兵由楂牙山一路追剿臣率領德勝及

遊擊六十五帶領步兵直趨舞陽抄至北面截

擊並飛催河北鎮總兵張文奇帶兵由西北迎

歷其舞陽之北舞渡係水陸通衢最關緊要當

即派令勒炳阿馳赴該處多集鄉勇嚴密防

堵查此股賊匪為數雖不滿千但沿山出沒無

常東擊西竄畏復眾臣處僅有兵數百名實

屬不敷分抄現在惟先由北面截剿俟張文奇

帶兵前來兩路夾擊務期迅速撲滅奏入

上命軍機大臣傳諭惠齡景安曰景安奏帶兵至確

聖朝實錄卷三十一

三

山遂平一帶截剿賊匪情形所辦尚好賊匪自湖

北竄入河南確山境內向東北奔竄經景安派兵

截剿復折向西北舞陽地方奔逸看來賊匪往來

無定希冀竄入平坦地方焚掠滋擾實為可恨此

股賊匪必有為首之人在內恐其到處畏脅又復

糾聚景安務宜倍加留心趕緊截剿並將賊首設

法生擒剿盡餘黨景安前在浙川時帶兵尚有千

餘名何以現在所帶兵丁僅有數百其餘兵皆在何處卽著該撫將現在如何派撥是否再需酌調之處查明具奏

十三日癸丑汪新奏言竊照襄陽地方習教從逆

及良民被逼入夥者經臣欽奉

恩旨謄黃宣諭如能及早投出概免究辦隨據各屬

具報赴官投首者絡繹不絕均卽登記名姓設

製署龍慶編卷三十一

三

廠給糧卽藉撫卹以事羈管月餘以來各廠投

出之人尙爲寧靜並據駐守夾河洲之襄陽道

胡齊崙具稟三月初一二等日行營千總吳鎮

巡檢蕭應登在雙溝黃龍岡一帶巡哨均經檢

獲申錢二百文上繫逆詞一紙字句狂悖隨卽

派員改裝易服密帶鄉勇赴附近各村莊偵緝

旋據候補知縣徐鏞慶擊獲形跡可疑賣粥之

張之生一名於粥擔內搜獲錢七掛逆書八紙

押解到營訊據供稱該犯先在賊營充當探馬

正月間被官兵打散回家有族兄張宗懷張宗

魁自賊營回說要我尋打散之人回去幫同打

仗交給書信及錢各十分令在雙溝等處隨便

丟棄俟拾得之人傳說四處打散的人知道自

然前去合夥等供當卽仍委徐鏞慶率同吳鎮

製署龍慶編卷三十一

三

蕭應登馳赴張家集擊獲張宗懷張宗魁朱起

貴朱應貴王有明李興邦等六犯究出居住武

家坡之武致雍武致和武小二三犯均由賊營

潛出逆詞係武致雍所寫該令立即乘夜前赴

武家坡將武致雍武致和武小二等按名擊獲

起獲逆詞十一紙並銀錢等物押解到營訊據

武致雍供稱上年該犯與姚之富同謀起事今

年二月二十六日姚之富因人少令同武致和武小二張宗懷張宗魁朱起貴王有明等七人一同出來招集各處逃散之人抵敵官兵書稿是賊營內葛應宗所寫我帶出照樣謄寫佈散又恐無人見拾所以拴上二百錢書內寫的午月午日白陽劫盡等語想是捏造我同來七人已都被獲朱應貴朱起貴張之生李興邦都在賊營認識是從前打散出來我們纔到家中就被拏獲尙未招集有人餘犯所供大畧相同隨令默寫字跡符合臣查現在招撫投出之人甚多節被官兵擊敗畏懼逃散者亦必不少正須妥爲佈置該首逆等當疊經痛剿之餘尙敢慙不畏死潛遣逆黨捏造妖言復圖勾結實爲可惡茲幸及早發覺悉數撲捕不致復爲煽聚預

聖朝聖訓卷三

三

戡亂萌因思雙溝等處向爲賊匪屯聚出沒之區現獲各犯應卽就地辦理以彰國憲而靖衆心查武致雍武致和係起手滋事之犯情罪較重業飭寸磔梟示其餘張之生等人犯均屬同惡相濟亦飭概行正法奏入上命軍機大臣傳諭惠齡景安汪新日湖北賊匪因被官兵剿殺黨與漸少輒敢編寫逆詞令夥匪武致雍張之生等暗中布散糾合潰敗匪徒幫同打仗可惡已極汪新督飭所屬留心查察將武致雍等卽行撲滅分別正法預戢亂萌深爲可嘉著賞給金盒白玉搬指各一個大小荷包火鐮包以示優獎道員胡齊崙防守夾河洲一經該處員弁拾獲逆詞卽派員密往偵緝亦屬出力胡齊崙前已賞戴花翎著賞碧玉搬指大小荷包知縣徐錄慶

聖朝聖訓卷三

三

率同巡檢蕭應登行營千總吳鏡先後擊獲武致

雍張之生等犯俱屬留心徐錄慶著以知州通判

補用蕭應登著以知縣陞補吳鏡著以守備陞用

此次布散逆詞各犯雖俱擊獲但賊匪現被官兵

剿急恐夥匪在各處潛行煽誘者尙多汪新務須

倍加留心飭屬嚴密偵緝以靖奸萌雙溝等處與

豫省南陽新野一帶接壤難保無夥匪潛入景安

聖朝聖鑒編卷三十一

美

亦應一體嚴查密訪如有此等匪徒必當擊獲嚴

辦再此次起獲逆詞內有偽稱兵馬大元帥姚張

王黎四姓其姚張二姓自係姚之富張富國其王

黎二姓又係何名字並著惠齡等究明如業經擊

獲則已若在竄匿必須嚴拏務獲

欽定剿平三省邪匪方略正編卷三十一 丁巳年

三月十四日 甲寅 惠齡恒瑞舒亮奏言 臣 等差弁

探得前此分竄洪山及泰山寺二處之賊又復

分爲數股自一二百人至四五百不等探知官

兵由何處前來卽從官兵未經之處任意奔逃

第官兵利在迎頭截剿若僅分投追襲旣不能

聚而殲除而各處奔馳人馬亦易疲乏且賊匪

聖朝聖鑒編卷三十一

一

四散分竄每股自有率領之人姚之富現在何

股雖未深知果將夥黨殲除首逆自難漏網 臣

等商將營盤紮住分帶官兵先行掃蕩各路零

星潰匪倘首逆等卽在其中自屬事半功倍若

祇係夥從各犯撲滅一處卽少一處牽制 臣 惠

齡行抵梓山探得賊分兩股竄匿洪山之南隨

卽紮營三里岡要路一面率領臬司先福協領

穆克登佈候補道府恒慶護軍叅領盛永帶兵
由長岡店一帶搜捕並派副翼長富廉叅將穆
克登布候補知府鄭成基帶兵由板橋崗截剿
副將皂靈保協領德昌知州阿霖帶兵由黑虎
嶺前進富廉等行至香花園遇賊約三百餘人
正從對面山梁翻越而下該員等恐其見而逃
散穆克登布當卽帶兵繞至賊匪後路鄭成基
同都司李英多各帶兵一百名分伏左右富廉
於山下要口溝內屯住賊匪不知官兵在彼相
率趨下富廉卽帶兵突出鎗箭齊發殺死五十
餘人賊匪果從左右山坳返身復上山梁欲圖
四逸經穆克登布等帶兵三面圍剿將此股賊
匪盡數殺死並生獲陸成宗等三名皂靈保行
至出山店見該處民人紛紛逃至皆稱賊匪在

黑虎嶺一帶搶掠該將等卽縱兵掩擊賊匪不
虞官兵猝至捨命前逃道防守温峽口縣丞張
世維帶同鄉勇聞報趕來前後夾攻該處地面
寬廣不能兜圍當殺死一百餘人餘匪逃入洪
山而去該將等入山逐處搜捕又獲賊張添爵
等十八名臣惠齡將到長岡店卽望見洪山坳
一帶有賊二三百人越嶺而來隨飭先福穆克
登佈帶兵伏於山左恒慶盛永帶兵伏於山右
臣帶兵隱於樹林之內復差鄉勇四五十人假
充難民分投藏匿以誘其來賊匪果一擁而至
欲行追捉甫入山溝卽施放號礮先福等兩路
齊出臣惠齡帶兵自後兜剿登時盡行殺斃生
擒執旗騎馬賊目劉上澄一名旗上大書帥字
該犯供稱手下原有夥黨二千餘人自正月來

均被官兵擒殺僅剩三百餘人欲圖逃竄又遇

官兵盡行殺斃詢以姚之富下落不吐一字實

堪痛恨當卽寸磔處死臣恒瑞等追賊至泰山

寺賊已聞風逃竄三月初四日趕至洛陽店適

遇賊匪七八百人正向南行臣恒瑞舒亮同碩

雲保富成分領馬步官兵四面圍剿賊匪狡獪

異常一見官兵卽行奔逃隨卽分投追捕殺死

聖祖聖訓卷三

四

二百餘人餘均四散時值大雨道路滑濘祇可

暫緩追剿使其復聚一處以便殲除又據何爾

薩朗等報稱初三日在觀音岩搜殺逸賊六十

餘人又於尙家店擊獲乘機搶奪之匪徒韓文

滔韓文湧李大會等三人當場殺死十三人隨

帶兵抄尋舊路沿途察探現已無賊等語臣等

摺訊陸成宗等均供該犯等於二月二十九日

在高規地方與姚之富等分路姚之富並未設

要逃往何處祇令斷莫與官兵接仗遇見時卽

四散奔走總要官兵不知我倘出沒纔好逃脫

又據韓文滔等供稱該犯等因見居民畏懼教

匪是以糾約同夥十六人假充教匪探馬嚇散

居民乘機搶掠各等語該犯等均屬法無可寬

當卽概予駢誅臣等現仍分派員弁酌帶兵勇

聖祖聖訓卷三

五

逐處嚴查並將湖廣撤回官兵九百餘名卽委

原領兵之副將關聯陞等帶赴適中之易家山

一帶相機策應既可剿賊北竄並可查緝匪徒

惟自三月初一日至今連日雨雪交作人馬俱

難馳驟臣等不勝焦急現在差探首逆蹤跡一

俟天氣稍晴卽行帶兵星往掩捕

惠齡又奏言查慶成一路自與臣等分投剿捕

之後彼此相離較遠音信不能常通三月初三日始接慶成二月二十日知會據稱探知賊在黃龍寺洪家莊屯聚當即帶領馬步官兵由北面繞至駱駝店地方遇賊前來即帶馬隊衝殺步隊隨後接應賊向東南楚豫交界之新店一帶奔竄該提督追趕二十餘里殺賊一百餘名繼復接其二十七日來信據稱賊匪總在山中

《聖朝聖德編卷三》 六

逃竄暫留巴克坦布帶領火器營兵駐防武勝關一面仍帶兵加緊抄襲等語_臣等查賊匪圖延殘喘到處分逃而應山界接黃安復嶺重山路通安豫兩省尤關緊要隨飛札慶成速行分兵兜剿一面知會該督撫派員在於邊境堵擊旋准景安札致撥兵協剿確山竄匪_臣查確山一帶路當孔道而_臣等現帶各兵實又難於分

往因查與肇現在帶回滿兵一千七百名除派出七百名往防夾河洲外尙有一千名可以撥用隨飛行知會與肇囑其帶兵就近取道確山會同景安剿辦並聞應山縣之許家冲等處亦有潰匪逃匿_臣等復將南省撤回官兵六百餘名交原領之荊州城守營叅將吉林泰即日馳往應山會同該府速行撲滅查應山確山之賊自係慶成等剿散餘匪此股賊匪本不過二千餘人今復分爲數股人數自必無多惟各州縣一聞賊匪入境不辨多寡卽事張皇以致無賴匪徒乘機滋擾今_臣酌撥官兵分往剿捕一面嚴飭該州縣務須督率鄉勇鎮定堵防不可驚慌畏縮並飛咨慶成速行分派鎮將馳往截剿奏入

《聖朝聖德編卷三》 七

上命軍機大臣傳諭惠齡景安恒瑞慶成曰惠齡等所奏不過敷衍塞責以處賊匪於洪山泰山寺一帶復分數股逃竄希圖分我兵力此其奸計顯而易見今惠齡等分帶官兵欲將零星潰匪先行掃蕩以期撲滅一處即少一處牽綴是亦下策惠齡等雖由長岡店一帶縱兵掩擊並入山逐處搜捕而殲賊不多首逆尚在潛逃賊匪分竄每股自有率領之人閱摺內惠齡一路賊匪不過二三百人而恒瑞追賊至泰山寺洛陽店一帶遇賊七八百人看來首逆姚之富張富國等當在恒瑞一路賊匪內潛匿惠齡必須探明賊首蹤跡如姚之富等現在泰山寺一路即當帶兵前往與恒瑞等併力搜剿或得連行擒獲不可惟事分追轉墮賊人奸計又據奏接到慶成知會今典肇將滿兵一千名

聖祖聖訓卷三

八

帶往確山助剿又將湖南撤回官兵交吉林泰帶赴應山協同搜捕豫省邊界潰竄賊匪業經景安由確山遂平帶兵抄截並令張文奇由西北迎壓自可不致撥入豫境如典肇到彼後豫省已無需多兵接應典肇仍當回至襄陽與惠齡等合力擒擊賊首又昨據汪新奏在雙溝地方擊獲布散逆詞之武致雍張之生等各犯自係賊匪冀圖布散逆詞糾合潰匪以為煽惑人心之計雙溝一帶即係襄陽近接豫省邊界賊匪等在彼暗相勾結其首逆自必仍在襄陽附近各路竄匪內藏匿惠齡現在雙溝之南當就逆留心偵緝毋專以追剿遠處零匪為事

聖祖聖訓卷三

九

十五日 乙卯 慶成請音奏言 臣 等前次分路督兵

截剿賊匪仍由原路竄回查楚豫兩省東北一

帶地方均與江南接壤若官兵直前追襲恐其折而東竄_臣等先令總兵德齡德光於初二日晚帶領步兵繞出黃陂縣之河口攔截_臣等帶領巴圖魯侍衛奮勇馬兵於初三日五更前進天明追過大霧山雪雨交作途遇避賊民人詢悉賊衆忽又轉回山後一帶村莊當即馳往賊匪瞥見官兵驟至即行亂竄_臣等帶領弁兵奮勇衝入鎗打箭射殺死賊人無算餘匪俱竄上大山并將數十騾馬殺死拋棄陡坡阻擋去路我兵追趕上山賊匪放鎗滾石抵死拒守_臣訥音帶兵在山坡紮住_臣慶成與六十七巴圖魯侍衛等從深林內繞上山頂一齊放箭賊人中箭滾落溝澗者甚多餘匪不能支持捨命越山向西奔竄_臣訥音帶兵撲上山梁適德齡德光

欽定剿平三省邪匪方略

正編卷三一

欽定剿平三省邪匪方略 正編卷三一

等亦帶兵自河口繞截前來會同向西掩殺擒獲吳湘等二十三名訊據供稱東股竄賊因屢被官兵截殺不敢竄往東北江南河南一帶邊界仍尋素日擾過之路易於逃避并欲探問西股竄賊歸入一夥等語餘無要供當將各犯正法梟示但賊供狡詐不可盡信_臣等惟有乘勝督兵于楚豫邊界西南日夜抄截如果竄往西南歸夥則_臣等即與惠齡恒瑞兩路之兵就近併力夾擊再_臣等行至應山縣之東光店地方巴克坦布已帶火器營兵前來會合奏入上命軍機大臣傳諭惠齡慶成曰慶成等奏追剿東竄賊匪情形所辨甚好慶成著賞給白玉搬指大小荷包訥音德齡德光著各賞碧玉搬指大小荷包用示獎勵現在該處竄匪經慶成等分路截殺

欽定剿平三省邪匪方略

正編卷三一

四三

不敢竄往東北已向西南奔逸慶成等乘勝帶兵
向西南抄截剿殺而惠齡等在襄陽一帶迎頭撲
擊正可兩面夾攻賊匪前在雙溝地方布散逆詞
內有姚張王黎四姓之語本日軍機大臣審訊河
南解到之劉起榮楊應邦二犯供稱姚張二姓即
係姚之富張富國其黎姓係名黎樹賊夥稱為黎
叔王姓稱為大叔更在姚之富等之上該二犯俱

聖朝聖德編卷三

七

係隨州賊匪大頭目跟究明白更可易于蹤跡惠
齡等務須按名拏獲毋使漏網又訊據楊應邦供
劉之協在陝省出家之語係趙貨郎即趙化隴告
知並供出賊匪內有姚狗頭廖士學張漢潮李槐
劉啓華五犯俱係著名頭目並著惠齡等一體嚴
拏務獲以淨根株

十六日丙辰景安奏言查楚匪由東路竄入確山

遂平一帶向東北奔竄經臣先遣馬隊截擊仍
折入楂牙山奔向西北查西北由舞陽至裕州
葉縣即係南北通衢臣一面派令都司曹星等
沿山追剿臣率領遊擊六十五等帶兵徑趨舞
陽抄至北面截擊行抵舞陽之解家店正遇賊
探擒獲數名訊知賊匪沿山一帶艱于覓食欲
乘隙竄至平地擄掠並無一定去向當將該犯

聖朝聖德編卷三

七

等巽示旋據探報賊蹤忽向南趨臣料賊匪狡
獪必係引誘官兵入山以便乘隙北竄當即分
遣弁兵作南追之勢臣仍趨至葉縣之保安驛
一帶扼據要路詎賊匪已由小頂山翻身北竄
直奔保安驛探知官兵已至仍復奔回入山向
西南逃遁臣仍帶弁兵由北面趕赴魯山派令
六十五曹星等帶領馬隊由南遂擊過共竄入

內鄉浙川之路該遊擊等追至蠻子營地方賊
匪正在掠食一見官兵趕到倉猝向北奔至魯
山經_臣督兵迎截賊復折回適六十五等自南
追至賊匪見有兩路官兵卽復狂奔入山向西
逃竄官兵極力追殺因時已薄暮卽收兵會合
一處連日窮追急截幸得抄繞賊前各州縣城
池未致驚擾卽村莊亦未被蹂躪東西驛路俱
得通順無阻祇緣山深路雜賊奔甚速又復躲
避官兵東截西竄雖沿山村莊不無畏脅亦復
隨眾隨散惟_臣帶兵僅八百名實不敷分投截
剿若入山跟追不特徒勞兵力轉致有乘虛北
竄之虞_臣現在已至豫省西境距新野信陽等
處數百里至千餘里不等據總兵王文雄報稱
賊匪竄入羅山光山邊界見官兵已到旋復向

聖示刑匪彙編卷一

四

南遁退出境該鎮已帶兵前來協剿因_臣饋行
迅速尙未趕及總兵張文奇帶兵三百名已由
河北起程_臣已飛致令其於嵩縣一帶遙爲聲
勢以防賊匪分竄便於堵截再賊匪現由魯山
西竄該處層峯疊嶂接連伏牛大山路通陝省
已飛咨秦承恩並藩司倭什布一體嚴密堵截
再查軍興以來所需馬匹隨時於各營抽撥接
濟本年正月間_臣設法於武生武童自用馬內
重價挑買三百匹解送應用現在軍營復需馬
匹更換自應趕緊購辦當飭令司道等仍於武
生童馬內湊買二百匹解往大營惟是軍營需
用不時豫省非產馬之區此時馬販未來本地
實已無可搜羅委員出口採買又恐緩不濟急
莫若就近調撥晉省馬匹協濟軍需該省距產

聖示刑匪彙編卷一

五

馬之地較近買補亦屬易辦已飛咨山西撫臣酌調三百匹迅速鮮豫以資接濟奏入

上命軍機大臣傳諭惠齡景安秦承恩曰襄陽潰散賊匪竄入豫省經官兵由魯山窮追截剿復入山向西逃竄該處路通陝省景安已咨會秦承恩嚴密堵截所辦可嘉但賊匪由魯山一路逃竄後現在是否聚匿山內抑又竄往何處魯山接連伏牛

聖朝實錄卷三

六

大山路徑紛岐賊匪入山後是否徑行向西奔逃抑或折而南竄此股賊匪究有若干伏牛山內有無要隘可以攔截景安現由何路截剿會否將賊匪即行擊退著將一切情形先行迅速覆奏並著秦承恩督飭所屬相機防堵毋任賊匪逸入為要
十七日丁巳明亮宜綿觀成英善奏言查賊匪分據金莪寺清溪場二處相距二十餘里金莪寺

背倚馬伏山三面陡崖惟東面冉家埡口有路可通賊巢馬伏山最高之峯名大團包賊匪因官兵漸逼將附近各卡撤去分屯二千餘人於大團包冉家埡口二卡併力堅守清溪場距河五里賊匪將前掠船隻聚于河之東岸樹立木柵排列鎗礮使我兵不得過渡又於金莪寺清溪場中間之姚家壩安設大卡聯絡聲勢三月
初一日天色微明臣等催督進兵索費英阿紉營馬伏山與大團包逼近該處地勢最高仰攻為難隨多帶兵勇出營為直趨冉家埡口之勢密留兵勇伏於營內大團包賊眾望見我兵出營果一齊下寨直撲營盤該鎮派參將瑪璽阿遊擊李昌等帶兵勇五百名潛由大團包山後奪佔賊寨其餘俱行轉回暗從山脚尾隨而行

聖朝實錄卷三

七

賊匪行至營邊營內官兵鎗礮並發瑪靈阿等帶兵從後寨殺入賊匪慌亂四散奔逃該鎮迎頭截殺殲戮殆盡卽佔據大團包紮營賊首徐添德等見我兵已得要卡率賊衆四千餘人直撲大團包營盤該鎮鼓勵將士奮勇抵禦自午至申殺賊七百餘人初二日賊匪復聚夥黨擁抵營盤我兵勇氣彌增鎗礮如雨叅將姜敏功等帶兵由左邊殺出遊擊馬瑜等帶竹谿鄉勇由右邊殺出該鎮自率都司張永成等從中殺出乘高壓下適大雨驟至賊匪被殺及跌死者不計其數是日鎮臣朱射斗帶兵抵漏明岩正在紮營賊匪冷倖等豫伏二千餘人突出分撲縉斯甲布土兵及千總職銜陳華所帶鄉兵營盤副將長春遊擊李應貴都司安如桐達自祥

聖朝聖編卷三

大

胡魁等急帶兵分投截殺正在相持之際適鎮臣艾如文自白瓦溝趕來協剿從旁衝出兩面夾擊共殺賊二百餘名臣等密相計議賊匪於清溪口東岸扼我渡口而姚家壩居清溪場金義寺兩寨之中皆關緊要賊人捨命拒守不如乘雨出其不意可以奪取因令柯藩明與馳至清溪口副將玉柱營中奎舒勒禮善帶兵至明月壩相機進取是夜雨益淋漓柯藩明與潛從上流用木棧渡河令善泗人沒水赴東岸斬斷賊船纜索船動水響賊人知覺不及點放鎗礮我兵已到柵邊用短兵砍開木柵一擁而入賊匪不測官兵多少悉棄卡而逃所得船隻盡渡餘兵過河卽於賊卡紮住奎舒勒禮善由明月壩翻山至姚家壩泥深路滑兵士皆手足並用

聖朝聖編卷三

九

五鼓始抵賊卡守卡賊眾果不設備我兵四面
並進賊眾皆在睡夢中殺死無數遂將賊卡佔
據生擒賊匪一百二十餘名訊非緊要賊首俱
行處斬查冉家埡口為金莪寺門戶而大團包
緊臨其上今經我兵奪佔又將清溪口東岸及
姚家壩兩處賊卡攻得金莪寺聲息不通其勢
已孤乃自初一日以後陰雨連綿不止賊巢皆

聖朝聖德編卷三

三

據高處路徑險滑難以仰攻現在 明亮已抵
軍營兵丁尙未到齊先赴各紮營處所重加相
度一俟天氣暑霽 等即趕緊催督現有之兵
分路前進

明亮宜綿觀成英善又奏言查巴州屬王家寨
賊匪前經 等派委鎮臣百祥前往剿辦復派

知府李杭都司羅定國等帶領兵勇圍守方山

坪使之不能接應緣王家寨石崖壁立僅有小
徑可通經百祥等督兵進攻殺賊三百餘人因
係仰攻兵勇亦有陣亡受傷者茲據百祥稟稱
二十四五等日賊匪連次直撲營盤俱經兵勇
併力截擊除殲斃賊匪外生擒二十一名內有
冉文傑一名眾供係逆首冉文儔胞兄被毆打
傷左脇傷重未能取供當即寸磔梟示現因連

聖朝聖德編卷三

三

日陰雨尙未得手再查上年賊匪攻犯東鄉所
有陣亡受傷文武各員及兵勇人等尙有未經
查明者經 觀成英善等奏明收復東鄉確查
另奏茲查防禦常福德陸驍騎校常齡常善四
員俱係奮勇殺賊陣亡合併奏

聞均奏入

上命軍機大臣傳諭宜綿明亮曰此次宜綿等督率

將弁兵丁分路進攻先將冉家埡口及大團口要
卡攻克復於兩夜直渡清溪口並佔據姚家壩要
卡賊人門戶已破使賊衆聲息不通其勢已孤宜
緝明亮著各賞給金盒大小荷包觀成英善柯藩
著各賞給鑲瑪瑙盒大小荷包奎舒勒禮善明與
索費英阿艾如丈朱射斗百祥著各賞給象牙香
囊大小荷包玉柱長春瑪瑙阿美敏功李昌永明
馬瑜李應貴著各賞給大小荷包此外出力文武
各員並著查明咨部議敘官兵著賞給一月錢糧
綽斯甲布土兵亦著一體賞給一月錢糧以示鼓
勵其陣亡受傷兵勇著查明咨部加等優卹看此
情形首逆徐添德等必在此兩處賊巢之內正可
設法生致此時天氣早晴况又添明亮所帶生力
勝兵更可四面兜捕其王家寨一路擊獲之冉文

欽定剿平三省邪匪方略

正編卷三十一

傑一犯訊係冉文備之兄是冉文備即係王家寨
賊首亦當生擒處治又據奏查明賊匪滋擾東鄉
時防禦常福德陞驍騎校常齡常善均因殺賊陣
亡殊為可憫著咨部優卹至宜綿原係督剿此股
賊匪明亮不過幫辦乃摺內明亮轉列名在前殊
未允協此後應遵旨改正

十九日已景安奏言臣於十一日帶兵由山路

欽定剿平三省邪匪方略

正編卷三十一

橫行追截至魯山嵩縣交界之二郎廟正在軌
營間接據葉縣知縣廖寅稟報另有一股賊匪
自南路竄入保安驛焚掠臣查葉縣路當孔道
北接襄城許州距省較近最關緊要臣前聞南
陽鎮總兵王文雄因另股賊匪竄出確山已帶
兵星夜趕來此刻諒在東路途中隨一面飛行
知會令其帶兵由北抄截一面派令參將廣福

都司何隆阿等帶兵六百餘名往嵩縣一路追剿誠恐該叅將等兵力單薄昨據河北鎮總兵張文奇來信已帶兵由北面前來西路嵩縣一帶抄截臣復飛行該鎮迅速帶兵與廣福等會合極力截剿臣即連夜趕回魯山探聽葉縣賊蹤趨向由西北抄截惟二郎廟距魯山百餘里自魯山至葉縣亦二百餘里且恐賊匪徑直北竄臣惟有鼓勵弁兵不分晝夜趕緊抄截再前接惠齡來信因聞有賊竄至確山已令與肇帶兵一千名前來協剿臣亦飛行知會與肇不必前來西路即由桐栢一路探聽賊蹤相機截擊景安又奏言正在封奏間續據葉縣稟稱焚掠保安驛之賊匪係由桐栢縣之出山店竄入臣查此股賊匪據報前後兩股約有千餘看來必

有緊要頭目在內急須趕緊截剿臣所帶之兵除分往嵩縣一路追剿西竄賊匪外僅有三百名聞王文雄亦祇帶兵四百名一二日內即可趕到雖兵力稍覺單薄臣惟有會同王文雄相機設計極力截剿不使北竄奏入上命軍機大臣傳諭惠齡景安曰前據慶成等奏由東路確山一帶剿賊痛加殲戮賊匪仍往西南逃逸擬與惠齡併力夾擊何以賊匪現復北竄闖入葉縣界內自係經慶成等追壓後另分一股由桐栢山翻越該處與襄城許州接壤距開封較近亟應設法堵剿現在慶成等究在何處何以未將此股賊匪并截任其北入豫境又據景安奏派令叅將廣福等帶兵六百名前往嵩縣剿賊景安處兵力究未免單薄與肇所帶兵一千名業經景安各

聖朝重典 卷三十一 西

聖朝重典 卷三十一 五

會令其不必前赴確山卽田桐栢一路探聽賊蹤
截剿著該將軍趕緊行走沿途躡探葉縣之賊現
在何處奔走卽趕至該處與景安兩面夾擊疏通
保安驛站並過其北竄之路此股賊匪千餘自必
有爲首之人必須將首犯擒獲爲要

二十一日 辛酉

上諭內閣曰湖北剿辦賊匪文報關係緊要晝夜遣

《聖諭親筆卷三十一》

天

馳甚爲勞苦且查對日期尙無遲悞所有自軍營
至京沿途驛站著該督撫查明照例賞資以示獎
勵而昭體卹

二十二日 壬戌 景安奏言 臣 探得賊匪自南路竄

至保安驛因王文雄帶兵由東北抄截前來賊
匪不敢北趨折由裕州一帶沿山向西奔竄 臣
卽率領遊擊六十五等帶兵自西北向東壓擊

旋據探報前次派往桐栢信陽防邊之叅將德
勝守備李光斗行至裕州之四里店地方卽遇
此股賊匪數百直撲前來官兵施放鎗礮擊斃
數十人正在追殺不期左右山梁又有千餘
賊衆一齊撲出該叅將等因帶兵無多致被圍

困等語 臣 卽督率弁兵趕往迎擊適王文雄

先已帶兵趕到奮勇撲剿賊始解圍彼時 臣 亦

《聖諭親筆卷三十一》

毛

帶兵趕及賊遂折向西南一帶山徑竄遁 臣 與
王文雄會合一處十六日趕至南召之王婆廟
適遇慶成等亦已帶兵星夜追來當卽帶領馬

隊馳往擊剿 臣 與王文雄帶步兵七百名隨後

策應又據葉縣知縣廖寅稟稱該縣聞知保安
驛被賊焚掠卽馳往查看據驛丞張瑛之子張
履謙哭稟十二日三更時賊匪竄至該驛伊父

呼集鄉勇持鎗喊罵殺賊無如賊匪衆多鄉勇
俱被殺散伊父戮傷賊匪數名衆賊將伊父圍
住伊卽上前救護被賊棍擊跌入溝內昏迷不
醒至次日黎明稍甦見伊父已被殺死遍體鱗
傷伊父出來殺賊時將印帶在懷內今伊父衣
服俱被剝去想印亦被賊人刮去等語隨驗得
該驛丞張瑛屍軀周身共有刀鎗傷二十三處

聖朝罪惡考卷三

天

俱透膜入骨當備棺木衣冠給令伊子張履謙
裝殮等情_臣查該驛丞張瑛拒賊殉難實堪憫
側當飭藩臬兩司查明另行咨部照例議卹
同日巴克坦布慶成訥音奏言_臣等行至應山
縣之廣水地方有查探賊蹤之都司岳寧阿盤
獲假稱兵丁賊匪王大祿一名嚴加究訊據供
東股賊頭李全卽李樹與王廷詔卽王大樹姚

之富三人均經官兵剿散各帶夥黨分竄李全
欲由楚豫東南竄回本鄉因屢被剿殺現帶千
餘人恐不能抵禦由應山隨州一帶裹脅尋歸
逆夥因途中聞王廷詔先由隨州竄入河南確
山地方今李全亦欲由山內潛往故使我在外
探聽等語訊無別情當將該犯凌遲_臣等卽督
兵繞赴楚豫交界地方並知會總兵德光德齡

聖朝罪惡考卷三

天

等帶兵接續前來賊衆竟向確山一路日夜狂
奔_臣等卽將行李留後令兵丁隨身酌帶軍火
乾糧兼程緊追至南召縣鐵牛廟地方適景安
王文雄亦帶兵迎剿而來前後兩起賊匪均已
捨命竄入深山景安業經分布兵勇於要隘防
堵飛咨陝省在交界處所嚴加堵截並接濟口
糧軍火現在_臣等星夜督兵加緊剿辦斷不敢

稍有遲延均奏入

上命軍機大臣傳諭惠齡景安巴克坦布慶成曰賊匪焚掠保安驛站後折由裕州沿山西竄景安趕至四里店地方與王文雄奮勇剿殺殊屬可嘉而巴克坦布慶成等亦由應山一帶追蹤跟剿與景安會合辦理亦好現在賊匪既向南趨豫省地方不致遭其蹂躪但此一股賊數如此之多前據景

聖訓

三

安奏到朕卽以其中必有爲首之人今據巴克坦布等奏賊頭李全王廷詔姚之富均在其內必須設法將此三犯生擒毋任漏網前據惠齡奏稱總不得姚之富等實在蹤跡今得究明賊首確蹤正可併合捕拏此三犯既在東股則惠齡一路爲首之賊不過張富國一犯惠齡未經探明尙在南路兜剿未免失算想惠齡一得此信亦必趕赴南召

一帶會合剿捕此時巴克坦布等兼程緊追景安亦當趕往該處自北而南幫同會剿如惠齡等得信自南而北兩面夾擊此係極好機會不可不倍加奮勉又據景安奏保安驛丞張瑛於賊至該驛時罵賊捐軀可嘉可惜著於事定後咨部照知縣例議卹以示獎勵

聖訓

三

欽定剿平三省邪匪方略正編卷三十二 丁巳年

三月二十五日 乙丑 惠齡奏言連日探訪賊蹤總

在南山以內東奔西竄迄無定所 臣 等查南山

一帶居民因恐被賊滋擾各在附近陡險山頂

搭葢草棚築牆挖濠攜眷居住每處自數百戶

至一二千戶不等均各備有鎗刀以為防守但

每遇匪徒經過並不敢下山擒捕如有到寨需

聖朝實錄卷三十一

索者居民畏其克悍輒將騾馬米糧送給致賊

匪得以苟延殘喘並據各處民人告稱倘各寨

上得有官兵數十名督同防守則遇賊來時即

敢隨同打仗等語因思此等愚民不過圖免蹂

躪給賊食物馬騾與有心通賊者不同此時自

無庸深責且現有求派官兵前往督率之請正

當乘機利導既可隱加約束並免其私通賊人

隨每寨各派千總一員帶兵二十名前往協禦

如遇賊來即令帶領剿捕又於洪山垵白龍池

二處添設卡隘委員帶兵駐紮以防賊人越山

奔竄口來探明賊匪現分三股其在羅店一帶

藏匿者約一千四五百人在勝景山一帶藏匿

者約一千七八百人自應乘此天色開霽設法

兜擒惟賊匪伎倆總以一見官兵即行分散逃

聖朝實錄卷三十一

遁自應密布網羅將三路之賊逼歸一處方可

得手 臣 派令阿爾薩朗帶兵前赴小阜街並將

湖南撤回官兵令副將劉廷基帶領四百名由

羅店之東前至宋河副將關聯陞帶兵三百名

由易家山前往火峪口遊擊朱承茂帶兵三百

名前往大小介山分投安設又令舒亮由洪山

南面直向西行截其北竄恒瑞由洛陽店繞向

南面截其南竄臣從三里岡長岡店一帶繞赴西面迎頭截擊十三日已將三股之賊盡逼近温峽口一帶復恐驟然進剿賊仍四竄當於是夜二更臣借恒瑞碩雲保分領官兵裹帶口糧脚枚急走四更時直抵賊所詎賊情狡誦一聞官兵三路齊來卽鳴鑼吹號紛紛四起臣等乘其驚亂之時督率馬兵橫衝直擊立時殺死四五百人賊匪不暇抵禦四路亂竄總兵富成副將關聯陞劉廷基等帶領步隊鎗箭齊發斃賊又不下三百餘人生擒賊目劉順及賊夥王得昌等五十九名餘賊盡向大河頭一帶奔逃時同知周季堂帶領鄉勇在彼堵守賊匪直前衝撲經周季堂激勵鄉勇頭人杜光德等奮力迎擊鎗斃並施殺賊百有餘人賊仍折向西北逃

聖朝實錄卷三

三

竄又遇碩雲保趕至馬頭寨地方督同周季堂復殺斃二百餘人生擒賊萬從義等十二名賊復亂竄十四日未刻探知賊匪復逃於東北山內屯聚隨即分投前進三更時在龍鳳溝對岸將賊截住適因雨後山水陡發賊匪竟於對岸排列抗拒臣卽令施放連環進擊並用大礮轟摧擊死賊匪二百餘人賊甚慌亂正欲分逃見有一賊手執大旗四面招颺衆賊復行攢聚適恒瑞相離較近隔岸發矢射中賊人左眼隨即策馬先渡官兵爭先用命當將該犯生擒並獲姚爽等二十七名餘賊奔上山岡我兵一齊直上刀砍箭射賊匪漫山徧嶺四散狂奔時已夜深將各兵分紮山頂計此次兩夜一日之內各路殺賊實有一千三四百名生擒九十九人

聖朝實錄卷三

四

奪獲騾馬三百六十八匹頭兵勇亦間有傷亡
 容另行查明分別造冊咨部隨提訊執旗頭目
 於該犯身邊搜獲數珠一盤銅佛一尊青邊白
 旗一面上書奉佛師命督總師七字據供名朱
 為成係姚之富徒弟數珠銅佛係姚之富所給
 姚之富見我打仗向前派我掌此帥旗衆人都
 稱我元帥至姚之富原說官兵利害不要打仗
 倘若遇見即行分散各領一股逃竄俟官兵趕
 逐疲乏之時再拚命上前抗拒若敵不住再逃
 不遲昨見官兵追殺幾日料想疲乏是以纔敢
 接仗不料又敗等語詰以姚之富等現在何處
 據供不知再三嚴訊該犯惟閉目不語加以重
 刑終無一辭兇狠情狀實堪切齒當即寸磔處
 死復訊據劉順供稱該犯名下原有四五百人

掌官小旗是姚之富徒弟姚之富等不知現在
 何股又提訊姚爽僅稱係姚之富堂侄餘皆不
 知嚴刑究問不吐一字遂將該二犯一併寸磔
 又訊據王得昌等供稱賊人頭目都是騎馬若
 遇打仗他們在後督陣令我們在前攔陣若攔
 不住他們騎馬在後先跑我們就四下亂奔總
 要使官兵難以圍殺現在此股除被殺外尚有
 二千餘人等語詰以姚之富劉起華李槐張富
 國等去向忽稱現在此股忽稱已往應山迨至
 嚴刑詰究該犯等亦皆閉目不言極堪痛恨當
 將該犯等概行梟示_臣等隨分遣弁兵於沿山
 一帶窮搜一面差探賊匪去向旋據探馬報稱
 現在賊匪又分兩股一向南竄一向北逃南股
 馬匹較多等語_臣查現獲各犯雖均不肯供吐

聖朝聖德

五

聖朝聖德

六

姚之富實在下落但多係姚之富之徒且獲有伊侄想姚之富總在此股之內臣卽帶兵搜捕南股恒瑞截剿北股之賊惟查楚豫交界重山疊嶺處處可通此時景安王文雄均往確山一帶剿賊河南邊界恐無大員重兵駐守查舒亮此次未曾遇賊接仗隨囑其帶兵就近前赴河南張博士店一帶堵防並令阿爾薩朗帶兵前赴邢家川一帶會同舒亮相機截剿毋使賊向西北逃竄昨據慶成知會該提督已將河南信陽及湖北應山黃安各處之賊嚴行剿殺甫經逼至湖北界上正在設法圍擒詎賊匪復乘夜翻山折向北竄業經帶兵馳往等語揣度賊情恒瑞所追賊匪勢必竄往合夥若果如此彼時恒瑞與慶成等正可合兵圍剿再興肇帶兵一

欽定剿平三省邪匪方略 正編卷三二

千名馳往確山已於初七日由烏金店取道前進此時自可到彼惟該兵等遠從湖南撤回今赴河南馬匹難免疲乏適撫臣汪新解來馬一百匹臣卽令委員解赴興肇營內用資接濟同日興肇景安奏言本月十八日臣景安帶兵趕至南召之李青店連據桐柏泌陽兩縣稟報有南來一股賊匪由隨州界牌口竄入桐柏現已擾至泌陽之董家冲等處焚掠查現在兩股西竄賊匪有巴克坦布慶成等帶兵緊追又有張文奇由西北截剿惟東北一帶兵備空虛臣景安與王文雄均在西路追賊恐第三股賊匪乘虛北竄所關非細臣景安卽與王文雄帶領弁兵星夜馳回視賊趨向相機截剿臣興肇前於十八日拜摺後卽馳往西南一帶截擊因聞

欽定剿平三省邪匪方略 正編卷三二

另股賊匪竄至泌陽之信查泌陽離省較近更
為緊要且見景安所帶官兵較單恐惠齡等大
兵一時追趕不及是以不敢拘泥前奏亦即帶
兵趕回向東北一帶分路抄截均奏入

上命軍機大臣傳諭惠齡景安慶成曰惠齡所奏仍
不過分路兜剿情形殲賊亦屬無多而拏獲賊目
亦非緊要首犯殊不滿意並據奏清字摺亦不過

聖祖聖訓卷三

九

為恒瑞乞恩有何緊要恒瑞前會獲咎今既能知
過自奮伊本係將軍著加恩照例准戴花翎鄉勇
杜光德著賞給七品頂戴其傷亡兵勇並著查明
咨部加倍議卹至據奏現獲匪犯多係姚之富之
徒且獲有姚爽一名訊係姚之富堂姪想姚之富
總在此股賊匪內等語但據巴克坦布等奏由南
召竄入大山股匪逆首王廷詔李全姚之富俱在

其中此時恒瑞帶兵截剿此股賊匪巴克坦布慶
成等先經馳赴南召一帶正可兩面夾擊痛加剿
殺總須將各首逆設法擒拏不可坐待惠齡有稽
時日至楚豫交界現無大員重兵駐守惠齡已令
舒亮帶兵前赴防堵並令阿爾薩朗會同截剿所
辦尚是又景安等奏另有一股賊匪由隨州界牌
口竄入桐柏擾至泌陽地方景安即與總兵王文
雄帶兵馳回截剿與平亦即帶兵向東北一帶分
路抄截所辦俱好景安等務須奮力剿辦勿令北
竄此股賊匪或亦有首逆在內亦未可定尤應踴
探明確設法擒拏

聖祖聖訓卷三

十

二十七日丁卯明亮奏言臣查賊匪屯聚金栽寺
一帶地方最為遼濶山勢陡險路徑紛岐若非
親歷躡看扼其要隘則進攻斷難得手且恐防

堵不密轉有竄逸之虞因於初八九等日帶親隨數騎由大成寨雙河場抄抵北面韭菜梁清溪口及東面王家岩地方瞭望賊巢雖已明晰但均係側面不得緊逼之勢初十日復踰四方山由萬古樓繞至賊巢東北鎮臣索費英阿所駐營盤山勢最高足資堵禦其前五里許有陡崖斜出名馬耳峯緊對金峩寺時有賊人攀援

《製定剿平三省邪匪方略》

十一

而上窺探官兵營卡舉動情形極爲狡誦臣看

定此處居高臨下且前面大冉家壩口係各路進兵總要路逕若由此山發兵直壓大冉家壩口可得建旣之勢遂帶領撤回頭起川兵五百名於十一日亥刻乘夜潛赴馬耳峯將數處瞭望卡所賊人悉行殲斃立時紮定營卡迨至天明俯視金峩寺賊巢帳人數歷歷在目惟查

迤左之王家巖迤右之清溪口兩處營盤相距馬耳峯均遠必須先將左首之雞爪嶺占據則橫擊大冉家壩口更爲得勢緣此處賊卡嚴密知賊人必抵死抗拒現於十二日知會柯藩明與並密飭鎮臣艾如文朱射斗索費英阿等分路帶兵將雞爪嶺搶占雖賊寨周圍尙有數處卡隘從此官兵愈逼愈近無難以次攻克

《製定剿平三省邪匪方略》

十一

明亮宜綿親成英善又奏言臣等查雞爪嶺係金峩寺賊巢咽喉卡座極爲嚴密且高崗陡峭仰攻不易惟以計取方能有濟本月十二日晚知會柯藩明與帶領副將王柱叅將王清弼遊擊李逢春楊潭等率兵自清溪口一帶直撲姚家寨賊卡以牽賊勢密派鎮臣艾如文帶領遊擊王威寧都司安如崗達自祥胡魁等率兵自

王家巖繞出雞爪嶺之北自上壓下派鎮臣朱射斗帶領副將長春遊擊李應貴都司五十六等率屯土官兵自王家巖繞出雞爪嶺之南又查馬耳峯下有棋盤石一處賊人安設鎗礮防守甚力必應奪據始可聯絡雞爪嶺姚家寨兩路官兵遂派索費英阿帶領遊擊李昌都司毛伏夏福張應魁等率兵自馬耳峯攀崖而下暗

《聖朝實錄卷三

十三

爲埋伏俟艾朱二鎮率兵進發賊人分頭抵拒時卽從崖壁山徑下壓攻取十三日卯刻柯藩明與直抵姚家寨吶喊而進守寨賊人驚覺直前抗拒官兵鎗箭並發殲斃甚多賊匪鳴鑼張號仍不稍退並金叢寺之賊亦蜂擁前來援助抵死固守官兵奮勇攻撲之時楊潭領土兵繞至賊後攀援而上意欲出其不意搶占寨落被

《聖朝實錄卷三

十四

賊人插石擊倒傷重捐軀柯藩明與鼓勵將士竭力攻殺總不使賊人接應他處其時棋盤石之賊倚高臨下正在施放鎗礮索費英阿督兵突出分飭參將姜敏功遊擊馬瑜兩路抄截遊擊永明都司應元寬從峯頂直壓賊人三面受敵遂棄卡而逃滾崖落澗死者不計其數當將棋盤石賊卡占住復分兵接助艾如文一路艾如文領兵將至雞爪嶺之上賊匪望見紛紛出卡迎敵分隊搖旗朱射斗望見卽由山坳向上直撲鎗擊箭射賊人在卡內用大礮轟擊凡可躡足之處木石如雨官兵鼓氣爭先都司五十六胡魁首先搶上卡墻均破矛傷殞命艾如文朱射斗兩路官兵人人憤恨悉用火箭射入並拋擲火彈卡內茅棚延燒賊人慌亂無措遂

乘勢折開墻垣一擁而入短兵相接刀砍矛扎
橫屍遍地餘衆始行逃竄我兵一面將雞爪嶺
要卡占據一面乘勝追殺斃賊三百餘名割獲
首級九十三顆生擒小頭目于大奇楊爾秀及
向能貴等六十一名金峩寺之賊望見雞爪嶺
火光復又衝出四五百人捨命救援經索費英
阿艾如文朱射斗三路官兵衝殺至蝙蝠洞復
擊斃二百餘人割獲首級五十七顆又生擒向
老二等十一名賊人正在奔逃詎蝙蝠洞山後
復有埋伏賊人官兵追至溝底卽從崖內突出
會合奔回之賊圍截我兵臣明亮瞥見官兵不
得地勢飛派千總吳亨衍蘭福領奮勇兵三百
名自馬耳峯直下向前衝擊殺死賊人百餘名
官兵見有接應一齊努力剿殺賊始披靡俱奔

《剿平回疆方略卷三》

五

歸金峩寺巢穴副將長春右膀被鎗子穿過未
傷筋骨此次官兵搶占賊卡二處奮勇異常雖
間有傷亡而斃斃賊人共有一千數百名奪獲
賊卡當卽分撥將弁嚴密防堵柯藩明興索費
英阿等所駐營盤均關緊要仍回原營駐守查
雞爪嶺緊接大冉家壩口賊巢恃爲唇齒今破
我兵占據棋盤石一帶亦係自高下壓並可策
應各路進兵道路現在德楞泰已抵達州日內
卽可趕至馬耳峯臣等總當會同熟籌趕緊剿
辦至生擒之于大奇等七十四名訊無要供當
卽正法奪獲器械分給兵勇備用受傷陣亡官
兵俟查明咨部辦理

《剿平回疆方略卷三》

六

直奔_臣等率同王文雄由東西北三路並進

十一日馳至裕州之古石灘正遇賊匪直撲前

來王文雄督率弁兵施放鎗礮向前迎擊賊匪

奔上山岡我兵奮力仰攻賊匪因占據地勢屹

然不動遊擊六十五都司劉應世首先搶上山

梁砍殺執旗賊目二名王文雄親督官兵乘勢

湧上賊匪不能抵禦散漫奔逃我兵從上下壓

聖朝聖德編卷三

七

殲賊甚多其時羅曲灣一帶山溝又有賊夥突

出接應_臣景安已由東北帶兵趕到即令都司

曹星帶領馬隊直前衝突鎗擊箭射賊匪不能

抵禦越嶺奔逃兩夥賊匪合而為一正在追殺

_臣與肇從西北帶兵趕往策應知我兵兩路業

已得手賊匪必向西竄即將官兵分佈山坳及

附近村莊埋伏賊果奔竄前來當督令將弁施

放號礮各處伏兵齊出橫衝直擊賊匪措手不及

及遂亡命向西南大山散漫逃竄_臣等鼓勵弁

兵進剿三十餘里因時已昏暮稍息兵力一面

晒探賊蹤乘此勝勢趕緊截剿

景安又奏言現在二股賊匪均已先後竄入豫

境聞惠齡恒瑞等亦帶兵追趕前來大兵雲集

一應軍火糧餉最為緊要除西路巴克坦布慶

聖朝聖德編卷三

六

成等軍營已飭經過各地方官隨時備辦就近

運送並專派知府林樹芳總司其事至惠齡等

自南路而來業經飛札藩臬兩司趕緊籌備分

投撥運一面分委幹員隨營照料支應不致稍

有貽誤惟大兵分起全入豫省藩庫現存款項

倘有不敷支撥已飭該司吳璣即於撥發楚省

之部餉三百萬兩內就近截留五十萬兩以資

協濟仍督率博節核辦均奏入

上命軍機大臣傳諭宜綿明亮曰宜綿等奏奪占維
爪嶺等處賊卡其設計攻取自係宜綿辦理得賞
乃明亮公然以宿將自居自列首銜其單銜具奏
之摺竟以一切布置皆伊所定太不知分明亮著
傳旨申飭並著接奉此旨後將所帶之兵留與宜
綿明亮印輕騎從速赴襄陽一帶幫同惠齡剿

《聖朝通志卷三

九

辦但明亮亦祇係前往協助其奏事列名仍應惠
齡居首惠齡亦不可因有明亮到彼稍有諉卸之
見至此次奪獲要卡所辦俱好帶兵各員均屬出
力可嘉除明亮不必加賞外宜綿著賞給白玉搬
指鑲玉帶扣大小荷包觀焱英善柯藩及索費英
阿朱射斗艾如文著各賞雕牙火鑲包大小荷包
以示獎勵其打仗出力之將弁等著交宜綿查明

實在始終奮勉者酌量陞用此次打仗之滿漢及

屯土各兵俱著查明分別各賞給一月錢糧其陣
亡遊擊楊潭都司五十六胡魁均著咨部加一等
優卹此時賊匪險要卡座連被官兵奪占該處爲
賊巢咽喉官兵從此進攻居高下壓川滇官兵陸
續齊集諒無難一鼓蕩事也

《聖朝通志卷三

十

上又命軍機大臣傳諭惠齡景安興肇慶成曰此次
景安等督兵分路追截竄匪調度有方王文雄尤
爲奮勇出力景安著賞給鑲玉帶扣白玉搬指洋
嵌盒大小荷包興肇王文雄著各賞青玉搬指洋
嵌盒大小荷包其單開打仗奮勉官員佐領那敏
著賞戴花翎遊擊六十五都司曹星俱著賞給陞
銜若該二員從前並未賞翎亦著賞戴花翎防禦
百順千總王開吉俱著賞戴藍翎打仗官兵並著

賞給一月錢糧此股賊匪剿散後向西南竄逸詎已不復北竄而巴克垣布慶成等先已馳往西路追捕又有惠齡恒瑞北來正可兩面夾擊惟景安等所擊賊股有何首逆又所稱賊匪已向西南逃竄是否仍歸慶成等所追二股之內抑係又回楚境或即在景安等現在打仗之古石灘羅曲灣西南地方係何府縣所轄又據稱惠齡恒瑞等已帶

聖朝實錄卷三

三

兵追趕前來惠齡係由何路行走抑與恒瑞分路前來曾否與景安等會合並著速行覆奏

上又命軍機大臣傳諭景安注新日河南南陽一帶地方被賊匪蹂躪之處居民未免失所今賊匪已經剿散即應招徠復業且現屆耕作之時春雨霑透今年又有閏六月為時尚早甚可趕種著景安飭知地方官妥為招集流散復業耕種毋致拋荒

其襄陽一帶曾被賊匪滋擾處所此時賊匪遠遁現在復業民人並著注新一體獎勵令其勿誤耕作

臣等謹案君以民為心民以食為天故處無事之日則教養而衽席之設地方稍有不靖尤亟亟以勞來安集為要務自楚省教匪滋事以來

聖朝實錄卷三

三

皇上軫念群黎

蠲租賜復

德意優加今因南陽襄陽一帶賊匪業經官兵擊剿

遠竄復

慮民業未復或誤耕作

降旨大吏速飭地方官妥為招輯俾得及時趨功仰

見

如天怙冒於軍書

籌筆之餘刻以閭閻疾苦為念所由綏萬邦屢豐年

詩人歸美於

武有七德也歎

二十八日戊辰額勒登保福寧奏言臣等伏思黃

柏山賊匪經官兵四面圍逼恃險負隅已非一

日必須周歷各營卡相度山勢設法進攻臣額

製通雅彙編卷五

五

勒登保於初十日乘雨稍止即由天池口城口

子前赴黃金嶂一帶查看臣福寧隨由斷山口

雙龍寺一路查看亦繞至黃金嶂會合臣額勒

登保前抵天池口查得慶溥駐兵之所與黃柏

山尚隔深溪對面山石巉巖羊腸一線不便進

取而賊人可以潛下溪邊偷越必須防範但所

割營卡俱在半山之中恐不甚得力臣隨令慶

溥將營卡移駐溪邊分設密隨於十二日轉

至諸神保割營之城口子為黃柏山之西南

溪流漸小一路層山疊嶺各處山坳房屋極多

詢之士人稱為蜈蚣山山左為一碗水在夜游

山之前均為賊人割卡占據共一碗水之旁又

有一蜈蚣嶺與一碗水相連系對卜薄道嶺過

嶺即係四方臺此為黃柏山八山正道查蜈蚣

製通雅彙編卷五

五

山山勢雖高坡坎不至甚險神保從城口子

一路上攻可期必得臣於十四日至夜游山軍

營與將軍成德面計於十五口五鼓發兵隨飛

檄諸神保亦於是日五鼓帶六直上蜈蚣山一

面知會福寧並因諸神保所帶之將領尙少添

派巴圖魯侍衛薩克坦布等前往前進臣額勒

登保即帶同綸布春等督兵夜游山側繞至

大歇坪直攻一碗水山梁將軍成德帶同巴圖魯侍衛烏爾呼諾等領兵出夜游山溝亦上一碗水背面以備夾擊並為蜈蚣山聲援五鼓後霧氣尚濃臣領勒登保所帶之豐紳三音庫積大榮等已帶兵攀緣巖石抄至一碗水賊卡之上拋擲火彈將附近山梁房屋延燒賊匪緣山設卡五六處尚不料官兵已出其上仍於各卡內放鎗擲石豐紳首先帶兵躍入賊之頭卡於霧靄迷離中痛加擊殺但聞喊聲不絕各卡賊匪驚竄維時成德等帶兵亦搶至一碗水山頂天色將曉見賊人被火燒斃及刀矛砍戮受鎗中箭死者約有三百餘人將弁兵丁割獻首級三十一顆乘勢直壓至蜈蚣嶺遙聞鎗礮聲緊自係諸神保等領兵已到蜈蚣山臣所帶之給

布春等即分兵由一碗水山腰急趨蜈蚣山立時搶上山巔環繞施放鎗箭賊人劄卡三處每卡約有六七十人初猶抵死固守滾放木石諸神保薩克坦布何天標譚公義帶兵衝出突入第二賊卡殲戮賊匪將卡占據其頭卡之賊望見二卡已失希冀出卡逃竄被官兵四面截殺滾崖亡命而逃者十無一二當將賊人所搭茅棚窩舍盡行焚燒其賊之三卡山勢較高於午後尚復相持不能遽得官兵會合已眾怒氣益張不避鎗石溝坎一鼓擁入卡內將賊匪痛加殲戮未能逃出一人各官兵等從五鼓踰越險阻殺賊一日之久實屬出力臣商同成德等將攻克之前後山梁整兵分駐俾聲勢聯絡成德即在一碗水劄營諸神保在蜈蚣山劄營臣額

聖朝勳績編卷

五

聖朝勳績編卷

五

勒登保遂於繫對小薄道嶺之蜈蚣嶺上帶兵
駐紮此次進兵深入三十餘里滿漢屯土鄉勇
官兵不避艱險擊殺多人搶獲刀矛鳥鎗甚多
並於一碗水生擒賊匪覃加盛一名並搜獲覃
克秀張從德二名覃加盛訊係覃加耀族弟派
令守卡並稱首逆林之華覃加耀俱藏匿黃柏
山時至四方臺探望覃克秀張從德即係蜈蚣
山居民從賊爲匪審明後分別凌遲梟示十六
日傍晚臣福寧亦來至軍營經過之長嶺斷山
口熊子垵一路山徑叢雜賊匪當此窮蹙之際
恐乘間潛出逃竄當經面飭關騰督率將備等
加意嚴防其餘如雙龍寺火燒冲沿山一帶官
兵及鄉勇等劄卡之處亦俱飭令晝夜巡防毋
稍疎漏再巴圖魯二等侍衛豐紳首先搶上一

欽定剿平三省邪匪方略

正編卷三二

碗水賊卡奮勇殺賊左肩猝中賊鎗穿透幸鎗
子已出可以無碍其餘官兵於攻剿喫緊之際
亦間有傷亡查明另行咨部辦理
同日秦承恩奏言竊臣接准景安咨會湖北賊
匪現由魯山西竄伏牛山一帶查此山綿亘南
召盧氏等縣正西即係陝西維南界西南係商
南界西北通潼關陝省亟須處處防範現在商
南地方有副都統豐紳布帶領滿兵五百名駐
劄彈壓並鳳邠道王文湧常川防守團聚鄉勇
數千名維南緊接伏牛山先經臣督飭該地方
官於雞頭關七盤磨要口設立總卡稽查現派
署副將劉成得帶兵四百名會同同州府知府
朱勳擇險防堵且藩司倭什布甫經親赴該處
相度布置酌發銀兩雇募鄉勇幫同守護惟現

欽定剿平三省邪匪方略

正編卷三二

據景安孥獲奸細有賊匪欲竄至平地便於掠食之供查自盧氏出山切近潼關為省城扼要

門戶臣已酌調弁兵交潼商道崇福督率防守

如果豫省信息稍緊臣即將與安現有兵丁三

百名親身帶領由南山小路馳赴潼關相機堵

剿並策應商維等處以免近省一帶民心惶惑

同日汪新奏言竊照夾河洲地方綿亘五十餘

里附近之彭家疇劉家集龍潭寺等處本係逆

首姚之富等起事嘯聚之區林深路雜最易藏

奸在洲村民大半俱曾習教上年賊氛初起該

處同黨未入賊營者尙多近日剿敗賊衆先後

潛回該處者亦復不少且地與豫境相接更慮

其潛相勾煽別生事端數旬以來時刻留心囑

飭駐守之鎮道等多遣耳目隨時偵察茲於本

月二十日戌刻接據襄陽道胡齊崙稟稱該處

伏匪匪徒果有竊掠牛隻潛圖蠢動情事現即

會同駐守劉家大灣之馬總兵派帶員弁兵勇

分途搜捕等情臣當即密會鎮臣馬瑀派兵分

赴王家樓龍潭寺各渡口嚴密防範臣即於次

日辰刻自襄陽挑帶鄉勇並於經行各卡抽帶

弁兵親馳前赴雙溝駐劄就近督飭搜捕先於

二十日傍晚該道已令捐職布經歷朱謨投効

八品頂戴邵仁樂吳培坤義勇總首生員邱映

甲改裝易服前往體訪知有賊目王集義吳國

萃黃世昌郝以謙散李氏等五六人潛相勾結

復圖起事散李氏住居郝家莊當即密派眼目

鄉勇前往擒捕適該犯婦探親回家中路掩獲

押解來營訊悉各犯姓名住址即派員弁等各

帶鄉勇同時並發分途掩捕臣於午刻馳抵雙

溝遙聞鎗礮喊殺之聲料係鎮道委員等撲捕

賊匪臣立於雙溝過渡傳令飭催旋據委員朱

謨等分投擊獲緊要首賊王集義吳國萃二犯

並據署襄陽府經歷許宗瑛義首安寧擊獲命

永隆黃玉幡等十五名並於散李氏家起獲鳥

鎗六桿刀矛一柄候補知縣高路候補布理問

製署鄂匪彙編卷三

三

陶琛擒獲緊要首賊鄭宗朝一名并起獲白旗

二面刀矛一百十三件馬二匹行經李家橋突

出馬步賊匪二百餘人各持刀矛截路搶奪該

委員等率領鄉勇奮力迎擊正在相持適馬瑀

胡齊崙馳到見賊抵死搶拒馬瑀飛箭射中一

賊落馬千總楊克立上馬擒獲兵勇鎗打矛戳

賊匪抵敵不住折向西逃以鎮道督率追趕適

西路委員候補同知虞友度等聽聞鎗聲急帶

鄉勇趕來迎截投効革職知縣陳華祝生擒緊

要賊目黃世昌二名查知該犯住居古城營候

補從九品方文立即馳赴搜出乾糧錢文並埋

藏刀鎗四十三件於時各村賊匪一齊驚覺因

器械多半埋藏奇頓措手不及各處奔竄當即

飛傳各該處員弁兵勇合攏逼鎗箭並發立

製署鄂匪彙編卷三

三

即殲斃二百餘人餘賊逼近河灘猶復拋擲石

子拚命抗拒官兵如墻競進開放排鎗逼入王

家樓渡口賊匪落水淹斃者甚多委員朱謨陶

琛陳華祝手足各受石傷尙不甚重隨據委員

馮培元孔繼樺俞克振方文葉爾信等拿獲張

應朝等二十名委員衛學純沈樹仁沈椿輝吳

雲龍等拿獲賊時路等十五名委員徐鏞慶吳

培坤鄭永泰劉士順楊士祿鄧懋常顧錦章等
拿獲姚之亮等二十九名又據委員虞友度高
璐朱謨陳華祝方文邵仁榮邱映甲王得洋等
續獲黃紹禮魏世史馬林祥等四十四名並獲
器械三百餘件一併押解前來臣即督飭該道
等逐加研訊據王集義供稱該犯向拜劉之協
為師上年因姚之富張富國王大樹劉起榮黎

《聖朝實錄卷之三》

三

述高成傑等起事到處打仗殺人本年正月在
鄧州李觀橋被官兵打散回至夾河洲同教先後
脫回者約有八百餘人該犯與吳國萃黃世昌郝
以謙散李氏等因聞襄城兵少商量充作鄉勇
難民混入搶占後知官路口宋家集等處盤堵
嚴密不能動手二月間同黨竄近襄陽該犯等
原想接應因洲上兵勇聲勢利害攪把鉛子鳥

鎗等物各自埋藏近日聽得姚之富等連次打
敗四散分逃該犯等復圖糾合仍往賊營幫同
打仗併在附近搶殺牛隻醃晒乾肉隨身帶著
充飢吳國萃黃世昌都是劉之協徒弟其馬上
箭傷之郝以謙是已死教頭韓景宗徒弟散李
氏是已死教頭散允恭女人又是女賊首齊王
氏徒弟劉之協於上年二月間在河南鄧州帥

《聖朝實錄卷之三》

三

西眷家起身逃走時有信來說往西去不知下
落聽說帥西眷已被官兵打死現在賊營之姚
張王黎四人內王廷詔即王大樹黎述即李述
因其傳徒最多所以都稱他為大叔他們自稱
大元帥等供實之吳國萃黃世昌等一百三十
九犯所供約畧相同查王集義吳國萃黃世昌
郝以謙散李氏等本係起首倡亂復潛圖肆逆

情節甚為可惡其餘各犯同惡相濟均無可貸

臣 訊明後當卽分別斬梟正法訖並將各逆犯

墳塚分飭剷燬臣 卽親歷各村將嚴辦緣由剴

切曉諭凡屬安分良民無不齊聲稱快其悔罪

歸正之人亦俱倍形讐服現飭各委員挨戶編

查取具五家互結並諭以此後如敢窩藏竄匪

定卽按法緣坐陣亡鄉勇王德勝李貴二名照

欽定剿平三省邪匪方略

正編卷三二

例給卹受傷兵勇分別獎賞其在事出力各員

另繕清單恭呈

御覽均奏入

上命軍機大臣傳諭額勒登保宜綿福寧秦承恩曰

黃柏山賊匪在一碗水蜈蚣山地方剽卡占據經

額勒登保等帶領將弁分路進攻將賊卡攻克進

逼四方臺匪賊巢已近甚屬可嘉自係額勒登保

到彼後察看山勢將原設營卡移駐分設相機進

剿是以有此克捷而福寧等協同攻擊亦為出力

額勒登保著賞給金鑲松石盒白玉大吉葫蘆牌

大小荷包福寧著賞給金盒大小荷包成德文圖

諸神保關騰慶溥著各賞大小荷包所有此次打

仗殺賊兵丁俱著賞一月錢糧二等侍衛豐紳進

攻一碗水首先搶上賊卡奮勇殺賊得受鎗傷甚

欽定剿平三省邪匪方略

正編卷三二

為出力著授為頭等侍衛現在賊匪要卡已克卽

可乘勝進逼四方臺直搗巢穴額勒登保等尤當

倍加奮勉速擒首逆又據秦承恩奏派兵防堵一

摺豫省闖入賊匪既有欲竄至平地便於掠食之

語陝省邊境不可不預行防範商南地方雖有豐

伸布及王文湧等在彼防堵究恐賊匪乘間竄入

昨據宜綿等奏已緊逼金峩寺賊巢乘勢進攻自

無難尅日蕩事宜綿務須速行剿竣卽同柯藩前
赴陝境商南一帶督率剿辦如賊匪由伏牛山關
入正可迎頭截殺秦承恩惟當靜鎮彈壓不必稍
涉張皇

上又命軍機大臣傳諭景安汪新曰夾河洲地方伏
匿賊匪私將器械埋藏潛圖蠢動經馬瑀胡齊崙
會同帶領委官兵勇分投搜捕賊匪聞拿緊急尙

聖朝聖訓卷三

七

敢抗拒官兵奮勇圍逼分投掩捕續經汪新親帶
兵勇馳往接應將反側逆匪搜剿淨盡所辦深爲
可嘉汪新馬瑀著各賞碧玉搬指大小荷包胡齊
崙著賞碧玉搬指大小荷包汪新等仍須督率沿
河將領實力防堵毋任逸匪竄回

上諭內閣曰汪新奏據襄陽道胡齊崙稟報夾河洲
有匪徒伏匿卽會同總兵馬瑀抽帶弁兵馳赴雙

溝督率剿捕拿獲賊首王集義吳國萃等犯於訊
供後分別辦理並將從逆賊匪二百餘人全行殲
戮等語所辦均屬可嘉汪新著加總督銜馬瑀著
加提督銜胡齊崙著加按察使銜用昭優獎其單
開在事出力之文武各員俱著照所請行

臣等謹案信賞必罰者行軍之要道亦制治
之良規

聖朝聖訓卷三

美

皇上御下以誠從不存逆詐億不信之見鄰於智取
術馭之爲如夾河洲掃除賊黨一事先經汪
新據胡齊崙稟報鋪張入

奏當荷

溫綸沛錫普予加恩迨後胡齊崙以侵扣軍糈事敗
按治得實復蒙

至誠洞燭

諭令大吏廉察此案均係冒功欺飾據實叅劾將各

該員濫沾

恩數分別撤銷仰見

皇上至公至明權衡功過悉由其人之自取凡在臣

工孰不敬畏而悅服哉

欽定剿平三省邪匪方略

正編卷三十三

欽定剿平三省邪匪方略正編卷三十三 丁巳年

四月初一日 辛未 惠齡奏言探得前次南竄之賊

又分兩股一在東南之孤山冲一在西北之吳

山店往來游奕似欲仍向北竄自應逼歸一處

設法剿除隨派副將凝德由孤山冲東南緩進

副將關聯陞由西南緩進副將劉廷基遊擊朱

承茂由東西兩面虛張聲勢使賊人不敢亂竄

欽定剿平三省邪匪方略

正編卷三十三

一併逼入吳山再行圍剿 臣 率領臬司先福等

繞至石門並委候補知府鄭成基等帶領鄉勇

分布山溝截擊竄匪二十一日丑刻同時並發

凝德進山離孤山冲尚有數十里即見賊匪在

山頂樹林瞭望一見官兵飛向孤山冲奔竄凝

德帶兵尋蹤追往賊匪或隱或見凝德恐有伏

匿將兵四路分開沿山逐澗到處窮搜及至孤

山中已無一賊隨登高山四望見賊分爲數起或七八十人或四五十人盡向吳山店一帶潛逃隨即知會各路官兵緊逼二十三日未刻起至吳山兩股賊人將欲聚合凝德關聯陞劉廷基朱承茂會合齊進殺死三百餘人賊匪盡向石門亂奔臣預督將弁先將鎗箭各兵排列整齊盡伏山岡之下又在偏窄要口安設大礮數位俟賊匪已近伏兵齊起鎗礮並施將在前馬步賊匪一百餘人擊斃餘賊折回分路亂逃經凝德關聯陞等帶兵追到賊匪捨命衝突見有騎馬一賊手執大旗率領馬賊直衝我隊凝德射中一箭復被外委陳大榮等矛戳數傷賊衆合力來救被我兵奮勇齊上立殺數十人並將中箭之賊擒住賊匪尙思奪路奔逃我兵一齊

聖朝和議編卷三

二

圍裏殲斃多名復經鄭成基等生擒八十七名餘賊悉數殺死當提中箭之賊訊問據供名廖世學與張漢潮俱僞稱元帥分領兩隊賊夥共一千餘人張漢潮現被官兵殺死姚之富等因聞李述等逃向桐柏泌陽一帶思欲逃往會合昨在龍鳳溝山內被官兵殺散遂領一千餘人向北逃去該犯等因被官兵衝截是以分起逃入孤山沖吳山店山內亦圖乘隙逃往會合不料被獲殺盡等語復提現獲之馬珍等八十七名逐一嚴訊供亦相同查廖世學受傷甚重已同馬珍等分別凌遲梟示傷亡兵勇另行查明造冊咨部至廖世學所供姚之富等已往北竄自卽在恒瑞追剿股內現接恒瑞來信賊匪已竄過裕州該將軍盡力窮追並准景安慶成等

聖朝和議編卷三

三

知會該撫等所追各賊分竄魯山南召山內該處與伏牛山相近恐其逃至陝境已飛咨秦承恩等飭屬一體堵截臣思賊匪因內鄉浙川楊賈氏等會與姚之富等暗相勾結欲圖會合雖已經景安掃蕩而賊匪等尙在不知臣已飛致景安飭令內鄉浙川二縣嚴爲防堵又囑舒亮前往李官橋阿爾薩朗前往三尖山一帶截其逃往興安鄖陽之路並委侍衛烏什哈達特松額帶領兵勇分駐老河口小江口等處以資協應至恒瑞所剿一股雖尙未與慶成等追剿之賊合併但察看情形自必向此一路竄逸臣自應帶兵趕往以便四面兜擒第查湖北境內各匪敗亡潰散在各處藏匿者尙復不少臣現飭令防守夾河洲之總兵馬瑀道員胡齊崙會同

聖旨都察院編纂

四

防守黃龍壩之總兵徐昭德將附近潛匪一體搜剿並令叅將吉林泰帶兵在應山孝感一帶同知周季堂守備陳之壯帶領兵勇在羅店豐樂河一帶隨處相機辦理臣卽日帶兵馳赴南召一帶察看何處較爲緊要卽往何處會同夾擊再臣於此次獲犯內訊明汪新所奏逆詞內之王姓卽王大樹又名王廷詔黎姓卽李述又名李全現在賊匪男婦約共四千有餘均係同時起事心腹固結之人是以不肯解散臣查景安同王文雄追剿一股卽係王大樹等帶領之賊慶成同巴克坦布訥音德光德齡追剿一股卽李述等帶領之賊恒瑞同碩雲保富成追剿一股卽姚之富等帶領之賊是首逆數人均在此三股之內景安等現在設法殲擒且有興肇

聖旨都察院編纂

五

協同剿辦自可不致漏網

同日巴克坦布慶成訥音_臣等自南召縣

督兵星夜前進查前起竄赴確山賊匪經景安

派員帶兵追剿先已竄入伏牛山_臣等自東路

截回賊匪雖相隔數日亦係追尋逃逸查伏牛

山綿長八百餘里西接陝省商南雒南等縣崎

嶇險仄賊匪日夜奔走百有餘里_臣等尋路遠

擧著刑部彙編卷三

六

截轉恐紆遠連日帶兵備行追及先後殺賊二

百二十餘名_臣等至內鄉縣屬之石界河地方

遇河南叅將廣福據稱前起賊人已於十八日

由此向西逃竄因聞後面復有賊匪竄來是以

帶兵紮駐二十二日晚後起賊眾約二千餘人

倉卒奔竄前來該叅將督兵施放鎗礮奮力擊

打賊眾敗退亦由前起賊人竄逸之路奔逃等

語_臣等又於途次接景安來劄稱桐柏縣地方

又有一股賊匪竄入現已帶兵前往截剿隨令

該叅將探明景安剿賊之路前往策應_臣等當

卽兼程前進聞後起賊匪竄至五里川地方東北

距河南盧氏縣西北距陝西雒南縣均一百數

十里若官兵直前掩襲賊人勢必向北狂奔應

卽設法攔截_臣巴克坦布與總兵德光等仍帶

擧著刑部彙編卷三

七

步兵追殺_臣慶成訥音總兵德齡等帶巴圖魯

侍衛馬兵於二十四日夜間從五里川東北山

溝密行抄繞天明官兵撲上山梁賊人瞥見尙

有抗拒之勢_臣等督兵下壓賊匪折向原路奔

逃_臣巴克坦布等帶領步隊迎頭攻擊賊人分

竄大山_臣慶成訥音等分帶馬兵往來截殺殲

斃賊匪五百餘人奪獲騾馬三十餘匹餘匪復

向西南一帶深山逃竄臣等隨即督兵趕緊剿辦均奏入

上命軍機大臣傳諭惠齡恒瑞景安慶成秦承恩蔣兆奎曰此次慶成等追剿賊匪共殲斃七百餘名賊勢窮蹙由盧氏一帶竄入伏牛山內慶成等現向西南一路兜截所辦尚好現據惠齡奏到剿淨南股賊匪即日帶兵馳赴南召一帶察看何處緊

聖看龍喜編卷三

八

要會同夾擊此時賊首王大樹李全姚之富三人俱在豫省南境一帶北面有景安王文雄帶兵截殺南面有恒瑞等帶兵追剿而惠齡亦即踵至正可會合兜擒惟伏牛山西北即接陝西潼關雒南地方前據秦承恩奏一得豫省知會即帶兵三百名由興安小路星赴潼關一帶堵截惟所帶兵數未免畧少著傳諭秦承恩如本省營汛可以就近

添調固屬便捷否則山西蒲州與潼關僅隔一河就近咨調應用如有豫省剿散餘匪逸入即當攔截擒拏並著蔣兆奎於蒲州各營先為密備勁兵一千名但不可稍露張皇至恒瑞連日未見具奏或因追賊緊急未暇繕摺此時恒瑞趕至何處會否與景安慶成會合著即迅速具奏總之賊匪奔竄無常若因山路崎嶇馬兵不能得力則賊匪困守空山糧食缺乏自必潛行掠食正可趁其下山之時於平原曠野用兵圍剿此時賊未潰散皆緣首逆等未經就獲惠齡等惟當設法將李全王大樹姚之富三犯擒獲其餘夥黨失所倚恃自必潰散惠齡所奏分委員弁搜查餘孽未免先其所緩而後其所急再張富國一犯現往何處未據奏及亦當一併留心截拏此次剿賊之副將凝德關聯

聖看龍喜編卷三

九

陞劉廷基著惠齡咨部議叙

初二日臣額勒登保福寧奏言查賊匪佔據黃

柏山恃險抗拒昨經攻得一碗水等山尙係四

方臺之右其左面之光頭山賊人高築賊卡接

築卡牆十餘里內外深挖壕溝溝外坡坎處處

陡峭小薄道嶺之路更偏仄無容足之地難於

行走必須將卡牆設法摧陷方能攻取四方臺

臣

十

等再四思維惟有從光頭山脚逐段擊卡於半

嶺之上橫穿一深林即可直衝卡牆出其不備

遂於十九二十兩日親督官兵擊卡光頭山賊

人見官兵上嶺即放鎗擲石我兵人人奮勇共

接擊九卡已到半嶺相距賊卡不遠該匪等吹

角聚眾約千餘人持矛放鎗吶喊下壓被巴圖

魯侍衛及滿漢屯土官兵鎗箭齊發連斃數十

賊該匪等藏匿深林猶放鎗拋石我兵施放連

環鎗賊始轉退八卡死守臣等飭令官兵即於

半嶺將營卡修砌堅固嚴密防護賊匪於傍晚

時復來撲卡二次復被官兵擊退嗣亦不敢再

下臣等即於二十一日五鼓由半嶺直入深林

橫衝卡牆臣額勒登保帶領綸布春等為一路

福寧帶領張廷彥等為一路并令官兵分帶

臣

十一

木梯撓鈎備用天未明時我兵已至牆下即將

木梯搭在牆上用撓鈎掛牆藉勢騰越立時拆

開卡牆斬文銓張彪等首先進牆連砍數賊賊

眾一時驚叫聲徹山谷摧陷已非一處閃懷希

孫效前李錫爵曾大彪殷占魁等隨即帶同各

兵突入賊匪抱頭鼠竄我兵到處截殺屍橫遍

野光頭山小薄道嶺之賊見官兵已入卡牆屢

欲下壓又復怯退我兵繞至高坡用礮向上轟擊該匪等存立不住潰而出卡滾崖墮溝死者無算官兵追殺乘勢搶上四方臺拋擲火彈將房屋延燒男婦老幼奔逃悉爲官兵殲戮臣等於已刻踵至四方臺將領等分路追殺已至四五十里之外陸續割獻首級一百五十顆又生擒賊匪田大榮李名盛覃有惠等三名訊以首逆下落均稱現俱各自逃竄實在不知亦未聞商往何處等語餘無要供當卽梟首懸示至長嶺一路關騰帶兵從梯兒巖殺入來獻首級十一顆奪獲賊鎗五十四桿木礮二個及食物器用均卽分賞各兵午後聞西南鎗礮之聲不絕自係賊匪等竄至該處臣等先經撥兵一千餘名飭令將領等帶同趕赴成德及諸神保駐兵

之所聽候撥用長嶺一路官兵已繞至四方臺東面無虞賊人竄逸西南一帶有成德諸神保西北有慶溥在彼堵剿自亦無慮惟首逆林之華覃加耀等尙無下落臣等遂令各將領卽於山梁要隘處所割卡分駐臣等亦移駐四方臺搜尋首逆剿捕餘孽再巴圖魯二等侍衛豐紳奮勇殺賊左肩猝被賊鎗現已取出鎗子飭令調養其餘將領屯土備弁內身冒鎗石不避險阻實在出力之人謹擇其勞績尤多者並辦理軍需出力文員分別開單呈覽陣亡受傷弁兵另行查明咨部奏入上命軍機大臣傳諭額勒登保福寧曰據奏官兵攻克四方臺痛殲賊匪情形初閱竟似賊人巢穴已傾首逆卽可擒獲殊爲欣悅及閱至後幅首逆現

無下落且據稱長嶺一路官兵已至四方臺東面無虞賊人竄逸而西南一帶先經撥兵一千飭令將領帶同趕赴成德諸神保駐兵之所聽候撥用此項兵丁是否係未經攻克四方臺之前預先派往若係攻克四方臺時甫經派往則西南一帶道路綿長新派之兵一時未能趕到而成德諸神保俱已年老深慮照料未周若賊匪復由此路竄逸

聖朝聖訓卷五

古

則西南未經被賊地方豈不又遭蹂躪著傳諭成德諸神保務當加倍留心嚴密截剿如能趁此擒獲首逆則伊二人當得首功額勒登保福寧轉居其次倘防堵不嚴任令賊匪首夥由此路逃逸亦當治成德諸神保之罪再閱黃柏山舊圖四方臺為賊人門戶其巢穴尚在四方臺之北究竟相距道路若干此次會否直搗賊巢未據聲敘且訊據

獲犯供稱林之華軍加糧俱各逃竄不知逃往何處是首逆尚無確蹤即攻克緊要隘卡亦未為嚴事但因額勒登保等尚能設法拆毀卡牆破賊門戶究屬奮勉額勒登保著賞給金鑲松石盒搬指套青玉搬指大小荷包福寧著賞給銀絲盒搬指套青玉搬指大小荷包所有出力文武員弁均照所請分別加恩此外如有出力者並著查明咨部

聖朝聖訓卷五

五

議敘兵丁等甚為勞苦著賞給一月錢糧以示鼓勵
上諭內閣曰額勒登保福寧奏軍營節次打仗奮勇出力各將備名單二等侍衛豐紳著陞為頭等侍衛遊擊候補參將董寧川著賞給健勇巴圖魯名號遊擊斬文銓賞給壯勇巴圖魯名號土遊擊色爾瓦賞給博特巴巴圖魯名號都司孫效前守備



朱集才譚公義土都可楊德明安朋土守備阿托俱著賞戴花翎守備姚士華千總李文秀龍必達把總蕭聯陞外委殷占魁李萃李錫爵會大彪額外外委李楫土守備安達俱著賞戴藍翎又辦理軍需出力之道員依精阿知府趙秉淵俱著賞戴花翎縣丞常慶賞戴藍翎知縣沈堂著以同知直隸州補用准其先換頂戴以示鼓勵

聖朝聖編卷三

夫

初三日癸酉興肇景安奏言臣等前於古石灘一

帶迎截第三股賊匪連日自裕州至魯山嵩縣俱係崇山峻嶺賊匪見官兵追急分股奔逃或二三百人或數十人忽出忽沒臣等與總兵王文雄率領官兵由北面分路入山截剿賊匪由伏牛山向西潰竄正在追趕間旋據探報前次遣往接應總兵張文奇追剿第一股賊匪之守

備楊君璽尙未與張文奇會合於二十日行至

樂州地方猝遇第二股賊匪二千有餘該備奮力截殺緣帶兵僅有四百轉戰四時之久眾寡不敵該備身被重傷陣亡彼時張文奇帶兵在後聞聲趕至賊匪恃克分股圍繞張文奇當卽帶兵搶上山梁排隊施放連環鎗賊匪抵死攻撲千總吳雙奇連發大礮轟斃執旗賊目三名

聖朝聖編卷三

七

張文奇督率官兵力戰至四更賊始暫退張文奇露處山梁官兵竟夜水米未進次日辰刻賊匪又蜂擁而至張文奇鼓勵官兵直衝賊隊賊匪披靡官兵乘勢剿殺鎗斃紅衣賊目一名餘賊向西南逃竄臣等因思張文奇在西路追剿而此第三股潰匪又向西竄恐該鎮腹背受敵當卽飛行知會令其預防後路張文奇遂回兵



白露溝據險埋伏二十六日第三股賊匪果竄至其處伏兵齊發殺賊百餘名奪獲牛騾刀矛無數賊匪仍復翻山向西逃竄查前兩股賊匪俱已西竄盧氏內鄉一帶巴克坦布慶成等大兵在南路緊追至此股潰匪意在追尋前股會合現在恒瑞等帶領大兵亦由嵩縣一路趕來並准秦承恩咨稱陝省接壤之雒南商南等處均已派兵團勇堵截嚴密賊匪西竄無路勢必仍復折回臣等現與恒瑞公同熟商合力追剿至東北襄城許州一帶現無兵力防堵適據藩司吳璈稟稱奏請

間發直隸山東山西兵二千名前來分駐防堵如蒙俞允則豫境北面足壯聲威臣景安亦可專心會剿倘各路官兵未到之先賊匪業已剿淨即當飛

聖朝聖德編卷三

六

行知會停止再臣景安因大兵分起全入豫省軍需萬緊當即飭知藩司倘藩庫存款不敷支撥即於撥發楚省部餉銀內酌量截留以資接濟茲據該司吳璈稟請截留一百萬兩當即飭令就近辦理至裕州葉縣一帶驛路賊匪常時出沒解楚餉銀未便冒昧徑行亦經飭令藩司暫於許州襄城等處截留存貯隨時確查新野信陽兩路何處放心即由何處解往

同日恒瑞與肇景安奏言臣恒瑞同領雲保富成帶兵追剿北股之賊緣楚豫東路交界層峯叠嶂賊匪已翻山竄入豫境臣恒瑞聞景安王文雄均往西路魯山一帶截剿前股之賊恐此股賊匪乘虛直向北趨當即趕緊抄至東北一路攔截沿途探知興肇景安等連次截擊賊匪

聖朝聖德編卷三

九

不敢北趨總由山路由西奔竄遂復星夜橫行
二十七日馳抵嵩縣之寺莊地方適遇興肇景
安等探路截剿詢知三股賊匪先後被剿西竄
情形^臣等公同熟商前兩股賊匪已竄往盧氏
一帶慶成等帶領大兵趕剿此股賊匪自亦必
思歸併前夥^臣等本擬分兵抄至北面兜截但
查嵩縣一帶伏牛大山橫亘其間惟黑峪一路
可通盧氏之欒川此外雖有山僻小徑險狹異
常難通糧運若由北大路取道洛陽抄赴盧氏
計程六百餘里剿辦轉致稽遲且賊匪狡獪異
常或北或南殊難預料莫若合齊兵力乘勢窮
追一俟可以覓路分截之處卽當分兵兜截
同日蔣兆奎奏言三月二十九日^臣閱兵至大
同府途次接據河南布政使吳璫稟稱豫省地

聖祖聖訓卷三

二十

方因賊匪奔竄無定各口兵俱在西南面追截
東北面防守空虛不得不於隣省調撥查山西
澤州府與豫省河內縣連界由孟縣渡河五十
里卽係洛陽地方現經奏懇
聖慈飭令山西省派兵一千名赴洛陽駐劄防守等
情^臣查山西太原鎮屬上年四月間業經派撥
兵二千名赴豫協剿本年二月內經陝西撫臣
秦承恩奏請調撥晉兵二千名當於大同屬照
數挑備嗣奉
諭旨停止歸伍^臣以軍務未竣仍密囑鎮臣恩特黑
默轉飭靜候今豫省所需防守兵丁自應卽於
此內派撥一千名派河保營叅將富靈保統領
分作三起間日起程赴省一面飛飭沿途各地
方官豫備口糧草料車馬等項供支飭令兼程

聖祖聖訓卷三

二十三

前進均奏入

上命軍機大臣傳諭惠齡恒瑞興肇景安慶成曰景安等奏張文奇帶兵趕至藥川地方將第二股賊匪痛加殲殺迨經景安等知會卽據險埋伏於第三股賊匪竄至該處時又殲斃百餘名賊匪向西逃竄張文奇奮勇可嘉著賞戴花翎仍加賞提督銜並賞碧玉搬指銀絲搬指套大小荷包以示獎

《聖朝實錄卷三》

三

勵守備楊君國粹遇賊匪奮力截殺受傷陣亡殊爲可惜著咨部照都司例議卹其餘傷亡官兵俱著查明咨部優卹打仗兵丁四百名著賞給一月錢糧恒瑞景安等擬合齊兵力乘勝窮追俟可以覓路分截之處卽分兵兜截所見亦是現在惠齡等已將襄陽南股賊匪剿淨帶兵馳赴南召一帶正可會同夾擊看來景安等所追之賊亦必歸入

慶成等所追之前兩股內如果賊匪竄入伏牛山內該處山勢險峻綿亘非城市村集可比賊匪人衆亦必無從搶掠正可趁其自投羅網四面堵截悉數殲除惠齡景安等務須上緊剿辦至張文奇殺斃之紅衣賊目是否係緊要首逆並著查明具奏其所稱留楚餉一百萬以應急需自應如此辦理又據奏襄城許州一帶無兵防堵請簡發直隸山東山西兵二千名前赴防堵頃據蔣兆奎奏已挑官兵一千名派員管帶赴豫自可得力至直隸山東相距河南較遠且賊匪業向西竄豫省東北一帶似可無虞著景安等酌量情形如襄許等處已可無須防堵則直隸山東之兵竟無庸添調設賊匪或又轉回北竄必須添兵接濟景安卽一面咨調一面奏聞不必再行請旨致稽時日

初五日^{乙亥} 巴克坦布慶成訥音奏言^臣 等昨自

盧氏縣五里川截回賊匪向西南陝豫接壤大

山逃竄山峽陡險別無歧路抄截^臣 等督率弁

兵兼程緊追至火焰溝該處距陝省雒南商南

商州等邊界俱近道路益窄馬步並進難以展

布^臣 巴克坦布德光各帶步兵一隊由兩山嶺

前進^臣 慶成訥音德齡等帶領馬隊由中路進

攻又探聞^臣 等自東路截回之賊現已趕入前

次竄赴確山賊匪一夥沿途各有裹脅之人俱

至樂莊地方一見官兵恃其人數增多公然在

峽口排列抗拒直前衝殺^臣 巴克坦布德光從

兩山嶺施放鎗礮擊斃賊匪多人餘衆仍抵死

不退維時天已向暮地勢逼狹^臣 慶成等率領

侍衛弁兵奮力衝開賊隊搶出峽口^臣 巴克坦

布等亦即乘勢下壓賊始散亂爬山分竄官兵

卽在山梁剗駐詎賊人乘夜復來攻撲營盤官

兵鎗礮齊發傷斃數十賊卽時敗退天明查探

賊匪俱已向西南逃遁當卽飛咨秦承恩嚴飭

各要隘兵勇加緊堵截外^臣 等卽由樂莊向西

南督兵趕緊剿辦再^臣 等入山抄繞已及兩月

官兵所騎馬匹俱形疲乏現在賊匪狂奔截剿

正需馬力^臣 等就近知會陝省籌辦壯馬五百

匹解送前來更換俾資接濟

同日署陝西布政使倭什布奏言^臣 自潼關旋

省後探聞豫省賊匪分作數股滋擾魯山南召

內鄉盧氏等縣該處與陝省雒南縣毗連兼可

旁通商南潼關等屬現在商雒一帶雖有副都

統豐伸布鳳郊道王文湧署潼關副將劉成得

並同州府知府朱勳帶領滿漢官兵及各鄉義勇晝夜防範但山重嶺複隘口繁多臣復商同署將軍花尙阿添派滿兵四百名前往潼關防守軍標兵三百名派委撫標遊擊張彪帶領分往雒南堵禦茲於三月二十八日據商南縣知縣錢廷琛飛稟二十三十四兩日有屯聚盧氏縣賊匪數百人連撲縣屬之捻耳溝卡寨俱經該縣協同把總馬占熊親督兵勇將賊殺退二十五日賊匪在盧氏迤西之李漫坪肆擾該縣馳赴北界曹家營地方攔截二十六日午刻忽有賊匪數千人由盧氏瓦窑溝前來齊撲捻耳溝卡寨經馬占熊率領兵勇用鎗礮擊賊匪捨命直前兵勇人少不能抵禦賊衆已入境內當經劉成得帶兵星往攔截堵剿等語查商南雒

南一帶為陝省緊要門戶臣急欲親往會剿適聞秦承恩帶兵三百名已由南山小路星夜行走不日可抵商境且省城重地未敢輕離茲與花尙阿商酌選挑精壯滿兵六百名妥為豫備惟陝省滿漢官兵除陸續調往鄰省撥防各屬外今商雒潼關一帶分守各卡兵丁在在俱形單弱卽添雇壯勇均不能諳習紀律合無仰懇皇上天恩諭令山西撫臣蔣兆奎將前次該省備調兵丁內酌撥一千名派委專閫大員督同勇幹將備帶領兼程來陝由潼關逕往商南一帶協力撲剿於地方實有裨益均奏入

上命軍機大臣傳諭惠齡恒瑞與肇景安秦承恩慶成蔣兆奎曰豫省竄匪經慶成等在盧氏抄截俱竄至欒莊地方官兵分路追剿僅殲賊匪數十

聖朝實錄卷三

天

聖朝實錄卷三

天

人為數甚少此時賊匪由西南逃遁距陝省雒南商南等處不遠現據倭什布奏盧氏地方約有數千餘賊已闖入陝境請將晉省前次備調兵一千名卽兼程赴陝協剿等語是豫省賊匪業已竄陝亟須上緊搜捕慶成等雖已向西南追剿秦承恩現由南山小路前抵商州兵力尙覺單弱著蔣兆奎卽於晉省蒲州附近營汛挑撥兵一千名速派將弁管領徑赴商南一帶不可又繞至西安致有紆緩其前次由大同撥赴洛陽兵一千名現在豫省之賊既竄商南此項兵丁亦可不必要赴豫卽著就近俱赴商雒一帶以備圍剿之用恒瑞等所追第三股賊匪自必亦歸入前二股之內惠齡亦應馳赴該處協力夾剿至景安雖係一同帶兵但豫省邊境一帶尤關緊要著該撫酌量情形如豫省

欽定剿平三省邪匪方略

正編卷三三

已無賊匪或卽同赴陝境協剿或留駐豫省邊境以資策應至慶成等奏官兵截剿正需馬力已咨會陝省辦馬五百匹解送等語著秦承恩速行酌量籌撥不可有悞軍行

初六日內秦承恩奏言臣探得楚匪已在盧氏朱陽關一帶焚掠距陝甚近隨飛飭文武員弁實力防堵臣卽於二十五日自興安起程二十九日行抵孝義川地方接據商南縣知縣錢廷琛稟稱賊匪三千餘人屯聚盧氏縣瓦窑溝等處焚掠與商南東西捻耳溝相近二十三兩日有賊數百人連撲捻耳溝卡隘俱經該縣親督兵勇擊退二十六日午刻忽有賊匪數千人徑撲西捻耳溝卡隘把總馬占熊率領兵勇用第敵轟擊賊匪捨命不退署潼關協副將劉成

欽定剿平三省邪匪方略

正編卷三三

得聞信帶領兵勇飛往堵剿殺賊三四百人餘
 匪竄逃正在帶兵追剿被賊匪兩路突出劉成
 得馬占熊各受傷陣亡兵勇查明另報現在賊
 匪直入商境等情又據鳳邠道王文湧稟稱二
 十六日賊匪二千餘人由洋淇溝撲商南雙樹
 卡經副都統豐伸布帶領兵勇迎剿殺賊三百
 餘人兵弁間有傷亡等情臣聞信實深焦灼卽
 於本日由孝義川馳赴商州一帶督率堵剿惟
 現在商雒等處派往滿漢防兵各止四五百名
 卡隘甚多不敷分撥臣此次亦祇帶本標兵三
 百名而通省滿漢官兵多已調赴川楚會剿存
 營無幾現在花尙阿倭什布會挑滿兵六百名
 預備調撥但兵力尙單臣前自興安啟程時已
 飛劄蔣兆奎於晉省各營內備兵一千名先令

數百名星赴潼關防守現又劄催卽全數派撥
 前來馳赴商南一帶協剿並於此項兵丁之外
 添派兵一千名預備續調再頃聞提督慶成總
 兵張文奇俱已帶兵抵盧氏縣與商雒接壤臣
 已飛商慶成等卽將所帶官兵酌派來陝兩面
 夾攻
 同日倭什布奏言據商南縣稟報署副將劉成
 得於二十六日追剿捻耳溝賊匪殺賊三百餘
 人詎賊衆自兩山壓下四面圍裹以致劉成得
 與把總馬占熊俱受傷陣亡等情又准鳳邠道
 王文湧劄會二十六日副都統豐伸布帶領滿
 漢官兵鄉勇在洋淇溝地方截殺賊衆因衆寡
 不敵不敢窮追等情三十日據同州府知府朱
 熏稟報探得賊匪於二十七日屯聚盧氏之蘭

聖朝聖訓卷之三

三

聖朝聖訓卷之三

三

草河申刻竄入火焰溝二十八日由雒南縣之
八岔直撲樂莊營經商州營遊擊張濯督率兵
勇在彼堵禦等語查賊匪分股四竄其自捻耳
溝入境一股逼近商南縣城卽樂莊地方距雒
南縣不遠兼有小路可通商州之龍駒寨已飛
劄豐伸布王文湧暨朱勳張彪等竭力防堵以
免疎虞頃接秦承恩劄知已於二十六日帶兵
日與安起程計四月初二三日可抵商境並劄
調滿兵四百名前往又接潼商道崇福來劄山
西蒲州營兵丁二百名於三月二十九日到關
逕赴商南縣訖均奏八

上命軍機大臣傳諭惠齡景安慶成秦承恩曰秦承
恩奏賊匪竄入商南縣境前往督辦又據倭什布
奏到情形相同此次竄匪由盧氏關入陝境商南

《聖朝實錄卷三》

三

地方叅將劉成得帶兵堵禦被賊匪兩路竄出與
把總馬占熊俱各受傷陣亡自因該將弁所帶兵
少猝遇賊匪數千衆寡不敵以致陣亡殊爲可惜
劉成得馬占熊俱著咨部加等議卹至隨征兵丁
打仗出力者向俱酌加恩賞但兵丁等臨陣拒賊
理宜捍衛主將若兵不顧將於軍紀卽當嚴辦劉
成得等所帶兵丁果能奮勇殺賊何至領兵之員

《聖朝實錄卷三》

三

竟被賊害本應查明治罪姑念現當剿賊用人之
際罰不及衆特從寬貸已屬格外施恩豈可再邀
賞資領兵大員等當隨時將此旨宣諭各兵丁等
一體知悉俾臨陣遇敵有勇知方以肅軍紀至此
股賊匪自卽係慶成等一路追剿之賊看來首逆
王大樹李全姚之富等皆必歸在一處昨已降旨
令惠齡恒瑞興筆等俱赴商雒一帶會剿計慶成

等自當先到恒瑞興肇次之惠齡等接續可到而秦承恩亦已帶兵馳赴商州但秦承恩究係書生惠齡恒瑞慶成等或酌分一二人幫同剿捕更爲得力景安竟當駐劄豫省邊境一帶督率巡查嚴密防堵於總兵王文雄張文奇二人內派委一人酌帶兵丁前赴陝境協剿至添調晉兵一節昨已令蔣兆奎將蒲州挑備兵丁一千名並前次撥赴

聖祖聖訓編卷三

五

洛陽之大同兵一千名併即速赴商雒一帶圍剿現在秦承恩又調滿兵四百名合之惠齡恒瑞興肇慶成等所帶之兵不下二萬有餘何難合力兜捕況賊匪逃竄步行者多官兵儘可追及惠齡等務當振作士氣奮力進剿速奏捷音

上又命軍機大臣傳諭直隸山東河南江西湖北四川陝甘雲貴各督撫曰自賊匪滋事以來調派各

該省官兵進剿未免本省存營官兵較少現當剿賊之時征兵不能即時歸伍兵額久懸不補營汛空虛自應先行挑募新兵補足兵額操練精熟使各處營汛皆有官兵巡守設遇徵調亦可隨時抽撥存營不致單弱於征剿差操均有裨益且征兵等在軍營剿賊立功拔補弁員以及傷亡事故所遺馬步兵額缺本須挑補即使大功告竣後征兵

聖祖聖訓編卷三

五

歸伍彼時仍可酌量情形通融辦理著各該督撫卽各按調派兵數酌量募補十之六七務須督飭各標營挑選精壯新兵毋得將老弱充數以副慎重戎兵之意

臣

等謹案書云惟事事乃其有備蓋以訓練卒伍修簡器械平日尚不可無備况在詰戎除暴之際乎此次教匪滋事奔竄三省重以

地介山陬險隘更多防剿兼施多需兵力是

以徵調就近各省營兵前往協濟我

皇上神機密運凡遇奏請檄調之爭

權道里酌地勢遲速多寡之間一一出於

指示茲復

慮及調撥各營分兵額久懸

諭令各督撫先行募補十之六七以備組練而重巡

禦平三省邪匪

卷三

防仰見

宵旰之勞

運籌同至時措咸宜也

初七日丁丑明亮宜綿德楞泰奏言竊查雞爪嶺

為賊巢正東一帶門戶自經官兵奪據扼其咽喉

喉料賊匪定來攻撲當飭鎮臣朱射斗艾如文

等率川陝官兵及綽斯甲並五寨土兵於雞爪

嶺之土連營分駐又撥鎮臣索費英阿臣以帶之

兵於棋盤石擊卡二處聯絡聲勢適臣德楞泰

已自楊柳坪一路察看地勢於十八日馳抵馬

耳峯軍營與臣明亮宜綿會同親履各處查閱

營卡二十一日丑刻賊匪率眾分路前米每路

約千餘人由大冉家垭口陳家坪龔家灣四處

直撲雞爪嶺各營另一路直衝棋盤石卡座臣

禦平三省邪匪

卷三

等督率將弁帶兵分投進剿因時在昏夜恐雞

爪嶺山徑溝坎難辨飛飭艾如文朱射斗等先

用大小礮轟擊誘賊上嶺然後突出剿殺比賊

匪行至嶺下見官兵不即出敵以為得計分燃

火炬一湧上嶺該二鎮率將弁及屯上各兵同

聲吶喊衝出營盤鎗箭刀矛奮力攬賊當將四

路前隊賊匪三百餘人盡行殲斃後以之賊即

回身捷走時天色將曉官兵乘勢下壓賊眾益形錯亂拋棄器械及追至嶺下副將長春曾於十三日殺賊時得受鎗傷猶復率千總何化龍等催兵追擊沿途又殺傷數十人其衝撲甚盤石一路之賊經達音泰索費英阿等領兵緊對賊人來路用鎗礮轟打擊斃甚多賊匪始退該二鎮仍帶兵衝殺下山賊從寨內擁出多人接應抗拒迫見攻撲難爪嶺四路之賊俱各狂奔敗回眾賊始奪路亂逃敗入寨去計殺斃五百餘人割獲首級七十一顆生擒王作虎吳國良庾有才黃添佑等四十四名奪獲鎗矛器械九十二件大小礮三位臣等當將出力弁兵逐一獎賞仍令各營卡兵勇嚴密守禦次日巳刻賊匪復率三四千人直撲萬古樓鄉勇卡座查該

處在賊巢東北因官兵不敷分駐臣等於鄉勇中挑取奮勇者三千人訓練鼓勵派外委劉邦華帶鄉勇頭羅思舉王道益等管領設營堵禦賊匪不能東竄希圖西擊該鄉勇等在卡望見卽分隊排列山腰併力轟擊賊始稍退又分一股欲從山溝繞至山後衝撲經臣等派侍衛溫春富僧德都司蒲尚佐等帶領策應之兵勇由馬耳峯溝底迎頭截殺鄉勇等亦自上壓首尾夾擊賊人情急穿林越澗四處奔逃除兵勇分投追殺五十餘名之外所有攔截溝內之賊痛加礮戮所餘無幾並生擒符士貴王登明李有貴等十七名臣等逐一研訊據供該首逆等欲命執旗頭人於附近村莊焚掠糧食何處營卡可以衝開卽向何處搶掠又聽得首逆等計

聖朝實錄卷三

天

聖朝實錄卷三

天

議以金我寺山勢陡險可以屯聚又欲派人暗

從西南山陰取道往明月場羅江口搬搶糧食

並欲邀合王家寨方山坪兩處屯聚之賊入夥

可以固守拒敵官兵等語臣等覈其情辭似屬

可信羅江口一帶現因兵力短少分駐鄉兵雖

多究不足恃自須亟為籌畫適後起川滇各兵

俱已行抵達州因即令提臣穆克登阿副都統

欽定剿平三省邪匪方略 正編卷三三

銜巴圖魯西津泰等前往率領相地分佈以堵

賊人西竄並飛飭該處守營將弁留心防範茲

於二十四日據叅將增順遊擊王霖等稟報二

十二日有賊匪二三千人至重石子地方焚掠

該叅將等即率兵剿堵截殺多人賊人退據重

石子山巔屯紮遊擊托克托布因奮勇殺賊臨

陣捐軀遊擊薛大烈亦殺賊受傷尚不甚重臣

等伏查金我寺賊巢四面山巒綿亘南至新寧

一百四十里東至開縣二百六十餘里北至太

平縣二百五十里西至達州一百四十里方山

坪王家寨一百八十里賊人情急分竄在所不

免萬一進攻太急致賊人向山間小道奔逃恐

未經破擾村莊復被蹂躪總須先將四面隘口

一一分防妥帖使賊匪驅歸一處無路潛逃然

欽定剿平三省邪匪方略 正編卷三三

後將各營卡向前挪移漸逼漸緊以期一鼓殲

擒至連日各路打仗受傷陣亡兵丁容俟查明

咨部其生擒之王作虎符士貴等六十一名即

行正法梟示再現在圍剿賊匪四路安兵周圍

道路遙遠各路軍火軍糧最關緊要查達州為

糧餉總彙運搬之所不可無大員督率籌運臣

等公同商酌臣英善應在達州駐劄督催分運

觀成奎舒勒禮善分駐達州東鄉緊要隘口

稽查後路遇有急需堵剿之事即可就近派撥

明亮宜綿德楞泰駐劄前敵相機籌剿又查

王家寨方山坪二處賊匪經總兵百祥署遊擊

羅定國等分投堵剿茲據百祥稟稱王家寨西

北之鮮家坪鷹背嘴一帶係通方山坪大路賊

匪屢思竄合經都司李洲守備蘇維龍千總馬

國柱等分帶兵勇連營扼要已有圍攻之勢又

據羅定國稟稱賊匪連日出擾附近方山坪之

觀紫寨等處經該都司率領兵勇極力堵截賊

匪不敢復出惟該二處兵力尙單未便冒昧進

剿臣等趕緊籌商俟四路營卡分設妥密即當

酌量抽撥分往協剿

同日刑部侍郎代辦陝甘總督事務陸有仁奏

同日刑部侍郎代辦陝甘總督事務陸有仁奏

臣接據商州雒南縣稟報河南賊匪竄入盧

氏之朱陽關蘭草河等處逼近縣界臣查蘭草

河距雒南之雞頭關僅十五里距縣城一百七

十里道路在在皆通必須於總要隘口嚴密防

堵隨飛飭署潼關協副將酌帶官兵星赴該處

會合商州牧周光裕多雇鄉勇分布要害并經

秦承恩飭委同州府知府朱勳帶領壯丁前赴

擇險防守藩司倭什布亦派軍標兵三百名星

飛馳往守禦尙屬有資自可不致闖入第聞賊

匪狡黠異常奔竄無定潼關附近官兵多半調

赴興安暨四川達州防剿兵力稍形單弱查甘

省各營除派出川楚協剿外現存兵四萬四千

餘名臣已酌撥西寧鎮兵三百名河東附近各

營兵二百名飭派久歷行陣之西寧鎮總兵富

營兵二百名飭派久歷行陣之西寧鎮總兵富

爾賽帶領兼程馳赴潼商一帶探明何處緊要
卽赴何處策應臣一面差派妥弁密行偵探如
果賊匪擾及陝界臣卽刻起程星夜赴彼相機
堵剿均奏入

上命軍機大臣傳諭宜綿惠齡明亮慶成秦承恩曰
宜綿等奏痛殲連日撲營賊匪並撥兵堵剿情形
所辦尙好前因宜綿等奪獲雞爪嶺碁盤石緊要

欽定四庫全書

臣

卡座賊勢諒已窮蹙是以令明亮前往楚豫一帶
協剿今閱所奏賊匪現在屯聚金莪寺清溪場尙
敢四出撲擾而王家寨方山坪又有屯聚之賊如
明亮接到前旨已經起身必經由陝西一帶正可
就近前赴商雒幫同恒瑞慶成等四面夾攻若明
亮因達州賊勢尙眾未經起程仍著留於達州地
方同宜綿等分投督剿至方山坪王家寨祇有總

兵百祥一人在彼堵禦究恐兵力單弱現在達州
帶兵大員甚多宜綿等或酌分一人帶兵前往以
期早滅一處賊匪早除一處黨與其在重石子山
殺賊陣亡之遊擊托克托布著咨部加一等優卹
至陸有仁奏酌調西寧等鎮官兵五百名派令總
兵富爾賽帶領兼程馳赴商雒一帶陸有仁亦起
程前來等語西寧距商雒甚遠兵丁到彼需時著
秦承恩恒瑞慶成等商酌如商雒一帶賊已剿淨
無須此項兵力卽當飛咨停止若必須多兵圍捕
則此項兵丁業已起程在途卽著富爾賽帶領速
赴商雒會同兜剿至甘肅地方緊要陸有仁如已
起程竟當轉回蘭州駐劄

欽定四庫全書

臣

欽定剿平三省邪匪方略正編卷二十四 丁巳年

四月初八日 臣 秦永恩奏言初二日 臣 於藍田

途次接據鳳邠道王文湧稟稱三月二十八日

楚匪千餘人從商南東北山溝搖旗吶喊徑撲

縣城該道率同員弁兵勇正在放鎗抵禦適副

都統豐仲布聞信帶領兵勇自桑樹卡回縣見

賊匪攻賊即直衝賊陣鎗礮並發賊匪捨城回

剿平三省邪匪方略卷二十四

拒王文湧率同知縣錢廷琛佐領奎祿等出城

追擊兩面夾攻賊匪紛紛潰竄我兵追至十餘

里外殺死賊匪三百餘名生擒騎馬賊目十四

名步賊二十五名奪獲騾馬鳥鎗刀子等件我

兵間有被傷餘賊向東南逃竄隨帶領兵勇回

城防守一面飛探賊匪去路設法堵剿又據雒

南縣知縣和保稟報楚匪二千餘人屯聚盧氏

之蘭草河屢撲從南卡隘俱經兵勇擊退三月

二十八日賊匪聞豫省追兵已到直撲雒南樂

莊守卡兵勇上前截剿殺賊二百餘名兵勇均

有傷亡因眾寡不敵賊已入境現在設法堵禦

又據商州知州周光裕稟報有竄匪一股在武

關一帶滋擾商南文報阻隔並據稱該州存城

兵丁僅止二十名懇請發兵救援等情 臣 查商

剿平三省邪匪方略卷二十四

雖一帶在在與豫省相通兵力甚單前聞慶成

有帶兵行抵盧氏之信當經飛劄囑即赴陝會

剿今慶成已抵蘭草河距樂莊更近自必先由

該處進剿但武關為全陝門戶屏蔽商州 臣 又

飛劄慶成就近分兵剿辦至商州兵備空虛 臣

於未接該州稟報之先已將隨帶撫標兵二百

名竹谿鄉勇二百名交參將鍾岳先帶赴商州

防守本日准可到州又臣前調滿兵四百名現

在頭起一百五十名已於本日由藍田前進後

起官兵亦經飛飭領兵官星夜趨行商州城守

足資防範惟查商州北界尙有大商原等處由

雒南小路可以繞出商州之後直達省會尤爲

喫緊已派遊擊海洪阿帶兵一百五十名竹谿

鄉勇二百名馳赴該處擇險防守現在隨臣兵

欽定剿平三省邪匪方略 正編卷三四

丁僅止五十名不敷派撥復於各營分零星聚

集約可得二三百名臣一面趕緊檄調一面督

率地方官團聚鄉勇防守藍田通商要隘以遏

賊匪繞出北竄之路俟部署嚴密即趕緊前進

剿辦

同日蔣兆奎奏言四月初三日臣閱兵回抵代

州途次准秦承恩咨稱豫省賊匪直撲商南縣

境即於附近陝省各營派撥精壯兵一

千名倍道赴陝即由潼關前赴商南協剿等因

臣前據河南藩司吳璥稟請調兵一千名赴洛

陽防守隨經臣於大同鎮屬挑備兵丁二千名

內派撥一千名令原派叅將富靈保統領即日

起程赴省今思賊匪竄入陝省商南需兵甚緊

而洛陽防守尙可稍緩且晉省至商南路遠至

欽定剿平三省邪匪方略 正編卷三四

洛陽較近臣現將派撥赴洛陽防守兵一千名

即令富靈保統領由太原兼程前赴商南以資

堵剿而河南洛陽所需防守兵一千名臣即飛

稟大同鎮臣恩特黑默將前挑備赴陝兵二千

名內後起一千名飭原派之寧武叅將鮑貴統

領由各營接踵而來以備景安等咨調惟臣於

未准陝西咨調之先經秦承恩以用兵緊急徑

劄蒲州文武官調去兵二百名又據西安司道奉秦承恩劄飭飛調平陽營兵丁移咨護平陽鎮富德調去兵二百名現在蒲協本城止存兵數十名平陽鎮標止存兵三百餘名實不足以資防守此次所撥大同鎮屬兵一千名分作三起行走其頭二起六百名飭令迅赴商南第二起四百名臣即以二百名撥在蒲州協以二百名撥在平陽鎮標則本省營汛亦可不致空虛再接秦承恩另劄令臣再於大同等營分密調兵一千名前至蒲州以備續調臣現擬如數挑備其應否令其前至蒲州候調之處仍候皇上訓示遵行均奏入

上命軍機大臣傳諭惠齡恒瑞與肇景安慶成秦承恩曰此次賊匪直撲商南縣城經豐伸布王文湧

《聖祖聖訓彙編卷三十四》 五

等督率兵勇痛加剿戮殺斃三百餘名生擒賊目三十餘名辦理尚好而秦承恩於途次接到稟報調度亦皆得宜豐伸布王文湧俱着賞戴花翎至商南武關一帶與豫省相近前已令恒瑞慶成等前往追剿今據奏慶成已抵蘭草河距樂莊甚近豈此時該提督等尚未趕到何以不迅速剿捕在令賊匪在樂莊滋擾而恒瑞與肇又尚在何處剿賊即惠齡一得賊西竄之信亦應星夜趕往本日蔣兆奎奏將先調兵一千名徑赴商南其續調兵一千名亦即起程是軍威不為不壯惠齡等自應設法兜擒何以總在後追趕轉墮賊牽制官兵之計耶

《聖祖聖訓彙編卷三十四》 六

初九日卯惠齡奏言竊臣馳赴南召於青苔途次接准景安知會後股賊匪業經該撫會同興

肇等在古石灘一帶截殺賊向大山逃竄等因
並探得恒瑞等亦已星飛追往臣於三月三十
日行抵南召縣詢據該縣葉灼稟稱後股賊匪
向西南山晝夜狂奔聞已逃至嵩縣境內景安
與肇恒瑞等均已前往截剿其頭二兩股賊匪
現聞歸併一處向內鄉境內奔逃經慶成巴克
坦布等帶兵追往等語臣查內鄉浙川一帶景
安原派有官兵在彼防守為數無多而臣前令
舒亮阿爾薩朗帶兵分駐李官橋三尖山等處
尚隔浙川縣境亦恐鞭長莫及况內鄉浙川一
帶與陝省商南等處及即陽所屬毗連臣先已
飛飭即陽文武嚴行堵截並知會秦承恩及藩
司倭什布囑其嚴飭各屬加意妥防查後股賊
匪現有多兵劍捕而前兩股之賊歸併一處為

欽定剿平三省邪匪方略 正編卷三四 七

數自必較多况慶成等所奏王廷詔李全等均
在前股賊內是此處尤為緊要現據南陽縣知
縣周書升稟稱接浙川來信二十六日賊由瓦
窑溝竄至李漫坪離該縣之西坪不遠似欲直
奔浙川等語是賊匪既將奔赴浙境臣自應趕
赴內鄉迎頭截剿一面知會慶成等在後緊追
庶可兩面夾擊

欽定剿平三省邪匪方略 正編卷三四 八

出城追擊內外夾攻賊衆紛紛潰竄兵勇奮力
 兜剿殺死賊匪四百餘名生擒賊匪三十九名
 解送撫臣行營辦理等語又據同州府知府朱
 勳等稟報賊匪於三月二十八日撲犯藥莊卡
 營經遊擊張濯督率兵勇堵禦未退二十九日
 慶成帶領官兵自豫省盧氏之火焰溝等處進
 剿至彼賊始分作二股潰逃一股由小路西竄
 現經慶成帶兵追殺一股竄往雒南之雞頭關
 滋擾經遊擊張彪擊走至慶成帶兵過境臣已
 諭令商雒等屬就近妥速供支不致稍有遲悞
 其潼關各卡隘亦一律分布兵勇防範嚴密
 同日蔣兆奎奏言初四日臣在忻州途次准秦
 承恩咨稱商州武關地方被賊佔據兵力單薄
 飛催前調兵二千名迅速兼程前進等因昨准

聖祖聖訓卷三十四

九

秦承恩來咨當經臣籌酌緩急即以前赴洛陽
 防守之頭起一千名令由太原前赴商南以後
 起一千名候河南咨調茲陝省需兵萬緊臣即
 將前兩起兵二千名均飛飭各領兵官兼程赴
 陝其河南所需赴洛陽防守兵一千名另咨大
 同鎮再為挑備再臣前摺內以陝省先於平陽
 蒲州等營調去兵四百名請於前一千名內扣
 留未起四百名撥在平陽蒲州防守茲既需兵
 孔急臣即令頭起一千名與後起在前行走之
 六百名全數前往併先調之平蒲營四百名以
 足二千之數將末後四百名仍照原奏分撥平
 陽蒲州兩處各二百名防守均奏入
 上命軍機大臣傳諭宜綿惠齡景安慶成秦承恩曰
 倭什布奏賊匪擾至商南縣城經豐伸布王文湧

聖祖聖訓卷三十四

十

等帶兵剿殺與秦承恩昨奏相同其所稱樂莊滋擾賊匪經慶成由盧氏之火燄溝進剿賊復南竄等語樂莊在商雒之間賊從樂莊南竄離潼關華陰已遠斷無虞賊匪竄入除豐伸布王文湧昨已賞戴花翎外慶成著賞給玉搬指大小荷包張彪奎祿錢廷琛著秦承恩咨部議敘慶成與巴克坦布訥音本爲一路今倭什布摺內祇稱慶成在樂莊殺賊是否巴克坦布訥音另分一路或尙在後著卽查明遇便覆奏又蔣兆奎奏接准秦承恩知會已催令所調官兵迅速赴陝協剿蒲州距潼關甚近現於大同鎮屬撥兵在彼防堵該撫此奏自係續接秦承恩前此張皇咨調之信尙未知賊已南竄該撫祇當督飭地方文武在蒲州沿河一帶嚴密查察斷不可令蒲州民人稍有驚疑至惠齡

改道馳往內鄉一帶正可迎頭截剿秦承恩日內自早與慶成會合恒瑞與肇此時亦當踵至軍威壯盛務須將首逆三名設法擒縛不可僅殲餘匪轉致首逆乘間他逸再賊匪現經南竄非仍回鄂襄一帶卽思竄至興漢圖入達州賊夥宜緝亦應留心

十一日辛巳恒瑞與肇景安奏言臣等連日督兵

追剿因伏牛大山險狹異常並無一徑可抄此

股賊匪晝夜狂奔向西窮竄臣等接據慶成等

來信前股賊匪已由火焰溝一帶竄入陝境臣

景安屢次擒獲竄匪訊據供稱第三股賊首係

姚之富與齊王氏齊王氏向同姚之富爲一夥

三月二十一日在羅曲灣打仗齊王氏左臂中

鎗墮馬被賊夥扶救原想起上前兩股併作一

起等語臣等公同商議臣須設法迎截使其不

能直趨歸併臣恒瑞碩靈保總兵王文雄挑選

精健馬兵五百名裹帶乾糧由北遶道前往官

坡以遏賊由火焰溝出境之路臣景安與肇總

兵張文奇帶領步隊趕緊掩擊賊匪復折向南

路之百花溝攀藤附葛越豫省界牌嶺直趨陝

省雒南縣境臣恒瑞與肇等帶領馬步官兵極

力追剿臣景安未便深入陝境遠追即與王文

雄等暫於陝豫交界擇要紮營防堵再臣景安

前在浙川拏獲教首繆台高據供劉之協曾在

荆紫關傅姓家藏匿係汪五禿子告知等語當

經陝省將汪五禿子拏獲委員押解至荆紫關

臣即飭委知府彭如幹帶該犯至傅際說家

嚴密搜查實無劉之協蹤跡當飭臬司陳文緯

提汪五禿子嚴訊據供曾拜已正法之茹澤民

為師學習邪教轉傳汪從義汪會義霍騰蛟為

徒與劉之協並不認識因素知傅際說家八世

同居人所取信遂捏稱咒語得自傅姓家中並

聞劉之協是有名教首捏稱為傅姓師傅希圖

聳聽哄騙銀錢等情臣查汪五禿子習教傳徒

已屬不法復敢妄佈邪言煽惑人心誣害良善

情罪甚重未便稍稽顯戮除飭司將汪五禿子

即行正法其傅際說委係耕讀良民即行省釋

仍飭各屬查拏劉之協務期必獲至該犯之徒

汪從義等業經查獲現飭該司訊明有無傳徒

之處另行照例辦理奏入

上命軍機大臣傳諭惠齡景安慶成秦承恩曰景安

等奏追擊第三股賊匪窮蹙西奔情形殊未明晰

前據倭什布奏賊匪竄任陝境後豐伸布等在商南痛加剿殺其樂莊賊匪亦經慶成進剿賊已南竄是此次竄往陝境之賊祇在陝西邊界滋擾一經官兵截剿旋即奔逃元豫省現已無賊景安不過駐劄交界防堵何致張皇措語不當若此至審訊汪五禿子供詞仍未待劉之協實在下落殊屬無謂賊匪現由雒南之宋莊地方南竄該處山徑叢雜是否已竄入山內抑與商南擊退之賊歸併一夥又圖他竄現在究竟竄往何處殊深慮念恒瑞興肇趕往追剿自必即赴慶成一路此時姚之富與齊王氏皆併入前兩股賊匪之內是首惡均在一處更可聚而生擒三景安與王文雄於陝豫交界紮營防堵所見尙在賊匪蹤跡靡常今在陝西邊界滋擾一經官兵截剿或又折回浙川內竄

欽定剿平三省邪匪方略

正編卷三四

亦未可定即如從前東陽雙溝一帶賊匪會屢次往來奔竄景安等惟當在交界要隘地方加意嚴防毋使再有折竄入豫

十二日壬午額勒登保福寧奏言臣等前次攻克

四方臺後督率官兵分路將黃柏山西北一帶賊匪搜剿殲斃甚多而賊人每於緊要山路掘斷官兵等隨搭偏橋前進臣等料賊匪藉此阻

欽定剿平三省邪匪方略

正編卷三四

塞官兵必欲奪路逃竄旋生擒賊目李元章覃自康嚴加訊問據供林之華覃加耀等因官兵節經搶佔一碗水蜈蚣山並攻至光頭山半嶺甚形畏懼以四方臺一失黃柏山不能據守商量要逃至白魚寨或隆坪去並囑我等不可聲張昨日四方臺卡營一破林之華覃加耀就不知去向我等滾溝潛往巖洞藏躲今被擊獲復

訊以黃柏山現在有賊多少據稱節次官兵殺戮此時約有八九千人等語^臣等查該犯等所供是林之華覃加耀情急思竄已屬顯然當將該犯等正法隨據諸神保報稱本日五鼓霧氣甚大賊匪從上坪下溝直衝中坪官兵營卡二處千總張正綱把總羅舉睿等陣亡賊匪已上車篷簸箕荒山梁現在堵殺賊匪多將棉被浸濕頂在頭上持矛捨死衝突官兵成德亦帶兵踵至奮力協剿賊從喬料鴉兒坪等山分竄又據慶溥報稱聞中坪一路有賊匪衝卡恐賊到處分竄一面留兵防禦天池口並即撥兵至雙古木一路要隘堵截等情維時^臣等督率官兵業已深入黃柏山數十餘里查諸神保一路雖有成德帶兵接應或恐尾追無濟賊目既供林

《製三朝聖編卷十四

十七

之華等有逃往白魚寨隆坪之語白魚寨為入長樂縣要路隆坪路通建始縣鶴峯州均關緊要^臣額勒登保即帶同綸布春等繞道抄至白魚寨其雙古木一帶與隆坪相近恐兵力尙單即令關騰倭什渾許文謨董寧川帶兵一千五百名趕赴慶溥處會同追剿^臣福寧督率巴圖魯侍衛伍爾呼訥等帶領兵丁仍進黃柏山搜剿^臣額勒登保於二十三日馳抵附近白魚寨之麥莊八龍地方該處山勢紛錯適遇賊匪成羣過嶺^臣額勒登保督兵下壓放鎗擲石斃賊無算賊從山溝竄逸至富家堰鐵廠沙河等處^臣復帶同綸布春巴圖魯侍衛鎮將等覓路兜截二十六日在紅沙鋪打仗是日諸神保慶溥亦已帶兵由隆坪陳塘坳九里坪一帶追賊均

《製三朝聖編卷十四

六

至紅沙鋪兩路夾擊殺賊五百餘人割獻首級百餘顆副將朱士奉首先擊賊受有鎗傷頗重賊匪又遁入金雞口我兵晝夜奔馳追殺賊匪數日之久人人憤勵盡力無如兵行迅速糧食不繼印火藥鉛丸亦有缺乏且此一帶巒嶂坡坎無不陡險兼之霧雨霰雪氣候不時官兵遍身濕透泥深徑仄益覺艱難馬亦多滾崖跌斃

《聖朝實錄卷三十四

九

不得不暫行駐劄於二十八日詢明道路臣額勒登保遂帶同綸布春諸神保慶溥關騰及巴圖魯侍衛將備等分路合剿金雞口賊人見官兵甚衆亡命奔逃又復竄入芭葉山此山係巴東縣鶴峯州建始縣交界之所距黃柏山已三百餘里當令綸布春諸神保張廷彥等帶兵繞至建始縣之枇杷塘官店口要路進擊又慮賊

人四竄金雞口一路當令慶溥關騰留兵分駐堵禦自麥莊八龍富家堰一帶後路綿長恐尙有餘匪藏匿暫令成德在彼搜捕臣額勒登保卽帶兵在鶴峯州屬之鄔陽關截剿並爲諸神保慶溥等兩路策應臣福寧連日在黃柏山殺戮餘匪男婦三百餘人搜出包穀牛羊等當卽分賞弁兵所有黃柏山西南一帶於二十八日全行掃蕩卽由長灘前至麥莊一路查看安設臺站督令各員晝夜趨運軍糧軍火以資接濟初一日已抵鄔陽關軍營此次各路生擒之賊鄧光舉覃元發覃元盛鄧明春趙向榮鄭名世等俱審明梟首寸磔但芭葉山尙爲賊匪佔據臣等已飛檄後路官兵備程趕到於三五日內到齊卽行剿辦奏入

《聖朝實錄卷三十四

十

上命軍機大臣傳諭額勒登保福寧曰額勒登保久
 歷戎行素為奮勇是以特命前赴黃柏山剿辦賊
 匪以為到彼後自能將首逆即行拏獲前據奏攻
 克四方臺而首逆仍無下落朕即以該處西南一
 帶道路綿長恐賊匪復有竄逸當經降旨諭令速
 行嚴密截剿今據奏林之華覃加耀等復由黃柏
 山西南白魚寨隆坪逃至芭葉山地方果不出朕
 所料額勒登保等所辦何事據稱黃柏山餘匪尙
 有八九千人該處賊匪屢經官兵剿殺今尙有如
 許賊眾則伊等前次所奏殺賊之數又何足信至
 官兵追賊糧食不能接濟則賊匪窮蹙奔竄又誰
 為之運糧即云山險霧雨兵力亦疲豈有賊匪獨
 能衝冒霧雨不畏險阻之理何至官兵總在賊匪
 之後是所奏兵力疲乏情形不過飾詞藉口額勒

聖祖聖訓卷十四 三

登保等經朕特加委任乃剿辦賊匪竟不能安速
 辦理擒獲賊首本應將伊等治罪姑念其帶兵追
 捕較為勞苦是以此次暫從寬假額勒登保福寧
 俱嚴行申飭現在賊匪已竄至芭葉山額勒登保
 等務當倍加愧奮上緊截剿將首逆按名擒獲仍
 屬伊等之功朕尙加以恩獎倘再因循延緩則不
 能曲邀寬貸矣所有此次受傷之副將朱士奉尙
 屬奮勉會否調治平復著遇便覆奏

十四日^甲 巴克坦布慶成訥音奏言查賊匪竄
 入大山向潼關一路狂奔^臣等於雒南縣之樂
 莊地方分兵截殺賊始退回西南奔竄惟是^臣
 等帶兵抄繞日夜行走百有餘里滿漢兵丁僅
 係隨身裹帶軍火乾糧露處已將一月撫臣景
 安已駐陝豫接壤地方^臣等雖已飛咨陝西接

聖祖聖訓卷十四 三

濟軍糧馬匹因官兵兼行迅速距西安尚遠山路險阻一時運送不能趕到且山僻小路市鎮稀少覓食頗難兵丁間有行走勞乏馬匹亦多疲憊臣等正在籌議前進途次忽聞賊匪竄至陝省商州邊界臣等當卽先行選帶滿漢精壯馬步弁兵馳往於初二日繞山落花溝遙見賊匪在高山密林內停歇臣巴克坦布及德光帶領步隊卽於對面山梁排開用礮轟打臣慶成訥音及德齡帶領巴圖魯侍衛馬兵暗從山旁繞上官兵仰攻甫至半山賊衆分股俱向下壓我兵人人爭先鎗箭齊發奮勇撲上賊匪向西南越山逃遁臣等帶兵追趕三十餘里至趙家冲地方賊衆已分投逃竄臣等擬卽在該處紮駐察看左近村莊房舍似已被燒燬踴躍卽尋

出避賊民人詳詢據稱會有商南縣迤西撓鈴河地方一夥新起教匪約五六千人焚掠而來業於本月初一日由此前赴耶陽鄖西一帶本日敗賊亦必由前起賊人之路奔逃等語臣等殊爲駭異當卽差派將弁分路查探賊蹤去後旋據回稱察看賊蹤果係由前夥賊人之路奔逃並在山後盤獲南來民人張文斗等三人卽係尋找前起教匪之人等語臣等親加訊究供認不諱伏思賊匪節經官兵痛剿勢已窮蹙雖入山以後間有裹脅亦不甚多今商南縣撓鈴河地方又有逆匪滋事不免增添黨翼似應厚集兵力分路併剿除飛咨惠齡迅速分兵前來會剿並分咨秦承恩汪新選派兵勇在要隘堵截外臣等仍卽跟蹤前進一面催趨落後弁兵

及陝省軍火糧馬接續前來臣等稍加整頓即可兼程前進

同日汪新奏言本月初四日據派往黃龍壩之鎮道徐昭德馬瑀胡齊崙等報稱派員分赴總徑要口設卡堵截一面以編查戶口為由派委員弁各帶兵勇同時分赴各村搜查匪匪即令義總保甲村長集頭人等據實指首總期盡絕

製卷刑要彙編卷三十四

五

根株等因臣隨於初五日親赴該鎮道茶營處所傳令督催隨據南路委員候補同知高舉候補守備王德洋等擒獲匪匪汪世貴等三十名北路委員候補州同郭淵極把總牟啟雲等擒獲匪匪劉之貴等三十一名東路委員候補知縣高為濟行營千總陳生花等擒獲匪匪丁維孔等二十一名西路委員候補知州徐燦慶章

京富盛阿等擒獲都思賢等六十七名又據委員顧文葆陳華祝任履增等各員擊獲匪匪廖

天相等一百二十八名通共擊獲二百七十七名口隨即督飭各委員隔別研訊據汪世貴供該犯向拜教頭王仲方為師上年王仲方姚之富張富國等各自糾約起事到處燒搶打仗殺人攻過襄陽襄陽縣城姚之富因被官兵殺敗

製卷刑要彙編卷三十四

五

想要逃散王仲方恐人散被擊主令眾人合併一起以便迎敵今年正月又被官兵在三尖山打散脫回張家崗一帶躲避前日聞得姚之富們逃往河南王仲方約定仍往合夥因恐沿途各卡盤詰是以未去不料被獲王仲方想躲在近處山內等語其餘各犯訊俱習教從逆節次打仗殺人且脫歸潛匿並不赴官投首均屬肆

逆怙惡法無可貸現即分別斬梟示衆查據犯
供教頭王仲方爲緊要首逆必當嚴拏速獲現
已選派安幹員弁逐處窮搜並知會楚豫各卡
隘一體盤詰以期迅即就獲臣與鎮道等分懸
各村曉諭居民俾知逆萌盡剪各宜及時耕作
自謀生計無不同聲歡頌共慶安全其豐樂河
羅店應山孝感等處前聞亦有匪匪當派文武
員弁慎密訪日內據報尙俱寧靜仍飭加意
偵察隨有隨辦再查襄陽等府屬被賊難民先
經給發錢米量加撫卹此時賊氛已遠各境漸
寧且本年逢閏日下甫交立夏尙堪趕種秋禾
臣業已剴切示諭各難民及早歸還本籍以便
欽遵

恩旨編查戶口普加三月賑卹給予房屋修資併勸

諭及時耕作佇待秋成又查本年二三月間賊
匪竄擾之應山黃安黃陂應城安陸等境居民
奔避流離失所與上年被擾各屬情形相仿所
有應徵錢糧合無一併請
旨蠲免俾得均邀
涇澤均奏入

上命軍機大臣傳諭惠齡慶成長安秦承恩汪新曰
慶成等由樂莊一路追剿賊匪賊匪又向西南奔
竄且據奏稱商南之撓鈴河地方又有邪教夥匪
焚掠滋事與慶成剿散之賊俱竄往鄖陽鄖西一
帶等語似此四處奔竄裹脅愈多若不亟爲撲捕
必致未被賊擾地方遭其蹂躪雖據稱官兵行走
迅速糧運不能趕到馬匹亦多疲憊但賊匪屢被
官兵追剿勢已窮蹙猶能奪路奔逃官兵豈不能

跟蹤追剿况賊人步行居多官兵兼有馬匹何至轉形疲乏總落賊後且賊匪分路四竄又誰為之運送糧食安得以此藉口再叵瑞興肇前據奏稱已趕赴慶成一路而此次慶成等摺內並未提及伊等究在何路前來因何行走遲緩而惠齡於初一日已由南召赴內鄉浙川一路追剿該處與商南一帶接壤何以尙未迎見賊匪至秦承恩於初二日已由藍田前進自應早與慶成等會合夾擊何以此次摺內尙稱咨會秦承恩派兵堵截又未聲明該撫現在何處再豐仲布前在商南剿殺賊匪後今又在何處堵剿亦未奏及殊未明晰此時賊匪已經南竄伊等所請添調之兵早經降旨調派現在西安及蒲州官兵諒已陸續到齊合之惠齡等原帶官兵聲威已極壯盛惠齡慶成等當倍

加振奮併力進剿倘仍前觀望稽延致賊匪復擾及他處地方伊等該思當得何罪耶至現在官兵追剿賊匪糧餉關係緊要其附近豫省地方毋安自應無分畛域迅即量為接濟其在陝境剿賊官兵自應隊省就近運送秦承恩雖係書生打仗殺賊非其所長而於糧餉一切寧不當妥速籌辦俟什布駐劄省城亦當督率所屬將軍火糧餉馬匹等項接續運往以期無悞軍行再慶成等盤獲張文斗等三犯於訊供後會否即行正法何以未據奏明又據汪新奏搜獲匪犯情形所辦尙好其盤獲匪匪之文武員弁著咨部議敘其究出教首王仲芳與姚之富張富國均係傳教首犯務須嚴行緝獲毋任漏網現在商州賊匪又有竄入鄖陽鄖西一帶之信該處防守兵丁前經撤赴襄陽堵剿

聖朝聖訓卷三十四

五

聖朝聖訓卷三十四

五

營汛空虛著汪新卽酌派兵勇於鄖陽卽西各要隘嚴密堵禦勿令賊匪又復竄入其應山等縣錢糧著卽查照蠲免再現今軍機大臣按照輿圖約畧繪出圖樣二分恐方向不能甚準著發交慶成秦承恩各一分卽將賊匪由何處奔竄現在屯聚何處官兵於何路追捕之處各按地名方向另行更正詳悉繪圖粘簽呈進以便觀覽指示

聖旨彙編卷三十四

三

上又命軍機大臣傳諭宜綿惠齡額勒登保福寧畢沅景安秦承恩汪新英善曰上年邪教起自長陽當陽未幾卽襄一帶相繼滋擾雖經以次撲滅而巴東歸州之賊竄入黃柏山近又逃匿芭葉山其達州教匪延及興安紫陽等處者亦已肅清而金莪寺清溪場賊巢迄今尙未剿滅至襄陽之賊先在鍾宜棗隨一帶屯聚近又由盧氏竄入陝境商

維一帶東奔西竄往來無定所過村莊焚掠爲害若不亟籌掃蕩僅事尾追使未經蹂躪之區復遭擾累日復一日伊於何底各路領兵大臣俱係朕特派前往寧不知賊匪多過一處卽多擾一處多一日搶掠則百姓多一日顛連而糜費帑金尙爲餘事伊等身列行間目擊情形何以漫無籌畫任令耽延時日若云軍營事權不能歸一或致辦理掣肘則襄陽一路原責成惠齡達州一路責成宜綿黃柏山一路責成額勒登保福寧若云兵力不敷已節次派調隣省各兵京營勁旅並湖南撤回勝兵共至數萬軍威不爲不壯卽軍餉一項各省撥解以及特發部帑不下三千餘萬豈尙不敷支給卽此外尙有碍難情形伊等亦應據實奏聞或曰揣才力不能辦賊更當奏明候朕另派大臣前

聖旨彙編卷三十四

三

欽定剿平三省邪匪方略 正編卷三四

往督剿乃諸處大員並無一字奏及况明季流寇橫行皆緣其時紀綱不整朋黨為奸文恬武嬉置民於不問以致壞事方今吏治肅清勤求民隱每遇水旱偏災不惜多費帑金蠲賑兼施而普免天下錢糧五次普免漕糧三次及蠲免積欠不下億萬萬百姓具有天良均應知感此次邪匪煽誘不過烏合亂民國家威稜遠播凡在荒徼無不賓服

聖祖聖訓卷三十四

三

若以內地亂民糾眾滋擾不能立時殄滅其何以奠九萬而服四夷耶伊等若再不知激發天良通盤籌酌四面堵截速擒首逆掃除餘匪以致流毒蔓延多耽時日自思應得何罪且問心何以自安耶著宜綿惠齡額勒登保等將伊等即今如何定見進剿及賊匪究竟於何日可以剿淨之處據實具奏毋稍含混再湖北賊匪前在荆宜施襄鄖一

帶其焚掠處所在各府縣中統計若干處合之湖北一省約有十分之幾著畢沅汪新查明具奏又襄陽之賊竄入豫境由桐柏至嵩縣盧氏內鄉浙川一帶被搶村莊若干現復竄至陝西商雒及達州教匪闖入興安紫陽一帶被賊蹂躪處所若干及達州之賊在該州境內焚掠村莊若干川陝二省各有十分之幾並著宜綿景安秦承恩英善一併查明覆奏至被擾各該省州縣難民復業者已

聖祖聖訓卷三十四

三

有若干現在如何安輯並著各督撫妥為撫綏勿使失所去而從賊方為妥善各將辦理情形據實奏聞不可諱飾朕於有功自加懋賞有罪亦予嚴懲信賞必罰惟在各路領兵大臣自擇耳勿謂言之不預也慎之勉之

臣等謹案容民畜眾其象為師庶頑讒說帝

世不免我

國家深仁渥澤淪浹民生而山林梟獍之徒自外

生成輒以邪辭消惑嘯聚無賴肆毒閭閻

皇上簡發師徒

分命將帥多費度支尅期撲剿祇以賊匪恃險狂奔

苟延偷息

申諭帶兵大臣責成速辦伏讀

聖諭賊匪多過一處即多擾一處多一日搶掠則百

姓多一日顛連並令將被賊州縣各有十分

之幾詳查覆奏仰見

如傷之念繫於

宵旰

訓詞深厚實有溢於

運籌籌筆之外者矣

欽定剿平三省邪匪方略 正編卷三四

十六日丙戌秦承恩奏言臣行抵商州查得湖北

頭股賊匪由盧氏竄入商南拾耳溝徑撲縣城

經豐伸布王文湧等剿殺三百餘人後分竄四

鄉焚掠又經鄉勇宣述古張學愚等於二十九

三十等日截殺及生擒一百四十餘人此股賊

匪現已竄至商南縣屬之趙家冲屯聚二股賊

匪由盧氏竄入雒南樂莊經慶成等帶兵追至

該匪等即由商州武關一帶沿路滋擾亦竄至

趙家冲入駁慶成等現已帶兵趕上三股賊匪

由盧氏竄入雒南桃坪由商州龍駒寨焚掠竄

至山陽縣屬之土門一帶屯聚現經恒瑞興肇

等帶兵趕至商州臣等公同籌酌第三股賊匪

已至山陽邊界若官兵跟蹤追剿賊匪必由山

陽竄至鎮安不特山深路險且鎮安北通省會

欽定剿平三省邪匪方略 正編卷三四

南達興安為南山扼要之地必須由山陽迎剿
 恒瑞等當即帶領官兵由商州趕赴山陽抄在
 賊匪之前迎面進擊以遏其西竄鎮安之路興
 肇復帶兵八百名前赴澗峪口堵截以杜其復
 回商州現在商州雒南已無賊匪滋擾臣因商
 州亦係素有邪教之地現在暫駐彈壓妥為安
 撫一面將前調山西暨延綏固原兵丁趕緊催
 到即親身帶領探明何處賊多星速前往會剿
 至慶成等一路應需軍火糧餉馬匹前因第三
 股賊匪在龍駒寨一帶滋擾運去糧餉遇賊攔
 阻臣隨飭令各地方官就近晒探路徑另行設
 法運送供支今龍駒寨道路已通臣當即飛飭
 藩司倭什布安設臺站派委委員多募鄉勇護
 送分路趕運臣仍就近督催務俾源源接濟

同日恒瑞興肇奏言臣等追剿第三股賊匪由
 陝西雒南縣境沿途偵探賊又竄赴商州邊界
 查商州為省城門戶臣等星夜趕赴適秦承恩
 先已到州查明賊匪現在商州之南山陽縣邊
 界臣興肇帶滿兵八百名前往澗峪口堵截賊
 匪北竄之路臣恒瑞同碩雲保富成即帶兵馳
 赴山陽抄路截剿至所帶官兵雖因追賊日久
 間有疲乏臣等惟有竭盡心力設法鼓勵以期
 賊匪即日殲除
 同日景安奏言臣因賊匪狡獪異常雖已竄入
 陝境恐大兵緊追仍復翻山折回是以暫駐盧
 氏邊界防堵連日督率弁兵搜捕山溝竄匿餘
 匪已經淨盡探得賊匪分起竄至山陽鄖西一
 帶距豫省西南邊境三百餘里臣即令總兵張

《聖朝聖訓編卷十四

七

《聖朝聖訓編卷十四

天

文奇帶兵在陝州盧氏往來防堵臣與王文雄

帶兵馳赴浙川荆紫關一帶相機堵截所有原

派移駐洛陽之山西官兵一千名自無庸調撥

前來臣已飛咨蔣兆奎即行停止再前因大兵

分起追賊臣一面飭令藩臬兩司分投撥運軍

需並派委委員隨營照料支應復恐山路崎嶇

挽運或致遲悞又飛飭經過各路道府率同附

近州縣趕辦軍糧隨時就近運濟嗣因賊

匪竄入陝境臣仍飭令各委員攜帶軍火糧餉

隨營支應並飛咨秦承恩並藩司倭什布迅速

籌備但究恐陝省倉猝之間不能齊備仍應趕

緊接續運濟惟是大兵現離豫境三百餘里且

官兵移營莫定探聽難得確實若運送各路軍

營誠恐道路紆遠人地生疎呼應不靈轉致岐

欽定剿平三省邪匪方略 正編卷三四

快現飭臬司陳文緯糧道完顏岱將豫省現有

軍火糧餉等項就近委員運交商南縣由陝省

委員接運分撥各營以資接濟又准汪新咨稱

於南陽新野一帶設立糧臺腰站以資滾運等

因目下大兵俱已赴陝距南陽一千數百里自

不必再於該處設臺撥運已飛咨汪新即行停

止

景安又奏言查河南一省屏翰

京畿幅員遼闊四衝八達通省各營額設兵丁共

九千九百九十九名分布一百八屬州縣防守

城池派撥墩汛為數本不為多如信陽之武勝

平靖黃士等關桐柏之出山店唐縣之漳河鎮

等處均與湖北接壤浙川之荆紫關近連秦楚

陝州唐氏一帶緊接陝西山大路險尤為緊要

一一五

各該處額兵寥寥無幾必須添設兵力庶足以壯聲威而資捍衛若臨時調撥隣省官兵既恐緩不接濟未免既涉勞師又多糜費且豫省添調一千隣省即少一千兵力此盈彼絀亦非常法至鄉勇本不知紀律祇可各就各鄉互相守望若令其拒賊衝鋒究難深恃而雇募之費較之兵丁糧餉為數轉多臣再四思維與總兵張文奇王文雄暨藩司吳璫等悉心籌酌莫若選募精健丁男三千名作為戰兵臣與兩鎮分隊帶領督率訓練察看何處需兵即帶往何處防堵則守禦各有責成調遣亦可一呼而至較之隣兵鄉勇既省糜費又得實用俟軍務告竣後應作何分撥並添設營制官職之處容臣酌量情形通盤籌議再行請

《聖朝聖訓編卷十四

聖

《聖朝聖訓編卷十四

聖

旨辦理至現在所募新兵應支糧餉即照步兵之例按月支給一切經費均於司庫籌款動支事竣核實報銷如蒙俞允臣與張文奇王文雄即分飭召募親督操演不過兩三月間可期技藝嫻熟足資戰守之用再查前月楚匪分股竄入豫境係由信陽桐柏確山遂平泌陽葉縣裕州魯山嵩縣盧氏等州縣邊界經過其第一第三股賊匪因臣趕緊抄擊節經截殺賊匪倉猝奔逃僅于沿山一帶村莊掠食所焚房屋無多惟第二股賊匪竄入時沿路焚掠村莊情形較重其中市鎮處所商賈居多俱係有力之人暫時遷避即可聽其自行復業其本地無力貧民以及山僻村莊小戶經此蹂躪情殊可憫臣業經飭令兩司及該道府等

率同地方官確查無力貧民散給口糧妥為撫卹並查明被焚瓦草房間照例分別給予修費以資棲止均奏入

上命軍機大臣傳諭宜綿惠齡恒瑞興肇慶成景安秦承恩汪新英善日連日盼望秦承恩奏報未至正深縈念本日據該撫及恒瑞興肇奏到二摺覽奏稍慰但秦承恩初二日已至藍田於初十日始

聖
纂
三
省
邪
匪
方
略
正
編
卷
三
四

聖

行發摺而恒瑞興肇於初五日與景安在嵩縣分路赴陝何以此時亦甫到彼行走俱屬遲緩據稱頭二兩股之賊均竄入商南趙家冲三股之賊竄入山陽土門一帶等語此第三股賊匪曾否與頭二股合為一夥抑尚在分竄慶成先往追賊現在曾否已抵趙家冲或又至何處剿賊至賊匪在商州之南必有屯聚處所其趙家冲地方在商南何

方土門又在山陽何處摺內均未指出聲敘仍屬不明著遵前旨詳悉繪圖貼說進呈以便披閱

然此時恒瑞帶兵抄赴山陽興肇帶兵赴澇峪日堵截是恒瑞在賊匪西南興肇在賊匪西北秦承恩在賊匪正北慶成等在賊匪之東北而惠齡由浙川而來正迎賊匪之東南周圍俱有兵堵截其南面鄖陽鄖西一帶守禦空虛賊匪必仍思乘間

聖
纂
三
省
邪
匪
方
略
正
編
卷
三
四

聖

竄入而鄖陽竹山竹谿地方上年已被賊滋擾前此江綿所剿泥河口賊匪亦曾在鄖西一帶焚掠此時自無從掠食正可設法遏其要隘殲擒較易雖山徑叢雜然山中必有出入要路祇須派員帶兵堵截扼要據險為一夫當關之勢賊人豈能插翼飛越現在大兵先後抵商而前調山西官兵諒已到齊秦承恩亦即馳往惠齡於途次得賊匪竄

入商南之信定亦由浙川迎赴惟當上果圍捕生擒首逆若賊匪由何處逃竄卽惟該路帶兵大員是問至鄖陽與興安交界尤當防其竄入興安翻山至達州一帶與該處賊匪合夥著宜綿等務將金莪寺清溪場賊匪上緊進剿擒渠竣事速帶勝兵探聽鄖陽一帶賊匪如未殲淨卽由興漢而來既截其竄合之路且可與惠齡等兩面夾擊更爲

《製看聖覽編卷十四

聖

得力所有商南堵截出力之鄉勇宣述古張學愚著賞給七品頂戴又據景安奏籌請招募新兵以資防守此時賊匪雖已竄陝景安防其翻山折回或募兵預備爲一時權宜之計尙無不可然此事朕早經計及已降旨諭知招募新兵該撫具奏已失之遲緩至欲添設營制官職一節殊無此理各省官兵已經設有定額從未聞兵數不敷征調者

且有治人無治法卽多添兵數而辦理不善於事何益况此次調兵省分不止河南若他省因有征調相率效尤試思以一二邪教亂民煽惑滋擾致各省增添兵額更易舊制有是理乎且河南爲腹地非如湖南苗疆可比辰州三廳原屬改土歸流近又將平隴等處苗寨設官鎮守不得不新添兵制分防彈壓河南營汛設定已久豈可遽議增添

《製看聖覽編卷十四

吳

景安此奏殊屬冒昧著傳旨嚴行申飭目下當暫行召募幫同防堵一俟軍務完竣撤歸原伍時其征兵內有陞拔及事故出缺之人卽可將新募之兵陸續頂補多者不妨緩待裁歸原額方爲正辦至賊匪所過各處民人遭其蹂躪現在令爲撫卹一節昨因此事最關緊要已有旨令各該督撫等查明妥辦此等被難貧黎現雖陸續復業但無資

本不能播種大田殊為慮念者該撫再行飭屬詳查今年有閏六月可以趕種晚田如有力不能耕者即當賞給籽種俾得及時趕插或補種晚禾雜糧均可藉資餬口不致失所流離陝西商雒湖北鄖襄四川達州被賊搶掠處所甫經歸業難民著秦承恩汪新英善均當照此一體留心妥辦用副朕軫念窮簷至意

《聖朝聖訓》卷十四

聖

十七日丁亥汪新奏言臣接據鄖陽府知府王正常稟報賊匪合夥由商南入鄖西縣界本月初二三等日擾及趙家川界牌垸等處逼近郡城存兵無幾現在招集鄉勇協力防守請速發兵援剿等情臣思前此賊匪本分數股竄入豫境西向商雒目下竄入鄖境自因惠齡秦承恩等前截後追是以狂奔窮竄惟查鄖陽各屬兵守

空虛而郡城濱臨漢水實為襄樊上游關係非

輕該守雖已募勇協防但恐未足深恃而惠齡等所帶官兵從後跟追勢難分兵援應且虞賊被追急又復下竄襄樊必得迅速撥兵馳赴駐守查夾河洲黃龍壩二處派有官兵一千數百名鄉勇萬餘名分紮協守日前該二處伏匿賊匪搜殲淨盡現距賊氛較遠無復他虞所有原

《聖朝聖訓》卷十四

聖

駐各兵尚可抽撥以濟急用臣現已飛致鎮臣馬瑀於該二處防兵內挑帶五百名即日統帶星赴鄖郡相機防剿至夾河洲黃龍壩二處臣查惠齡前派同知周季堂守備陳之壯赴羅店豐樂河一帶查辦餘匪帶有兵丁四百名鄉勇八百名日內該處已無餘匪臣業已飛調該丞備即日前來以為撥補夾河洲等處駐守之需

又思鄖郡山險路岐界連川陝或尚有需兵協
應之處查據湖南澧州探報原任提督劉君輔
帶兵千餘名由南省前來武昌臣以武漢等處
現在並無賊警已飛咨該提臣於何處接在咨
會卽於何處取道帶兵進來襄郡再看情形如
賊未剿退卽星赴鄖郡協剿如賊已被剿他竄
卽留鄖堵防毗連川陝各隘均屬得濟奏入

聖祖聖訓卷三十四

兇

上命軍機大臣傳諭惠齡恒瑞興肇慶成秦承恩汪
新曰汪新奏陝境商雋竄匪折入鄖境抽兵赴防
所辦尙好昨據恒瑞興肇秦承恩奏到分路堵剿
賊匪情形朕卽慮及南面鄖陽鄖西一帶守禦空
虛賊匪被剿緊急必向此處奔竄已有旨飭令留
心堵截今據汪新所奏情形果不出朕所料賊匪
東奔西竄與其向未經被賊地方蹂躪莫若仍令

竄回鄖陽該處村落曾經賊匪焚掠無從掠食匪
徒等亦早被勾結入夥此外無由煽惑是賊匪自
蹈陷罪正可乘此機會將山中出入隘路嚴密堵
截汪新已令總兵馬瑀帶兵五百名馳赴鄖郡又
飛咨劉君輔卽帶兵至襄星往鄖陽著傳諭劉君
輔不必再至襄郡卽率所帶兵一千名迅往鄖陽
則南面又有兵正可迎頭截剿而惠齡恒瑞興
肇慶成等分路圍剿而來自可將賊匪屯聚處所
四面圍裹爲一鼓殲擒之計但鄖陽東接襄樊西
達興安斷不可使賊匪再從該處逸出各路大員
等辦理遲緩不卽治罪已屬格外施恩若防堵稍
有不嚴致賊匪或西向興安達州東向襄樊逃逸
失此機會卽惟該路帶兵大員是問必當加倍治
罪

聖祖聖訓卷三十四

辛

同日陸有仁奏言據商南縣稟稱前月二十六日有賊匪數千人由盧氏縣瓦窑溝前來徑撲縣屬之捻耳溝把總馬占熊用鎗礮擊賊匪捨命直前兵勇人少不能抵禦等語臣立即飛催富爾賽兼程行走添派附近陝省之固原提標兵五百名連前共一千名一併交與該鎮統領馳往剿殺復據商南縣飛稟署潼關協副將劉成得率同把總馬占熊追殺捻耳溝之賊因衆寡不敵俱經陣亡又據雒南縣稟報蘭草河賊匪由火焰溝闖入縣屬之八岔卡直撲藥莊并據商州稟稱賊匪已佔據州屬之武關地方各等情伏查商州一帶在在與豫省毗連設賊匪分股竄入所關匪細昨接秦承恩移咨已由興安趕回此時自必早抵商境第附近並無可

欽定剿平三省邪匪方略

正編卷三四

調之兵臣因即日統領督標兵三百名并寬帶礮位軍火先行起程一面飛調甘州涼州寧夏各提鎮營兵共一千一百名飭令隨後趕緊馳赴商州又據莊浪土司曾紀勛稟稱土司世受國恩至優極渥今又蒙賞借貧民籽種口糧毫無報効情願選派土兵二百名跟隨剿賊等因亦准其撥兵前往臣當與秦承恩會合夾攻務期迅速蒞事奏入上命軍機大臣傳諭陸有仁曰日本日陸有仁四百里報到似賊又在陝省邊境滋擾及加披閱乃係副將劉成得等在捻耳溝剿賊陣亡此事早經秦承恩倭什布先後奏到陸有仁不過代辦總督事務尋常事件自應照例具奏至軍務緊要事件有本臣巡撫在彼儘可就近奏聞陸有仁遠在蘭州原

欽定剿平三省邪匪方略

正編卷三四

可無庸多瀆至檄調甘涼等處及土司兵丁並親身起程來陝殊屬張皇該處民番見檄調多兵致有驚疑成何事體况甘肅地方緊要陸有仁自應在彼彈壓尤不應輕舉妄動何不曉事體緩急輕重若此著傳旨嚴行申飭仍著於途次速行轉回蘭州並將所調各兵飛飭停止以免跋涉

聖祖聖訓卷三十四

聖

欽定剿平三省邪匪方略正編卷三十五

丁巳年

四月十九日巳惠齡景安奏言臣惠齡前在南

召地方探聞頭二兩股賊匪有直入浙川之勢

當卽帶兵馳來以冀迎頭截剿旋於初七日行

抵內鄉縣接准秦承恩咨知賊匪數千人已竄

至商南縣屬之拾耳溝又有賊匪二千餘人直

撲商南雙樹卡現已知會慶成酌派官兵應援

聖祖聖訓卷三十五

一

臣惠齡趕緊前行一面分遣官弁確探賊匪旋

在慶成知會該提督行抵落花溝詢知商南縣

撓鈴河地方新起一夥教匪五六千人於初一

日在落花溝焚搶後向鄖陽郡西一帶逃去今

該提督所追之賊亦向此路竄逸自必往與合

夥臣惠齡分兵前往會剿又據探報恒瑞興

肇等追剿第三股賊匪已至商州山陽境內之

夜村高壩店等處查湖北竄逃之賊總計不過四千餘人復有商南五六千新匪與之合夥且聞商州商南山陽等處向係教匪之藪今乘機勾結恐尙不止於此復查鄖陽一帶係被賊蹂躪之區該處崇山峻嶺艱於覓食剿辦較易得手惟鄖陽邊界與陝省興安毗連近接漢中等處更爲緊要而此一路賊勢較衆急須先行趕往截剿臣惠齡隨飛札前派在三尖山防堵之阿爾薩朗卽領原帶滿兵馳赴鄖西等處相機截剿並令叅將吉林泰等另帶綠營官兵一千名趕往接濟更恐賊匪竄向西南欲與達州教匪暗相勾結一面飛咨宜綿等撥兵嚴防又令舒亮自李官橋帶兵前來合剿現在賊匪大夥既已竄往鄖西臣惠齡自不便再赴商南轉落

賊後是以卽取道浙川之荆紫關徑赴鄖西迎頭截剿茲於十二日馳抵荆紫關適臣景安帶兵在關堵截並籌運協濟陝省軍需伏思賊匪狡獪異常竄徙無定非如當陽灌灣腦之盤踞一處者可比兼之沿路裹脅日有增添到處劫掠得資口食官兵雖儘力窮追究不得不稍停炊爨現在乘騎驟馬之賊甚多旣可恣食田禾又可搶奪更換而官馬則日需芻秣策馭易疲是以趕剿窮追尙不若賊行之速及至抄繞截擊賊復望影先奔本欲迎頭又成尾追臣等焦灼萬分惟有趁此賊匪竄入大山之時知會各路官兵轉不必過爲緊逼隨時察看地勢設法兜抄使其屯聚一處官兵得以散佈圍攻併力夾擊臣惠齡卽倍道星馳前赴鄖陽一帶確探

賊蹤相機截剿

同日汪新奏言臣前因賊匪合夥由商南折入

鄖西縣境逼近郡城以襄郡西北各屬俱與鄖

郡毗連誠恐原設鄉勇未敷防堵密札飛飭各

於要隘處所多招壯勇堵守免致乘虛下竄茲

復接據王正常稟稱先經調集鄉勇馳赴鄖縣

所屬筲箕壩安設卡座探知賊分兩股來撲當

《聖祖聖訓卷五》

四

於漆園隘設伏誘賊截殺多名該匪奔退其由

樊家坪一路來撲之賊經都司郭廷樞等督率

紳勇前後夾攻殺死八十餘人餘匪逃入紅廟

嶺而去又據稟稱探得署鄖西縣知縣秦錫疇

並典史千總等先赴長岡嶺各處守禦初七日

酉刻另股之賊阻截路徑已由何家店至五里

河祥近縣治因無城垣致被蹂躪等情隨又接

准慶成札會督兵馳至距鄖西縣境九十里三

官洞地方探聞商南縣撓鈴河有新起教匪五

六千人前赴鄖境現在飛催惠齡分兵會剿等

情臣竊計日內惠齡恒瑞等分投追截賊匪自

可不致合併鄖西縣治諒慶成到彼即可收復

惟恐大兵自北追壓賊匪勢必直向下竄臣即

親馳前赴光化穀城均州等處稽查所設各卡

《聖祖聖訓卷五》

五

鄉勇務臻周密昨已密飭該三屬挑募健壯鄉

勇一二千各整備器械聽候調遣如續得探報

或尚有必需協助之勢臣即於途次立帶鄉勇

就近馳赴防剿再查惠齡等統帶各兵目下自

已雲集商鄖交界應需糧餉軍火等項必須趕

解供支現已分委各員星夜飛輓前赴鄖郡存

貯一面飛咨慶成馬瑞等先將自郡北至鄖西

道路疏通無阻以便趨運軍儲

同日慶成巴克坦布訥音奏言臣等節次自東

北豫陝邊界攔頭截剿賊匪折向西南楚省鄖

屬大山奔竄官兵遂次鄖西之三官洞地方距

縣城九十餘里適據隨後趕到兵丁報稱中途

撞遇由豫省嵩縣一帶竄來第三起賊匪亦至

後路陝豫交界臣等卽擬分兵轉回迎擊又據

《聖諭廣訓卷五

六

探路弁兵擊到活賊訊出賊目李全王廷詔由

大山內奔竄經過素習邪教之處裹脅多人今

各執一旗分作兩股滋擾李全帶領一夥由西

南大山先繞赴鄖西縣焚掠王廷詔帶領一夥

隨後抵禦官兵等情臣等聞之萬分焦急計所

帶滿漢官兵若分前後兩路未免勢單卽令各

營將備酌留一半弁兵在三官洞扼要之處紮

營防備後路竄賊臣等當卽選帶一半精壯馬

步弁兵連夜馳赴鄖西救援官兵於五更時行

抵鄖西縣北之長岡嶺知該縣向無城垣防汛

開兵無幾初七日酉刻已被賊匪攻破占據逆

賊恐官兵追及縣北一帶稻田盡放深水創斷

道路馬步俱不能前進臣等卽乘昏夜暗從東

山小路督兵馳往該縣設立竹柵已被燒損東

《聖諭廣訓卷五

七

西山梁雖有賊卡數處尙未知覺但見街內頭

纏白布之賊往來行走勢不能待兵齊集臣巴

克坦布德光等督率步兵臣慶成訥音德齡等

率奮勇馬兵一齊吶喊奮力衝入賊衆猝不及

防紛紛亂奔我兵鎗箭截斃賊人甚多追至縣

南有一大河竄匪涉水奔逃對岸賊屯數處有

數千賊匪蜂擁齊來救應排列河岸放鎗抵禦

等督兵隔河用鎗礮擊打賊始退向南竄當

將鄖西縣收復在縣南分布扎營飛調留防後

路一半官兵前來臣等查看衙署縣庫監獄均

被焚燒惟倉廩未動新舊人犯二十餘名亦已

逃遁舖房民舍亦被焚掠百姓盡行逃避臣等

差派弁兵撲滅餘火並查詢該縣文武下落傳

喚鄉保人等尋覓避賊民人各歸本業詢據縣

《聖朝聖編卷五

八

役萬明詹和等稱本縣有千總一員兵二三十

名署縣秦錫疇探聞教匪竄入本境與典史李

殿英聚集鄉勇會同千總王棟帶同兵勇赴長

岡嶺口隘堵禦初七日下午與賊打仗衝散不

知下落等語臣等即令縣役分往賊匪擾害地

方尋覓被戕屍身內詳細識認并飛咨湖北督

撫迅派委員帶兵勇來縣防守查明被害官民

人等及被擾居民分別辦理撫卹查賊目王廷

詔李全等分股奔竄擾及縣治實堪痛恨其自

豫陝交界竄來第二起賊匪亦係追尋其黨牽

緞官兵臣等督率弁兵進攻山路險狹軍火糧

運尙未趕到一面飛催接續前來而鄖西迤南

山嶺叢雜賊匪最易分投折轉若僅此一路官

兵抄繞截殺此擊破竄仍墮奸計現在剿敗各

《聖朝聖編卷五

九

起賊匪先後俱已西竄臣等前經飛咨惠齡分

兵前來會剿俟各路官兵趕到應即分路兜截

設法先擒首逆使餘黨無所依恃可期早靖妖

氛

同日秦承恩奏言查頭股賊匪竄入商南經豐

伸布王文湧督率兵勇連次截殺之後賊匪向

南奔竄協領興福防禦葉布崇額等酌帶滿兵

知縣錢廷琛帶領鄉勇貢生宣述古等緊隨追趕四月初二日趕至商南縣屬之湘河地方適舉人命大謨捐職州同楊生芳等率領鄉勇二千餘人迎頭截住兩路夾攻殺賊三百餘人匪黨俱竄赴趙家冲此次鄉勇奮力打仗陣亡三十四人帶傷六人二股賊匪經慶成等奮力追剿亦竄至趙家冲與頭股會合一處俱竄往湖北鄖西縣界慶成等亦即跟蹤追剿探聞惠齡現帶官兵趕到內鄉臣已飛咨迅由商南進發與慶成等會同兜剿惟查鄖西地方與興安府屬之白河洵陽二縣毗連誠恐官兵追至鄖西賊匪偷渡漢江由白河洵陽竄至興安即可越赴四川與達州匪徒會合所關甚重臣隨於興安防兵內酌抽弁兵並飭該縣等多雇鄉勇在緊

欽定剿平三省邪匪方略

正編卷三五

要隘口幫同嚴密防堵一面飭將漢江北岸雙全墩收歸南岸杜其偷渡入川之路但兵力究屬單薄而商州地方正值剿賊喫緊之際斷不能分兵前往臣現在催調山西官兵趕緊行走一到陝境即令由商維一帶徑赴洵陽白河等縣防堵如賊匪由此路逃竄正可迎頭截剿其三股賊匪現已竄至山陽縣屬之高壩店恒瑞等所帶官兵總可於賊匪未至之前先行趕到迎面進擊臣於十二日據探弁稟報商州山陽交界之西牛槽等處有匪徒聚集多人乘機竊發臣思此等匪徒必係楚匪暗相勾結亟須趁其初起趕緊撲滅免致輾轉勾連且恐與大股賊匪竄合是以即親帶兵勇星往剿辦俟後路一清即趕赴山陽與恒瑞等協剿均奏

欽定剿平三省邪匪方略

正編卷三五

上命軍機大臣傳諭宜綿惠齡慶成秦承恩汪新曰
慶成奏賊匪向鄖屬大山奔竄即乘夜帶兵攻剿
收復鄖西縣治固爲出力但鄖西本無城垣賊匪
見官兵進剿卽行奔竄而賊首仍未擊獲不足爲
功究竟賊匪現竄何處慶成等如何設法追剿未
據奏明豈有任賊西竄不行截住之理其恒瑞等
追剿第三股賊匪據秦承恩奏現已竄至商州山

製看龍皇編卷五

五

陽縣地方恒瑞曾否繞至賊前迎頭截殺亦未據
奏及惠齡等所稱賊到處劫掠得資口食驛馬可
隨處恣食田禾而官馬日需芻秣是以不若賊行
之速等語亦不過以此藉口預爲站脚地步卽或
有此等情形惠齡等祇當存之於心斷不可出之
於口不特兵丁等不可令其聞知卽帶兵將領前
亦不可稍露此意使之心生懈弛各處調集官兵

原以追剿賊匪今賊人四路奔逃而官兵總落賊
後又安用此官兵爲耶惠齡等係統兵大員寧不
當設法兜截若因賊匪出沒無定難以堵剿待其
自縛有是理乎此時賊匪已竄入鄖西該處本係
曾經被擾之區崇山峻嶺難於覓食現據惠齡等
奏已馳赴鄖陽一帶確探賊蹤截剿是尙未得賊
由鄖西西竄之信而言今慶成等亦由鄖西追捕
正當乘賊匪窮竄深山堵其要隘併力兜擒斷不
可惟事尾追又致乘間逃竄或與達州之賊合夥
倘惠齡等仍前疎玩予賊以暇伊等自思當得何
罪耶又據秦承恩奏官兵在商南追剿賊匪情形
皆係賊匪初入商維之事聲敘繁冗徒亂人意惟
商州山陽交界之西牛槽地方有匪徒乘機竊發
秦承恩已帶兵先往剿辦務須趁其初起及早撲

製看龍皇編卷五

五

滅不可任其輾轉勾結汪新奏賊匪復擾鄖境伊
現往光化穀城防堵倘有需協剿之處卽馳赴鄖
陽等語所奏亦屬張皇鄖西一帶已有惠齡慶成
等在彼帶兵堵截而劉君輔馬瑀亦先後馳赴何
須汪新再行前往况襄陽地方緊要今僅總兵徐
昭德等在彼駐守未足以資彈壓汪新竟當卽回
襄陽督防並籌辦軍火糧餉務期無悞軍行所有

剿平三省邪匪方略卷五

十四

鄖西文武各員是否被害着汪新查明具奏至陝
境賊匪現已由鄖西縣西竄難保其不偷越入川
宜綿等此時若已將金莪寺等處賊匪剿竣卽當
同柯藩帶領勝兵迎頭截剿倘達州賊匪未能卽
淨宜綿難以分身或先令柯藩帶兵迎赴洵陽鄖
西一帶俾賊不敢再向西竄以便聚而殲洗再阿
爾薩朗舒亮俱已先後帶兵馳赴鄖西此時賊匪

又已西竄伊二人曾否繞至賊匪之前迎頭截剿
至第三股賊匪恒瑞等又抵何處堵截現在是否
亦與前兩股賊匪會合若俱竄合一處則惠齡等
當乘此兜剿淨盡或現在西竄賊匪竟乘間由興
安竄至達州合爲一夥惠齡等斷無中途撤回之
理自必帶兵跟蹤追剿可與宜綿等會合夾擊賊
匪又何路奔竄耶

剿平三省邪匪方略卷五

十五

二十日庚寅秦承恩奏言查湖北頭二兩股賊匪
因被追緊急竄赴鄖西已有慶成等前往追剿
三股賊匪屯聚山陽縣屬之高壩店亦有恒瑞
等帶兵進剿但賊匪行蹤詭秘出沒無常現在
山陽之賊既未剿除而竄往鄖西之賊又恐其
由白河洵陽一路竄至興安越赴川省在在需
兵堵截且商州山陽交界之西牛槽等處爲楚

匪暗行勾結現有匪徒乘機竊發臣因所調官

兵屢催未到而前調滿兵四百名已酌撥三百

名前往山陽防守是以現祇帶兵二百名鄉勇

二百名前來剿捕亦須添撥弁兵抄路夾攻以

期迅速撲滅是陝省此時需兵之處甚多總兵

富爾賽帶領西寧等鎮兵五百名已於十二日

兼程來省計一二日內可抵商州所帶兵丁隨

剿平番匪要案卷五

六

後亦可趕到應請將此項官兵即留于陝省協

剿

同日京畿道監察御史宋澍奏言查湖北賊匪

滋擾起事之初不過數千人一年以來經該督

撫等痛加剿戮不下數萬人上年畢沅等奏稱

賊勢窮蹙請撥餉辦理善後事宜自應指日可

以蕪事乃未及數月復窺豫境又復竄入商南

前後所奏迥不相符且景安在南陽一帶防守

已逾一年何以逃竄之賊不能堵禦秦承恩在

興漢一帶來往督剿何以武關之險轉不設備

在該督撫等受

恩深重委任封疆如果意存觀望豈復尚有人心但

該督撫等各守疆界意見稍有不同則往返札

商易致遲悞兵力偶有不齊則顧此失彼轉多

剿平番匪要案卷五

七

疎漏均屬情事所不免查現在賊匪情形各處

奔竄勢甚散漫地連三省不得不分路攻剿必

須酌量地方急緩察其來蹤去路併力合圍殲

其渠魁方可散其餘黨剿撫兼施以為善後之

計現在內外大臣中明白機宜可以秉承

膚謀不致措置失當者俱在

聖明洞鑒之中合無恭請

皇上專派一人督辦軍務令三省官兵聽其調度呼

應較靈可以相度形勢兼籌緩急賊匪烏合之

眾諒無難尅期殄滅抑臣更有請者我

皇上平定伊犁金川諸大功其時領兵大員有稍失

機宜者無不立予懲治功成之後乃加懋賞此

次教匪原非伊犁金川可比軍興以來自督撫

以及文武員弁格外邀

剿平三寨匪方彙編卷五

六

恩者不下數千百人我

皇上原於鼓舞之中示愧勵之意乃該督撫等不能

仰體

聖心以致么磨小醜旋滅旋起應請

旨飭令現在司事各大臣將賊匪情形及所以不能

尅期掃除之故據實明白回奏恭候

聖裁簡員督辦諒該督撫等自不敢顛預隱飾致干

重譴均奏入

上命軍機大臣傳諭宜綿惠齡慶成秦承恩曰秦承

恩奏請留西寧官兵在陝協剿自應如此辦理惟

閱所進圖內北面一帶有利肇及秦承恩帶兵堵

剿商州之西有恒瑞防堵鄖西有慶成等追剿南

面則劉君輔馬瑀亦已先後到彼商州東面有惠

齡帶兵迎截聲勢尙為聯絡惟西南一帶尙覺空

剿平三寨匪方彙編卷五

九

虛恐賊匪乘間竄過興安與達州賊匪合夥關係

緊要昨已降旨令宜綿等酌量情形或先令柯藩

迅即迎赴洵陽鄖西一帶堵截適據御史宋澍奏

該督撫等各守疆界意見不同請專派重臣辦理

等語剿捕教匪事宜本應有大員總統但大臣中

福康安尙習軍旅威望素著業經病逝而阿桂又

已年老任使實無其人是以上年因承保辦理不

善特命惠齡總統軍務未嘗不予以事權乃惠齡
任事以來初時尚覺勉近來因賊匪東奔西竄
竟無運籌制勝之處今經御史陳奏伊等寧不自
知愧勵耶著將宋澍原摺抄寄閱看試令自問更
有何顏至秦承恩既聞賊匪滋擾商雒之信自應
由興安一帶就近取道商州乃繞赴藍田未免紆
緩秦承恩究係書生且所帶之兵無多亦不得不

御製三香齋方畧編卷五

辛

畧加持重朕故不加深責勿謂朕不知也惠齡係
總統大員尤當先事豫籌速為策應所帶兵亦不
少乃自襄陽繞至南召前赴內鄉浙川行走稽延
總落賊匪之後尙不如慶成恒瑞等猶能跟蹤尾
追惠齡著傳旨嚴行申飭倘復仍前疎玩失此事
機以致賊匪又竄至興安一帶或與達州之賊同
蹊則永保卽前車之鑒並當將伊加倍治罪至西

南一帶著惠齡於恒瑞慶成諸人中擇其奮勇向
前者酌派一二人帶兵由間道速往堵防以遏賊
匪西竄達州之路務在酌量情形調度得當不可
坐失機宜致干咎戾

二十一日 辛卯 宜綿明亮德楞泰奏言查金莪寺

清溪場兩路賊巢地勢雖俱陡峻而清溪場局
面較小屯賊不過四五百人若金莪寺則南北

御製三香齋方畧編卷五

壬

西三面皆係危崖峭壁惟東面冉家埡口稍覺
平行稻田環繞水深沒膝由小路盤旋而上山
頂寬廣約三十餘里週圍樹立木城木城之內
又有土墻一道高有丈餘包絡山峰十一座寨
勢甚為險固屯賊二萬餘人二十七日大霧瀟
漫清溪場之賊來撲清溪口營盤經柯藩明興
督率參將王清弼等帶領兵勇出營截殺賊衆

甚多金莪寺賊衆亦撲中山頭大卡經守備張東林竹谿縣典史道玉琨督率兵勇竭力堵禦賊匪恃其人衆不肯卽退^臣等卽派總兵達音泰巴圖魯侍衛溫春阿那保等帶兵馳赴中山頭助剿賊衆見我兵繞出其後始行退却張東林等帶兵乘勢壓下達音泰等迎頭截殺共殺賊二百餘名生擒張順等二十三名奪獲大礮鳥鎗刀子等件餘賊卽翻山逃至重石子嗣後霧雨不時賊匪分撲各路營盤均被官兵剿退^臣等密相計議賊匪見官兵圍逼漸緊糧食將盡不能出外擄掠自分必死是以屢次恃衆衝突但兩處賊巢附近周圍二百餘里若必步步設卡圍堵始行攻剿兵勇不敷派撥且亦擔延時日若莫趁我兵屢勝分投攻取巢穴使之進

剿平三省邪匪方略卷五

五

退失據剿辦似易爲力因密行知會各路約期並舉四月初三日天色稍霽柯藩明興等自清溪口攻清溪場之西觀成等自東鄉攻清溪場之南奎舒等自姚家壩攻其東^臣等復派達音泰等帶兵自馬耳峰攻其北賊匪毫不畏懼經守備楊萬年等率領奮勇兵丁鄉勇李子青羅士舉李子秀等首先躍上木城砍開寨門兵勇一擁而入賊人捨命抵禦楊萬年及千總陳尙賢外委初紹堯古萬龍皆身受重傷殞命都司達自祥土遊擊安朋鄉勇李子秀亦經身受鎗傷殺斃賊人一千餘名生擒賊首王學禮奪獲鎗礮軍械無數遂奪清溪場賊寨其攻打金莪寺之索費英阿等由雞爪嶺進兵艾如文等由張家碓進兵穆克登阿等由余家岩進兵副都

剿平三省邪匪方略卷五

五

統銜西津泰等由姚家茶進兵五路會攻冉家

堽口賊卡臣明亮德楞泰帶領侍衛巴圖魯等

繼進查冉家堽口為金莪寺門戶賊人拒守甚

堅千總郭德元王大倫把總馬玉成外委胡得

貴余正明從九品職員熊鈞衡等奮力奪卡皆

被礮傷陣亡我兵人人憤怒奮勇齊進賊匪不

能抵拒棄卡而逃我兵佔住冉家堽口距賊巢

聖祖御製通志卷五十五

尚有五里皆自下仰攻臣等因該處離大營稍

遠恐兵丁心志不固一面用大礮轟打賊寨一

面自馬耳峰往下連扎木城十四座直接冉家

堽口時天已昏黑金莪寺賊匪見官兵扼其咽喉

賊巢不能保賊首王三槐等帶領強悍賊

匪數千人下山攻撲木城賊首徐添德等潛率

老弱婦女由山後僻處滾崖而下偷赴重石子

初四日五鼓我兵正在上山攻打賊巢王三槐

等自高壓下勢甚洶湧我兵無不以一當百刀矛

亂下賊眾大潰除殺斃不計外生擒一百三十

五名所得糧食什物分賞出力兵勇搶獲大礮

三十六位鳥鎗二百餘桿刀矛軍械五百餘件

存貯備用當將金莪寺賊寨燒燬臣等酌留索

費英阿暫住搜山臣德楞泰督同西津泰朱射

聖祖御製通志卷五十五

斗艾如文等分路追剿徐添德等逃竄之賊沿

途擒殺七百餘人柯藩明興亦自清溪場帶兵

邀之陰洞殺死賊匪三百餘人搶獲大礮八位

軍器一百餘件觀成帶兵邀之淺灘子亦殺死

二百餘人王三槐等欲由羊列子過河竄往新

寧穆克登阿督同副將達桑阿帶兵邀截於鹽

店子礮斃及落水者約數百人王三槐等竄入

重石子賊營查該處及香鋪坪賊黨尙不下二萬餘人_臣等現在四面圍逼務期設法擒拏首惡仰紆

聖厯至王學禮一犯訊係與徐添德同時起事偽封軍師現擬暫行羈押俟拏獲徐添德等一同解京連次出力文武員弁查明開單請

旨加恩其陣亡受傷兵勇另行造冊咨部賞卹

宜綿又奏言竊_臣接奉

諭旨令明亮卽輕騎減從速赴襄陽一帶幫同惠齡

剿辦_臣仰蒙

皇上簡任封疆並飭辦軍旅重務何敢稍存推諉之見緣明亮自幼與_臣同學又在金川軍營及新疆共事多年情分最爲親切無事不以至誠相待本年正月內欽奉

諭旨令偕德楞泰同來川省軍營明亮抵營後感恩自奮事事與_臣和衷商酌一月以來親歷賊巢布置周密實爲_臣所不逮今奉

旨令明亮馳赴襄陽_臣自當竭力辦理惟是此地情形有不敢不直陳者查川省匪徒非獨邪教凡鹽梟咽喉匪亡命之徒皆乘時聚集其中兇悍狡黠較之鄖陽興安等處邪匪尤爲可惡而川東

一帶跬步皆山無山不險隨在俱可藏身賊人生長其地熟悉形勢翻山越險捷如飛猿路徑分岐處處可通_臣所帶陝甘兵及明亮德楞泰帶來川滇各兵雖有萬餘而週圍數百里若步步設卡圍堵仍復不能嚴密隣近各省有應辦之賊別無可調之兵奏請添兵徒煩

聖慮惟有就現有之兵隨時相機設法籌辦以冀漸

就削平今金表寺清溪場兩處賊巢雖經攻破而賊匪先後逃往重石子香鑪坪者仍有二萬餘人勢尚猖獗又與巴州之王家寨方山坪兩處賊寨相近現在夔州府屬大寧縣之九龍池等處復有匪徒蠢動臣與觀成英善熟商派遣員弁圍集鄉勇前往剿堵是川東一帶邪匪伏而未動者正復不少明亮未及成功忽又他往

《聖朝知要彙編卷五》

天

愚民不知撤回之由又疑別省有緊急之事謠言亂布宵小生心所關匪細臣前聞襄陽逸匪竄赴河南漸逼陝境陝西兵丁多赴川楚存營無幾當即飛調寧夏總兵吉蘭泰金塔協副將富崧帶領寧夏西寧肅州三處官兵二千名又派甯北撤拉爾老教回民二千名飭令迅赴西安聽候撥用又據商州商南先後稟報楚匪已

竄至商南雒南境內臣聞之不勝焦急甘肅兵丁路遠恐未能急到隨于帶來陝甘兵內抽撥一千五百名交柯藩艾如文迅速帶回陝西剿堵似可無虞川省軍務此時正當萬分喫緊之時未便顧彼失此况明亮前此歷任川省將軍提督於地方情形素所熟悉此次周歷營卡相度形勢指示一切機宜鎮將共知稟承實於川省軍務有益臣不揣冒昧仰懇

《聖朝知要彙編卷五》

天

皇上恩施暫留明亮在川將重石子香鑪坪等處賊匪趕緊剿洗擒獲首逆臣即與明亮德楞泰率得勝之師由陝取道截剿務將賊匪殲盡以靖地方

同日英善奏言查陝甘官兵由太平至東鄉而苗疆之川滇凱旋兵丁亦皆撤來剿賊軍營驟

添多兵一切糧餉軍火需用較繁不得不寬爲籌辦葯彈弓箭等項節經_臣飭令省標各營寬爲製造源源運營現值平苗事竣秀山一帶尙有存留軍火各項業令藩司林備查明實數委員分起運回由忠州一路赴達較爲便捷附近達州各州縣倉穀將次碾完此時派碾穀石不得不由近及遠查自軍興以來陸續派令各州縣碾過穀三十餘萬石凡在達州西者以營山爲總運臺達州以東者以忠州爲總運臺均各派員總理專司收發並委州縣佐雜等官分安各臺以資輓運其營山忠州以上道路平坦自應遵照軍需定例以一百里爲一站自營山忠州以至軍營均係山路崎嶇且距賊巢漸近不得不量爲變通以六七十里或四五十里爲一

欽定剿平三省邪匪方略

正編卷三五

站成幾朝發夕至聲氣方能聯絡每站各安設夫一千名五六百名不等轉運糧餉軍火軍裝可期無悞附近東鄰一帶百姓大半充當鄉勇並須保護村庄雇夫較難_臣已先飭遠處州縣雇募里夫前來分安各站供役均照例給以安家路費到日給予口糧工價回空折給口糧空閒之日祇支口糧不支工價每三十人搭蓋棚房一間隨營長夫亦照例每十名賞給帳房以資棲止馳遞文報塘馬已令正塘添足三十四腰塘十五匹均各派員點驗不許以疲瘦充數今春雨雪稍多各處橋梁均令逐一修理俾通糧運而利軍行官兵需用馬匹達州向不出產均由附近州縣雇用料豆等項亦令運糧各州縣一體採買運供達州新寧東鄉太平巴州等

欽定剿平三省邪匪方略

正編卷三五

處被難人民臣仰體

皇仁悉照黔楚之例搭蓋棚廠分別大小口隨時挪

恤其達州新寧太平境內業就肅清居民漸歸

本業現值東作方與該民人等籽種口糧牛具

房屋蕩然無存情堪憫惻除飭地方官酌借籽

種牛具以資耕作外合無仰懇

天恩俯准按照湖北陝西之例以復業之日為始無

聖訓卷之三

三

論極次貧民概行賑卹三個月折色口糧被焚

房屋分別給予修費臣業經派員逐一查辦並

不假手吏胥俾沾實惠其精壯難民有願充當

鄉勇站夫者均聽其便即扣除口糧以歸覈實

同日倭什布奏言據署山陽縣高華普稟報本

月初四日訪聞縣屬峒峪河楊家溝地方有竄

人教匪勾結起事之信當即帶領丁役督率鄉

勇生員王國輝等即於是晚密赴該處擊獲胡

老四王萬青徐明朱光興楊孟起夏有兒等十

六人並搜獲黃綾大小旗六桿矛子三十二桿

訊據該犯等供稱有竄入之湖北興國州人張

會遠前來約令四月內起事並有同教之洪勝

遠徐大朋胡勝海等分往鄖西鎮安藍田等縣

勾結等語除飭將各犯嚴加審訊盡法處治務

聖訓卷之三

三

淨根株一面飛飭鄖西鎮安藍田等縣協擊餘

黨速就弋獲不得仍留遺孽均奏入

上命軍機大臣傳諭宜綿明亮慶成秦承恩曰金莪

寺等處賊匪負隅固守經宜綿等督率將領分路

進兵先將清溪場賊寨攻克隨將金莪寺賊巢燒

燬擊獲賊目一名殲斃多賊所辦可嘉此次宜綿

與明亮和衷商辦而分路帶兵各員打仗殺賊均

屬奮勉宜綿明亮著各賞給金盒白玉搬指大小荷包德楞泰柯藩各賞銀絲盒玉搬指大小荷包觀成穆克登阿各賞碧玉搬指大小荷包奎舒達音泰索費英阿朱射斗艾如文西津泰各賞搬指大小荷包以示獎勵其餘文武各員俱著咨部議敘所有躍入木城砍開寨門之兵丁等著查明首先奮勇出力者卽超補千總餘俱以把總外委酌量拔補其陣亡之守備楊萬年千總陳尙賢郭德元王大倫把總馬玉成外委祁紹堯古萬龍胡得貴余正明從九品職員熊鈞衡俱著咨部加二等議卹打仗兵丁俱著賞給一月錢糧其受鎗傷之都司達自祥土遊擊安朋等想已調治平復如能始終奮勉亦著以應陞之缺陞用又據宜綿奏請留明亮在川協同搜捕伊二人能和衷共濟以軍

欽定剿平三省邪匪方略

正編卷三五

務爲重尤當倍加奮勉上緊剿辦昨因陝省竄匪逃至鄖西地方該處西南一帶路通興安達州兵備空虛曾諭令宜綿酌量情形或先派柯藩帶兵前赴洵陽鄖西一帶遏其西竄之路今宜綿等於未奉諭旨前已抽撥兵丁令柯藩艾如文帶赴陝境堵剿適與昨旨相合甚爲可嘉此時鄖西賊匪經官兵追剿緊急設欲往興安一路西竄柯藩等正可截殺或能將賊首擒獲卽係柯藩艾如文二人之功至所稱川省匪徒非獨邪教並有鹽梟囑匪乘機聚集此等匪徒乘機搶掠原所不免但川省囑匪鹽梟在在久有現當剿捕之際若再行紛紛查拏誠恐去而從賊更有關係宜綿等惟當酌量妥辦除陣陣殲殺外如有自行投出者卽當酌量解散安插俟軍務告竣再行酌辦不可稍露此意

欽定剿平三省邪匪方略

正編卷三五

又據倭什布奏山陽縣地方有鼠入教匪勾結滋事自卽係秦承恩所奏之西牛槽鼠聚匪徒業經秦承恩親往剿辦其署山陽縣高肇普帶領兵勇密赴該處拏獲賊匪十六名雖屬無多尙爲奮勉高肇普如果始終勤奮著秦承恩酌量以應陞之缺陞用又據稱訊之獲犯供有湖北興國人張會遠前來約令四月內起事並有同教之洪勝遠徐

聖祖聖訓卷五

三

大朋胡勝海分往鄖西鎮安藍田等縣勾結等語鄖西地方現有慶成等帶兵在彼追剿而鎮安藍田等縣均係未經滋事地方斷不可任其又有勾結此事何以未據秦承恩奏及著秦承恩慶成及恒瑞興肇等務須設法搜捕按名拏獲惠齡此時諒已早抵鄖西當密查勾結之犯嚴拏務獲其山陽糾聚匪徒現據宜綿等奏已派寧夏西寧等處

官兵二千並派循化撒拉爾老教回民二千前赴西安聽候調撥兵力已爲厚集况秦承恩從前曾在孝義川等處查辦教匪該處情形諒所熟悉務須趁其起事之初及早撲滅不可稍有遲緩現在興安一帶已有柯藩艾如文帶兵迎截秦承恩於山陽賊匪辦竣卽應在陝境興安商維一帶就近彈壓防守不必遠赴鄖西致難兼顧

聖祖聖訓卷五

三

上諭內閣曰四川達州新寧太平等處前經教匪滋擾民人籽種口糧牛具房屋多被殘毀殊堪憫惻除飭令地方官借給籽種牛具外著加恩照湖北陝西二省之例以復業之日爲始無論極次貧民概行賑卹三個月折色口糧其被焚房屋並著分別給與修費英善等務須飭委委員詳悉查辦盡力撫綏俾得均沾實惠

二十二日壬辰額勒登保福寧奏言查芭葉山

係鶴峯州建始縣巴東縣二交界之地臣等暫

行劄營在鄖陽關緊逼芭葉山尚在鶴峯州境

內其建始縣一路先令綸布春諸神保張廷彥

同巴圖魯侍衛等趕赴枇杷塘官店口要路截

擊嗣據報稱於初二初三等日節次迎賊

打仗殺斃甚多已將路通建始之緊要山梁分

欽定剿平三省邪匪方略

正編卷三五

劄營卡惟山勢紛錯賊人尙敢不時潛出撲卡

均被官兵擊退臣等所駐之鄖陽關可通鶴峯

州之路甚多賊匪連出奪路並於苦竹園以下

官兵搭橋渡溪之所希圖搶佔橋梁劫奪糧食

臣等督率官兵連日擊殺賊匪被鎗箭及淹斃

者無算要路亦俱劄住並生擒賊目偽參將袁

志武偽千總秦大進及賊匪丁美卓等二十三

名又各路陸續擒獲賊匪何本淮等十九名并

有假裝攜筐賣菜及假充人夫潛來探聽官兵

消息者臣等逐一嚴究僉供首逆林之華覃加

耀等尙俱藏在芭葉山因官兵搶箭利害躲匿

民房不敢出來另有賊目沿山搭葢草棚築砌

石牆與官兵打仗尙思抵死拒守等語當將該

犯等凌遲梟示至枇杷塘一帶恐諸神保等兵

欽定剿平三省邪匪方略

正編卷三五

力尙單堵剿或不敷用臣等商酌福寧在鄖陽

關督率副將張持等相機攻剿額勒登保於初

五日由鄖陽關至逼近芭葉山之車埠頭上白

沙杉木橋一帶小路進剿該處山勢忽斷忽連

偏坡陡坎下臨溪澗偏仄無容足之地官兵攀

援登陟行至十數里之外賊匪竟敢吹角集衆

蟻聚山頭放鎗擲石臣額勒登保卽飭薩克坦

布等并兵丁三百餘名依山蹲立賊人兩賊下山被我兵連放鳥鎗紛紛倒斃官兵乘勝追趕箭射多賊餘匪竄逸即令分兵在該處擊卡臣額勒登保仍帶兵前行又於上白沙山梁見賊一百餘人在山坳焚燒民房當即飭兵趕擊賊慌張逃竄滾山跌斃中鎗死者男婦二十餘人時已將晚即於山梁駐劄次早到枇杷塘與諸神保等會合查得枇杷塘以外之亮林子青石岩水沙溝等處亦係賊匪可出之路遂於初七八九等日督率綸布春諸神保巴圖魯侍衛等分兵前往亮林子一帶躡探尙無賊匪當即接遞駐卡前至水沙溝沿山賊匪正在砌築石墻婦女搬運石塊綸布春先率領官兵等一齊搶上山坡剿殺五六十人當即指令諸神保於該處

聖朝實錄卷五

單

山梁扼要處所分紮卡座至水沙溝以上為高嶺頭蠻路口雄虎山係巴東縣所屬與金雞口相距二十餘里臣等前令慶溥由金雞口通鄔陽關之一路分紮營卡堵截賊匪令關騰由金雞口分兵擊卡堵禦巴東一帶要路關騰等一路之兵連日沿途剿賊十一口接擊營卡直至蠻路口高嶺頭已與諸神保駐營之青石岩聯絡是賊匪等業經官兵四面截圍斷不能久延殘喘至將軍成德等經留駐後路麥莊一帶以防竄匪今金雞口各處營卡業已嚴密已札致成德前來鄔陽關之班竹園駐劄與臣福寧協同剿賊至軍糧軍火關係緊要恐金雞口相距長陽長樂兩縣山險路遙趕運不繼臣等初抵鄔陽關時即當飛飭鶴峯州建始縣兩處設法

聖朝實錄卷五

單

通供近經該州縣趕緊辦理業已陸續運到
營合之金雞口一帶轉輸已可無虞缺乏再自
金雞口至天池口直抵滋邱道路綿長且係糧
運緊要之路不得不加意防範已令文圖往來
稽查以昭慎密其黃栢山至芭葉山賊匪經過
之處約有三百餘里該處重山疊嶺地極苦寒
居民本屬稀少賊匪於官兵沿途追截剿殺之
時亦未能肆行蹂躪如燕子岩車篷簞箕荒麥
莊富家堰紅沙舖鐵廠沙河以及隆坪陳塘坳
九里坪金雞口要路處所間有被燒房屋並搶
去包穀食物之家又有賊匪未到驚散逃避之
戶_臣等先已到處安撫俱經各歸本處照常安
業其居民房屋半係木片搭蓋並草房居多_臣
等於被燒房屋之家每戶給銀一二兩令其搭

蓋棲身其被搶糧食民人一時無以餬口現俱
按戶酌散口糧俾資果腹各該處山地種植麥
苗包穀均已長發恐兵丁人等或有踐踏亦經
嚴飭帶兵將領隨處管束毋許稍有擾害
同日畢沅奏鄂輝奏口查湖南軍務告竣_臣
等昨將兩廣應撤官兵於各分防營卡內陸續
抽換廣東應撤四千七百七十餘名廣西應撤
一千八十餘名均經分定起數交該管員弁帶
領起程回粵行至辰州迺接明亮德楞泰來咨
達州東鄉一帶現值剿捕吃緊之時囑將此項
廣東兵內挑出三千名並將廣西應撤官兵一
千餘名迅速派赴協剿_臣等當挑選得廣東壯
健兵三千名分作四起令高州鎮總兵木騰額
參將岳廷極明善文太等管領廣西兵一千餘

名分作兩起令新泰協副將官保遊擊吳玉貴
 劉惟馨伯明等管領查自辰州至川省秀山向
 有北河一道雖水小灘多但此時正值山水初
 發之時沂流而上尙不費力計程十日可達秀山
 臣畢沅姜晟已將應用船隻預備齊全並念該
 兵等從征兩載今於凱旋途次折赴四川自應
 加之體恤每兵各借給銀三兩畧爲整頓衣履
 其所需行裝鍋帳等項亦已按起量給並飛傳
 川省秀山入境之站以至達州務卽安速預備
 均奏入

上命軍機大臣傳諭額勒登保福寧曰額勒登保等
 奏官兵攻剿芭葉山打仗殺賊情形所辦尙好芭
 葉山要隘處所俱已接拏營卡官兵聲勢聯絡賊
 匪勢益勇慶額勒登保等務須同心合力迅速集

事一俟該處剿捕事竣額勒登保應卽帶領勝兵
 速赴郎西一帶幫助惠齡等合擊福寧卽速回川
 省辦理善後至所奏安撫難民並酌散口糧一節
 俱屬妥協再黃栢山地方前據額勒登保等奏在
 長陽縣界內現又據稱芭葉山在鶴峯建始巴東
 交界檢閱輿圖鶴峯州在黃栢山之西南建始則
 在黃栢山西北隅巴東則在黃栢山之正西北相
 去路徑南北隔絕賊匪在黃栢山經官兵剿散後
 究從何路竄往芭葉山鄖陽關枇杷塘又在何處
 係何州縣所屬摺內未經詳敘茲特照輿圖約畧
 繪出發交閱看圖內方向是否符合著額勒登保
 等詳細查對另繪准圖並將芭葉山等處地名方
 向粘簽貼說進呈披覽

上又命軍機大臣傳諭宜綿明亮德楞泰畢沅姜晟

鄂輝曰畢沅等接准明亮等知會將粵省應撤官兵改赴四川協剿當卽挑選分起赴川此項添調兵丁想係明亮德楞泰初到達州時見賊匪佔據險隘人數較多因與宜綿商酌知會畢沅等將應撤粵兵改派前往何以明亮等節次摺內並未奏明此事昨據宜綿等奏到清溪場金莪寺賊巢業經官兵攻克逆首徐添德等竄往重石子等處勢

剿平三省邪匪方略

吳

甚窮感與明亮初到時情形已屬不同原無須遠調粵兵赴川協剿但畢沅等業已派撥起程計此時已入川境該處多添一兵卽多得一兵之力於剿捕亦爲有益重石子香爐坪及王家寨方山坪屯聚賊寨諒不若金莪寺清溪場之險峻今又添此生力官兵軍威壯盛宜綿明亮等務須倍加奮勉將竄聚各處之賊悉數戡除毋得再有遲緩至粵

兵從征日久今於撤回時復派赴川省整頓行裝不無需費畢沅等所奏每名各借給銀三兩之數著卽加恩賞給以示體恤

剿平三省邪匪方略

吳

欽定剿平三省邪匪方略正編卷三十六 丁巳年

四月二十三日 臣 恒瑞奏言賊匪自聞官兵抵

商即潛向山陽縣境內逃奔 臣 同碩雲保富成

帶兵趕赴山陽此處界連鎮安路通興漢賊人

恃山徑紛岐得以往來焚掠任意裹脅 臣 派令

候補同知陳祁雇募鄉勇凡可通鎮安各要隘

逐一嚴堵 臣 等於十四日進抵磨溝探得賊匪

聖祖聖孫編卷六

在周家河屯聚遂于十五日丑刻督兵進發黎

明趕至賊屯賊匪見官兵逼近即率夥眾捨命

直撲官兵鎗箭齊發經碩雲保連射三賊富成

射死執旗賊目一名賊始敗退 臣 等帶兵追殺

賊匪奔上山梁復行排列擲石吶喊 臣 等率同

巴圖魯侍衛等分三路仰攻直上賊匪力不能

支旋復敗走 臣 等過山嶺數里沿途殲斃及

落洞墮崖者統計七百餘人生擒賊目張思誠

龔世富並賊夥九十三名訊據供稱此股賊匪

係姚之富帶領自湖北逃竄時止有一千餘人

近日隨處裹脅並同教人夥者有二千多人本

欲向鎮安一路奔竄因被官兵截殺他們又向

東去等語餘無要供均即正法 臣 等正欲向東

追剿適據差探弁兵報稱又有一股賊匪自南

聖祖聖孫編卷六

而來直奔縣城 臣 聞信即星夜折回磨溝口十

六日卯刻行抵縣東十里舖正相遇賊人竟

悍異常公然與官兵迎敵 臣 等當即督令馬兵

回前衝殺步兵繼進遠用鎗箭近用刀子立斃

賊匪三百餘人賊人分投亂竄即棄馬爬越大

山官兵亦棄馬攀援追殺殲戮多賊生擒高維

功等二十三名訊得此股係由鄂西奔竄至此

內有頭目王李二姓或即王廷詔李全亦未可

定臣現在所帶山東戰兵不過二千餘人難以分

路進剿惟有一面差探何路賊匪尤為緊要先

行竭力剿辦再此次西安防禦巴圖魯扎勒杭

阿首先衝入賊隊射死賊人數名身中矛傷陣

亡又健銳營委前鋒參領烏勒興阿西安防禦

噶勒炳阿俱受重傷身故頭等待衛丑保頭帶

三

三

石傷一處西安驍騎校祿成右脅中矛傷一處

俱不甚重其餘傷亡弁兵俟查明另行咨部至

此次官兵剿賊俱屬奮勉除健銳營翼長七十

五頭等待衛丑保均係三品已蒙

賞給巴圖魯各號其餘各營官兵擇其尤為奮勇者

開單呈

覽可否量予鼓勵出自

天恩

同日興肇奏言臣于初十日馳抵滂峪口詳察

形勢扼要擊卡防堵次早復於十里內外察看

路徑距滂峪口迤西十餘里有塔寺溝一道亦

係通衢臣亦抽兵往防十二日接據秦承恩札

稱滂峪口之東干河溝地方現已派撥鄉勇嚴

防須當就近留意臣即抽兵暫赴該處協同把

四

四

守臣不時往來嚴查十五日酉刻據偵探賊蹤

兵丁稟報適在山巔瞭望西面山外見有賊數

百人向北而來臣即帶領協領富魁等率兵繞

過繡花嶺抄截派令健銳營翼長富廉前鋒步

伊長阿率領馬步兵丁前會駐劄塔寺溝之協

領喜卜產合兵迎擊臣及富廉尚未到牛圈溝

隔嶺聞有鎗礮之聲知係喜卜產在彼迎擊臣

同富廉卽先帶兵馳騁前往正值賊匪抵禦我兵先用鎗礮轟擊數人賊復舍命撻鋒前來富廉卽率馬兵一齊拍馬衝入賊隊首先殺賊二名指揮兵丁鎗刺刀砍立斃賊十數名步兵繼又趕至刀矛並舉復殺賊十餘名賊後隊已經驚走適那全所帶之兵亦已趕到臣卽督同率領追殺十有餘里賊匪或爬越山嶺或旁奔深溝向南逃竄維時天色已晚深山密箐不辨路徑暫令紮營再行追剿此次共殺賊一百餘名生擒賊匪男婦四十七名口十六日黎明復鼓勵將士向南追迺左右窮搜又殺賊八十餘名復於山林內搜獲牛驢刀矛等件拏獲賊匪七十餘名口並一一研訊據係必寬供稱係襄陽人在姚之富股內昨日要往山陽聞有官兵未

聖朝聖德編卷五

五

敢前去今要北出商州大路繞歸前夥我們在前行走不料就遇官兵被捉不知姚之富現往何處等語餘供相同卽行正法其婦女幼孩解送商州交秦承恩分別辦理臣查姚之富等非常狡詐已就近知會恒瑞秦承恩躡探兜擒臣仍一面於附近山內搜捕加意嚴防所有打仗出力人員開單呈覽均奏入

上命軍機大臣傳諭惠齡恒瑞與肇慶成日恒瑞與肇同日奏到剿賊情形恒瑞所剿山陽之賊斃斃一千餘名差強人意但訊據獲犯供稱姚之富本欲向鎮安一路奔竄被官兵截殺又往東去等語東去係何地方摺內未據聲明而賊首仍未就獲不足爲功現在姚之富及王李二姓全在山陽一

聖朝聖德編卷五

六

路恒瑞惟當倍加奮勉設法兜擒若能生擒首逆是卽恒瑞之功與肇現在滂峪口相距不遠亦當會合截拿其打仗出力之侍衛克色保前鋒校伊長阿已另旨加恩外翼長富廉七十五侍衛丑保如果始終奮勉著咨部議敘防禦扎勒杭阿打仗陣亡實爲可惜著咨部加等優卹前鋒參領烏勒與阿防禦噶勒炳阿因傷身故亦屬可惜並著照陣亡例議卹丑保祿成受傷尙輕目下醫治曾否平復至恒瑞與肇所剿均係第三股之賊其頭二兩股之賊昨據慶成等奏經官兵剿殺後敗逃西竄究竟竄往何處慶成等如何乘勝追剿而惠齡于荆紫關取道徑赴鄖西早當與慶成會合何以未見奏報豈惠齡慶成所帶官兵較多轉不能如恒瑞等之設法兜截著傳旨申飭卽速行迴奏

欽定剿平三省邪匪方略

正編卷三六

欽定剿平三省邪匪方略 正編卷三六

上諭內閣曰據恒瑞奏軍營奮勇各將弁三侍衛克色保著陞爲二等侍衛前鋒校五達色著陞爲額外委前鋒參領藍翎驍騎校祿成著賞給伊清阿巴圖魯名號藍翎武舉馬昌傑著賞給勁勇巴圖魯名號前鋒文泰朱爾杭阿驍騎校官保前鋒英林武舉許揆中馬兵徐右山均著賞戴藍翎又據興肇奏軍營打仗出力人員前鋒校伊長阿著授爲額外委前鋒參領協領喜卜產著賞戴花翎前鋒克濟納著賞戴藍翎以示鼓勵

欽定剿平三省邪匪方略

正編卷三六

二十四日甲午陸有仁奏言臣於前月下旬連接

商州各屬稟報知賊匪分竄商雒並接秦承恩咨卽調甘省兵二千名兼程前來臣因事在緊急且不知恒瑞與肇等將入陝境當查甘省各營官兵尙可抽調是以飛飭總兵富爾賽帶領

一四九

西寧等營兵丁星飛馳赴商州復思商維一帶
道路分歧恐秦承恩難以兼顧是以臣復自行

前往并續調甘涼寧夏等營官兵飛赴商州會

剿茲於途中接准宜綿來咨派調肅州鎮標兵

一千名寧夏西寧二鎮兵一千名前往陝維

一帶聽候臣因現調甘涼等處兵丁適符宜綿

所謂之數宜綿馳回陝境即可將此項官兵調

聖者重疊編卷六 九

遣應用毋庸另行派撥當即備文移覆一面飭

令該官兵等馳赴商維交秦承恩等調用臣即

遵

旨馳回蘭州駐劄以重地方奏入

上命軍機大臣傳諭惠齡恒瑞興肇慶成秦承恩曰

前據宜綿等奏請調派寧夏西寧等處官兵二千

名前赴商鄖一帶協剿與本日陸有仁所奏相同

秦承恩現在西牛搗剿賊自己趕賊匪初起之際

即時撲滅何以至今尚未奏到該處一經竣事秦

承恩自應在興安商維一帶彈壓防守不必遠赴

鄖西而續調寧夏西寧之兵自當即赴鄖西幫同

堵剿

同日畢沅奏言據鄖陽府縣稟報豫境潰匪竄

入伏牛山擾至陝西商南一帶直逼鄖境現集

聖者重疊編卷六 十

鄉勇堵剿惟兵力單薄急望援應等情臣查大

兵俱在豫境分投搜捕此時賊匪折向鄖陽自

必跟蹤追剿但鄖陽一帶必須兵力堵截庶期

兩面夾攻現在武漢一帶賊已去遠自應權宜

緩急約計劃君輔已將抵漢口臣現即飛行咨

會速將所帶官兵俱改由襄鄖察探情形何處

緊要即由何處前進如賊已竄至鄖境漢口一

水可通行程迅速自可剋期趕至協力堵剿奏
入報

聞

二十五日乙未慶成巴克坦布訥音奏言臣等收

復郎西縣治後分派將弁帶兵搜擊藏匿餘

賊於深谷密箐中搜獲一百四十五名臣等逐

一訊問僉供逆賊仍分股逃竄東南一股竄往

聖朝聖編卷六

十一

郎西縣之夾河關西南一股竄向陝楚交界之

岔口賊數較多等語臣等正擬分兵追剿接據

郎陽府知府王正常稟報署郎西縣知縣秦錫

疇自長岡嶺督率兵勇與賊打仗衆寡不敵署

千總王棟左膀受矛傷兵勇被賊衝散當卽帶

印與典史李殿英查點兵勇人役前往赴府要

路東西豐山口堵禦初八九等日賊匪攻撲數

次該處山勢陡險該縣等督令兵勇截回今賊

夥南竄該縣東南冷水河一帶距漢江不遠恐

賊匪竄往搶掠該縣所帶兵勇力單聞官兵收

復郎西懇請截剿等情臣等當卽率領馬步兵

向東一路繞截十二日至冷水河地方探聞賊

匪在西山溝相離僅十餘里臣巴克坦布德光

帶領步隊臣慶成訥音德齡帶領巴圖魯侍衛

聖朝聖編卷六

十二

馬兵馳往賊匪瞥見官兵並不拒敵向西奔逃

臣等察看賊數無多恐係詭計誘我卽令步隊

扎住山梁臣慶成等先帶馬兵分兩路前往抄

截鎗打箭射生擒張齊李德等一百八十三名

訊據供稱係由豫陝一路入夥皆素習邪教之

人此股賊頭李全欲潛往江邊搶船過渡到此

忽聞官兵前來先已帶領乘騎騾馬大駭賊衆

連夜竄往陝西我們因無牲口照料自己家眷
不料被官兵捉獲等語訊無要供當凌遲梟示

臣

等帶兵查探賊蹤適有豫楚接濟軍火口糧

趕到令弁兵隨身裹帶兼程前進惟陝楚一帶

大山處處皆有習教之人愚民無知被奸匪勾

引執迷不悟此番各股賊匪竄走鄖西南商

州一帶隨入逆夥者不下數千甚至攜帶刀矛

聖朝聖編卷六

七

誤到官兵營盤尙稱尋覓某師傅見人則口念

咒語合掌叩頭山陽縣屬山僻村莊邪教尤多

竟有自焚其屋隨去者邪教煽惑至于此極現

聞恒瑞等帶兵已由商州一路截剿而來臣等

卽將追剿竄匪情形差弁前往詳晰告知并約

會兩面併力夾擊以期速擒首逆殲滅妖氛

同日秦承恩奏言臣於十四日行抵西牛槽先

道幹弁竄探路徑該處兩面皆山中有深溝一

道長十餘里山勢曲折岐路甚多賊於溝內屯

聚正在相機剿辦據鄉民王廷柱等報稱西牛

槽迤北三條溝地方有教匪多人聚眾不法查

三條溝係商州北界緊接藍田一出溝口卽係

赴省大路爲糧運文報經由之地距省二百餘

里必須先爲剪除當卽將所帶兵勇交叅將鍾

聖朝聖編卷六

八

岳在西牛槽督率防堵一面將調赴商州之固

原兵三百名及大商原守卡鄉勇就近飛檄飭

調刻期到齊一面帶同遊擊張彪知州周光裕

馳往三條溝途次據義首生員李培新管蛟王

景運李飛鵬王殿臣等團聚保護村莊鄉勇八

百名情願隨同剿賊意甚誠懇臣當卽令西安

府知府吳沂抽帶鄉勇六百名抄赴三條溝後

路限十七日辰刻趕到論以一聞鎗聲卽由後路進擊臣布置齊備卽於十七日早督同張彪周光裕帶領兵勇乘賊不防一擁而入賊匪各執烏鎗刀矛直前抗拒我兵鎗箭齊發賊衆漸形慌亂時吳沂帶領鄉勇由後路撲進兩面夾擊賊匪首尾不能相顧遂俱潰散當被剿殺五百餘人生擒一百七人其有逃匿餘匪俱經搜戮淨盡兵勇間有傷亡擒獲各犯訊明俱係上年已正法陳言仕之徒因湖北逆首姚之富密遣袁紹連勾結起事別無緊要口供卽於該處正法旋據叅將鍾岳自西牛槽稟報十六日寅刻賊匪帶領多人直撲營盤該叅將會同蒲州營都司種英傑率領兵勇奮擊施放鎗礮殺賊三百餘人餘匪奔潰我兵直前追捕匪徒越山

聖朝聖德編卷五

五

逃竄有投効從九品張英上前撲擊騎馬賊口致中矛傷陣亡兵勇亦間有傷亡現在追至小河口等情查小河口一帶路通山陽桐峪探聞桐峪黑山等處有竄出楚匪屯聚滋擾必須厚集兵力痛加截剿適西寧鎮總兵富爾賽聞信趕至三條溝其所帶西寧兵三百名卽可到齊臣當卽商同合兵一處順道將小河口竄匪先行搜洗卽馳赴桐峪迎頭截殺至湖北頭二兩股賊匪由商南縣屬之趙家沖併成一股竄至鄖西復由鄖西折回山陽縣屬之十里舖適恒瑞帶兵趕至截殺三百餘人餘匪逃竄山陽縣屬之薛家溝屯聚該處距鎮安甚近臣前因鎮安南達與安北通省會預調延緩兵一千名前赴防堵計日內當抵孝義川現已飛札署總兵

聖朝聖德編卷五

六

田有成速赴薛家溝一路迎剿並探聞慶成等已帶兵追至山陽自可兩面兜捕其三股賊匪經恒瑞與肇兩路堵剿共殺斃八百餘人餘匪翻山逃竄恒瑞等現在帶兵追剿臣復飛催山西官兵前來接應再查商州暨所屬之商南雒南山陽三縣因楚匪竄擾居民多被焚掠臣已飭令藩司倭什布委員分途查看妥為撫卹被焚房屋照依災賑之例給與修費至雒南地方現經貢生師承祖捐米一千六百石職員吳翼先捐米八百石在縣屬之樂莊八全一帶按戶散給口糧俱係該職員等隨同地方官親身經理甚為周妥其有不能遍及之處仍應官為撫卹務俾災黎均各得所

上命軍機大臣傳諭惠齡恒瑞與肇慶成秦承恩曰

慶成等探知賊匪在西山溝地方竄聚分道抄截殲斃多名訊據獲犯供稱賊首李全欲偷渡漢江忽聞官兵前來賊眾連夜西竄等語前據恒瑞奏在山陽周家河將賊匪痛加剿戮已往東竄又與擊于澇峪口截剿北竄之賊紛紛奔逃是本日慶成所奏西竄之賊即係恒瑞與肇所剿之賊計山陽東南必係鄖西一帶恒瑞與肇由西北追剿慶成等由東南迎剿正可兩面夾擊而惠齡前奏於十三日由荆紫關取道徑赴鄖西何以尚未與慶成等會合殊屬遲緩著再傳諭申飭此等邪匪據慶成奏稱竟有攜帶刀矛誤到官兵營盤尙稱尋覓師傳口念咒語可見奸民執迷不悟愚惡已極必當大加懲創以淨根株但恐人數眾多其中亦有始被煽誘而尙知畏法不敢從賊或實被裹脅處

聖朝聖鑒編纂

七

聖朝聖鑒編纂

六

卽逃回者亦可量加安撫爲解散黨與之計惟在
惠齡斟酌辦理固不可稍有寬縱亦不可輾轉株
連致堅愚民從賊之心又據秦承恩奏剿淨三條
溝賊匪所辦尙好惟所稱恒瑞等剿敗賊匪逃竄
山陽縣屬之薛家溝屯聚該處與鎮安甚近等語
檢閱圖內鎮安係在山陽之西何以恒瑞昨奏在
山陽剿賊摺內轉稱賊往東竄方向不符又桐峪
黑山小河口三條溝地名前次秦承恩所進圖內
俱未繪出著將原圖發交閱看係在何方一併粘
簽貼說呈繳以便披閱出力之義民首生員李培
新等如果始終奮勉著秦承恩量其才具酌加錄
用陣亡投効之從九品張瑛著咨部加等議卹傷
亡兵勇亦著咨部從優賞卹又捐米較多之貢生
師承祖著賞給七品頂戴職員吳翼先並著秦承

聖祖聖訓編卷五

九

恩查明係何職銜酌賞加級頂戴以示獎勵

二十七日丁酉柯藩奏言臣隨同宜綿等攻克金

峽寺賊匪後節據陝省文武員弁飛稟楚省賊

匪竄入商雒一帶交界處所滋擾焚掠當經宜

綿抽撥兵一千五百名交臣並鎮臣艾如文帶

領於四月初十日自川省軍營起程馳赴商南

一帶堵剿臣途次接白河洵陽兩縣文武員弁

稟報楚省賊匪已竄至鄖西滋擾臣兩縣交界

三

處所甚近稟請撥兵把守等情臣連夜橫行十

七日已抵興安查商南一帶賊匪現經慶成等

帶領官兵追殺而洵陽白河等縣情形較爲急

切臣自應先往該處剿除但聞賊匪詭計多端

分爲數股或扮官兵救援或稱官兵堵截以致

各鄉勇多受愚弄臣現帶之兵僅止千名勢難

分撥宜綿所調甘省之兵並撤拉爾回兵到來
尙需時日緩不濟急查有秦承恩派委興安彈
壓之延榆綏道溫承惠僱覓鄉勇一千名均係
昨歲冬間派往各處堵禦之人臣刻卽協同溫
承惠帶領馳赴洵陽白河相度賊匪情形何處
喫緊卽先往何處截殺奏入

上命軍機大臣傳諭惠齡恒瑞慶成秦承恩柯藩曰

聖鑒事

主

柯藩帶兵行抵興安因白河洵陽距卽西較近卽
赴該處防堵所慮亦合機宜現在由卽西竄往山
陽之賊有慶成恒瑞兩面夾擊東面有惠齡迎截
而來東南有劉君輔馬瑀先後到彼西面有秦承
恩帶兵在小河口一帶北面有興肇帶兵堵截卽
西賊匪未必敢竄往洵陽等處卽或翻山竄往諒
柯藩艾如文此時自已早到該處正可迎頭截殺

若柯藩艾如文能將首逆擒獲卽係二人之功不
可不倍加奮勉也

二十八日戊戌惠齡舒亮奏言臣惠齡遂次探得

卽西縣治於阿爾薩郎未到之前先已失守適
接慶成知會該提督於四月初八日馳至卽西

當將盤踞在縣之賊盡行殺退收復縣治隨卽

帶兵追往囑臣分兵前往會剿臣委員賈令飛

聖鑒事

主

催阿爾薩朗速卽趕赴慶成軍營以資協剿十
七日至卽陽府臣舒亮亦已趕到適據竹山
縣稟報現有匪徒在板橋河天河口一帶滋擾
臣等當卽分路一由天河口一由板橋河行走
及至該處搜捕並無匪黨傳問土人據稱數日
前均已竄歸大駁由漫川關向北逃遁等語臣
等各帶官兵於十九日馳抵卽西縣查得該縣

原無城垣四隅民房間有土牆駐有防汛千總一員兵二十餘名因賊匪先由鄖縣界牌垭入道河等處竄入縣屬之龍王廟地方經該署縣秦錫疇糾集鄉勇前往擊退詎該縣屬紅廟地方又有賊匪一股竄入歸併分爲數股於初五六等日在老虎坡五里坪墨虎廟石板河等處肆行滋擾各處雖有鄉勇不能抵禦該縣一面差人赴府求援並因老虎坡五里坪爲入縣大路尤關緊要當令千總王得勝典史李殿英迎往五里坪截擊自帶鄉勇馳赴老虎坡堵截賊匪分股前來將鄉勇衝散王得勝左膀受有矛傷李殿英落馬跌傷右腿該縣秦錫疇望見縣治東關火起知賊人業經闖入隨與千總典史等齊集兵勇趕回救護見賊匪甚衆鄉勇潰散

《聖朝聖編卷六

三

勢難收復因東西豐口一帶爲漢江要岸恐賊人奪船搶渡擾及下游當卽帶兵收集鄉勇馳往該處防堵初八九等日賊匪分遣夥黨前往搶渡適該府王正常同都司郭廷樞帶兵趕至合力剿殺賊始退回慶成等已將縣治收復該府卽稟請慶成等帶兵前來兩路夾擊殺賊無數餘賊均向北竄由上津堡遁出漫川關直奔山陽一帶現在慶成等已經追往臣等親往察看縣署監庫均已燒燬倉廩未焚各官印信均係隨帶並無失落惟監犯二十餘名皆被裹去此外民間瓦草房屋被焚十之八九現在被難民人因聞官兵收復均已陸續歸來而家室蕩然情殊可憫臣已飭令該府縣先行酌給口糧一面咨明汪新委員速來照例撫卹並將投

《聖朝聖編卷六

四

回拏獲監犯一併咨交該撫查辦惟查探賊蹤已竄入陝西山陽縣境雖有慶成等帶兵追捕而恒瑞與肇等聞在商州山陽交界兜剿姚之富一股未能分兵前來並接秦承恩來信該撫因商州所屬之西牛槽地方亦有匪徒蠢動現在帶兵往捕且王廷詔李全等既已合夥復有尚南新附之賊為數較多臣與慶成等所帶官兵合之不過五六千名不能分撥防堵是以飛咨秦承恩速於緊要隘口分安兵勇挖斷去路不使賊匪竄越並恐賊匪因不能前遁或仍折回豫楚交界之浙川等處亦咨明景安汪新一體嚴加堵截現又探得賊匪王廷詔等復向西南奔竄臣等倍道星馳趕赴慶成等合兵一處確加商酌相機兜剿

同日恒瑞與肇秦承恩奏言臣恒瑞於十六日在山陽縣十里舖剿敗南來之賊復向西南奔竄此股即係王廷詔李全等賊夥慶成等嗣亦趕至山陽高壩店已由彼處帶兵追往其十五日臣恒瑞在周家河所剿之賊復經臣與肇在潞峪截殺賊匪旋即爬越大山向西而逸臣恒瑞若僅帶兵尾追賊人勢必向藍田一路奔逃是以即由商州一帶抄截二十一日行抵小河口適臣秦承恩與總兵富爾賽追剿西牛槽未盡餘匪折向東竄臣恒瑞迎頭截住互相知會一面分派官兵在各要隘嚴堵將賊匪逼入深溝臣等督率官兵由兩溝口同時並進賊人無路可逃捨命衝撲我兵兩面夾擊賊首尾不能相顧立斃六百餘名生擒賊目韓有成並夥匪

聖朝聖德編卷六

五

聖朝聖德編卷六

五

八十五人訊明俱係西牛槽一帶居住民人素習邪教今被楚匪勾結起事欲往前合夥不料盡被官兵剿擒餘無要供均卽正法所有西牛槽竄匪已全數殲除淨盡臣興肇因賊匪西竄距潞峪已遠亦卽趕至與臣恒瑞秦承恩會晤公同商酌查秦嶺口係藍田商州鎮安交界之處北通省城甚關緊要臣興肇帶兵馳赴該處擇險防堵以杜賊匪北竄之路其潞峪地方臣秦承恩另派兵勇前往防守再項據雒南縣稟報該縣石板溝地方亦有楚匪勾結本處教匪起事臣秦承恩同富爾賽帶領官兵馳往剿捕至姚之富一股賊匪因官兵在北面兜截復向南奔逸想係欲與王廷詔李全等賊夥歸併一處臣恒瑞同碩雲保富成仍帶原領之兵覓路

欽定剿平三省邪匪方略

正編卷三六

前進上緊剿辦均奏入

上命軍機大臣傳諭惠齡恒瑞與肇慶成秦承恩曰前因惠齡行走遲緩降旨屢催連日盼望奏報乃本日遞到之摺祇係行抵鄖西查明縣治情形皆係空言十餘日前舊事大屬非是前此賊匪在鄖西滋擾旋即逃竄四月初七八日之事彼時係慶成到後亦不過搜捕零星餘匪不得謂之收復縣治何況惠齡到彼已隔十餘日之久並未趕上賊匪何得復將收復縣治情形鋪敘閱之徒亂人意且賊匪早經竄至山陽商州一帶而惠齡尙慮其折回豫楚知會景安汪新派兵防堵調度茫然惠齡初到襄陽尙覺差強人意及見賊匪東奔西竄竟漫無佈置行走遲延不但總落賊匪之後抑且又落別路帶兵大臣之後惠齡身爲總統一切機

欽定剿平三省邪匪方略

正編卷三六

宜皆資籌運朕方以剿捕事竣不拘何路帶兵大員拏獲賊首其首功總當歸之惠齡乃如此遷延遲誤於事後拾人唾餘以一奏塞責是惠齡不但爲永保之續竟永保之不若看來難望振作非特不能立功並有應得之罪著先傳旨嚴行申飭至前據慶成等奏賊首李全等在郿西欲偷渡漢江經慶成等分路抄截賊衆連夜往西北逃竄慶成等卽帶兵跟蹤追剿而恒瑞於山陽縣東十里舖地方見有賊匪一股自南而來直撲山陽據稱此股賊目係王李二姓自卽係慶成等所追之賊當經恒瑞等剿退恒瑞亦應跟蹤追剿且慶成奏稱已差弁知會恒瑞等帶兵夾擊正可會合攻剿何以慶成並未趕上此股賊匪尙須踴探賊蹤是慶成等亦落賊匪之後沿途有何逗留之處而恒瑞於

聖祖實錄卷六

三

山陽十里舖剿退賊匪之後豈未得慶成差弁約會信息何以不直前跟追乃轉至小河口幫同秦承恩截剿西牛槽餘匪安有捨賊不追而轉幫助他人之理看來恒瑞慶成追殺賊匪情形及差弁知會之處俱有不實著各行據實明白回奏至阿爾薩朗經惠齡派赴三尖山防守後因賊匪擾至郿西復檄催趕赴慶成處協剿三尖山距郿西不遠何以阿爾薩朗總未趕到與慶成等會合是其延緩之咎已無可辭此次派往帶領健銳火器二營官兵大員四人內巴克坦布碩雲保訥音尙各奮勉殺賊惟阿爾薩朗並無出力之處是其遲懦無能已可概見亦著明白回奏若再不知愧奮恐不能當此重咎也雖南石板溝地方又有匪徒滋事秦承恩已同富爾賽帶兵前往剿捕諒不難卽

聖祖實錄卷六

三

時撲滅者秦承恩於剿竣後酌量情形若賊匪尚在陝西邊界一帶竄聚秦承恩自應帶兵幫同恒瑞慶成等合力兜擊如賊匪已出陝境軍營帶兵之員甚多商維興安一帶地方亦關緊要秦承恩即當在陝省邊界駐劄防堵不必再向前追以致不能兼顧也

二十九日已亥宜綿明亮德楞泰等奏言伏查賊

《聖朝實錄卷三十一》

三

匪分屯重石子香爐坪互相首尾其東茨菇梁其西富成寨兩處據險設卡以為障蔽臣等細加籌酌若賊匪復與王家寨方山坪之賊勾結勢更鴟張必須嚴密防範分投撲奪庶不致曠日持久遂派參將增順等帶領兵勇駐劄大羅坪參將雷仁等帶領兵勇駐劄古隘口都司三格等分帶兵勇駐劄瓦窑壩雙河場等處防其

竄入王家寨提臣穆克登阿副都統戰衝西津泰駐劄羅江口防其窺伺達州副將達桑阿等駐劄羊烈子副將王承勳等駐劄江口梁參將瑪靈阿駐劄金峩寺防其南入新寧東回故巢臣明亮率索費英阿侍衛巴圖魯等連攻富成

寨賊卡穆克登阿西津泰由羅江口抽撤兵勇前往協剿臣德楞泰率達音泰朱射斗巴圖魯

《聖朝實錄卷三十一》

三

侍衛等進攻茨菇梁賊卡觀成奎舒明興率遊擊李逢春等由鐵丁埡帶領兵勇前往協剿並飭鎮臣百祥等速行相機攻取王家寨十二日方山坪賊匪四五千人欲赴重石子合夥直撲大羅坪經增順及遊擊圖興阿典史余永寧等竭力擊退其同時往劫古隘口營盤之賊經雷仁及都司李迦等督率兵勇奮勇剿殺相持一

晝夜賊匪始行敗退其厓窟壩雙河場二處賊匪亦分隊衝突經都司三格等截殺而退十三日方山坪賊匪來撲王家寨之鷹背嘴頭卡遊擊謝開先率鄉勇堵禦而王家寨之賊二千餘人下山從後湧至義首武舉邢彪監生王選力戰陣亡勢甚危急百祥及知府李杭等密計王家寨賊率眾下山其巢必虛常派遊擊哈三泰等帶領兵勇由東水卡潛進遊擊王相龍等帶領兵勇暗取板橋子要卡守備李廷臣等帶領鄉勇由白罐子進攻百祥李杭率都司蘇維龍等帶兵急援鷹背嘴賊匪分投抗拒正在酣戰之際千總拜登熬把總陳子現外委楊必著撲上水卡拜登熬陳子現皆受傷陣亡楊必著拋擲火彈將草房燃著哈三泰等併力奪卡守

寨之賊尚有千餘人急往救援王相龍及守備李廷臣知縣王駿猷席世綱兩路俱至遂入賊巢放火烧寨賊眾在鷹背嘴望見火光知巢穴有失無心戀戰趕回搶救百祥等乘勢追殺哈三泰王相龍等亦自上壓下兩面夾攻賊眾大潰殺死賊匪五百餘名生擒陳有才等二十一名落巖跌死者無算餘匪俱逃回方山坪奪獲大礮過山鳥鳥鎗刀矛共三百餘件留貯備用糧食牛馬除分賞出力兵勇外尚餘穀一千二百石撥交糧台碾米備用其日重石子香爐坪之賊亦分路來撲我兵營卡欲為王家寨方山坪應援俱經臣等督率兵弁施放鎗礮擊敗而去十四日霧雨交作臣等議計茨菇梁富成寨兩處賊人正在設卡天雨必不准備我兵掩至

可望得手遂派副將德寧等帶領官兵分路前進已午間兩勢更大我兵皆在泥水中攀援而上賊人始猶滾木擲石捨死抗拒千總馬彪秦廷玉受傷殞命賊人究因寨柵初立尙未完固且我兵奮勇異常賊人力不能支棄卡而逃互相踐踏殺斃及墮崖者不計其數生擒一百一十三名同王家寨解到之陳有才等二十一名

○製看龍鳳圖卷美 三

訊無要供立予誅臣 明亮等進據富成寨臣 德楞泰進據茨菇梁匪賊巢甚近並據百祥報稱移駐大羅坪爲進攻方山坪之計其路通巴州之江口臣 等另派守備張東林協同巡檢余廷勳帶領兵勇在對河嚴密防守一俟天氣晴明臣 等卽親率將弁兵勇分投攻擊務期一鼓蕩平肅清川境此次出力文武員弁俟查明同

前奪獲賊卡攻破賊寨連次出力員弁統行開單請旨加恩並陣亡兵勇造冊咨部賞恤

同日慶成巴克坦布訥音奏言賊匪自經剿散分三股逃竄頭起賊目王廷詔等一股首先竄入豫省經臣 景安督兵進剿二起賊目李全等一股係臣 慶成等於光山截回亦竄入豫省至臣 旄密溝地方兩起逆賊合夥在山嶺間晝夜狂奔臣 等督兵兼程抄截所過深山僻徑不但糧運難通與惠齡恒瑞等亦相隔寫遠音信藉避至商南縣屬之趙家沖在該縣迤西二百餘里亦係山僻小路距秦承恩駐劄之處尙有三四百里均未得有確信是以臣 等前奏不能一一聲敘其第三起賊目姚之富等一股逃往商州地

方^臣等探聞恒瑞等督兵進剿又有肇興及添

調之兵均已前往該處且頭二兩起賊匪先後

俱已奔回楚境擾及鄖陽^臣等連夜督兵前往

截剿未能前赴恒瑞秦承恩一路會合至各起

賊目名姓及奔竄方向^臣等屢次詢問拏獲之

賊衆供如一與惠齡前奏情形亦屬符合謹於

原圖內更正粘簽另繪賊匪奔竄方向及官兵

《聖祖實錄卷三》

三

截剿道路圖說恭呈

御覽現在^臣等選帶弁兵均屬精壯仍卽兼程進攻

并與恒瑞差弁往來確商恒瑞等由西北面截

剿又有興肇秦承恩在彼堵截^臣慶成等卽由

東南一帶抄截^臣巴克坦布訥音阿爾薩朗帶

健銳火器兩營官兵緊追惠齡已自鄖陽帶兵

不日可到務使二股逆匪俱歸一處各路官兵

得以併力剿洗設法早擒首逆均奏入

上命軍機大臣傳諭宜綿明亮德楞額奏曰宜綿等奏

督率官兵攻克王家寨賊巢並茨菇梁富成寨兩

處賊卡乘天雨無備之時分投奪獲所辦可嘉宜

綿明亮德楞額著各賞金盒大小荷包觀成穆克

登阿著各賞銀玲瓏盒大小荷包奎舒百祥索費

英阿達音泰朱射斗西津泰明興著各賞青玉搬

《聖祖實錄卷三》

三

指大小荷包百祥乘機攻取王家寨賊巢尤爲出

力該鎮前在孝感帶兵打仗業經賞戴花翎著加

恩賞提督銜其出力文武員弁俱著咨部議敘此

次官兵能冒雨進攻均屬奮勉著查明加恩各賞

給一月錢糧以示鼓勵其陣亡之千總拜登熬馬

彪秦廷玉把總陳子現武舉邢彪監生王選俱著

咨部加等優恤此時賊匪屯聚祇有重石子香燭

坪方山坪三處何以尚有二萬餘人之多此次雖已攻克王家寨等處殲戮擒擊之賊僅祇六百三十餘人為數無多宜綿等務須趁官兵勝勢奮勇進攻現在山陽迤西一帶竄匪尙未剿竣首逆均未就擒該處帶兵各員一籌莫展措置乖方看來不足倚恃且恐西南一帶空虛或乘間竄入興安則達州賊匪豈不又添黨與著傳諭宜綿等速將

重石子等二處賊巢殲洗淨盡卽帶領得勝官兵馳赴鎮安山陽一帶會合截剿若宜綿等一時不克分身或於鎮將中擇其妥幹者酌派一二人帶兵數千迅速馳赴鎮安興安一帶探聽賊蹤迎頭截剿方可絕賊匪西竄之路想宜綿等距彼處較近此時或已預籌及此更為妥善

上又命軍機大臣傳諭惠齡恒瑞與肇慶成泰承恩

柯藩曰昨日慶成等因剿捕賊匪並不直前跟追總落賊後業經諭令明白回奏今據慶成等覆奏追剿情形甚不明晰且至今數日仍未打仗殺賊伊等所司何事而奏到之摺及所進圖說詳加覈對其中舛錯之處甚多如頭二股賊匪前據奏稱均係慶成帶兵追剿其第三股賊匪係恒瑞與肇景安帶兵追剿本日摺內則稱頭起賊目王廷詔等首先竄入豫境經景安督兵追剿二起賊目李全一股經慶成等於光山截回卽行兼程抄截又似頭股賊匪並非慶成追剿情節已前後不符又前據慶成等奏賊首李全等在鄖西欲偷渡漢江經慶成等帶兵截殺仍向西北逃竄復經恒瑞於山陽縣之十里舖擊退東竄是賊匪自必仍竄回鄖西一帶乃閱圖內所繪賊匪屯聚處所又俱在

山陽迤西地方且賊匪既向山陽迤西奔竄附近
 鎮安地方豈不正遇恒瑞而慶成等亦應在西南
 邀截何以摺內又稱現由東南抄截况賊勢現距
 鎮安不遠而恒瑞轉在東北慶成轉在南面追剿
 其西南鎮安及石泉漢陰一帶地方空濶並無官
 兵堵截不但恒瑞慶成等均落賊後而惠齡前赴
 山陽劉君輔馬瑀先後馳赴鄂西亦俱離賊甚遠

聖旨 聖 製 著 鄂 督 奏 案 天

又前據恒瑞奏在山陽縣東十里舖遇賊打仗賊
 匪敗往東竄而今日慶成所進圖內似恒瑞在山
 陽之西北與肇泰承恩又在恒瑞之北三股賊匪
 皆在山陽之西而慶成轉在山陽之西南若果如
 慶成所言是恒瑞前奏山陽東竄之賊又復折而向
 西恒瑞並未跟蹤追剿轉於西北無賊處所開住
 而慶成前奏賊匪由鄂西北竄山陽伊即尾追前

來差弁與恒瑞會合兩面夾擊之語竟屬紙上空
 談再柯藩前奏伊由興安前赴洵陽堵截賊匪今
 閱圖內洵陽在山陽之正南鎮安在山陽之正西
 賊匪既近鎮安一帶屯聚而柯藩若抵洵陽又是
 無賊處所該員係本省提督豈無營汛稟報安有
 不尋覓賊蹤轉向無賊之處行走且閱圖內賊匪
 既近鎮安一帶屯聚自思竄赴興漢興安是柯藩
 來路自應與賊相遇豈有不於中途攔截轉由他
 途避赴洵陽之理若非慶成等所奏不實即所繪
 之圖方向錯誤現用硃筆標識著將原圖發交惠
 齡恒瑞泰承恩閱看將指出情節另行詳晰繪圖
 貼說迅速呈覽此時柯藩若於途次探聽賊蹤趕
 往剿殺固屬甚善倘已行抵洵陽即著該提督同
 艾如文迅速迎赴鎮安一帶會同圍剿並令劉君

聖旨 聖 製 著 鄂 督 奏 案 天

續修四庫全書 史部 紀事本末類 2

輔馬瑀亦探聽賊匪屯聚處所迅往協擊不可因
慶成等措置乖方稍存觀望至慶成年力方壯世
受國恩自當奮勇出力立功自効今種種遲誤遷
延日久此次奏到圖摺前後乖錯毫無寸功足錄
看來竟難倚恃慶成等著傳旨嚴行申飭並各明
白回奏

臣等謹按軍營領兵大員凡於攻擊情形賊
蹤地勢均當確實奏陳方可上備

披覽仰稟

睿謨此次教匪被官兵四路分擊散漫奔竄本無定
向各路帶兵人員從而轉折馳驟朝東暮西
重以山林阻越自不免有顧此失彼及陳奏
未實之處蒙

皇上洞燭幾先而已

諭令繪圖呈進每次奏報到時必一一詳覈今以慶

成等所奏圖摺多有岐異詳細

指出

降旨詢問仰見

心鏡高懸於數千里外情形瞭如指掌豈握鈴運籌
者所能企及哉

欽定剿平三省邪匪方略正編卷三十七 丁巳年

五月初一日 庚子

上命軍機大臣傳諭惠齡恒瑞興肇慶成日頃將恒

瑞等節次奏摺閱看如先稱四月十六日行抵十

里舖有一股賊匪自南而來直奔縣城經恒瑞擊

敗東竄其續奏摺內又稱十六日在十里舖剿辦

南來之賊復向西南奔竄又興肇前奏在潞峪地

聖朝實錄卷三十七

方有賊匪數百人向北而來經官兵追殺賊匪紛

紛南竄而與恒瑞聯銜續奏之摺又稱興肇在潞

峪截殺賊匪旋即爬越大山向西而逸究屬南乎

抑為西乎前後互異徒亂人意即云追剿時有挪

動但州縣地界及東西方向斷不能移易且慶成

等前奏賊匪欲偷渡漢江經慶成等帶兵截殺賊

匪連夜竄赴陝境當經差弁約會恒瑞兩面夾擊

如果所言屬實慶成自東南而西北恒瑞自西北

而東南正可將賊匪兩面會剿何以又任賊匪直

向西竄而昨日慶成摺內何以又並未會合可見

差弁知會夾擊之語竟屬紙上空談恒瑞慶成並

未緊追賊匪此皆係伊等自行陳奏俱有原摺可

據一經查對先後互岐又豈可憑信耶軍營打仗

殺賊全憑伊等奏摺據實聲敘方可逐一指示今

聖朝實錄卷三十七

不但方向前後不符即情節亦支離互異令朕於

數千里外時深懸慮看來恒瑞慶成等俱難倚仗

惠齡此時自己早抵山陽務須加倍愧奮督率官

兵悉心調度察探賊蹤速行繞截將賊首等驅歸

一處以期及早殲擒毋再遲緩至鎮安一帶地面

空虛前雖據秦承恩奏已調延綏兵一千名前赴

該處並令副將田有成在彼防堵但所帶兵力亦

不甚多殊覺屢念著惠齡等卽行速赴鎮安一帶
並令柯藩艾如文等就近馳往會剿劉君輔馬稱
二人行抵鄖西該處若無賊匪亦令探聽有賊緊
要處所速往分堵協擊勿令賊匪攔入興漢或與
達州匪徒勾結爲要

初三日壬寅額勒登保福寧奏言賊匪佔據芭葉

山臣等業於各要路紮營堵截自應卽日分路

《聖清聖朝編卷三十七

三

進剿乃十二至十六等日霧雨不止泥深路滑
咫尺不辨直至十七日晚霧雨稍收十八日開
霽臣等知會期于十九日五鼓發兵併飛傳成
德諸神保關騰慶溥等各於駐營要隘留兵嚴
防仍各分兵相機進擊以牽制賊勢併爲聲援
臣額勒登保帶領綸布春張廷彥阿達揚遇春
汪啟等從枇杷塘山梁進發直趨對面之五尖

嶺賊卡天尙未曉綸布春等帶兵於嶺旁密箐

中抄上突入賊卡殲戮賊衆當將五尖嶺賊人

棲止茅棚盡行燒燬過一小溝卽爲廖家臺上

有房屋賊人鳴鑼聚衆約千餘人蜂擁而來臣

額勒登保令官兵於嶺上連放劈山礮擊斃賊

人無算賊匪怯退我兵卽越溝搶上廖家臺鎗

箭並發死者紛紛餘俱竄入深林放礮抵禦時

《聖清聖朝編卷三十七

四

方已刻適又山霧騰起繼以密雨不便窮追隨

於廖家臺五尖嶺分兵擊卡臣福寧督率副將

張持遊擊靳文銓多福都司孫效前等帶領兵

勇於鄖陽關山下過河由黃家村直搶大荒口

賊卡該處綿長十餘里俱屬偏坡仄徑賊人沿

坡分立木柵攔截官兵進路又樹木叢雜歧路甚

多當將我兵分爲三起接續而進賊匪望見公

然放鎗抵拒木石交下我兵攀援向前擊殺斃
 賊多名將賊人頭卡焚燒又乘勢進攻將二卡
 三卡四卡均縱火燒燬施放連環鳥鎗匪徒死
 傷及燒斃者甚眾我兵鼓勇爭先認真出力斬
 文銓頭帶石傷頗重多福石傷一齒孫效前頭
 受石傷腿帶鎗傷又千總張錦榮奮勇殺賊中
 鎗陣亡維時霧雨交作隨令官兵一面捲撤並
 即就近知會成德等均各收兵臣等此次雖未
 能即行深入而兩路擊殺賊匪合計三四百人
 恐賊人情急乘此霧雨復思他竄遂分飭各卡
 將領加意防禦果於二十日三更後據諸神保
 報稱聞板梁青石巖溝底有人馬之聲自係賊
 匪逃竄已帶兵抄路追截臣額勒登保查青石
 巖以上即為高嶺頭相距二十餘里該處尚有

營卡其高嶺頭以外則近建始之官店口等處
 不可不先行設備當飭總兵張廷彥帶兵馳至
 官店口一路堵剿臣恐諸神保兵力尙單即帶
 同巴圖魯侍衛等策馬馳赴並派令弁兵等隨
 後趕去於將曙時諸神保已將賊匪攔截在高
 嶺頭卡邊打仗臣隨督令官兵等奮力擊殺殲
 賊眾多賊匪紛逃綸布春諸神保汪啟等即帶
 兵追趕正在截殺之際適副將樊雄楚亦從巒
 路口帶兵趕至兩面迎擊賊匪約有二千餘人
 亡命奔逃下溝沿緣仍上芭葉山溝下俱係崖
 壁誠恐賊有埋伏接應不便徑追查三等侍衛
 阿達首先殺賊猝被戕害又副將汪啟右手指
 被鎗傷骨千總王得勝腿受矛傷手帶刀傷生
 擒賊匪余有光等十一名遂加訊問據供林之

製書館編卷十七 五

製書館編卷十七 六

華軍加耀等節被官兵圍剿實在畏懼並恐久住糧食短少先令二千餘人從黃連坡下溝潛走若能衝上高嶺頭脫逃林之華軍加耀卽同衆人攜帶婦女接續竄出不料被官兵圍住等語當俱斬首梟示該匪等逞其狡猾又思乘間潛逃而其窮蹙情形亦可概見臣等一俟天色稍霽卽當督率官兵竭力攻剿設法擒渠

聖旨 著照所請

七

同日秦承恩奏言臣自小河口起程後途次接據署孝義川同知葉文麟稟報四月二十二日有楚匪四五百人竄至廳屬採玉窰經派往堵禦之山西平陽營參將邢承誥率領兵勇奮力迎擊頭帶矛傷因兵少賊多不能抵禦賊匪現已竄入採玉窰滋擾等語查採玉窰向西翻過山梁卽係孝義川進省要路又西北有小路三

條直通藍田湯峪口等處距省各二百餘里關係甚重必須先行截剿臣隨飛調督臣派撥來陝之寧夏涼州並莊浪土司各兵丁星往孝義川湯峪口一帶擇險防堵以杜其北竄省城之路臣與總兵富爾賽帶領官兵探明楚匪現至何處卽馳往迎頭截剿一面知會惠齡慶成等取路追剿兩面夾攻至商州地方臣前赴西牛

聖旨 著照所請

八

槽時業已酌撥弁兵嚴防現在第三股楚匪竄赴桐峪一帶者經恒瑞等帶兵向西截剿去州漸遠亦可無虞折回其雒南縣石板溝賊匪經臣差弁探明爲數無多不難剿辦已派撥弁兵前往會同地方官趁其初起之時上緊撲滅均奏入

上命軍機大臣傳諭額勒登保福寧曰此次額勒登

保福寧分帶將弁官兵不避霧雨由高嶺頭一帶
 進剿連奪賊匪四卡賊人情急圖竄復經額勒登
 保等先行派員前往擇險攔截並親往夾擊斃賊
 多名餘匪仍回芭葉山藏匿殊為出力可嘉著賞
 給額勒登保玉大吉葫蘆牌玉搬指福寧玉帶扣
 玉搬指仍各賞大小荷包成德諸神保關騰慶溥
 張廷彥綸布春著各賞玉搬指大小荷包打仗受
 傷之汪啟新文銓多福孫效前千總王得勝著各
 賞大小荷包此次打仗兵丁並賞一月錢糧侍衛
 阿達千總張錦榮殺賊陣亡著咨部加等優卹現
 在芭葉山賊巢雖尙未攻克但額勒登保等身冒
 霧雨奮力進攻亦不忍加之催促諒天氣開霽自
 必急思進取斷不肯予賊以暇如能迅速竣事福
 寧仍遵前旨回四川本任接辦善後諸事額勒登

聖朝聖德編卷十七

九

保等即帶領勝兵趕惠齡一路協剿
 上又命軍機大臣傳諭宜綿惠齡恒瑞慶成秦承恩
 日秦承恩奏稱採玉窰有楚匪滋擾該處向西翻
 過山梁即係孝義川距省較近急應堵剿但由孝
 義川至藍田中有秦嶺阻隔秦嶺高峻險窄可以
 扼要駐守為一夫當關之勢前據恒瑞等奏秦嶺
 口係藍田商州鎮安交界之處北通省城興肇已
 帶兵馳赴該處擇險防堵而藍田出口之路前經
 秦承恩派令西安府知府吳沂帶領鄉勇六百名
 到彼幫同堵剿是藍田一帶斷不慮賊匪闖入省
 城更可無虞但相距既近亦不可不密為防範花
 尙阿倭什布現駐西安省城伊二人俱曾經戎旅
 尙屬曉事務須留心嚴防仍當不動聲色勿使省
 城附近居民稍有驚疑倘賊匪密令奸細潛至西

聖朝聖德編卷十七

十

安一帶勾結該處偏僻村莊或有向習邪教被其引誘者花尙阿倭什佈當留一人守城一人酌帶滿兵數百名前往查辦如無此等情事總以鎮靜安撫爲是至孝義川一帶既經秦承恩催撥寧夏涼州並莊浪土司各兵星往截剿而前調山西各兵自己早到秦承恩與富爾賽繞赴採玉窰正可迎頭截殺該撫若能生擒首逆卽屬首功設一時未能殲淨亦當扼其竄往西北之路鄖西一帶曾經賊匪搶掠且跬步皆山易於堵截與其使賊竄往西北逼近西安或竄至興漢一帶與達州賊匪相聯無寧兜截逼壓仍令其歸併鄖西免致未經被賊地方復遭蹂躪卽或賊匪仍回商雒藏匿該處亦有險可扼兜捕較易至石板溝之賊雖屬無多秦承恩亦當飭令派出之員早爲撲滅勿使又

聖朝聖訓卷三十七

十一

竄入楚至摺內稱第三股賊匪竄赴桐峪一帶經恒瑞帶兵截剿所有竄入採玉窰者自係頭二股賊匪未據詳細聲敘殊欠明晰前據恒瑞奏在山陽縣十里舖剿賊賊往東竄而本日秦承恩又稱恒瑞帶兵向西截剿前此賊既東竄今又折回向西自必與恒瑞迎遇斷不能越過官兵繞道西竄何以未據恒瑞奏報追剿殊不可解其頭二股之賊本係慶成追剿今竄往採玉窰者又係何項楚匪如卽係頭二股之賊慶成何以未經追剿惠齡此時尙未趕到亦未據有奏報伊二人豈竟在無賊地方先後逗留觀望耶著惠齡慶成明白加緊回奏

聖朝聖訓卷三十七

十一

初四日 癸卯 福寧英善奏言 臣 等督兵會剿所有本省漢土官兵以及陝甘雲南等處兵丁均已

先後到齊糧餉尤關緊要查司庫存銀陸續支
放所存無幾現在各路兵勇應支鹽菜口糧以
及站夫工價撫卹難民並製備軍火軍裝等項
在在需用自應寬為預備仰懇

皇上天恩於鄰省動撥銀二百萬兩分起趨運來川

臣等仍嚴飭總理承辦各員撙節辦理奏入

勅下部 臣速議具奏

聖香齋方書卷三十七 七

初六日 乙戶部奏言查此次川省官兵會剿達

州賊匪請撥軍需銀二百萬兩自應先行預籌

現在四川本省及陝西省本年所徵地丁銀兩

雖未屆奏銷報部以四月例應完半計算川省

可徵存銀三十餘萬兩陝西可徵存銀五十餘

萬兩應請于四川本省撥出銀二十萬兩陝西

省撥解四川銀三十萬兩入於軍需應用其不

敷銀一百五十萬兩應於山西省將本年已徵
地丁銀兩儘數撥解倘或尙有不敷該督撫奏
明再於部庫添補續解奏備奏入得
旨依議速行

初八日 丁惠齡慶成舒亮奏言 臣惠齡等于四

月二十四日馳至寬坪地方適 臣慶成等亦自

蓮花池帶兵趕到當即會同商議查山陽一帶

聖香齋方書卷三十七 十四

跬步皆山均極險峻其花園嶺土地嶺七里峽

大新川小新川殺虎嶺等處尤為陡狹可通洵

陽鎮安平利等縣賊人畏懼官兵馬隊多從陡

仄難行之路翻越分逃而洵陽等縣汛守空虛

並無兵勇攔截若緊逼追剿賊必四散奔逃擾

及他處且不能聚而殲洗莫若先於四路分布

官兵使其無從遠遁一面探明賊蹤漸逼漸緊

並于山口內擇要設伏以便相機截擊隨令巴
克坦布訥音帶兵先往黃龍舖鐵場舖一帶截
其東北竄路阿爾薩朗帶兵前赴表帶舖一帶
截其西北並為鎮安聲援又飭副將多爾濟扎
普帶領兵勇紮營上津堡遏其東竄西南均係
漢江臣惠齡已飛飭該府縣嚴行防堵並將船
隻停泊彼岸不令賊偷渡臣慶成同德光德齡
帶領官兵由新開嶺小新川一帶抄往賊匪
南面臣惠齡帶領員弁由殺虎嶺戴家舖一帶
繞赴賊北臣舒亮同副都統銜六十七由松樹
嶺前進以為各路策應一面分遣員弁探知賊
匪現在米糧川毛坪一帶屯踞此二處均在洵
陽鎮安交界之間地勢陡險臣等互相知會當
于二十七日未刻分路進逼鼓勵兵勇努力爭

聖朝聖德

五

先所過山溪寒寒徑渡懸巖攀附而登行抵賊
屯夜已將半察探賊黨分踞民房相離均不甚
遠正在酣睡之時臣惠齡自北而南慶成等自
南而北一齊殺入先用鳥鎗連環擊打並用火
箭噴筒四面圍燒賊始驚醒中鎗著火冒死狂
奔設伏官兵聞聲齊起刀砍矛戮屍橫遍地並
賊匪自相踐踏及被燒死者共六七百人其餘
賊匪爬山越澗紛紛亂竄臣舒亮等亦帶兵趕
來我兵四圍合攏又殺死五百人滾巖落澗者
不計其數餘匪分竄高山我兵自下仰攻賊匪
推石滾下勢難再上時直昏夜未便冒險窮追
隨將官兵暫行紮生經候補道府恒慶試用知
縣庾泰鈞于山溝樹林內擊獲受傷未死之賊
八十七人內有李三益李旺兒蔣大芳等三人

聖朝聖德

六

尚能言語隨即提訊據供係襄陽人頭目李全
 王廷詔於四月初間會合一處又添新入夥黨
 共一萬餘人新夥賊首聞得名叫秦虎熟習山
 中路徑帶領夥眾到處奔逃商量要從洵陽等
 處偷渡漢江欲往四川達州入夥因見官兵四
 路追來又聞興安一帶亦有官兵把守是以未
 敢前去等語當將各犯悉行梟示計此次殺賊
 實有一千六七百人奪獲馬騾三百餘匹刀械
 八百餘件大小礮七位其餘衣服糧食分賞出
 力兵勇馬騾刀械留營備用傷亡兵勇查明分
 別咨部再臣惠齡前接宜綿知會已令柯藩艾
 如文帶兵一千五百名馳赴興安一帶堵剿查
 洵陽一縣濱臨漢水且近興安雖經嚴飭該縣
 多雇精壯鄉勇設卡嚴防但兵守空虛究不足

聖朝聖德編卷十七

七

特是以札知柯藩帶兵前來洵陽駐劄既可遏
 賊西竄並可相機協剿又臣等刻接恒瑞知會
 現聞孝義廳採玉窑一帶復有賊匪滋擾該處
 路近藍田為入西安要路雖有興肇在彼堵剿
 秦承恩及總兵富爾賽等帶兵往捕尚恐兵力
 不敷該將軍已帶兵馳往剿辦等語查此起賊
 匪或係姚之富等勾結商州一帶教黨故向北
 竄希冀分我官兵之勢以圖逃逸聞賊匪僅有
 四五千入恒瑞與肇秦承恩等所領官兵並有
 新調之甘肅官兵及撒拉爾回勇不日可到以
 之分投剿捕似已足敷辦理設或少稽時日臣
 等於此地辦竣即行統兵往助亦可不致遲悞
 奏入

聖朝聖德編卷十七

六

上命軍機大臣傳諭惠齡恒瑞與肇慶成秦承恩曰

惠齡等行走遲緩久無奏報乃待之冬日而本日
奏到之摺祇係會兵剿殺賊匪情形尙未擒獲賊
首一人且據稱賊匪又添新入夥黨共有一萬餘
人而所殺之賊止有千餘不過十分之一且此股
賊匪係首逆李全王廷詔帶領復有新夥賊首秦
虎一犯勾合一處是賊匪日聚日多惠齡等尙視
顏爲此敷衍之奏寧不知愧奮耶剿捕之要全在
擊獲首逆則其餘夥黨自散事半功倍其附從迫
脅匪黨卽殲斃多名仍屬無益今惠齡旣與慶成
等會合一處在米糧川毛坪一帶剿賊仍任其分
竄高山不能兜截圍擒而賊匪究竟竄往何處亦
未據奏明所辦何事著傳旨嚴行申飭至柯藩由
興安前赴洵陽此時自己到彼該處守禦較單柯
藩等惟當督率官兵實力防範倘賊匪由此一路

欽定剿平三省邪匪方略

正編卷三七

欽定剿平三省邪匪方略 正編卷三七

奔竄致與達州匪徒勾結惟柯藩等是問至採玉
窩滋擾賊匪不過數千人秦承恩同富爾賽已趕
往截剿又有恒瑞與肇會合協擊諒此股賊匪必
有姚之富等在內務當設法生擒卽時撲滅恒瑞
前在山陽據奏將賊匪剿往東竄今乃知實係逸
往山陽之西可見前奏不實若再不奮力辦賊必
將伊治罪慎之至惠齡前奏倍道星馳趕赴慶成
合兵一處是慶成行走本在惠齡之前乃本日摺
內又稱馳至寬坪地方適慶成亦自蓮花池帶兵
趕到又似慶成轉落惠齡之後其故殊不可解各
著明白迴奏

欽定剿平三省邪匪方略

正編卷三七

初九日 戊申 宜綿明亮德楞泰奏言 臣 等攻克巴

州王家寨後明亮自富成寨擊卡至馬市口德
楞泰自茨菇梁率領鎮將巴圖魯侍衛至出家

一七七

山之西合洲坪黃馬村一帶拏卡五處田家山之東李家山土寺坪一帶拏卡四處均係樹立木柵逼近賊巢賊人無分晝夜或千餘人或數百人連次分撲各營卡經臣宜綿先期傳令加意巡防各兵勇均有準備俱隨時擊退擒斬多入四月二十日黎明賊匪竟欲攻撲羅江口窺伺達州潛出四千餘人攀崖援磴分為三路直抵鐵丁埡頭卡遊擊魏攀舉鼓勵兵勇鎗箭並施賊不得過猶敢恃其人眾相持逾時終不肯退穆克登阿一面用大礮轟擊使賊知有策應一面密派叅將姜敏功遊擊陳大定等帶兵分注埋伏截其後路副都統銜西津泰督率遊擊陳天雲候補知縣劉大經等帶領兵勇赴鐵丁埡助剿賊匪見官兵漸近捨命衝突魏攀舉親

聖朝聖德編卷三十七

三

率勇兵丁出卡衝擊西津泰等亦合力搶上山梁賊匪不能抵拒始紛紛退下我兵乘勢追逐觀成派佐領努赫稜自達州後山帶領滿兵由鳳凰嘴壓下三面截殺賊眾大潰姜敏功陳大定等埋伏之兵先後衝出沿途邀截賊匪首尾不能相顧擒斬甚多其時臣宜綿明亮亦派副將玉柱遊擊王霖等帶領兵勇邀擊於楊家坪斬獲無數賊匪四散竄歸巢穴兵勇分路追殺賊匪自相踐踏及跌死者不計其數統計殺賊三百餘名割取首級一百二十一顆生擒二十四名搶獲鎗矛一百三十五件二十二日天氣陰雨重石子賊匪潛出一千餘名分為三股來撲李家山新卡臣德楞泰督同鎮臣達音泰巴圖魯侍衛阿納保等帶領漢土官兵分為二

聖朝聖德編卷三十七

三

隊迎頭截殺而香爐坪賊匪復分二千餘名抄襲合洲坪黃馬村新卡臣德楞泰飛派鎮臣朱明斗巴圖魯侍衛溫春等帶領漢土兵丁及鄉勇迎至黃金坪搶上山梁賊分四路撲拒相持兩時之久我兵奮勇攻擊賊匪不能抵禦始行竄散斃賊四百餘名生擒十一名搶獲鎗矛七十餘件所有兩次生擒賊匪余祥榮等訊無要供當卽梟斬臣明亮德楞泰正在乘勝督催鎮臣索費英阿巴圖魯侍衛等分路進攻重石子香爐坪賊寨無如雨水盛大鎗礮不能施放賊人等滾木擗石一齊墜下兵勇皆在泥水中站脚不住傳令暫退俟雨勢畧止卽當督率將弁分投攻剿務期擒拿首逆其出力文武員弁及陣亡受傷兵勇統俟查明各部辦理

同日宜綿奏言查楚匪盡入商維復經南竄臣以興安爲川陝咽喉飛札柯藩艾如文帶兵一千五百名駐劄興安探明堵剿復將陸有仁所調甘省各營兵二千名除鎮臣富爾賽帶往商州八百名外其餘一千二百名及臣所謂撒拉爾回兵二千名悉令徑赴興安交柯藩相機剿堵又查川省太平地方在在與陝省接壤川北道李鈺自上年九月以來駐劄該處情形熟悉卽令該道會同遊擊謝開先團練鄉勇四五千名於各要口嚴密堵禦並爲興安造作聲援再前次擊獲賊匪僞軍師王學禮據署東鄉令劉清訊據供稱係達州人上年九月內隨同賊首徐添德起事子姪俱在寨內此時徐添德等自知罪重凜懼兵威有情願出投之意臣等查內

地民人倡教惑衆焚掠謀逆罪在不赦未便因其悔悟遽准投降且此等逆衆散居州縣降後無處安頓碍難辦理現今楚豫陝三省均有教匪滋事川省匪徒若不剷除盡淨既不足以昭懲創並恐萌孽復生所關非細惟是此股賊匪尙有二萬餘人雖經官兵節次殺戮而山險路岐不能周密圍剿倘致四竄地方又必重遭蹂躪如果能誘令賊首出降將計就計更易集事隨飭該縣傳諭王學禮寄信賊巢令各頭人全數出投皆可仰懇

《聖朝聖訓卷十七

五

天恩免其死罪該縣親赴近賊巢之紅豆嶺地方爲曉諭旋有賊匪帶領三四人在彼跪謁自稱係賊人王三槐綠伊等罪孽深重實畏王法不敢出來如將軍大人網開一面情願率衆投順

該縣細訪來賊係冒名王三槐並非賊首正身如卽將數賊擒拏翻使賊人疑畏益不敢輕出當經諭以大義飭令回巢遍諭賊衆令於本月十八日各首逆盡數出來於附近軍營之雙廟場地方叩謁將鎗礮軍器全行繳出乃見真心降順查賊匪此時接得王學禮信卽行投出揆之情理萬不可信然既有此言或誘出一二賊

《聖朝聖訓卷十七

五

首乘機擒拏或誘賊黨離巢痛加剿殺亦是一法是以一面諭令各營卡嚴加防範一面密派官兵千餘名於次日赴雙廟場左近埋伏備用至期賊匪王三槐親帶數人來至雙廟場街外一二里山包假稱投降仍另於沿途山溝內藏伏賊衆千餘接應臣等探訪得實臣明亮德楞泰當卽分帶索費英阿巴圖魯侍衛阿納保等

分投剿擊賊匪見真情已露慌蹙無地即由雙
廟場外意圖竄回經官兵分路剿殺鎗斃賊匪
一百餘人生擒賊匪符曰仁等十二名正在追
擊之時香爐坪重石子賊衆前來接應該匪始
得竄逃提訊符曰仁據供賊匪假以投降爲名
希圖衝犯大營並思搶救監犯王學禮賊情狡
詐深堪痛恨經^臣等備兵防範剿殺多人賊匪
始知驚懼官兵現已緊逼賊巢又值霧雨連綿
^臣等心中焦急一俟稍霽即行分路進剿冀將
首逆活擒所有符曰仁等犯訊明後即於營門
正法並提出僞軍師王學禮綁赴營門寸磔處
死均奏入

上命軍機大臣傳諭宜綿惠齡秦承恩曰重石子香
爐坪等處賊匪因官兵擊卡進逼分路攻撲經宜

聖朝聖訓卷三十七

七

綿明亮等督率將領擊退並伏兵邀擊殲斃賊匪
所辦尙好又賊首王三槐等假冒出降希圖撲卡
劫犯狡詐已極幸宜綿明亮等窺破賊情先行備
兵設伏乘機剿殺不致墮其奸計實屬可嘉惟屯
聚之賊奚致尙有二萬之多此次所殺賊匪僅數
百名又未拏獲首逆其所稱斬獲無數及滾巖跌
斃不計其數之語不無虛飾若果每次似此殲戮
則賊匪自當日少尙有如許屯聚耶况宜綿等
所帶官兵已有一萬七八千名又有幫同剿賊之
鄉勇數千合計兵勇共有二萬餘人賊匪卽號稱
二萬人其中迫脅附從者不少究係烏合之衆官
兵奮勇擊賊原應以一當十今以二萬官兵剿此
二萬窮竄之賊有何難事宜綿等惟當乘勢進攻
上緊剿辦又據奏柯漢文如文所帶兵力稍單復

聖朝聖訓卷三十七

天

將甘肅所謂各營兵丁及撤拉爾回兵三千二百名俱令全赴興安交柯藩等相機堵剿所辦甚是興安一帶為川省咽喉而賊首李全王廷詔正思由山陽向西奔竄柯藩等前抵洵陽自需兵力衆多以資防堵但秦承恩等現在採玉密剿辦賊匪即係姚之富一股急須搜捕前據秦承恩奏稱飛調寧夏涼州並莊浪土司兵丁星赴孝義川是秦承恩一路尚須此項兵力剿賊今如宜綿所奏則又須撥赴柯藩一路著秦承恩即將此項兵丁能否分撥之處酌量情形一面檄催一面分撥以期速得剿捕之用不可此調彼留致帶兵將弁無所適從再前據宜綿奏大寧地方亦有匪徒蠢動業經派委員弁團集鄉勇前往堵剿宜綿所派係屬何人是否已經撲滅並著一併速奏

《聖朝聖訓卷十七》

无

十二日辛亥額勒登保福寧奏言查林之華軍加耀等糾集夥衆本無一定巢穴東奔西竄糧食則恃到處擄掠屯聚則佔踞民房且因山勢險峻該匪等竄匿一處即於緊要山梁紮卡多設滾木插石攔截道路以為抵死抗拒之計日前官兵節次圍逼凡有可通芭葉山道路均經截堵其貼近芭葉山緊要山梁尚未攻得茲於二十五日以後天色暫晴臣等彼此約定於二十七日進兵其慶溥關騰所駐之金雞口雄虎山等處山嶺陡削仰攻不易仍令嚴密堵禦防其逃竄並各帶兵環繞作進擊之勢以分賊衆并通知成德諸神保張廷彥等相機協剿臣額勒登保帶同綸布春等於是日五鼓於廖家臺覓路直上車家灣山梁該處一帶峯巒盡列忽斷

《聖朝聖訓卷十七》

三

忽連賊人均於要隘築卡綸布春噶拉噶達飛
格布舍三布羅富蘭閱懷希等帶兵由箐林中
攀援潛上已據嶺巔賊人滾放木石不及官兵
奮力奪入卡內殲斃賊衆焚燒木棚烟焰沖突
賊人見嶺巔之卡已失所有接毗卡內之賊四
出抵禦經官兵鎗箭齊發受傷滾崖墜溝者死
傷甚多而賊勢兇悍尙在相持維時成德帶同
瑪克湯阿等由斑竹園搶上石子坳賊匪見有
官兵突出始行潰散嗣諸神保帶同皂保等由
青石巖搶上打子臺張廷彥帶同張順等由亮
林子直上大莊各處官兵會集聲威愈壯截殺
賊人男婦甚衆隨乘勢將車家灣以上之黃花
坡山梁全行攻克黃花坡對面爲分水嶺過分
水嶺爲大堖口見有木城數座賊人攢聚攜鎗

剿平三省邪匪方略

正編卷三七

欽定剿平三省邪匪方略 正編卷三七

持矛急欲下撲接應奔竄之賊因分水嶺橫隔
不能疾至我兵亦因分水嶺之路逼窄祇容一
人行走不得急行攻取臣福寧帶同副將張持
遊擊多福等由鄖陽關覓路直上吳家坂山梁
直趨芭葉山都司孫效前帶同把總郁宗海等先
搶上吳家坂兵丁俱各奮勇攻撲斃賊多人連
佔賊卡六七處賊人竄至十字溝中鎗受箭死
者無算該處山徑叢雜巖壁過陡不便深入遂
派兵於吳家坂分紮營卡堵禦查此次各路官
兵攻克紫要山梁深入二十餘里及十數里不
等摧陷賊卡二十餘處合計殲斃賊匪男婦四
五百人割獻首級十九顆生擒賊目多名訊據
獲賊供稱林之華每說官兵圍逼得緊惟大堖
口還守得住若一破大堖口我等卽在死路草

剿平三省邪匪方略

正編卷三七

一八三

加耀說畢竟還是逃散為是等語查該犯等所
 供情節賊匪已形慌亂且經此番痛剿緊要處
 所均為我兵所得賊匪即於大荒口抵死固守
 我兵設法攻擊賊匪斷不能久支倘各處營卡
 未能結實或又逃竄轉覺追拏費手是以_臣額
 勒登保即於黃花坡山梁紮營緊接分水嶺_臣
 福寧仍駐鄔陽關成德即駐石子坳諸神保即
 駐打子臺張廷彥即駐大莊所有一帶舊駐營
 卡均經酌量裁撤其吳家坂營卡已與石子坳
 接續斑竹園營卡亦俱撤去_臣額勒登保於二
 十八九等日周歷察看沿途指示將領將各營
 卡嚴密拏定凡水衝溝坎賊人可竄之處亦俱
 挖斷鄔陽關下有一大溪搭蓋橋梁以通糧運
 本派重兵駐守前此賊人即有窺伺奪橋之事

聖朝聖編卷十七

三

當經擊退二十九日黎明有賊匪一二百人竟
 從山坡下溪欲搶佔橋梁聞駐卡兵丁放鎗_臣
 福寧即帶兵前往接應斃賊多名淹死十餘名
 餘賊遁入深林而竄_臣福寧即於橋之上游添
 築石卡二座駐兵防護更可無虞現在各路官
 兵圍逼已緊惟有趁此晴霽相機進取大荒口
 以期一鼓蕩事打仗官兵間有傷亡容另查明
 咨部辦理奏入

聖朝聖編卷十七

三

上命軍機大臣傳諭額勒登保福寧曰此次額勒登
 保等督兵分進攻克賊卡三十餘處殲斃賊匪四
 五百名並於大荒口拏營賊人可竄之處概行挖
 斷自應如此辦理所有帶兵出力將領弁兵等
 俱用硃筆圈出如果始終奮勉著即查明咨部議
 敘但額勒登保已移於黃花坡紮營而福寧仍回

駐鄜陽關詳該處搭蓋橋梁為糧運通行之路防賊窺伺亦祇當酌派鎮將大員在彼駐劄該督仍當與額勒登保一同拏營前進庶可四面兜圍現據獲犯供稱一破大堽口賊匪都在死路可見賊勢窮蹙或恐又思他竄額勒登保等務宜嚴密防範勿使又乘間逃往鶴峯建始等處為要

十四日癸丑花尚阿倭什布奏言臣等接奉

聖鑒事

謹

諭旨令加意防守西安省城查前此楚匪由豫分股

竄入陝境臣等當即擬以一人守城一人帶兵

前往協剿復因省城重地商民聚處不可無文

武大員彈壓且籌備策應均關緊要是以未敢

輕動嗣查各處賊匪屢被兵勇剿殺倏合倏分

在商州山陽鎮安藍田各州縣山溝藏匿其採

玉窑嘯聚之賊經秦承恩與富爾賽帶領官兵

由秦嶺大路徑往孝義川等處兜剿賊匪旋自鎮安之白巖子竄至洵陽之兩河關屯聚現在各賊距省有四五百里不等其秦嶺通省各要口前經秦承恩及臣等分撥勇幹員弁督率兵勇設立卡隘晝夜巡防已極嚴密附近南山各廳州縣亦諭令團練鄉勇為有備無患之計斷不令有賊匪闖入秦嶺臣花尚阿將存城滿兵

聖鑒事

奏

二千六百餘名督率滿員逐日操演並諭以行

軍大義俾各成勁旅附近各屬聞知省城現有

精兵駐劄既可稍安小民疑畏之心兼可喪逆

匪北竄之膽此時省城地方商民樂業即附近

偏僻村莊逐細訪查尚無向習邪教被匪引誘

勾結之人至老教回民從不信邪教秦承恩前

自興安來商州時即經札知臣倭什布於省城

曉諭回民首馬化鵬等雇募壯健回民聽候調撥當經揀選回民二百名多給賞銀送往軍營幫同剿賊該回民奮勇當先頗爲得力茲當再行招募以備剿守之用至宜綿調派來陝之老教回民二千名聞由甘肅鞏昌一帶入陝自漢中興安等屬行走倘賊匪自洵陽南竄卽可就近取道截殺併斷其與川匪連絡之路於堵剿均有裨益奏入

聖朝聖訓卷十七

三

上命軍機大臣傳諭恒瑞與肇秦承恩柯藩富爾賽艾如文曰花尙阿等奏到省城防守情形所辦尙好據稱秦承恩與富爾賽帶兵由秦嶺往孝義川兜剿採玉窩賊匪而賊匪自鎮安竄至洵陽之兩河關屯聚是採玉窩賊匪經秦承恩等兜剿業已南竄洵陽地方秦承恩自應督兵淮剿是以十餘

日未暇具摺洵陽在漢江之北江面廣闊船隻先經移泊對岸無虞賊人偷渡秦嶺一帶又防堵嚴密賊匪被官兵剿急勢必又思東回商州鄖西一帶該處俱有官兵若賊匪仍向此一路奔逸則是自投陷穽正可四面圍截斷不可令其竄至興安致與達州賊匪勾結至恒瑞已早赴秦承恩一路會合興肇在秦嶺口堵剿會否打仗殺賊摺內未經敘及伊二人現在究往何處何以日久未有奏報又柯藩等前於二十七日自興安前赴洵陽迄今半月有餘並無摺報何以遲緩若此柯藩著傳旨申飭並著將於何日前抵洵陽如何與艾如文迎剿賊匪之處迅速具奏至宜綿所調老教回民等此時自己抵該處今據倭什布奏稱出鞏昌一帶入陝自漢中興安等屬行走更可迎賊截剿此

聖朝聖訓卷十七

三

項回民前據宜綿奏派總兵吉爾泰副將富成帶
領前往秦承恩係該省巡撫柯藩係提督卽交伊
二人分行統領呼應較靈更爲得力其花尙阿等
續募回民此時想可不用亦不必強令應募也

欽定剿平三省邪匪方略

正編卷三十八

欽定剿平三省邪匪方略正編卷三十八

丁巳年

五月十五日甲寅秦承恩奏言臣前因採玉窰地

方有賊匪竄入滋擾當卽分派兵勇馳往各要

隘防堵一面會同富爾賽帶兵迎剿嗣該匪果

來湯峪口一帶探路適臣所派弁兵先行趕到

賊不敢窺伺藍田遂卽折回東竄由黑虎廟山

梁竄至鎮安縣之舊縣關放火焚掠因孝義川

欽定剿平三省邪匪方略

正編卷三十八

已有准備又值恒瑞大兵趕到卽向南竄入午

峪溝恒瑞等帶兵堵住溝口現與惠齡慶成等

合力兜剿惟據興安府知府周世紹稟稱有賊

匪二千餘人內多騎馬之賊由鎮安縣翻山竄

出洵陽之兩河關已至安康縣松樹壩屯紮距

府城九十餘里該府會同西安協領伊克精阿

督率滿漢官兵及義勇人等在漢江南岸排列

鎗礮悉力固守提臣柯藩延榆綏道溫承惠聞
 信亦帶領兵勇由洵陽之趙家灣前來追剿前
 路並無重兵恐賊匪因不能偷渡漢江即由北
 岸直趨漢陰石泉徑竄西鄉為會合川匪之計
 殊為可慮查宜綿前調撤拉爾回兵二千名先
 經_臣札令由鞏昌畧陽捷路逕赴漢中聽調現
 又飛札漢興道文需催令趨行即令文需會同
 該領兵官由漢中迎赴西鄉一帶堵剿不令闌
 入川省邊界_臣與富爾賽連日派撥員弁帶領
 兵勇分赴賊匪竄逸各山溝內搜洗廓清後路
 即帶兵前赴興安分途剿辦再查雒南縣之石
 板溝商州之商維鎮藍田縣之韓家坪等處遺
 孽經_臣督飭員弁俱已剿洗淨盡奏入
 上命軍機大臣傳諭惠齡恒瑞與肇慶成秦承恩曰

採玉窰賊匪經恒瑞等堵住與惠齡慶成等合力
 兜剿自己不能北竄惟安康縣之松樹壩地方有
 賊匪二千餘人由鎮安洵陽竄往屯割此股又係
 何處賊匪或係姚之富等分夥之賊或又係本處
 新起教匪何未奏明興安在漢江之南江面廣闊
 且有文武各員督率兵勇在南岸排列鎗礮悉力
 固守而柯藩亦由洵陽迎頭截剿則賊匪自不能
 偷渡漢江竄入西鄉此時三股賊首歸併一處俱
 往南竄而惠齡恒瑞慶成又俱會合夾剿宜綿所
 調撤拉爾回兵現經秦承恩催令徑由漢中迎赴
 西鄉適與昨旨相合於剿捕更資得力惠齡等務
 須倍加愧勉悉心布置奮力合擊毋再遷延現在
 秦嶺口一帶已無賊匪興肇自當帶兵與惠齡等
 會合剿賊再柯藩由興安前赴洵陽當賊匪用竄

聖朝聖訓卷十六

二

聖朝聖訓卷十六

三

正可與賊相值迎頭截剿何以秦承恩轉稱柯藩
由洵陽之趙家灣前來追剿又似在賊匪之後自
係聲敘不明着遇便覆奏至秦承恩於堵剿賊匪
事宜辦理尙爲妥協惟該撫自初三日奏報後已
逾旬日朕朝夕懸盼至今始有此奏殊屬遲緩又
尙未獲賊首着傳旨申飭此後務當隨時速奏不
可仍前延緩

聖朝聖訓卷三十六

四

同日秦承恩又奏言據布政使倭什布詳稱部
撥陝省軍需銀兩除轉解川省四十萬兩外供
支節次官兵俸賞行裝代辦四川太平糧臺撫
卹難民雇募鄉勇等費所存無幾現在湖北大
兵全入陝境又奉調各路官兵軍火糧餉夫騾
價脚及挑補新兵製備軍械並續辦撫卹各事
宜需用甚繁應請

旨撥銀二百萬兩來陝以資接濟奏入

勅下部臣速議具奏

同日戶部奏言查陝竟分竄賊匪現經官兵會
合夾擊並續辦撫綏事宜需費較多今據秦承
恩奏稱軍需項下所存無幾自應預籌儲備以
資需用應請卽於部庫內撥銀二百萬兩令直
隸山西陝西各該督撫遴委委員分起管解接

聖朝聖訓卷三十六

五

替前進惟此次部撥銀兩到陝尙需時日或恐
緩不濟急前次撥解四川軍需銀兩曾經臣部
議將山西省本年徵存地丁項下儘數撥解川
省應用此項餉銀必由陝省經過倘陝省需銀
孔亟或卽將山西解款路過陝西時先行截留
二三十萬應用俟部撥銀兩解到後再行照數
撥還川省庶可期應手無悞奏入得

旨依議速行

十六日^{乙卯}汪新奏言^臣前赴鄆西沿途留心察

看自郡城北至火車嶺中間百餘里賊氛未及

麥隴連雲農民栽蒔新秧氣象甚為恬謐自火

車嶺直至鄆西縣治三十餘里及東西北各境

均經賊擾民居焚掠之處較多四鄉麥田正熟

前此賊被官兵追急北竄未及搶割而居民奔

《聖朝實錄卷三十六》

六

避他適亟須及早招徠乘時收穫^臣當即差員

分赴附近各處傳諭速歸復業旬日以來難民

扶攜老幼回籍者十之八九約計麥收尙得七

分惟廬舍多被焚燬棲身無所^臣即派員先將

附近縣治各難民按戶編查酌給錢米並房屋

修費以資安撫其四鄉各村派令同知蕭興

周季堂等分投查照一體先行給卹俟查明

口冊報到日再給三月正賑又查鄆西縣西北之

上津堡正北之黃泥舖與陝省鎮安山陽等縣

接界疊據探報賊匪合夥現在該二縣境內奔

竄業經官兵連營兜裹^臣恐賊匪或仍南竄鄆

境隨即派令鄉勇一千二百六十餘名交前委

駐守上津堡之副將多爾濟扎普併同原帶兵

三百名協力防守又派鄉勇五百名交守備陳

《聖朝實錄卷三十六》

七

之壯併同原帶兵四百名前赴黃泥舖防守遏

絕賊匪南竄之路以期大兵合圍掩擊又查鄆

陽府屬六邑惟鄆縣鄆西在漢水之北處處山

深箐密最易藏奸此時賊氛未遠^臣恐尙有餘

匪潛匿密飭搜查隨據鄆令葉治試用州同陳

德基都司郭廷樞知縣秦錫疇府訓導唐承中

等稟獲賊夥奸細多名訊係賊營差探信息及

從賊劫搶之犯均經分別斬梟示衆臣復風聞

縣屬之石梯子卡首有誣殺良民之事因即密

委布政司經歷銜朱謨前赴該處立將卡首許

信等四名拏獲到縣訊係挾嫌讐殺屬實臣以

鄉勇逞兇擅殺漸不可長必須盡法嚴辦以昭

懲創當卽擬子懸誅並刊示備諭各卡嚴切申

儆又查鄖西縣治被賊蹂躪該邑文武有守土

之責如果臨時畏葸逃避必應按律嚴辦臣於

途次接見義首紳耆卽向詢問僉稱賊匪先由

鄖西縣界牌垭入道河等處竄入該境署令秦

錫疇帶勇擊退詎另股賊匪忽由老虎坡五里

坪等處滋擾千總王得勝典史李殿英教諭嚴

大倫分往五里坪等處截擊該令秦錫疇馳赴

老虎坡截擊賊衆洶湧抗拒王得勝矛傷左膀

李殿英石傷左足嚴大倫落馬墮崖當經鄉勇

搶護得生維時賊匪業已闖入縣治該令秦錫

疇被賊阻絕不能赴救當卽趕赴東西豐江岸

隨同知府王正常堵截賊匪搶渡要路卽經擊

退等情臣隨抵縣治親勘詳查該邑本無城垣

又復兵守空虛此番賊氛自陝猝至該文武各

帶鄉勇堵守卡隘不虞賊衆分途竄擾詢係實

在確情可否邀免治罪之處出自

聖恩至鄖西縣治四面環山東西貼近兩山登高俯

瞰虛實易窺又無別可移建之處自應酌建城

垣以資捍衛上年宜綿帶兵至邑卽經議請建

築磚城臣思山僻小邑擬建磚城未免過於繁

費將來似應酌築土城並於城外東西兩山各

建石堡一座遇專派兵分紮拱衛縣城日可瞭

望四遠較於設守有益^臣將一切辦有端緒仍
回住郡城督辦協濟陝省軍營糧餉要務其沿
途各要隘應行添兵防守之處查前調之原任
提臣劉君輔帶兵一千名即日已可到郡^臣俟
其到後即與鎮臣馬瑀面為商定分帶此項兵
丁酌看何處緊要即赴何處巡防

同日惠齡恒瑞慶成舒亮奏言^臣等連日差探
賊蹤不敢竄往洵陽一帶復由山內逃赴鎮安

《製書館彙編卷三十六

十

縣境^臣等沿途查訪鎮安一帶習教尤多上年
經秦承恩出示勸諭雖已具結改悔今賊匪經
過地方仍有愍不畏死相率入夥者此等烏合
匪徒日積日多必須趕緊剿除^臣等督率馬步
官兵間道抄襲以期迎頭截擊五月初三日行
至鎮安縣之東馬路坪地方接得阿爾薩朗初

一日來信據稱帶兵在表帶舖紮營堵截探得
北來一股賊人直奔鎮安縣城隨即帶兵往截
殺死騎馬賊人數十名餘賊敗回等語旋據巴
克坦布報稱現有賊匪由西北王家坪等處竄
來離鐵場舖二十餘里之鐵桶溝屯聚查西北
竄匪自係恒瑞等所遺第三股之賊除一面飛
差弁兵前往查探外^臣等當即同商酌北股

《製書館彙編卷三十六

十一

賊匪既經恒瑞等由採玉窰等處追逼南來若
將南股之賊剿逼北竄使其合夥各路併力圍
剿似可得手^臣惠齡舒亮隨即帶兵由西南進
逼^臣慶成德光由東南前進中途俘獲賊夥張
大明等五人訊知王廷^臣等給會姚之富
等欲在黃龍舖過節後仍即分竄如能過江再
圖合會^臣等於初四日晚趕至鐵場舖與巴克

坦布訥音相梧深知南來賊匪已離黃龍舖十餘里北來之賊已至紀家河隨即通知恒瑞等於次日黎明一齊進攻臣惠齡巴克坦布舒亮等督率弁兵由鐵場舖東山梁前進臣慶成訥音德光帶兵由南山溝前進臣恒瑞等接在知會督兵由西北野豬坪一帶前進並令德光帶兵由東坡繞上副將觀祥關聯陞帶兵由西坡繞上臣

剿平三省邪匪方略

十三

攔退上山腰突有騎馬賊匪二三百人前來接應敗賊又復聚集一擁齊來攪殺一處臣慶成等密從捷徑繞上山頂下壓賊匪猝不及防被鎗中箭滾巖落澗者不可勝計官兵踴躍喊殺見有騎馬執旗賊目數人往來指揮抵死抗拒臣慶成等帶領巴圖魯侍衛哲克默新都司岳寧阿等直衝賊隊健銳營前鋒校吉祥保那明阿藍翎守備利振紀行營千總戴興朝四人首先殺死騎馬二賊生擒二名該四員趕入賊中又殺死十數人身受重傷俱各陣亡官兵目覩情形切齒憤恨奮勇衝殺賊匪拋棄器械驟馬向北山亂竄時臣恒瑞碩雲保富成等已自西北追趕賊匪前來兩股賊匪會合復恃人衆分投抗拒我兵一路夾攻併力截殺直至夜半賊

剿平三省邪匪方略

十三

眾力不能支始行四竄山高路狹昏夜未便窮追是以暫行紮住此次殺賊三千餘名割獲首級九百餘顆奪獲馬騾牛驢五百餘匹鐵礮二位鳥鎗刀矛五百八十餘件生擒活賊三百二十三名內有舊賊頭目陳子明訊據供稱係李全徒弟陳兆五係王廷詔徒弟鄧榮茂係姚之富徒弟各掌一旗三股原祇四五百人自到陝省以來陸續入夥及裹來者現共二萬有餘聞得李全等商量想要逃過漢江再圖他往又據新入賊夥之戴邦盛等俱稱都是陝省人素來習教各有徒弟三四百人因王廷詔等到來邀約各帶徒弟入夥每逢打仗總令新來者在前王廷詔等立在高山見勢先走實在要往何處未曾聽見餘無要供一併分別凌遲梟示所獲

製者聖編卷十六

十四

器械給各營應用馬騾牛驢分賞出力兵勇查明受傷陣亡官兵分別咨部此次官兵奮力剿殺惟三逆首未得一人臣等不勝忿懣現在探得賊匪復分兩股東股賊數較少西股稍多臣恒瑞等當卽督兵向東追殺臣惠齡慶成等督兵往擊西股竄賊再查北面商州藍田等處有興肇秦承恩富爾賽督兵堵剿柯藩艾如文已自達州帶兵馳赴興安堵剿臣惠齡已飛咨該提督等時刻查探賊蹤嚴防偷渡惟劉君輔馬稱尙未得其已抵何處之信臣惠齡現復札催倘賊匪竄入鄖陽更易剿捕但地方遼濶賊匪畏懼官兵馬隊多從陡仄難行山路奔逃現聞甘肅調來撒拉爾老教回勇慣行山路以之追截賊匪必能得力臣惠齡已札知秦承恩速令

製者聖編卷十六

十五

前來軍營以期分路設法加緊兜剿正在繕奏
間據查探之前鋒校祥保回稱阿爾薩朗於五
月初一日聞西北有賊竄來距鎮安縣城漸近
帶兵前往截剿途次午峪溝地方遇騎馬賊匪
二百餘人隨即督兵迎擊斃斃數十名餘賊奔
竄追殺二十餘里距表帶舖稍遠遂於王家坪
地方紮營不意賊衆暗由山溝前來乘官兵紮
營未定一齊撲犯阿爾薩朗督率官兵竭力抵
禦殺死多賊因胸受鎗傷墜馬被賊戕害前鋒
叅領七格副叅領保衡長青前鋒校阿克惇等
帶兵殺人向前救護先後俱中傷陣亡防守黃
龍舖之湖北宜昌府通判候補同知高舉伊子
高壹鄉勇頭目九品職銜李國良帶領鄉勇前
來接應同時被害前鋒叅領七十一副叅領觀

欽定剿平三省邪匪方略

正編卷三八

欽定剿平三省邪匪方略 正編卷三八

山等帶兵隨後趕到殺退賊匪該員等亦受重
傷現在飭醫調治臣恒瑞由該處經過詳查情
形均屬相符將陣亡受傷官兵查明咨部外所
有阿爾薩朗帶領官兵現已歸併碩雲保管領
均奏入

上命軍機大臣傳諭惠齡恒瑞慶成秦承恩汪新柯
藩日早間汪新奏招撫鄂西難民並籌辦堵禦搜
捕各情形所辦尙妥閱之稍慰旋遞到惠齡奏報
祇係兜截賊匪情形仍未獲一賊首雖據稱在黃
龍舖山口打仗殺賊三千餘名但賊匪數有二萬
賊斃尙不及十分之二惠齡等帶兵堵剿已閱多
日仍未能迎頭攔截痛殲賊匪擒獲首逆所辦何
事又據奏阿爾薩朗於王家坪紮營未定賊衆暗
由山溝前來攻撲阿爾薩朗帶兵抵禦受傷墜馬

欽定剿平三省邪匪方略

正編卷三八

一九五

被賊戕害阿爾薩朗所帶之兵俱係健銳營勁旅
何至賊匪乘紮營未定之時猝來攻撲致領兵大
員被其戕害看來賊匪預在山溝潛伏其騎馬之
賊竟係來誘我兵而阿爾薩朗未能覺察惠齡又
未派兵策應以致墮賊奸計隨同帶兵之叅領七
格等向前救護亦何至俱中傷陣亡前此阿爾薩
朗共帶健銳營兵若干此次傷亡官兵究有若干

製香齋彙編卷十六

六

現存若干交與碩雲保管領摺內俱未聲敘明晰
至所稱前鋒叅領七十一副叅領觀山等帶兵趕
到殺退賊匪之語亦未可信阿爾薩朗被賊戕害
其隨同帶兵之七人亦似不能抵禦同時被戕何
以七十一等二人帶兵到彼轉能殺退賊匪且伊
等亦俱受有重傷或竟係賊匪將官兵戕害後自
行散去未必係七十一等退殺該處賊匪既經退

散自必歸於大股賊夥惠齡等正當迎繞截剿何
以又在賊後尾追而此股賊匪即係恒瑞等由西
北追來之賊必有姚之富在內何以賊在表帶鋪
王家坪與阿爾薩朗等相持彼時恒瑞等又在何
處不即救援至阿爾薩朗陣亡後始由彼經過種
種情節朕必須悉其底細著惠齡恒瑞等詳晰查
明據實速奏毋稍含混阿爾薩朗著各部從優議
卹其同時被害之叅領七格等七人及在黃龍鋪
殺賊陣亡之前鋒拔吉祥保等四人一併各部優
卹看現在賊匪情形自皆向洵陽一路奔逸欲赴
興安此時雖分東西兩股而賊人詭計多端其東
竄之賊或祇係分遣黨與牽掣官兵而賊首等得
以乘間由西南一帶奔竄著惠齡確探賊蹤總當
以賊首所在之處併力迎前兜擊如東股賊匪或

製香齋彙編卷十六

九

有首逆在內恒瑞等自應跟蹤追捕若能將此一路賊首擒獲即係恒瑞之功如此股內並無賊首則恒瑞仍當與惠齡等會合一路協力兜截不可又為賊匪所愚以致兵分力單昨據秦承恩奏賊匪已由鎮安竄出洵陽之兩河關其意欲偷渡漢江經知府周世紹同協領伊克精阿帶領兵勇在南岸固守但該處並無大員恐尙不足倚恃惠齡等當派鎮將大員前往協同防守至老教回民昨據秦承恩奏令由鞏昌一帶前至漢陰石泉以遏賊匪西竄漢中之路今惠齡奏又令速赴伊等一路未免兩歧著惠齡等與秦承恩彼此酌定何處緊要即令其速赴該處不可彼此紛紛互調以致無所適從再劉君輔馬瑀現據汪新奏欲留於鄖西防守但現在陝省賊匪分竄惠齡等正在須兵

欽定剿平三省邪匪方略 正編卷三八

搜捕著汪新酌量情形如探聞賊匪有竄回鄖西之信劉君輔馬瑀自當在該處防堵若鄖西並無賊匪竄回即應令伊二人帶兵前赴洵陽一路協剿途中遇有竄回賊匪正可迎頭截剿又據汪新奏查明鄖西知縣秦錫疇等前此猝遇賊匪滋擾縣治尙無畏蕙逃避情事自當均免治罪所有防守地方及搜捕匪犯之文武員弁均著咨部議敘

同日

上諭內閣曰據景安查明豫省各屬鄧州等十五州縣境內村莊本年有賊匪滋擾之處又羅山等五縣亦間被蹂躪復業之後民情不無竭蹶其附近之伊陽等九州縣或各集義勇設卡防堵或挽運糧餉軍火等項差使較繁至南陽等二十三州縣路當孔道均有解運軍需送兵過境等事踴躍急

欽定剿平三省邪匪方略 正編卷三八

公所有新舊錢糧若節照例催征民力未免拮据
 百當分別施恩用示體卹者將前被賊擾之鄧州
 唐縣新野桐柏淅川內鄉泌陽裕州葉縣南召舞
 陽西平遂平確山信陽等十五州縣本年麥收後
 應征新舊錢糧並嘉慶二年錢糧及羅山光山魯
 山嵩縣盧氏等五縣本年應征新舊錢糧均加恩
 展至戊午年麥收後分作三年帶征其原辦兵差
 緩征之南陽鎮平鄖城臨潁襄城許州長葛洧川
 尉氏祥符蘭陽新鄭鄭州滎陽河內武陟考城獲
 嘉新鄉汲縣淇縣湯陰安陽等二十三州縣著加
 恩展至戊午年麥收後分作二年帶征至隣近堵
 禦應差之伊陽寶豐邾縣汝州宜陽永寧陝州靈
 寶閿鄉等九州縣本年應征新舊錢糧著緩至戊
 午年麥收後開征俾間閭益臻寬裕該撫務須飭

聖朝聖德編卷六

三

屬妥辦以副朕軫念窮簷恩施體卹至意
 十八日_{丁巳}宜綿明亮德楞泰奏言查賊匪分屯
 重石子香爐坪二處其地固不若金峩寺之險
 峻而四面亦係陡岸惟有綫路可上賊匪將路
 逐節挖斷建設木卡四道以為障蔽_臣明亮德
 楞泰前經分路擊卡東南自田家山至黃馬村
 土寺坪西南自富成寨至馬市口雖已逼近賊
 巢山頂瞭望棚帳了然而深溝曲折環繞相距
 尚有十餘里及七八里不等路徑處處可通賊
 人屢思乘間逃竄_臣宜綿等連日細察情形若
 不嚴密防堵遽爾進剿不惟仰攻為難兼恐賊
 人情急四竄追擊更為棘手因查黃馬村之前
 有分水嶺一道土寺坪之前有火石嶺一道賊
 人設卡甚多不可不先行搶佔_臣德楞泰奎舒

聖朝聖德編卷六

三

15202 續修四庫全書 史部 紀事本末類

明興於初二日率同巴圖魯侍衛墨爾津保鄂
爾綏副將德寧等由黃馬村進攻分水嶺頭卡
賊匪抵死抗拒官兵奮勇齊上卡內滾木插石
紛下如雨千總治正華把總馬德元外委高進
保張廷廼等首先躍入砍斃數賊賊人力不能
支棄卡奔竄後卡之賊見前卡已失不敢抵拒
官兵乘勝追擊連奪數卡殺賊二百餘名生擒
陳必倫等二十六名其治正華等四人均受傷
陣亡當將分水嶺一道盡行奪獲卽分派將弁
兵勇設卡駐守初三日臣明亮觀成率同總兵
朱射斗巴圖魯侍衛阿納保等爲一路臣德楞
泰奎舒明興率同總兵達音泰侍衛安慶等爲
一路分撲火石嶺同時並進左右夾擊賊人出
卡排立嶺上分投抵禦官兵進至山嶺之半賊

《聖朝實錄》卷六十八

臣

入施放鎗礮兼用木石擲擊我兵用擋牌抵住
吶喊爭先一擁而上刀砍鎗擊斃賊甚多守備
常萬青千總余海把總楊崑戴福皆身受重傷
陣亡屯都司根登太土守備格宗札什將執旗
頭人砍死一名生擒廖繼賢一名賊衆慌亂兩
路官兵合圍將火彈拋入卡內草棚火起賊人
自相踐踏及燒斃者不計其數生擒汪訓等十
五名餘賊竄歸巢穴臣等一面督率將弁追擊
一面分派兵勇趕擊卡座自午至酉擊定十五
卡因時已薄暮尙有數卡未擊香爐坪重石子
賊匪於是夜亥刻傾巢而出分撲各卡幸溝壘
已挖築齊備官兵鎗礮齊施賊人連撲數次傷
斃無數後隊不敢前近臣回賊寨提訊廖繼賢
供稱係徐添德大徒弟臣營總領頭目當與陳

《聖朝實錄》卷六十八

臣

必倫汪訓等四十一名槩予駢誅初四日天明
督催將弁於緊要處所連擊九卡直達河邊與
東面東琳河副將王承勳南面羊烈子遊擊沈
宗文西南面羅江口副都統銜西津泰提督穆
克登阿營卡相接東南北三面已漸逼緊惟西
面自富成寨南至羅江口北至瓦窑壩都司三
格營卡中間相隔二十餘里尚須設卡防堵又

聖朝聖訓卷三十六

三

由馬市口前進地名南子山尖山二處緊臨賊
巢必須佔據擊卡使賊人無處躲避方可得手
現在兵丁不敷分駐未便輕進臣英善續調梁
山等屬鄉勇甫據具報起程臣明亮德楞泰抵
川時因東鄉賊匪數萬巴州亦有賊匪屯聚大
寧縣屬九龍池等處復有蠢動之事兵力實不
敷用查苗疆尚有未經撤回粵兵四千餘名皆

係屢經打仗得勝之師如由永綏秀山來至川
省行走尚捷當即札詢畢沅等撤出粵兵會否
回省可否截留茲據畢沅等咨稱粵兵行抵辰
州適接臣等前札即令取道由水路入川伏思
川省賊匪刻下情形與臣明亮德楞泰初到時
稍有不同但粵兵既已入川未便令其轉回現
在重石子香爐坪尚有賊匪二萬餘人巴州大

聖朝聖訓卷三十六

三

寧之賊均未殲除且商郎一帶竄匪未淨臣宜
緝已於隨來陝甘官兵內撥一千五百名交柯
藩艾如文先帶回陝是川省多添一兵即多一
兵之益現在粵兵尚無到營信息除飛催趕到
聽調一俟到時即將羅江口至瓦窑壩一帶佈
置嚴密併力攻剿奏入
上命軍機大臣傳諭宜綿明亮德楞泰曰此次宜綿

等督兵奪佔山梁痛殲賊匪實爲出力可嘉現在
東南北三面均已擊卡緊逼賊巢籌畫尤爲得宜
宜綿明亮德楞泰著各賞玉喜字牌大小荷包觀
成奎舒朱射斗達音泰著各賞大小荷包其因剿
賊受傷陣亡之守備常萬青千總冶正華余海把
總馬德元楊崑戴福外委高進保張廷迺俱著咨
部加一等議卹又據奏川省此刻情形與明亮等
初到時稍有不同湖南苗疆撤回粵兵旣已入川
未便令其轉回等語此不過宜綿等因前調粵兵
時未經奏聞故爲回護其詞此項粵兵旣入川境
又何必令其轉回況多一兵卽可多得一兵之益
宜綿等業經飛催前進計此時早可到營而英善
所調梁山等屬鄉勇更當早到該處賊匪已經官
兵四面兜圍又添此項生力兵勇無難一鼓殲擒

聖祖聖訓卷三十八

三

宜綿等益當奮勉成功也

十九日戊午秦承恩奏言臣前接興安府周世紹

稟報有賊匪二千餘人由鎮安竄至安康縣之

松樹壩屯聚臣與富爾賽帶兵馳往堵剿茲行

抵鎮安縣之槐樹坪據署漢陰廳通判熊恢宇

報稱賊匪已於初七日竄至安康漢陰交界之

青泥灣查漢陰至西鄉僅隔石泉一縣相去甚

聖祖聖訓卷三十八

三

近該匪聞撤拉爾回兵已抵漢中諒不敢窺伺

郡城或由西鄉南路而至太平或由西南小路

斜趨通江巴州與方山坪等處賊匪會合均未

可定此時撤拉爾回兵如已趕赴西鄉正可迎

頭截剿杜其西竄倘回兵未到之先賊匪已入

川境臣宜綿接到該通判就近稟報自己預爲

籌備且聞宜綿等添調兩廣兵四千名於五月

初六七等日已抵東鄉尚在賊匪未經入川之前自可分力堵禦惟接准惠齡等札知初五日在鎮安縣東黃龍舖與賊打仗痛加剿殺賊復分為二股東西逃竄惠齡慶成等追剿西股之賊恒瑞等追剿東股之賊查黃龍舖西竄之賊聞已由蔡家坪向大任河一帶逃竄即前股賊匪竄入安康松樹壩之路必係暗相約會前赴川境柯藩艾如文於五月初四日自洵陽馳往趙家灣堵禦雖前去之賊已過興安而後竄之賊正可遏其去路惠齡慶成等又緊隨追捕自可兩面合擊至恒瑞等東追之賊聞已竄至大新川該處南通鄖西東通山陽西通洵陽現在尚無一定去向臣前因惠齡等正在圍剿黃龍舖等處賊匪是以擬與富爾賽帶兵前往興安

聖祖聖訓卷三十六

三

堵剿今黃龍舖賊匪分股奔竄其往西者已有惠齡慶成追擊臣即不便拘泥接踵而西且恐該匪等詭詐多端故意牽制官兵或因惠齡等剿殺緊急另由捷徑翻山折回或東去之賊由洵陽向兩河關等處西竄一經恒瑞等扼住來路又仍由山陽竄赴商州孝義鎮安距西安商州興安各祇三百六十里為四路適中之地臣與富爾賽仍暫駐鎮安槐樹坪要路俟探明賊由何路逸去即由何處截殺至柯藩等所帶兵力甚單臣現分出莊浪土司兵三百名延綏等營兵七百名交署延綏鎮總兵田有成帶領速赴趙家灣興安一帶幫同防堵自更得力同日恒瑞奏言臣欽奉諭旨因前次奏摺情節不符著令明白回奏臣於前

聖祖聖訓卷三十六

三

月十五日在山陽縣北五十里周家河地方將
第三股賊匪剿敗向東奔竄正擬直前跟追忽
探得又有一股南來之賊直奔山陽縣城臣當
卽帶兵折回於十六日行抵縣東十里舖將南
來之賊迎頭截殺賊匪復向西南逃逸是東竄
南竄之賊各是一股祇緣前奏聲敘未明以致
上煩

聖諭不勝惶悚嗣查東竄之賊經興肇在滂峪一帶

截剿旋折而西臣因南竄之賊已有慶成等帶

兵追趕是以臣由西北之馬鹿坪鳳凰嘴等處
追剿前往維時賊匪正在採玉窰舊縣關一帶
滋擾因聞官兵將近又復折而南竄臣恒瑞同
碩雲保富成卽帶兵向南追殺迨追至鎮安所
屬之黃龍舖地方適與惠齡慶成等會晤隨將

殺賊及分路追剿緣山會銜具

奏現臣所追第三股之賊本向東南逃奔官兵
趕至廟川追殺一百餘名因前途有郿西鄉勇
堵截賊復向西奔竄臣等若僅事尾追勢難殲
擒首逆是以臣帶兵覓路抄殺前進均奏入

上命軍機大臣傳諭宜綿惠齡恒瑞慶成秦承恩柯

藩曰秦承恩奏籌辦剿堵分竄賊匪各情形所辦

尚好至賊匪欲由安康漢陰竄至西鄉太平中有
漢江阻隔現在興安一帶已有官兵嚴密防堵船
隻亦俱移泊南岸賊匪自不能偷渡且撒拉爾回
兵已由漢中前至漢陰石泉一帶正可迎頭截殺
若賊折而東竄惠齡等現俱帶兵自東而西無難
兩面夾擊柯藩艾如文現在趙家灣亦相去不遠
茲據秦承恩奏又派兵一千名前往足資助剿又

據恒瑞奏第三股賊匪奔向東南逃竄因前途有
鄖西鄉勇堵截賊復向西逃逸是此股賊匪亦思
西竄與前二股賊匪合而為一正可聚而殲擒此

無論前有漢江間阻即或因上游江面稍窄賊人
竟有偷逸宜綿現在達州應早得漢陰廳稟報預
為籌備況湖南撤回廣東兵四千名此時早經到
彼該處帶兵大員甚多宜綿諒已派員帶兵由太

聖祖聖訓編卷三十六

臣

平西鄉而來惠齡等亦帶兵渡江彼此夾攻賊將
何往至賊匪前欲偷渡漢江經知府周世紹等悉
力固守前據秦承恩奏到時已諭令惠齡酌派鎮
將大員前往帮同防堵此時自己派往其周世紹
等當賊匪竄至江邊時果係伊等堵禦不使過渡
或竟能殲擒首夥著秦承恩查明具奏候朕加恩
示獎再達州重石子等處賊巢經官兵層層圍逼

宜綿等一經竣事即酌分官兵十分之三前赴大
寧帮剿其餘大隊官兵迅赴西鄉漢陰一帶迎頭
剿賊更可迅速藏功也

二十日 已汪新奏言 臣前奉

諭旨以襄陽地方緊要令即回襄督率防堵彼時劉
君輔帶兵方抵漢陽尚未來鄖而鄖西甫經收
復賊氛未遠人心未安是以留駐旬日將招撫

聖祖聖訓編卷三十六

臣

難民派防要隘搜捕奸匪各事次第查辦茲劉
君輔於初十日帶兵抵鄖馬瑞巡查邊隘道過
郡城與 臣 會晤適接駐守上津堡員弁具稟賊
匪竄至秋糧川歐家川等處焚搶均與上津相
近現在劉君輔帶兵馳赴上津迎頭截殺馬瑞
帶兵馳赴竹山竹谿遏其潛竄入蜀之路即日
分投前往 臣 以上津堡在鄖西縣西北黃泥鋪

在鄖西縣正北均係接近陝省山陽鎮安且爲
由陝入鄖要路前經各派兵勇分駐嚴防此時
賊匪竄近上津該處尤關緊要先已飛飭派駐
鄖西縣治之同知周季堂將原帶鍾祥健勇八
百名移赴上津駐守茲得劉君輔前赴督率益
加嚴密至惠齡等各營所需糧餉軍火先因陝
省倉猝未集卽經安設臺站趕運供支近聞陝
省業已委員接辦臣思賊蹤忽無常大兵環
合圍剿正當萬分緊要之時應需一切軍儲寧
可量爲運貯以便隨時接濟且劉君輔馬瑀所
帶各兵及上津堡黃泥舖原派兵勇均須按給
糧餉是以原設腰站總臺未便據撤已飭在鄖
總理糧務知府張睿隨宜酌運總須寬備無患
臣卽日起程回駐襄陽總辦地方要件

同日柯藩奏言竊臣率同延檢綏道温承惠自
興安起身順道先抵洵陽文及白河據兩縣面
稟鄖西竄來賊匪三千餘人現在洵陽白河連
界之胡坪紫營大肆焚掠臣察看民情甚形惶
恐卽令温承惠安慰撫綏並於兩縣各安兵二
百名撥本地鄉勇六百名固守城垣民心始得
稍安適鎮臣艾如文前來臣面與商酌因鎮安
屬之毛坪一帶現有賊匪滋擾洵陽所管之仙
河口蜀河等處係通毛坪要隘倘賊匪潛出撲
搶縣治密邇興安所關非細查臣所帶兵一千
三百七十餘名除撥安兩縣四百名外尙有兵
九百七十餘名臣等復回洵陽一而於仙河口
蜀河各撥兵一百名牛心石撥兵二百名並各
撥鄉勇二百名令其實力把守仍一面飛札府

縣將沿江上下大小船隻飭令盡數撤歸南岸

以防賊人過渡臣等安置停妥正在帶兵往截

間初二日戌刻據興安府周世紹報稱有賊匪

一股從山陽奔竄兩河關查由兩河關至趙家

灣係直往興安大路臣等於初四日起至趙家

灣賊匪聞官兵追截已於初二日從兩河關翻

山越嶺直奔興安臣等確詢路徑由洵陽之蕭

《聖朝實錄卷六

三

草坪一帶可以逸至前途但查趙家灣尚有由

老樹嘴直往興安之路誠恐賊人又由彼竄往

臣一面飛札溫承惠帶鄉勇四百名迅往堵禦

臣即帶兵由蘭草坪趕緊迎截初五日申刻抵

黑虎嶺望見烟焰四起知有賊匪在彼焚掠相

距尚有二十里當將臣所帶之兵五百數十名

內先分二百五十名令艾茹文帶領由黑虎嶺

山澗躡荒徑抄往松樹壩截剿臣亦即由此

嶺山路前往夾擊見賊匪有百數十人正在焚

燒我兵吶喊齊進賊匪分兩股迎敵我兵奮力

剿殺刀砍矛刺殺賊七十餘名生擒趙金等九

名訊據供稱師傅張漢湖留我等一百餘人沿

路放火焚掠其餘三千多人已由松樹壩趕往

興安撲搶府城查興安並無多兵防守臣連夜

《聖朝實錄卷六

三

翻山行走於初六日早趕至興安據避難民人

咸稱賊匪知有官兵追截於初五日晌午已由

興安之柳林遶道直奔恒口地方滋擾查恒口

係通漢中大道尚有赴紫陽小路又有至興安

大路漢陰迤西廳縣兵守空虛誠恐賊人西竄

漢中或由恒口南山竄奔漢江潛行偷渡赴川人

夥抑或折回興安均不可定臣當將防守各處之

兵派撥三百名交艾如文帶領馳往沿江一帶
堵截其各堤尚有兵二百七十名並在新城防
守兵內撥出兵八十名共湊兵三百五十名派
遊擊阿克東阿星馳帶赴漢陰堵禦以遏賊匪
西竄之勢今接艾如文來札果見賊匪在流水
店紮筏偷渡當經該鎮用鎗礮擊斃賊十餘
名帶傷落水者二十餘人賊匪始行退去艾如
文亦卽在江岸紮營堵截旋據報有從鎮安屬
之紫溪河竄來一股賊匪越過磨溝地方焚燒
搶掠又據報鎮安東毛坪竄來第二股賊匪三
千餘人已至洵陽之開家溝紮營距蜀河口五
六十里距兩河關一百餘里臣應卽帶兵前往
截殺但存剩之兵祇二百數十名現在各堤防
守所有宜綿調撥之寧夏西寧兵一千名因商

聖朝聖訓卷三十六

單

川緊急先經截留甘肅兵一千名業經停止其
撒拉爾回兵二千名臣屢次行催據帶領之員
稟報兩奉陸有仁札諭令其暫停循化尙未起
身緩不濟急臣實不能分身追剿惟有將興安
郡城設法防守竭力保護飛咨惠齡秦承恩迅
速撥兵趕來興安以便臣與艾如文分領截剿
可期肅事均奏入

聖朝聖訓卷三十六

單

上命軍機大臣傳諭宜綿重齡恒瑞興肇慶成秦承
恩柯藩日汪新奏稱賊匪竄至上津堡之秋糧川
等處劉君輔等帶兵前往截殺等語昨據恒瑞奏
所追東竄之賊經鄆西兵勇堵剿復折回西竄汪
新等所奏情形自卽係恒瑞奏聞之事此時賊既
西竄離上津堡已遠劉君輔等自當仍行留心防
範倘賊匪因恒瑞帶兵兜剿復又竄回正可痛加

賊戮如該處已無賊匪則劉君輔馬瑀仍當前赴興安一帶幫同惠齡等剿辦不必在鄖西無賊之處株守又據柯藩奏訊據賊匪供稱賊人欲由松樹壩赴興安撲搶府城柯藩一面令艾如文由黑虎嶺抄往截剿柯藩卽連夜趕至興安防護郡城相隔一江賊匪紮筏偷渡業經艾如文在流水店用鎗礮擊退但上游一帶江面窄狹恐賊於水淺處所潛行偷渡不可不嚴爲防堵賊匪狡詐多端其所稱遠赴郡城等供安知非奸黨詐散謠言以爲牽掣官兵之計若如此處處隄防東西跋步不但兵力分而見單亦且疲於奔走柯藩等總須擇要迎剿方爲得力又據稱所調撤拉爾回兵二千名陸有仁令其暫停循化尙未起身此項回兵前據秦承恩奏檄令由鞏昌一帶前來漢中興安迎

剿正資其力想帶兵之員接到檄催自己兼程行走趕赴漢興但朕前降諭旨原因甘肅地方緊要陸有仁冒昧調兵未免張皇是以加之訓飭令其回甘駐劄至此次乃宜綿所調陸有仁何得一律拘泥以致遲悞軍行實屬大錯陸有仁着交部嚴加議處仍傳旨嚴行申飭並着秦承恩將陸有仁因何停緩回兵之處嚴行奏奏仍就近飛催帶領之員加緊行走迅至漢興一帶迎截賊匪勿再遲延再此時賊匪尙在漢江以北逃竄而興安郡城係在漢江之南何以柯藩轉往郡城防守與賊相隔一江該提督現帶兵力較單旣不能趕剿前股之賊而後兩股之賊接踵而至柯藩或恐前後受敵是以暫往郡城駐劄但秦承恩昨奏已撥兵一千名前往協助柯藩等得此兵力更可逼賊西竄

聖朝聖訓卷之六

聖

聖朝聖訓卷之六

聖

想秦承恩處與柯藩相距較近延綏等營及莊浪
土司兵刻下早抵該處柯藩豈可向在郡城逗遛
耶賊匪西竄遠去大約距惠齡慶成等已有兩三
日路程是賊匪行走一日之路惠齡慶成竟須行
走兩日使賊得乘間遠颺看來柯藩已不免在賊
匪之後而惠齡慶成更在柯藩之後如此遲緩所
辦何事惠齡慶成等先着嚴行申飭如惠齡自揣
精力不能加緊過行慶成年正富強亦應令該提
督帶領壯健兵丁兼程趕往前途與柯藩等會合
迎剿不可彼此觀望惟事尾追此時賊匪所在前
有漢江阻隔又有官兵堵剿正可逼緊追捕痛加
剿殺若惠齡不能趕上前股西竄恒口之賊亦當
將後股賊匪痛剿擒渠若二者皆不得力使賊得
於上游窄淺之處偷渡竄往巴州東鄉則宜綿明

欽定剿平三省邪匪方略

正編卷三八

亮自早得漢陰一帶地方官稟報必預派兵巡剿
以遏其歸併川匪去路而惠齡恒瑞與肇慶成帶
兵自北下壓兩面夾攻亦可得手與其使賊於陝
境未經蹂躪地方焚掠無寧逼令歸併達州以期
合力兜圍此係不得已中之好機會各帶兵大臣
等勉之

欽定剿平三省邪匪方略

正編卷三八

欽定剿平三省邪匪方略正編卷三十九 丁巳年

五月二十一日庚申額勒登保福寧奏言前此進

剿車家灣黃花坡等處賊匪因分水嶺橫隔而

芭葉山之大壙口賊又劄有木城官兵急切不

能進取臣等查分水嶺半山原有小路可至大

壙口遂定於初四日發兵臣額勒登保由黃花

坡進攻分水嶺臣福寧由吳家坂出簡家槽分

《剿平三省邪匪方略卷三十九》

擊俾賊匪顧此失彼是日五鼓臣額勒登保督

率綸布春薩克坦布等帶兵繞至分水嶺沿坡

賊匪劄有卡座官兵突入剿殺連得賊卡七八

處賊匪死者無算千總李榮光首先擊賊中鎗

陣亡天甫黎明距對面大壙口尙有五六里賊

匪於大壙口木城下築有長石卡一道卡內放

鎗甚密並有賊礮官兵所過之路羊腸一線難

於存住遂即撤回臣福寧督同遊擊多福都司

孫效前等率領兵勇搶上簡家槽賊匪俱於民

房佔據滾木擗石俱下孫效前等奮勇直撲拋

擲火彈將房屋焚燒賊人被燒中鎗死者甚多

自簡家槽以上均係懸崖陡坎賊匪於山巔劄

有木城石卡施放鎗礮且官兵離吳家坂已有

五六里山路錯雜難以輕進該匪等為官兵四

《剿平三省邪匪方略卷三十九》

面緊逼處處劄有木城石卡深挖濠溝以為抵

死抗拒之計大壙口係芭葉山要路必須攻得

而欲破大壙口又須先克分水嶺臣額勒登保

復於初五日抽調各卡奮勇官兵從分水嶺背

面徑上岩壁既陡箐林又密綸布春三音庫等

率領兵丁隨處砍伐攀援挽擊自辰至未甫至

嶺巔臣額勒登保亦即踵上眼見賊匪奔來大

坑口木城當將礮位用繩繫上連放數礮打入
 木城賊匪驚惶而男婦猶數百為伍蟻聚蜂屯
 被礮飛擊跌仆始行藏匿正欲乘勝下壓直撲
 大坑口因嶺下坡坎陡削又係活沙官兵未能
 遽下卽擊卡駐劄初六日至初九日晝夜雷雨
 不止初七日擊獲匪犯陶世能訊供林之華覃
 加耀因糧食短少山上青麥未熟不能久住官
 兵緊逼大坑口實在畏懼今於雨中下山踴路
 仍欲脫逃查大坑口一帶營卡俱甚結實恐各
 路營卡尙有未能周密之處臣額勒登保於初
 九初十等日由鄔陽關至金雞口沿途察看
 營卡俱屬嚴緊自金雞口至蠻路口層巒疊嶂
 道路綿長營卡尙覺稍疎當卽酌量抽撥官兵
 三百餘名擬於猪耳寨三股嶺等處扼要山梁

聖祖聖訓卷五

三

添擊營卡初十日帶同關騰等甫經上嶺賊匪
 竟敢攢聚先於隔溪放鎗直犯官兵並卽上坡
 希冀截路臣額勒登保督令侍衛官兵奮力攻
 擊斃賊多名尙相持不下諸神保由打子臺帶
 兵趕至兩路截殺賊始潰竄官兵追殺二百餘
 人遊擊林朝輔鎗箭疊斃賊匪猝為賊鎗所中
 陣亡遂分兵卽於猪耳寨三股嶺一帶擊卡十
 餘處金雞口有慶溥駐劄營卡聯絡可無他虞
 並卽令關騰移駐蠻路口防範當此事在番成
 如各路有間可乘臣等敢不盡心剿辦以期殲
 擒賊首掃蕩賊巢此次打仗弁兵間有傷亡容
 另查明咨部辦理再將軍成德於前月二十七
 日在石子坳等處打仗之後卽遍身發熱飲食
 減少伊年逾七旬精神委頓臣等先後前往看

聖祖聖訓卷五

四

視諄囑安心調養云入

上命軍機大臣傳諭額勒登保福寧曰額勒登保等
分路進攻分水嶺等處山梁雖未擒獲賊首但已
將緊要山梁卡座攻克並於要隘接擊營卡緊逼
賊巢兩次打仗殺賊均為奮勇出力額勒登保福
寧著各賞白玉喜字牌大小荷包綸布春諸神保
關騰著各賞喜字玉搬指大小荷包其殺賊陣亡

《聖朝實錄卷五

五

之遊擊林朝輔千總李榮光俱著咨部加等該
該處賊匪勢已窮蹙勒登保素為奮勇諒必不
肯稍涉選懦其所稱連日密雨暫行擊卡駐劄之
處自屬可信但天氣晴齊後即當乘勝進逼至林
之華等因口食短少不能久住現在踴路希圖脫
逃不可不嚴密防範額勒登保等務須督率將領
官兵四面圍逼斷不可稍有疎忽致令乘間逃往

鶴峯建始等處為要至閱所進圖內賊前據之黃

柏山距芭葉山不遠今芭葉山賊匪築有木城賊
卡堅固林立斷非倉猝可辦從前額勒登保等若
非子賊以暇即係守禦不嚴疎縱之咎皆所不免
惟在此番速擒首逆尚當加之恩獎不究前罪也
又據奏成德在石子坳打仗後感冒致疾尚未就
痊曾否調理全愈現在正當圍剿緊要之時石子

《聖朝實錄卷六

六

坳地方祇有成德駐劄今又患病恐未能督率嚴
防閱圖內西北一帶有諸神保關騰張廷彥三人
在彼分駐著額勒登保福寧酌量情形抽撥一入
前赴石子坳替換成德防守方可放心

二十五日^甲與肇奏言^臣前因勞峪口距賊已

遠地方寧謐於四月二十二日會商恒瑞奏承
恩帶兵馳抵秦嶺口堵防嗣探知賊匪相離更

遠未便株守卽於五月初八日前進相機堵剿
初十日行抵廟臺地方據鄉勇等報稱有賊屯
潛回賊匪楊一喜王雲海等二名在曹家坪窩
溝石望溝一帶欲圖勾結習教匪徒歸夥現俱
在窩溝屯聚懇請剿辦等情臣卽帶兵行抵曹
家坪傳集鄉保詳詢屬實當卽帶領健銳營翼
長富廉等馳赴窩溝密派官兵繞赴山後先將
溝口扎住然後督兵前進搜捕該匪等見事已
敗露公然持械抗拒富廉等鼓勵將士鎗箭齊
發登時斃賊數十餘名餘賊搶上山坡擲石回
擊富廉等見其技窮卽督率馬步兵丁一擁撲
上賊俱四散敗竄經官兵趕上矛刺刀砍又殺
賊數十名并擒活口二十一各口楊一喜亦在
其內臣復飭令細加搜捕實已淨盡無遺訊據

欽定剿平三省邪匪方略

正編卷三九

欽定剿平三省邪匪方略 正編卷三九

楊一喜供係黃梅縣人素習邪教窩溝石望溝
兩處俱有徒弟前月二十二日賊到採玉窩時
就投入賊營幫同打過一仗因聞得各路俱有
官兵所以潛回思要結勾衆人一同前去不意
官兵到來就被拏獲其餘各犯俱係從犯臣審
明後卽於軍前正法梟示其婦女幼孩五各口
發解商州照例辦理現在探知賊首在西奔竄
此一帶地方無須防堵臣卽帶兵趕赴鎮安探
明惠齡恒瑞慶成等何路緊要卽歸併何路協
同剿辦奏入

欽定剿平三省邪匪方略

正編卷三九

欽定剿平三省邪匪方略 正編卷三九

速行加緊具奏

二十六日^{乙丑}宜綿明亮德榜奏言^臣等奪佔

分水嶺火石嶺兩處山梁賊匪被圍緊急連次

來撲營卡俱被兵勇擊退亟圖分路逃竄查賊

巢東南北三面官兵營卡較密而西面白羅江

口至瓦窑壩二十餘里稍覺空虛賊匪若乘虛

西竄方坪山或折而北入陝境與楚匪彼此接

聖朝聖德編卷九

九

應均為可慮^臣等隨趕緊招募本地鄉勇四千

五百名派參將瑪靈阿帶領配以官兵分安上

下毛坪及各要隘口嚴密巡查設卡把截^臣宜

綿移駐大成寨係中西兩路適中之地以便往

來策應^臣明亮仍駐富成寨^臣德榜泰仍駐茨

菇梁探明賊匪從何路竄逸即就近派兵截殺

初八日賊匪二三千人潛赴花潭子欲由彼處

過渡竄入新寧經防守東琳河副將王承勳帶

領兵勇追擊穆克登阿西津泰聞鎗礮之聲隨

即帶兵截回殺斃賊匪多名^臣等思賊匪聲言

南竄更不可不注意西北遂傳令西北各卡加

意防守十三日五鼓賊首王三槐果率眾四五

千人分為五路直撲北路毛坪一帶營卡^臣德

榜泰即帶領巴圖魯侍衛溫春副將德寧等帶

聖朝聖德編卷九

十

領漢土官兵山萬古樓前往接應又令總兵達

音泰同巴圖魯侍衛安慶等帶領兵勇由張家

山從旁截殺總兵朱射斗同巴圖魯侍衛墨爾

歡保等帶領兵勇由黃家山赴觀音坪從後抄

截觀成奎舒明興即分投在各營卡往來督兵

堵禦^臣宜綿明亮聞報即督率總兵索費英阿

等馳往督戰賊匪衝入毛坪鄉勇頭卡瑪靈阿

帶兵二百名從高壓下守備樊模王玉龍等帶
領鄉勇分兩翼繞出其後奮勇攻擊賊匪力不
能支而達音泰朱射斗溫春等亦帶兵趕到併
力截殺賊匪大敗王三槐中鎗落馬賊目鄭文
禮卽將自己所乘之馬給王三槐乘騎而逸兵
勇趕上將鄭文禮拏住又有王三槐之義父賀
宗盛中鎗倒地一併擒獲此外獲賊十一名共
計斃賊三百餘名奪獲各器械收存備用隨將
賀宗盛鄭文禮二犯及所獲餘匪分別磔梟示
衆臣等思賊勢日就窮蹙若就現有之兵直撲
賊巢似亦無難攻克但重石子香爐坪兩處有
名賊首俱在其中設令衝出追捕反爲費力現
在粵兵及各屬鄉勇陸續可到臣等卽分投帶
領攻取香爐坪重石子兩處賊巢一面督飭各

聖朝聖德

十一

營卡四面截殺賊匪既不能堅守本寨又無路
可以逃生定可一戰成功至方山坪之賊於本
月初六七等日連次下寨搶割麥豆俱經總兵
百祥督率叅將雷仁增順等分帶兵勇奮力截
殺斬獲甚多查方山坪地面遼闊山勢險固百
祥帶兵僅止二千未能蕙事現駐劄大羅坪扼
其要害匪徒不敢大肆鴟張俟剿辦東鄉賊匪
竣事後臣等卽酌量情形分帶弁兵進剿以期
迅速蕙事
宜綸又奏言臣前因楚省賊匪竄至商州境內
一面抽撥兵一千五百名交柯藩艾如文帶回
剿辦一面傳催所調甘省官兵及撤拉爾回兵
徑抵興安聽候柯藩調遣並飭隨營之漢興道
文需迅速回陝督辦防守事宜復委隨營之榆

聖朝聖德

十一

林守托銘趕回幫同與安守周世紹捍衛郡城及柯藩艾如文先後馳抵興安因白河洶陽信息緊急卽分投前往將所帶之兵派撥城鄉各要隘旋赴蜀河口一帶防堵茲據周世紹托銘稟稱賊匪一股由漢江北岸西竄已抵榔林子地方距郡城僅五六十里賊人偵知有備又無船隻可渡隨由松林壩竄至恒口鎮距漢陰廳

聖朝聖德編卷九

三

治甚近並據漢陰西鄉石泉等縣紛紛告急

臣

查興漢所屬存營之兵本少前次剿辦安康紫陽賊匪在在設卡防守及興屬肅清時值農忙鄉勇散歸力田此次竄匪突至若不設法剿辦勢必蔓延為害萬一竄入川省邊境更屬不成事體臣現在所剿重石子香爐坪之賊勢漸窮感而所調粵兵尙未到營正在萬分吃緊之時

若一經抽撥賊匪必至潰竄四出反至兩地不能兼顧前次所調甘省綠營官兵計期當已早到西安正值秦承恩堵剿另股竄入孝義之賊必截留備用且亦不能繞出賊前惟有撤拉爾回兵二千名臣前聞楚匪竄至鄖西卽慮漢中空虛恐賊匪由小道乘間竄入隨飛札前由軍營派往甘省催調撤拉爾回兵之遊擊蕭福祿

聖朝聖德編卷九

四

令其逕由鞏昌漢中前進若賊匪西來卽可迎頭截殺並連札陸有仁催令回兵兼程前進去後迄今尙未得其入陝信息計程當亦不遠是此項回兵正可藉以剿辦興安漢中境內竄匪惟自循化起程道路較遠沿途並無大員彈壓恐行走不能迅速查有隨營副將李文尉本係回教都司白印斗曾經帶領回兵亦屬能事現

派該二員馳赴陝省漢中一帶董率照料與蕭福祿協催前進探蹤迎擊仍飛札阿藩艾如文相機剿洗前後夾攻以期速行竣事

同日英善奏言臣 疊奉

諭旨以達州之賊在該州境內焚搶村庄若干川陝兩省有賊者約十分之幾被擾州縣難民復業者已有若干現在如何安輯撫綏並查今年閏六月聖者邪匪彙編卷五 五 是否可以趕種晚田如有力不能耕者即當賞給籽糧及時趕種仰見

皇上軫念黎元至意查川省幅幅遼濶共計三百三十一州縣其賊匪滋擾之區係川北邊界地方不過一隅以保甲計算達州共三十保被賊擾者十三保新寧縣共十保被賊擾者五保東鄉縣共十五甲被賊擾者十二甲巴州共二十四

甲被賊擾者六甲大寧縣被賊擾者係九龍池一帶地方就六州縣而論受害情形輕重不一而按之通省形勢不過百分之二三自大兵剿辦以來凡遇蕩平一處臣 即派正佐各員招徠撫卹每大口給米五合小口減半並搭蓋棚廠給與棲止其年力精壯情願充當鄉勇站夫者照例給與鹽菜口糧亦可自食其力至賊匪起事之初居民倉猝奔逃流離四散先經臣 飭令該地方官及遠近各屬一體收養酌給口糧護送回籍嗣因時值春耕難民等籽種牛具蕩然無存當飭地方官查明酌借以資耕作達州新寧太平三州縣賑借事宜業經奏蒙

聖恩分飭道員督率印委各員實心經理現在該州縣難民均已復業及時栽插至東鄉巴州大寧

三州縣賊氛雖未盡除而大兵四面圍逼賊匪無由蔓延難民亦漸復業現飭安員遵照章程隨時撫卹一律分別賑借本年六月逢閏節後較遲嗣後歸業農民尚可補種晚禾雜糧以資接濟惟有督飭道府等實力查辦務使閭閻均沾實惠斷不敢任聽吏胥捏冒侵扣均奏入

上命軍機大臣傳諭宜綿明亮德楞額奏稱藩曰此次

聖旨

七

賊匪潛逃花潭子地方欲圖竄逸經宜綿等派兵分路截殺殲斃多人所辦俱屬可嘉宜綿明亮德楞額著各賞鑲寶石帶環玉喜字牌玉搬指大小荷包觀成穆克登阿奎舒著各賞金盒密蠟嘉字牌大小荷包達音泰索費英阿百祥朱射斗西津泰明興著各賞玉搬指洋玻璃盒大小荷包以示優獎賊首王三槐中鎗落馬仍被賊目給馬騎逸

聖旨

六

殊為可惜但賊匪經此番痛剿諒已胆落此時湖南撤回粵兵早到宜綿等所調梁山等屬鄉勇更當先至務須乘勝進剿將重石子香爐坪兩處賊巢速行攻取擒拏首逆再將方山坪大寧全行掃蕩又據奏抽撥將弁迎催撤拉爾回兵截擊陝省竄匪一節此項回兵昨據柯藩奏稱陸有仁令其暫停循化已降旨將陸有仁交部嚴加議處然猶俟奏承恩查明覆奏今宜綿亦奏稱此項回兵速札陸有仁催令兼程前進迄今尚未得其入陝信息是此事竟係陸有仁停留遲緩貽誤軍行其罪更無可諉業經降旨將陸有仁革職拏問解京治罪英善可不必留駐達州即赴甘省代辦總督事務庶呼應較靈其四川總督事務即著宜綿就近兼辦至所調回兵現經宜綿於札催後又派員催

趙前進自必卽日到柯藩等處又有秦承恩派
撥之延綏莊浪兵一千名正可迎赴漢陰一路奮
力截擊斷無在南岸與安坐守之理著柯藩等卽
將撤拉爾回兵於何日到齊如何迎頭截剿之處
迅速具奏

上諭內閣曰前因陸有仁將撤拉爾回兵暫停循化
以致遲悞軍行辦理錯謬當經降旨將陸有仁交

聖朝聖訓卷九

九

部嚴加議處茲據宜綿奏稱連札陸有仁催令回
兵兼程前進迄今尚未得其入陝信息等語漢中
一帶兵力稍單是以檄調此項回兵以資截剿之
用乃教匪竄至漢陰而回兵尚在循化且經宜綿
派員迎往連札屢催此時尙無入陝之信是陸有
仁從前遇事張皇假稱自願帶兵前赴陝境一經
降旨申飭正稱其不欲向前之心於檄調應援之

兵亦竟屢催罔應遲悞軍情較永保之漫無調度
者尤爲過之不必更俟部議陸有仁卽著革職拿
交刑部治罪至四川軍需事務本有該省司道董
率辦理且宜綿現在川境帶兵剿賊所有四川總
督事務卽著宜綿就近兼辦俾得一手經理呼應
更靈英善著卽馳驛前赴甘肅新任藩司楊揆現
在川省未卽赴甘英善著仍以刑部侍郎兼攝藩
篆并代理總督事務

聖朝聖訓卷九

二十

三十日_已惠齡慶成舒亮奏言_臣等自黃龍鋪
痛剿賊匪敗賊兩股一由東南之秋糧川逃竄
恒瑞等督兵前往截剿一由西南之西毛坪奔
竄_臣惠齡慶成等帶兵截剿途次探聞鎮安縣
所屬茨溝于仙溝閬家溝西溝口等處均有新
起教匪或數十人或三四百人在彼糾聚卽欲

蠢動^臣等一面督兵截剿西竄之賊一面密派

鎮將員弁分帶官兵前往出其不意逐一搜剿

旋據該將弁等將各處伏匪剿辦完竣並搜獲

白旗刀矛器械又擒獲活賊二百七十八名解

送來營訊據供稱該犯等素習邪教去歲已具

結改悔現因賊匪差人勾結是以聚集等候入

夥該犯等怙惡不悛甘為逆黨當即分別凌遲

《聖朝聖訓編卷五

主

梟示婦女幼孩發交該地方官照例酌辦連日

差探竄賊已分向西面狂奔又接到恒瑞來信

知東南竄賊被鄖西鄉勇截回亦向西竄是各

股賊匪俱已奔投一路^臣等竊料漢江南岸現

有柯藩艾如文在沿江一帶督兵堵截並接秦

承恩來札添派副將田有成帶兵前往協助自

無虞賊匪偷渡且聞恒瑞等已自東南追來正

當乘此機會將賊匪圍至江邊庶兩岸環攻易

於蕪事^臣惠齡隨即札知興肇富爾賽各帶原兵

由西北前來兜截^臣等隨自東北掩擊十七日

馳至漢陰應據署通判熊恢宇面稟西竄各匪

知大兵下歷未敢停留焚搶俱向西南沿江地

方奔竄聞得已有賊匪一股於本月十二日由

紫陽縣屬白馬石地方搶船過江^臣等聞之不

《聖朝聖訓編卷五

主

勝駭異查^臣惠齡自入陝以來屢經札會秦承

恩柯藩艾如文嚴飭該地方官務將船隻概令

移泊南岸並督兵在漢江上下口岸相機堵截

何以毫無防備竟至賊匪搶船渡江今越五日

之杳無音信而賊匪如何搶渡及過江後竄

往何處該地方官亦無隻字稟報寔不可解今

既有在前偷渡之賊各股逆黨自必尋蹤竄往

而恒瑞現亦未經趕到與肇富爾賽均不知現
在何處_臣等難于緩待當各選帶精壯馬步弁
兵連夜分路兼程向前抄截沿途所遇零星竄
匪殲斃無數於十九日先後馳抵鳳凰山高嶺
詢知嶺西卽係漢王城白馬石漩窩灘等處渡
口並探得賊匪在彼偷渡_臣等卽分投前往乘
賊爭渡之時痛加剿殺自十九日申刻至二十
日辰刻在漢王城等處渡口督率侍衛章京馬
步將弁兵丁施放鎗礮擊斃賊匪數百人伏屍
滿岸擊翻渡船七隻落水淹斃者不在此數尙
有未及上船四散奔逃被獲者共男婦三百餘
人當訊據獲賊袁茂黃等供稱教首李全王廷
詔姚之富等三股均已歸併一處被官兵抄截
緊急人心想逃過漢江因恐對岸有兵攔阻先遣

聖朝聖德編卷九

三

人前來探聽見無准備纔陸續過去欲從西鄉
一帶逃往川省該犯等行走不及是以被獲隨
卽概予駢誅並獲有爲賊擺渡之水手錢正萬
等據供五月十二日賊匪由白馬石搶船渡江
屬實是該地方官並未將船隻拘泊南岸賊匪
偷渡後又不通稟而白馬石等處渡口並無兵
勇堵截均應查辦_臣等已飛咨秦承恩查明具
奏並將前調撤拉爾回兵飭令不必過江現在
行抵何處卽由彼徑赴軍前以備協剿並札知
宜綿迅卽撥兵前來川省邊界堵截_臣等趕將
擊壞船隻畧爲修補先卽督兵渡江追剿諒恒
瑞與肇等不日亦可趕到_臣等分路前進設宜
綿已派官兵將賊截住正可併力剿賊倘賊衆
竟與川匪合夥亦自屯聚高山不復肆竄宜綿

聖朝聖德編卷九

四

與臣惠齡等兩路兵力較厚分布圍攻似易得手斷不敢稍有遷延

同日汪新奏言臣欽遵

諭旨起程回襄由水程順道稽查均州光化穀城一

帶營卡尙俱嚴密各境村農耕作如常民情寧

貼回抵襄郡因查襄陽棗陽宜城隨州鍾祥京山

孝感等處避賊難民業俱先後各歸本籍惟甫

聖祖聖訓編覽

五

經安集亟須優加賑卹現已派委妥員分赴各

處協同該地方官逐細編查丁口及被燒房屋趕

于日內造送確冊責成該道府覆核以憑給發

三月正賑並予房屋修葺以期難民均霑寔惠

仰副

聖上軫卹深仁至現在賊匪竄入陝境襄安一帶距

賊較遠之處原募鄉勇為數甚多目下節屆芒

種蒔插方殷業已酌核情形大加裁撤惟接惠

齡札會軍營需用鄉勇隨同打仗飭令鄖郡各

屬調遣數千名赴營應用即經先後雇募前往

再查賊匪現既全數渡過漢江是江之東北一

帶均已無賊所有秦承恩調來山西兵二千名

延綏兵一千名宜綿調來甘肅兵二千名及柯

藩艾如文帶來兵二千五百名自毋庸分防各處應

聖祖聖訓編覽

五

請將延綏兵一千名留于川陝各要隘分防其

餘各兵應令原帶提鎮各員分行管領隨同前往

剿賊查四川大寧縣地方現亦有匪徒蠢動該

處與湖北之竹山竹谿等縣連界總兵馬瑀帶

兵在彼策應但兵力單薄殊不足恃而劉君輔

現帶官兵在鄖西上津堡駐劄離賊已遠可以

撤去兵數亦屬無多惟襄陽夾河洲一帶尙有

總兵徐昭德等帶領官兵在彼彈壓該處離賊更遠應酌量撤出統交劉君輔帶領移向竹山等處嚴防以期聲勢連絡就近察看大寧賊匪情形隨宜進剿均奏入

上命軍機大臣傳諭宜綿明亮額勒登保德楞泰福寧惠齡恒瑞秦承恩汪新慶成柯藩日惠齡等自十六日奏報剿賊情形後迄今已踰半月盼望甚

聖訓彙編卷九

七

切本日惠齡等報到以爲已將竄匪痛殲及加披閱賊匪已於五月十二日由白馬石搶船渡江並據獲犯供稱李全王廷詔姚之富等三股已歸併一處惠齡等竟已放賊全數偷渡漢江尙敢覩顏陳奏無恥之至並將在黃龍鋪剿賊已往之事詳悉鋪敘尤屬無謂據稱賊匪搶船渡江已越五日之久地方官未經稟報固屬有罪但惠齡等緊追

賊匪今賊已渡江五日伊等始經趕到是行走落

後亦已五日剿賊機宜卽片刻亦不可遲緩何況

至五日之久豈非予賊以暇乃惠齡等竟以賊匪

搶船渡江與伊等無涉可笑已極況兵法有半渡

而擊者賊匪於十二日偷渡時若惠齡等急躡賊

蹤趁賊匪攜挈男婦慌亂之際邀之半渡痛加擊

殺可以聚而殲戮乃坐失機會實屬大錯至恒瑞

聖訓彙編卷九

天

追剿後股東竄之賊賊旣折而西竄併入前二股內恒瑞卽應上緊尾追與惠齡等歸併一路會勦何以摺內稱恒瑞亦尙未趕到雖惠齡等首先貽悞不能諉罪於恒瑞而恒瑞之罪亦卽在惠齡之次又查閱惠齡等前進原圖惠齡慶成在鎮安與恒瑞會合將賊勦敗前兩股之賊向西奔竄係惠齡慶成帶兵追剿第三股之賊向東奔竄係恒瑞

追剿嗣經恒瑞具奏鄖西鄉勇攔截賊復折而西
向恒瑞自當躡蹤追剿何以三股之賊俱併為一
股而恒瑞既不能趕上賊匪又不能與落後之惠
齡慶成會合一處是賊能歸併而統兵大臣轉不
能會合尤屬可惡可笑又賊匪于十二日偷渡惠
齡等于十九日始到白馬石相距已有八日賊匪
卽陸續偷渡豈有八日不能渡畢之理而摺內尙

聖祖聖孫編卷九

五

稱剿殺後渡賊匪此不過爲站脚地步亦如伊等
節次所奏殺賊無筭之語無可考據不足憑信至
柯藩等在洵陽一帶正當遏賊西竄之路乃藉稱
兵少防守與安郡城渡江而南已屬非是况秦承
恩續撥之莊浪等處兵一千名諒已早到豈有賊
匪偷渡八日而柯藩近在郡治尙毫無知覺
既不在城外沿江防堵截殺又不能趕赴惠齡等

一路殊不可解惠齡恒瑞慶成柯藩艾如文均著
傳旨嚴行申飭仍各據實明白回奏此次種種玩
悞若按軍法從事其罪尙不止于拏問惟因一時
帶兵乏人姑予以立功自贖之路惠齡所有前賞
宮銜世職雙眼花翎及恒瑞柯藩艾如文花翎俱
著革去暫留本任頂帶慶成除前已革去宮銜花
翎巴圖魯各號外著再降爲二品頂帶亦暫留提
督本任以便管轄兵丁再觀後效舒亮著降爲三
品頂帶暫留副都統之任伊等經朕此次格外寬
宥自應倍加感愧上緊剿賊勉贖前愆若再仍前
遲悞必將伊等于軍前正法示衆决不寬貸看惠
齡等所奏情形賊匪早由西鄉竄入川境宜綿前
接漢陰廳稟報自己酌派大員前來堵剿何以未
據奏到今賊匪已偷渡南岸若遂州賊匪現已剿

聖祖聖孫編卷九

三

竣宜綿明亮等俱應帶兵前來合剿倘該處搜捕
尙畧需時日或令明亮德楞泰帶兵與惠齡等兩
路夾攻或酌派提鎮大員會剿以資得力此在宜
綿酌定就目下情形而論宜綿等一路調度俱合
機宜今賊匪竄至川境而惠齡屢經貽悞豈可復
膺總統之任著一併革去與恒瑞慶成等分路帶
兵各爲領隊聽候宜綿調遣一切軍務著宜綿總
統明亮德楞泰幫辦以期事權歸一至惠齡恒瑞
慶成柯藩艾如文等此次如何貽悞之處並著宜
綿先行查明據實奏若惠齡等因此更不加以
一切誘之宜綿以致悞事則伊等更當得何罪耶
又據惠齡等奏稱札知興肇帶兵前來相機堵剿
等語前此興肇亦曾以惠齡等以剿辦另起勾結
教匪敷衍文飾具奏但現在興肇究竟會否趕上

欽定剿平三省邪匪方略

正編卷三九

賊匪與惠齡等會合何以未據續奏至漢江北岸
船隻前據秦承恩奏已飭令移泊南岸今據惠齡
等奏稱屢飭該地方官速行移泊何以復被賊匪
搶船偷渡是秦承恩前奏豈非空言若係地方官
奉行不實該撫早應據實參辦並查明惠齡等於
何時札會地方官係屬何人著詳晰加緊速奏秦
承恩於此事未能預飭妥辦其咎已無可辭朕因
惠齡等諸凡貽悞於秦承恩且不加責備倘該撫
於移泊船隻一節心存迴護不肯據實參辦恐該
撫亦不能當其咎也再據汪新奏接惠齡札會飭
令鄖郡各屬調遣鄉勇數千名赴營應用所辦大
錯賊匪由楚而豫楚省已無賊匪今由豫而陝復
由陝至川則豫陝兩省亦俱無賊惠齡等卽欲調
集鄉勇亦應就近于川陝調用何以復遠向鄖西

欽定剿平三省邪匪方略

正編卷三九

鄖陽等處檄調况前據惠齡等奏鄉勇一項必須官兵在前方可倚仗何以此次又復有此調派惠齡曾任湖北巡撫豈不知該省鄉勇僅能防護鄉間於衝鋒陷陣不能得力乎至陝省邊界地方亦關緊要秦承恩祇須於漢江北岸一帶駐劄彈壓不必同赴川境所有惠齡等調撥山西甘肅等兵可卽令迅速前往協剿該撫亦不可擁兵自衛且

《聖朝實錄卷五十九

五

川陝各要隘已留延綏兵一千名足資分防設有不敷不妨就近雇募鄉勇應用其惠齡等所謂之湖北鄉勇著汪新飭知不拘行至何處卽令轉回所有沿途需費及口糧行裝等項俱著汪新查明原札列名之人著落罰賠以示懲儆又據稱川省大寧地方亦有匪徒蠢動應將鄖西上津堡及襄陽夾河洲駐劄之兵酌量撤出交劉君輔帶領移

向竹山一帶嚴防等語此時賊匪既由漢陰渡江竄往川境是上津堡等處離賊已遠何必留兵防堵置之無用之地現在大寧地方有賊匪蠢動不但劉君輔馬瑞當迅速帶兵在竹山竹谿一帶邊界堵剿卽總兵徐昭德此時又何必在離賊匪更遠之襄陽夾河洲駐守僅爲護衛汪新之計亦當帶領原有之兵迅往協剿不得稍有遲延倘該鎮

《聖朝實錄卷五十九

五

等不實力防堵使大寧賊匪潛至竹山竹谿有勾結之事則惟劉君輔等是問至大寧賊匪前已有旨令宜綿等酌派大員幫同剿捕究竟派令何人酌帶兵力若干亦總未據奏及卽著加緊速奏如此旨到時宜綿等已將重石子香爐坪等處賊匪剿淨自應帶領勝兵迎剿漢陰渡江入蜀之賊其大寧一路或令觀成穆克登阿並酌派鎮將帶兵

前往與劉君輔等兩面夾擊于自無難立時撲滅也
上諭內閣曰現在楚省辦理軍需用款繁多著派怡
親王儀郡王成親王慶桂在內庫封貯銀內動撥
二百萬兩交直隸領餉委員照例迅速解往

欽定剿平三省邪匪方略

正編卷四

欽定剿平三省邪匪方略正編卷四十四 丁巳年

六月初二日辛未額勒登保福寧奏言林之華單

加耀等節次被官兵圍逼於大荒口二荒口一

帶添築石卡木城並深挖濠溝併力抗拒而入

芭葉山要路除大荒口二荒口之外如慶薄所

駐之金雞口對面山梁原係賊人竄入芭葉山

之路已經該匪挖斷築有石城關騰現駐之蠻

欽定剿平三省邪匪方略

路口一帶與芭葉山尚隔一溪過溪又係懸巖

峭壁艱於進取臣等遂於十五日乘天氣晴霽

抽調各營卡官兵十六日五鼓臣額勒登保督

率綸布春等由石子坳進攻黃家村入二荒口

為一路臣福寧督率薩克坦布等由鄖陽關過

河進攻黃家村入二荒口為一路黎明會合先

將黃家村一帶賊匪全行剿殺賊卡房屋均即

燒燬乘勢搶上二堖口該處兩山夾峙勢甚陡
 險甫近賊卡賊匪集眾出卡迎壓巴圖魯侍衛
 官兵等爭先擊賊有上梯越坎仍放鎗箭者有
 攀藤援樹抄殺賊人者賊人抵當不住奔入卡
 內復被官兵趕殺無算孫清元褚大榮張順等
 首先跳溝直撲賊卡已將木城拆毀數尺賊匪
 捨死抵禦刀矛相接男婦情急將滾水潑出亂
 擲石塊而各處賊匪陸續趕來接應愈聚愈多
 惟時我兵攻擊已至午後張順右膀中鎗穿透
 肩窩褚大榮孫清元均帶石傷受傷弁兵亦多
 不得不暫行撤回_臣等本先派有官兵在半山
 埋伏策應遂令先發之兵一面擊賊一面捲撤
 賊匪公然追趕遇伏兵剿殺疊斃多人而竄_臣
 等復於十七八九等日仍分派巴圖魯侍衛官

聖朝聖鑒編卷四十一

二

兵無論晝夜更番於二堖口作進剿之勢使賊
 人疑懼全力顧備_臣福寧於十九日至_臣額勒
 登保營盤二十日五鼓一同進攻大堖口是日
 督率綸布春張廷彥諸神保巴圖魯侍衛將備
 等帶兵分路一由分水嶺之下繞至大堖口賊
 卡一由分水嶺之上攻至木城拋擲火彈延燒
 賊匪草房烟焰冲天賊人又復出卡抵禦被官
 兵兩面夾擊殘斃無數賊匪遁入木城石卡施
 放鎗礮推墮滾木插石石塊官兵無一人退却
 而山坡陡險一石下擲迸起數石接遞飛墮兵
 丁等藤牌擋牌不能蔽護而賊匪木城石卡甚
 堅濠溝亦深屢次奮力攻撲未能得手趕緊於
 分水嶺下擊卡三處晡後漸次收撤叅將皂保
 遊擊李錫命劉瑞都司閔懷希土都司阿朋楊

聖朝聖鑒編卷四十一

三

德明千總岑現佩均各受傷_臣等連日派兵在
二坑口誘賊意欲分大坑口之勢乃該處賊匪
仍復衆多總因賊匪自料必無生路是以捨命
固守其所據山梁周圍可見計山上糧食究屬
有限諒亦不能久支_臣等現在熟籌惟有拏卡
層層進逼另行設法生擒首逆再節次帶兵打
仗官員出力者甚多內把總郁宗海_{外委}桑漢
吳璉_{額外外委}張容武生馬兵張紹廷巴東鄉
勇頭目黃耀奎房縣武生鄉勇頭目邢交善等
殺賊更屬奮勇其漢土弁兵及鄉勇人等均有
傷亡另行查明咨部奏入

上命軍機大臣傳諭額勒登保福寧曰初閱額勒登
保等奏似所辦尙屬出力及閱至後幅額勒登保
等始則進攻二坑口因賊匪亂擲石塊並將滾水

聖署稽察奏稿卷十

四

潑出不能越卡而進仍行撤回復於次日進攻大
坑口又因賊匪遁入木城石卡放鎗滾石亦未能
得手兩次打仗並未痛殲賊衆而將弁兵丁轉致
受傷數人且官兵既經撤回所拏分水嶺卡座三
處自必仍爲賊有並未進搗賊巢不值特加賞資
其受傷之參將皂保遊擊張順等均著額勒登保
等存記統俟功竣再加獎勵所有把總郁宗海等
均著賞戴藍翎用兵之道全在統兵大員相度機
宜出奇制勝賊既負隅死守自當設計籌辦或攻
其無備或聲東擊西或絕其糧食或斷其樵汲卽
不然亦當用計離間賊黨豈有專恃官兵衆多冒
險進攻之理以國家有用官兵與一二匪徒輕生
拚命致多傷損殊爲不值福寧本未嫻軍旅不足
深責而額勒登保久經行陣當曉兵機何亦漫無

聖署稽察奏稿卷十

五

籌畫若此况既燒燬木城卡座逼近賊匪並於該處擊卡額勒登保等白當即在彼駐劄為得尺則尺之計何以又行撤回豈非前功盡棄即摺內所稱山上糧食有限不能久支等語亦不足信早經伊等奏稱芭葉山四面俱經官兵擊卡圍住試思賊匪甫由黃柏山奔逃至彼非在彼起事之處得以預儲糧食即倉卒裹帶亦必無多而山內荒僻處所何從得食若非下山掠取即有奸黨暗地資送否則何以久支時日額勒登保總當出奇設計尅期剿淨若多耽時日不特賊人得以悉力准備並恐匪徒乘隙他竄伊等俱受恩深重寧不思仰紆朕厯耶

初三日 壬申

上命軍機大臣傳諭宜綿惠齡秦承恩柯藩日前因

聖祖聖訓卷十

六

惠齡等行走遲延縱賊偷渡漢江降旨嚴飭頃又將伊等原摺細閱內稱俟將船隻畧為修整即行渡江追剿等語追剿賊匪不可稍緩須臾今賊匪於十二日偷渡惠齡等十九日始行趕到已遲緩七八日迨至江邊即應躡蹤追剿何以又不尅期濟渡江邊自有船隻即或不敷亦可紮縛牌筏進行何得從容暇豫修理船隻豈賊匪肯因官兵修

聖祖聖訓卷十

七

船在中途停候乎究竟賊匪渡江後是否徑行竄至達州抑或尚在沿途焚掠惠齡等自必得有信息此時官兵自己早經渡江曾否趕上賊匪何以未據續奏抑豈尚在修船耶著加緊明白廻奏柯藩艾如文本在洵陽一帶遏賊西竄之路乃不在江北堵剿轉渡江而南至興安郡城尙可藉賊多兵少為詞迨賊既渡江而莊浪等處撥調之兵計

已早到柯藩並不在沿江防守迎殺賊匪已屬玩
誤且賊已渡江八日柯藩等卽不能截殺賊匪亦
應趕赴惠齡等一路合力追擊何以從無一字奏
及豈惟知株守郡城藉此爲避賊安坐計耶秦承
恩駐劄鎮安槐樹坪地方賊匪渡江該地方官斷
無不稟報巡撫之理何亦未據奏聞况漢江船隻
前據秦承恩奏已飭令移泊南岸而惠齡等亦札
知轉飭移泊惠齡秦承恩飭令移泊船隻之人究
係何員此等玩誤地方官若不予以嚴叅何以示
儆秦承恩不能預飭妥辦已有應得之咎若再袒
護屬員不將貽誤之地方官據實查叅或軍需倘
有遲悞之處該撫自思當得何罪耶至宜綿業已
派爲總統一切軍務全賴調度伊係本省總督賊
匪偷渡後地方官自必隨時稟報宜綿得信後或

聖朝聖學編卷四

八

因達州剿賊緊要不能親自帶兵迎截亦必早派
大員前來迎剿所派係屬何人及賊匪曾否已入
川境何以總未據奏及朕因惠齡等種種貽悞心
緒甚煩宜綿其悉心調度明亮等幫同籌畫倍加
奮勉上緊趕辦以慰懸厪

初六日^{乙亥}柯藩奏言昨據洵陽等縣文武員弁

飛稟有從鎮安黑洞溝竄來第二股賊匪約四

聖朝聖學編卷四

九

五千人分爲三股一股在洵陽之仁河一股在
竹筒河歐家川一股由安康之黑水河竄至漢
陰之銅錢窖青泥溝天水河等處各肆焚掠滋
擾查賊匪詭詐異常分合無定^臣實深焦憤惟
計所領之兵除撥給鎮臣艾如文帶往漢江堵
禦暨遊擊阿克東阿帶往漢陰並撥置洵陽白
河防守外郡城存兵無幾又恐賊匪由南山小

徑竄奔前股會合入川或竟潛渡過江撲搶興

安更爲可慮是以臣復於存城兵內奏撥兵二

百名並延榆綏道溫承惠派經歷劉觀光主簿

項朝槐等帶領鄉勇六百名現在各堤防守兼

之賊分數股又恐賊匪乘虛而入祇可在城彈

壓以固民心隨札艾如文帶兵馳至恒口嚴密

堵禦茲於五月十四日據署紫陽都司韋洪飛

製看龍鳳編卷十

十

稟探得頭股賊匪於十一日夜間盡數逃至相

距紫陽六十里之沔峪河水淺處過江卽由瓦

房店連夜奔竄等情查瓦房店路接川界小道

極多前途各處並無官兵攔阻勢必竄入川境

當卽一面飛咨宜綿速派官兵星夜趕至前途

迎截毋令入川合夥一面飛咨惠齡分撥官兵

星赴興安以便臣帶領由漢陰鳳凰山徑截剿

二股賊匪茲於五月十七日二股賊匪已竄入

筒池舖經艾如文迅速趕上迤北山梁紮住賊

匪竟敢分頭撲搶官兵放鎗迎擊擊斃四五十

人賊匪退回午刻復糾結多人直撲山梁我兵

排鎗擊打賊匪伏地前進意欲趁空撲搶都司

蘇維龍帶領兵勇復用刀子扎砍賊匪三四十

人有一賊目身著紅衣搖動白旗放白鴿二隻

製看龍鳳編卷十

十一

頃刻各處賊匪紛集勢甚洶猛兵勇捨命拒敵

吶喊壓下施放連環鳥鎗約又殺死賊匪四百

餘人並執白旗頭目一名賊匪正在窮迫之際

忽新蓋子林木內衝出兩股賊匪從後直撲前

來將兵勇分爲兩截兵勇奮力抵敵互有殺傷

把總劉應昇主簿項朝槐見賊勢轉盛身先兵

勇衝進賊陣格殺多人因周圍俱係水田失足

陷入受傷陣亡迨至日暮賊匪退入老林艾如
文仍令兵勇駐紮山梁賊匪卽於是夜翻山竄
奔適惠齡亦卽於十八日起至漢陰十九日由
雲門鋪小龍溝前往紫陽追剿秦承恩亦於二
十日起至興安臣面爲商酌將興安郡城卽交
秦承恩彈壓並撥給臣延綏莊浪固原漢土官
兵一千一十名臣刻卽帶領起身率同艾如文
田有成詢明路徑由漢陰趕往石泉南山小徑
迅赴西鄉查撒拉爾回兵亦於二十八九日可
到西鄉臣卽帶領迎頭截剿務期殲除淨盡不
使竄奔前股賊匪會合入夥其陣亡受傷兵勇
查明移咨秦承恩咨部奏入

上命軍機大臣傳諭宜綿惠齡恒瑞秦承恩柯藩曰
柯藩所奏殊不明晰且多回護前據惠齡奏賊匪

聖朝聖德編卷十

十三

在白馬石搶船偷渡而柯藩則稱賊匪在相距紫

陽六十里之河峪沔水淺處所過江已屬不符且

惠齡前奏賊匪已全數渡江柯藩又稱艾如文在

簡池鋪遇二股賊匪殲賊甚多賊匪於是夜翻山

奔竄又似後二股賊匪尙未渡江且所稱翻山奔

竄究竟前往何處其第三股賊匪又在何處亦未

奏明前因柯藩艾如文先在洵陽堵剿不能實力

聖朝聖德編卷四十

十三

防範致賊匪偷渡漢江是以將伊二人俱革去花

翎今看此情形艾如文尙能帶兵邀殺賊匪勝柯

藩遠甚功罪兩不相掩艾如文著仍賞戴花翎並

加賞玉搬指大小荷包其陣亡之把總劉映昇主

簿項朝槐著咨部加一等優卹朕從來賞罰嚴

明艾如文旣帶兵出力豈可使之稍有屈抑至柯

藩係本省提督朕方責以防剿重務不料伊竟將

剿賊之事專諉艾如文身在郡城安坐株守自圖
 安逸况該提督於二十日在興安起身二十七日
 方抵石泉此七日中豈竟未遇賊匪何以未據將
 擊剿情形具奏非沿途逗遛卽心存畏縮柯藩著
 再傳旨嚴行申飭並著宜綿秦承恩據實查參勿
 稍瞻徇又據奏惠齡於十八日起至漢陰十九日
 往雲門鋪小龍溝前赴紫陽追剿秦承恩亦於二
 十日起至興安等語此時惠齡等曾否帶兵全渡
 趕上賊匪何以未見續奏而雲門鋪小龍溝究在
 漢江南北亦未聲敘明晰至秦承恩已到興安前
 次賊匪如何偷渡漢江情形及江北一帶無賊
 匪官兵會否全數渡江見聞必確何以亦無一字
 奏及惠齡秦承恩亦著傳旨嚴行申飭

初七日丙子秦承恩奏言賊匪於黃龍鋪分為兩

聖朝聖訓卷四十一

十四

聖朝聖訓卷四十一

十五

股東西奔竄惠齡恒瑞分兵追趕臣恐賊匪詭
 竊故意牽制官兵復思北竄是以暫駐鎮安縣
 之槐樹坪相機截剿嗣恒瑞東追之賊果有轉
 回因北路有備復與惠齡等西追之賊竄合一
 處臣卽於五月二十日馳抵興安查看漢江水
 面甚淺何以賊至郡城北岸又復轉而向西南
 詢興安守周世紹據稱頭股楚匪五月初四日
 至安康縣松樹壩初五日蟻聚漢江北岸柳林
 子逼近郡城該府率同文武員弁帶領兵勇在
 南岸排列鎗礮悉力固守因僅有兵丁五百名
 祇能與鄉勇繞城防堵其餘上下游淺窄之處
 尙多勢甚危急忽於是夜江水陡長五尺奔流
 湧急賊匪知不能飛越卽於初六日西竄恒口前
 至青泥灣高坪河一帶屯紮郡城得保無虞實言

神助十二日江水稍退賊匪於紫陽縣上游白馬石
淺灘騎馬涉渡搶船過江行至紫陽三十六盤
地方因延榆綬道溫承惠督令地方官先將山
路掘斷不能前進隨循站路竄赴西鄉之騰溪
河適漢興道文需在該處查卡候撤拉爾回兵
未到卽於二十一日夜密帶畧陽營兵五十名
鄉勇四百名本地團勇三百名同武舉馬君召
貢生張映漢等乘其不備衝入賊隊鎗箭齊發
殺死賊匪七十餘人昏夜之中賊匪不知我兵
多寡丟棄帳房鎗矛等物登時潰亂由小路奔
逃經我兵生擒二人訊係湖北賊目張世龍帶
領當卽正法該道隨將兵勇撤至山梁紮住探
聽頭起回兵二十三四等日方能行抵西鄉一
俟到齊卽赴漁渡壩迎剿此項股賊匪竄逸情

欽定剿平三省邪匪方略 正編卷四

欽定剿平三省邪匪方略 正編卷四〇

形也二股三股楚匪因柯藩艾如文溫承惠等
尤由洵陽趙家灣帶領兵勇趕回郡城防守賊
知有備不敢近城窺伺卽由任河一帶先後竄
至漢陰廳離城三十里之簡池舖屯聚十五日
分出一股在附近小龍溝焚掠十六日柯藩聞
信抽撥守城兵丁五百名鄉勇一千名交艾如
文帶領於十七日馳抵小龍溝口佔據山梁先
殺探路賊匪十餘人申刻賊匪多人直撲山梁
兵勇施放烏鎗擊斃三十餘人賊放起白鴿爲
號溝內之賊復悉衆抄路上撲我兵施放連環
鎗又擊殺賊匪八十餘人並殺執旗頭目一名
賊始退回主簿項朝槐帶領鄉勇向前追捕馬
陷水田泥內身受矛傷陣亡弁兵鄉勇上前救
援追逐均有傷亡賊見不能搶佔山梁仍與簡

欽定剿平三省邪匪方略 正編卷四

二二三五

池舖賊匪會合西竄漢王城於十九日涉淺搶
 船渡江向紫陽西鄉一帶奔逸此二三兩股賊
 匪竄逸情形也惠齡等於五月十七日行抵漢
 陰廳西門外二十一日由漢王城渡江追剿恒
 瑞柯藩文如文等亦於十八二十一二等日帶
 兵前赴漢陰與惠齡等分投前進臣抵興安後
 人心頗定因思各路大兵俱在東北追趕隨將
臣所帶兵丁挑選精銳各令裹帶乾糧交總兵
 富爾賽取道漢江南岸由小路翻山徑赴紫陽
 西鄉一帶出賊不意抄繞邀擊兼以斷其竄回
 興安之路臣仍酌帶兵勇隨後接應計此時撤
 拉爾回兵已可陸續行抵西鄉若惠齡等從東
 追及正可兩面兜擒卽或與川匪歸併一處各
 路大兵會合剿捕亦不難於殲滅惟陝省自商

繼而至興漢表延千里賊匪奔竄地方均遭蹂
 躪臣前
 奏請之兵直至五月初四日始克全抵西安今賊
 匪雖已西竄而興安漢中所屬必得重兵分地
 防守且查寧羌南鄭前路有巴州方山坪之賊
 西鄉紫陽安康前路有東鄉重石子香爐坪之
 賊平利前路有大寧九龍池之賊是此時興漢
臣兩路實關緊要臣現將秦嶺等處防兵一千一
 百名全數撤赴漢中如惠齡等追賊赴川後仰
 懇
 皇上卽令艾如文帶領延綏鎮兵一千名同赴漢中
 府駐守彈壓柯藩帶領回兵二千名扼駐西鄉
 太平要隘相機堵剿臣與富爾賽帶兵分駐紫
 陽興安如此分途防堵互相聯絡匪徒知有準

聖朝聖編卷十

大

聖朝聖編卷十

九

備不致復思入陝俾_臣得以招聚難民加意撫

輯惠齡等所帶兵丁半多陝省調去爲數不少

_臣此次奏調官兵原爲迎頭堵剿保護地方若

惠齡等因追賊赴川將_臣所謂之兵全數帶往

則陝境仍屬空虛恐又蹈楚匪闖入商維故轍

不得不預爲顧慮再興肇因北路事竣已由曹

家坪啓程不日前來容_臣面爲商定趕赴前途

聖者聖編卷十

十

協剿奏入

上命軍機大臣傳諭旨綿明亮德楞額秦惠齡秦承恩

曰據奏賊在小龍溝焚掠時柯藩聞信僅撥兵勇

交艾如文帶領前往剿殺該提督並未親往其咎

甚重昨已降旨嚴飭並將艾如文花翎賞還今閱

秦承恩所奏情形該提鎮功過顯然朕之賞罰纖

毫不爽至後二股賊匪於十九日全數渡江而惠

齡等於二十一日始行濟渡實屬遲緩本應卽行

治罪姑念一時帶兵乏人仍留伊等本職以便分

撥領隊用觀後效若再不知愧奮伊等自思當得

何罪又據稱挑選精銳兵丁裹帶乾糧交總兵富

爾賽取道漢江南岸由小路翻山徑赴紫陽西鄉

一帶抄繞邀擊等語所辦尙好但賊已於十九日

全數渡江勢必奔竄富爾賽卽由小道繞往亦恐

聖者聖編卷十

十

未能趕上惟有盼望宜綿等聞信前來迎剿如此

旨到時宜綿等已將重石子香爐坪賊匪剿淨則

正可親帶勝兵前來迎頭截殺固屬甚善設彼處

賊匪尙負隅死守則或於賊巢四面酌派提鎮大

員嚴密防範且不必與之接仗宜綿明亮德楞額

等酌帶官兵迎至漢中西鄉一帶彼時撒拉爾回

兵自己到齊惠齡等卽不能繞至賊前而從後躡

追亦可自北下壓宜綽等自南夾擊俟李全王廷
詔姚之富等就獲後宜綿惠齡再併力進攻重石
子香爐坪更無難直搗賊巢惟在酌量而行至賊
匪現在竄至何處會否已入川界抑或尚在陝境
沿途掠秦承恩現駐興漢一帶見聞必確仍當
隨時馳奏再據奏賊匪雖已西竄而興安漢中地
方必得重兵防守請令艾如文帶兵駐守漢中柯

聖朝聖訓卷十

三

藩帶領回兵扼駐西鄉太平要隘秦承恩之意但
以防守陝西為重不知賊匪現已渡江西竄所調
官兵自以追剿賊匪為急若先須處處設兵防守
是將有用之兵置之無賊之地豈不徒分兵力况
賊匪從前滋擾地方一經竄往他處後亦未嘗遠
行折回今秦承恩祇知在陝言陝所見甚屬非是
戰守機宜貴通盤籌畫宜綿現在總統軍務且即

係陝甘總督陝境亦其所轄著權其輕重緩急應
否令艾如文帶兵繼惠齡等剿賊柯藩留陝鎮壓
即一面奏聞一面飭令遵照辦理至興舉行走已
覺遲緩斷不可又留于秦承恩處幫同防守務即
迅速趕赴前途與惠齡等會合協剿

十二日辛巳額勒登保福寧奏言賊匪等佔據芭

葉山臣等從大壠口攻入疊次進兵未能即得

聖朝聖訓卷十

三

查分水嶺下官兵已擊有營卡祇可仍由此路
接遞擊卡前進分水嶺與大壠口山勢相連將
近大壠口係一道山溝直上官兵仰攻遇賊匪
滾木播石齊下勢難存立臣等因令官兵預伐
樹條木植以備各自捆帶併令將領等或於黑
夜或於霧雨中聽候隨時派撥猝進擊卡二十
六日二鼓臣額勒登保派令綸布春等先帶兵

前進擊卡復督率楊遇春等前往左右埋伏接
應賊匪知覺即放鎗擲石我兵於黑夜中一面
擊賊一面執持檣牌攜帶樹條木植攀援而上
接擊三處營卡追至天明見賊被鎗死者甚多
賊眾旋於午間聚集公然撲卡希圖收回殘屍
經我兵鎗箭齊發斃賊紛紛其分水嶺嶺亦用
大礮轟擊賊復竄入木城藏匿二十九日曉霧
甚濃兼以密雨臣額勒登保又即附近抽調官
兵督令前往擊卡臣福寧亦帶兵前來接擊營
卡三處賊人推滾木石施放鎗礮我兵因有攜
帶捆成樹條木植尙能蔽護抵當惟遊擊蔣觀
濤受有石傷官兵擊卡之處已與大堖口相近
劈山礮已可打入賊卡聞賊匪嘈雜之聲臣等
恐又有情急逃竄之事復即飛傳慶溥關騰諸

聖鑒事

臣

神保張廷彥各路并成德一路之協領果爾明
阿參將馬訓遊擊褚大榮等嚴密防範臣福寧
於傍晚回至鄔陽關初一日三更賊匪一股竟
撲鄔陽關一帶營卡喊稱要躲避官兵一股竟
撲諸神保所駐打子臺營卡妄思逃竄臣福寧
隨即添派官兵帶同將弁於鄔陽關下坡截殺
疊用鎗礮轟擊并馬訓褚大榮等亦用礮擊打
聞賊匪喊哭不絕黎明見屍橫遍地擊死賊馬
六七匹賊屍中有穿白布袍者四五人婦女亦
多共計有一百餘搜獲被傷賊匪余大德等二
名丁子臺諸神保一路營卡施放鎗礮并經諸
神保密撥官兵潛出山坡於賊匪上坡時連環
放鎗賊匪不能遽上臣額勒登保向在近處營
卡挑備奮勇官兵三百餘名遂即帶領趕赴打

聖鑒事

臣

子臺派薩克坦布三音庫楊遇春陳時昌張廷
 楷等帶兵抄至左右截殺其大莊蠻路口至金
 雞口一帶亦俱有準備四更後賊匪漸少祇在
 箐林放鎗想因四路俱有官兵仍行竄匿迨天
 曙時見此一帶營卡外賊匪男婦死者計一百
 餘人兵丁鄉勇等四路搜捕復割獻首級三十
 餘顆擒獲帶傷賊匪彭老三覃世文等並男婦
 五百名訊據彭老三及余大德各犯僉供林之
 華覃加耀等見周圍營卡嚴緊官兵逼近大壠
 口總想逃走叫我等夜間分路衝卡出去若能
 衝開營卡伊等隨後一同奔竄若官兵實在嚴
 密仍回芭葉山死守再定主意餘無要供當卽
 臬示查賊匪於官兵圍逼緊急輒思乘夜分路
 脫逃狡猾實堪髮指我兵現在分擊營卡無不

聖朝聖編卷四十一

三

聯絡結實臣惟有於各路再行酌量抽撥官兵
 設法盡力攻擊務期及早蕪事
 同日宜綿明亮德楞泰奏言查重石子香爐坪
 屯聚賊匪經臣等節次剿殺嗣與兵及各州縣
 鄉勇陸續到營隨將周圍營卡布置完妥臣等
 猶恐賊眾衝突又於峩城山七里峽等處各要
 口分布兵勇堅立營柵以為外層防堵二十六
 日天色稍霽臣德楞泰率同總兵朱射斗達音
 泰巴圖魯侍衛等由田家山前進攻重石子臣
 明亮率同提臣穆克登布副都統銜西津泰總
 兵木騰額巴圖魯侍衛等由黃家寨前進攻香
 爐坪臣宜綿明亮督同索費英阿等在兩路之
 中策應黎明各抵山下臣德楞泰等令兵勇分
 班輪番攻打賊寨自寅至午寨上滾木插石將

聖朝聖編卷四十一

三

盡祁司尤漢玉等首先搶上寨門我兵一擁而
進火焚草棚延燒殆遍寨內賊匪二千餘人概
被燒斃賊眾慌亂我兵刀砍矛刺餘賊冒烟衝
出其香爐坪之賊倚恃高險抗拒甚力率眾壓
下三次臣明亮等督率兵勇仍復撲上相持半
日賊匪見重石子火起驚慌無措四散衝突我
兵迎頭截殺賊匪退回上山者約二千餘人兵
勇四面密圍射入火箭風急火烈寨內之賊無
一倖免其兩處逃出之賊藏匿溝內是夜大雨
如注兵勇皆露立困守凡東西北三面賊匪竄
逃之處俱經兵勇截殺折回惟迤南一帶山勢
重疊雖經設有營卡而延長三十餘里路途散
漫賊匪連夜翻山滾巖紛紛遁逸其時副將德
寧玉柱帶兵趕至截住後起之賊臣明亮德楞

聖朝聖編卷四

天

泰亦經追至兩路夾擊復殲斃二千餘人餘眾
俱上蔣家山至陳家壩屯紮臣等督率官兵圍
住山脚二十七日賊匪四面衝突經臣德楞泰
督令副將扎勒杭阿王承勳分投堵剿殺死三
百餘人生擒劉體全等三十二名隨提同二十
六日所獲賊匪楊陞元等四百八十七名逐一
研訊據供徐添德等因官兵四面逼緊正想衝
出重圍投奔巴州方山坪合夥不料官兵夾攻
措手不及是以各自逃竄求生又據劉體全供
係徐添德大徒弟劉學仙之父徐添德等逃出
後本要直奔新寧無如官兵各路追趕而峩城
山七里峽一帶又有營卡攔阻未敢衝出只有
暫住陳家壩再看機會等語當卽分別磔梟所
獲馬騾分賞兵勇大礮十五位鳥鎗刀矛八百

聖朝聖編卷四

天

餘件收貯備用各路割獻首級二千餘顆及鎗斃落河屍軀分委員弁帶領眼目查認有無逆首賊目在內再行稟報查此次斃賊不下萬人賊中夙稱戰手者被殺過半且峩城山等處營卡周密賊勢較前更為窮蹙臣等現在上緊攻剿斷不敢絲毫疎懈至楚省逆匪頭起已由興安竄至川省太平之大竹河前曾派委川北道

聖祖聖訓卷四十一

三

李鉉遊擊謝開先等督率鄉勇堵禦彼時正在四面兜圍之際不能分撥兵力臣恐該處民心驚惶先發傳牌聲言兩廣官兵四千名全赴太平迎剿民心稍定今此間兵數已可稍省臣宜綿酌量緩急現復抽派二千名交朱射斗統領趕至太平如楚匪已全夥入境即將各隘口分布堵禦俟惠齡等帶兵到日前後夾攻如二三

起尚未入川即先將頭起之賊殲除趕赴西鄉紫陽一帶與惠齡等會剿二三起之賊此次打仗都司尤漢玉于搶上重石子城寨時得受鎗傷千總陳裕後把總白清澄外委韓呈米永保鄧宜羅應舉張永清張文倫馬望義均因爭先殺賊陣亡其餘出力文武員弁及陣亡受傷兵勇俟查明分別辦理

聖祖聖訓卷四十一

三

宜綿明亮德楞額奏言前據夔州府知府張至幹等稟報大寧縣九龍池等處匪徒蠢動查大寧距軍營不過千里而地處萬山之中不通驛遞文稟俱用鄉夫步送動輒經旬臣等不能即行分身前往督辦實深焦急隨與英善酌商在附近重慶鎮標各營內抽撥兵二百名派遊擊愛隆阿帶往剿辦去後嗣據稟報縣屬武溪

地方又有教首陳青雲等暗謀響應之事現在
 密速查辦復經觀成英善於省標招募新兵內
 抽撥五百名派都司徐雯帶往茲據張至幹會
 同愛隆阿等稟報賊匪起事之初係大寧縣屬
 九龍池鐵瓦寺黑天池紅線巖及毗連奉節縣
 之平南槽等五處節經張至幹與都司徐朝綱
 知縣鍾蓮王佐等帶領兵勇分投查辦已將鐵
 瓦寺平南槽兩處撲滅惟黑天池紅線巖兩處
 賊匪竄聚九龍池地方歸併一處人數增多恃
 險抗拒現在設法剿辦其武漢一處正在起事
 僅止數十人張至幹等派委員弁盡數擒斬並
 將教首陳青雲擊獲茲欽奉
 諭旨令於觀成穆克登阿二人中酌派一人前赴大
 寧剿辦查觀成現在大營即令於五月二十二

欽定剿平三省邪匪方略 正編卷四〇

日起程前往並飛商英善於成都重慶兩標挑
 選新兵六百名帶往剿辦九龍池賊匪並督率
 張至幹等先將陳青雲審明辦理均奏入
 上命軍機大臣傳諭宜綿明亮額勒登保德楞泰福
 寧日額勒登保等奏官兵連日進攻已逼大壩口
 殲賊甚多其乘夜至鄖陽關打子臺撲卡之賊復
 經福寧諸神保等督兵擊退俱屬出力可嘉而額
 勒登保籌辦一切尤為得當惟首逆尚未就擒殊
 不滿意現在官兵擊卡之處與大壩口相近諒此
 窮寇匪徒豈能久支時日但賊人狡猾異常仍宜
 加意防範為要又據宜綿奏報攻克重石子香爐
 坪賊巢一摺覽奏欣悅此次官兵兩路進攻雖未
 擒獲賊首而各路殲賊不下萬餘強悍者已殺斃
 過半所辦尚屬可嘉宜綿著賞給嵌珠帶板帶環

二四三

密蠟喜字牌大小荷包明亮德楞泰著賞給鑲寶
石帶頭帶環密蠟喜字牌大小荷包穆克登阿西
津泰朱射斗達音泰木騰額索費英阿明興著賞
給嵌松石金盒大小荷包都司尤漢玉首先搶上
寨門得受鎗傷甚為奮勇如果始終出力著超陞
叅將其打仗陣亡之千總陳裕後等均著咨部加
等優卹打仗出力之兵著酌賞以示鼓勵但賊首

聖訓卷之四十一

三

徐添德王三槐並未就獲亦尙未滿意現在賊匪
俱在蔣家山陳家壩逃匿正應趁其據守未定之
時尅日進攻不可稍有遲延至賊匪翻山遁逃時
副將德寧玉柱何以不卽迎頭截殺僅將後起之
賊截住該二員究未免失之遲緩現據奏獲賊供
稱徐添德等欲衝出重圍投奔巴州方山坪合夥
又供要往新寧一路奔逃宜綿等尤應嚴密堵圍

斷不可復令逸出至楚省頭起逆匪已竄至川省太
平之大竹河現經宜綿派兵二千名交朱射斗趕
往堵剿但該鎮帶兵未為壯盛且第二三股賊匪
或跟蹤奔竄合夥俱未可定亟須四川一路官兵
迎頭截殺若此旨到時宜綿等已將蔣家山陳家
壩賊匪剿淨則竟當統領全軍自南而北與惠齡
等兩面夾擊倘宜綿等一時尙未能分身亦應于

聖訓卷之四十一

三

明亮德楞泰二人內酌分一人帶領鎮將分撥官
兵幫同朱射斗迎剿自更得力至大寧地方賊匪
據奏知府張至幹都司徐朝綱等率領兵勇將鐵
丸寺平南槽兩處賊匪撲滅其武溪響應之賊亦
經該府等盡數擒斬並將教首陳青雲擊獲該府
等應交部議敘今宜綿復令觀成帶兵六百名前
往剿辦觀成到後務卽督兵進攻迅速蕪事毋任

竄至竹山竹谿一帶該處出力文武俟觀戒查明具奏再加獎勵

十三日壬午惠齡恒瑞慶成舒亮奏言查賊匪三

股先後偷渡向西南一帶潛逃臣等一面渡江

追剿一面分派將弁帶領兵勇在於沿江附近

山內搜拏旋據副將凝德等陸續拏獲逸賊阮

金山等四百十三名並賊目曹漢東等五人押

解來營訊明均係李全等新招入夥之犯當即

一併駢誅時臣恒瑞亦自紫金嶺等處帶兵追

剿前來沿途搜獲逸匪二百餘人訊無要供俱

經臬示五月二十三日臣等合兵一處據差弁

探得賊匪盡向西鄉太平一路奔逃並接秦承

恩來札現與總兵富爾賽帶兵前赴興安與肇

因西臣一帶山路險紆亦由興安一路前來臣

惠齡隨札囑與肇暫在興安會同秦承恩駐紮

以防賊匪回竄聞柯藩已至漢陰札令取道西

鄉帶兵兜截其甘肅調來回勇不日可到漢中

已飭管帶之員統截賊前統交柯藩帶領迎剿

臣等布置已定隨統兵趕緊前行緣漢江南岸

各山較之鎮安等處更險馬步兵攀援而上難

容並足一山上下輒數十里軍裝糧餉啣尾而

行每多遲滯且僅此一徑相通必須翻過數重

大山始可分途前進二十五日行抵西鄉所屬

王家溝地方滂沱大雨山徑溼滑跋涉尤艱而

山坡陡窄難以紮營因即鼓勵諸軍冒雨前進

行至碾子壩少駐次早雨勢稍止復趕緊進發

迨抵小溝地方滂沱如注山水驟漲匯入溝溪

深逾丈許臣等差派將弁分投查探前途間有

一二小徑人馬均不能行該處山勢陡削下臨

大溪惟有房屋數處居民避賊未歸臣等即令

將弁先將軍裝火器堆貯其中帳房等均為水

阻臣等撫慰士卒權于山崖深林之下暫為遮

避六晝夜雨未少息後隊官兵糧食餉項俱因

水漲阻隔幸各兵隨身均有乾糧暫可果腹第

恐日久難支臣等萬分焦灼連日遣出探賊弁

《聖祖聖訓卷十

天

兵亦未回營惟有虔誠禱祝一俟天色開霽水

勢稍退即設法紮筏搭橋覓路前往諒各股賊

匪遭此霖雨漲水亦斷不能遠遁務將賊匪截

住殲洗不敢稍有遷延再查阿爾薩朗前在鎮

安縣之表帶舖地方紮營堵截因聞一股賊匪

自西北竄赴縣城即帶馬兵先往迎剿前鋒叅

領七十一等帶領步兵陸續前進阿爾薩朗途

遇騎馬賊匪二百餘人殲斃數十名追殺二十

餘里餘賊遠遁正於王家坪紮營忽見山溝復

有賊匪分投突出阿爾薩朗仍即督兵迎擊不

意中傷隊馬被害叅領七格等帶兵衝入攪殺

一處七格等四員及副前鋒校雍強阿等六十

二名同時受傷陣亡其餘馬隊官兵正在衝殺

時叅領七十一等帶領步兵接應前來內外夾

《聖祖聖訓卷十

天

攻賊匪始向東南鐵桶溝一帶奔竄至臣惠齡

等前在米糧川剿賊恐其竄向西北一帶是以

派令阿爾薩朗帶兵駐紮表帶舖堵禦初不料

姚之富等從此一路竄來且初一日臣惠齡等

甫至七里峽離王家坪一百餘里路程稍遠未

能即知迨初三日始接阿爾薩朗來札祇知其

將賊殺退是以遣令前鋒校祥保前往查探詎

阿爾薩朗已於是月追賊遇害臣恒瑞自抹玉

盜追剿賊匪初一日紮營野猪坪離王家坪亦

有八十餘里初二日行抵該處始知阿爾薩朗

陣亡之事賊已向鐵桶溝逃竄隨帶兵趕緊追

往滴臣惠齡等將李全王廷詔等逼至黃龍舖

地方兩股賊匪歸併一處是阿爾薩朗打仗陣

亡在先臣等聞信在後查健銳營原來官兵一

聖祖聖訓卷十

罕

千名除節次打仗陣亡及患病養傷外現存兵

八百餘名統歸碩雲保管領

同日興肇奏承恩奏言臣興肇於五月二十四

日行抵鎮安洵陽接壤之界牌石地方附近居

民紛紛逃竄咸稱相隔不遠之黑洞溝內現有

賊匪起事頗覺倉惶臣是以劄營暫住密差安

弁親赴偵探該處人民安靜如常傳訊鄉民據

供黑洞溝居民共四百餘家內有向習邪教一

百餘家上年巡撫委官下鄉化導都已具結改

悔本年楚匪入陝著人勾結伊等畏法不從概

行逃避今探聽楚匪過去陸續回來復業不料

奸徒暗播謠言以致鄉民驚疑多有逃避其實

毫無影響臣當令該鄉保帶同改悔之一百餘

人赴營面訊痛哭乞憐實無他故質之同村良

聖祖聖訓卷十

罕

民均各力保無異臣一面宣諭

聖德堅其向化之心遣回安業一面密差訪查咸稱

其言出自聞上道隨即拏獲到案該犯供認本

係邪教因聽從楚匪前來勾結被本地改悔之

人驅逐有讐故捏稱伊等起事希圖官兵剿滅

洩忿當將該犯正法示衆謠言頓止居民旋即

寧貼二十六日行抵趙家灣連日大雨如注溪

水寨漲等候稍退趕至興安與臣秦承恩會晤查

各股楚匪經惠齡恒瑞等帶兵追趕撤拉爾圖

兵已抵漢中柯藩亦已迎往帶領宜綿等又分

兵三千名前來太平堵截正可會合夾擊惟聞

大兵趕至西鄉賊已分股先後竄至太平縣城

口場南溪場一帶滋擾該處係太平縣東路北

通紫陽六道河等處東北通安康沿河等處相

聖朝聖訓卷十

聖

距界嶺自六十里至百餘里不等雖探聞賊匪

另開山路揚言欲與大寧縣老木園之賊會合

安知非因西路兵多故作此語牽掣官兵仍思

竄回興郡臣秦承恩前令總兵富爾賽帶兵翻

山前往紫陽現已密行知會即令就近確探相

機設伏如果賊復竄回正可迎頭截剿其沿河

一路另派官兵五百名並添募鄉勇扼險駐守

但兵力尙單是以商留臣興肇暫住數日偵探

確實即前往沿河一帶協剿如賊匪不致闖入

興境臣興肇亦即取道赴川會剿再查投効舉

人王棠一載以來自備資斧糾聚鄉勇隨同官

兵打仗不辭勞瘁現又隨宜綿大兵赴川協剿

甚爲出力該員係乾州人庚子科舉人揀選知

縣可否俟事竣留陝即以知縣先行補用以示

聖朝聖訓卷十

聖

鼓勵出自

天恩均奏入

上命軍機大臣傳諭宜綿明亮德楞泰惠齡恒瑞興

肇慶成秦承恩日惠齡等奏官兵渡江連日雨阻

情形一摺殊不知恥惠齡等節次貽誤朕早知其

不能成功是以革去總統今據奏到仍屬沿途逗

遛並未趕上賊匪果不出朕所料且摺內所稱漢

江南岸道路險峻難容並足軍裝糧餉每多遲滯一節該處山路雖屬險窄然賊匪亦由此經行豈能插翅飛渡而賊匪口食又誰爲之運送何以賊能行而官兵獨不能行至云賊匪遭此淫雨漲水亦斷不能遠遁尤不成話賊不能遠遁官兵正應迅速趕上痛加殲殺斷無賊因官兵停留亦不向前奔竄坐待追上之理此總由惠齡等行走遲延到處落後虛詞支飾而不自知言之刺謬也看來惠齡等無能已極竟不足恃惟盼宜綿等攻克蔣家山陳家壩賊巢生擒賊首殲淨餘黨卽統領勝兵北來併力夾擊方可尅期蕙功至惠齡等前此調度失宜以致阿爾薩斯等遇賊陣亡迨官兵損傷甚多賊於十二日偷渡漢江惠齡於十九日趕到二十一日始行渡江旣已遲悞於前及渡江之後

剿平三省邪匪方略

正編卷四

又復藉詞遇雨耽延五日前後計筭後賊竟至十餘日距賊益遠姑念惠齡恒瑞慶成等尙在帶兵暫留頂帶以觀後效今頭股賊匪已竄太平大竹河地方而二三股賊匪尙在西鄉一帶惠齡等若能趁此新到兵力趕上賊匪擒獲首犯尙可將功折罪若仍前逗遛致賊首俱被川省官兵拏獲伊等自思當得何罪凜之慎之至柯藩現據惠齡等奏令取道西鄉一帶兜截若該提督不知愧奮仍前畏蕙避賊則恐不能當此重戾也至惠齡等覆奏阿爾薩斯等陣亡一節殊不明晰向來打仗殺賊官兵原不能一無損折豈有領兵大員及章京前鋒校等六十七名同時受傷陣亡之理况阿爾薩斯帶領健銳營勁兵千名卽猝遇賊匪從山溝突出無難奮力剿殺何致被賊戕害官兵如許之

剿平三省邪匪方略

正編卷四

多非阿爾薩朗沒無調度卽係紮營未定以致賊匪攻撲損傷若果如此則不追治阿爾薩朗之罪已屬從寬豈可復膺卹典仍著惠齡等再行詳悉覆奏恭領七十一在彼目擊情形並著宜綿面加詰詢據實復奏勿得代爲徇隱又與肇等奏查辦捏造謠言致黑河溝鄉民逃避之間士道孳獲正法並探聞賊匪欲與大寧匪黨合夥之信恐其故

聖祖聖訓卷十

吳

作此語牽掣官兵仍思竄回興郡等語現在賊匪大夥俱已渡江向西南奔竄一二奸徒於賊去後妄佈謠言恐嚇鄉愚原屬事勢所有祇須酌派員弁在彼儘可查辦與肇不值因此帶領多兵藉詞延緩至慮及賊匪竄回興安之語尤屬無謂賊匪前在各處奔竄如襄陽南陽等處並未聞逃後又復折回若以賊曾經滋擾之地處處留兵防守則

楚豫陝三省賊過之處皆須分兵駐劄卽數十萬大兵亦不敷派撥秦承恩亦不應將與肇留於該處爲自行衛護之計伊二人並著傳旨申飭現在興安地方已有秦承恩防守與肇卽當速帶官兵前赴惠齡一路協力追剿毋得再有延緩其投効舉人王棠如果始終出力俟軍務事竣准其留陝以知縣補用

聖祖聖訓卷十

吳

欽定剿平三省邪匪方略 正編卷四十一 丁巳年

六月十六日乙酉汪新奏言現在賊既竄聚陝蜀

界上距襄陽已數百里所有惠齡前派留防各

隘之兵多在漢江北岸此時應行變通調撥未

便遲延查前准惠齡札調鄖屬鄉勇赴營協剿

諒因兵力尙單之故正宜將此項留防官兵擊

撥協助臣現咨會留襄防守之荊州協領喜格

剿平三省邪匪方略

等管帶原駐夾河洲滿洲兵五百二十員各原

任延綏鎮總兵楊秀管帶原駐老鸛灘清河口

及棗陽等處官兵六百五十九員名侍衛特菴

額管帶原駐小河口及健銳營留養病痊官兵

一百三十六員名侍衛烏什哈達管帶原駐老

河口官兵一百十八員名通共官兵一千四百

三十三員名即日調集分起前赴惠齡軍營隨

同進剿以期聲勢益加壯盛立殄逆氛臣又思

竹谿竹山一帶山深地曠接近川省要隘甚多

雖有劉君輔馬瑀往來巡堵誠恐原帶兵少未

能處處周密現復咨會總兵徐昭德管帶原駐

夾河洲潘家臺等處官兵五百六十八員名前

赴竹谿竹山一帶協辦堵守遏絕賊蹤此外尙

有原駐武家坡等處江西官兵四百名及原守

剿平三省邪匪方略

襄陽郡城兵四百七十餘名現擬撥守房縣總

隘及為留襄彈壓之用如此量為掣撥於防剿

均得有益臣已飛咨惠齡知照一面傳催星速

起程奏入

上命軍機大臣傳諭汪新曰現在賊匪竄往川陝界

上距襄陽甚遠從前留防之兵早應撤出調往協

剿茲據汪新查明始知各處防兵尙有二千八百

七十餘名之多以如許有用之兵置之無賊之地殊屬無謂汪新現調漢江北岸各處防兵前赴軍營自應如此辦理至派往竹谿竹山防守之兵五百六十餘名原屬過慮但劉君輔等現由鄖陽馳往大寧剿賊亦須兵力若汪新已將此項官兵派往卽毋庸另行改撥至襄陽地方久已無賊不必徒勞兵力其原留郡城之兵四百七十餘名足資

聖朝軍機處

三

彈壓此外尚有原駐之江西兵四百名如尙需用則已如無需用之處卽令撤回本省歸伍

十九日戊子柯藩奏言臣帶領漢土官兵於五月

二十五日趕至石泉適值大雨如注二十七日

行至子午谷河水陡長丈餘不但阻隔過渡卽

摺報亦皆阻滯臣心急如焚隨赴沿河查勘適

有本地居民擬渡小船一隻可以容載數人隨

傳喚兩岸民人多備繩纜繫定船之頭尾往來

繹拉計兩日內可過渡一千名臣率同艾如文

一齊過渡先將已渡之兵帶領起身前進其未

渡官兵並馱載軍火等項面飭帶兵各員迅速

催趨過渡接續前來臣等於六月初二日趕至

西鄉撒拉兩頭二起回兵於初三初五日先後

到縣臣查知間有未帶器械因於西鄉汛內撥

聖朝軍機處

四

給烏鎗三十五桿其刀矛鑼鍋帳房等項當告

知漢興道文需趕辦齊全初六日卯刻據西鄉

縣知縣文在人稟報二股賊匪內分出一股千

有餘人於初三日夜過九元關臣查西鄉一帶

路徑處處可通川省又與漢中連界臣遂同艾

如文田有成共帶兵一千五百餘名卽日自西

鄉起身趕赴前途迎剿一面札飭副將李文蔚

都司馬良材將頭二兩起回兵迅速帶領前來
一面飛催未到之三四起撒拉爾回兵急來接
應奏入

上命軍機大臣傳諭宜綿明亮柯藩曰前此柯藩在
洵陽一帶防守聞賊匪竄至漢陰即以防守興安
郡城爲名渡江而南及賊由白馬石一帶竄往西
鄉太平柯藩正應趕往迎剿乃又渡江北至漢陰

《聖朝聖訓卷五》

五

石泉以致適遇江水長發待渡耽延賊在北而彼
向南賊在南而彼向北殊不可解著再傳旨嚴行
申飭此時頭股賊匪早已竄往太平第二三股自
必思與合夥昨據惠齡等奏行至西鄉小溝地方
尙未趕上賊匪而柯藩現由石泉至西鄉縣城更
在惠齡等之後該提督前此避賊畏葸卽應按照
軍法治罪今從寬仍留提督本任令其帶兵自贖

此時撒拉爾回兵既到柯藩務宜痛加愧奮或趕
上惠齡一路幫同剿辦如能奮勉殺賊擒獲首逆
尙可補救萬一尙仍前玩悞則二罪並發卽關伊
身家性命不可不慎也

二十日 已觀成奏言 臣遵奉

諭旨前赴大寧督率剿辦隨帶滿漢屯土官兵五百
餘名於五月二十一日自大成寨起身三十日

《聖朝聖訓卷五》

六

馳抵大寧適前調省兵五百名亦已趕到接據
知府張至幹等稟稱賊匪於二十五六等日連
次撲卡均被官兵擊退當卽飛飭嚴密防守 臣
一面督兵加緊前進初二日馳抵龍溪距賊匪
屯聚之九龍池十餘里卽行駐劄查九龍池山
勢陡險東西兩面無路可通南面峯巒矗立具
係密菁深林詢問土人向無行跡惟迤北一帶

有官兵營卡南面較空雖該處皆係大山又有溪河可以攔阻但究恐賊人因官兵三面進壓乘隙向無卡處兩竄至雲陽一帶追捕又形費手劉君輔等到齊後兵力衆多應遵照硃筆標識處所酌分官兵擊卡圍逼此爲最要

二十二日辛卯宜綿明亮德楞泰奏言查賊匪竄

至陳家壩後並於附近之苦草壩安子坪丹家

製看龍之編卷四

九

壩汪家山分隊屯紮臣等當將各營卡兵勇酌

量抽調分布堵剿自陳家壩移營前進初三日

臣德楞泰督率總兵達音泰等由天星橋之南

臣明興率同副將德寧長春等帶領兵勇由天

星橋之北直搶丹家壩生擒賊目王德貴等三

十一名臣明亮穆克登阿西津泰督率巴圖魯

侍衛等帶領兵勇由蘇家坪直搶安子坪生擒

賊目陳明彩等二十七名兩路官兵乘勢追剿

賊匪踉蹌奔竄帳房器械沿途拋棄初四日進

抵苦草壩汪家山賊衆自知不能抵禦復退屯

精忠寺山包臣明亮穆克登阿紮營其南臣德

楞泰達音泰紮營其北臣派副將扎勒杭阿等

帶領官兵由七里峽赴觀音山協同原派將弁

截其東竄新寧之路又派守備樊模等帶領鄉

製看龍之編卷四

十

勇在山坡埋伏是日夜半賊匪欲由觀音山梁

竄走潛至半山兵勇鎗礮齊發殺死賊匪四百

餘人餘衆不能竄出始行退去守備樊模因黑

夜撲入賊羣身受矛傷殞命初五日賊匪復糾

集醜類覓路逃生臣德楞泰急率達音泰等帶

兵前往截殺賊匪相持不退達音泰射死執旗

賊目二名侍衛等亦各射死賊匪數名乘勢壓

下漢土各兵奮勇攻擊賊始暫退旋又傾巢而出與官兵接仗兇悍直前不避鎗礮西津泰首先衝入賊隊手刃十餘名賊眾披靡其勢稍却遊擊陳天雲陳大定繼之兵勇一擁而進賊匪力不能支始行敗退西津泰及陳天雲皆身受重傷陣亡臣明亮德楞泰穆克登阿督率各兵乘勢剿殺其時千總陳華領帶鄉勇羅思舉等從山後撲入賊營賊眾紛紛奔竄三面官兵鎗礮並施極力殲戮自寅至午凡殺賊二千餘人生擒男婦三百餘人內熊泳明係熊泳霞之弟與亢作俸均係偽總兵徐王氏係徐添德之母徐大才係徐添德之姪王楊氏係王三槐之母熊泳明受傷甚重與餘賊先行分磔梟示並訊據亢作俸等供稱賊匪分為兩股徐添德王三

槐等帶領一股向西奔竄孫老五現帶一股尙在精忠寺附近之磨子壩山溝內屯紮等語初六日黎明臣明亮穆克登阿即帶兵勇往西剿殺徐添德等一股臣德楞泰查看磨子壩一帶松林茂密延長十餘里下皆稻田路徑紆仄遠望炊煙騰起臣宜綿等在精忠寺山梁催憤各兵勇預備策應臣德楞泰率同達音泰等步行聯絡而進將抵磨子壩副將王柱見前面高嶺上有騎馬賊目身穿綾襖正在率眾指揮該副將趕上用鎗擊中賊目滾跌下坎賊眾敗退王柱等壓下山坡適有賊數人帶領夥黨從旁趕到捨命格鬪以致王柱及都司安如峒守備蕭文印受傷陣亡臣德楞泰率領巴圖魯侍衛等與賊匪奮力抵敵撲壓數十次賊眾潰散我兵

聖朝聖德編卷四

十一

聖朝聖德編卷四

十一

分投追趕當將賊匪一千餘人殲戮淨盡並拏獲胡成榜等七十一名訊據胡成榜供稱中鎗落馬之賊係教首孫老五訊之餘賊眾供確擊查首逆孫老五卽孫士鳳在教匪中輩分最高賊眾均稱孫老師父卽徐添德等無不拱手聽命凡陝西之興安四川之達州巴州湖北之來鳳等處該犯傳徒甚眾實爲三省傳教首惡去

聖旨都察院編卷三

三

歲從太平起事旋又竄至東鄉數月以來倖逃顯戮此番雖未能生擒正法而臨陣殺斃亦足以快人心徐添德王三槐等雖一時兔脫然窮蹙之餘其勢諒不能遠竄臣德榜泰現在星夜整兵會同臣明亮等竭力圍剿臣宜綿飛飭迤西各卡加意嚴密相機截殺此次陣亡受傷弁兵鄉勇查明分別咨部其節次打仗尤爲出力

之文武員弁開單呈

覽再臣宜綿接據川北道李鈇稟稱五月十八日楚省竄匪一股由紫陽而至太平之大竹河因堵禦嚴密折入城口一帶焚掠欲奔大寧現在屯紮修溪壩又有一股由西鄉之漁渡壩而至通江之竹峪關又一股現在漁渡壩勢欲直奔太平又據通江縣知縣徐陳策稟稱竄匪將竹峪

聖旨都察院編卷三

四

關佔據居民逃避現在團集鄉勇在洪口塘防堵等情查太平大寧交界各隘口臣宜綿原派都司李廷臣帶領兵勇在彼堵禦賊匪未能衝過其北面與西鄉交界地方遊擊謝開先帶領兵勇處處設備李鈇在城彈壓策應似可無虞且臣宜綿前派遊擊韓以明帶兵五百名續派川北鎮總兵朱射斗帶兵一千八百餘名均已

趕抵太平正可相機剿堵惟通江縣治並無城垣竹峪關既被佔據距縣百餘里賊匪率眾狂奔非會合方山坪之黨即窺伺通江縣治所過村莊曾經習教伏而未動者尙多臣等擬先令穆克登阿酌帶兵千餘名馳赴通江相機截殺並飛飭百祥將方山坪北面各隘口加意防堵毋令竄合

聖祖聖孫萬歲

五

同日惠齡恒瑞慶成舒亮奏言臣等行抵小溝地方被水阻滯至初三日雲氣稍開水勢漸退隨飭各弁兵疏洩積水砍竹紮筏以便過渡初四日復大雨傾注路仍被淹後亦衝散初五日午間雨始稍止當即督兵前行沿途遣探賊蹤弁兵陸續轉回據稱賊匪現在漁渡壩附近一帶離此二百餘里臣等料賊匪亦必因山水漲

發難于遠竄隨衝泥涉滌倍道前馳初七日行至安坪距漁渡壩尙八十餘里午後雷雹交作暴雨滂沱山水驟漲正在紮營據帶領馬隊副將觀祥等差弁報稱山頭水湧丈許巨石亂滾而下馬兵間有損傷器械帳房隨水漂流衝失當經巴圖魯三等侍衛台費英阿等帶兵數十名馳往該員等被水衝倒跌落山溝天已昏黑

聖祖聖孫萬歲

六

不能尋覓臣等一面差派官兵帶領本處民人打撈具報次日仍督兵前發探得各股竄匪已分入川省太平通江一帶查太平爲入達州之路通江爲入巴州之路該二處均有匪徒屯聚臣等前因柯藩艾如文已至西鄉回勇亦經陸續到來是以飛札囑令就近帶領迎頭截剿與臣兩面夾攻詎此處崇山鳥道無路抄截又當

大雨時行未能克期追及臣惠齡現復飛札宜
緝柯藩等嚴飭官兵分頭堵截倘能將竄賊截
住臣等督兵追及正可迎頭痛剿惟有鼓勵官
兵趕緊行走務將賊匪痛加殲洗以期稍贖前
愆均奏入

上命軍機大臣傳諭宜綿明亮德楞泰惠齡曰宜綿
等奏官兵連日殲戮賊匪鎗斃首逆孫老五並擒

聖祖聖訓卷五

七

獲各首逆家屬所辦俱好奮勇可嘉惟西津泰等
殺賊陣亡深為可惜著咨部照副都統例議卹玉
柱陳天雲安如峒蕭文印樊模均著咨部加等議
卹所有出力文武員弁均著照所請加恩此次打
仗出力官兵賞給一月錢糧鄉勇賞給一月口糧
以示鼓勵現在賊首徐添德王三槐之母均被官
兵拏獲而賊首之師孫老五亦已鎗斃看來賊勢

已形窮蹙但楚匪兩股竄入太平一股竄入通江
該處俱與方山坪相近而徐添德王三槐西竄亦
欲與方山坪賊匪合夥雖經宜綿派令朱射斗穆
克登阿先後帶兵前往太平一帶截剿但所帶官
兵僅二千八百餘名未免稍單而楚匪全夥竄入
恐不足以資堵剿惟望宜綿與明亮德楞泰上緊
追捕迅擒首逆移師太平通江一帶幫同截殺而

聖祖聖訓卷五

六

惠齡等彼時亦可由北下壓兩面夾擊則姚之高
李全王廷詔齊王氏等亦不能再有逃遁又據惠
齡等奏官兵行至安坪地方山水驟漲丈許待衛
台費英阿等被水衝去此皆惠齡等不誠不敬所
致為將之道總在察看天時地利知所趨避方能
計出萬全今當大雨時行之際紮營地方適當山
水之衝豈非置之死地惠齡等著傳旨申飭至官

兵等行走勞苦朕心深為軫惻所有衝失之侍衛
 台費英阿色克通阿及把總鄒國泰等四員及兵
 丁等均著加恩照陣亡例議卹其餘冒雨被水兵
 丁均賞給一月錢糧以示體卹並著將此旨傳齊
 官兵面加曉諭以伊等若遇帶兵大臣調度得宜
 早可殺賊立功今因惠齡等種種遲延致令官兵
 冒險受苦其咎皆在主將而伊等實為勞勩是以
 特加恩賞庶使官兵共知感奮至賊匪全夥已竄
 至太平通江一帶可見賊匪經過西鄉時並未破
 山水所阻而惠齡等不能跟蹤追剿落後數日以
 致猝遇水發今尙稱賊匪亦必因山水漲發難於
 遠竄藉詞支飾是直無羞惡之心者矣此時若再
 不知懼知愧趕上賊夥奮力剿殺自思尙安所逃
 罪耶

聖祖聖訓卷五

九

二十四日癸巳額勒登保福寧奏言查大荒口為
 芭葉山要路賊匪見官兵圍逼嚴緊死守抗拒
 而大荒口從分水嶺山溝折而向南有斜嶺一
 道勢如魚脊上至嶺巔方為要隘賊人於兩面
 連築石卡木城以為抵禦前此官兵由分水嶺
 溝內接拏營卡距賊卡尙有里許臣額勒登保
 於初五六兩日復督率官兵拏卡直逼斜嶺賊
 匪抗拒益力臣等再四察看僅在一處仰攻恐
 不得力查得斜嶺之西係分水嶺山溝東面為
 牛拉子均屬亂岩陡壁本無道路其高處雖亦
 有賊卡尙不甚密遂抽調官兵於初九日五鼓
臣額勒登保帶同綸布春等由西面進攻官兵
 將火彈擲入石卡焚燒卡房攜帶樹枝填塞濠
 溝衝破卡牆梯援上城賊匪鎗石俱下均在西

聖祖聖訓卷五

十

面抵禦不料官兵等從下牛拉子攀援上嶺已將東面賊卡剿淨諸神保等帶兵亦撲入斜嶺卡墻賊匪慌亂出城我兵兩面刀矛砍戮斃斃無算隘口賊匪見木城已失飛趨而下放鎗擲石我兵施放連環鳥鎗賊復退回隘口將大石接連推墜官兵攜牌多有擊碎者副將朱士奉候補叅將孫清元守備張超馬成林千總岑現佩俱受鎗石傷我兵恐難進攻當即就賊之木城剗住計殺賊不下二百餘人搶得鐵礮鎗矛六十餘件臣福寧督兵攻擊二荒口賊匪公然出卡下歷馬訓禧大榮馮振先等於坡下菁林預伏突出截殺斃賊六十餘人餘匪逃竄因二荒口坡勢太陡未能深入臣等彼此知會自應併力由此進攻臣福寧酌留將領防守鄖陽關

製三省邪匪方略卷十一

三

營卡外連夜抽撥官兵卽至臣額勒登保營內駐劄初十日四鼓卽帶領巴圖魯侍衛領將兵丁等於斜嶺兩旁分頭潛上賊匪知覺放鎗擲石官兵人人奮勇五鼓已搶至賊人第三層木城之上斫破木城用噴筒火彈延燒賊卡賊匪於火光中急奔隘口被我兵擊殺其隘口之賊見官兵聲勢甚大祇於卡墻木城內放鎗擲石並自將竄回賊匪擊斃滾墮我兵右擊左衝天甫黎明將賊匪接紮之木城盡行踴躍燒燬賊屍遍地器械包穀等物拋棄無算復於坡坎菁林中搜查砍死竄匪亦多我兵乘勢上攻隘口節次搶撲乃山徑愈上愈陡賊匪從卡城施放鳥鎗推石滾木並於山隙峯腰潛放火礮遊擊褚大榮都司陳時昌千總朱子萬羅聲臯葉培

製三省邪匪方略卷十一

三

英何振剛土都司阿朋土守備喇卜達等均受

鎗石傷土都司阿托中鎗陣亡時已午後遂令

各兵接擊營卡四處連夜深挖濠溝以備賊匪

潛下十一日復令官兵攜帶土囊樹條一面擊

賊一面擊卡二處現與賊匪所築之卡堵木城

緊逼晝夜攻打查連日進剿官兵等衝突直前

攀越險阻奮不顧身等幾至日不忍視賊匪

《聖澤聖澤編卷上

三

兇悍已極總由自知無路得生捨命抵禦連日

殺賊四百餘人並無婦女可見俱係兇惡逆賊

等惟有嚴飭各路將領加意堵禦杜其逃竄

仍刻卽設法攻取隘口速擒首逆

同日惠齡恒瑞慶成舒亮奏言臣等於賊匪偷

渡漢江毫無覺察種種貽誤欽奉

訓飭

諭旨備荷

聖慈不加重譴暫留本位於萬難解免之中予以立

功自贖之路感激涕零矢以身報查臣惠齡慶

成追剿自黃龍舖西竄之賊探知賊分數股向

前奔逃滿擬中隔漢江斷難飛渡詎十七日晚

馳至漢陰廳詢問該處文武始知先有一股賊

匪於十二日在紫陽縣屬之白馬石搶船渡江

《聖澤聖澤編卷上

吉

之事是時臣等所追之賊尙未竄至該處恐其

尋蹤而往是以趕緊前追於十九日申刻馳抵

漢王城賊尾正在爭渡雖經官兵奮力邀擊而

在前之賊業已過江前竄富場擊獲賊匪男婦

多名訊明正法並獲代賊僱船之錢正萬等交

臬司先福等悉心究問據稱賊匪於十二日在

白馬石搶船偷渡後至十八日夜又有各賊前

來漢王城逼令僱船渡江等語是頭起賊匪於
十二日搶船過渡後至十八日後起之賊始行
渡江其柯藩所奏總兵艾如文於十七日在簡
池備截殺之賊卽係臣等所追一股是臣等離
頭起偷渡之賊已隔七日卽後起之賊亦隔一
日失察遲延罪無可免臣等於二十二日渡江
時業將錢正萬等解交秦承恩收審現有活口
可憑而預飭地方官移船南岸一事係於五月
初一日札行臣等斷不敢飾詞妄奏至臣恒瑞
追剿東竄之賊於初九日行至七里礮探知賊
匪被鄖西鄉勇阻截亦折向西逃並探得柯藩
駐兵趙家灣一帶恐賊匪不能越過繞向北趨
臣恒瑞復向米糧川西毛坪一路抄截不意賊
匪直向西逃迨臣恒瑞探確賊蹤覓路追襲而

居民避賊未歸無從問路日向深山小徑曲折
尋途以致欲速逾遲於二十三日渡江趕與
惠齡等會合此係實在情形總因臣等知慮短
淺不能預行分兵抄至江邊攔截何敢諉罪他
人今仰蒙
主恩分路帶兵各為領隊查此時各股賊匪已盡竄
向川省通江縣境臣等現經揀選精銳官兵裹
帶口糧倍道星馳分途前進務將各首逆悉行
追及設法剿捕斷不敢藉詞觀望少誤軍機均
奏入
上命軍機大臣傳諭空綿明亮額勒登保福寧曰此
次額勒登保統領官兵連克大垆口木城石卡殺
賊四百餘名實在出力可嘉據奏攀陟險阻衝冒
矢石各情形幾於不測披閱額勒登保福寧著各

賞金鑲寶石帶頭玉喜字牌玉搬指大小荷包綸布春諸神保張廷彥著賞給玉喜字牌玉搬指大小荷包其受傷之副將朱士鳳叅將孫清元遊擊褚大榮都司陳時昌守備張超馬成林千總岑現佩朱子萬羅聲臬葉倍英何振剛土都司何朋土守備喇卜達均著賞給玉搬指大小荷包仍與出力各員弁一併咨部議敘此次打仗各兵及屯土官兵均著賞給一月錢糧陣亡土都司阿托著優賞土叅將職銜咨部議卹再加賞銀二百兩並查明該土弁如有子嗣卽令其襲戴加賞頂戴又據惠齡等復奏一摺惠齡等前此行走遲緩不能截殲賊匪致得偷渡漢江今又因途次雨阻賊匪竄逸愈遠而摺內尙稱尾擊賊匪拏獲男婦多名實屬無恥之至又據奏恒瑞追剿東竄之賊折而向

聖朝聖訓編卷三

七

西因探得柯藩駐兵趙家灣一帶諒賊匪不能越過不意賊匪直向西逃等語是賊匪偷渡漢江竟係柯藩不能堵剿所致惠齡身為總統恒瑞亦係領兵大臣既知柯藩貽誤何以僅於摺內畧爲敘及並不嚴叅統俟宜綿查叅到日再行核辦惠齡恒瑞慶成柯藩舒亮著宜綿督率帶兵打仗看其如何出力倘復有仍前觀望者卽據實指名嚴叅將伊等從重治罪

聖朝聖訓編卷三

天

上又命軍機大臣傳諭秦承恩曰惠齡等奏前獲代賊僱船之錢正萬等解交秦承恩收審錢正萬既爲賊匪僱船必有與賊通同情事秦承恩近在興安業經惠齡將該犯解往自應嚴切錄供速奏該地方官漫無查察任令錢正萬爲賊僱船偷渡亦當一併嚴叅卽前此飭令將接到惠齡等傳知並不

將船隻停泊南岸之地方官查叅一節亦尙未據
奏到著秦承恩卽澈底究明嚴行定罪覆奏毋得
再有遲延回護

二十七日丙申宜綿明亮德楞泰奏言據川北道

李鉉等稟報賊匪三起先後竄入太平之城口
及漁渡壩等處城口主簿蔣曰紀帶領鄉勇向
前堵禦連次殺賊二百餘人因衆寡不敵遂被

《聖訓彙編卷五》

三

戕害並有一股在通江之竹峪關到處焚掠是

以臣復酌派穆克登阿帶兵前赴通江預備迎

擊茲以楚北賊匪由陝偷渡漢江竄入川界奉

旨命臣宜綿總統一切軍務跪誦之下惴懼萬分就

目下情形而論太平一帶地方極關緊要臣等

三人自應酌量分兵力籌兼顧第現在川省賊

匪自經官兵攻克重石子香爐坪等處雖殲斃

已逾萬餘而首逆徐添德等尙未全擒臣等自

十一日以後分兵追剿賊匪復由蓮花菴折至

徐家山臣明亮德楞泰督率提鎮侍衛將備等

晝夜追逼斃賊復不下千名並生擒王三槐之

妻王陳氏及幼女一口賊匪爭棄眷屬踉蹌奔

逸現在大兵均於我城山東北兩面及七里峽

一帶併力圍捕近日由陝境竄入通江之賊復

《聖訓彙編卷五》

三

分兩股一由爛池子竄至巴州之黑山子欲與

方山坪合夥一由王家壩翻山至東鄉中河之

赫石寨爲糧道攸關與此刻徐添德等竄聚之

徐家山地方相去不過一百餘里其勢益形牽

掣臣伏誦

聖諭以爲官兵宜合不宜分賊匪利分不利合

機宜所示

洞燭靡遺是以_臣等再三籌酌如將現有兵力一時

分顧太平則此間兵力實單萬一偶有疎忽致

令將次就盡之賊匪徐添德等復肆鴟張正所

謂顧彼失此萬萬不敢幸連日以來節據太平

一路文武稟報竄至城口之賊本揚言欲入大

寧經_臣飭令都司李廷臣督率鄉勇迎擊於後

圍山一帶堵禦甚嚴未能竄合仍退入修溪壩

等處屯紮其竄至漁渡壩者經李鉉謝開先等

帶領鄉勇先於鹽廠關地方堵禦未能過界又

竄至秋波梁適_臣派往之朱射斗到彼迎頭截

殺斃賊數百人現經該鎮督率叅將王清弼遊

擊王威寧於清花溪蔡家溝長壩石岸口分佈

堵剿兵勇頗為得力其竄至竹峪關之賊亦經

署通江縣知縣涂陳策署守備馬國柱團練鄉

勇於響塘坡洪山塘一帶嚴行防範不敢窺伺

縣治以上各路情形辦理尙屬鎮靜但撥去官

兵及所募鄉勇堵禦則尙可支持剿辦則究屬

不足且該處地方遼濶查惠齡等所帶官兵自

已早抵陝蜀交界_臣已飛咨惠齡等酌留官兵

五六十名預防賊匪折回興安之路其餘官兵

惠齡自必察看形勢或另覓道路繞出賊前或

從賊後衝擊而出一抵川境合之朱射斗等所

帶官兵相機剿辦又恐後路兵丁力量稍疲計

算前調撤拉爾回兵正可趕到應一併檄令來

至太平以供調派如此辦理此一路既無兵分

力薄之虞而太平一帶仍可收前後夾擊之效

所有自通江分竄之賊其既到黑山子者如果

竄入方山坪正屬自投陷穽可爲一鼓殲擒之

舉惟繞至東鄉中河赫石寨之賊現與徐添德等相距不遠而中河後河一帶均係達州東鄉太平往來糧餉要道臣等此刻一面設法擒捕首逆一面知會穆克登阿毋庸前赴通江卽帶兵前赴赫石寨務將此股賊匪全數殲除不得任其滋蔓至大寧賊匪前已遵

聖旨

等

旨令觀成到彼督辦刻下正在設法進兵該處距城口路逕或八九百里或六七百里不等其勢未能聯絡惟於竹山竹谿相去較近臣現在飛咨劉君輔馬瑀徐昭德等於川楚邊界認真防範如果該處地方寧謐並令於該提鎮內酌派一員帶兵馳赴大寧協同觀成攻剿於事當更爲有裨總之刻下賊匪旣已竄入川省則較之蔓延各省之時自覺易於剿辦但賊匪狡詐伊等

雖名爲同教而勢力各有不同察其形跡自必欲各據一處以爲牽制官兵之計臣體察大局在各路之佈置固不可不周而重兵所在仍當以首逆爲重惟有仰仗天威肅清一起再辦一起庶幾根株淨盡餘孽不致復萌奏入

聖旨

等

上命軍機大臣傳諭宜綿明亮德楞額奏劉君輔日連日盼望宜綿等捷報幾於宵旰靡寧本日奏到之摺尙係分兵布置堵剿各路竄入楚匪情形未爲滿意然調度尙爲得宜所有防堵之道員李銳等如果始終出力著查明咨部議敘主簿蔣日紀剿賊陣亡著咨部加等議卹其竄往太平城口及漁渡壩竹谿關等處之賊因見各處均有兵勇攔截不敢肆行窺伺而竄至秋波梁之賊又爲朱

射斗截殺多人其通江分竄至黑山子賊匪若果與方山坪賊匪會合正是自投陷穽該處現有百祥帶兵在彼倘兵力尙有不敷著宜綿派鎮將帶兵前往協剿更易撲滅看來川省防堵嚴密賊匪不能直前奔竄惠齡等務遵照宜綿調度卽帶官兵及撒拉爾回兵或覓徑繞出賊前或從賊後衝擊與朱射斗兩面夾攻惠齡等節次貽悞若能於宜綿等未到之前將首逆擒獲尙可將功折罪至所稱飛咨惠齡等酌留官兵五六千名預防賊匪折回興漢一節賊匪全夥俱竄川境愈去愈遠斷無折回興漢之理宜綿未免過慮現在惠齡一路官兵共一萬二千餘名若再留五六千名防堵興漢則兵力又單不敷剿賊之用惠齡奉到此旨卽將所留之兵全數調往軍營剿賊不可稍有遲悞

聖朝聖編卷五

五

再城口賊匪距大寧遠至八九百里不等賊匪場言欲向該處明係牽掣官兵奸計宜綿等料其不能聯絡所見甚是觀成到大寧後已得有勝仗而續調之兵此時自己早到前經降旨令劉君輔馬瑀徐德昭不必在竹山竹谿駐劄徑赴大寧協剿著該提鎮等加緊行走迅抵該處會合夾擊同日秦承恩奏言竊思惠齡等帶領大兵先由商雒分路入陝軍火糧餉俱自西安省城由商州孝義兩路分設臺站挨次滾送迨後賊匪東奔西突竄入深山徑小路雜大兵分起兜圍跟蹤追趕各營糧餉又由總臺雇覓夫騾緊隨分運至興安府屬之漢陰廳地方賊匪會合先後西竄距西安較遠是以另由西安府安設總臺一由紫陽一由漢中俱滙聚西鄉分運惠齡等

聖朝聖編卷五

五

於五月二十六日行至小溝等處阻雨停住七日六月初四日始移營前進各股賊匪亦因雨阻復由太平邊界折回西鄉之漁渡壩九元子竄至通江邊界其先入川省城口場南溪之賊竄至大寧邊界幸重石子等處賊匪已經宜綿等剿殺餘匪無多奔竄東鄉大兵緊隨圍困殲滅在卽宜綿分兵三千堵禦楚匪已抵太平惠齡恒瑞慶成巴克坦布舒亮柯藩艾如文等俱已分路向九元子漁渡壩一帶合擊其紫陽縣之土地嶺毛壩關等處潛匿遺匪經富爾賽逐日搜山剿洗淨盡臣以該處爲川陝要隘路通與漢札會富爾賽駐守堵捕以清後路兼防楚匪返竄並准英善咨會川省軍營需用夫役幾及十萬楚匪入川後各路大兵軍火糧餉勢難

聖朝實錄卷四十一

三

兼顧臣查由興安而至川省幾及千里崇山峻嶺路窄而陡夫苦登陟馬不能進每夫負米二斗攀援而上隨兵行走日食一升一供兵一自贍十日而二斗之糧卽盡官兵二萬肩運之夫卽需二萬附近居民多已逃避太平一帶壯者充當鄉勇弱者不能負重且時值農忙每名日給銀二三錢亦無夫可僱臣現分札西鄉附近州縣設法協濟所有米麥乾麩火藥鉛丸火繩總期寬爲預備源源接濟無悞兵食其一切腳價雜支截至出境之日爲止按照章程將銀兩彙解川省委員聽其就近支應臣再隨時察看如果相離過遠川省可以接辦再與宜綿酌定停運再查撤拉爾回兵陸有仁接准宜綿咨當卽檄令起程由鞏昌白馬關取道漢中行走查

聖朝實錄卷四十一

三

自循化至漢中計程二千里漢中至西鄉二百四十里俱係崎嶇山路該回民等途中念經一日阻雨二日於五月二十五六七暨三十等日全抵漢中已前赴西鄉九元子進剿

秦承恩又奏言臣欽奉

諭旨漢江北岸船隻前據惠齡等奏稱已屢飭該地方官速行移泊何以復被賊匪搶船偷渡令查明

製卷第幾篇第幾章

完

早

速奏臣查楚匪西竄前於四月初六日即札飭興

安文武各官將一切船隻收歸南岸初十日復

札飭延榆綏道溫承惠興安府知府周世紹專

派原任紫陽縣丁憂知縣黃靖圖沿江來往巡

查以防疎懈節據稟報本地打魚砍柴裝運糧

食糞草小船相隔三里五里零星停泊者已全

數拘歸南岸其過往商客船隻順流直下無一

定停泊處所者亦於經由總口豎立禁牌並橫

江安索攔阻隨時曉諭惠齡於四月二十九日

札飭移泊船隻各地方官於五月初旬陸續奉

到其時賊匪已抵興安沿江上下處處戒嚴逃

難民人少壯者得以泗水過渡攜帶老幼者奔

聚江岸紛紛叫渡勢甚倉惶地方官惟恐賊匪

假扮難民混入南岸必令鄉保指認明確始准

製卷第幾篇第幾章

早

渡過在各船戶即無家貲亦顧性命當賊匪未

至之前偶有訛傳尚知趨避斷無賊匪已至仍

然停泊北岸坐待擄搶之理臣前此具

奏時即經派委誠實員弁嚴密訪查紫陽白馬石

漢王城等處居漢江上游實祇水深三四尺不

等各股賊匪俱係騎馬淌渡間有搶過船隻裝

載老幼婦女其強壯之賊多係兩人挽手並涉

而臣現在盤獲被賊裹去渡江逃回之人所供情形質之兩岸山頂目擊居民及隨營委員等稟報俱屬脗合再查惠齡趕抵漢王城卽先差探馬九匹躡水過江至太山廟跟探賊蹤亦其明證如果地方官實有疎忽情弊臣仰蒙聖恩不加譴責仍令自行查叅臣何敢稍涉迴護自干咎戾均奏入

聖祖聖孫萬歲

聖

上命軍機大臣傳諭秦承恩曰據秦承恩奏查明前此賊匪偷渡漢江時皆係由白馬石漢王城等處淌渡所奏實屬回護賊匪由漢江偷渡秦承恩身係巡撫不能預飭嚴防本有應得之咎朕不加嚴譴仍諭令將地方官據實查叅乃該撫竟不知朕恩尚稱各股賊匪均係騎馬淌渡兩人挽手並涉顯爲不肖屬臣詞開豁冀免罪名大屬非是漢江

一帶或因道路綿長料理不及尙屬情事所有若云船隻盡泊南岸並無在北岸停泊者則惠齡等牽獲代賊僱船之錢正萬及船戶人等早經移送秦承恩處人證確鑿豈能掩飾該撫乃欲爲地方官飾詞抵賴耶設朕將錢正萬等解京究訊彼時水落石出該撫能當重戾乎秦承恩著傳旨嚴行申飭仍著將錢正萬等犯審擬具奏一面將貽悞地方官及柯藩於賊匪偷渡漢江因何轉赴北岸之處逐一查明叅奏至籌辦川省糧運一事所辦尙是該撫務須嚴飭委員上緊妥運以期源源接濟無悞軍需爲要

聖祖聖孫萬歲

聖

欽定剿平三省邪匪方略正編卷四十二 丁巳年

閏六月初一日己亥 觀成奏言查大寧與陝楚接

壤而九龍池距太平交界一百餘里尤為緊要

近知楚匪陸續逃至太平接准宜綿知會已派

鎮臣朱射斗帶兵堵剿臣 前因兵力稍單續調

省標重慶新兵六百名已於初十十一日趕到

惟九龍池賊巢地勢險要仰攻不易訪有本地

《聖朝聖編卷三》

一

樵夫能知路徑當即覓雇多名分派引路十三

日三鼓密派遊擊愛隆阿等帶漢屯官兵鄉勇

六百名從洗沙溪繞赴石滾坡之後派協領蘇

勒芳阿等帶滿漢官兵鄉勇六百名從團寶山

繞至九龍池之後臣 帶領叅將蒲益章等帶兵

勇七百名從鴉雀水進攻艾葉溪派知府張至

幹等帶鄉勇三百名隨後策應時天尚未明人

入奮勇先將艾葉溪守卡賊匪盡數殺死當即

奪據適愛隆阿等帶領兵勇已從山後箐林攀

援而上直抵石滾坡向九龍池賊卡拋擲火彈

趁勢砍開木城臣 望見火光即督催弁兵搶上

野猪城山梁蘇勒芳阿等亦由團寶山衝殺競

進賊匪見官兵三路進攻抵死抗拒武舉楊應

揚奮勇殺賊陣亡官兵不避矢石痛加剿殺斃

《聖朝聖編卷三》

二

賊無數餘匪向西由漆垭子一帶翻山逃逸隨

督令將弁分投追剿二十餘里賊匪見官兵夾

擊窮追拚命搶上老木園山頂儘力抵禦時已

天晚山霧陡作不辨路徑隨飭官兵於廟垭子

山梁駐紮現將老木園緊要隘口派撥兵勇圍

堵當將獲賊嚴訊據供賊首陳崇德等四月間

起事原有一千多人後由紅線巖等處歸併九

龍池人數實有多少不能知道等語當將該犯等正法其傷亡兵勇容俟查明咨部卹賞奏入上命軍機大臣傳諭宜綿額勒登保觀成曰觀成奏官兵攻克九龍池賊巢所辦雖好而賊首陳崇德又逃往老木園地方不值卽加賞資現在官兵已將緊要隘口派兵圍堵觀成務當上緊剿辦毋任再有竄逸並加意嚴防勿使與楚匪勾結合夥殺

聖朝聖訓卷十二

三

賊陣亡之武舉楊應揚著咨部加等議卹再前據宜綿等奏生擒徐添德王三槐之母並將王三槐妻女俘獲可見賊勢窮蹙已極喪膽狂奔並其家屬亦不能顧宜綿等當此賊匪潰敗之時自無難擒拿首惡迅速厥功至額勒登保等進逼大荒口距賊巢甚近賊匪困守窮山無處竄逸又不能再有勾結自應乘勝進搗賊巢著額勒登保等迅速

剿辦將該處首夥各犯擒獲後卽赴川省幫同宜綿剿賊

初四日壬寅宜綿明亮德楞額奏言臣等於十六

日督率巴圖魯侍衛將弁兵勇人等搶占小峩城山徐添德等捨死抗拒兵勇奮力上撲殺賊賊目劉學仙林潤二名賊匪五百餘人生擒賊目王敬張大壽二名參將齊齊克遊擊陳大定

聖朝聖訓卷十二

四

千總段大龍李春和外委劉國榮受傷陣亡我兵遂據小峩城山梁與賊所屯大峩城山相對賊匪自知力不能支十七日五更乘霧雨潛竄我兵亟行追趕賊匪沿途將軍械什物盡行拋棄又殺賊六百餘人及賊目熊泳霞雷思榜二名生擒賊目湯思淳湯國武二名賊匪狡猾性成一見官兵卽翻山爬嶺繞道奔走我兵皆攜

帶乾糧竭兩晝夜之力於十九日追至豐城場
 復行圍住查熊泳霞係亭子舖首先起事之犯
 劉學仙訊據眾供係攻陷東鄉時領眾戕害副
 都統佛住知縣張宁陽之犯王敬湯國武係去
 歲打仗先後戕害總兵袁國瓚參將尙維岳之
 犯_臣等隨分別將該匪等梟首剝屍凌遲處死
 其楚匪竄至黑山子者經知州常發祥帶領鄉
 勇截殺退屯秦家溝竄至中河者為鄉勇王道
 益截殺適提臣穆克登阿帶兵趕至奮勇追擊
 賊匪遂逃至太平之固軍壩據險屯紮其在漁
 渡壩者亦由竹峪關竄至後河羅文壩一帶焚
 掠柯藩帶兵自陝趕至沿途剿殺甚多追至官
 渡場_臣前派往迎剿之總兵朱射斗亦至太平
 趕至兩面夾擊_臣等查現在所存匪黨不過二

聖朝聖德編卷四十三

五

千餘人而逆首未獲_臣等未便聚守一處復公
 同商酌_臣德楞泰酌留兵三千名督同鎮臣達
 音泰木騰額剿辦徐添德等餘黨_臣宜綿率明
 興等_臣明亮率索賚英阿等酌帶兵勇趕赴中
 河後河會同穆克登阿柯藩將固軍壩官渡場
 賊匪剿盡即馳赴太平城口計惠齡等已由竹
 峪關入川自西而至其防守郎陽邊界之劉君
 輔馬瑀等自已遵
 旨酌派一人帶兵至大寧幫同觀成攻剿九龍池賊
 匪不日可以蕪事自東而至三面會合所有竄
 至太平各股賊匪無難以次削平惟北面陝西
 連界自安康至南鄭沿邊千有餘里不可無兵
 防守柯藩已入川境未便復令轉回_臣前咨惠
 齡酌留兵四千名交秦承恩嚴密防堵尙有總

聖朝聖德編卷四十三

六

兵富爾賽署總兵田有成足資彈壓如此布置
四面皆有重兵以次收攏賊若分股竄逸即可
分投撲滅若合併一處更可一鼓聚殲即防守
之兵亦可步步進逼以剿為堵庶幾易於蕪事
同日額勒登保福寧奏言賊匪林之華覃加耀
等屯踞芭葉山其大坳口一路實為要隘是以
抵死抗拒臣等昨經督兵接拿營卡近逼隘口
自六月十四日以後一面派兵各路誘擊以分
賊勢一面晝夜用土口袋逐層堆塚以便直接
大坳口卡壘期於必破乃二十日五鼓我兵正
在攻打緊急忽據諸神保報稱賊匪四鼓時已
於彼路衝卡從高嶺頭逃竄臣額勒登保除派
薩克坦布三音庫揚遇春游棟雲張廷楷等帶
兵進剿芭葉山外即帶同綸布春格布舍富蘭

聖朝聖訓卷三

七

噶拉三布雅總兵張廷彦等覓路分投兜截行
有三十餘里遇賊紛紛四竄我兵趕追截殺死
者沿山逼谷諸神保亦已追賊上嶺又分追十
餘里時值昏暮暫行駐劄臣福寧亦即趕到據
諸神保稱於二十日四鼓聞賊匪放鎗人馬嘈
雜當即帶兵出擊不料副將朱士奉遊擊何天
標二員所管中間兩卡被賊衝開朱士奉因前
次帶有石傷未能帶兵出卡禦賊何天標當時
腿著鎗傷諸神保到時飭令官兵施放連環鳥
鎗賊匪不顧仍即奔逃官兵祇可奮力追擊而
賊匪竄逸之路係諸神保所管惟有懇求奏
治罪等情臣等仍飭該鎮追趕一面乘月色初
上亦即分兵追剿賊匪踉蹌奔走殺斃甚多生
擒賊目何德中及公譚赤宗曹全祿等二十一

聖朝聖訓卷三

八

僉供覃加耀早間業已得受鎗傷見林之華扶
令上馬等語查賊匪現竄處所距芭葉山五十

餘里係建始縣地方通巴東恩施兩縣路徑叢

雜跬步皆山臣等所帶兵力未能分追遂飛飭

駐守蠻路口之關騰金雞口之慶溥等連夜帶

兵前來薩克坦布等業將芭葉山餘賊搜剿淨

盡俱經帶兵趕到卽派於各要路繞截抄殺至

聖旨

九

此次賊匪由朱士奉何天標所管營下竄出雖

該副將等均各帶傷而疎防之罪萬無可道諸

神保係領兵大員卽奮力追剿殺賊有二百餘

人亦難抵過應請

旨將副將朱士奉遊擊何天標革職拿問總兵諸神

保並請革職拔去花翎仍留軍營効力贖罪臣

等照料不周亦難辭咎應請

旨交部嚴加議處

同日劉君輔奏言臣前在上津堡帶兵取道白

河確探賊蹤迎截十一日奉到

諭旨令臣與馬瑀在竹山竹谿一帶邊界堵剿總兵

徐昭德亦帶領原有之兵協剿臣當卽由白河

捷徑於十五日移抵竹谿與馬瑀會晤親往察

看邊界竹谿與大寧接壤處所較之竹山尤爲

聖旨

十

貼近查正南之渡船口泉溪蕭家坡緊接大寧

徐家壩實爲由川入楚扼要總徑又東南之向

家壩中頭寨西南之雞心嶺竹葉關俱與大寧

毗連正西之關垵秋溝塘卽爲陝省平利縣界

又查竹山竹谿之洪坪陳家舖及近漢江南岸

各渡口在在均關緊要臣隨與馬瑀商定立督

官兵酌擇扼要處所先加防範臣卽帶兵前赴

正南一路嚴密堵截往來策應馬瑀帶兵在東
南一路截住相機會剿其竹谿之西南及竹山
之各隘渡口現聞徐昭德即日可到俟其來時
再行面商擇要堵截其二竹原有鄉勇亦即分
佈要隘層層設卡協同官兵堵禦至房縣九道
梁地方亦與大寧連界經汪新飭派同知周季
堂管帶健勇數百名前往防堵惟無將官督飭

聖朝實錄編卷十二

十二

臣已飭令副將多爾濟扎普星馳到彼督率防
範臣仍與馬瑀不時往來二竹邊界逐加巡防
均奏入

上命軍機大臣傳諭宜綿明亮額勒登保德楞泰福
寧曰宜綿等於十六日搶占小峩城山十七日五
更賊又乘霧雨瀰漫之際潛行逃竄實屬可惡着
此情形必是兵圍不固又令賊匪竄逸宜綿明

德楞泰均著傳旨申飭現在賊匪竄往豐城場復
經官兵追及圍住據稱酌留德楞泰與達音泰等
帶兵三千名在彼剿辦此事即責成德楞泰上緊
搜捕不可不倍加奮勉以副委任所有殺賊陣亡
之叅將齊齊克遊擊陳大定千總段大龍李春和
外委劉國榮俱著咨部加等優卹又據額勒登保
等奏賊匪於二十日夜間由諸神保一路營卡逃

聖朝實錄編卷十二

十三

竄殊出意料之外此由諸神保防堵不嚴以致賊
匪衝出竄逸諸神保即著革職拔去花翎仍留軍
營効力贖罪副將朱士奉遊擊何天標俱著革職
拿問至額勒登保福寧之咎止於調度未能周妥
賊匪並非由伊二人劄營地方逸出此時且不必
交部額勒登保向來打仗奮勉現在此路賊匪仍
責成額勒登保與福寧督率剿辦務當持以鎮定

不可因賊匪逃逸遂至心忙意亂中無把握再摺
 內稱賊匪現在竄匿之處距芭葉山有五十餘里
 已派令關騰慶溥前往抄截此時賊匪曾否截住
 抑復又往他竄未據聲明倘前路無兵攔截以致
 未經被賊地方復遭蹂躪所關緊要建始與川省
 之大寧相近昨據觀成奏九龍池之賊又竄往老
 木園復經官兵圍住本日劉君輔奏移兵竹山竹
 谿堵剿前已有旨令劉君輔及馬瑀徐昭德帶兵
 徑赴大寧堵剿想該提鎮等接奉前旨自己前赴
 大寧倘老木園賊匪剿辦畧須時日者觀成酌量
 於劉君輔馬瑀徐昭德內留一人在老木園幫同
 剿賊分二人帶兵前往建始巴東一帶探聽迎堵
 並著宜綿等一體留心偵探倘芭葉山賊匪亦竄
 至川省夔州界內務於帶兵大員內酌分一人前

往幫同額勒登保等夾剿以防賊所會合勾結為
 要
 又命軍機大臣傳諭額勒登保福寧曰本日據奏
 芭葉山賊匪又竄往建始地方已有旨訓飭並令
 上緊追剿但思賊匪於二十日五鼓逃竄此摺係
 二十二日拜發據稱賊匪竄往之處距芭葉山不
 過五十餘里若額勒登保等即刻跟蹤追躡何至
 兩日之久尙未趕上看來額勒登保等自係冀幸
 趕剿淨盡是以遲而未發直至二十二日未經趕
 上賊匪始於是日發摺其摺內稱已飛飭關騰慶
 溥帶兵於要路繞截抄殺又似賊去尙未甚遠但
 該鎮等亦皆在金雞口等處防守一時未必即能
 將賊匪截住抑或賊又他竄總未據聲敘明晰而
 額勒登保等現在又趕至何處亦未奏及著再傳

聖朝實錄卷之三

三

聖朝實錄卷之三

古

諭額勒登保等務宜上緊跟剿以贖前愆不可似
惠齡等之惟事尾追遲延干咎也

十二日庚戌宜綿明亮德楞額奏言查楚匪三股

入川一股屯聚太平之城口其兩股先後由竹

峪關至通江境內一股翻山至東鄉中河一股

至東鄉後河一帶在中河者經臣等派穆克登

阿帶兵堵禦追至固軍壩在後河者經柯藩艾

《聖朝實錄卷四十二

五

如文沿途截殺追至官渡壩與前此派往太平

之朱射斗兩面夾擊詎賊匪詭譎異常每股又

各分爲數起後隊牽綴官兵且戰且走以便前

隊得以晝夜狂奔二十二日臣宜綿明亮帶兵

自普光寺起程其在固軍壩之賊一見官兵並

不接仗卽翻山思竄穆克登阿正隨後趕殺臣

明亮適帶兵趕至將後隊之賊截住去路全行

殲斃其在官渡口之賊見柯藩艾如文與朱射

斗兩面兵至亦不接仗分爲數隊由山僻小路

陸續奔逃散則藏匿樹林聚則扼據險隘一日

之間遷徙無定時惠齡帶兵已至後河慶成德

齡帶領馬隊先行趕到柯藩等知後起官兵已

到遂星夜繞出賊前截住一股擊殺賊匪四百

餘人惠齡等率兵趕到亦將後隊賊匪殲斃甚

《聖朝實錄卷四十二

六

衆餘賊均從旁路奔至東鄉前河一帶屯劄臣

宜綿明亮正督率將弁前進間途次接臣德楞

額來信知於是日帶兵剿殺徐添德等自豐城

場至白馬廟沿途擒殺七八百人惟聞城口之

賊爲太平兵勇所堵不能竄合大寧遂率衆南

奔分爲兩股一至前河將竄南壩場一至開縣

之溫湯井距縣甚近已派守備何峻佐石鼎成

帶兵五百名並調副將王承勳帶兵五百名赴開縣防守其南壩場一路實為東鄉新寧開縣總匯隘口需兵堵禦亟請分兵前來臣宜綿思白馬廟亦係前河地方徐添德等既竄往該處而中河後河兩股楚匪及城口之賊又俱至前河一帶自必欲與徐添德等勾合雖徐添德等餘黨現在不過千餘而楚匪人數實不下二萬

《聖朝聖紀卷三十三》

七

有餘到處奔突急應分抄截殺當派穆克登阿星夜帶兵由間道繞至南壩場屯劄與臣德楞泰聲勢相倚二十三日臣德楞泰督率達音泰巴圖魯侍衛將弁等帶領漢土官兵武童羅思舉李子秀等帶領鄉勇分路剿殺徐添德等不敢抵敵即捨命奔逃官兵追至半頭山白秀山一帶正在掩殺之際其中河後河及城口竄來之

楚匪業已會合於山溝樹林內突出數股號衣分青白藍三色步行在前騎馬在後我兵猝然相遇向前接仗鎗礮並發賊匪恃其人眾相持一二時不肯稍退官兵奮勇前進殺死賊匪二百餘人生擒七名賊始却退分屯土黃壩至五保頂延長三十餘里時天色已晚我兵遂在環子山屯紮其夜臣宜綿明亮與慶成柯藩艾如

《聖朝聖紀卷三十三》

六

文德齡等先後趕上一十四日臣明亮德楞泰等分路進攻土黃壩五保頂等處馬步賊眾蜂擁前來經官兵奮勇進撲鎗礮並放擊斃騎馬執旗賊目三名奪獲賊旗一桿上書新營總鎮葉發祥七字殺死賊匪五百餘人搶獲刀子九十餘件賊眾連夜奔竄我兵盡力追趕殺斃四百餘人賊匪又分為兩股一股千餘人竄至開

縣之温湯井與城口之賊合夥一股萬餘人竄屯開縣之南天洞火焰壩白巖洞一帶而徐添德王三槐等即附此股之內臣等公同商酌温湯井距開縣六十里王承勳等帶兵數百名以之防守則有餘以之剿殺則不足今又添賊一千餘人必須添兵剿堵因派副將長春遊擊王霖宋浩修等帶兵一千名鄉勇二千名迅往剿辦其南天洞火焰壩白巖洞數處賊數既多且首逆多在其內臣明亮德楞泰穆克登阿帶兵由南壩場繞赴賊前慶成柯藩艾如文德齡由五保頂追擊其後惠齡舒亮於後河一帶搜捕清楚已抵大堰壩即日可以趕到恒瑞前經赴城口剿賊今城口之賊南竄恒瑞亦自太平官渡一路趕來三面會剿賊匪自無從遁逃至南

欽定剿平三省邪匪方略

正編卷四二

壩場一路未便空虛留遊擊沈宗文帶兵一千名鄉勇二千名駐守以防賊匪折回臣宜綿率同明興索費英阿等亦駐南壩場為各路策應惟查開縣之臨江市其地為水陸衝途屢獲賊犯俱供賊目等欲仍回湖北滋擾臣等嚴飭該縣實力防範一面委通判英貴將臨江市沿河船隻盡行撤赴上流多募鄉勇於沿河一帶晝夜防禦又飭夔州府雲陽萬縣一體嚴加堵禦所有大江停泊船隻亦令撤回上流以絕賊匪奔竄之路並移行觀成劉君輔馬瑀徐昭德等加緊堵截以免竄合大寧賊夥查楚匪雖有二萬餘人不過與前此重石子香爐坪賊數相等加以惠齡等帶來之兵已倍於從前臣等惟有趕緊分途剿殺以期擒獲首逆掃淨餘氛奏入

欽定剿平三省邪匪方略

正編卷四二

上命軍機大臣傳諭宜綿明亮額勒登保德楞泰福
 寧觀成日宜綿等奏官兵截剿賊匪情形所辦俱
 好賊匪雖尚有二萬餘人經大兵四面合圍想賊
 首聚集一處較易圍擒宜綿等當趁此賊匪首夥
 屯聚一處併力攻圍悉數擒縛勿使再有竄逸現
 在賊匪竄聚開縣地方訊有欲回湖北之語宜綿
 業經飭令該縣等將臨江市沿河船隻撤赴上流
 並飭夔州府等將大江停泊船隻一併撤回但所
 派之人僅係通判知縣等員恐尚不足倚恃該處
 有專管道府應即飭令實力妥辦不可如前此陝
 省漢江船隻名為移泊南岸仍被賊匪搶渡倘該
 道府奉行不力著宜綿提實嚴參必當重治其罪
 至開縣距湖北較遠賊匪未必即行折回而大寧
 與開縣接壤恐賊匪聲言欲往湖北其意實欲與

大寧賊匪合夥不可不嚴行防範宜綿等現又務
 知觀成等加緊堵截著觀成等速將老木園之賊
 剿竣即帶兵赴開縣迎截協剿至額勒登保等剿
 辦芭葉山竄匪前據奏稱竄往建始縣地方恐亦
 思與大寧之賊合夥額勒登保等既未能先事預
 防致賊竄逸豈尚不思上緊追剿將功贖罪耶
 同日宜綿福寧奏言官兵現俱齊集川省所有
 軍糧軍火兵勇鹽菜並夫馬工價各項需用倍
 繁前撥餉銀二百萬兩陸續解到仍屬不敷支
 放合無仰懇
 天恩再於附近省分賞撥軍餉銀四百萬兩令各該
 省迅速委員管解來川臣等仍責成經手承辦
 各員樽節辦理實用實銷再臣春間帶兵入川
 恐軍火糧餉川省趕運不及與秦承恩商酌由

聖祖皇帝實錄卷三

三

聖祖皇帝實錄卷三

三

陝西代辦米一萬餘石麥豆三千餘石火藥火
 繩足資接濟由紫陽西鄉兩路運至太平軍行
 得無貽悞茲楚匪全竄入川惠齡恒瑞舒亮慶
 成柯藩等分路追捕或由通江或由太平秦承
 恩恐川省驟難備供又代辦糧六千石設臺轉
 運並分派道府等官攜帶銀兩隨營支放惠齡
 等得以遙至軍營今各省官兵雲集加以鄉勇
 夫役日需口糧約數百石川省軍興已久達州
 附近各屬蹂躪之餘採辦頗艱不得不望隣省
 協濟因札商秦承恩於六千石之外再辦一萬
 石火繩藥鉛酌量配搭足用仍照春間章程由
 紫陽西鄉兩路運至太平庶幾軍儲充裕不至
 臨事周章奏入得
 旨著於內庫撥銀四百萬兩解赴達州備用

欽定剿平三省邪匪方略 正編卷四二

十四日壬子額勒登保福寧奏言查賊匪林之華
 等情急奔逃恃其山路熟悉亡命疾走官兵追
 剿必須抄前斷後詢問土人據稱賊匪於二十
 二日尙在建始縣境內若欲竄至縣治中隔清
 江大河一道難以過渡若前至恩施宣恩祇須
 過五家河該處河流淺窄恐其由此分竄節經
 隨探賊蹤已向五家河前去卽派綸布春諸神
 保關騰富蘭三音庫格布舍皂保劉瑞等於二
 十三日帶兵先出五家河至新村餘金壩一路
 攔截臣額勒登保帶同總兵張廷彥薩克坦布
 噶拉噶達飛揚遇春游棟雲等由羅雲巖長壩
 芭蕉巖下午攔門亦過五家河追剿二十四日
 午間追至白果坪見賊匪俱上紅土溪山嶺臣
 額勒登保督兵分佈截剿賊匪攢聚捨命衝抵

二八三

甚屬兇悍維時綸布春等亦由餘金壩追上紅土溪對面山梁迎頭擊殺三百餘人賊匪方形慌亂乃至申刻暴雨如注山氣迷漫忽有賊匪一股突從山後直出綸布春等之前官兵兩路合力攻擊賊匪始竄上馬河壩山時已傍晚雨尚未止賊匪上山飛擲石塊不得不暫於白果坪山梁拿卡駐劄此次有叅革總兵諸神保奮

聖朝勳績編卷三

五

力擊賊連中賊鎗墜馬被害又署副將馬訓都司文光斗守備譚公義亦奮勇殺賊陣亡當將活擒賊先鋒何祖泰等二十一名逐加研訊僉供林之華等見官兵圍逼甚緊是以逃竄不過苟延性命未聞要往何處等語當俱寸磔臣福寧率同慶溥由伊家村一路過五家河沿途搜殺賊匪一百餘人拿獲賊先鋒田起雲賊提點

盛大朋及餘匪鄭元道等十四名所供亦與何祖泰等無異一併殲戮臣等於二十五日在白果坪會合一處再四商酌賊匪狂奔無定而馬河壩一山通達恩施宣恩兩縣皆關緊要恩施係施南府城附郭宣恩并無城垣尤須嚴備雖早經行令該守令等防禦尙慮或有疎虞已派總兵張廷彥帶兵馳赴該二縣一帶會同副將

聖朝勳績編卷三

五

樊繼祖相度情形一面扼要防堵一面確探賊情進剿外臣等於二十六至本月初一等日分督巴圖魯侍衛鎮將等急攻馬河壩山賊又四竄我兵晝夜追擊於羊公頭尙書樹長坪等處連次打仗斃賊甚多守備陳德奎李根長俱擊賊陣亡賊匪現在竄至宣恩縣屬之椿木營一帶與官兵相持臣等逐日紮營俱近在一處該

匪等自知罪不容誅隨處奔衝希延旦夕而此
一帶深山窮谷人戶無多俱係相離居住一間
賊至驚惶躲避任其蹂躪且有為賊逼脅入夥
背負器械拉馬者官兵因山路盤折分岐方從
此路進剿賊又從他處逃遁未嘗不設有疑伏
聲東擊西衝斷賊匪殲戮生擒者不一而足但
賊首未得賊眾忽合忽分仍然固結我兵奮勇
追捕實已不遺餘力兼之入山路遠軍糧軍火
不能接濟民間糧食本屬無多經賊匪搶掠之
後更無從採買種種情形實屬萬分焦灼惟有
竭盡心力設法籌畫激勵將士等上緊剿捕奏
入

上命軍機大臣傳諭宜綿明亮額勒登保德楞泰福
寧觀成汪新日額勒登保等由五家河追賊至宣

恩縣之椿木營一帶看此情形究不免落賊之後
若果緊躡賊蹤何必復行踴探現在賊匪向西奔
逸若一直前去仍係川省西陽一帶不可不亟籌
堵截而施南府城及宣恩縣僅派張廷彥帶兵五
百名協同樊繼祖堵禦亦未免單弱大寧在宣恩
之北相距較近前已有旨令觀成等酌量情形派
兵迎剿著傳諭觀成等如此旨到時老木園之賊
業經剿淨即可統領勝兵就近徑赴宣恩一帶夾
擊倘剿捕畧須時日觀成係在大寧專辦之人未
便輕動而劉君輔亦已年老著派馬瑀帶兵千餘
名星馳前赴宣恩一帶幫同額勒登保等剿辦自
無虞其他逸至摺內稱入山路遠軍火軍糧不能
接濟等語此時附近夔州一帶仍有剿賊之事川省
自難兼顧著汪新飛飭附近施南府各屬星速辦

運探明額勒登保等帶兵向何處剿賊即運往何處應用不可遲悞至湖北荆宜一帶如有留駐防守之兵與其在彼閒住何不酌派數百名令參遊等官帶領速往聽候額勒登保等調遣此二事俱著汪新就近酌籌妥辦至額勒登保等一路從前孫士毅原帶之兵俱交福寧統領又惠齡於剿淨灌灣騰賊匪後所有之兵亦帶赴黃柏山交與福寧而勒保到彼又將黔兵留下加以張廷彥由湖南撤回官兵並諸神保帶往之兵不下萬名而該處賊匪節據奏報或剿殺數百名或一二千名賊數自應日減且現在賊匪奔竄地方並非城市鎮店據稱無從買食其荒僻可知卽有裹脅亦屬無多何以額勒登保等於官兵祇嫌其少而賊匪祇見其多可見從前殺賊之語盡屬虛飾現今馬瑀

聖朝實錄卷三十二

元

帶兵前赴該處又令汪新於附近地方防守兵內抽撥數百名前往額勒登保等自行酌量如兵力尙不敷圍捕不妨於距賊較遠之各標營及義勇內酌調應用俾兵力益加壯盛而糧餉軍火有汪新籌辦接濟亦無虞缺乏况林之華等不過畏死狂奔勢已窮蹙所謂代賊拉馬背負器械之人不過被賊迫脅無奈聽從未必爲之出力一經大兵圍剿卽可立時解散惟當專心剿辦速擒首逆馳奏捷音至宣恩縣椿木營一帶與四川邊境相距不遠迤西則係西陽石砭等處迤北卽係夔州所屬宜綿現在兼署該省總督地方官自必隨時稟報得信自早椿木營賊匪究欲竄至何處是否闖入川境宜綿此時自已得有確信或酌派將領數員分兵前赴宣恩迎剿自更得力再諸神保奮力

聖朝實錄卷三十二

辛

擊賊中鎗陣亡自因前此賊從伊所管營卡逃竄
心知愧勵奮不顧身亦堪惻惻諸神保係革職之
員例無卹典寃念其殺賊捐軀仍特加恩議卹但
若竟照總兵原職未免過優諸神保著咨部照參
將例給予卹典以示懲勸兼施之意其陣亡之署
副將馬訓都司文光斗守備譚公義陳德奎李根
長俱屬可憫者咨部各加一等議卹

欽定剿平三省邪匪方略

正編卷四三

欽定剿平三省邪匪方略正編卷四十三 丁巳年

閏六月二十一日 巳 觀成奏言查老木園賊匪

陳崇德等現存醜類雖僅千餘而依山爲險於

路通泉穴之飛沙嶺大竹溪蜈蚣嶺等處安排

木石以逸待勞 臣 連日將各卡嚴密佈置分撥

弁兵廝尋路徑六月二十七日積雨初晴派遊

擊德清額佐領順德防禦崇喜等帶領兵勇進

欽定剿平三省邪匪方略

正編卷四三

攻大竹溪派遊擊愛隆阿都司徐棗李寅等進

攻飛沙嶺 臣 帶領知府張至幹佐領阿琅阿並

兵勇等隨後策應次日黎明德清額等進至大

竹溪搶上埡口賊人拋擲亂石我兵奮勇爭先

奪佔木卡因地勢險狹難以駐守立即縱火焚

燬時愛隆阿等巡撲飛沙嶺直前衝突賊賊二

十餘名餘匪始行敗退將弁兵勇自辰至未喘

息汗流且樹木愈密路徑愈仄當將各路兵勇徐徐撤下臣思仰攻中堅實為費手惟蜈蚣嶺

一山在老木園之左緊接賊巢設有賊卡二處

若乘其不備連夜搶佔方可扼要進攻派令愛

隆阿德清額等仍由大竹溪飛沙嶺原路進攻

率綴賊勢派署都司李寅等挑撥奮力兵勇一

百名先赴蜈蚣嶺山脚密箐內埋伏俟聞兩路

製看龍鳳齋卷三

二

鎗礮之聲先行搶上二十九日五鼓愛隆阿等

帶領兵勇直抵大竹溪飛沙嶺施放鎗礮吶喊

進攻賊匪率眾抗拒李寅等聞聲即率領兵勇

趁賊人首尾不能相顧攀上蜈蚣嶺山梁搶奪

木卡守卡賊匪拋擲木石外委鄭起高身受石

傷賊匪正在抵死抗拒千總傅廷剛州判馬鳴

鑾把總方得富李翠外委楊祿並奮力兵勇一

擁繼進賊匪抵禦不住當即殺斃數名兵勇乘

勢搶撲二卡賊匪仍敢放鎗抵敵李寅及千總

楊富貴拋擲火彈首先砍開木卡隨將蜈蚣嶺

奪佔即於山梁砍伐樹木豎立木城分派兵勇

扎駐臣趕緊鼓勵兵勇相機剿辦迅搗賊巢斷

不敢稍涉遷延

同日宜綿明亮德楞額奏言查楚匪竄入開縣

製看龍鳳齋卷三

三

等處臣等同惠齡慶成柯藩艾如文德齡於初

一初二等日各帶兵勇分路馳擊南天硯火焰

壩白巖洞屯聚賊匪斃斃一千餘人生擒陳一

禮等四十三名其溫湯井之賊亦經穆克登阿

率同副將王承勳長春等進剿擒斬二百餘人

餘俱翻山拚命狂奔隨提陳一禮等嚴訊僉供

匪眾欲往大嶺合夥又有一股欲到雲陽如遇

官兵堵截卽仍走回開縣等語餘無要供當卽

正法臣等思該匪等現仍分股竄逃十分詭詐

或於密箐潛伏或卽盤踞險要牽綴官兵臣明

亮德楞泰由九子嶺一路追擊惠齡慶成柯藩

由石筍溝一路追擊臣宜綿率同明興索費英

阿由二滙口前進爲各路策應並派穆克登阿

艾如文田有成各帶兵勇繞赴雲陽萬縣一帶

《聖朝聖編卷三

四

分投堵剿副將王承勳等在溫湯井一路堵截

恒瑞舒亮由太平一路將落後賊匪逐一搜剿

趕赴穆克登阿一路會兵合辦初五日臣明亮

德楞泰行至路陽壩惠齡慶成柯藩行至陸家

坪適值賊匪在燈蓋窩阮家溝一帶焚掠經兩

路官兵分投截殺慶成會同副都統銜六十七

二等侍衛額爾金泰三等侍衛莫新都司岳寧

阿及馬隊官兵首先衝擊賊人放鎗抵禦官兵

冒烟直入賊人慌亂奔逃殺斃賊匪二百餘人

生擒劉爲正等三十七名惠齡柯藩督率三等

侍衛江鼎副將觀祥叅將馬斌遊擊吳三泰等

帶領步兵奮力追殺殲斃一百餘人臣明亮德

楞泰率同達音泰及巴圖魯侍衛等繞至山溝

橫衝擊殺賊匪彼此不能相顧分投亂竄官兵

《聖朝聖編卷三

五

箭射矛戳斃賊三百餘人生擒賊匪二十六名

內有李榮貴一名訊係賊目又據同供徐添德

王三槐等節經官兵追殺只剩一千餘人東奔

西竄因到處多有兵勇堵截總不能逃出東鄉

縣界迨後陝西過來幾股湖北同教之人會合

一處都說陝西四川交界地方今年八九月內

還有起事之人日來又被官兵殺了許多現在

分作數起到處焚掠想往大寧雲陽萬縣一帶

逃走沿途多擄掠人口糧食亦是沿途搶奪等

語該犯等均受重傷俱即梟示餘賊向雲安場

一帶竄逃臣明亮德楞泰同惠齡等乃即分路

趕緊追擊臣宜綿因方山坪一路賊匪僅止百

祥帶兵二千名駐劄大羅坪堵剿未免稍單賊

匪等若因大兵俱赴東南乘虛出巢滋擾達州

聖朝龍圖編卷三

六

東鄉一帶該處為轉運軍火糧餉總匯之區不

可不預為籌備隨派朱射斗帶兵二千餘名馳

赴大羅坪會同百祥督率該處兵勇務將方山

坪賊匪迅速殲除以免牽制再查千總王兆雄

把總吳輝張和王樽方顯榮俱因奮勇殺賊陣

亡其傷亡兵勇人等容俟查明咨部分別卹賞

宜綿又奏言賊匪現趨東南官兵所至距原設

糧臺稍遠時當伏暑夫力易疲臣沿途察看情

形於新寧東鄉西路添設臺站由開縣接收轉

運每日以四五十里為率使夫力不致竭歷惟

各該處丁壯俱已充當鄉勇夫役雇賃維艱臣

率同隨營司道先將帶來人夫派赴各臺站接

替滾運並在附近各屬趕緊添雇夫騾催令星

夜前來以資分撥但各路必須大員督辦以專

聖朝龍圖編卷三

七

責成查有德楞泰帶來之原任江西糧道陳蘭

森惠齡帶來之陝西臬司先福均係軍需熟手

卽札委該二員各在前敵總理糧務免致遲悞

軍火一項業已寬為籌備其兵丁鄉勇夫役人

數較多需用米麵料豆等類先儘本省辦理一

面札知秦承恩由陝省撥來協濟仍恐未能充

裕復經委員攜帶銀兩沿途就近採辦並勸諭

有糧之戶公平糶賣現在足敷接濟惟各路馬隊官兵所騎長馬馳驅日久不無疲斃現於川省各標營調馬一千匹酌量更換於追剿較為得力

同日秦承恩奏言臣欽奉

諭旨令將錢正萬代賊雇船船戶如何聽從及地方

何以漫無查禁查明覆奏伏查賊匪未抵漢

聖諭和衷錄卷三

八

江之前即已仰蒙

訓示慮及上游淺窄易於偷越迨後賊匪果有從白

馬石等處過江逃竄節據差查員弁稟報俱係

涉淺淌渡搶過船隻裝送老小婦女臣恐所查

不實及接到惠齡咨送陳公義錢正萬供詞亦

稱頭二兩股之賊俱涉水行走後股之賊搶船

五隻逼令錢正萬斗過雇送家口避難船一隻

渡送男婦大小其餘騎馬之賊仍係浮水淌渡

是惠齡所訊情形與臣差查相同至錢正萬等

如果受賄雇船法難寬貸疎縱之地方官自應

嚴叅今既據訊明錢正萬為賊叫船及張三清

等為賊渡送婦女老小皆出於被逼被搶非得

賍受雇可比且據錢正萬供稱被賊砍傷左肩

驗明屬實核其情事與裏脅良民無異臣於楚

聖諭和衷錄卷三

九

匪闖入陝境不能迎截以致竄過漢江尙何敢

諉過屬員為自行解免地步惟有仰懇

聖恩將臣交部嚴加議處以為貽悞者戒均奏入

上命軍機大臣傳諭宜綿明亮額勒登保德楞泰福

寧觀成曰此次觀成將蜈蚣嶺賊卡二座搶佔即

於該處劄營仍未進抵老木園賊巢擒擊首逆未

為滿意至宜綿等一路在南天祠溫湯井兩路分

剿共賊賊一千數百名並未擒獲首逆一人而賊眾又向雲安場一帶逃逸似此奔竄無定未經被賊之處豈不又遭蹂躪且沿途逼脅擄掠不特黨夥日增而糧食亦有資藉日復一日伊於何底若不能扼要堵擒迅速完事則賊眾隨時可以裹脅又安能禁其不增黨與惟在宜綿等設法斷賊去路將各首逆逼向一處按名生擒不可再任他竄

聖朝聖訓卷之三

十

尤當擇要攔截勿使與大寧賊匪聯爲一氣方爲妥善此次宜綿等既未擒獲賊首不值加之賞資但念各兵等冒暑打仗究屬出力著賞給一月錢糧以示體卹其在燈盞高等處殺賊陣亡之千總王兆雄把總吳輝張和王樽方顯榮均著咨部加一等議卹又據宜綿奏籌辦糧運事宜諸凡妥協明亮德楞泰入厯戎行且與宜綿在達州共事日

久著責成幫同上緊剿辦慶成與惠齡恒瑞柯藩等前因剿賊行走遲延分別革去花翎示懲此次慶成既首先出力著加恩賞還花翎朕於軍營帶兵人員有功必賞有過必罰慶成此次稍知奮勉卽予恩施惠齡等當共知愧奮如果能擒獲首逆不特可贖前愆仍可仰邀恩賞

聖朝聖訓卷之三

十一

上又命軍機大臣傳諭泰承恩曰錢正萬等係無知小民見大夥賊匪猝至被其逼脅僱船其情尙屬可原至地方官有守土之責如果豫行嚴密防範何至賊匪徑行渡江毫無攔阻今既防守疎虞其罪豈容解免泰承恩尙庇屬員未經悉辦轉以不敵諉過爲詞自請處分了事實屬錯謬泰承恩著先行革去翎頂念其現有經手軍需事件姑暫留巡撫之任以觀後效

二十四日壬戌額勒登保福寧奏言查椿木營一

帶去施南府之恩施縣向隔清河賊匪無船不

能徑渡惟至宣恩縣較近臣等雖先派總兵張

廷彥前往恩施宣恩兩縣於緊要隘口堵禦誠

恐兵力尙單臣額勒登保即於初三日帶領綸

布春等由土地壩等處抄出椿木營之前攔剿

賊匪遂折回七里荒一帶藏匿當即督兵跟追

剿平鄂匪稟稿卷三

七

臣福寧知賊匪業已回竄亦即帶總兵慶溥等

由椿木營之北泰山廟一帶剿入官兵攻擊甚

緊賊匪於初六日從七里荒竄至五寶山該處

峯巒過陡一時未能直上張廷彥所帶之兵劉

營在帽子山已與五寶山相近隨札飭該鎮於

初七日自山之西同時進剿臣等於五鼓督同

綸布春慶溥巴圖魯侍衛等直搶五寶山南面

山梁攻至巳刻官兵俱上山巔張廷彥領兵亦

經進逼賊匪自料不能抵禦即由三花嘴竄入

馬尾溝臣以五寶山路徑陡曲未能帶兵捷下

擊殺即於山巔揮令張廷彥之兵自西而東橫

出三花嘴尾追殲戮及滾崖墮溝者不計其數

臣等並即督兵從五寶山東南覓路下馬尾溝

擬可直至溝底不料行至半坡又均係石壁不

剿平鄂匪稟稿卷三

七

臣能遽下對面山梁為鐵廠壩麻鹿口等早經

派令總兵關騰在彼堵禦賊匪竟敢屢次攻撲

恐有疎虞遂令慶溥帶兵由大歇廠一路繞往

接應臣額勒登保於酉刻帶同綸布春巴圖魯

侍衛等由亂巖中攀援繞道過溝四更時甫上

山梁詎意賊匪已從麻鹿口營卡之下衝出其

時慶溥之兵尙未趕至臣額勒登保所帶官兵

到者尚不及百人當令於黑暗中施放鎗箭驚
喊之聲不絕而賊匪仍紛紛奔竄天甫黎明賊
人已竄至鐵廠壩紅土溪等處臣額勒登保飭
令關騰帶兵追剿初八日晚賊匪又自餘金壩
竄至竹園壩查竹園壩過一深溝即係官店口
現設糧臺臣額勒登保遂分兵令副將楊遇春
迅由尹家村先至官店口防禦並調張廷彥抄

製看聖編卷三

古

往接應其時慶溥業已趕到臣福寧並緊催後
路之兵踵至臣額勒登保連夜由竹園壩一帶
追奔逐北沿途殲戮甚多初九日已刻抵官店
口山頂望見賊匪已與張廷彥楊遇春帶領之
兵接仗臣飭令官兵速壓將賊匪衝斷截殺四
百餘人並生擒及受傷之賊五十三人訊明均
係匪犯當即寸磔餘賊分遁長嶺二官坪于溪

一帶此數日內我兵晝夜追賊不惟人人露處
炊爨亦所不暇而所帶鉛丸火藥亦俱缺乏夜
間暫住山梁令官兵等趕領軍火即行前進初
十日賊又竄上金果坪距金雞口糧臺不遠存
貯軍火軍糧亦多且為後路總要之處不可不
豫為嚴備臣額勒登保復先派副將楊遇春樊
雄楚帶兵繞至金雞口護守糧臺相機剿賊十

製看聖編卷三

五

一日果有賊數百人至金雞口窺伺被楊遇春
等擊退臣額勒登保於是日由金果坪緊躡賊
蹤分路追剿直上紅沙舖賊匪四竄至松木坪
一帶深山密箐藏匿臣福寧一路生擒賊匪三
十餘名俱即正法隨於十二日早間趕至紅沙
舖會合林之華軍加耀現在竄匿之所於鶴峯
州長樂長陽巴東等縣處處可通現在酌量兵

力可分三路卽令綸布春張廷彥出志載坪一帶自北往東進剿其紅沙舖一路令關騰慶海自北往南尾追^臣等帶領薩克坦布三音庫噶達鼐楊遇春自北往西南從黃柏營土地嶺前至白魚寨一路截剿復傳知各鎮將領等俱於緊要隘口駐營留兵防守賊匪見有營卡自不敢近前必於小路奔竄官兵各執器械密伏小

欽定剿平三省邪匪方略

正編卷四三

六

上命軍機大臣傳諭宜綿明亮額勒登保福寧觀成日額勒登保等分兵三路進剿設法擒拏首逆所辦尙好前此賊匪竄至宣恩時距川省邊界較近惟恐其與川匪合夥致有滋蔓今經官兵截剿又復折竄紅沙舖一帶卽在黃柏山附近地方此係曾經蹂躪之地無可搶掠賊匪奔竄荒山無從得食且官兵疊次截剿額勒登保等在該處於道路情形亦當熟悉自毋難緊躡擒拏首逆就擒諒在卽日再前因芭葉山竄匪已至宣恩一帶恐其闖入川境是以令觀成卽派馬瑀帶兵迎剿並諭知觀成如大寧賊匪剿盡亦卽親往幫同額勒登保剿賊今賊匪業已竄回距川較遠毋庸添兵協助而大寧賊匪現在尙未剿竣著觀成等迅速剿辦不必再派馬瑀前赴額勒登保等一路卽於事

欽定剿平三省邪匪方略

正編卷四三

七

二九五

竣後速赴宜綿等一路會剿

二十六日甲子宜綿明亮德楞泰惠齡奏言川楚

賊匪現在合夥狂奔已至雲陽萬縣地方臣等

沿途嚴密查察初十日據探弁報稱初九日自

南天洞竄逃賊匪有一股直撲萬縣一股直撲

雲陽經提督穆克登阿及總兵艾如文副將王

承勳等督率兵勇分段截擊賊匪不能衝突過

剿平匪黨編卷三

六

境旋即折回由分水嶺落花坪等處奔竄臣明

亮德楞泰率領官兵即向分水嶺追擊惠齡恒

瑞慶成舒亮柯藩率領官兵向落花坪追截臣

宜綿率同明興索費英阿由三淮口至朱家壩

一帶策應並查輿肇已抵溫湯井即囑由開縣

一路前進以防賊匪竄逸十一日黎明各路官

兵俱抵大涼山下該處係雲陽萬縣接壤之地

山梁袤長三十餘里賊匪竄踞山巔若乘官兵

經過之時從上下壓橫截去路所關非細臣等

察看形勢自須將各隊逐一分開繞路齊上使

賊匪前後左右四面受敵庶易得手隨即公同

商定臣明亮德楞泰惠齡慶成恒瑞舒亮柯藩

帶同總兵木騰額達音泰等分兵五路並飭總

兵富成德齡等督同將弁分佈山腰埋伏相機

剿平匪黨編卷三

七

剿捕當即鼓勇齊登賊匪不覺死鎗礮亂發

插石齊下官兵蜂擁直前守備趙猶龍把總劉

國興行營千總楊存福首先搶上山巔殺死執

旗頭目二人趙猶龍受傷陣亡各兵四圍競上

登時殺死賊匪一千餘人賊眾慌亂於懸巖密

箐之中覓路逃竄我兵勇氣百倍跟蹤追捕往

來截殺餘賊逃至半山均經伏兵突起殲戮無

遺擒獲李添德等四十餘名訊據供稱徐添德
王三槐與李全王廷詔姚之富等昨在燈盞窩
阮家溝被官兵殺敗分路奔逃因前向陳家山
八角坪石崖壩等處有高方朱三姓係川省邪
教首犯探聞楚匪將到糾聚同教數千人內有
方正潮一犯領夥黨二三千人先入賊隊留高
名貴等帶領四五千人在陳家山八角坪屯聚
阻截官兵並因陳家山等處均係要道各遣小
頭目再往附近糾約匪夥一二日內即可到齊
俟官兵追到或踞高拒守或讓過一半衝截後
路等語隨將該犯等概行梟示適柯藩途次仄
口子擒殺哨探賊匪四五十人拏獲騎馬執旗
賊目方正宗一名訊與李添德等所供相符臣
等復悉心商議陳家山八角坪石崖壩等處均

聖朝聖德編卷三

三

為進兵必由之路若不將此新起賊匪悉行掃

除勢必前後受敵因即挑派得力鄉勇頭羅思

舉帶精幹鄉勇數百名並令都司張朋酌帶兵

丁攙雜其間假稱邪教夥黨已將官兵截退大

師傅現在後面即刻可到令招頭目前去接見

一同趕上大夥行走等語臣等一面各帶原領

官兵臣明亮由黃茅嶺進發臣德楞泰由龍潭

聖朝聖德編卷三

三

子進發惠齡慶成由西堂寺進發恒瑞舒亮柯

藩由走馬坪進發約定十三日子刻在陳家山

八角坪附近地方分路埋伏凡可竄逸之路一

體安兵防堵是日黎明張朋所帶鄉勇已至八

角坪將槍獲大凉山賊匪之旗站立山巔招展

並吹動海螺果見山下四圍匪夥紛紛而出齊

來山上探問羅思舉等即如臣等所教向該犯

等逐一告知並令伊等有名頭目前來見面賄
有高名貴及方正潮之兄弟方正秀方正爵及
朱添壽等率其徒眾四百餘人欣然前來張朋
同羅思舉等將該匪等誘至_臣等營前我兵四
圍齊出將各犯悉數擒下尙有後來匪夥見高
名貴等均已破縛知爲官兵所誘當卽鳴鑼號
召一時聚集三千餘人各執器械烏鎗如飛而
至欲將高名貴等搶回我兵號礮一響各路伏
兵齊出層層圍裏柯藩帶領撒拉爾回兵翻越
山梁二道抄至賊寨之後達音泰觀祥帶兵從
山窪抄至賊寨之前其餘官兵分隊迎擊賊匪
捨命抗拒兇悍異常_臣等隨將首逆高名貴等
押送大營並將賊眾四百餘人駢斬一面鼓勵
官兵奮勇圍殺直至酉刻將抗拒賊匪三千餘

聖朝聖訓卷四三

三

人殺盡分兵於山邊樹林之內生擒老幼一千
餘名直至十四日申刻搜獲淨賊匪房屋悉
行燒燬奪獲烏鎗刀子一千三百九十餘件存
留備用牛馬二百餘匹頭米穀百餘石分賞滿
漢屯土撒拉爾兵丁及各鄉勇_臣宜綿飭委川
東道李憲宜等將生擒賊匪悉心研鞫除從教
各逆隨卽正法被虜上山者酌量保釋外其高
名貴一犯_臣宜綿復親加提訊該犯首先傳教
自雲陽以及附近州縣輾轉傳授男婦已有萬
人卽非該犯所傳習者亦皆聽其號召賊黨俱
稱爲老師傅此次該犯倡議糾眾於陳家山一
帶分立前後中左右五營實爲川省傳教首逆
其方正秀等俱各帶管數百人及千餘人不等
亦屬緊要頭目同惡共濟現在嚴行監禁_臣等

聖朝聖訓卷四三

三

查該犯所供雲陽一帶輾轉傳授人數多至萬人之語未便遽信而川東地方伏而未動之賊自必不少亟須辦盡以期弭患未萌雲陽萬縣雖有穆克登阿等督率將弁兵勇分投截剿第沿江上下地方遼闊路徑叢雜恐尙不敷堵禦復令阿克坦布訥音帶領官兵前往幫辦臣明亮等分路抄繞賊前臣宜綿率同明興索賚英阿等由臨江市前進搜捕餘匪並派委委員馳赴雲陽會同地方官將高名貴所供各教匪密速查拏以期盡絕根株至此大打仗有千總劉志明蘇國瑞朱朝相把總張元張國明陳華武舉周玉坤外委唐尙賢李永清俱因殺賊陣亡應同傷亡兵勇一併咨部賞卹再查前次阿爾薩朗陣亡一節臣奏領七十一在彼目擊臣傳到

聖旨

旨

詢問據稱五月初一日阿爾薩朗帶領章京前鋒校等前往鎮安縣表帶舖我帶領步兵在後行走阿爾薩朗路遇騎馬賊匪二百餘人殲殺數十人追奔二十餘里到王家坪要想紮營山溝內突有賊匪衝出阿爾薩朗仍卽督兵力戰不料胸受鎗傷墜馬參領七格等趕攏救護一同受傷陣亡官兵與賊攪殺一處我同副參領觀山等帶步兵趕上一湧殺入賊纒退走我亦受傷不能追殺等語再三究詰並無異詞相應據實覆奏奏入

聖旨

旨

優加懋賞念其已將另起之賊殲盡剪其羽翼辦理尙好宜綿明亮德楞泰著各賞金盒玉喜字牌大小荷包惠齡慶成恒瑞舒亮柯藩著各賞玉喜字牌大小荷包木騰額達音泰富成德齡著各賞玉搬指大小荷包柯藩拏獲賊目方正宗又帶領撒拉爾回兵翻越山梁抄至賊寨之後尤爲出力柯藩著加恩賞還花翎都司張朋暨旗誘賊著以

聖朝聖訓卷三

三

遊擊陞用鄉勇羅思舉帶領鄉勇往誘賊匪亦屬可嘉著以千總卽補以示鼓勵陣亡守備趙猶龍著咨部加二等議卹並查明伊子侯事竣後送部引見千總劉志明等九員名先後打仗陣亡均著咨部加一等議卹至所稱川東地方經高名貴傳教人數衆多恐有伏而未動之賊宜綿復令巴克坦布訥音帶兵赴穆克登阿等一路剿截餘匪幫

同防範所辦尙未允協現在緊要機宜以擒拏首逆六人爲急務首逆旣擒其餘附和黨夥自必瓦解卽有潛謀接應之人亦必聞風懾服不敢復動若此時遽帶兵搜捕或辦理稍涉張皇轉致激而生變且川東邪教甚多傳聞官兵四出搜捕習教之人心懷疑懼尙復蠢動滋事更屬不成事體口下惟當密爲防範卽高名貴供出有名各犯宜綿亦當遴派大員督同嚴密訪查毋任地方官辦理不善致生事端或竟俟功竣後徐爲辦理亦無不可

聖朝聖訓卷三

三

同日

上諭內閣曰護軍統領阿爾薩朗前在鎮安縣表帶鋪地方突遇賊匪受傷陣亡雖係自無防備究念其沒於王事著交部照例議卹其隨同打仗陣亡

之前鋒叅領七格副叅領保衡長青前鋒校阿克
惇同知高舉及伊子高堯鄉勇頭目九品銜李國
良均著交部一體卹賞又散秩大臣佛住因派往
哈密辦事路經陝省就近赴川幫同剿賊前在東
鄉縣防守殺賊捐軀且伊父三泰從前亦係陣亡
甚爲可憫佛住著交部從優議卹其同時陣亡之
協領塔克新佐領石柱遊擊范楸防禦貴隆額勒
精布守備楊成白知縣陸霖張寧陽典史楊永錫
亦均著交部議卹

欽定剿平三省邪匪方略

正編卷四四

欽定剿平三省邪匪方略 正編卷四四

欽定剿平三省邪匪方略正編卷四十四 丁巳年

七月初二日臣額勒登保福寧奏言臣額勒登

保於本月十三日由金雞口子母坪黃木營土

地嶺一帶僱程趕赴白魚寨十四日晚至長茅

司山下有山溪一道晝夜搭橋前進遇見避賊

民人據稱是日黎明有騎馬數十人來至白魚

寨山梁口稱白蓮教將至我等係屬官兵前來

幫同守卡不料到卡時即將守卡鄉勇等衝散

我等寨內居民先知賊匪已到富家堰卽行搬

移躲避祇剩看守房屋之人聞信亦卽奔避等

語臣卽帶領官兵於十五日飛馳趕上紅魚坪

山頂見賊匪四五百人已在運石欲於山梁割

卡臣帶兵下壓賊跌撲及殺斃者一百餘人追

趕二十餘里餘匪亡命奔逃由紅魚坪溝內竄

入白魚寨生擒偽先鋒張祖順及逆匪林大有等六名逐加嚴訊僉供林之華等前在黃柏山時卽以白魚寨山勢險阻思往藏匿以官兵追剿緊急逃至芭葉山竄出後本欲由恩施宣恩或巴東一帶前往川省又因官兵截剿昨遁至紅沙鋪被官兵緊追只得折由迴龍池鐵廠富家堰麥莊等處回竄探知白魚寨現有鄉勇守卡林之華夥商令人假充官兵分頭上卡偷佔當將該犯等寸磔_臣額勒登保所帶巴圖魯侍衛以及隨從兵丁趕到者尙不及四五百人時已昏黑不能窮追卽於紅魚坪山包駐劄十六日聞隔山礮聲旋見綸布春張廷彥等帶兵追賊已上白魚寨西面之鐵礦坂黃連溪等處賊匪被官兵追趕力疲荒亂沿途斬戮甚多又據

《聖朝實錄編卷十四》 二

關騰慶溥等差人繞道報稱由水井司新衙門沙子壩等處繞至東北截斷賊匪前往長樂縣之各要路_臣福寧在紅沙鋪金雞口一帶將軍糧軍火一面飭令道府等分投趕運接濟外十七日早間亦已趕至紅魚坪會合未到之兵及鍋帳等現在陸續催備到營查_臣等劄營之處與白魚寨緊對係在賊之西南_臣等督率將領卽日相機併力環攻再金雞口一帶係屬後路且爲糧運經行之所將軍成德病體現已稍痊暫留該將軍在彼帶兵防守奏入

上命軍機大臣傳諭額勒登保福寧曰額勒登保等所奏祇係追剿情形逆匪等仍復竄至白魚寨屯聚殊不滿意摺內稱長茅司山下有溪一道搭橋前進一節賊匪亦由該處竄往白魚寨若必須搭

《聖朝實錄編卷十四》 三

橋前進賊匪何以竟能徑渡豈賊眾亦有人爲之搭橋耶至賊匪假充官兵偷佔白魚寨鄉勇卡隘詭譎異常豈鄉勇設卡之處竟無一地方官董理乎此時既四面攻圍必須趁賊甫到之時設法進剿迅將林之華覃加耀等拏獲解京倘或防守不嚴又致乘間逸出則惟額勒登保等是問

初六日癸酉宜綿明亮德楞泰惠齡奏言川楚賊

製看龍鳳編卷四

四

匪向雲陽一帶奔逃該處逼近川江意在搶船竄楚因水路防範周密從山路陸續竄逃我兵分投前進並趕派將領繞道兜截臣明亮德楞泰於十六日行至長壩見對面山梁屯賊三四百人當卽鼓勵弁兵趕上攻擊賊匪並不接仗奪路竄逃俱經官兵剿殺無遺隨據探事兵丁報稱十五日有賊匪四五百人直撲雲陽縣城

適副將長春督率兵勇趕到竭力剿殺賊匪退

屯碯上西坪一帶又屯縣高陽壩地方亦有賊

匪數千人並經穆克登阿巴克坦布訥音艾如

文等分兵截殺臣明亮德楞泰當卽趕赴雲陽

與惠齡等相機援剿臣且綿率同明興索費英

阿由臨江市進發以爲各路策應竊思前此獲

犯高名貴供稱雲陽萬縣等處輾轉傳授多至

萬餘人若大兵併力向前追剿萬一各處新起

賊匪截我後路或與方山坪之賊勾結蔓延更

難辦理當卽知會穆克登阿等將高陽壩屯聚

之賊趕緊剿洗卽在萬縣一帶防堵並派副將

王承勳前往探視適侍衛烏什哈達帶領江西

兵二百名由襄陽前來卽令其隨營聽調維時

興肇亦由溫陽井趕到亦囑速趕前敵十七日

製看龍鳳編卷四

五

賊匪復山峒上西坪率眾進逼雲陽縣城千總蘇國棟把總馬琬帶領兵勇四百名悉力抵禦賊眾捨命攻撲臣明亮德楞泰惠齡恒瑞舒亮慶成柯藩等帶領巴圖魯侍衛鎮將等分路趕到蘇國棟等見大兵已集鼓勵兵勇鎗箭齊發賊匪始行奔潰我兵內外夾擊殲戮賊匪六七百人奪獲刀矛三百六十四件餘匪即由香坪

《聖朝實錄卷四十四

六

桂壩一帶逃竄該處路徑險峻為赴夔州大寧兩處要路賊眾既不能進犯雲陽勢必東竄夔州或勾結大寧老木園之賊計圖就近奔逃湖北自應趕緊截剿遏其去路隨即飛咨觀成酌分官兵交劉君輔等於要隘嚴密防堵臣明亮德楞泰即由夔州大寧一路繞出賊前惠齡等由香坪桂壩一路追擊十八日行抵梅子壩擊

獲哨探賊匪訊悉賊眾分屯雙河口洞裏壩一帶隨經帶兵分路進攻詎賊匪詭譎異常已於五更時埋伏前而深溝密箐之內止留二百餘人在彼放火當即擒殺殆盡惠齡恒瑞帶兵佔住北面山梁柯藩帶兵於南面山梁排列慶成富成績上東面山梁忽聞施放號鎗匪眾一湧而出執持紅黃白三色大旗分撲官兵慶成富成同巴圖魯侍衛等奮勇迎擊千總安慶把總張奇行營千總閻俊烈徐有山司天貴馬兵劉發元等首先衝入黃旗賊隊殺斃十餘名官兵一齊趕攏賊向東南敗竄惠齡恒瑞柯藩督兵乘勢壓下斃賊五百餘名生擒賊匪唐之英等八十餘名訊無要供當即正法餘匪翻山越嶺逃至馬鞍山七星壩一帶屯紮現在設法兜圍

《聖朝實錄卷四十四

七

趕緊剿洗臣宜綿亦於十八日接據副將王承
勳稟報十七日帶兵至雲陽網鹿溪因相距十
餘里之椒子塘地方有新起賊匪千餘人該副
將督兵剿殺一百五六十人搶獲令旗十桿餘
匪棄寨奔逃並據川東道李憲宜稟報萬縣之
董家營等處開縣之水田壩白巖山一帶均有
新起賊匪自千餘人至二三千人不等四出滋
擾運道梗塞等語查開萬雲陽一帶邪匪紛紛
響應卽當乘其初起急圖撲滅臣宜綿隨飛咨
舒亮由水田壩白巖山一帶進攻穆克登阿等
由高陽壩董家營等處截擊臣宜綿卽在開縣
之蒲溪口地方紮營務將各處新起之賊悉數
殲除廓清後路仍卽馳赴前途合力擒拏首逆
此次各路打仗陣亡千總袁得亮李林書把總

王正剛馬沛應同陣亡受傷兵勇咨部分別卹
賞再大兵現由開縣雲陽一路前進夔州道遠
站長兵行無定所須軍火糧餉最關緊要藩司
楊揆道員李憲宜等均分在新開一帶設法籌
運而前敵已及數百里明興歷任封圻自到營
以來辦理軍務諸凡認真茲當糧餉轉輸吃緊
之際是以商令由雲陽直赴夔州督率夔州府
張至幹等稽查催餉務期安速供支以資得力
並查夔州所屬雲萬等處居民驚避人夫雇募
維艱臣現令楊揆於後路趕派民夫三千名長
騾數百頭星夜前往接濟奏入

衆又逸至馬鞍山七星廟一帶屯聚現在設法兜圍而水田壩等處新起之賊已派舒亮穆克登阿等分投截擊亦祇可如此辦理所有打仗陣亡之袁得亮李林書王正剛馬沛均著咨部加等優卹現在賊勢總欲竄楚且各處新起之賊恐擾官兵後路自應亟添勁兵堵剿現已降旨傳諭吉林黑龍江將軍等速挑勁兵三千名由驛起程前來並令東三省豫備木蘭之兵一百餘名先著惠倫阿哈保帶往襄陽一帶以備攻剿此項吉林索倫兵丁鎗箭嫻熟先聲所至足壯軍威但道路遙遠計需兩月有餘方能到宜綿等當上緊設法圍截不可坐待新兵致令匪竄逸勾結其新起賊匪並著舒亮穆克登阿其初集據守未定之時一鼓撲滅

聖朝聖訓卷四十四

十

上又命軍機大臣傳諭吉林黑龍江將軍曰現在川省教匪滋事東奔西竄綠營兵丁擊剿未能得力著該將軍等即於吉林派兵一千名務須年壯技嫺之兵交副都統賽冲阿帶領黑龍江派兵二千名亦須揀選強勇善射者交副都統銜總管阿穆勒達並於總管協領內擇二三強幹之員協同帶領馳驛速來毋得遲誤

聖朝聖訓卷四十四

十一

初十日丁丑額勒登保福寧奏言白魚寨山勢過險已為賊人偷占若屯聚稍久更難進取等將各路鎮將分撥各要隘堵截福寧即在白魚寨對面坊堵額勒登保於二十一日到綸布春劄營之鐵礦坂黃連溪等處閱看係在白魚寨西面山峯盡列山巔俱有賊卡即督令綸布春張廷彥巴圖魯侍衛將領等於三鼓發兵

嶺行上攻三鞍子等處賊匪恃其陡險雖設有
號火而人已睡熟三等侍衛攜拉守備姚士華
首先帶兵搶上將賊卡內外一百餘人殲戮殆
盡轉上第二山尖賊卡已有知覺於卡內放鎗
擲石我兵已經殺賊得勢又將第二賊卡搶得
賊之滾巖被鎗箭死者四五十人二十二日早
間賊匪吹角聚眾抵死抗拒此一帶多係懸崖
不能遽進令綸布春暫行擊卡堵禦牽掣賊勢

聖祖聖訓卷四十四

三

臣額勒登保帶同張廷彥自西而北於是夜二
鼓從大小土地嶺分路嶺上大金坪二十三日
黎明方到山頂所有接連賊卡五座俱已在大
金坪之下我兵從山直壓有破竹之勢立將賊
卡盡行搶得殺賊男婦一百七十餘名生擒賊
目覃起方胡雲及賊匪李孔皆等二十五名西

北一帶緊要賊卡均為官兵所得從大金坪往
南為九嶺九溝以至石城口皆係白魚寨要隘
臣額勒登保即於二十四日督同張廷彥薩克
坦布烏爾呼諾楊遇春陳世昌王凱等於四鼓
涼爽時發兵一路徑撲賊卡一路從松林中密
上兩邊夾擊賊匪不能抵禦殺斃男婦二百餘
人生擒林士俸等十三名深入二十餘里追上

聖祖聖訓卷四十四

三

石城口賊人併力坊禦滾木搗石齊下我兵從
四鼓上山殺賊至午天氣炎熱遂於石城口擊
卡與賊卡相逼詢問白魚寨之東係祁家園趙
家村等處亦為要路慶溥本在附近新衙門駐
臣額勒登保隨即翻山前進甫至梯兒崖柳林子
間慶溥一路與賊打仗該匪有由山溝竄出水

井司者臣額勒登保當將原帶之兵三百餘名

由梯兒崖折下水井司時將二更即於山嘴設

備賊匪於三更後果從溝內潛來我兵放鎗擊

退二十五日黎明賊匪結隊於油菜坪穿心巖

分投上嶺臣額勒登保帶同侍衛等奮力追

左右衝截割獻首級五十餘顆生擒賊匪張正

倫等九名是晚綸布春張廷彥等亦帶兵趕到

《剿平三省和匪方略卷四十四》

十四

會合剿殺慶溥在新衙門一帶斬戮一百餘人

賊匪首尾不能相顧隨處竄匿臣福寧連日在

紅魚坪督兵攻擊以為聲援二十五日率令三

音庫孫清元靳文銓喜明阿克東阿等帶兵搶

土白魚寨盡力剿殺由祁家園趙家村一路跟

追沿途殺賊男婦二百餘人生擒田士卓覃有

常等十三名總兵關騰在附近之長樂縣獅子

口一帶堵截賊匪由楠木灣一路亂山菁林中

竄上新山寺平餘嶺帽子山城口子等處官兵

到處追殺搜斬男婦三四百人生擒胡守仁黃

昌富等八十餘名將新山寺平餘嶺所竄之賊

掃蕩令張廷彥在彼駐卡攻擊帽子山臣額勒

登保即自平餘嶺帶兵趕至下麥庄大合山猴

子坡一帶進攻城口子此數日內官兵追剿賊

《剿平三省和匪方略卷四十四》

十五

匪無分晝夜合計殺賊不下二千餘人搶獲鐵

礮十三個鎗刀等四百六十餘件騾馬牛隻二

百餘匹頭節次活擊之賊當經正法查城口子

與黃柏山相近已派關騰於黃金嶂四方臺上

坪豫行堵禦令慶溥帶兵在夜游山一碗水峽

崧山分佈又滋邱河口岸更為緊要並令提督

文圖嚴防毋使賊人偷渡奏入

上命軍機大臣傳諭宜綿額勒登保福寧曰此次額勒登保等督率官兵攻得石城口乘勝進擊賊甚多賊匪竄至黃柏山附近之帽子山城口子屯聚額勒登保等分佈官兵堵截防守兵分見單何不併力一處專擒首逆若林之華覃加耀一經見獲夥黨失所依恃無難以次搜淨兵丁等觸熱打仗實堪憐憫著加恩賞給一月錢糧再昨已調撥

《聖朝實錄卷四十四

六

吉林索倫兵三千並將東三省豫備進哨兵丁百餘名交惠倫阿哈保先行帶往著額勒登保及宜綿酌量何路緊要即告知帶兵迅速會剿

十一日戊寅觀成劉君輔奏言臣劉君輔馬瑀徐

昭德帶領官兵共一千八百名自竹谿先後起

程閏六月十二日臣劉君輔行抵大寧接觀成

知會奉節所屬之干溪口黑樓門有教匪三四

千人到處焚掠驛路阻塞現已竄近大寧之青

莊坤並以縣屬之寶塔地方為糧運要道該處

兵勇單簿囑令添兵防守當派副將白守忠遊

擊王化龍各帶兵三百名分駐青莊坪及大寧

縣城以遏賊勢臣即於次日順道躡看地勢查

該處毗連橫槽平南槽路徑叢雜距楚匪屯聚

之香坪桂壩一百餘里正在分紮營卡適馬瑀

《聖朝實錄卷四十四

七

徐昭德帶兵先後趕到據探差稟報賊匪從涼

水井竹園坪縱火焚掠臣等隨即派撥官兵迎

頭截殺賊匪五六十名餘匪敗退生擒趙登相

一名訊係楚匪張子龍手下頭目帶領三千餘

人從開縣之溫湯井雲安廠一帶分路竄至香

坪桂壩要到老木園會合訊明後立即寸磔當

將所帶官兵八百名於寶塔等處分紮卡隘臣

劉君輔卽於十五日馳抵軍營與觀成面商以青莊坪等處賊匪既聲言欲與老木園會合恐首逆陳崇德等乘間竄逸當將徐昭德所帶兵四百名添補各卡飭令將弁晝夜防堵十八日四更見賊百餘人結隊下山直衝關廟深溪口卡隘當經兵勇奮力抵禦斬獲首級三十四顆餘匪竄回巢穴生擒葉仁宣馮文龍二名據供係陳崇德遣令衝出營卡前往太平探信當卽一一臬示現在兵力已增_臣等惟有和衷商確竭力趕辦奏入

上命軍機大臣傳諭宜綿觀成汪新曰觀成在老木園剿辦多時既稱已將賊匪圍住自應上緊進攻擒擊首逆況今又添劉君輔等所帶之兵軍威不爲不壯何以摺內稱賊匪百餘人結隊下山直衝

聖朝聖訓卷十四 十六

卡隘經官兵抵禦僅斬獲首級三十餘顆餘賊復竄回巢穴豈有賊匪能直衝下山而我兵轉不能拾上之理觀成祇知在彼困守日久與賊相持竟似防守地方者然殊負委任觀成著傳旨申飭至雲陽開縣一帶奔竄之賊昨據宜綿等設法兜擒自己將賊匪圍住何以竄匪又在奉節地方分路焚掠可見伊等並未將賊匪截住痛加殲戮至先行派往東三省豫備進哨兵丁百餘名抵楚後著汪新留心探聽如額勒登保等一路業將賊匪殲盡卽告知帶兵之惠倫阿哈保取道前往川省探明宜綿觀成兩路何路緊要卽令其迅速趕赴協剿若宜綿觀成兩路均已剿賊完竣亦卽迅速奏聞

聖朝聖訓卷十四 十九

十四日_{辛巳}明亮德榜奏言巫山賊衆經官兵

剿敗之後退屯官坪舖一帶臣等率兵追擊該匪等向三溪河等處奔逃官兵隨剿隨進沿途截殺五百餘名生擒龔文炳等一百八十二名飭委道員陳蘭森等隔別嚴訊據供該匪等自上月攻撲雲陽縣城被官兵殺傷甚多一股被官兵衝殺已奔往大寧縣一股到夔州巫山想攻城池不得齊王氏姚之富等商量逃過界嶺

剿平三省匪亂卷四十四

三

若搶占巴東歸州可以與芭葉山同教會合再作計議等語臣等查賊匪指東竄西似難深信復加哨探賊匪竟向界嶺一帶竄逃該處與湖北巴東歸州相聯道路叢歧東北界連襄鄖東南近接荆宜各郡亟須設法趕赴賊前相機攔截當留叅將吉林泰都司徐朝綱帶兵八百餘名在巫山防護縣城臣等聲言由陸路追剿一

面調集南岸現有船隻於初三日黎明帶兵順江而下初四日辰刻趕到巴東詢知賊人在巴東北岸之平陽上壩下壩一帶屯聚距縣治皆在百里外當將各渡口卡座酌量增減并獎賞出力鄉勇察看民情尙屬安帖因思歸州本無城垣且在江北較巴東情形更急當飭鎮臣木騰額等帶兵一千名留守巴東並將防堵事宜飭令妥辦臣等卽於初四日亥刻趕到歸州該州經汪新派遊擊俞國智帶兵二百名防守但兵數尙單客民百姓因賊匪已至巴歸交界之龔家橋地方俱已紛紛逃避臣等連夜於州治北面山梁分兵設卡民心鎮定隨查龔家橋係入歸州要隘現據差派各路探報巴東北岸口門等處均有賊散處直至龔家橋人數甚衆幸

剿平三省匪亂卷四十四

三

臣等繞出賊前易於迎擊自不至與額勒登保
 剿辦之賊會合初五日派令巴圖魯侍衛溫春
 富僧德總兵達音泰副將德寧遊擊馬瑜等前
 往迎探至土地嶺地方遇騎馬探信賊目二十
 七人該侍衛等飛即趕上殲斃多名臣等現於
 龔家橋之東紅土巖紮營其界連歸州之興山
 房縣以及竹山竹谿等處山僻徑幽難保無藏
 匿餘匪臣等兩次札致汪新分飭各屬添撥兵
 勇嚴密堵禦臣等惟有上緊剿辦總期賊匪不
 致散竄早就駢誅至川省竄屯各路之賊及新
 起匪衆大寧一路有惠齡恒瑞慶成富成等帶
 兵由黑樓門紅巖青莊坪等處進剿又有劉君
 輔馬瑀及叅將胡尚賢各帶兵分堵其萬縣開
 縣交界處所有新起賊人屯聚羅家巖陳家山

剿平番匪方略編卷四十四

三

一帶臣等於所帶兵內抽出四千五百餘名交
 穆克登阿副將王承勳會同舒亮剿辦雲陽縣
 城飭遊擊李芝榮等帶兵五百餘名駐守萬縣
 城飭總兵艾如文帶兵一千二百餘名駐守開
 縣城令都統巴克坦布訥音帶兵八百餘名駐
 守夔州府城令總兵德齡副將富明阿帶兵一
 千餘名駐守其餘如開縣之臨江市雲陽之雲
 安城夔州之白帝城巫山之高唐觀梁山之黑
 天池東鄉之普光寺新寧之聖登寺等處或坊
 堵奔竄之賊或查辦蠢動之匪或搜捕餘孽俱
 經宜綿與臣相商逐漸安設官兵共計二萬有
 餘自可以次肅清正在繕摺間又聞一股賊匪
 至巴東縣之對岸之石門牛口大葉等處焚掠
 居民渡江避徙該縣飛稟告急當派鎮臣達音

剿平番匪方略編卷四十四

三

泰先領兵千餘由水路星往^臣等酌留弁兵固守歸州將所餘官兵刻卽由陸路帶領至石門一帶剿洗惟現聞興山保康房縣地方尙有伏而未起賊匪惟有儘此兵力先將歸巴一帶現有賊匪趕緊擒掃再將奔竄各匪以次剿辦奏入

上命軍機大臣傳諭宜綿明亮額勒登保德楞泰福

剿平三省邪匪方略卷四十四

十四

寧汪新曰此次明亮等拏獲賊匪詢出齊王氏姚之富等欲往歸州巴東與長陽賊匪合夥明亮等現繞出賊前相機迎擊若能乘此機會將該二犯先行擒獲則餘黨自必瓦解著汪新酌帶兵勇迅往緊要處所幫同堵拏其界連歸州之竹山竹谿等處業經明亮等派令臬司先福等前往汪新亦當飭屬添派兵勇嚴密防堵毋使勾結煽惑再賊

匪供稱欲與長陽之賊聯爲一氣現經明亮帶兵截住所有帽子山城口子屯聚賊匪著額勒登保等專心剿辦斷不可使與歸州巴東賊匪合夥至開縣萬縣雲陽新起之賊業經宜綿等派令舒亮穆克登阿艾如文及巴克坦布德齡等分股兜捕此時明亮德楞泰前往堵剿自不致與前起之賊合夥卽使歸併一處更可聚而殲洗現在阿哈保帶領頭起盛京吉林官兵五十餘員名已諭令迅速行走其惠倫所帶後起黑龍江官兵均著趕赴明亮等一路協剿明亮等務當先將歸巴一帶賊匪趕緊剿盡再據奏竹山竹谿興山房縣保康等處恐有伏而未動餘匪等語此等匪徒若果附和響應自當速爲剿辦如尙伏而未動卽紛紛搜捕必致堅其從賊之心且各處人數衆多槩予誅夷

剿平三省邪匪方略正編卷四十四

十五

朕心亦有不忍惟在明亮等酌量機宜隨時剿捕以期速靖地方

十六日癸未宜綿明亮德楞額泰惠齡奏言臣等督

同官兵剿辦開萬一帶新起賊匪閏六月二十

二日穆克登阿由萬縣進攻行抵高坪山地方

拏獲奸細王泳滢等五名訊知賊衆屯聚白陽

灣一帶當經該提督率同叅將姜敏功等於二

剿平三番利方等編卷四十四

美

十三日分隊攻擊高陽壩白陽灣石灰槽董家

營等處賊卡我兵奮勇撲壓匪衆相持兩時之

久力不能支陸續奔回我兵儘力追趕殲斃二

三百名生擒四十四名內有唐泳富鍾開景吳

漢義等二名訊係賊目據供此股賊匪係林亮

功爲首餘無要供卽行正法其水田壩白巖山

一帶之賊亦經舒亮督兵剿殺一百餘名各處

賊匪俱竄至雲陽開縣交界之筆架山鹿頭山

燕子山一帶分股盤踞該處山形險峻袤延三

十餘里舒亮帶兵進至韓彭坳穆克登阿占據

尖梁山正在訂期夾攻二十五日有賊匪二三

千人直撲穆克登阿營卡副將王承勳帶領兵

勇奮力剿擊賊匪暫退午後復率六七千人分

作五路前來穆克登阿率同姜敏功等分投截

剿平三番利方等編卷四十四

美

殺並經臣宜綿派令總兵索費英阿等帶兵趕

赴援剿賊匪始紛紛敗逃約計殺賊五六百人

匪衆奔回燕子山等處屯踞竊思新起賊匪俱

在開萬雲陽境內滋擾其大江南岸之石碛廳

地方路通湖北施南一帶該處並無防兵當卽

派令烏什哈達帶兵一千名馳往添募鄉勇扼

要據守至川楚竄匪逃至馬鞍山七星壩分赴

蓮花山象鼻子九盤子白水池龍潭干溪口等處焚掠臣明亮德榜泰於二十日趕到夔州府親率巴圖魯侍衛鎮將等分投迎擊副將長春遊擊劉維馨伯明宋浩修都司應元寬守備馬金瑞何君佐等奮勇直前殺斃賊匪二百餘人生擒黃福基等二十六名匪衆仍退七星壩馬鞍山一帶屯聚當提獲犯審訊據供賊匪以夔州爲蜀省水陸門戶希圖占據現在商議欲暗分一股由山後溝內小道潛繞郡城正東先占白帝城一帶窺伺郡城等語查白帝城下關城一帶下臨瞿塘峽口實爲水陸扼要臣明亮德榜泰當於柳家灣卧龍岡擊卡以護郡城並飛飭總兵達音泰侍衛溫春等馳赴白帝城等處分擊卡座二十二日早果有騎馬賊匪三百餘

剿平三省匪黨編卷十四

天

人由草堂河蜂擁而來搶上白帝城山梁直撲營卡官兵用鎗礮轟擊忽於火風坵巖洞內擁出伏賊四五百人分路衝突官兵奮力下壓賊匪潰敗退屯草堂河一帶至三更時匪衆分燃火炬勇猛直前計圖兜裏官兵經達音泰溫春等督率兵勇排列山梁鎗擊箭射斃賊三四百人臣明亮德榜泰帶兵趕往賊始敗逃次日已刻復有賊衆分爲三隊前來勢甚兇狂當率巴圖魯鎮將等奮勇堵剿鎗箭所及賊人均執木板抵護連用礮擊賊人不能抵敵官兵乘勢壓下短兵相接殺斃四五百名餘賊合併一處復撲白帝城營卡我兵人人切齒將賊匪前隊五百餘名兜圍殲戮生擒韋五等一百三十名時已薄暮後隊賊匪三千餘人是夜復燃火炬作

剿平三省匪黨編卷十四

天

撲卡之勢臣等鼓勵兵勇輪番更進至四更時
陡然墮下賊斃醜類甚多匪眾捨命狂奔跌傷
舖石死者不下二三百人此次陣亡千總包成
功把總謝天保兵勇亦間有受傷計自二十二
日起官兵剿殺賊匪一千四百名始將白帝
城一帶保護惟查夔州下接巫山大寧路徑叢
雜保無乘間潛竄之賊必須趕緊攔截且大寧

《聖朝實錄卷四十四

三

地方因有老木園之賊牽制縣城防兵既置巫
山又有新起之賊冀圖響應當派達音泰等先
後趕赴巫山堵剿叅將胡尚賢帶兵馳往大寧
縣城防守維時臣惠齡同恒瑞慶成柯藩等由
雙河口洞裏壩一帶進剿賊匪該處有山澗一
道因值山水陡發隨營糧員州判印萬全立督
夫役搶搭浮橋猝被淹斃二十三日臣惠齡等

行至五里峽地方探有賊匪三四百人暗伏深
林密箐之內我兵奮勇搜剿生擒宋長達等三
十四人餘俱殲戮殆盡適聞賊匪攻撲白帝城
隨督兵趕赴夔州與肇亦即繼至正擬分投帶
兵前進又接觀成知會奉節大寧連界之餽子
溝突有新起賊匪三四千人在黑樓門一帶焚
掠勾結川楚竄匪擾至凉水井一碗水大壩口

《聖朝實錄卷四十四

三

等處道路梗塞觀成現與劉君輔徐昭德圍剿
老木園賊匪急切不能移剿因酌派馬瑀帶兵
馳往添募鄉勇堵截等語查觀成及劉君輔等
一路官兵不過二千餘人茲賊匪兩面牽制剿
辦實覺不敷臣惠齡等即由干溪口一路前往
大寧以期與觀成等乘勢夾擊復接達音泰具
報該鎮等於二十五日行抵巫山正在城外苟

家坪官家山一帶孛卡卽有賊匪三四千人由馬家口前來分路攻撲另有一起賊衆進逼縣城官兵併力剿殺賊匪退而復前者三次愈聚愈多經達音泰與溫春長春劉廷基叅將岳廷極吉林泰等分投迎截殺賊三百餘人生擒二十四名匪衆退回三十里屯劄等語因念巫山緊要恐達音泰等兵力不敷當留興肇會同明興駐守夔州臣宜綿督同舒亮穆克登阿等現在開萬剿辦新起之賊臣明亮德楞泰惠齡等趕赴巫山大寧截殺賊匪務期迅速廓清不敢稍有稽滯

觀地方察看方山坪賊巢形勢險要必須將多福山蓋頂坪各山梁奪據方可進攻隨於二十五日分兵馳擊賊匪率衆抗拒我兵奮勇直前斬獲賊匪首級一十七顆生擒李有富等七名又密派兵勇潛往蓋頂坪山脚埋伏二十九日賊匪果率醜類一由蓋頂坪山梁而下一由金華寨斜衝而來一由西面山腰衝出每路約七八百人我兵埋伏突起鎗箭齊發殲賊甚多蓋頂坪山上賊匪猶乘勢下壓經叅將雷仁王清弼等密帶兵勇繞至賊後朱射斗率領遊擊王威寧韓以明等分投迎擊鏖戰多時適知州常發祥知縣曹六興押糧到來見賊衆兵單卽帶護糧鄉勇五百餘人從旁衝殺百祥督率將備亦由大羅坪帶兵趕到殲戮二百餘人匪衆敗

逃我兵趕殺里許因值薄暮未便深入暫將兵
 勇撤回計此次殺斃賊匪及受傷者約四五百
 人斬獲首級四十三顆生擒十三名訊無要供
 均與李有富等一併梟示千總李潤生把總毛
 安國外委賈會俱因殺賊被戕賊匪等復由石
 廟場一帶擾至石觀音場經義首鄭呈率領鄉
 勇竭力剿退割獻賊目鄭文福首級當飭道員
 石作瑞知州劉清再行挑選精壯鄉勇相機協
 剿

同日汪新奏言適接歸州稟報賊匪突由巴東
 竄向州境初四日衝破龔家橋卡距城數十里
 兵勇單弱恐難守禦懇速撥兵援救臣查歸州
 巴東水陸多有山險可據實為楚北上游門戶
臣先已密飭該縣豫集鄉勇又飛咨宜昌鎮臣

張廷彥挑帶標兵責令馳赴歸州擇要堵截此
 時明亮等統領大兵自後追壓聞賊下竄自必
 分兵由大江抄抵歸州可以無虞肆擾至應需
 糧餉臣已飛飭附近各屬派雇健夫數千名星
 夜赴站以資濟運臣即由黃安星夜馳赴荊州
 宜昌一帶督飭籌辦均奏入

上命軍機大臣傳諭宜綿明亮德楞泰觀成汪新曰
臣製看和勇編卷四十四

明亮等現由水路前赴歸州去巫山已遠所有夔
 州一帶賊匪即專交宜綿督同各路官兵上緊剿
 辦現在各首逆內齊王氏姚之富已竄至歸州其
 李全王廷紹王三槐徐添德自仍在川滋擾宜綿
 等當迅將各路渠魁生致則其餘自易剿滅至明
 亮德楞泰前已自歸州迎至牛口石門一帶截剿
 該處地勢阨塞有險可據若將齊王氏姚之富擒

獲賊黨亦可不攻而潰現有惠倫阿哈保帶領東三省官兵趕赴協剿明亮等務即趕緊剿盡不可稽緩此次打仗陣亡之千總包成功等俱著加等優卹其因搭橋被水淹斃之糧員州判印萬全亦著照傷亡例加等議卹義民首鄭呈在石觀音場剿退賊匪割獻賊目首級甚屬奮勇著賞入品頂戴或以外委拔補以示鼓勵再楚匪欲往與大寧會合者業經劉君輔馬瑀等擊退現在惠齡恒瑞慶成等又由于溪口一路前往夾擊務當上緊剿捕勿使與老木園之賊合爲一夥一經竣事惠齡等卽赴觀成一路幫剿再大寧之黑樓門一帶新起賊匪三四千人派馬瑀帶兵前往添募鄉勇堵截此時自己早抵該處是否剿淨卽著速奏至楚省有應需糧餉係汪新分內之事該撫飭令附近

聖朝聖德編卷四十四

三

各屬添雇健夫所辦尙好著卽探明賊蹤帶領兵勇於歸州巴東要隘處所悉力堵禦勿任竄逸其糧運事宜務俾源源接濟以利軍行而資策應

十八日

乙酉

上諭內閣曰川省夔州府屬復有教匪闖入經官兵分投剿捕該處運送軍糧召募鄉勇耕作不無失時本年業已開徵錢糧自己陸續輸納所有該府

聖朝聖德編卷四十四

三

屬之奉節巫山雲陽萬縣開縣大寧等六縣明年應徵地丁錢糧著該督查明槩行豁免用示朕軫念閭閻至意

欽定剿平三省邪匪方略正編卷四十五丁巳年

七月十九日丙戌額勒登保福寧奏言賊匪自竄

至帽子山城口一帶後臣等督率官兵連日在

下麥莊一帶悉力攻擊後路之兵甫經到齊初

五日四鼓臣額勒登保督同張廷彥薩克坦布

等發兵從帽子山南面繞道攀援天甫黎明上

至石柱嶺賊人放鎗抵禦並亂擲石塊我兵搶

《聖朝勦擒逆裔編卷十五

至嶺巔賊匪驚竄滾崖及受鎗箭死者甚多此

嶺與帽子山緊靠中隔深溝對面山坡陡立賊

匪已於要路設有木石遂令張廷彥帶兵於石

柱嶺紮營並將附近營卡酌量移駐分堵臣福

寧亦於是日四鼓帶同綸布春等從帽子山西

面覓道上鑼鍋圍連克賊卡二座殲殺賊匪二

十餘人賊匪吹角聚眾蜂擁下撲綸布春等帶

兵擊退即於鑼鍋圍要處擊卡臣額勒登保於

初五日晚仍回下麥莊查下麥莊過溪有腰帶

崖三層方上帽子山臣等即於初六日四鼓分

路各帶巴圖魯侍衛官兵等攻擊下腰帶崖上

崖俱係石壁高自四五丈至二三十丈不等孫

清元楊秉昭劉瑞等帶奮勇弁兵用木梯繩索

接遞密上賊匪猝不及防於五鼓時上至第一

《聖朝勦擒逆裔編卷十五

層腰帶崖將賊匪所佔房屋及搭蓋卡座盡行

焚燒黎明我兵齊上乘勢欲攻第二層腰帶崖

賊匪聚眾抗拒楊秉昭被擗石猝擊陣亡弁兵

亦多受傷遂即撤回將生擒賊目杜紹奇及賊

匪王學貴等六名逐加研訊據供此時係林之

華一人用事從白魚寨逃竄被官兵截殺頭目

先鋒甚多器械亦多拋棄昨到帽子山城口子

時林之華使人下溝看其墳墓知已發掘口稱
我已無處逃生內有頭目鄧伯春欲私約所帶
之人潛出投順有人洩漏林之華將其家屬概
行細縛等語當俱寸磔查賊人佔據之山固屬
陡峻而我兵周圍營卡無不扼要其城口子西
北之大合山猴子坡等處已派汪啟駐守北面
蜈蚣山一碗水等處關騰帶兵分駐自北而東
之中溪夜游山莫家州等處慶溥帶兵分駐直
接張廷彥所紮之營卡聲勢聯絡賊亦難於逃
遁_臣等嚴諭各路鎮將晝夜防範彼此相顧一
面籌酌趕緊進剿再接再據宜昌府知府王春煦
稟報川匪自九鎮河焚掠而下在巴東之火峯
觀音塘一帶燒搶巴東縣治濱臨大江南岸川
匪雖在北岸滋擾距縣治僅三十餘里已飛移

欽定剿平三省邪匪方略

正編卷四五

三二二

歸州水師遊擊俞國智等帶兵二百名相機防
堵並飭該州縣廣集鄉勇擇要堵截_臣等當卽
飛行知會宜綿汪新卽速添調官兵赴各該州
縣截堵一面飭令遊擊金積福帶領兵勇二二
百名星夜趕赴巴東江之南岸探明堵剿復令
提督文圖帶兵一百名星夜密行趕赴宜昌歸
州一帶督率兵勇迎頭截剿

欽定剿平三省邪匪方略

正編卷四五

同日汪新奏言_臣於十二日在荊州途次接據
宜昌府稟報賊匪大夥由歸州龔家橋突撲興
山縣之伍家坪南垵等卡縣治向無城郭已被
焚掠賊勢似向東趨該縣東南與東湖當陽接
壤北與保康房縣接壤由興山而趨當陽信宿
可達卽近荊州房保而東則近南漳襄陽宣城
西近竹谿竹山等處路路可通楚匪素所熟悉

三二二

業已飛飭速招鄉勇各於本境擇要堵守又將前次備調之督撫標兵四百名飛飭叅將劉善承帶赴房保迎頭堵截其東湖當陽一路現囑副都統德福卽挑荆營滿兵一赴交界駐守扼其來路一赴萬城隍駐紮以防盜決正在設法籌禦間適接明亮德榜奏丸會帶兵馳抵歸州賊已竄至興山現卽併力兜剿臣以賊蹤飄忽

聖朝聖訓卷五

五

無定大兵自後追壓勢必伺間狂奔若西向竹谿竹山則均係山僻險隘賊入陷奔圍剿尙易若東向當陽南漳則逼近荆襄迤下各處無險可守已飛咨明亮等囑卽統兵抄赴賊前將此大夥賊衆兜回竹谿竹山一兩分咨劉君輔馬瑀各帶原兵由大寧折回攔截以期驅入山險谷圍掩擊其巴歸等處業被殘破卽有零星餘

匪尙可緩爲剿辦臣俟料理軍火糧餉粗定過赴當陽宜昌親身策辦再查湖北各營官兵上年調赴湖南剿平苗匪後尙留一千餘名駐守彈壓此時苗衆業已輸誠臣已密札鄂輝姜晟囑其察看苗疆情勢如果寧帖無虞迅將楚北原調赴南各兵悉數遣回此外或尙有兵可撥亦卽另籌撥赴以資協剿捍禦均奏入

聖朝聖訓卷五

六

上命軍機大臣傳諭宜綿明亮額勒登保德榜泰惠齡汪新王文雄日前此賊匪在黃柏山芭葉山兩處困守官兵四面圍住賊匪仍復潰圍竄逸此次帽孑山等處被圍之賊額勒登保等當嚴密堵截並勉力尋覓間道趕緊進剿不得因賊匪據險死守坐待其食盡自斃陣亡都司楊秉昭著咨部加等優卹其陣亡及受傷弁兵亦著咨部優加賞卹

再據訊獲匪供稱賊中係林之華一人用事並未
提及覃加耀該犯作何下落必須一併擒獲勿使
竄匿至川楚竄匪直趨歸州明亮德楞楞泰聞信卽
從水路趕至兜剿所辦尙台機宜今賊匪復向興
山一帶奔竄明亮等若能迎頭兜剿擒獲首逆固
屬甚善卽賊匪尙在奔竄明亮等當緊躡賊蹤使
之無暇焚搶奔走疲乏自可易於剿洗汪新將留
駐湖南兵丁一千名調回所見甚是王文雄近在
南陽著卽速赴楚省探明賊蹤迎頭夾擊汪新又
已酌派督撫標兵及滿兵到東湖當陽萬城堤一
帶防堵賊匪自不敢再向荆宜窺伺明亮等又帶
大兵下壓於竹山竹谿險隘處所四面合圍卽可
殲戮無遺至據奏飛咨劉君輔馬瑀各帶原兵由
大寧折回攔截興山竄匪大寧一路賊匪劉君輔

馬瑀與惠齡等會合夾擊正當喫緊之際未必卽
能折回惠齡等務當將黑樓門一帶新起之賊速
行撲滅卽赴觀成一路將老木園之賊併力剿捕
殲淨餘黨訊赴宜綿一路協剿

二十二日巳汪新奏言查楚陝教匪自闖入川
境以後卽與達州之賊合夥人數頓至數萬分
股四擾復有新起之賊響應愈多現在頭股賊
首齊王氏等由歸巴擾至興山者約二萬餘人
明亮德楞泰等現擬分路援剿賊匪又由興山
擾至南漳交界之後界坪距襄郡信宿可達該
郡爲南北扼要重鎮現在存城之兵止三百數
十名多係挑剩病兵難資守禦本省旣無可調
撥因思豫省南陽鎮距襄甚近現卽飛咨景安
速撥該鎮兵五六百名馳赴襄陽紮駐藉以阻

扼賊勢卽所以保衛河南臣思賊數日益加增
 各路官兵統計固不下鉅萬處處均須留防卽
 為牽掣現在明亮等軍營祇有兵五千餘名而
 賊匪另股竄擾南漳其勢萬難分投馳截且採
 聞屯集大寧賊匪因大兵逼剿復向東竄劉君
 輔馬瑀等協力堵截兵力較單恐致竄入竹谿
 竹山是賊匪大夥分兩路而來荆宜襄鄖四郡
 隨在兵守空虛且地多平行路徑紛歧均係楚
 匪素所熟習之處現雖飭集鄉勇設卡嚴防祇
 可藉衛本鄉因思昨奉發吉林索倫兵三千名
 莫若卽令渡漢而南急殲逆氛懇
 恩飭催此項勁兵趨程前進臣並飛咨惠齡阿哈保
 帶領前起官兵迅由襄隕赴明亮等軍營協剿
 奏入

上命軍機大臣傳諭明旨元德楞泰惠齡汪新姜晟鄂
 輝日襄陽為漢江南北扼要之區竄匪若從南漳
 向東北滋擾勢必逼近襄陽郡城此時汪新竟應
 從當陽回至襄陽駐劄曉諭附近各村莊團練鄉
 勇並激勵紳士分投招募義勇與官兵防堵如賊
 匪竟敢直逼郡城務當督率兵勇悉力堵剿以遏
 其北竄之路現催令吉林索倫官兵迅速行走並
 令惠倫等迅抵襄陽又添派山西兵二千名速赴
 助剿其湖南協防官兵一千名著姜晟鄂輝速飭
 將領帶回北省似此軍威壯盛汪新總當持以鎮
 定至明亮德楞泰因截剿後股石門牛口賊匪以
 致頭股乘間東竄惟當將後股賊匪剿淨趕赴南
 漳緊躡賊蹤奮力截剿其大寧新起賊匪欲與老
 木圍合夥前經劉君輔馬瑀等擊退惠齡恒瑞慶

聖祖聖訓卷五

九

聖祖聖訓卷五

十

成等又由于溪口一處前往夾擊務當上緊兜剿不可再令東竄擾及一竹爲要

上又命軍機大臣傳諭景安蔣兆奎曰川省教匪現由歸州竄至南漳距襄陽不遠亟需兵力堵截因思山西省前曾調兵二千名在豫省協同防堵嗣經寧謐撤回如此項兵丁俱在附近豫界營伍蔣兆奎卽派明幹將弁帶領迅赴南陽交與景安探

欽定剿平三省邪匪方略

正編卷四五

聽襄陽一帶何處緊要卽飭令速往幫剿若前項撤回兵丁係省北大同等處邊營蔣兆奎卽當於豫境毗連標營內先派二千名赴豫聽候調遣

上又命軍機大臣傳諭惠倫琳寧秀林曰川匪擾至湖北南漳邊界明志德楞泰一時不能趕赴需兵甚亟著惠倫等卽迅往襄陽一帶訪詢如明亮等已繞至賊前卽可隨同擊剿倘明亮等猶在賊後

追逐惠倫等卽會同王文雄帶領官兵堵禦攻圍至前調之吉林索倫兵已起程者著該將軍等飭令沿途加緊行走其尙未起程者迅速起程毋得遲誤

二十四日辛卯景安奏言臣於裕州途次接准汪

新谷稱川省賊匪竄至興山縣境內現過保康南漳之後界坪距襄陽甚近臣當卽飛咨王文

欽定剿平三省邪匪方略

正編卷四五

雄撥兵五百名攜帶軍器械派令游擊明德都司施文奎帶領馳往襄陽協力防守而南陽所屬如淅川鄧州新野唐縣均與湖北襄陽接壤臣亦飛咨河北鎮總兵張文奇由西路陝州盧氏帶兵七百名前來策應並咨會河臣李奉翰派撥河標弁兵五百名分駐沿河一帶嚴密稽察倘賊匪竄及豫境卽將黃河船隻提赴北

岸停泊賊匪斷難飛越又咨直隸山西督撫臣
各調兵一千名迅速前來河北聽候派撥防守
又許州為省南咽喉要地復飛咨山東撫臣伊
江阿調兵一千五百名或二千名前來駐防以
遏賊匪北竄之路

同日汪新奏言臣前次奏懇派赴襄陽之吉林
索倫兵三千名乘騎馬匹為數過多除照例折

《聖朝聖訓卷四十五

十三

給銀兩人夫外約計必需馬三千餘匹方敷應
用楚北不產大馬各營額馬調撥一空民間
土馬土騾難供臨陣馳驟之用且因運濟各路
軍糧亦已購買殆盡是本境萬難猝辦現已飛
咨直隸山西山東三省酌撥壯建大馬各一千
匹迅解襄陽又飭藩司派委委幹員弁給帶銀
兩前赴山陝二省挑買壯健馬二千匹分起趕

解回襄以濟急需均奏入

上命軍機大臣傳諭梁肯堂景安伊江阿蔣兆奎汪
新曰此時各路大兵自北而南聲威壯盛賊匪聞
知自必仍行折回不敢復向東北奔竄但豫省地
勢平行與襄陽處處可通亦不可不豫為籌辦景
安所辦俱屬妥協其咨調兵丁除山西省前已調
兵二千名毋庸再調外著梁肯堂即於駐劄正定
備調兵內就近派兵一千名伊江阿於附近河南
營分照景安所調之數派委得力將備帶領迅速
赴豫並著景安酌量情形派往防堵亦不必指定
地方分駐如賊匪業經明亮德楞泰剿盡景安即
可將新調各兵飛咨停止以節勞費至王文雄所
帶兵五百名未免較少著景安再行酌量添撥數
百名以資剿禦又據汪新奏籌備吉林索倫官兵

《聖朝聖訓卷四十五

十四

馬匹已降旨將今年出青官馬八千匹送赴豫省
交景安分撥豫楚儘敷官兵乘騎之用汪新應速
赴襄陽郡城帶領兵勇悉力防範不可稍事張皇
上又命軍機大臣傳諭烏爾圖那遜齊里克齊梁肯
堂景安汪新伊江阿蔣兆奎日吉林索倫官兵到
楚協剿需用馬匹較多楚省現辦軍需頭緒繁多
恐無暇購買馬匹且一時難得良馬直隸山東山
西三省雖有營馬但奏撥不免需時因思現有豫
備進哨之官馬八千匹近在察哈爾地方著原派
出青之副都統烏爾圖那遜齊里克齊徑行送赴
豫楚應用毋庸再行購辦著梁肯堂即派委明幹
大員前赴宣化一帶接送至豫妥為照料此項馬
匹抵豫後著景安即照汪新所奏之數撥給楚省
五千匹其餘三千匹留於豫省備用

欽定剿平三省邪匪方略

正編卷四五

欽定剿平三省邪匪方略 正編卷四五

臣等謹案軍營有徵調之事凡官兵等乘騎
馳驟需用馬力最關緊要此次剿辦邪匪多
在三省山險斗絕之處官兵兜截窮追以及
轉饟供億羸馬易疲乏而楚省又非所產是
以撫臣等酌擬於隣省購辦但亦緩不濟急
仰蒙

聖明指示令將預備進哨出青馬匹全數撥往既使

勁旅適行足供驅策而經理軍需者亦不致

虞掣肘又免隣省購買之煩一轉移間事半功

倍

睿謨廣運洵所謂當其可之謂時者哉

二十五日壬辰宜綿奏言查燕子山等處賊匪自

連撲穆克登阿營卡經官兵痛加殲戮後似有
移動之意當派遊擊朱承茂等帶領兵勇暗赴

三二七

羅家崖埋伏舒亮會同訥音等由正路進攻燕

子山賊營穆克登阿督率副將王承勳等分擊

鹿頭山筆架山兩路賊卡各官兵亦經撲近即

鼓勇直上匪眾四散奔逃我兵將賊寨放火燒

燬追殺數里朱承茂等伏兵從旁衝出殲戮

二百餘人生擒周世賢等十一名餘匪俱向蒲

家山奔竄該處更為險峻現經舒亮穆克登阿

聖朝勳績編卷五

七

分兵暫駐復據土地坳守兵拏獲賊匪周二娃

解營訊據供稱係徐添德等由巫山遣回邀約

燕子山等處賊匪前往合夥等語看來賊勢欲

向夔巫奔竄迤東雲安場一路為通衢要路

臣

隨派總兵艾如文抽帶派防萬縣官兵馳往堵

截並札會舒亮穆克登阿等廵探路徑嚴密攻

圍

臣

帶領總兵索費英阿侍衛伊立布等即日

移駐新店子以杜賊匪窺伺開縣之路至於川東

所屬州縣地方良民被脅者極多

臣

分飭總理

道府等將各路難民實力招徠趕緊分散口糧

搭棚棲止其未經蹂躪之處廣發告示俾令各

安本業如有迫習入夥自行投首者訊明保釋

其方山坪賊匪據百祥朱射斗稟報朱射斗於

初五日督兵搶佔走馬嶺山梁是夜賊匪復至

聖朝勳績編卷五

六

營卡附近潛伏經兵勇知覺報信該匪等蜂擁

前來爭拔鹿角叅將王清弼都司吳璉等帶兵

衝出賊匪不能抵敵跌崖滾坎而逃我兵因黑

夜未及窮追初七日復有賊匪數千人由老道

嘴下寨經瞭哨兵勇探報隨經百祥飛派遊擊

圖興阿由萬解坪一路叅將增順由涂家崖一

路分投迎剿百祥率同遊擊王相龍等於大地

溝余家嘴一帶相機截殺賊匪並不接仗卽行
奔走我兵追至龍洞溝坎下賊兵奪路退逃計
斃賊匪九十餘名奪獲刀矛四十三件該處賊
巢週圍百有餘里路徑叢岐現在添募鄉勇設
法進攻臣查蒲家山賊匪不下萬餘人舒亮等
一路官兵共計五千餘名百祥朱射斗一路亦
祇四千餘名臣統領各兵如洮州土兵不耐暑
熱病亡甚多先已遣令回甘其餘除留防後路
外現存營盤祇有八百名因查順慶一帶前經
英善調派建昌鎮屬官兵八百名分撥駐劄防
護糧運刻下該處距賊稍遠此項防兵自應調
赴前敵至省標召募新兵技藝俱漸嫻熟亦可
調派五六百名來營協剿臣已分別檄飭並飛
檄甘省督提兩標及肅州河州等鎮屬共調兵

二千五百名撤拉爾回兵五百名各明英善揀
派曾經出征勇往得力將備分起管領來川聽
候調遣並酌派鞏昌府知府朱爾漢沿途照料
催償以期迅速到營
宜綿又奏言達州武舉李遇春自邪匪起事之
初卽團聚鄉勇節次隨同官兵打仗殺賊極爲
勇往以致賊匪俱懷仇恨計尋報復茲據百祥
朱射斗稟報該武舉於閏六月二十五日在蓋
頂坪打仗奮勇爭先手刃數賊旋因遇伏被擄
爲賊衆戕害情形甚慘隨傳喚該武舉家屬向
加撫恤臣仍捐給銀一千兩以示激勸
同日明亮德楞額奏言楚境巴歸一帶被賊匪
竄入焚搶忽分忽合臣等於初四日就現有船隻
先帶兵三千餘名趕抵歸州卽於紅土崖紮營

兇截賊匪直奔巴東鳳之石門大葉牛口等處
 焚掠勢欲搶渡南岸佔據縣治先經派令總兵
 達音泰木騰額由葉灘追擊兩次接仗擊斃三
 百餘人賊始向龔家橋奪路竄回臣等正慮官
 兵稍單適明興在夔巫督辦軍需趕雇船隻將
 後起官兵二千餘名全數送到初八日早探得
 賊匪合為大隊移屯歸州之白馬灘歸坪黑石
 坂涼風壩等處連接二十餘里均距州治甚近
 人數不過萬餘臣等當即移營白家山地方初
 九日臣等率領侍衛將弁等帶兵進攻白馬灘
 賊匪蜂擁出迎經官兵轟斃騎馬賊目七人乘
 勢衝突自辰至申攻克賊營三座殺賊三百餘
 人該匪俱向歸坪黑石坂奔竄初十日官兵移
 營香溪逼近等十一日黎明臣等復帶官兵

聖朝勳績編卷五

三

由黑石坂大路進攻派令達音泰同侍衛西拉
 布等帶兵攻黑石坂東首木騰額同侍衛法依
 當阿等帶領鄉勇一千名出小路抄上黑石坂
 後山暗伏同知陳桂生等帶領鄉勇八百名在
 黑石坂涼風壩適中之地設伏以截賊人接應
臣等三路並進賊人搖旗吶喊分投迎拒官兵
 三面兜剿攪殺一處賊人欲思翻山逃逸經道
 員陳蘭森同知德廉州同符元魁典史鈕正綱
 等率領鄉勇自山後壓下鎗礮並發賊人不能
 衝突官兵乘勝圍剿斃賊約五百餘人割獲首
 級一百七十三顆生擒傳長彩彭正宗等十三
 名正在剿殺之際涼風壩賊人由王家山一路
 前來接應該匪行至王家山半坡同知陳桂生
 知縣胡密暨大使鄒潮從九職員周以燧等督

聖朝勳績編卷五

三

率鄉勇從山頂林內天出壓剿矢石俱下斃賊七八十人生擒王大發等九名當將接應之賊截回黑石坂賊人退至山半將沙土乘風簸揚並分燃草把濃烟散布使官兵莫辨其所在臣等察其詭計知該匪等必乘間奔竄飭令官兵分路攔截賊人俱由山腰曲徑及溝坎內紛紛竄逸官兵趕上截殺復斃賊百數十人其先遁之賊俱歸入涼風垭一處臣急欲乘勝圍剿詎十四日進攻該匪等出而接仗者僅一千餘人據獲賊供稱衆賊自等連日於夜間潛分數股翻山越嶺至大峽會城一股衝開鄉勇卡隘前去僅留此股賊匪在後臣等當飭官兵向前剿殺該匪一見卽行敗竄竊思隨後追擊卽將此股賊人剿盡而前遁之賊已遠反墮賊人奸計

聖鑒事

三

並據宜昌府王春熙稟稱另有一股賊匪奔入興山該處亦無城垣鄉勇堵禦不住是城匪時分時合前竄者乘虛四出留後者牽綴官兵實爲狡詐官兵總須抄出賊前方可攔截制勝連日拿獲賊匪供稱兩路之賊約在宜昌荊州等處會合總要同赴襄陽臣等莫若帶兵仍由水路徑抵宜昌無論何路賊匪向何處奔逃均可兜截若日內該匪奔過宜昌府城臣等竟順流而下直至荆襄一帶迎剿可以遏賊人去路已飭令知府嚴士銓趕辦船隻三百餘號卽儘此裝載官兵相機兜截又查歸州州治背依山麓前臨大江旣無城垣又無險可守且聞川省燕子山等處新起賊匪雖有舒亮穆克登阿截剿亦有入楚會合之語查興肇所帶駐守白帝城

聖鑒事

三

之滿兵一千名先經飛札抽調來營現已趕到
即將此兵暫駐歸州州治以資鎮壓均奏入

上命軍機大臣傳諭宜綿明亮德楞泰曰宜綿軍營
現在存兵無多即百祥米射斗所帶之兵亦不過
四千餘名自不得不酌量添調官兵以資剿辦宜
綿檄調各營標兵均著照所請行看來楚匪均已
分竄湖北其開萬雲陽一帶皆係新起附從匪黨

製者龍鳳纂卷十五

五

宜綿等自當就現有兵力分投撲剿不可坐待新
兵致稽時口至燕子山等處賊匪亦欲向巫山一
帶奔竄舒亮等務當嚴密兜圍勿令合夥武舉李
遇春被賊戕害殊為可憫著咨部照陣亡例加等
議卹仍令其子引見至明亮等仍由水路趕赴宜
昌兜剿所辦何合機宜但摺內祇稱賊匪擾及興
山而汪新昨奏前股賊首齊王氏等已竄至保康

南漳之後界坪明亮等探明賊蹤自當由宜昌登
陸徑赴南漳一帶緊躡追剿此時王文雄帶兵踵
至汪新現駐襄陽郡城而湖南撤回之兵由辰州
順流而下計已可到襄陽賊匪自不敢竄入若即
折回南道則明亮等自宜昌而來正可迎頭截剿
也

二十六日癸巳觀成劉君輔奏言楚匪竄擾大寧

製者龍鳳纂卷十五

五

沿途裹脅若竄合老木園或滋擾縣城辦理更
為棘手查寶塔一帶係各路總匯要隘臣劉君
輔帶兵六百名即於該處駐劄派遊擊王化龍
帶兵三百名於青莊坪駐劄鎮臣馬瑀副將白
守忠帶兵六百名於大寧城外山梁紫卡兩處
以為犄角閏六月二十七日五更黑樓門賊匪
千餘人搖旗吶喊直撲青莊坪卡隘王化龍督

兵抵禦忽有騎馬賊一百餘人拚命衝突我
兵用連環鎗擊死賊匪三十餘人賊旋退去繞
赴附近之沙坪大壩等處屯聚維時竹園坪一
路之賊亦從獅子崖焚掠前來合會一處連紫
九營二十九日賊匪分出一股從羊橋壩鞍子
溝窺伺大寧縣城又分四股繞過青莊坪直撲
寶塔經臣劉君輔督率弁兵悉力堵住俟其撲
搥鎗礮並發擊死一百餘人騎馬賊一名該匪
等相持一日夜並不稍退我兵人人奮勇殲斃
賊匪數十名外委蔡大勇中鎗陣亡遊擊楊洪
新面帶矛傷臣觀戒聞信立派遊擊朱進廷帶
領兵勇三百名星飛接應馬瑀亦從大寧派都
司馮培元帶兵二百名馳往賊匪隨即驚竄官
兵分路追剿剖獲首級四十餘顆生擒賊匪張

聖朝聖編卷五

三七

必富會原臣禾貴等三名取供後卽行稟陳其
羊橋壩鞍子溝一股賊匪旋即退去而老木園
賊匪連日衝撲營卡自係知外匪已至急圖竄
合臣觀成密派遊擊德清額署都司李寅等於
初三日夜帶領奮力兵勇暗襲賊人頭卡賊匪
驚覺拋擲火彈堆放播石當經徐昭德遊擊愛
隆阿等督率官兵等一湧直上將守卡賊匪殲
斃三十餘人卽將頭卡奪佔賊匪退上轎頂山
據險抗拒官兵從此層層進逼四面環攻卽可
搗穴擒渠再臣等欽奉
諭旨酌分鎮臣前往巴東一帶迎堵竄匪現在楚匪
分路竄近大寧蹤跡靡定堵剿正當喫緊酌擬
臣劉君輔與鎮臣徐昭德留於大寧一路分投
剿賊鎮臣馬瑀係湖北襄陽鎮總兵呼應較靈

聖朝聖編卷五

三八

帶同副將白守忠抽帶官兵六百餘員名前往
巴東建始一帶探聽迎剿奏入

上命軍機大臣傳諭宜綿惠齡觀成曰大寧等處新
起教匪欲與老木園賊匪會合分擾青莊坪寶塔
等處營卡俱經官兵擊敗竄往沙坪大壩屯聚而
老木園之賊外援既絕勢益窮蹙自不致有東竄
但觀成等所辦祇係奪佔賊卡現在惠齡等帶兵

御看龍寶編卷五

三

已至大寧務即奮力剿殺不可再令他竄觀成等
亦當乘賊勢窮蹙之時併力進攻擒拏首逆惠齡
及觀成等兩處不拘何處先行剿竣即行帶兵互
相幫助此次打仗陣亡之外委蔡大勇著咨部加
等議卹至所奏總兵馬瑀帶同副將白守忠帶兵
六百名前赴巴東建始一帶係接奉前旨幫同堵
剿芭葉山之賊今該處賊匪已竄回城口子經額

勒登保圍住所有馬瑀等帶領之兵正可由巴東
順流而下前赴明亮等軍營協剿

二十七日^{甲午}景安奏言總兵王文雄現在鄂州
邊境駐防遵

旨挑集勁兵一千名於二十二日由新野起程馳往
明亮等一路協剿惟是南陽邊境一帶處處空
虛已飛催河北鎮總兵張文奇帶兵數百名迅

御看龍寶編卷五

三

速前來一面飛咨山東撫臣伊江阿即將前調
兵一千五百名先行派令將弁兼程前來南陽
邊界但兵到尙需時日現據探報賊匪直奔保
康後界坪後即將來路挖斷茲因前面卡堵甚
嚴又不能從後界坪而退遂由冷坡埡旁竄其
勢欲犯房縣並接汪新咨稱此股賊匪甚眾鄧
州浙川新野唐縣等處均與襄鄖接壤_臣現帶

標兵四百名已分撥鄧州新野防守城池卽河
北鎮兵到亦祇數百名臣於山東兵未到之前
惟有督率各屬多募鄉勇分佈防守以壯聲勢
仍不時偵探賊蹤趨向相機堵截奏入

上命軍機大臣傳諭明亮景安秦承恩汪新曰賊匪
由冷坡堽向西奔竄房縣一帶俱係曾經被賊之
處無可搶掠况係山僻小徑我兵易於圍剿竟是

聖者聖編卷五

三

賊匪自投陷阱前因賊匪北竄是以令王文雄帶
兵前往迎頭截殺今賊匪竄往房縣該鎮若未能
迎剿亦當向西南取道邀截至明亮等前奏由水
路趕赴宜昌尙未得賊匪竄至南漳保康之信想

一抵宜昌自己知賊匪西竄房縣明亮等卽可由
宜昌自東南赴西北一帶取道邀截徑趨房縣與
王文雄兩面夾擊再房縣距白河洵陽一帶甚近

而竹谿竹山又與商維接壤恐賊匪復思乘隙竄
陝秦承恩現在興安駐劄當就近親帶兵勇於漢
江以北擇要防堵勿使闖入再馬瑀帶兵前赴巴
東明亮等軍營協剿今賊匪已至房縣著該鎮就
近取路徑赴房縣迎剿更爲得力

上又命軍機大臣傳諭留京辦事王大臣曰豫省自
上年楚匪滋事以來各省官兵往來防剿所有供

聖者聖編卷五

三

支本省及協濟隣省糧餉等項需用浩繁現在派
撥吉林索倫官兵前赴豫楚不可不寬爲儲備著
怡親王儀郡王成親王慶桂傳齊在京之前鋒統
領護軍統領親往內庫動撥銀一百萬兩解往備
用

二十八日乙未額勒登保福寧奏言賊匪林之華
等現在帽子山城口子一帶苟延屯聚連日躡

探石柱嶺以下雙脊坪及石門崖等處路徑叢
 雜該匪於十二日早間由石門崖直撲大合山
 營卡經汪起率兵抵禦臣等聞信即帶巴圖魯
 侍衛官兵趕赴擊殺賊匪一百餘人乘勢即將
 石門崖賊卡搶得三處因賊滾木插石齊下隨
 即擊卡臣福寧於十四日仍督兵在石門崖上
 攻以分賊勢臣額勒登保於十三日至石柱嶺
 下覓路進剿十四日五鼓帶同張廷彥薩克坦
 布等由雙脊坪陡梯子一路進攻張順帶領弁
 兵首先攀援而上黎明時連得雙脊坪賊卡二
 座賊匪滾崖死者甚多生擒饒家華田祿方知
 信等三名賊匪於雙脊坎上推墮木石官兵不
 能遽上臣福寧是日在石門崖督率綸布春等
 上攻直至午後賊人抵禦不住急竄懷抱窩我

兵奮力前進斃賊三十餘人當將賊卡二處燒
 燬於卡內獲賊劉宗能王朝元二名覃王氏等
 三口懷抱窩之賊據險擲石隨將官兵撤回臣
 額勒登保於十六七兩日繞至蜈蚣山夜遊山
 等處另覓道路查得關騰慶溥等設立營卡俱
 極嚴密但賊匪多在懸崖不能潛下而官兵亦
 祇可對面用礮轟擊艱於進取臣額勒登保遂
 於十八日仍回下麥莊將所獲賊匪饒家華各
 犯審訊據供林之華等因糧食無多山上新出
 包穀有限欲逃出此處再行糾集同教之人搶
 佔險峻大山踞守此時臣等所率營卡愈逼愈
 進賊匪日剿日減將軍成德因金雞口等處寧
 謐亦已來至鑼鍋圈防堵該匪萬難竄出即或
 捨死衝突臣等亦必隨處帶兵趕殺勿使再有

聖朝聖德

聖

聖朝聖德

聖

他道此處似可無須添兵所有惠倫等帶領之東三省官兵及湖南撤回之湖北官兵已咨明汪沂囑令併赴歸州協剿

同日汪新奏言臣由東湖回駐荊州接據保康

縣馳稟本月初十日賊匪擾及縣境之張飛堦署守備劉廷壘率領鄉勇連打二仗殺賊百餘人賊匪奔退該備追殺二十餘里至板廟地方

欽定剿平三省邪匪方略

正編卷四五

賊夥猝起該備中矛陣亡賊即撲入張飛堦直

至逢家山距縣不遠縣治四面皆山形如釜底

本無城郭上年被賊焚掠一空現在存兵三十

名居民不及百戶萬難守禦擬率兵民並將倉

穀監犯移向縣北大山站地方屯守又據南漳

縣馳稟賊衆現擾興山保康距該邑甚近查與

保康接界之關木山界山兩處山險路窄尙堪

扼守現集義勇三千餘名馳赴堵禦請速撥兵

協守等情臣查南漳西南緊接保康興山東北

與襄陽聯界此時賊匪已擾至保康勢必窺伺

襄陽約計前調叅將劉善承所帶標兵四百名

日內已抵襄郡因卽飛飭該將星夜馳赴擇要

駐守並飭該府縣趕募壯勇多名悉力嚴堵至

襄陽郡城及要隘各處業已集勇戒嚴臣日前

欽定剿平三省邪匪方略

正編卷四五

谷調南陽鎮兵五六百名卽日抵襄合之存城

現兵三百數十名似可力守無虞又據探報本

月十七日屯聚興山賊匪分股由楊家廟突向

霧渡河前後賊匪數千餘人分兩隊前來該處

兵勇悉力抵禦相持數刻賊勢兇悍卽衝過霧

渡河沿路居民倉惶駭避等情臣查霧渡河爲

宜昌當陽交界總徑而當陽東距荊郡亦止百

餘里郡城新固且有駐防滿營惟附近沙市地方係上下通津商販雲集之區實猶武昌之有漢鎮襄郡之有樊城臣以前撥駐守當陽接界

之荆營滿兵四百名勢力尙單正在飭令道府激勸商民預爲團聚壯勇以期各保身家適接探報明亮德楞泰因聞賊勢東向業已統兵由大江直下途次聞知賊已衝過霧渡河恐南通

聖朝聖編卷五 三

宜郡明亮等卽分統弁兵由宜都取道前赴宜昌德楞泰帶兵三千餘名仍由江程至荆相機迎剿等情茲十九日辰刻德楞泰已抵荆郡與臣晤商以賊已竄過霧渡河而明亮統兵由宜昌迎剿賊必折而東避徑向當陽此路兵勇勢單必須重兵迎頭截住一面飛咨明亮自後直壓不特當陽迤東各境可免蹂躪而前後夾剿

亦易於得手刻下德楞泰已統原來官兵星速進進所需糧餉軍火臣已趕緊撥發其郡城門廂及附近水路總徑要隘亦經台設卡巡嚴密盤察以防奸匪溷跡均奏入

上命軍機大臣傳諭明亮額勒登保德楞泰福寧景安汪新日昨據景安奏賊匪由南漳後界坪西向房縣奔竄今汪新奏稱賊匪滋擾保康之張飛

聖朝聖編卷五 三

地方該處逼近南漳自卽係由南漳竄往房縣之賊其由興山衝過霧渡河賊匪想必另係一股明亮已統兵前赴宜昌德楞泰帶兵已抵荆州卽日赴當陽截剿有此兩路大兵前後夾擊當乘此機會速剿完竣荆州沙市地方爲商賈輻輳之地本有荆州滿兵四百名在彼防堵現在汪新又飭台道府激勸商民團集鄉勇幫同堵禦若德楞泰在當

陽截住竄匪自不至擾至沙市或賊匪仍從原路
 折回竟向西北奔逃思與保康房縣一帶賊匪合
 夥尤屬易辦其在張飛垵打仗陣亡之守備劉廷
 壅著咨部加等優卹至南漳一股賊匪雖距襄陽
 漸遠但亦不可不亟籌截剿王文雄帶兵一千名
 不敷剿捕其帶領東三省官兵之惠倫愛星阿阿
 哈保等以之領兵則有餘以之調度則不足現在
 賊蹤離豫更遠著景安即親赴襄樊一帶往來稽
 查所有續調直隸山東官兵止須酌留數百名協
 同河北鎮兵及河兵在漢江北岸南陽一帶擇要
 堵禦其餘兵丁景安俱帶赴襄陽南漳一路督剿
 惠倫愛星阿阿哈保等俱聽景安調度以期事權
 歸一至額勒登保等本日奏報之摺祇係攻石門
 崖獲谷坪賊卡尚未擒獲林之華賊不過百數

聖朝聖訓卷五

三

欽定剿平三省邪匪方略 正編卷四五

十名為數亦少額勒登保福寧俱著傳旨嚴行申
 飭賊匪屢經官兵剿殺尚思乘間潛逃且該處崖
 壁險峻賊匪備積搗石抵死抗禦官兵亦斷無日
 久相持徒勞仰攻虛損兵力之理今賊匪既有欲
 逃竄他處之語曷若暗將官兵埋伏於賊匪圖竄
 去路故留路徑誘其逃出巢穴伏兵猝起正可趁
 勢圍擒生致首逆此亦不得已而思變計之意額
 勒登保等或做照指示酌量可行與否亦不必拘
 泥遷就總須設法將首逆擒獲若再似黃柏山芭
 葉山任賊他竄則額勒登保又將何顏對朕耶至
 覃加耀一犯前經得受鎗傷是否業已傷斃實在
 下落若何摺內仍未奏及著查明據實具奏

聖朝聖訓卷五

早

三三九

欽定剿平三省邪匪方略正編卷四十六 丁巳年

八月初三日 已 蔣兆奎奏言 臣 欽奉

諭旨命於省北標營內派兵二千名赴豫查前准景

安來咨奏調晉兵一千赴河北防守當將本年

夏間挑赴洛陽防守兵一千名轉飭即日兼程

來省赴豫今豫省需兵緊急 原 已飛咨大同鎮

再派一千名接踵前來迅速赴豫聽候景安調

《聖祖聖訓卷六十六》

撥

同日伊江阿奏言 臣 於七月二十七日接奉

諭旨命於附近營分照景安所調兵數派委將備帶

領赴豫前接景安來咨業於相近之兗州等處

各營挑選壯健兵一千名又於登州鎮所屬之

青州等處抽撥壯健兵五百名共派兵一千五

百名并揀委曾經出師之署膠州營副將培德

遊擊洪德都司梁煥吳經國選帶強幹員弁管

領分作七起限於八月初二日第一起起程初

四日即可入河南界其餘各兵接連前進起赴

南陽交景安調撥接有剿均奏入報

聞

同日

上諭內閣口現在吉林官兵已經賽冲阿帶領到京

《聖祖聖訓卷六十六》

其黑龍江官兵亦已陸續可到尙無大員帶領圖

桑阿著賞給三等侍衛卽著與烏爾圖那遜分帶

黑龍江官兵前往軍營奮勉立功

初四日 庚 景安奏言 臣 自抵新野籌辦各事宜

後復思漢江南北兩岸均係湖北地面距豫省

邊界遠近不一 臣 慮兵力現在祇數百名若分

設沿江亦不過防等二三十里而漢江東西綿

亘數百里斷難處處周密惟湖北光化縣之老

河口人烟稠密爲上下船隻聚集之所臣當囑

張文奇帶兵七百名馳赴該處沿江防守但賊

匪狡獪異常必窺視無兵之處偷渡臣再四思

維惟有沿江本地鄉勇防守本境伊等各顧身

家較爲得力總須地方官多爲募集於江岸處

處設卡星羅碁布多樹旗幟嚴備鎗礮以杜賊

《聖朝聖訓卷六

三

人覬覦之念當嚴飭襄陽道府率同沿江各州

縣妥爲辦理至臣所帶標兵四百名分撥新野

鄧州浙川防守城池尙屬不敷卽於現募鄧浙

防邊鄉勇內酌帶二千名前赴湖北光化江岸

適中之地擇要駐劄以壯聲勢再保康房縣南

漳均有賊匪分股滋擾王文雄帶兵一千名現

由南漳前進未免難以兼顧臣俟山西兵到卽

先遣令馳往協剿

同日德榜奏言查霧渡河賊匪肆行侵擾衝

突卡隘臣等正擬督兵進剿適接汪新札稱賊

匪又分竄至當陽一帶勢甚猖獗官兵如由大

江直下卽可迎頭截殺等語查楚北州縣兵守

空虛賊衆如至當陽遠安則荊州卽屬可虞如至

南漳則襄陽又受其蹂躪分兵進剿則力愈單

《聖朝聖訓卷六

四

薄若一處合擊又恐不能兼顧隨商之明亮留

兵二千有餘於宜昌設法剿辦臣卽於十七日

帶兵三千餘名由水程漏夜趕至荊州可以繞

赴賊前迎擊十九日辰刻到荆與汪新會晤二

十日早帶兵前赴當陽探聞賊匪離當陽之宋

家埡地方僅四十餘里山勢險要先經汪新派

協領富清帶滿兵四百名并該縣汪雲銘帶鄉

勇千餘名駐彼防守臣於次日督兵前進並派

守備馬應國帶奮勇兵三十名前往探哨見賊

匪已向東北遠安一帶奔竄追擊活賊阮思宇

訛係賊匪遣來探信之人知遠安無兵現主賊

匪已分赴該縣圖據縣城即可進撲當陽當將

該犯正法又據遠安縣石壩稟報賊匪已擾至

縣境四十餘里之楊家坪為數甚眾城內無兵

製看龍龔編卷四六

五

守禦請即派兵分剿即將宋家壩卡隘交協領

富清并該縣督率兵勇防守當飭副將長春扎

爾杭阿等先帶官兵一千名並派巴圖魯侍衛

阿納保等帶馬兵三十名飛赴遠安城內彈壓

堵剿臣同鎮臣達音泰等星夜帶兵馳往二十

四日黎明抵縣賊匪正在楊家坪一帶焚燒直

衝縣城臣督令達音泰巴圖魯侍衛溫春等帶

兵分兩路迎擊鎗礮並發相持數時之久賊匪

抵死抗拒擊斃賊匪百餘名賊始退據楊家坪

並於沿山拿卡綿長二十餘里時天已晚官兵

暫於蘆溪嶺駐紮各兵到齊即行趕緊進攻務

期擒獲首逆再臣沿途見遠安居民扶老挈幼

紛紛逃徙情殊可憫現飭隨營道府等逐加安

撫并諭以大兵即日到來小醜立可殲除爾等

製看龍龔編卷四六

六

正當秋穫之時毋得驚惶失業如此時將已熟

禾豆拋棄轉使賊人得計並繕示各處貼掛該

縣民間信欣然現在陸續復歸故土至南漳

兵守亦單現在王文雄帶領豫兵取道襄陽似

可即令徑赴南漳防堵並可遏賊匪前赴襄陽

之路俟臣將遠安賊匪殲除即行合擊更為得

力

同日秦承恩奏言據差弁探稟楚匪由大寧巫山分股奔竄一股折回雲陽開縣宜綿派令舒亮穆克登布等帶兵遏其前惠齡恒瑞等帶兵躡其後一股由巫山竄至歸州明亮德榜泰等已順流帶兵趕剿另有一股由巫山攻擾興山縣治隨竄入鄖陽府屬之保康界內經該縣鄉勇截住復竄至房縣交界地方查房縣東接穀城南漳可達襄樊西北由竹山竹谿可入陝境上年春間竹谿竹山教匪蠢動恒瑞文圖等帶兵收復其時巡防撫卹諸事皆臣就近經理略悉地方情形現聞該處兵備無多汪新遠駐荆宜劉君輔馬瑀等同赴川省勢難兼顧臣不敢因係隔省稍分畛域當卽給發告示曉諭竹谿竹山闔縣居民安撫人心並令該縣宗超海范

欽定剿平三省邪匪方略

正編卷四六

欽定剿平三省邪匪方略

正編卷四六

繼昌多募鄉勇防守卡隘又以竹谿官渡河等處與房縣地界毗連查有竹谿義首監生徐明衡明白曉事士民信服臣已飭令趕回官渡河一帶諄諭左員曾承選等鼓勵鄉勇堵禦巡邏以防竄逸

同日汪新奏言據保康房縣南漳興山東湖遠安當陽歸州馳稟賊匪分股肆竄各境到處焚掠現在兵勇單弱請速調撥以資抵禦臣查此時賊勢紛亂省西各屬業已間被滋擾而兵力有數無可分撥現在惟有飛飭各屬再行加集鄉勇悉力堵截賊匪大勢總欲北趨襄陽東向荆州查襄陽一路現有臣前調之督撫標兵四百名及南陽鎮兵五百名其王文雄所帶兵一千餘名臣因南漳告急已飛咨該鎮順道進剿

欽定剿平三省邪匪方略

三四二

三四二

兼有景安統兵駐境是襄陽附近可以無虞
躡荊州一路現在德榜泰擬由當陽移駐遠安
明亮卽由宜昌前往會合共兵六千有餘果能
訂定師期南北夾剿亦尙易於得手再臣前於
五月內請撥銀二百萬兩濟用此項餉銀到後
撥還截借點餉銀四十萬兩又借動藩庫俸餉
銀五十萬兩又撥發應付額勒登保福寧一路
軍營糧餉及採辦馬匹募雇鄉勇採買米石等
項統計現存不及三十萬兩此時賊氛肆擾在
在需用仰懇

天恩勅撥銀三百萬兩以濟急需

同日河南南陽鎮總兵王文雄奏言臣帶領本

標兵一千名於七月二十二日戌刻馳抵襄陽

據道員胡齊崙告稱明亮因東湖縣屬之霧渡

《聖朝聖編卷十六》

九

《聖朝聖編卷十六》

十

河有賊滋擾帶兵前往剿捕德榜泰亦由當陽
一路兜擊至賊匪前由與山竄入保康縣境該
縣楊開鏡督率鄉勇扼險堵禦遂向房縣奔逸
又有另股賊匪亦從歸州興山竄入保康界內
近逼南漳探得前後賊匪約共萬餘人現在保
康南漳交界之壽陽坪金斗坪歇馬河馬橋口
一帶滋擾查壽陽坪等處均信宿可達襄陽迤
下地既平行惟恐闖入豫境且南陽一帶並無
重兵臣不敢拘泥仍赴明亮等處協剿當由南
漳前進於保康南漳總要處所相機堵剿一面
知會明亮等夾擊以期迅速成功均奏入

上命軍機大臣傳諭宜綿明亮額勒登保德榜泰福
寧觀成惠齡景安泰承恩曰賊匪在南漳保康房
縣一帶滋擾現據王文雄奏約共萬餘人而該鎮

所帶之兵祇有一千餘名恐不敷剿捕目下山東
新調兵丁一千五百名及惠倫等所帶東三省官
兵景安竟當速帶赴保康南漳一帶幫同王文雄
剿賊至河北地方離賊較遠景安前請以直隸兵
丁駐紮河北之處竟可從緩莫若將此項官兵移
駐南陽一帶防守漢江北岸更足以資堵禦至德
楞泰於賊匪在楊家坪焚殺時卽督兵分路迎擊
所辦俱妥遠安無兵防守賊匪乘間竄入幸官兵
繞趕賊前迎頭截剿得以保護實爲可嘉德楞泰
著賞玉喜字牌大小荷包仍速將楊家坪賊匪上
緊攻剿並著明亮由宜昌一帶迅速剿辦卽行馳
赴遠安與德楞泰兩面夾擊再南漳賊匪約有萬
餘人此內脅從附和者自必不少一經官兵進剿
殲戮無遺朕心實有不忍若明降諭旨赦其脅從

聖祖聖訓編卷六

十一

之罪恐愚頑無知轉似因賊數衆多官兵難於剿
淨意在撫安並慮帶兵弁員因此遂懷觀望着傳
諭各路領兵大臣於臨陣剿賊時作爲已意明白
宣示以現調官兵數萬進剿賊匪旦夕殄平念伊
等被脅入夥本非得已今大兵臨剿法當悉予駢
誅姑爲伊等開一線生路准其自行投生如有臨
陣時拋去器械投順官軍者卽當赦其前罪概予
免死若能幫助官軍擒殺賊匪並當加以獎賞此
亦網開一面解散賊黨之法但宜綿等止當默存
諸心不可預行宣露致官兵心生懈弛又秦承恩因
興山賊匪竄往南漳保康一帶與竹谿竹山相近
密飭知縣宗超海等多募鄉勇並曉諭義民幫同
堵守自當如此辦理該撫惟當鎮靜彈壓勿使陝
省民人聞而驚疑爲要

聖祖聖訓編卷六

十一

上又命軍機大臣傳諭留京辦事王大臣曰汪新奏請撥銀三百萬兩以資接濟湖北省軍務亟竣需用正繁著照所請仍派怡親王儀郡王成親王慶桂傳齊在京前鋒統領護軍統領於內庫存貯銀內再撥銀三百萬兩令直隸河南各督撫遴派妥員分起迅速解往備用

初五日辛丑明亮奏言臣於十七日自歸州起行

製著聖鑒編卷六

十三

舟次接據宜昌府王春煦稟報屯聚興山賊匪於是日分股由楊家廟衝突霧渡河卡座勢將進逼郢城又准汪新札知賊匪分股東竄闖入東湖當陽遠安南漳各縣交界處所勢甚披猖急須分頭堵截臣於是日趕到宜昌賊匪已至大黃坪羅耳坪等處離城甚近居民紛紛逃避當將城內現有兵丁先同文圖上城周閱分置

安設卽帶領員弁親至城外鎮境山相地擊營分飭道員恒慶等安撫居民諭以隨同守禦各保身家如果實力捍衛並可卽邀獎賞衆百姓俱各踴躍徹夜巡守十八十九二十等日總兵木騰額帶兵七百餘名都司張朋帶兵勇千餘名都司馬元德守備馬濟帶屯土兵三百餘名先後趕到臣一面督率於鎮境山茶庵二梁子等處分設營卡一面飭都司應元寬張朋帶兵勇二百名在咸池鋪設伏哨探二十二二十一兩日連獲放火賊人張會一等七名其大隊賊匪自焚掠羅耳坪後卽在該處屯聚二十二日輿肇由歸州帶滿兵八百名繼至臣卽於二十三

日五鼓集兵千名分飭木騰額等東西兩路進發臣帶兵三百名在東路蔡家河督率截殺與

肇帶兵三百名在西路白坪堵截策應木騰
額等帶領官兵同時並進賊匪分投抗拒愈集
愈多臣帶兵繼進並力轟擊與肇亦率領馬隊
直前衝突先後斃賊百餘名賊匪力不能支即
由柴草河二虎坪一帶逃竄官兵乘勝追擊沿
途生擒蘇居朝等十七名訊係賊營戰手當即
一一梟示是夜官兵即在柴草河紮住夜間復
擊獲探信賊匪蘇士品薛力章二犯嚴加審訊
據供賊衆敗回後退屯荷花店地方初意本欲
攻得宜昌府城即由水路進攻荊州今被官兵
遏住不敢前進要由普溪場抄宋家壩到當陽
等語別無要供亦即正法臣竊計當陽一路有
德楞泰在彼兜截臣若由鎮境山普溪場前進
不特可絕賊人窺伺郡城之路並可兩面夾攻

聖朝聖德編卷六

十五

臣於二十五日即同興肇將原帶滿漢官兵由
普溪場前至宋家壩沿途擊獲奸細供稱先有
一股賊人已竄至遠安其屯聚荷花店大隊之
賊因官兵在南面截剿竄聚遠安之包巾寨苟
家寨等處并探得德楞泰已由當陽前赴遠安
是當陽已可毋虞臣即日帶兵由曹家壩木瓜
鋪趕至包巾寨一帶與德楞泰會籌夾擊奏入
上命軍機大臣傳諭明亮德楞泰景安曰賊匪分竄
荆且昨據德楞泰奏賊匪由楊家坪直撲遠安縣
城繞至賊前迎頭剿殺得有勝仗賊仍退回楊家
坪屯聚今明亮追剿宜昌屯聚之賊即由普溪場
一路追擊此股賊匪亦竄往遠安之包巾寨苟家
寨等處是竄匪兩股歸併遠安明亮德楞泰正可
合籌夾擊務即盡數殲除不可再有遲緩至南漳

聖朝聖德編卷六

十六

一路賊匪與保康房縣之賊是否合而為一抑仍分路奔竄為首之犯係屬何賊現在情形若何並著景安迅卽加緊具奏

初六日壬寅宜綿惠齡奏言臣惠齡同恒瑞等由

干溪口一路進剿行至楊橋壩差探賊眾在田

家壩一帶焚搶其意欲與老木園賊人合夥臣

等督兵兼程於七月初二日馳抵放牛坡地方

製著重慶縣志卷六

七

距田家壩數里卽遇騎馬賊百餘人步行賊四

五百人執旗前來慶成富成六十七等帶領馬

兵衝突殺賊百餘名餘俱敗回臣惠齡恒瑞等

督兵乘勢分路抄截沿途殲斃二百餘人直至

田家壩復值賊眾三股各執黃白藍三色旗齊

來接應臣惠齡督兵佔住北回通大寧縣城之

山梁要路恒瑞慶成柯藩富成等帶領馬步隊

伍連環迎擊賊匪退上山梁亦放鎗礮抗拒數

次撲下皆被我兵鎗礮擊回惟山勢險狹仰攻

實為費力署護軍叅領扎勒杭阿等均各下馬

率領奮勇兵丁首先攀援上山衝入賊隊與賊

短兵相接臣惠齡等督率侍衛將弁分路齊上

賊眾不能抵禦向西南敗走我兵追殺二十餘

里生擒活賊二百四十二名搶獲器械二百數

製著重慶縣志卷六

六

十件訊據活賊供稱賊眾本欲赴大寧焚掠今

被官兵截殺寶塔一帶地方又被官兵截住是

以俱向西南奔竄臣惠齡恒瑞等各帶弁兵於

十六日至雲陽縣之馬槽壩地方副都統銜六

十七巴圖魯章京佛寧等帶領馬兵在前哨探

至西牛壩兩山通狹林木叢雜詎賊匪先於兩

旁埋伏候我馬隊臨近突然抄出六十七等奮

力衝突賊甚兇悍適慶成帶領巴圖魯侍衛巴
彥大江鼎等率領奮勇馬兵趕到併力衝擊巴
彥大江鼎各射死執旗賊目一人與六十七等
不避矢石往來衝殺伏賊始退臣惠齡督率富
成觀祥等帶領步隊自左邊山梁抄出恒瑞柯
藩督率副將李紹祖等自右邊山梁抄出三路
馬步弁兵乘勢直前追殺三十餘里至江口地
方一路殲賊甚多守備馬滿海千總馬洵馬洞
把總薛國相外委陳大榮殺賊尤多其大夥賊
人皆於溪河對岸排列吶喊施放鎗礮我兵涉
水逕渡賊衆見官兵追剿愈力隨向楓木嶺一
帶奔走該處本有竄匪分股屯紮是以彼此接
應時已向暮官兵卽於該處與賊對面紮住轟
擊十七日天甫黎明賊匪復分數股撲下我兵

聖朝通鑑編卷六

十九

亦預行準備擊斃賊匪三百餘人並有騎馬執
旗賊目三人中鎗墜跌賊匪不敢向前臣惠齡
恒瑞從正路進攻慶成柯藩等從旁截殺乘勢
搶上楓木嶺山梁追過大嶺直至升子溪賊匪
站立不住復向西面關口坪一帶奔竄奪獲賊
旗四十三桿鐵礮一位鳥鎗刀子二百五十餘
件統計殺賊一千八百餘名擒獲四百餘名內
有新入賊夥之大小頭目楊玉元等七名訊以
各首逆去向供稱李全徐添德王三槐等自大
寧一帶被官兵截住現在欲由太平逃往陝西
又想起新寧東鄉等縣勾結夥黨並無一定去
向當將該犯等分別凌遲梟示西安防禦烏爾
恭阿於田家壩山梁殺賊陣亡其餘受傷陣亡
弁兵容俟查明分別辦理其蒲家山賊匪經舒

聖朝通鑑編卷六

二十

亮穆克登阿等連日分兵攻擊凡有險要地方俱經賊匪設卡抗拒我兵兩探路徑十八日舒亮率領額爾成額等繞由祖師觀上山穆克登阿帶領翼長富保等由曲馬過河上山兩面夾擊臣宜綿派令總兵索費英阿馳往策應是日舒亮一上祖師觀見前面各山包俱有賊匪分據即督兵直前賊匪率眾抗拒毫無退怯我兵鎗箭齊發隨剿隨進連奪山包四處搶據大嶺坡陣亡守備盧應朝外委張秀賊眾即退屯白岩山地方我兵正在擊卡賊匪屢次衝突俱經叅將姜敏功遊擊魏攀舉等奮力擊退斃賊二百人午後賊匪復率眾前來愈聚愈多守備余德高把總陳榮殺賊陣亡遊擊魏攀舉身帶矛傷一處我兵正在攬殺穆克登阿等過河連

聖朝聖訓卷六

三

搶瓦子坪賊卡二處趕來拔剿索費英阿帶兵亦到分投擊殺賊始敗回計殺賊四百餘名生擒三十二名餘眾仍在白岩山負險固守伏思竄赴大寧一路賊匪逃至關口坪一帶屯劄該處為開縣太平東鄉三縣交界地方且距白岩山城匪屯聚處所相近或乘間勾結或分股奔竄均須妥為布置惟查舒亮穆克登阿等一路兵力似稍不敷刻下芭葉山竄匪已至長樂縣境內離石砬較遠臣宜綿業經飛調烏什哈達即帶防石砬兵一千名並飭艾如文速撤防守雲安場官兵會同舒亮等剿洗白岩山賊匪以免牽制又派原任總兵楊秀帶兵一千名馳赴開縣東鄉交界之雙河口堵截關口坪賊匪竄路其太平一路雖先飭道員李鉉等團練鄉勇

聖朝聖訓卷六

三

分設卡隘第路徑叢雜現已飛飭柯藩酌帶官
兵馳赴太平截剿並查賊衆既已折回難保其
不與方山坪之賊勾結合夥是新寧一路尤關
緊要適臣宜綿所調總兵富爾賽帶兵行抵軍
營卽率同馳赴開縣新寧交界之寶山關地方
扼據險要居中策應再方山坪一路據朱射斗
百祥稟稱官兵自十八九至二十一二等日搶
佔馬鞍山一帶分拏營卡進逼賊巢現在設法
攻剿臣宜綿仍飛飭該鎮等趕緊進攻再查明
亮德楞泰帶兵入楚所需軍火糧餉等項誠恐
該省一時預備不及現仍飭令川省源源運供
不敢稍分畛域統俟湖北派員接辦再行停止
同日汪新奏言日內南漳保康一路賊匪先經
各境鄉勇協力擊退嗣因官兵接踵前至賊匪

畏避已折向房縣境內當陽遠安一路賊匪紛
突無常日下德楞泰統兵移駐遠安之蘆溪嶺
明亮統兵前駐當陽之朱家壩兩相犄角其北
竄南漳之路復有大兵迎截賊匪勢必東向荆
門州一帶下竄該境爲數省文報通衢且與安
陸全郡接近兵守空虛臣已飛飭各集壯勇擇
要嚴防並調前駐東湖遊擊什圖所帶兵一百
五十名星赴該縣駐守一面飛咨明亮等相機
兜截其荆郡附近民情因賊氛漸逼未免驚惶
沙市商民間有挈家圖避者必須隨宜撫諭且
興山巴東等境屯聚未下之賊尙多若知荆郡
現有巡撫駐守或不敢卽生覬覦又各路軍營
糧餉軍火現俱由荆運濟亦必得臣親身嚴督
是目下情形實有未便卽赴襄郡之勢臣不敢

稍存拘泥再近據探報川省大寧賊匪現經官兵截殺復折回奉節一帶奔竄查此起賊匪既不能竄入竹谿竹山勢必復向巫山巴東等處伺間入楚歸州為上游門戶若不留兵駐守誠恐明亮等統兵兜賊力難回顧而續來賊匪轉躡官兵之後臣已飛咨明亮等囑將興肇所帶之荊州滿營兵一千二百名全數留駐歸州臣

聖朝聖編卷六

五

俟催到南省掣回之兵亦即酌量撥帶前往再適接當陽縣馳稟二十七日賊匪從洋坪繞入縣境之呼兒總地方四散焚掠距城七十里勢甚洶湧現於張王廟要路督勇防守等情臣查洋坪地方即係德楞泰紮營之蘆溪嶺對面乃賊繞出官兵之後徑向當陽其意竟敢窺伺荊州臣查由當陽至荊州惟河洛地方扼要適南

省掣回之兵已到有一百五十餘名臣即先行統帶前赴河洛督率該處紳勇迎頭堵截一面飛咨明亮德楞泰迅即分頭兜剿以免下竄滋患均奏入

上命軍機大臣傳諭宜綿明亮德楞泰汪新日宜綿奏官兵剿殺竄赴大寧一路賊匪並進逼白岩山情形所辦尚好此時賊匪奔竄不遑勢漸窮蹙宜綿等務當乘其屯聚未定之時妥為布置扼要截擊擒拏首逆自無難尅期集事所有此次帶兵出力人員著查明咨部議叙其陣亡之防禦烏爾恭阿守備盧應朝余德高把總陳榮外委張秀等均著咨部加等優卹又汪新奏當陽遠安一帶賊匪紛突無常有明亮德楞泰兩面夾擊賊匪不敢前至荊州恐其竄往荆門州一帶汪新不敢拘泥即

聖朝聖編卷六

五

赴襄陽所見俱是至所稱賊匪從洋坪繞入縣境之呼兒總地方焚掠一節洋坪在德楞泰駐劄之蘆溪嶺對面而明亮現在宋家壩互相犄角相距均屬不遠想賊匪因聞官兵進剿又竄往呼兒總地方未必果係繞至官兵之後明亮德楞泰等一得此信自己追往兜剿不使賊至當陽滋擾明亮德楞泰總當設法夾擊擒獲首逆爲要再據宜綿奏大寧賊匪經官兵截殺向西南奔竄訊據獲犯有徐添德王三槐等自大寧一帶被官兵截住欲由太平逃往陝西又想赴東鄉等處勾結夥黨等供大寧西南係夔州奉節地方陝西係大寧之西北賊匪如欲逃往陝西斷無轉向南竄之理據汪新奏探報大寧賊匪經官兵截殺折回奉節一帶奔竄必復向巫山巴東等處伺間入楚等語可見

欽定剿平三省邪匪方略

正編卷四六

大寧竄匪亦思由姚之富等竄往湖北之路逃回楚省其獲犯所供逃回陝西之處竟係徐添德等令其捏詞說供使官兵防範稍疎該犯等得以乘隙竄入楚省汪新請於歸州駐兵固爲預籌防堵起見但興肇所帶之荊州滿兵已抵明亮德楞泰軍營不便再令回歸州駐劄現在當陽遠安一帶正資兵力剿賊亦難再分况明亮德楞泰先將當陽遠安之賊剿退即使大寧賊匪又竄至歸州亦正可迎頭截殺無須興肇帶兵前往歸州防堵也至河溶地方既係當陽荊州扼要之區汪新自應在彼駐劄現計湖南撤回頭起官兵自己到彼後起亦陸續可到如河溶地方尙須添兵防守汪新不妨於此內酌量留用其餘仍令速赴明亮等軍營助剿

欽定剿平三省邪匪方略

正編卷四六

初十日丙午額勒登保福寧奏言七月二十一日

官兵在腰帶巖下拏獲賊匪林有德周連開二

名逐加嚴訊據林有德供係林之華堂姪周連

開係該犯姊夫向在黃柏山任林之華起事即

隨同到處打仗呼為先鋒今家眷都在帽子山

林之華因官兵圍逼甚緊陳糧已盡新穀不能

養活多人急欲竄出令我等潛出探路並充作

難民探聽四川教匪信息沿途得信即覓路趕

回昨晚在腰帶巖用繩索繫下在包穀地內藏

躲意欲偷上坡坎不料被獲該犯等於拏獲時

俱受重傷當即凌遲梟示將獲犯之兵量予獎

賞伏思該匪被圍情急妄思竄逃自應趁此進

剿設法生擒臣等察看各路懸崖陡壁過多艱

於進取惟懷抱高一處山勢雖陡路稍寬展隨

於進取惟懷抱高一處山勢雖陡路稍寬展隨

於附近營卡抽調官兵於二十三匹兩日督同

巴圖魯侍衛將領等節次仰攻賊匪捨命抗拒

男婦推墮滾木擗石我兵不能遽上而此一路

必須拏定營卡既可斷其下竄之路且官兵得

有憑藉庶攻剿較易臣等隨令官兵各攜帶土

囊木植於二十五日二鼓密上拏卡賊匪知覺

滾放擗石我兵奮力不顧接遞拏卡二處天甫

黎明賊匪聚眾攻撲被官兵奮力擊退鎗斃甚

多二十六日夜賊匪於昏黑中兩次潛撲蜈蚣

山一帶營卡經巡哨兵偵知密報副將皂保等

用石塊飛擊各營卡內齊用擗石推擲擊賊始

行潰散其張廷彥慶溥關騰各路據報節次用

鎗礮擊賊一二人至十數人不等然賊首一日

未得即日殲賊眾亦屬無益臣等看得懷抱高

未得即日殲賊眾亦屬無益臣等看得懷抱高

製看雙喜編卷六

无

製看雙喜編卷六

三

一路兵力尙屬可施而賊匪可竄之路亦不外

乎此臣等於拳卡後層疊設有伏兵分派巴圖

魯侍衛更番管領勿令賊匪知覺一面相機攻

取一面設法誘其下坡以便截擊再新授建昌

鎮總兵富森布於十九日到營卽令管帶四川

現有官兵在大合山一帶堵剿

同日明亮德楞泰奏言臣德楞泰於遠安楊家

《聖朝聖訓卷六》

三

坪地方獲有勝仗二十五日各兵到齊次日黎

明由舊縣茅坪西風垭進攻賊人吶喊迎前臣

等帶兵搶上山梁併力轟擊將賊人頭二卡衝

開殺賊一百三十三名生擒陳名揚劉秀坤等

十七名奪獲鎗矛木礮餘賊棄卡逃遁始回西

北一路狂奔官兵緊跟追擊復折向東北面洋

坪土地垭等處四鼠臣德楞泰卽督兵由大小

港口跟蹤進擊一面飭將弁兵勇分投搜捕

面飛咨明亮繞道向東兜截臣明亮是日同興

肇自宋家垭由遠安西面綠豆垭一路剿捕前

進沿途山溝林內搜獲匿賊劉會仁等四十六

名盤獲冒充鄉勇之奸細王文選等七名均係

潛探卡隘虛實之犯卽行正法行至大垭口地

方接德楞泰來信知遠安包巾寨楊家坪等處

《聖朝聖訓卷六》

三

俱經廓清賊人剿敗後向東北竄逸查遠安北

面洋坪土地垭緊連當陽呼兒總且與荆門州

接壤荆門爲荆襄適中之地關係緊要當卽取

道當陽小烟墩等處星夜過發二十八日午刻

臣明亮行至溝溪河地方適臣德楞泰亦由武

雁山追趕到來兩路會合二十九日併力並進

於腰亭地方擊獲哨探賊匪甘廷秀等三名訊

據有欲折回當陽進窺荊州之語臣等以賊匪

屢經剿敗希圖往復竄擾不可不乘勝兜截八

月初一日官兵進至觀音寺賊人聞風退屯當

陽荆門州南漳交界之施家河東鞏一帶查南

漳現有王文雄帶兵堵剿荆門州雖設有鄉勇

究不足恃臣等現已繞赴荆門州之西迎頭攔

截不獨該州可以保障即當陽荆郡均能捍衛

《聖祖聖訓卷六》 三

若賊人繞出南漳北竄襄陽臣等亦得趕上兜

截斷不與賊以暇再查歸州為楚蜀水陸門戶

誠恐川省雲萬一帶賊匪被剿情急復乘間入

楚是以前在歸州起行時曾商留興肇帶滿兵

八百名駐守嗣因前敵兵丁不敷興肇趕赴宜

昌協剿臣等酌商將後起滿兵五百名札飭協

領喜格管帶由夔巫趕赴歸州會同遊擊俞國

智所帶兵二百名設卡防堵均奏入

上命軍機大臣傳諭明亮額勒登保德楞泰福寧景

安曰此次額勒登保等在懷抱窩一路拏卡進逼

殺賊止數十人又未拏獲賊首可謂無能現在賊

匪糧食已盡官兵拏卡圍逼設法進攻速擒首逆

不可徒事空言至所稱設伏誘賊下坡以便截拏

自亦一計然亦須設計制勝若惟事拏卡圍逼又

《聖祖聖訓卷六》 三

因山路險峻難以仰攻豈有日復一日徒與賊相

持之理至明亮德楞泰分投攻剿雖各得有勝仗

但殺賊無多而賊匪仍向東北竄逸未能截住乃

猶靦顏為此虛詞具奏實為伊等羞之至興肇既

抵明亮等軍營斷無復回歸州之理明亮等現令

協領喜格將後起官兵五百名留於歸州防守亦

足以資堵禦再施家河一帶與南漳交界前因興

山賊匪分向南漳房縣一帶竄聚令王文雄帶兵
前往剿辦並令景安前往指示調度設施家河之
賊亦竄至南漳明亮德楞泰正可會同景安王文
雄等夾擊迅速蕩事

欽定剿平三省邪匪方略正編卷四十七 丁巳年

八月十一日丁未景安奏言初一日接據王文雄

來信南漳境之白虎頭一股賊匪近逼該縣該

鎮帶兵馳赴峽口堵截初二日又據襄陽府張

瑤稟稱賊匪近屯南漳之紫山坪一帶二十八

日偽退二十九日復倍道竄入該縣之陸坪地

勢渙散難以堵禦且分有三四股紛竄而前並

探得該處有旁路直達郡城等語臣查白虎頭

係遠安來路王文雄帶兵前往峽口係赴南路

堵截今據襄陽府所稟情形顯係賊匪探知王

文雄帶兵南向遂分股倍道北竄以為乘虛窺

伺之計襄陽雖有官兵五百名祇可守城臣即

囑總兵張文奇留兵四百名在光化穀城一帶

沿江駐防臣分兵三百名帶領馳赴樊城一面

將附近船隻提泊北岸一面督率本地鄉勇實力堵防初三日又接王文雄來信該鎮由紫山坪前進賊即聞風退竄該鎮率同兵勇趕殺數十名拏獲活賊據供姚之富等自興山分起奔竄旋又分股在於保康房縣遠安等處焚掠南漳距襄樊甚近欲乘不備奔赴南漳北竄等供現在紫山坪賊匪退奔後由小道竄抵鞏峪仍

聖朝聖德編卷七

十一

圖北竄該鎮已帶兵赴鞏峪堵截並據襄陽道胡齊崙稟稱聞明將軍德都統從遠安後路追剿而來可與王總兵兩面夾擊但遠安與南漳連界山路處處可通若賊匪窮蹙旁竄可入荆門鍾祥襄陽宜城等處王總兵一千名兵不能處處分堵已稟請明將軍發兵由荆門麗陽宜城方家堰而進庶不致賊匪四竄等語臣查賊

匪分股奔竄意在窺伺襄樊則北面最關緊要此時楚省祇有王文雄所帶之一千名兵不敷分截即豫省邊境亦祇有臣與張文奇帶兵七百名實難兼顧臣已於附近營分及守城兵內抽調五百名前來分防惟漢江西自鄖陽東至漢陽道路綿長現在江水漸落多有灘淺臣復飛咨汪新嚴飭沿江各屬實力防堵並飛催山西山東領兵將弁迅速兼程前來共剿初五日卯刻復據襄陽府稟報宜城鍾祥交界又有一股賊匪竄擾查宜城在襄陽之東距郡城更近且連驛路自應將此股賊匪先行剿除臣所調附近防守兵五百名兩三日內即可趕到俟惠倫等到時將臣現帶兵內分撥五百名共一千名交與惠倫等分帶前往南漳會合王文雄先

聖朝聖德編卷七

三

行分投截剿其襄江北岸有臣帶來之鄧州鄉

勇三千名派撥沿江一帶分段防守再數日前

臣已檄調駐防西路之北鎮兵五百名尙須數

日可到卽令總兵張文奇統入現帶之兵在襄

樊光毅一帶沿江往來巡防省城已有河標兵

五百名足資彈壓惟河北一帶兵備空虛所有

直隸官兵一千名仍請留五百名分駐河北一

《聖朝聖訓卷七

四

帶以壯聲威臣卽赴襄陽俟兵到時相機剿辦

同日宜綿奏言臣率同總兵富爾賽二等侍衛

伊里布等馳至開縣東鄉交界之寶山關駐劄

策應各路隨飭舒亮穆克登阿百祥朱射斗等

督率將士趕緊攻剿並差探惠齡一路追剿賊

匪情形去後茲接惠齡知會連日官兵隨路搜

剿賊匪復由關口坪向前逃竄現在趕緊追躡

並派柯藩帶兵一千名馳往太平縣堵截又據

派防太平之道員李銓稟報探得賊匪業已竄

至太平縣屬渡口嚴焚掠騎馬者甚多行走迅

速該道會同叅將永明遊擊謝開先都司李廷

臣等分投竭力堵禦並保護縣治等情臣查太

平縣境處處與陝省毗連此次柯藩僅止帶兵

一千名堵剿仍屬不敷分撥遂於臣營及各處

《聖朝聖訓卷七

五

隘口抽調共得兵三千名派令富爾賽楊秀等

分起帶領由東鄉一路兼程趕往太平哨探賊

蹤設法會剿並查臣前調之肅州各標營兵三

千名正由漢中一路前來復飛飭帶兵將備加

緊行走如能趕至西鄉紫陽一帶迎頭截擊更

爲得手再查川省被賊蹂躪地方仰沐

天恩分別賑恤其續又被賊之通江開縣萬縣雲陽

奉節巫山等縣臣復飭令該道府州縣查明被擾村庄如距賊已遠先行設法招徠其賊匪未靖處所卽就百姓逃避地方爲其搭蓋窩棚暫資棲止一律米折兼放毋庸限以月分統俟復業之後查照給賑三個月又各該州縣團聚鄉勇間有因本地糧食爲賊匪搶掠者所給柴薪之費未免不敷口食臣目睹拮据情形亦一併

《聖朝實錄卷七

六

酌給口糧用示體恤

同日蔡承恩奏言據竹山縣知縣范繼昌稟稱賊匪在該縣之楊灘等處焚掠該縣齊集鄉勇萬人堵禦殺死騎馬賊匪多人並據竹谿縣知縣宗超海稟報亦已團練鄉勇萬人多係貧民難於自備口食臣隨選派幹員攜帶銀二萬兩兼恐該縣軍火不敷撥給火藥鉛丸破位兼程

前往幫同辦理並查西安副都統豐伸布前帶滿兵一千名在平利縣西南八仙河一帶防堵大寧竄匪平利東北與竹谿毗連當卽札會豐伸布帶領滿兵並撥給精壯鄉勇一千名徑赴竹谿縣迎頭攔剿自更得力均奏入

《聖朝實錄卷七

七

上命軍機大臣傳諭宜綿明亮德楞泰惠齡景安曰景安奏賊匪分股北竄爲窺伺襄陽之計而宜城鍾祥交界又有一股賊匪竄擾此股賊匪或卽係明亮等所追之賊宜城距襄陽更近此時自以剿辦北竄之賊爲要景安現赴襄陽駐劄調度惠倫阿哈保所帶東三省官兵已到景安復將所調兵一千名交與惠倫等帶領前往南漳會合王文雄截剿其山東山西官兵亦可陸續到來是北面一帶已有官兵堵截而明亮德楞泰復自遠安荆門

州追剿而來兩面夾擊賊匪雖多亦無難悉數殲除但此時賊匪分股奔竄首犯齊王氏姚之富是
否在明亮德楞泰所追賊匪之內抑或王文雄
所追賊股之內總當探明首逆蹤跡併力擒獲又
秦承恩奏分途堵剿川楚賊匪情形所辦尙好至
竄往太平之賊已有惠齡恒瑞慶成柯藩等自南
兜剿又有新調甘肅各兵自北而來迎頭堵截諒
不至於他竄者惠齡等務將各首犯上緊生擒不
可復令繞及陝境其白岩山竄匪及方山坪屯聚
之賊連日如何剿辦情形何以未據奏及著宜綸
督飭速辦毋再遲誤

聖朝聖鑒

八

員漫無調度將官兵零星分撥處處堵截以致兵
力分而見單正中賊計剿賊之法惟在整頓兵力
擇要攻剿併力一處方可制勝若以賊匪分竄卽
分兵追剿則賊多兵少處處轉爲牽掣卽如川省
竄回湖北賊匪初祇兩股繼又分而爲四現據明
亮德楞泰景安等奏襄陽宜昌各處賊匪於每股
之中又各分多股東奔西竄而官兵惟事分路追
截不但打仗不能痛剿而尾賊奔馳兵力亦日形
疲乏適墮賊人奸計現在添調直隸山西山東官
兵合之吉林黑龍江勁旅已不下八千名以之整
隊剿賊自己裕如若於一二起到後卽行零星分
撥仍屬無濟著傳諭統兵大員咸知此意所有各
路新調之兵不可隨到隨撥務須全數齊集相度
機宜惟當探明首逆齊王氏姚之富現在何路卽

聖朝聖鑒

九

統領新兵專向此一路併力圍擊俟肅清一路再移師一路以次遞剿無難逐漸蕩平宜綿等無得仍踵前習各處分撥又復師老力疲被賊牽制久稽時日致干咎戾而負委任

臣等謹案兵貴精而不貴多遲速分合之間

動中機宜兵家所以制勝也教匪本烏合之

衆特因脅從者多一經官兵剿急二三首逆

《聖朝聖紀卷七

十

奔竄靡常所在嘯聚蔓延各州縣希圖牽制

官兵而官兵分擊尾追兵力愈形單薄轉墜

賊人奸計不能剋日剷除蒙

皇上炳燭無遺

簡發東三省勁旅並調集近省官兵馳赴協剿

慮及帶兵大員或又零星分撥調度失宜

特申訓諭併力圍擊仰見

睿略如神豈運籌決策者所能企及哉

十二日戊申王文雄奏言臣抵南漳後查該縣連

界之興山保康房縣一帶俱有賊匪滋擾當與

襄陽道胡齊崙會商於保康南漳總要之五盤

山駐紮遏賊北竄七月二十七日據該縣李芸

經探稟又有賊匪焚掠西南一路已至白虎頭

峽口等處當派弁兵留防五盤山臣即帶兵馳

《聖朝聖紀卷七

十一

往剿殺賊匪數十人拏獲六名賊隨奔逸密籌

連日出沒不常見兵即走明係引誘官兵以為

牽制之計臣隨於西南扼要之峽口嚴防一面

四路偵探據報又有一股賊匪從遠安竄入南

漳之陸坪等處該處又在南漳東南與峽口東

西相距一百餘里亦可直達南漳縣城並旁通

宜城襄陽酌留弁兵帶同鄉勇堵禦隨於八月

初二日馳往三路迎擊當派遊擊賈永吉等帶兵四百名前往柞峪守備鄭永泰等帶領兵勇向辛家坪即由中路報信坡前進初三日賊匪擾至辛家坪相近之澗水泉鄭永泰等率兵勇迎敵殺賊一百餘人賊眾抄圍鄭永泰力竭陣亡守備吳鎮州同俞克振奮勇相持臣聞報立即親率弁兵趕往迎擊賊匪隨退臣同守備哈國隴等領兵追至羊角山山後又有賊匪搖旗吶喊蜂擁而出官兵奮勇上前賊人直撲我兵開放連環前面之賊應聲俱倒而後面賊匪皆不畏死隨即前進中有騎馬一賊手執白旗左右招呼當經武舉劉名焯箭射此賊落馬我兵乘勢鎗矛直上賊始紛紛逃散我兵追壓十餘里殺賊五百餘人生擒二十餘人奪獲大破牛

聖朝聖主編卷七

三

馬器械甚多因天晚路歧不便窮追其另股賊匪奔赴柞峪賈永吉奮勇殺賊陣亡經都司范從志守備秦元貞等盡力抵殺將賊擊退初四日臣正帶兵前進巡卡委員方潮盤獲探路奸細訊出賊人明分暗合以數百從正路迎敵官兵其大夥從東小路趨向縣城當經胡齊嵩派委州同銜董邦安義總甘宗羅等帶領鄉勇堵禦正路臣當即由北小路抄至百步梯地方扼住險隘賊人不知此處伏兵恣意前來我兵鎗礮並發擊斃無數賊人翻山越嶺而逃臣督率哈國隴等分投剿殺二百餘人生擒十二人其餘向東南一帶亡命奔竄守備富克錦奮勇趕殺深入賊中被戕正路之賊亦經董邦安帶勇擊退臣同胡齊嵩訊據前後獲賊盧智等僉供

聖朝聖主編卷七

三

賊人分股滋擾總欲北竄其餘堅不供吐當卽
正法現在會同該道相機趕緊剿辦奏入

上命軍機大臣傳諭景安王文雄曰王文雄所帶兵
力無多此次打仗賊賊多名甚屬出力著賞金盒
玉搬指喜字牌大小荷包但閱摺內賊匪向東南
奔竄後王文雄如何帶兵追擊之處未據奏及仍
著景安查明王文雄如果實在奮勇以少擊衆卽

聖朝聖訓卷七

古

加恩賞給提督銜倘所奏情形或有未實亦著查
明據實具奏至射死騎馬賊匪之武舉劉名焯著
卽以千總拔補擊退賊匪之都司范從志守備秦
元貞以應陞之缺陞用打仗陣亡之遊擊賈永吉
守備鄭永泰富克錦均著咨部加一等優恤並查
明該員等子嗣於服闋後送部引見所有此次打
仗受傷兵丁查明各賞一月錢糧又發去花翎五

枝藍翎十枝著景安查明帶兵將弁及鄉勇等如
有實在奮勇出力者傳旨分別賞給五六七品頂
戴五品者賞戴花翎六七品者賞戴藍翎既可省
遠路奏請之煩又可使在營將弁等倍加感奮各
圖殺賊立功於軍務亦屬有益至賊匪東奔西竄
其中必有主謀爲首之人此時齊王氏姚之富是
否合爲一處抑或分路逃竄在何股內並著景安
查詢明確卽行具奏

聖朝聖訓卷七

古

十五日辛亥明亮德楞泰奏言臣等於初二日自
荆門觀音寺率兵進攻賊衆聞風由東鞏竄向
陸坪辛家坪七邱田腰盤寨等處查陸坪辛家
坪距荆門石橋驛甚近七邱田與鍾祥接壤腰
盤寨又離宜城不遠臣等察探賊情自宜昌遠
安剿敗之後一聞官兵信息卽行遁去欲使官

兵兼顧不暇以便乘間竄出萬一賊人擾及石橋驛宜城等處不特驛站梗塞且大路平坦堵剿更覺掣肘隨飭巴圖魯侍衛阿納保溫春等帶領兵勇一千餘名繞道馳赴宜城縣城守禦一面親率兵丁由姚家河仙居鄉留厚集一帶前進以絕賊人竄往石橋驛來路詎賊人知石橋驛一帶自備即由腰盤寨武安堰直竄宜城

聖朝聖德編卷七

六

臣等探知星夜前進行至徐家集地方接據副將劉廷基及該縣等稟稱初五日賊匪自腰盤寨撲卡直入勢甚兇悍現離縣城約十餘里等語臣等即率同興肇達音泰等先帶馬隊兵丁加緊進發為掩襲之計遂由石灰窰小道繞至江岸抄出縣城東北迎頭兜截其時賊人進逼縣城相去祇五六里臣等趕上直前衝殺賊人

恃地勢平行四路排列蜂擁前來希圖兜裹經馬隊官兵擊射賊不敢進猶復施放鎗礮抵拒相持一時之久後隊官兵趕到併力攪殺斃賊三百餘名生擒李成貴等八名賊人狂奔敗走官兵乘勝趕殺追至襄陽小河口幸張文奇先將沿江船隻提赴對岸賊匪不能竄渡臣等帶兵趕到時已向晚與賊人對面紮住連用鎗礮轟擊斃甚多臣等正在運取火炬乘夜圍剿三更時賊匪向北竄走官兵立即追擊至獨樹塘地方天已將明適景安會同惠倫阿哈保等帶領東三省勁旅前來合兵夾剿賊人志在直奔襄郡經景安等自北而南攔截去路臣等在

聖朝聖德編卷七

七

南面擊殺賊人首尾不能相顧折向西南竄走該處地勢四通八達惠倫阿哈保率領勁旅分

投抄擊賊衆披靡四竄捨命狂奔官兵益形趨健追殺二十餘里殲戮賊匪五百餘名生擒周明模李秀等三十一名餘賊向仙女山丁家集一帶竄遁_臣等因恐山徑崎嶇東三省兵丁不便馳驟當令撤回此次兩面夾攻不獨荆門宜城可保無虞亦不能衝犯襄陽再行北竄皆賴聖明先事豫籌實足壯軍威而寒賊膽再查賊匪自

聖祖聖孫編卷七

大

川省竄至歸巴一帶其初時分時合亦不能定其股數_臣等先經獲賊訊據供齊王氏姚之富即在屯聚歸州一股賊內是以_臣等即由歸州宜昌遠安前來跟蹤兜剿邇日賊人分竄之路雖有三股其實相隔皆不過百里內外連日獲賊訊供仍僉稱齊王氏姚之富皆在此股賊內但據保康房縣二處所獲賊供亦稱姚之富齊

王氏爲首三股賊匪所供逆首相同明係賊人狡詐希欲惑亂官兵並有齊王氏尙在川省之說其供詞均不足深信_臣等細察情形知賊人總思各回本處自川省竄同一股定係齊王氏姚之富等而惠齡等在川省剿辦一股定係王三槐徐添德等現已分飭各路確實查明再行具奏

聖祖聖孫編卷七

九

同日景安奏言_臣於初五日由樊城來至襄陽連日遣弁分路確探襄郡東西自南漳至宜城一帶俱有賊匪分股焚掠爲數甚衆皆離郡城不遠並聞王文雄初三日在南漳與賊接仗後賊復遶過南漳分竄襄宜將王文雄阻隔在南驛路亦被滋擾惠倫阿哈保即欲帶兵出禦但_臣與惠倫等所帶官兵僅五百餘名直隸山西

山東各省之兵尙未趕到襄陽本爲邪匪淵藪據該府張瑤面稟郡城內難保必無餘孽民情甚爲驚惶城守未便空虛且數百兵不足分截數股之賊轉使賊匪窺知虛實臣當卽督率文武鎮靜嚴防諒賊知臣與惠倫等在襄不敢直犯惟查宜城縣亦係濱臨漢江江之東岸卽係鍾祥豐樂河爲賊匪上年屯竄熟路急須防堵一面知會張文奇於江北移師巡防一面派令同知噶爾炳阿帶同營弁馳赴宜城提禁船隻會同該縣招集鄉勇設卡嚴防適探知明亮德楞泰與肇等統領大兵自荆門宜城星夜兜截前來臣乘此機會先令惠倫阿哈保帶領馬隊由北抄截臣亦卽帶親隨馬兵一百名馳往策應兩路官兵奮力夾擊殲賊甚多賊匪敗向西

聖祖聖訓卷七
二十

南入山竄臣等於渴樹塘與明亮等會合驛路當卽廓清臣與明亮等熟商現在正當截剿喫緊之時惠倫阿哈保所帶官兵自應隨同明亮先行前進臣因直隸山西山東兵尙未到且賊匪出沒無常襄郡正須彈壓仍卽暫回郡城駐劄察看何處緊要卽赴截剿均奏入上命軍機大臣傳諭明亮德楞泰景安曰此次賊匪自荆門直犯宜城若明亮德楞泰不能緊躡賊蹤或致乘間紛擾宜城稍有疎虞則賊勢漸張今明亮德楞泰並不予賊以暇自荆門星夜前進當賊匪將至宜城之時繞道兜截得以痛加殲戮而景安初抵襄陽時因兵力稍單若遽行輕進轉恐賊匪窺知虛實是以持之鎮靜一聞明亮德楞泰帶兵兜截卽率同惠倫阿哈保由北面奮擊輕重緩

聖祖聖訓卷七
三十一

急均合機宜賊匪經此番官兵兩面夾擊之後紛紛潰敗不獨宜城已保無虞卽襄陽亦可安堵所辦賞屬可嘉明亮著賞給嵌珊瑚松石帶扣德楞泰著賞給雕象牙帶扣景安著賞給嵌松石帶扣並各賞玉搬指大小荷包與肇惠倫阿哈保王文雄等均爲出力著各賞玉搬指大小荷包達音泰木騰額張文奇胡齊崙著各賞大小荷包以示獎勵現在賊匪入山竄逸拒險圍剿較平地尤易爲力明亮德楞泰等總當督率官兵整隊進剿併力圍截務將首逆拏獲則大局已定其餘分竄零星賊匪自可不攻而潰矣

十七日癸丑明亮德楞泰景安奏言伏查教匪自

上年至今竄及數省雖各路剿殺爲數以千萬計而首逆尙未成擒餘黨不形減少實緣該匪

聖朝聖訓編卷七

三

等治尙據險屯聚猶得合圍進搗近日則東奔西竄無入占之地無一定之所以劫掠爲生行不必裹糧住不藉棚帳所過村庄市鎮人民多被逼脅以致夥黨日多分股竄擾使官兵應接不暇而楚北襄鄖荆宜各屬犬牙相錯道路叢歧難以一一堵截至於官兵剿捕之法迎擊勝於尾追兜擒勝於散逐臣明亮德楞泰前自巴歸一帶前來如歸州宜昌遠安當陽宜城襄陽各郡縣未嘗不繞赴賊前抄截但兵力以保城爲急則村市已被焚掠以保荆襄爲急則保康房縣各股已難兼顧更可恨者官兵探賊所向窮日夜之力趕赴賊前而賊匪一見官兵非折回返走亦必橫衝旁竄往往迎頭轉成擊尾官兵若由後追殺則任其所之不能攔截若再欲

聖朝聖訓編卷七

三

繞道抄殺則路遠兵疲卽幸而趕上難保賊人
不又他竄且官兵行走口糧軍火鍋帳器械均
須量爲裹帶逐日設卡拏營此皆賊人所無類
此情形剿辦驟難得手今計三股賊衆共二萬
有餘其中騎馬賊不下三四千_臣等現帶各兵
內馬隊不過六七百名其餘悉屬步兵今蒙

聖明洞察調撥吉林索倫兵三千名又發馬八千匹

欽定剿平三省邪匪方略

正編卷四七

竊思東三省勁旅若與尋常漢兵爲伍行走未
能迅速無以逞其驍勇徒致兵乏馬疲莫若俟
該兵丁到營後_臣等再於健銳滿兵各省綠營
官兵內挑出千名合之共得精銳馬隊四千餘
名其屯土撒拉爾兵丁行走較捷亦酌量挑派
以爲後隊接應分作四路_臣等分投管帶晝夜
進擊且額勒登保剿辦城子口賊匪卽日竣事

可趕抵_臣等軍營將此項官兵交其帶領尤爲

得力該兵丁等壯健趨捷不獨慣於馳騁嫻習
鎗箭且能藉草爲宿炙肉爲飼可以不帶鍋帳
不待糧運實爲綠營漢兵所不能至現有各省
綠營兵及調到直隸山東山西兵丁分設四面
要隘以爲外圍更番戰守則各路不致空虛實

於堵剿大爲有裨_臣景安現在籌辦肉乾炒米

欽定剿平三省邪匪方略

正編卷四七

等物以備進剿時分給裹帶計每兵每十日給
以所需米肉攜帶亦不累重並令襄陽道府等
照樣寬爲備辦源源接濟俾糧足馬強以便晝
夜緊追截殺使賊匪眠食無暇定可次第掃除
以收實效現在竄往南漳保康房縣等處之賊
_臣等鼓勵兵丁趕緊籌剿亦斷不敢稍有延挨
再查原任廣西宣化縣知縣梁友毅係襄陽人

告病在籍因賊匪滋擾率同伊子文章梁印女
 在程梢渡修築土堡收養男婦老幼鄉民十餘
 萬並團聚鄉勇設卡防堵賊匪竄至該處梁友
 毅父子率勇堵禦附近村莊未致被賊蹂躪洵
 屬急公向義出力可嘉又襄陽武生梁大烈蔡
 運陞武童蔡正陞張鳴來上年隨營出力經湖
 廣督臣分別給與行營千把總外委頂戴該弁
 等此次在程梢渡隨同梁印文堵禦賊匪亦屬
 出力又鄧州文生彭騰蛟自上年以來帶領鄉
 勇隨同堵剿實屬奮勉此次派令防守江岸亦
 能不辭勞瘁又探得房縣另股賊匪已由竹山
 向西奔竄距陝西紫陽平利一帶較近紫陽地
 方原派總兵富爾賽帶兵二千名駐劄防堵嗣
 經宜綿調赴川省以剿 等聞宜綿現調甘肅

聖朝聖德編卷七

三

官兵日內可到陝境已飛咨秦承恩於此次官
 兵內酌留一二千名在陝楚邊境擇要堵截其
 餘先令馳赴宜綿軍營聽候調遣奏入
 上命軍機大臣傳諭明亮德楞泰景安秦承恩曰明
 亮等奏籌剿事宜所見亦是但明亮德楞泰前在
 四川帶兵剿賊由川追賊至楚且此次賊匪起自
 湖北明亮彼時亦在襄陽一帶與永保等統兵剿
 殺迄今已隔年餘任賊東奔西竄官兵疲於追捕
 墮其奸計是誰之咎今為此奏未免已遲現在各
 省兵丁早入豫境東三省勁旅計日亦可陸續到
 楚著明亮德楞泰即照所奏機宜悉心布置實力
 攻剿務於一兩月間剋期蕩事但新兵未到之前
 明亮等斷無坐待之理究竟目前作何進剿未據
 奏及且賊匪自當阻遠安剿敗之後奔竄宜城經

聖朝聖德編卷七

三

明亮德楞泰由小路抄截景安同惠倫阿哈保復帶勁兵自北而來兩路夾擊賊匪即竄南漳一帶山內藏匿該處山路在在可通設在一面駐兵堵守賊或從別路乘間他逸豈不予賊以暇愈去愈遠乎至房縣賊匪竄至竹山一帶前據秦承恩奏竹山竹谿各召募鄉勇萬餘名並令副都統豐伸布帶兵一千名前往堵剿今明亮等又咨會該撫酌留肅州續調官兵擇要堵截倘此股賊匪向西奔竄正可痛加截剿著秦承恩與豐伸布富爾賽等彼此知會務將竹山竄匪併力堵截悉數殲除勿令竄入陝境

上諭內閣曰明亮奏原任宣化令梁友毅因賊滋事率同伊子梁印文團聚鄉勇奮力堵禦等語梁友毅告病在籍因賊匪肆擾率同伊子悉力堵禦附

聖鑒事

奏

近村庄得以保全洵屬急公該員現已年老著加恩將伊子梁印文賞給八品頂戴以縣丞即用襄陽武生梁大烈蔡運陞武童蔡正陞前經該督等分別給予行營千總把總外委等銜此次幫同梁印文堵禦賊匪亦屬出力著各該撫遇有缺出卽行分別拔補其帶領鄉勇隨同剿賊之武生員彭騰蛟並著賞給八品職銜以示鼓勵

十八日甲寅汪新奏言臣前因荆襄迤東各境汛守空虛密鄂輝姜晟據稱現派撫標等營兵共一千五百名交長沙協副將滿倉統領由水路陸續赴荆門州聽候調遣臣思南漳宜城等處已有明亮德楞泰景安王文雄等分統官兵會剿惟川省屯聚之賊有下竄入楚之勢昨准文圖咨會已撥至巴巫交界現在歸州駐守各

聖鑒事

奏

兵共止八百名而要隘甚多未敷分撥又竹山竹谿二邑貼近漢江現當水落灘淺易於偷渡賊已分股擾及該境臣擬將湖南派來官兵以一千名撥赴歸州交與文圖統領分撥各隘嚴防以五百名撥赴竹山竹谿酌於濱漢要路駐守以絕賊匪竄入豫之路至近日各境賊勢據襄陽縣馳稟初七日南漳賊匪一股由丁家集直竄縣境距城四十里一股竄至廣德寺距城二十五里宜城縣馳稟當陽遠安竄來縣境賊匪現在焚掠小河口向西在竄南漳縣馳稟初七日賊匪擾至老觀廟折向黃連樹崗焚掠界牌頭武安堰等處宜城之路已被阻塞又據房縣馳稟南漳賊竄至縣境漫子山蜂擁衝卡經典史蔣大錫把總楊占魁李勇抵禦鎗斃

聖祖聖孫編卷七

三

牛督戰賊婦一名殺死步騎賊匪多名生擒二名訊據供稱騎牛賊婦係賊首高廷興妻室當即正法據竹山縣馳稟房縣賊匪竄及縣境秦口地方即率領鄉勇抵禦殺賊多名復竄至玉口一帶焚掠又經鄉勇抵禦殺賊五六十人賊即竄渡鐵峪河先經鄉勇設伏截擊溺死無數復殺斃一百餘人又據竹谿縣馳稟房縣賊匪竄入縣境樊店河木瓜園等處經紳勇迎敵殺賊三十餘人賊多勢盛請兵速援各等情臣思明亮德楞泰統領大兵現由宜城小河口前赴獨樹店駐紮距襄甚近而景安又已帶兵駐守襄郡日內自必兜剿得勝俟得信後即行馳奏奏入

上命軍機大臣傳諭明亮德楞泰汪新曰汪新所奏

聖祖聖孫編卷七

三

情形尙未知明亮等剿散竄匪之信歸巴一帶爲楚北上游而竹山竹谿亦有賊匪滋擾所謂湖南之兵自應分撥防堵但宜城一帶賊匪竄入南漳山內是否屯聚一處抑或又分股他竄明亮德楞秦等如何設法截剿汪新駐劄適中之地得有信息著卽據實速奏至賊匪竄至竹山竹谿縣境俱被鄉勇抵禦將賊剿散殊爲可嘉其中必有一二

聖訓彙編卷七

三

首先出力之人著詳悉查明據實奏聞請旨

十九日^{乙卯}秦承恩奏言楚匪於八月初三日在

竹谿手中店等處焚掠逼近縣城僅止數里適豐伸布帶兵趕至賊匪不敢撲城由東路向北奔竄經該縣宗超海密帶鄉勇乘夜截殺男婦數人生擒十三人訊明欲由陝西仍回河南當卽正法又經守備茹洪帶領兵勇截殺百餘人

賊匪由縣北繞至竹山沈家營地方屯聚距陝省洵陽縣界數十里^臣先已酌派兵勇於七里關據險堵截賊匪不敢前進卽於初七日向東竄至竹山鐵爐壩與陝省白河縣毗連^臣亦已酌派兵勇防守要隘惟前賊竄入竹山地方^臣

聖訓彙編卷七

三

雖督飭該縣知縣范繼昌屢次截殺未令近城而湖北兵備甚單探聞房縣地方又有另股之賊若不及早剿滅必致愈積愈多已飛札豐伸布帶領兵勇取道趕赴竹山探明賊蹤盡力追剿並飭溫承惠挑帶精銳鄉勇馳赴豐伸布一路設法兜圍再前因川匪竄近太平與陝省西鄉邊界毗連當派署鎮田有成道員文需帶領兵丁多僱鄉勇分赴要隘嚴密防堵茲文需稟報川匪於七月二十六日攻撲太平縣城經該

盧兵勇奮力擊退二十七日午後有騎馬賊匪徑撲西鄉秋波梁並放火焚燒坡下民房該道得信馳往兵勇放鎗大張聲勢生擒探信賊匪一名賊即竄往太平後河一帶八月初一日申刻賊匪又由太平青花溪竄至秋波梁下盧家溝焚掠經文需會同田有成督率馳往堵禦賊匪正在梁撲卡都司蘇維龍典史章榮基等帶領兵勇迎頭截殺鎗斃箭傷五十餘人賊匪不能抵敵登時敗走追殺數里兵勇亦間有受傷因時已昏黑隨即撤回紮住梁上賊匪仍退至太平富家壩屯聚初四日賊匪竄至通江關壩一帶經恒瑞趕到截剿殺賊多人是夜亥刻賊匪遂竄至西鄉九元關潛行上撲意欲放火搶卡經守卡員弁兵勇用鎗礮擊退仍向西竄通

《聖朝聖紀卷七

五

江境內現聞恒瑞惠齡慶成等俱已帶兵趕到四面兜圍自可即時撲滅奏入上命軍機大臣傳諭惠齡恒瑞慶成秦承恩曰此次楚匪由房縣向竹谿竹山等處奔竄經秦承恩令豐仲布等帶領兵勇堵截斃多人其竄至太平西鄉一帶川匪亦經秦承恩派令鎮道等奮力擊退均不至闖入陝境所辦尚好其帶兵堵剿之文武員弁著秦承恩查明如果始終勤奮咨部議敘其有分外出力者即行據實奏明候旨加恩至由太平竄至通江關壩一帶之賊據奏現經恒瑞迎頭截殺而惠齡慶成等亦帶兵趕到併力兜圍此時惠齡等曾否將賊匪殲淨何以未據惠齡等具奏伊等前次辦理竄匪惟事尾追以致賊匪四路竄逸疲我兵力此次既已趕上兜圍若再不合力

《聖朝聖紀卷七

五

截剿又任賊匪他竄伊等自思當得何罪耶

剿平三省邪匪方略

正編卷四八

欽定剿平三省邪匪方略 正編卷四八

欽定剿平三省邪匪方略正編卷四十八 丁巳年

八月二十日 丙辰 額勒登保福寧奏 臣 等前因

察看道路惟懷抱窩一路尚可進攻隨即搶上

山麓擊卡二處竊意賊匪必思下撲當即分兵

層疊埋伏乃三四日內絕無動靜自應亟圖進

取初六日 臣 等就附近營卡抽調官兵定於次

日進攻其第一層腰帶巖及三岔溪等處本屬

剿平三省邪匪方略

正編卷四八

難上但亦可聲東擊西使賊不能兼顧隨商同

成德帶領官兵於此一帶虛作進攻之勢牽掣

賊人 臣 等於初七日四鼓帶領綸布春等由懷

抱窩進攻賊匪於半山之中紮有卡座堆積木

石以備抵禦 臣 等因先派奮勇弁兵於昏黑中

三五分散陸續密上並攜帶竹篠樹枝隨處分

插將點燃火繩頭懸掛間放鳥鎗誘使知覺即

三七五

行避回該匪等果即驚慌推放滾木插石不止
天甫黎明我兵鼓勇搶上賊匪措手不及亡命
爬坡我兵鎗箭齊發斃賊紛紛即搶佔賊卡三
座懷抱窩山頂之賊聚眾下撲勢甚猖獗大合
山一帶對面山坳經臣等令富森布設有礮位
屢經轟擊官兵等奮力搶擊連斃穿白袍賊二
人割獻首級十一顆賊匪始行退却我兵急欲

《聖朝聖編卷十八

二

乘勢搶至山嶺而山勢愈上愈陡賊匪用石塊
飛擲實有不能存立之勢把總馬定元用矛連
斃二賊猝被石擊殞命土守備喇卜達先經殺
賊割獻首級亦被擊傷臣等隨督令官兵一面
即於半山擊卡四處賊匪於是夜復來攻撲數
次被鎗礮擊退初九日相度形勢又接遞擊卡
三處賊人未敢下撲現在緊要坡坎均已截堵

臣等或誘其下山痛剿或另設法上攻務期趕
緊捕獲首逆

同日宜綿惠齡奏言查賊匪因官兵追剿緊急
計圖搶占石埡子恃險屯紮經該處鄉勇施放
滾木插石匪眾不能直上遂由毛埡子翻山逃
至太平縣屬白楊廟一帶盤踞臣惠齡同恒瑞
慶成等趕至金竹山地方正在督兵攻擊詎賊

《聖朝聖編卷十八

三

情狡獪異常一面率眾抗拒官兵另分一股約
計四五百人繞由白楊廟小路攻撲太平該處
本無城垣僅有新築土牆一道防兵又屬無多
臣宜綿先經咨會副都統碩雲保並飛飭川北
道李鈺趕緊團練鄉勇預為防範旋經碩雲保
等派令遊擊謝開先等率領兵勇駐防縣治北
面之後山頂千總李春先等帶領兵勇防守縣

治西面之蓋家坪以爲犄角之勢八月初一日
黎明匪衆由高坡子天馬山快活坪分作三路
搖旗吶喊直逼城下叅將永明都司李廷臣署
知縣鍾燾雲等俱各鼓勵兵勇鎗礮箭石齊發
碩雲保力疾督戰自卯至未斃賊二百餘人永
明李廷臣俱各射死騎馬執旗賊目一名賊匪
並不稍退李鉉激勵城中民人曉以大義俱各
攜持磚石上城奮勇地擊賊衆爲之奪氣又有
派防白沙河之知州王嘉猷率同投効從九品
職銜王恒帶領鄉勇趕來接剿謝開先李春先
等亦率兵勇由蓋家坪後山頂兩路壓下碩雲
保卽派李廷臣等帶兵由北門衝出分投截殺
賊匪腹背受敵力不能支始紛紛逃竄我兵乘
勝追剿殲戮賊匪五六百人生擒七十九名知

欽定剿平三省邪匪方略

正編卷四八

用王嘉猷號騎校巴哈布千總李春先從九品
職銜王恒俱因奮勇殺賊陣亡兵勇亦間有傷
損餘匪逃至石關子一路適柯藩帶兵趕到復
又截殺一陣斃賊多名其白楊廟一帶屯聚賊
匪經臣惠齡同恒瑞慶成督率巴圖魯侍衛鎮
將等連日攻剿殲戮二三百名餘匪乘夜奔潰
與石關子竄匪接應合夥逃赴絲羅壩石窩場
蘭草溝油坪一帶屯紮查該處路通西鄉又與
巴州東鄉接壤賊匪非圖竄往陝西卽欲攻方
山坪會合或折回東鄉滋擾必須設法遏截臣
惠齡同恒瑞慶成等卽督兵向北由亭子廟一
帶繞往賊前兜剿遏其赴陝竄路臣宜綿復飛
飭總兵富爾賽等暫在東鄉境內分佈防堵偵
探賊蹤相機剿殺至于竄聚白巖山新起之賊

欽定剿平三省邪匪方略

正編卷四八

經舒亮穆克登阿等連次分兵攻擊賊勢漸形
畏懼間有逃出自首者臣宜綿委員訊明實係

被脅之徒卽行釋放連日自賊巢陸續散出者

已有三四百人均經妥爲安插一面仍督飭舒

亮穆克登阿等趕緊剿辦其大寧縣屬黑樓門

等處響應匪徒前經官兵剿殺俱與徐添德等

合夥同逃現在大寧一帶道路廓清臣宜綿現

《聖諭廣訓卷六十八

六

飭百祥朱射斗竭力進攻方山坪屯聚賊匪並

飭道員石作瑞知州崔特峯候補知州劉清等

添募精壯鄉勇隨同官兵分據險要臣宜綿現

在帶兵移駐胡家場策應各路總視首逆所在

相機剿殺設法擒拏

宜綿又奏言臣接准汪新咨會楚省地方現有

三路官兵剿捕需糧甚繁咨商籌撥臣查川省

軍務雖尙未竣但楚北現在立等接濟自應不
分畛域設法籌撥前據明興及總理糧餉司道
等稟報業已陸續運赴楚省軍糧三千餘石臣

卽札令再行趕緊撥運務須湊足三萬石之數

以裕兵食其餘軍火等項如有須川省接濟之

處亦卽飭由夔州一路酌量運供再查夔州各

屬與達州巴州均係接壤凡被邪匪蹂躪處所

《聖諭廣訓卷六十八

七

臣宜綿隨時分飭各總理道府等將各路被難

良民實力招徠妥爲撫輯至賊匪未靖地方亦

就百姓逃避之處爲之搭棚棲止一律散給口

糧察看民情俱屬鎮靜均奏入

上命軍機大臣傳諭宜綿額勒登保福寧惠齡日懷

抱窩一路山勢險峻額勒登保等派兵埋伏賊匪

狡譎異常不肯下山實爲可惡復經設計攻擊搶

占賊卡賊匪潰敗所有打仗陣亡之把總馬定元

著咨部加一等優卹此次剿殺賊匪雖為數無多

亦未拏獲賊首然該處山勢陡險仰攻較難自不

能不稍假以時日額勒登保等務當倍加感奮乘

此賊匪窮困之時拏獲首逆毋任再有竄逸至攻

撲太平縣治賊匪經宜綿督率官兵擊退而白楊

廟之賊亦經惠齡等帶兵截殺餘匪奔潰其白巖

聖諭 聖諭 聖諭 卷 第 八 八

山新起之賊漸形畏懼多有投出宜綿等正可乘

勝進剿毋使竄入陝境或與方山坪合夥此次保

護太平縣治及打仗出力文武員弁著宜綿等咨

部議敘其殺賊陣亡之知州王嘉猷驍騎校巴哈

布千總李春先從九品職銜王恒俱著咨部加一

等優卹並查明王嘉猷子嗣於服闋襲職時送部

引見又協濟楚省糧石自應如此辦理宜綿務飭

令承辦各員趕緊辦運勿誤要需

二十一日_{丁巳}景安奏言查襄陽宜城賊匪經官

兵剿敗西向穀城一帶奔竄明亮德楞泰等帶

兵馳往追至耗子溝地方正遇賊匪剿殺甚多

餘匪向金牛寺一帶奔逃_臣恐賊匪被剿窮蹙

四竄復令愛星阿帶領索倫官兵四十九員名

並綠營兵一千名前往隆中邀擊以截賊匪回

聖諭 聖諭 聖諭 卷 第 九 九

竄襄陽之路_臣俟不拘何路兵到立即帶往策

應連日據報山東直隸官兵分起已入豫境陸

續前進山西官兵暨吉林索倫勁旅自必接踵

而至糧餉軍需均關緊要其隨營軍裝必須驟

頭駝運_臣到襄陽查詢該道府所辦驟頭尚未

到齊為數亦少業經汪新咨會山東山西二省

代雇_臣亦飛飭河南司道一體酌量趕雇協濟

倘臨期不能到齊卽令多備人夫搭配滾運

俟將穀城一股賊匪辦盡各路官兵到齊料理

妥協再行取道會剿奏入

上命軍機大臣傳諭明亮德楞泰景安泰承恩日前

因明亮等剿散宜城賊匪後未將如何截剿之處

詳悉具奏竟似在彼坐待新兵今據景安奏到情

形賊匪竄至穀城一帶復經明亮等在耗子溝剿

聖者聖者編卷十六

十

殺賊甚多是明亮德楞泰已追躡賊蹤上緊截

剿所辦尚是但尚未據明亮等奏至自因未暇發

摺之故至穀城地接鄖陽距陝甚近恐賊匪經官

兵追剿復思竄至陝西邊界泰承恩務卽探明賊

蹤如果向西竄近卽可迎頭截剿景安籌辦軍裝

糧運一切妥善而防堵尤須嚴密勿令賊匪竄豫

爲要

二十二日 戊午 汪新奏言 臣接據竹山縣初七日

稟報前由房縣竄至賊匪經鄉勇設計在鐵峪

河截擊溺斃甚多賊卽敗向花園溝三溪溝等

處潛匿當卽傳集紳勇分投追捕施放火彈火

毯燒死多賊卡首杜正甫武生宋連陞尸書劉

一鶴等生擒賊匪三名訊據供稱姚之富一營

不過五六千人齊王氏同王三槐一營有六七

聖者聖者編卷十六

十一

千人該犯等係在姚之富營內餘無要供業卽

正法續據該縣初四日稟報賊匪約有千餘人

竄入竹谿縣境之橫擔山因聞該處鄉勇堵守

嚴密不敢前進卽在全河地方潛匿經派往追

捕之營弁黃富國郭成林等督率鄉勇上山瞭

望見全河兩岸皆山賊匪潛伏山溝隨卽分派

兵勇暗堵兩頭卽於兩岸山坡大施鎗礮並拋

擲火毬石塊立斃賊匪三百餘人因西頭鄉勇
 數少力薄餘賊冒死衝出向火燒坪小河口一
 帶晝夜奔逃經義首文生許必銘武生魏正青
 常學中偵知來路告於大荒山溝設伏適外委
 郝宗德帶兵三十名義首涂文經會紹緒各帶
 健勇五百餘名自後追剿賊匪祇顧西奔至大
 荒山溝該義首等舉放號礮伏勇齊出鎗礮火
 毬同時並發燒斃賊匪過半並獲鍋帳器械甚
 多餘賊三四百人仍由花園溝一路奔逸現卽
 帶領得勝兵勇協力追剿並知會竹谿宗令督
 勇追截等情臣查竹山竹谿二邑義首鄉勇齊
 心用命而該令范繼昌宗超海調度亦頗得宜
 此次更能設計奮勇登殲賊衆實堪嘉尚臣現
 將各義首分別賞給頂戴其出力兵勇賞給銀

欽定剿平三省邪匪方略 正編卷四八

欽定剿平三省邪匪方略 正編卷四八

牌花紅以示獎勵而昭激勸臣思此時竄擾南
 漳襄陽賊匪聞知大兵卽日雲集或希竄入川
 陝境內已飛咨秦承恩囑其帶兵迅於邊界擇
 要駐守又慮鄖陽境內濱漢一帶雖經集勇設
 卡嚴防偷渡但該守王正常現赴房縣等處率
 勇堵剿復飛飭漢黃道張道源星馳赴鄖實力
 巡察再查官兵剿捕以來應需解運人夫等項
 俱於南岸無事之區分派辦應此時賊匪竄至
 南漳宜城等處悉係漢江南岸逆氛所及村落
 爲墟居民亦多遷避雇集人夫殊非易易臣思
 軍行負運鍋帳等物用夫不如用騾核計一騾
 負重可抵人夫數名之力需費亦約畧相仿楚
 省土騾土馬先經購買殆盡現已飛咨陝省代
 買騾一千頭山東山西二省買騾各八百頭豫

欽定剿平三省邪匪方略 正編卷四八

三八一

省買驟一千頭迅速解楚以資隨營負重之用
又湖南省派撥兵一千五百名來北協堵前擬
分撥歸州竹山竹谿駐守日內探知巴巫一帶
防守尚嚴川匪未能下竄現在景安等軍營兵
力本單已飭令原帶長沙協副將滿倉管領兵
五百名前赴景安處聽候調遣

同日觀成劉君輔奏言臣劉君輔於寶塔青莊

聖朝聖學正編卷四十八

十四

坪一路帶兵乘勝追剿沿途搜獲藏匿餘匪大
寧邊境肅清十六日適鎮臣馬瑀回抵大寧臣
等探得奉節黑樓門之賊竄回雲開一帶忽聚
忽分即囑令馬瑀將所帶官兵六百名分劄青
莊坪大寧寶塔聯絡控制臣劉君輔抽帶官兵
馳抵軍營查老木園綿長三十餘里周圍約五
六十里而輻頂一山尤為突兀險要賊匪因官

兵節次痛剿退守負嶠二十三四等日臣等
親督率兵弁悉力攻撲並用礮轟擊連斃賊匪
數十人賊匪拋擲木石施放鎗礮兵勇連日仰
攻未能得手賊匪復於附近之大竹溪飛沙嶺
及後山之樵風洞柏樹巖一帶連紮木城石卡
挑挖深濠節節準備必須另行躡路方可攻取
查箐林口一山與老木園後山緊接若將此處

聖朝聖學正編卷四十八

十五

奪占則可進搗中堅二十八日三鼓乘霧雨迷
漫派令協領蘇勒芳阿遊擊楊洪新等帶領兵
勇從關廟進攻大竹溪遊擊朱進廷署都司李
寅等帶領兵勇從竹溪進發次日黎明臣觀成
從蜈蚣嶺督催各路將備進攻牽綴賊勢臣劉
君輔率同鎮臣徐昭德及遊擊愛隆阿等帶領
兵勇從關廟繞至箐林口時值霧雨未止山徑

險滑我兵人人奮勇攀巖附葛魚貫競進守備
劉順把總李翠郭常泰等首先搶上箐林口奮
力砍開木城拋擲火彈將窩棚燒燬賊匪驚慌
失措我兵奮力砍殺斃賊二十餘名乘勢搶上
柏樹巖當有賊匪百餘人蜂擁抗拒我兵勇氣
百倍刀矛相接殺賊五六十名遊擊阿隆阿把
總江永輝柳夔均經受傷生擒裴志道龍士元
潘起向國林四名臣劉君輔見山徑深邃險窄
樹木叢雜慮有暗伏卽于柏樹巖箐林口伐木
紮卡扼要暫駐隨提活賊審訊據供係老木園
附近居民從教入夥現在陳崇德夥黨不過一
千七百人近見官兵攻剿緊急於各處山頭路
口堆積滾木插石婦女都派出守卡專等外邊
接應等供當將該犯等寸磔臣等卽令徐昭德

欽定剿平三省邪匪方略

正編卷四八

於蜈蚣嶺駐紮兜擒夾擊伏思此間賊匪無多
剿辦日久未能迅速蔽事實屬愧懼無地現在
悉力籌辦以期迅搗賊巢殲擒首夥卽馳赴宜
綿軍營幫同剿辦
同日秦承恩奏言臣因川楚各軍營擊獲奸細
均有仍欲由陝赴豫之供諄飭鎮道等添撥兵
勇親赴各要隘防範茲據漢興道文需稟稱本
月初六日賊匪竄入西鄉邊界三花灘該道帶
同西鄉縣知縣文在人縣丞湯安泰督率鄉勇
義首人等馳赴降渡山堵截都司蘇維龍亦同
時帶兵趕到賊匪知有準備退至牡丹園該道
等連夜追往初七日黎明趕至牡丹園山梁見
賊匪約八九百人正在焚掠滋擾該道等分帶
英勇山兩路山梁壓下奮力衝擊賊眾登時潰

欽定剿平三省邪匪方略

正編卷四八

亂殺死賊匪六十餘名生擒受傷賊匪二名餘
賊向井泉子奔逃我兵隨後掩殺賊匪仍向西
竄回通江之石子壩該道等即將兵勇紮住井
泉子兩面山梁嚴密防堵均奏入

上命軍機大臣傳諭惠齡觀成汪新日汪新奏賊匪
由房縣竄至竹山竹谿二邑該處義首鄉勇齊心
用命該令范繼昌宗超海又能設計奮勇疊殲賊

《聖朝聖訓卷六

十六

眾俱屬可嘉所有出力文武各員并著咨部議敘
其卡首義首等俱酌量分別賞給頂戴以示獎勵
現在漢江一帶有景安秦承恩於上下游擇要防
堵汪新又派道員張道源前赴鄖陽在漢江北岸
往來查察賊匪自不能再竄入陝豫二境現據秦
承恩奏川省竄匪逃入西鄉邊界經該處文武各
員帶兵截殺未能闖入陝境辦理亦好但此股賊

係惠齡恒瑞慶成等在大寧剿敗之賊現經陝省
官兵堵截惠齡等正可帶兵追擊上緊殲擒毋致
再有他竄至觀成等自圍攻老木園以來已經數
月今據奏到情形仍不過奪據箐林口賊巢而所
殺賊匪為數亦屬無幾殊不滿意現在賊匪要隘
已經官兵奪占賊卡僅餘三處賊數不過千餘觀
成等豈尚不能奮勇進剿尅期蕪事耶

《聖朝聖訓卷六

十九

二十三日已未明亮德楞泰奏言賊匪前在獨樹
塘地方經官兵擊敗折回西南仙女山丁家集
一帶竄走臣等察其路逕似欲竄往南漳但據
屢次獲犯僉稱賊人總思北渡襄江竄入豫省
是折赴南漳形跡竟欲將官兵誘入山內以便
乘間出山赴江岸搶渡奔竄臣等再四熟籌此
時賊眾路歧與其竄越江岸不如逼向西南山

內可以扼險截剿況賊人狡詐異常萬一官兵
跟蹤緊擊其前隊之賊或又分股折竄江岸晒
淺偷渡轉墮賊人奸計臣當飭守備馬應國等
自丁家集緊跟賊匪前進躡看趨向一面令鎮
臣長春副將劉廷基等帶兵二千名先由襄江
南岸進發以安沿江各市鎮民心卽一路馳赴
穀城幫同原任總兵彭之年扼要防堵臣等卽

聖祖聖孫編卷四十八

二十

由隆中石牌嶺前進途中據馬應國稟報並據
拏獲哨探賊人供稱賊匪自丁家集西竄後果
卽由石廟等處北走欲焚擾茨河鎮搶船直渡
襄樊上游商民殷庶臣等聞信後連夜前進十
二日午刻行至茨河鎮正值賊人自西南一帶
焚擾出山該處居民甚形惶恐臣等當將兵丁
在市鎮前山梁紮住察看地勢東面楓樹埡一

處爲達茨河鎮後路要隘西面耗子溝一處爲

達石井沖江岸要隘官兵由此兩路進發則可

絕其北竄並可兩面夾擊臣明亮同興肇副都

統阿哈保帶領巴圖魯侍衛將弁等由楓樹埡

一路進剿臣德楞泰同惠倫達音泰帶領巴圖

魯侍衛將弁等由耗子溝一路進剿其時賊匪

已由南子山直衝楓樹埡前來約六七千人內

聖祖聖孫編卷四十八

三十一

衝先騎馬之賊約七八百名吶喊搖旗肆無忌

憚臣明亮當同興肇將埡口左右山頭紮住賊

人捨命撲上三次官兵礮擊箭射奮力壓剿擊

斃賊匪甚多西面耗子溝一路亦有賊六七千

人衝撲臣德楞泰同惠倫達音泰率兵排列山

頭賊人撲上山坎達音泰手射二賊賊勢稍却

惠倫同巴圖魯侍衛率領滿漢馬兵皆先下壓

衆兵並進臣明亮與肇又自楓樹埡追擊前來

兩面夾攻痛加剿殺惠倫阿哈保達音泰率領

三省墨爾根官兵衝進賊隊各射賊一二名二

三名不等共殺賊七八百名生擒劉登發等二

十九名賊人捨命逃向金牛寺時天色已晚官

兵紮住石井沖次日臣等復率兵進剿賊人向

枯樹溝屏風寨一帶奔往穀城廟灘該處亦屬

聖祖聖訓卷十八 三

臨江市鎮一面飭長春率兵移駐一面飭步隊

兵丁自石井沖沿江進發臣等帶領馬隊兵丁

跟蹤追殺沿途殺斃多賊追至茅坪村前隊賊

人正在炊食官兵從林內抄出截殺攻其不備

賊人潰亂奔逃官兵分投擊殺斃賊四百餘人

生擒袁萬相等二十七名搜出被擄男婦一百

七十二名口訊係通裔入夥均發交地方官管

押保釋至袁萬相等犯逐加研訊據供均係從

教多時隨同焚掠袁萬相劉登發二犯係偽封

副帥首先臨陣指揮尤為可惡即分別斬梟

割查此股賊匪總思搶越襄江前入豫境現屯

穀城之南新店子等處臣等因沿江一帶最關

至要恐其乘虛竄渡必須自北攔截現在所帶

官兵已抵花石嶺地方並恐該匪竟奔均州竹

聖祖聖訓卷十八 三

山竹谿一帶希圖闖入陝境前已咨明秦承恩

截留官兵在陝省邊界防堵臣等日內連得勝

仗士氣倍增即當水勝截擊務使逼向一處並

力圍剿以期先擒首逆早慰

聖心奏人

上命軍機大臣傳諭明亮德楞泰曰明亮等奏迎擊

北竄賊匪情形所辦深為可嘉昨據景安奏穀城

一帶竄聚賊匪經明亮德楞泰帶兵追剿殲賊甚多而未據明亮等奏報正切懸盼今據奏到兩次殺賊共有千餘官兵大得勝仗賊匪竄至穀城南新店子等處屯聚明亮等自北攔截扼要防禦並於沿江一帶派兵防堵賊匪不能偷渡北岸竄入豫境調度俱合機宜明亮德楞泰俱著加恩賞用紫韁以示優獎仍各賞給洋鑲盒松石鼻烟壺大小荷包與肇惠倫阿哈保達音泰長春著各賞瑪瑙鼻烟壺大小荷包以示獎勵其探聽賊信之守備馬應國踴探迅速官兵得以預行截剿著以應陞之缺陞用至賊匪竄至穀城之南新店子後是否卽在該處屯聚抑又向何方奔竄著明亮等將賊匪竄聚確蹤及如何攔截兜剿之處卽行馳奏

二十四日庚申河道總督李奉翰奏言竊臣前奉

製三省匪黨編卷六

五

諭旨令駐劄南陽豫楚交界地方防堵茲於八月十

六日接景安札知賊匪現在穀城金牛寺一帶

查穀城與北岸光化僅隔一江是以臣取道鄧

州馳抵楚境光化縣沿江之老河口該處爲沿

江要鎮居民商賈見有官兵駐守更爲寧貼其

光化迤西之草皮灘小江口等處切近均州景

安派有遊擊揆明臣添委遊擊周龍章帶兵會

製三省匪黨編卷六

五

同防守光化迤東之滑口灘仙人渡等處派有

都司蘇大雄等帶兵防禦各該處亦極安靜所

有直隸兵一千名昨因景安需兵會剿已將頭

二起兵五百名調赴襄陽其餘五百名並臣標

兵丁分派沿江要隘之處惟江岸綿長以一千

餘名兵丁沿江分派未免稍單當飭令南陽府

鄧州上緊挑選熟練鄉勇派令原領鄉勇之生

監等帶赴江岸隨同官兵協力巡防臣會晤張

文奇復將擇要設卡各事宜面商布置務期聲

勢聯絡防禦周密不敢稍有疎懈其南岸船隻

早經景安提禁北岸甚為嚴密奏入報

聞

二十六日壬戌惠齡恒瑞慶成奏言臣等前在洛

陽壩等處擊殺多賊奪獲卡寨賊匪四散奔逃

《聖朝聖訓編卷四八

天

復行陸續合夥竄赴太平縣屬地方並准宜綿

札令柯藩帶兵先赴太平縣防護臣等亦即帶

兵星夜前進與柯藩同日馳抵太平賊復折由

青花溪一帶北竄查該處既可闖入方山坪又

可竄入陝省邊界其方山坪一帶現有百祥朱

射斗等在彼圍剿近聞宜綿又復帶兵前往諒

不遽致合併惟川陝邊界紛歧且李全係逆首

中極為狡猾之賊此番屢被截剿仍復折轉狂

奔揆其奸計似欲乘隙由川陝邊境東竄入楚

與明亮德楞泰剿辦之賊合夥臣等一面札知

署延綏鎮總兵田有成與漢道文需派撥兵勇

在九元關要隘堵截一面差弁探得太平東北

亭子廟一路山路雖甚險仄尚屬捷近隨即督

兵前進迎頭截擊本月初四日午刻前隊行至

《聖朝聖訓編卷四八

天

距亭子廟四五十里之官壩塘地方據探馬報

稱馬步賊人約有數千分股前來離官壩塘街

市數里適官兵陸續趕來即分投布置臣惠齡

帶領副將穆維等在官壩塘街旁山坳埋伏臣

恒瑞同富成督率巴圖魯侍衛等帶兵赴右邊

大林內埋伏臣慶成同六十七督率巴圖魯侍

衛等帶馬兵赴左邊大林內埋伏逆匪毫無知

覺騎賊在前步賊緊隨分三股吶喊搖旗直撲官壩塘街市俟其將近臣慶成六十七先自左邊帶領馬隊衝出臣恒瑞富成亦自右邊抄出往來衝殺將賊隊截為數段其中騎馬執旗賊目十餘人催逼賊眾抵禦當被六十七射死一人侍衛江鼎守備安慶各射死騎馬賊目一人直隸把總陳明馬鎗擊死賊目一人殺斃賊匪甚多騎賊拋棄馬騾爬山逃竄步賊力不能支亦紛紛逃上大山臣惠齡卽率將備催趨步兵沿山掩殺臣恒瑞慶成同富成六十七帶領官兵分路截殺追剿二十餘里敗賊仍向亭子廟一帶奔竄時已天晚雨霧迷漫暫令官兵紮住此次殺賊九百餘名拏獲活賊十一名奪獲騾馬一百餘頭器械數十件訊據活賊梁貴等俱

剿平三省邪匪方略

正編卷四八

供李全等自大寧一帶折竄欲尋入楚之賊合夥今在官壩塘猝被官兵截殺不知又由何路繞去等語隨將該犯等分別梟示查臣等一路除興肇訥音舒亮侍衛烏什哈達總兵德齡副將凝德劉廷基叅將吉林泰等原帶健銳火器兩營荊州滿營直隸山西湖北等處官兵業經宜綿等先後分派川省堵剿外臣等及富成現帶堪以打仗官兵五千餘名惟有儘此兵力取道抄截不使逆匪稍有暇隙奏入

剿平三省邪匪方略

三九

匪竄入之大山究在何處亭子廟據稱在太平縣
東北自與陝省接壤與何州縣相近均未聲敘明
白並著詳悉具奏至陝省交界地方仍著秦承恩
妥為防範惠齡等務須確探抄截勿令闖入萬不
得已仍遵令賊匪竄歸楚省以便與明亮等兩面
夾擊易於搜捕也

二十七日 癸亥

《聖朝實錄卷四十八》

三

上諭內閣曰此次教匪滋事調派直隸河南山東山
西官兵並派吉林黑龍江勁旅及察哈爾出青馬
匹前往剿捕官兵等行走安靜不累閭閻又幸值
連歲收成豐稔民間蓋藏充足辦理裕如實沐

天恩嘉祐是以民不知兵於過往差使踴躍從事而地
方文武員弁沿途照料亦屬妥協自應量加甄敘
直隸河南於調派本省官兵外復護送吉林黑龍

江官兵及察哈爾馬匹差務較繁梁肯堂景安均
著交部從優議敘其沿途承辦各員著查明咨部
一體分別優敘其山東山西雖止調撥本省官兵
但辦理亦甚妥速伊江阿蔣兆奎著交部議敘所
有沿途承辦各員亦著查明咨部議敘以示微勞
必錄至意

二十八日 甲子 額勒登保福寧奏言查林之華覃

《聖朝實錄卷四十八》

三

加耀等當此萬分窮蹙之時尙復恃險抗拒計
其山上所有之新包穀以及青荳各項亦將罄
盡山嶺已成赤土斷不能久支時日惟此一帶
山勢俱係巖壁卽懷抱窩坡坎之路亦屬陡削
偏仄不能容立多人是以節次令官兵乘間放
鎗作進擊之勢誘其下坡另設埋伏以便痛剿
及數日之內賊仍匿而不出若再抽調官兵何

攻賊匪據險堆放木石轉受其累且恐各卡抽
撤官兵過多或致賊匪窺伺衝突他逸未免欲
速反遲_臣等因於十四日密挑善能上山弁兵
鄉勇等五六十人令其各帶刀斧火彈繩梯令
於夜間不拘時候攀援而上是日三鼓後所派
兵勇陸續潛上懷抱高山嶺突入賊卡亂行砍
殺並即放火燒燬_臣等聞喊聲不絕兵勇於放
火後即覓道下山官兵放鎗接應賊亦不敢遠
下兵勇等共砍殺二三十人十五日又分派兵
勇一百餘人令其半夜另覓路徑抄出賊卡將
五鼓時火焰騰起割回首級三顆並稱砍死之
賊亦多早間察看燒燬賊卡三處嗣據總兵富
森布巴圖魯侍衛富蘭報稱十六日三鼓後有
賊匪於月明之下從大台山對面偷下長灘河

欽定剿平三省邪匪方略

正編卷四八

約二百餘人賊匪祇知大台山有官兵營卡不
知長灘河山隙設有兩處伏兵我兵乘其過河
時兩路出擊鎗箭齊發賊匪奔逃滾河及斃於
鎗箭者甚多生擒賊目凌栢生一名賊匪向必
學等三名訊據凌栢生供稱係覃加耀名下先
鋒日來官兵圍逼甚緊夜間卡內連次被殺動
輒驚慌林之華於十六早間在覃加耀營內商
議恐賊衆內有暗通官兵之人看來固守不住
計筭尙有好矛子手三千餘人祇可捨命衝出
另尋生路覃加耀說恐不能走脫商量令我等
帶領二百餘人從山溝陡坡牽曳而下繞上大
合山若衝得官兵營卡即吹角號召衆人逃竄
若一時不能衝出即分躲包穀地內覓路止山
等語向必學等供亦相同當俱凌遲處死_臣等

欽定剿平三省邪匪方略

正編卷四八

此時嚴飭將領等先以防堵為要將領無不人
人警懼守禦甚密並飭令各路於營卡之外抽
兵埋伏並另飭備攻剿之兵置有蜈蚣梯繩梯
撓鈎等器具賊匪如欲逃遁亦必引其醜類如
號召攢集我兵亦可知其蹤跡總之見可擊之
處卽行乘虛進剿擒獲首逆

同日景安奏言現據探報賊匪距襄已三四百

聖朝聖訓卷之六

語

聖朝聖訓卷之六

里此時襄陽宜城南漳等處俱已肅清惟緣路
徑紛歧臣恐賊匪逃至明亮等後路或致被其
牽掣當令愛星阿王文雄各帶兵千名擇要分
投截堵屢獲竄匪俱有意欲偷渡漢江竄入豫
境之供沿江一帶早經派令文武員弁分帶兵
勇於北岸逐段設卡防守並往來江面提禁船
隻梭織巡查查山東兵現到千名其餘自可接

踵而至賽冲阿帶領頭起吉林官兵二百五十
餘名於一二日內可抵襄陽其後起吉林兵及
山西兵約計月內亦可趕到惟索倫官兵路途
較遠計程須九月初旬始能到襄至

恩賞出青馬八千匹亦須九月初間方能陸續前來

臣查賊匪分股竄擾官兵被其牽掣分則勢單

聚則顧此遺彼現在明亮等大兵跟蹤追剿此

聖朝聖訓卷之六

語

聖朝聖訓卷之六

時臣若不待兵齊遽行前往倘賊匪抄道竄回
官兵全落賊後是以擬俟吉林官兵並馬匹到
齊佈置妥協彼時相度機宜如賊匪竟復竄回
臣卽先帶吉林並山東山西河南官兵馳往迎
剿如賊已向西去遠仍俟索倫官兵到齊整隊
取路前進會同明亮德楞泰併力圍剿均奏入
上命軍機大臣傳諭明亮額勒登保德穆泰福寧景

安日連日盼望額勒登保等擒獲捷報至為殷切
乃本日奏到之摺祇係派撥兵勇在懷抱窩山嶺
焚燒賊卡三處及長灘河地方截殺偷渡賊匪情
形又未拏獲賊首一人可謂無能深為伊等羞之
額勒登保等在懷抱窩攻剿賊匪已閱多日屢稱
賊匪糧食已盡若果如所言賊匪自無從得食何
以支持至今且一經進剿仍能率眾抵禦豈有枵
腹多日尙能抗拒之理可見所奏殊不可信此次
派撥兵勇於夜間潛上山嶺突入賊卡焚殺未始
非攻其無備乘夜劫營之一計但既用此策自當
多派兵勇出其不意乘夜進剿或竟將賊首拏獲亦
未可定乃僅派數十人豈能得力耶前據奏稱預
行伏兵故留一面誘賊下山截擊原為制勝之道
乃賊匪仍前固守不肯下山墮我伏中自係額勒

欽定剿平三省邪匪方略

正編卷四八

登保等不能佈置嚴密被賊從高窺見以致計無
所施況此次長灘河地方賊匪曾經衝出額勒登
保等設有伏兵仍未能痛加剿殺所辦何事據獲
犯供稱賊匪尙有好矛子手三千餘人額勒登保
等所帶官兵不下七八千人兵力較賊兩倍有餘
似此曠口持久束手無策朕實為額勒登保等慚
愧伊等亦自知愧奮否乎至景安奏俟吉林官兵
馬匹到齊相度機宜如賊匪竟復窺回卽先帶吉
林並山東等省官兵馳往截剿等語所見殊屬錯
誤前降諭旨以各路新調之兵務須全數齊集併
方向一路圍剿原以得用好兵不可零星各處分
撥今明亮等於均州一帶截剿賊匪最關緊要現
在調派官兵接踵而至卽當令其陸續赴明亮等
軍營剿賊正所謂併向一路若如景安所奏俟各

欽定剿平三省邪匪方略

正編卷四八

兵齊到再行帶領前進豈不失之遲緩著接奉諭旨後卽儘吉林黑龍江先到兵速往均州一帶專交明亮等以資剿賊之用景安止須在襄陽照料防堵如該處有需兵力不妨於直隸山東山西各兵內酌量留用至吉林黑龍江勁兵原爲剿賊派往並非以之防堵試思漢江綿長千餘里若以三千勁兵零星分派防禦仍屬不敷況景安旣駐襄

▲聖朝聖編卷六

天

陽而漢江北岸光化一帶現有李奉翰督同張文奇在彼巡防諒賊匪亦不敢復行北竄設經明亮等剿敗又思回窺則吉林黑龍江兵自北而南正資截擊何必在襄陽株守多時景安辦理拘泥著傳旨申飭再馬匹一項係預備吉林黑龍江兵馳驟之用若官兵分起進發而馬匹不緊隨前往非惟不得其用且解送馬匹並無多兵護送萬一賊

人詭計探知馬匹在後或抄回搶掠豈不藉寇兵而資盜糧關係甚重此事專交景安安協經理除吉林先到之兵豫省備有馬匹外其後起續到之吉林黑龍江官兵陸續進發朕意如每起官兵二百名可給馬四百匹俾途間替換乘騎馬力旣不致疲乏而馬匹得官兵照料可免疎虞豈不一舉兩得著景安遵照妥辦如馬匹尙未全抵襄陽不妨於南陽一帶卽酌量分撥護送并一面設法迎催一面給發官兵前進務令官兵得馬匹之用而途間又足資照料防護方爲妥善倘馬匹有被賊搶掠之事惟景安是問明亮德楞泰一路士馬飽騰聲威百倍務須倍加奮勉兇擒截擊將首逆齊王氏姚之富王三槐等按名擊獲掃除餘孽迅勉

▲聖朝聖編卷六

天

成功

欽定剿平三省邪匪方略正編卷四十九 丁巳年

九月初一日 丁卯 宜綿奏言查方山坪賊巢遼闊

週圍百有餘里四面峭壁懸巖百祥等所帶官

兵四千餘名係在賊巢東南兩面扼據達州東

鄉要隘其西北一帶則係巴州通江等處雖經

招募鄉勇分卡防堵第路逕紛歧堵截既屬不

易近又因徐添德王三槐敗竄餘匪由太平折

剿平三省邪匪方略

回擾至通江聲言欲與方山坪合夥是以方山

坪賊匪復分股潛赴巴州通江之毡帽山鷹背

嘴竹筒口等處焚掠計圖接應急須添兵駐守

相機夾攻但現有兵力實不敷圍剿據道員石

作瑞等添募鄉勇有一萬餘人俱願隨同剿賊

臣查賊巢東南兩面尚有萬斛坪陳子山等處

亦係通達州東鄉要路其西北一帶之觀子寨

王家寨等處係通巴州通江要隘遂將此項鄉

勇委令知府朱爾漢候補知州劉清等分路帶

往堵剿並飭富商賽楊秀將所帶官兵三千名

一併前往以期迅速攻洗其竄聚白巖山賊匪

經舒亮穆克登阿等環攻賊勢窮蹙現又陸續

投出四百餘人 臣一面飛飭該處糧員通判英

貴妥為安插並令道員李憲宜參將烏爾卿額

剿平三省邪匪方略

等馳往籌辦一面知會舒亮等嚴密準備如果

白巖山賊匪尅期蕩事 臣卽就近親赴方山坪

督戰以期次第廓清再 臣接據明興及總理夔

州糧餉道員承勳稟報楚省剿散餘匪現竄回

巫山縣屬張家嘴玉樹坪等處又奉節縣南岸

金子壩地方亦有賊匪數百人肆行焚掠擾至

李子坳該處係利川萬縣雲陽奉節四縣交界

現在督率該地方文武帶領兵勇分投馳往堵

剿臣復飛飭留防夔州之總兵德齡卽帶原領

官兵六百名馳往剿辦並將臨江市防兵三百

名撤赴夔州協剿奏入

上命軍機大臣傳諭宜綿曰宜綿奏籌剿情形祇係

空言看來宜綿之意竟欲待明亮等剿辦楚匪事

竣帶領大兵到彼協助可謂無能宜綿著傳旨申

三 剿平石槽溝匪案

飭現在方山坪賊匪復分股潛赴巴州通江之毡

帽山等處又添募鄉勇一萬餘人隨同剿辦而宜

綿前調肅州官兵及四川新兵四千各俱可陸續

到營宜綿等自當督率將弁將自太平折回通江

欲與方山坪合夥之賊設法截剿其方山坪賊匪

久經百祥朱射斗帶兵圍住何以又任分股潛赴

巴州等處可見前次攻圍並未嚴密惟當知愧知

奮上緊剿辦

初三日臣秦承恩奏言楚境竄匪探知官兵已

到竹山卽由鐵爐壩竄入白河縣之石槽溝欲

向縣城奔竄適房縣竹山續來之賊又有三千

餘人亦歸併石槽溝屯聚窺伺經溫承惠帶領

鄉勇由東路繞赴白河近城一帶以防賊人竄

入豐伸布帶滿兵鄉勇各一千名由竹山趕往

四 剿平石槽溝匪案

追剿因石槽溝迤北有關廟河山梁可以繞至

漢江南岸八月十四日豐伸布帶領兵勇冒雨

前進意欲搶上山梁迎頭攔截行至半坡轉過

山嘴適賊匪亦搶路上山正與相遇豐伸布恐

兵勇退後賊必從上壓下親自騎馬當先帶同

協領伊克精額興福等率領官兵鄉勇施放鎗

箭奮力齊登賊分兩路來撲我兵亦分投迎擊

自已至未殺斃賊匪一千餘人賊匪拚命直前
愈積愈多短兵相接適聞山頂鎗礮之聲溫承
惠在途次得信已同各委員帶領鄉勇三千餘
名由後路趕上山梁接應賊匪畏懼奔逃我兵
追趕數里復斃多人因天晚兩大即將兵勇紮
住山頂豐伸布伊克精額與福防禦善福均身
受鎗矛重傷旋即身故兵勇均有傷亡賊匪因

剿平三省邪匪方略

五

東路已被堵截隨向西鼠赴朱家河該處路近
洵陽可通興安亦可由沿江小路繞至白河臣
先已派撥兵勇在洵陽之七里關白河之冷水
河等處扼險攔截並親身督率鄉勇在安康接
壤各要隘防堵再行相機進剿復據溫承惠稟
稱探得賊匪由朱家河移屯蔓營地方十七日
夜雨止微有月色該道將所帶兵勇分爲兩路

令葭州知州宋昌瑋縣丞謝國楨帶同於蔓營
小坡埋伏該道督同定邊縣知縣汪玉衡等由
大路直壓賊營十八日黎明賊匪正在造飯出
其不意兩路齊進鎗礮並發擊斃三十餘人賊
匪立時潰亂我兵奮勇衝殺殲斃一百八十餘
人生擒賊匪十一名婦女十六名賊匪俱向倉
上一帶奔竄訊據賊供該匪因東路已有准備

剿平三省邪匪方略

六

欲從朱家河西竄洵陽鎮安等語現在探明賊
蹤再行進剿等情臣以該道兵力尙單已飛飭
叅將富靈保等帶領兵勇就近取道馳赴溫承
惠一路會合兜剿再查洵陽白河濱臨漢江所
有船隻已分派妥幹員弁盡數收歸北岸並令
多帶丁役晝夜梭織巡查其支河港汊小船及
停泊江岸空船概行鑿沉俟事竣查明補給修

買一面札飭湖北鄖西鄖陽地方官一體防堵

惟洵陽東北之鎮安山陽商州商南等處並無

一兵適宜綿所調肅州兵一千名行抵西安臣

已札飭倭什布傳知領兵官由南山小路趕赴

洵陽捍衛東北一帶至興安府城及平利地方

臣惟多募鄉勇朝夕訓練分布防守至川省賊

匪竄入西鄉白陽關一帶亦經飛調迤東各卡

聖祖聖孫編覽

七

兵勇前往堵禦並聞惠齡等於八月初一日已

抵太平今逾半月自可趕上賊匪痛加剿殺矣

同日明亮德楞泰奏言查賊匪前在茨河經官

兵趕剿至花石嶺賊自穀城由花石街等處向

均州竄逸臣等思均州濱臨漢江設賊匪繞赴

仍可竄渡北岸遂飛飭前次派守穀城之副將

劉廷基等帶兵一千五百名星夜由江岸就近

馳赴均州臣等由花石嶺繞道進發馳至管驛

地方賊人懼官兵少截紮住山頭施放鎗礮併

力抗拒并於山後臣內多設埋伏臣明亮興肇

率領巴圖魯侍衛阿那保副將札勒杭阿等搶

上迤北一帶山梁臣德楞泰同木騰額率領巴

圖魯侍衛溫春副將德寧等搶上迤南一帶山

梁合達音泰侍衛鄂爾綏等率領屯土官兵在

聖祖聖孫編覽

八

山腰林內設伏長春率領步隊兵丁自上下攻

誘賊下山以便上下夾擊復令惠倫阿哈保等

帶馬隊兵丁俟山腰臣達音泰一路伏兵起時即

直前衝殺以期分開賊勢使之應接不暇臣等

率兵紮住南北山梁鎗礮並發賊人正在抵拒

長春率步兵自上下撲擊自上施放連環飛礮

石塊長春伴率兵丁稍退該匪吶喊搖旗壓下

臣等兩路並進兗州賊人之後併力壓剿長春率兵轉身迎擊將近山腰達音泰又突率伏兵從林內出剿惠倫阿哈保亦率馬隊衝出分投攪殺自未至申斃賊四五百名生擒五十七名賊匪欲奪路奔逃俱被官兵截住詎山後伏賊抄出應援賊人乘間奔突越坎踰溝亡命四竄官兵分投追擊二十餘里殺賊無數天晚雨作官兵在窰子鋪駐劄次日天雨未止探知賊人分一股進擾均州一股在丁家營一帶屯聚_臣等竊計天雨路濘正可攻其不備且將此股賊衆剿除並可斷進擾州治賊人後路當卽鼓勵兵丁冒雨前進將至丁家營賊人望見不敢接仗卽行竄走官兵奮勇趕上追殺四五十名生擒十二名緣雨勢較大鎗礮不能應手賊人由

聖祖高皇帝

九

草店子奔向孫家灣其進擾均州之賊經劉廷基等率兵迎擊不能搶渡仍行敗回亦抄向孫家灣一路屯聚_臣等恐其向西南竹山竹谿一帶逃竄一面仍派劉廷基等帶領官兵在漢江北岸探聽賊蹤相地堵截_臣等惟有奮力兜擊將賊匪逼向山內悉數剿除至各路要隘_臣等隨時酌分兵丁防堵其不關緊要處所隨即撤調來營進剿並不敢零星派撥致分兵力再撤拉爾回兵打仗殺賊甚屬出力惟該回民未經內地暑熱染患痢疫病故者甚多其頭人四品土司韓光祖於閏六月初間亦患痢疾力疾從征毫不退却二十八日行至巴東地方因病身故該土司以邊徼夷民急公効命茲因水土不服病歿行間可否量加優卹之處出自

聖祖高皇帝

十

皇上天恩

同日觀成劉君輔奏言老木園賊匪臣等自箚

林口進攻奪據後山要卡正在急圖掃蕩乃自

八月初四日至十二日秋雨連綿泥深路滑

至十三日天色稍霽正在佈置進剿詎賊匪於

十四日丑刻率眾分三路下山每路約二三百

人於深溪口冉家溝野竹溪等處分路直撲官

《聖著聖覽編卷完

十一

兵營卡臣等派遊擊楊洪新佐領順德等帶領

兵勇分投夾剿其衝撲深溪口一路之賊經都

司馬培元等率領兵勇奮力撲殺當將前隊賊

匪四十餘人盡行殲斃後隊之賊卽行折回其

衝撲冉家溝野竹溪兩股之賊經守備劉順等

督率守卡兵勇扣定連環以待兩路賊匪呼哨

而至我兵互相接應鎗箭並發擊死賊匪五十

餘人兵勇三路追上山坡詎有賊匪從樹林內

突出捨死格鬪我兵人人奮勇又擊斃賊匪一

百餘人餘匪奔上山頂臣等催令兵勇乘勢追

撲賊匪堆放插石把總郭常泰外委楊成元均

受石傷兵勇亦有傷亡當卽撤退仍令各卡兵

勇加緊嚴密守禦次日巳刻賊匪復率醜類五

六百人直撲陰晴山附近之義首文生饒明楚

《聖著聖覽編卷完

十二

卡座當經徐昭德就近帶領守備楊廷弼並千

把兵勇等馳往援應分投截剿相持一時之久

斃賊三十餘人兵勇儘力趕殺賊匪仍卽退回

再查黑樓門新起之賊攻撲寶塔營盤屯聚沙

坪大壩經臣劉君輔帶兵截殺復經惠齡等迎

頭夾擊餘匪已遠竄雲開太平一帶近聞惠齡

等業已帶兵圍住並未竄入竹山竹谿現在大

寧境內民情漸已寧帖至馬瑀於七月十二日

馳赴巴東臣等續奉不必再派馬瑀前往

諭旨遵卽飭令帶兵轉回於青莊坪寶塔往來堵禦

臣又查齊王氏姚之富股匪已竄赴當陽一帶

明亮等早已帶兵順流而下抄截賊前八月十

二日據巫山縣稟報忽有從巴東折回賊匪四

五百人竄入巫山所屬之玉樹坪地方焚掠經

《聖朝聖訓編卷九

十三

都司徐朝綱帶領兵勇千名追剿該匪等復竄

至羊耳山經宜綿派令總兵德齡帶兵六百各

前往剿辦臣等查羊耳山與大寧接界該匪被

剿情急勢必圖與老木園賊匪合夥臣等所帶

官兵除分佈各卡隘圍堵及節次傷亡外現在

兵力難於抽撥臣等當卽札知馬瑀就近探聽

賊蹤酌帶官兵馳往奉節大寧交界相機堵剿

臣等惟有速將老木園首夥賊匪趕緊剿淨卽

令馬瑀馳赴明亮等軍營協剿

同日景安奏言據各屬稟報吉林各起官兵經

帶兵大員嚴加管束在途甚屬安靜茲賽冲阿

帶領吉林頭起官兵二百五十餘名於二十二

日到襄後起官兵約計月底月初亦可陸續抵

襄至蒙

《聖朝聖訓編卷九

十四

恩賞察哈爾馬八千匹計九月中旬方可抵襄前奉

諭旨令將此項馬匹撥發楚省五千匹其餘三千匹

留於豫省備用並臨時酌量多寡分撥應用臣現

在核計以五千匹分給吉林索倫官兵尙不敷

用擬於留豫之二千匹內再撥一千五百匹添

補放給所餘馬匹飭交楚省地方官隨營押帶

妥爲喂養以資吉林索倫兵及明亮德楞泰與

臣等軍營抽換之用其餘一千五百匹於南陽
喂養備用均奏入

上命軍機大臣傳諭宜綿明亮德楞泰恒瑞景安秦
承恩曰秦承恩奏賊匪由竹山竹谿竄至白河交
界地方豐伸布等因兵力單弱致被賊眾圍攻受
傷陣亡殊為可惜豐伸布伊克精額與福善福俱
著咨部照陣亡例加一等議卹豐伸布如有子嗣

聖朝聖編卷完

五

俟百日後帶領引見現在陝省兵力無多雖有鄉
勇一二萬人總須大員帶領官兵在前衝擊方能
得力昨據宜綿奏惠齡等追剿竄匪已近陝境該
處帶兵大員有惠齡恒瑞慶成等多人莫若令恒
瑞酌帶兵二三千就近馳赴白河洵陽一帶秦承
恩現住興安亦當帶領本地兵勇星赴該處與恒
瑞併力迎擊一面扼其北竄漢江之路一面防護

白河洵陽縣治倘兵力不敷於川省新調甘肅兵
丁過陝時再留一二千名應用亦無不可其陣亡
協領各缺卽著恒瑞於軍營打仗出力各員內揀

員奏補亦可以示鼓勵此次竄入洵陽白河之賊
卽係明亮德楞泰所追之賊不能預為調度救其
西竄之路仍屬尾追落後伊二人在彼所辦何事
現在前股竄匪已至白河洵陽而後股竄匪仍在

聖朝聖編卷完

六

均州明亮德楞泰二人內應酌分一人速帶新到
勁兵迅赴陝境幫同恒瑞秦承恩分投堵剿至豐
伸布等冒雨搶上關廟河山梁率領兵勇迎擊而
温承惠所帶鄉勇五千由後路趕上山梁接應賊
匪畏懼奔逃迨豐伸布等均受傷身故温承惠復
於雨夜出賊不意兩路齊進殲斃多賊尙為出力
可嘉温承惠著賞給按察使銜並賞戴花翎以示

鼓勵其陣亡兵勇等俱著秦承恩查明咨部恩卹
但豐伸布等在山梁剿賊時溫承惠聞信帶勇到
彼與豐伸布等自必同在一處若豐伸布等被賊
圍住溫承惠不卽帶勇衝殺救援以致豐伸布等
受傷身故則是溫承惠不惟不當加賞並應治以
觀望不救之罪如豐伸布等先被賊圍已受重傷
而溫承惠帶勇到彼奮力解圍擊退賊匪自當加

《聖祖聖訓彙編卷九

七

之獎勵其功罪不可稍有混淆著恒瑞會同秦承
恩秉公確查據實具奏至川省賊匪竄入西鄉白
陽關一帶惠齡等於八月初一日已抵太平將及
兩旬此時何尙不能趕上賊匪以致竄入西鄉著
交宜綿查明奏並將惠齡恒瑞慶成傳旨嚴行
申飭又據景安奏官兵馬匹行走情形前已屢經
降旨將先到之吉林黑龍江兵撥赴明亮軍營其

察哈爾馬匹亦令隨兵赴楚以資騎用此時賊匪
距襄陽已遠景安在彼並無緊要之事一俟前項
各兵到齊著景安與愛星阿帶往以爲明亮等聲
援其襄陽郡城著王文雄在彼駐劄足資彈壓至
觀成等此次所奏空言無益著傳旨申飭其追撲
賊匪致被石傷之把總郭常泰外委楊成元及傷
亡兵勇者查明咨部賞卹

《聖祖聖訓彙編卷九

六

上諭內閣曰撒拉爾回子土司韓光祖隨營剿賊奮
勇出力因水土不服病歿行間深爲憫惜著加恩
照傷亡例從優議卹其隨征病故回兵並著查明
人數加倍給賞以示矜卹

初六日 壬 宜綿奏言前據百祥朱射斗稟稱方

山坪賊巢四面峭壁必須厚集兵力先將蓋頂
坪多福山兩處山梁奪據庶可進攻隨添派兵

勇萬餘分布堵剿臣卽帶領總兵索費英阿藩

司楊揆等馳赴該處週歷各營卡察看蓋頂坪

多福山兩處固係進兵要路而毡帽山一處地

勢最高若據該處山梁迤邐而下更易得手臣

密派知州劉清帶領鄉勇協同百祥攻打多福

山知州常發祥帶領鄉勇協同朱射斗攻打蓋

頂坪另派原任總兵楊秀副將雷仁等挑選精

製看聖皇編卷五

九

銳兵勇由王家寨直取毡帽山總兵富爾賽督

率遊擊花良阿等帶領鄉勇從土地堡撲剿深

溪子索費英阿督率遊擊張應魁等帶領兵勇

從張家廟撲剿鮓魚洞道員石作瑞督率知府

李杭等帶領鄉勇從池溪寺撲剿羊子洞知府

朱爾漢督率知縣席世綱等帶領鄉勇從關廟

子撲剿馬渡關俱令同時並進使賊匪首尾不

能兼顧臣督率員弁帶領兵勇駐紮木梯巖以

爲各路策應十九日百祥率領叅將增順等劉

清率領把總羅君彩等進攻多福山賊匪率衆

出敵勢頗兇猛外委王寶義首王仕貴首先衝

擊俟中鎗傷陣亡我兵不避鎗石併力直上將

多福山賊卡奪據維時朱射斗率領叅將王清

弼等知州常發祥率領州判苑體會等攻擊蓋

製看聖皇編卷五

十

頂坪賊卡正在相持喫緊之際賊匪遙見多福

山已被官兵佔據漸形慌亂朱射斗常發祥等

鼓勵兵勇一擁而上並將蓋頂坪奪據是日楊

秀等率兵勇攻打毡帽山賊卡匪衆以該處爲

方山坪賊巢要隘防禦甚嚴把總王仕賢外委

楊俊秀俱奮勇殺賊陣亡至二十日卯刻楊秀

等仍由正路進攻密派知縣呂朝恩教諭高汝

各等帶領鄉勇另覓小路繞赴賊寨後面攀援而登直至山頂由上壓下兩路攻擊賊匪潰敗被我兵殲戮殆盡亦即佔據毡帽山其深溪子鮮魚洞羊子洞馬渡關等處賊卡均經富爾賽等於十九二十等日奮勇攻克各路殲戮賊匪自五六百八至八九百人不等奪獲賊卡十三座刀矛器械一千數百件糧食牛馬甚多餘匪奔上方山坪二十一日黎明各路兵勇一齊進攻賊匪恃其險要抵死抗拒我兵連撲數次俱因滾木插石打下不能徑上自卯至未愈攻愈力楊秀率領兵勇由毡帽山直據方山坪後山拋擲火彈燒燬鷲平寺賊巢匪衆惶怯各路兵勇一擁直上分投殺入賊匪紛紛敗逃我兵悉力砍殺殲戮五十餘人滾巖落澗查不可勝計

《剿平三省邪匪方略》

三

割獻首級二百五十一顆生擒三十四名奪獲礮位鳥鎗刀矛二百數十件餘匪俱向巴州所屬之邱家堡沙溪坳等處奔潰我兵陣亡把總胡鳳韜張祿外委李涵義首吏目職銜何擴茂其連日傷亡兵勇容俟查明另行咨部查方山坪西北一帶均係崇山僻徑徐添德王三槐等尚在通江巴州境內屯紮羅其清冉文儔等此

《剿平三省邪匪方略》

三

次捨命奔逃潛向通巴一路或冀與徐添德等合夥自應乘其喘息未定之時設法追剿臣現在一面酌派將弁帶兵趕往通巴一帶督同各隘口鄉勇竭力堵禦防其西竄一面分派百祥朱射斗富爾賽等星夜嚴追並恐賊情狡獪多分股數牽制大兵又廣飭各義首等裹帶口糧分投搜捕令其各自為戰總期早擒首逆綏靖

地方所有此次剿賊奮勇之文武員弁及節次各路打仗出力者謹一併開單恭呈

御覽

宜綿又奏言臣接秦承恩知會湖北竹谿竄匪

擾近白河洵陽邊境臣查興安各屬留防兵力

無多所有前次檄調甘省督標提標及肅州鎮

標官兵二千名曾經知會秦承恩如果陝省邊

聖朝聖訓編卷完

三

界有須兵力之處即行酌量截留茲據報稱前

項官兵已行抵興漢一帶正可藉資堵剿惟帶

兵打仗必須大員統率臣思柯藩係固原提督

陝甘兩省官兵即係該提督所轄臣已飛咨該

提督即帶原領固原兵五百名由太平就近趕

赴興安會同籌剿其太平縣地方遼瀾防兵亦

屬不敷已飭原任總兵楊秀率領山西兵五百

名星速馳赴協同碩雲保防堵再前據明興及

道員承勲報稱竄至巫山賊匪經都司徐朝綱

等奮力堵剿賊復繞赴板堰麻子鋪一帶焚掠

委員經歷徐大椿吏目鄧昂率領鄉勇由石馬

河一路迎擊行至鐵瓦寺山梁正遇賊匪該員

等鼓勵鄉勇剿殺賊匪二十餘人嗣因賊眾漫

山掩壓將我兵截作兩處互相圍裹賊匪擲石

聖朝聖訓編卷完

三

亂投徐大椿鄧昂俱受石傷鄉勇亦有損傷又

據總兵德齡稟報八月十六日黎明帶兵進攻

前隊遊擊趙大用行至羊耳山猝遇賊匪我兵

施放鎗礮擊斃賊匪數十名因眾寡不敵趙大

用奮勇殺賊陣亡適續調河州官兵五百名到

營即飭令二等侍衛伊里布管帶並飭荊州協

領喜格將留防開縣滿兵五百名一併星速趕

往幫同德齡設法剿洗

同日額勒登保福寧奏言賊匪林之華覃加耀

等被官兵圍逼在帽子山城口子日來屢經衝

突營卡均爲我兵鎗石擊退二十一日見賊匪

往來山嶺情甚慌遽必係妄思逃竄_臣等二面

傳知各路鎮將嚴堵並飭令_臣等督兵上

山亦卽相機進擊且因懷抱高一路昨經兵勇

聖
三
看
聖
編
卷
九

五

等兩次潛上擊殺賊人已形畏懼隨於附近營

卡抽調兵七八百名卽乘是夜四鼓微雨之時

督同豐紳薩克坦布等分作兩股攻搶懷抱窩

山梁賊匪知覺始猶滾放木石官兵不避艱險

奮力直上天甫黎明已搶上山頂橫衝直擊遂

將賊卡焚燒殺賊一百餘人生擒二十餘人我

兵正在分路上擊注意首逆乃賊匪在各山梁

吹角叫喊攢集而來與官兵迎拒勢甚猖獗_臣

等已帶兵佔住山包鎗箭齊發賊匪抵敵不住

隨卽潰散滾山而下_臣等一面分兵追擊下山

之賊一面卽上攻帽子山賊匪於山頂擲石并

聚衆趕下抗拒我兵分路夾擊賊又滾山四竄

_臣等見賊已奔竄下山急欲追趕雨霧忽大賊

匪卽乘間分爲數股直衝蜈蚣山一碗水中溪

聖
三
看
聖
編
卷
九

五

各營卡弁兵施放鎗礮繼以石塊賊匪不能辨

認自相衝殺橫屍遍地守備李成千總朱升鑑

把總胡金柱楊成元張瑛各受傷陣亡兵丁死

傷亦多維時綸布春關騰等俱就近追殺慶溥

卽帶許文謨等趕出黃柏山四方臺一路堵截

_臣等將所帶之兵分出_臣福寧卽在帽子山城

口子搜剿並商調張廷彥帶兵從雙龍寺滋邱

一路堵截臣額勒登保恐賊匪由石版頭高嶺

頭等處竄出卽帶薩克坦布等繞道由大合山

一路撤帶富森布富蘭之兵於二十三日早間

追至燕子巖見賊匪自紙坊頭溝內正上燕子

巖官兵迎頭截剿死者甚衆賊又竄下溝中當

留官兵在燕子巖要隘堵臣額勒登保率兵

於二十四日繞至王家坪長巖屋一帶遇賊焚

製看聖編卷九

七

燒民房隨督兵奮擊左攔右截殲賊更多迨天

色昏黑暫於王家坪存駐二十五日追賊至高

嶺頭我兵正與打仗賊匪一面迎拒一面多有

下清灘晒水過河者臣額勒登保隨留富森布

率兵打仗仍折回王家坪於毛坪上游趕放船

隻連夜渡河抄截擊殺二十六日早間殺賊一

百餘人賊又分三四股奔竄臣所帶兵不過四

五百名不能窮追暫於天花坪劄營是日綸布

春慶溥關騰均已趕到沿途殺賊約計七百餘

名並拏獲活賊三十餘名訊供林之華與覃加

耀在帽子山城口子時尙有男婦六千餘人此

次被官兵剿殺不知尙剩多少聞林之華於二

十四日已過清灘河與覃加耀商量要往馬福

營山內藏躲等語臣福寧在帽子山城口各山

製看聖編卷九

天

頂山溝搜剿男婦一百餘人並將軍糧軍火催

趨接濟暫留成德在被防範二十七日亦已帶

兵趕至天花坪與臣額勒登保會合此次先後

殺賊及滾山落水者統計有二千餘名但林之

華覃加耀尙在兔脫已派副將張持等帶兵一

千名由招徠一路到巴東縣堵截關騰烏爾呼

帶帶兵一千餘名於土地嶺隘石峽一路堵截

張廷彥及叅將張順等帶領兵勇二千名從小
峯坵直趨榔坪截剿_臣等帶同綸布春及各將
領督兵自牛駝背黃楊坡等處趕殺如此分路
兜剿當可一鼓蕩事均奏入

上命軍機大臣傳諭宜綿額勒登保恒瑞秦承恩柯
藩曰宜綿奏官兵攻克方山坪賊巢之摺初閱似
已辦理得手及閱至首逆俱向通巴一路奔逸仍

《聖朝實錄編卷九

五

未就獲所奏多係空言殊不滿意方山坪賊巢官
兵圍剿多日今於首逆逃遁之後得此空寨何足
言功卽所奏奪獲卡座多處殲戮賊匪多人恐亦
粉飾鋪張以掩其圍堵不嚴之咎難以憑信且此
次打仗陣亡弁員義首多人兵勇亦有傷亡徒損
兵力尤屬不值宜綿著傳旨嚴行申飭此時賊首
既向通巴一路奔逸思與徐添德等合夥宜綿惟

當緊躡賊蹤設法圍擒勿令再與徐添德等會合
以致辦理費手單開保奏各員內楊秀曾任總兵
因獲咎革職此次尙知愧奮且代柯藩在太平一
路帶兵防守著加恩賞給叅將職銜如果始終奮
勉遇有相當之缺再請補用其餘各員著於徐添
德王三槐冉文儔羅其清等各首逆全數擒獲後
再行奏請卽德齡一路雖畧有斬獲而官兵竟有

《聖朝實錄編卷九

三

受傷陣亡者看來亦未得手現在宜綿派令侍衛
伊里布等帶領多兵趕往幫剿著卽飭該員等奮
力截擊不可再令他竄又據奏派令柯藩帶兵趕
赴興安會剿竹谿竄匪一節所辦尙是昨已有旨
令恒瑞帶兵往剿今柯藩又已前往務當會同秦
承恩上緊截剿一面扼住北竄漢江之路一面保
護白河洵陽縣治不可不倍加奮勉也所有巫山

陣亡遊擊趙大用方山坪打仗陣亡之把總王仕賢胡鳳韜張祿外委王寶楊俊秀李涵義首吏目職銜何擴茂義首王仕貴均著咨部加等優卹至屯土兵丁隨征日久此次攻剿方山坪賊匪連日打仗甚為勤苦著加恩賞給一月錢糧其餘官兵如有超眾奮勇者並著宜綿查明請旨加賞以示鼓勵至額勒登保等見賊匪在山嶺往來恐其衝

聖朝聖訓卷九

三

撲逃竄遂於四鼓督兵分路前進迨搶上山頂賊匪已早經潰散且賊匪乘霧雨之中尙敢分爲數股衝我營卡雖屢經剿散而賊勢仍尙猖獗是額勒登保等各爲攻破帽子山城口子兩處實不過因賊去後佔據空山而首逆在逃賊匪四竄轉須處處派兵堵截又致百姓遭其蹂躪實堪憤懣前因額勒登保帶兵奮勇是以格外加恩晉封侯爵

賞戴雙眼花翎乃辦理此股賊匪曠延多日仍令首逆逃竄且殺賊尤少更宜綿之不若試思此股賊匪前由滋邱黃柏山芭葉山等處屢經逃竄額勒登保等已不能解堵禦不嚴之咎今賊匪困守空山爲數不過三四人額勒登保等帶兵八九千名以一倍有餘之師攻敗竄窮蹙之賊困守多時仍令逃竄現在賊首林之華已過清灘河與覃

聖朝聖訓卷九

三

加耀在紙坊頭藏匿其餘分竄賊匪經額勒登保等分派鎮將等各路堵截賊匪無從逃逸自必仍思竄聚額勒登保等務當自知愧奮迅將賊首擒獲並將餘匪掃除尙可稍贖前愆勉之望之所有此次陣亡守備李成千總朱升鑑把總胡金柱楊成元張瑛俱著咨部加等優卹

初八日 甲 汪新奏言 臣 前因各兵來楚需糧甚

繁聞川省夔府尚多積米各商宜綿籌撥米三萬石現已運到三千石嗣經湖北撫臣姜晟於附近處所碾動倉穀接濟臣又飭赴南省採買米十萬石以備軍儲已敷支給此次被賊地方難民亦已督飭各州縣實力查辦民情俱極寧帖日內均州賊匪經明亮德楞泰帶兵剿辦已向均鄖交界地方奔竄距襄四百餘里臣抵襄以來已嚴催沿途各站將糧餉軍火源源滾運至前股分竄入房縣二竹之賊查房縣巡檢黃詔在竹山交界上龕地方督同鄉勇斃賊一百二十餘名生擒譚世倫等十名該處鄉勇亦損傷三十餘人又賊匪在竹谿之漫液溝焚掠有閩家寨生員甯符祥李嗣璉孟學詩等糾約鄉勇合力堵禦殺賊甚多鄉勇亦間有傷亡又賊

欽定剿平三省邪匪方略

正編卷四九

匪竄至施雨之黃家山焚掠該協守備陳安信卽會同該縣陳春波等各帶兵勇四面圍攻分投截剿賊驚竄狂奔其自相踐踏及被槍礮擊斃者二三百人生擒八名臣已飛飭該副將樊繼祖帶兵往剿一面移知額勒登保福寧等如帽子山果能蕙事卽將施南一帶竄匪先行掃淨以期早紓

欽定剿平三省邪匪方略

正編卷四九

聖塵

會同道府護送出磁州境交豫省派出大戶迎

護前進再察哈爾馬匹係分八起行走沿途加

意餵養昨第八起馬匹於八月二十八日已過

正定日內即可全行出境均奏入

上命軍機大臣傳諭明亮額勒登保德楞泰福寧汪

新曰汪新奏施南地方又有賊匪滋擾雖經該撫

派令副將樊繼祖帶兵前往但兵力無多額勒登

保等於辦竣帽子山竄匪後自應就近移師往剿

至明亮德楞泰追剿均州竄匪賊人已至孫家灣

地方屯聚現在吉林黑龍江官兵即日可抵襄陽

察哈爾馬匹亦可陸續到彼明亮等得此勁兵健

馬務當奮勇進攻剿淨賊匪勿稍遲緩再汪新摺

內所奏前在竹山竹谿殺賊傷亡之鄉勇等俱著

加恩從優卹賞

欽定剿平三省邪匪方略正編卷五十

丁巳年

九月十一日

丁丑

額勒登保福寧奏言

福寧因

後路官兵未到二十八日在天花坪督催前進

並於各山搜剿餘孽

臣

額勒登保即於二十八

日帶同巴圖魯侍衛官兵等自天花坪至牛駝

背黃楊坡一帶山梁剿賊當將官兵分為三隊

富森布綸布春等帶兵從八角廟截其左慶溥

帶領許文謨董寧川從沙底截其右

臣

額勒登

保督同豐紳薩克坦布等由中路直入賊匪見

官兵突至搶上山梁集眾放鎗並約有矛子手

一二千隨後與官兵迎拒經官兵分合衝殺賊

匪亡命奔竄我兵竭力追趕殲賊甚多迨至黃

楊坡山隘路徑逼仄賊匪在兩山峯據守擲石

官兵俱係步行不能遽上沿途擒獲賊匪二十

餘人是晚卽在黃楊坡分駐營卡整集兵力二十九日五鼓搶過黃楊坡於箐林中殺賊二十餘人天甫黎明遙見賊匪在鄧家河一帶山溝屯聚爨烟四起離黃楊坡約二十餘里臣額勒登保督同鎮將等趕緊下坡山路曲折直至午後於王家嶺渠源頭一帶遇賊巴圖魯侍衛等馬上用鎗箭斃賊多人訊據獲賊供稱賊匪要前至榔坪屯劄臣額勒登保恐尾追無濟遂由渠源頭之東面山梁抄出榔坪之前三十日黎明已過榔坪上至枯樹壩探得賊匪繞至榔坪卽折下匝口石山坡出朱漆壩一帶臣額勒登保覓道抄過初一日午間趕至上東陽坡賊匪正在坡下散漫行走仍令綸布春慶溥等分路趕下三十餘里至下東陽吳家巖等處奮力剿

《聖鑒事類彙編卷十

二

殺賊匪死者三百餘人擒獲二十一人並有鄉民擒獻賊匪十三人臣額勒登保一面帶兵進剿一面將獲賊嚴訊據供林之華覃加耀在路商量要到巴東縣如能得船過江卽赴宜昌卽西巫山一帶山大之處藏躲不能得船祇可隨路再尋險山屯住等語臣額勒登保於初三日早間追賊下高荒坡至朝陽觀沿山殺賊一百多人餘賊已過羊苓橋該處係一山峽兩面石巖只有羊苓石橋一座賊匪在過橋之山巔擲石放鎗抗拒時已昏暮不能搶過橋梁官兵卽於朝陽觀山梁暫住臣福寧於是日趕至沿途帶領靳文銓等於山洞箐林中搜殺賊匪六十餘人此一帶山高嶺大居民本稀賊到之處房屋間被焚燒山地內未收包穀亦有踐蹋尙不甚

《聖鑒事類彙編卷十

三

多避賊民人見官兵已到漸歸本處尙屬寧帖
其總兵張廷彥由小峰埡一路追賊亦卽會合
關騰烏爾呼諾帶兵已由榔坪三道河繞上韭
菜頭截賊此次追殺之賊不下七八百名^臣等
惟有鼓勵將領趕緊追得首逆以冀仰慰

聖厯

同日明亮德楞泰奏言查賊匪經官兵連次剿

聖旨 纂要 續錄 卷十

四

敗之後由孫家灣石堰花果園一帶向西奔竄
^臣等察看賊情若不分頭攔截徒事追擊賊匪

或北渡漢江或西竄陝境皆費周章必須將西
北兩面賊人奔竄之路堵截使賊人前無去路
勢必折回官兵由石堰花果園前進不惟可與

東北穀城均州一帶捍衛且正可迎頭截擊
一面飭副將劉廷基都司張朋帶領兵勇由鄖陽

江岸相機進發自北兜襲一面飭守備馬應國
帶領兵勇堵截^臣等率兵由石堰等處自東而

西二十九日行至花果園時值霧雨交作探知
賊人竄及黃龍灘意欲北犯鄖郡西擾斗河俱
聞設有兵勇且漢江斗河內船隻俱經撫^臣景
安派員押赴對岸賊人不能前進果向東南一

聖旨 纂要 續錄 卷十

五

路折回^臣等連夜冒雨趕至草甸地方正遇賊
匪分馬步五路前來^臣等探明路徑亦飭官兵
分五路進剿^臣明亮率領巴圖魯侍衛阿那保

鎮臣長春等帶兵搶上迎面左首山包^臣德楞
泰率領巴圖魯侍衛西拉布鎮臣木騰額等帶
兵搶上迎面右首山包惠倫阿哈保溫春等帶
東三省墨爾根官兵及滿漢馬隊兵丁向山麓
大路進擊與^臣率領巴克坦布等帶滿營馬步

7 文之下

兵丁由左首吳家灣山梁進擊達音泰同副將李文蔚等率領屯土官兵由右首王家場山梁進擊飭令遊擊蕭福祿等帶領撒拉爾回兵設伏王家場山後截擊_臣等排列甫定賊人蜂擁猝至其左右山梁之賊先進犯與肇達音泰兩路官兵希圖搶占山梁經與肇達音泰率兵站定山頂奮力擊殺賊人見山頂兩路官兵奮勇

聖祖聖訓卷之六

六

左右山溝內又抄出兩股賊衆直撲_臣明亮德楞泰所占山包希圖兜裏官兵後路經_臣等督率將弁官兵分投壓剿鎗礮矢石並下賊人連撲三次被官兵擊殺無數賊人竄走_臣等趁勢下壓追擊西面山坳林內突出騎馬賊六七百人向大路飛奔接應經惠倫阿哈保温春率領勁旅馳擊賊人膽敢櫻鋒前進被官兵鎗擊箭

射人馬俱斃賊匪策馬四竄惠倫阿哈保温春首先追擊衆兵勇氣倍增箭無虛發賊衆披靡向西急逃而_臣等所擊兩路匪衆見騎馬接應之賊窮感狂奔亦捨命竄走經惠倫阿哈保温春等帶兵追殺并飛馬抄向賊前兜截與_臣等兩面夾擊當痛加殲戮之際其左右山梁兩股賊衆又經與肇達音泰壓剿下山五路官兵追擊兇殺將賊匪逼向九鋪灣楊溝口等處刀砍矛扎及鎗箭所斃共計一千三四百人生擒活賊一百二十三名婦女一百八十九名賊人情急向西南山澗自投官兵併力轟打擊斃及投澗死者不下二三百人後隊賊人亡命奔逸卽從澗內積尸之上倉惶逃避竄上陳家山梁惠倫阿哈保温春達音泰等率領滿漢馬隊屯土

聖祖聖訓卷之七

七

兵丁渡澗追殺遊擊蕭福祿都司馬良棟率散
 拉爾回兵搶上山梁截擊騎馬賊人乘山霧迷
 漫翻山飛竄惠倫阿哈保温春達音泰率馬兵
 追擊阿哈保所騎之馬忽被鎗傷遂換騎跟役
 之馬進追馬復被鎗不能前進協領傅德防禦
 五十七及該副都統跟役二名趕上抵殺俱受
 矛傷陣亡惠倫達音泰見阿哈保連傷二馬并
 見賊隊內有執紅白旗指揮衆匪者三四人料
 係首逆恐其遠遁飛馬進追至長坪地方將一
 執旗頭人之馬射倒正欲趕上生擒詎餘匪捨
 命搶護直前格鬪惠倫奮力擊射立斃數賊猝
 爲賊鎗所中墮馬復受矛傷二處竟至陣亡佐
 領福蘇及親隨護軍校舒靈呢馬訥藍翎長雙
 靈保等直前救護亦被鎗傷同時陣亡阿哈保

《聖朝實錄卷十 八》

達音泰温春帶兵搶上竭力攻擊將賊壓下蕭
 福祿馬良棟亦帶散拉爾回兵趕至抵剿連斃
 十餘賊賊始敗逃從陳家山內大壩口竄走官
 兵復追過兩座山包賊人俱竄屯大壩口後山
 大梁該處山高林密官兵自卯至未力戰多時
 又值山霧愈大前進恐不得力當令於大壩口
 暫行休息自此前進重山層疊可以扼要堵剿
 臣等卽日率兵緊躡進剿相機兜截總不與賊
 以暇賊匪自難肆逸再惠倫自抵軍營奮勇殺
 賊今臨陣捐軀臣等不勝悵悼愧憤當經購備
 一切卽日委四川都司楊森及千總等員就近
 護送至鄖陽由水路先至襄陽俟吉林索倫及
 各起官兵到齊再令委員楊森及該家丁護送
 遄歸現已咨明撫臣汪新查照辦理

《聖朝實錄卷十 九》

同日景安奏言吉林官兵於九月初三日刊齊

臣前聞察哈爾馬匹不能趕及當即飛飭藩司

吳璣分派幹員設法購辦一面商同汪新飭令

襄陽道府就近趕買九月初四日通計陸續解

到馬七百餘匹又襄陽道府購買本地馬三百

匹臣即囑賽冲阿派員自行挑揀支給前二起

吉林官兵五百名騎用並酌帶馬匹以便沿途

抽換賽冲阿即於初五日帶領先行起程馳赴

明亮等軍營剿賊臣並派直隸山西官兵一千

名隨同前進現在烏爾圖那遜帶領頭起索倫

官兵亦於初四日到襄其在後各起官兵自可

陸續前來惟察哈爾馬匹尚無入豫之信臣已

節次迎催俟馬到時謹遵

諭旨每兵一名給馬二匹隨到隨放接續前進俾得

替換乘騎沿途足資照料實爲一舉兩得再臣

接准秦承恩來信據稱西路賊匪在西鄉一帶

近城焚掠設竟竄過漢中不但鳳翔一路似爲

牽動即西安省會亦必震驚又東路白河賊匪

自豐都統陣亡賊勢益張現已闖入洵陽境內

倘竄入興安則全郡震動若闖至鎮安不特逼

近省城且恐即由商雒山陽闖入豫境囑臣撥

兵前往堵剿復探得明亮等所追之賊竄至花

果園地方係向竹山竹谿之路亦通陝省白河

縣境查陝省西鄉洵陽等處豫省閩鄉盧氏浙

川一帶均無兵力臣現派山東河南官兵二千

名交王文雄帶領先行由北抄道馳赴陝豫交

界察探賊蹤相機截剿臣一面迎催察哈爾馬

匹料理官兵分起前往明亮等軍營一面仍不

聖朝實錄卷五十一

聖朝實錄卷五十一

時探聽西路信息如須策應臣即酌將續到緣營官兵前往協應

同日秦承恩奏言東路賊匪經官兵截剿後由倉上沙溝大棕溪一帶分屯滋擾欲伺隙偷渡

漢江臣先期將船隻收歸北岸並令溫承惠等

帶兵在渡口攔截臣親赴江岸督率防堵賊匪

屢次撲至江邊俱被兵勇擊退賊因不能渡江

《聖祖聖訓編卷十

十三

隨於八月二十八九等日全駭西窺洵陽之赤

巖溝一帶該處山徑紛歧南路可通竹谿竹山

西南可通平利正西可至安康臣已飛飭地方

官將緊要隘口挖斷設卡嚴防惟地方遼濶兵

力尙單適宜綿所調肅州官兵一千名札令交

臣調遣已飛催該領兵官由南山小路星夜前

來即當上緊設法兜剿至西路賊匪前於八月

初間屢次撲近西鄉邊卡節經呂有成文需等

奮力追擊賊復西窺白陽關擾及罐子山一帶

漸近縣城若由西北奔窺即可直趨漢郡臣因

漢中爲川陝咽喉北通鳳翔西安最關緊要當

即飛飭遊擊額爾畢濟呼等帶領弁兵由郡城

馳赴西鄉私渡河迎頭堵截二十五日申刻賊

匪窺至漂草灘額爾畢濟呼等即由私渡河馳

《聖祖聖訓編卷十

十三

往迎捕鎗斃賊匪百餘人賊遂繞西鄉縣南路

東至堰口焚掠文需等帶領兵勇趕抵五子觀

山梁賊匪向上攻撲文需等督率兵勇放鎗擲

石擊斃七十餘人賊匪下山奔窺兵勇奮追又

擒獲男婦二十七名賊遂乘夜翻山擾及石泉

之繪溪口臣隨飛飭額爾畢濟呼等會合兵勇

向前追捕並札飭田有成帶領防守界牌兵勇

取道兜剿一面飛檄防守紫陽之榆林府知府

托銘等帶領兵勇在石泉紫陽一帶迎頭堵截

臣惟有竭盡心力層層布置將東西兩路賊匪

次第設法掃除惟探聞襄宜之賊經明亮德楞

泰等在宜城等處會剿賊遂西竄均州逼近即

縣其西即係白河倘再竄入陝境與現在屯聚

洵陽之賊合夥則賊數愈多臣已飛咨明亮等

《聖諭親覽編卷十

十四

設法攔截並督率兵勇在白河洵陽各要隘嚴

密防範以免闖入滋擾

同日英善奏言臣於九月初一日接到秦承恩

知會東西兩路賊匪俱闖入陝疆分爲三股由

簡池壩一帶焚掠該撫不能兼顧囑臣親統勁

兵馳赴西鳳一帶迎堵臣當於河州涼州二鎮

抽撥兵一千名就近檄令河州鎮保興統領出

鞏昌白馬關一路直赴漢中西鄉一帶迎剿臣

即於本月初三日親帶省標及固原寧夏官兵

一千名由大路馳赴鳳翔漢中一帶剿禦均奏

入

上命軍機大臣傳諭宜綿明亮額勒登保德楞泰

瑞景安秦承恩柯藩日額勒登保等所殺賊匪無

多首逆仍未擒獲又竄至羊苓橋地方賊匪甫到

《聖諭親覽編卷十

十五

該處又誰爲之壘石孛卡額勒登保等如果能盡

力兜剿何難即時擒獲可見伊等摺內所稱痛剿

窮追之語全屬空言至福寧本與額勒登保同在

一處剿賊何以此次又復落後著傳旨嚴行申飭

現在林之華等勢窮力竭額勒登保等務須迅勉

圖功速擒首逆至秦承恩奏防堵東西兩路竄匪

各情形辦理俱合機宜此時英善檄令河州鎮保

與帶兵赴漢中西鄉迎剿又親帶兵赴鳳翔漢中一帶剿禦自可得力前令恒瑞柯藩星往白河甯同秦承恩剿賊想亦迅速到彼務須上緊截剿一面扼住北窺漢江之路一面分飭田有成等在西鄉一路攔截勿令賊匪竄入城固石泉等處至明亮等兇截孫家灣一帶賊匪沿途截殺一千七八百名所辦皆好但惠倫因射倒執旗賊目正欲趕

《聖朝聖紀卷十

六

上生擒猝中賊鎗墮馬復受矛傷陣亡可惜之至惠倫係明瑞繼子念伊父子均屬陣亡已另降諭旨格外加恩矣所有督率打仗分路帶兵各員自當加之獎賞以作其氣明亮德楞泰俱著賞嵌玉帶頭帶環玉搬指大小荷包與肇阿哈保達音泰木騰額長春溫春俱著賞玉搬指大小荷包其打仗陣亡之協領傅德佐領福蘇防禦五十七護軍

枝舒靈呢馬訥藍翎長雙靈保俱著各部加一等優卹此時賊匪雖不能向西北奔逃但現由大壩口竄入山內該處重山層疊無難扼要堵禦總在明亮等設法擇險堵截將賊匪圍住山內立即生擒不可再令突圍而出竄至房縣保康竹山竹谿一帶至豫省閩鄉盧氏等縣均與陝省毗連景安已派王文雄帶兵前往截剿自應如此辦理其白河賊匪闖入洵陽秦承恩已派兵防堵並著景安仍當隨時探聽如何處需兵策應卽酌帶官兵馳往相機截剿再豐伸布在白河剿賊陣亡該處賊匪是否卽係前次在興山保康一帶滋擾另股之賊而明亮等現在所剿賊匪是否卽係川省後股從宜昌一帶竄往宜城均州之賊並著明亮等查明據實速奏

《聖朝聖紀卷十

七

上諭內閣曰御前侍衛公惠倫前經派往軍營打仗殺賊頗爲奮勇茲在長坪地方剿捕因射賊墮馬正欲趕擒忽中賊鎗陣亡惠倫係奎林之子繼與明瑞爲嗣明瑞從前亦係陣亡父子効命疆場實爲可憫著交部從優議恤仍由廣儲司賞銀三千兩給伊家屬辦理喪事其應襲公爵卽著伊子博啓圖承襲俟百日服闋著在御前侍衛上行走以示朕軫卹盡臣至意

《聖宗聖德錄卷十

六

上又諭內閣曰明亮奏軍開軍營出力人員內頭等侍衛溫春著賞給副都統職銜在領隊大臣上行走三等侍衛鄂爾綏著賞給法克薩巴圖魯名號仍照例賞給銀一百兩餘著照所請行

十四日庚辰秦承恩奏言東路賊匪西竄赤巖分爲兩股一由香爐溝竄近安康邊界一由花園

寺竄近平利邊界當飭都司王萬年帶領督標兵五百名前赴平利防護縣城並杜其北竄之路一面抽撥兵勇親自帶赴安康邊界相機堵剿賊人連日在賀家壩山梁下分屯滋擾臣隨馳赴該處觀看地勢飭令隨帶兵勇暫駐壩內不使賊人窺見虛實初三日晚密派參將鍾岳韓城縣知縣莊振等帶領兵勇伏于壩口之左參將富靈保等帶領兵勇伏于壩口之右各於五鼓潛下山梁左路之兵迎面直撲賊營右路之兵繞出賊營之後截其去路初四日黎明鍾岳莊振帶同外委劉官捐職從九品汪兆洪等出賊不意衝入賊營賊人倉惶抗拒我兵鎗箭齊發殺斃四百餘人賊遂向南奪路奔逃適富靈保帶同弁勇等正在整兵相待奮力邀擊又

《聖宗聖德錄卷十

九

殺死賊匪三百餘人擒十三人餘賊俱翻山

南竄平利之魏家壩其另股竄赴平利之賊初

三日到董家梁正值署平利縣知縣任奎光器

領鄉勇在該處紮卡堵禦賊匪直前攻撲該縣

督率鄉勇義首王英等奮力迎敵擊斃賊匪一

百餘人賊猶抵死上撲又經王英等奮勇向前

施放銃礮擊斃七十餘人賊始退回由西南小

聖朝聖編卷十

二十

路竄至平利之汝河當即飛飭該地方文武員

弁堵截適前調肅州官兵一千名已抵興安

星夜趕回面為商酌即令添帶督標肅州等起

官兵馳赴平利兜圍截殺以期迅速掃除惟探

聞襄宜之賊由均州西竄擾及鄖縣之黃龍灘

等處距白河僅一百餘里臣已派令都司龔鐸

帶兵五百名添撥鄉勇在白河境內擇險堵禦

勿令闖入再西路竄匪近竄至石泉之柳溪地

方砍伐竹木意欲紮筏偷渡經護遊擊李景督

率弁兵星赴柳溪對岸施放鎗礮轟擊賊匪退

回山梁屯紮現在宜綿續調之撤拉爾回兵頭

起三百六十名已到漢中現飭令該領兵官即

由漢中坐船順流迅赴石泉會同前派遊擊額

爾畢濟呼都司韋洪等合兵兜剿並准宜綿札

聖朝聖編卷十

三

會因陝西東西兩路俱有竄匪令桓瑞回陝會

剿計期亦可到境正可趕止賊匪痛加殲洗奏

入

上命軍機大臣傳諭秦承恩曰秦承恩帶領兵勇親

赴安康邊界邀擊賊匪殲戮七百餘人其另股竄

至平利之賊復經該地方官督率鄉勇堵剿賊始

潰逃不至撲近興安郡城所辦尙好賊匪現向平

引之魏家壩等處分竄係在平利何方此時是否
在彼屯聚抑又竄往他處此二股賊匪內頭目係
屬何人著該撫查明覆奏至由西鄉竄至石泉之
賊意欲紮筏偷渡亦被官兵擊退其帶兵營員李
景尙屬奮勉著加恩以應陞之缺卽用從九品汪
兆洪外委劉官等亦屬出力均著咨部議敘

十六日壬午宜綿奏言查方山坪賊匪自經官兵

剿平後竄至

攻克賊巢該首逆等率領餘匪逃赴邱家堡沙
溪劫等處屯紮並於附近一帶深林密箐潛行
埋伏遇有探哨兵勇卽放鎗出拒經臣飭令各
鎮將逐路搜剿殲斃八九百名生擒三十四名
訊據賊目顧銘德等供稱羅其清冉文儔等現
在商議分路一股欲搶江陵溪糧臺一股欲從
白山場繞出達州後路一股欲搶江口糧臺直

往巴州並有王三槐等帶領夥黨三四千人在
尖山坪邀約所以派我等帶一千多人在方山
坪脚下埋伏要將追兵截退再定去向等語查
江陵溪白山場等處均經預派兵勇防堵本嚴
江口一路亦有大河攔截未能徑渡且賊匪所
供亦不過播散謠言自未便因此受其牽掣臣
卽嚴飭各鎮將趕緊進兵三十日五鼓總兵富

爾賽督率遊擊花良阿等帶兵攻剿邱家堡總

兵朱射斗督率參將王清弼等帶兵攻剿沙溪
劫紅銅寨總兵百祥督率參將圖興阿等帶兵
攻剿須峯寨並派副將雷仁遊擊常明等帶領
官兵署遊擊羅定國知州劉清等帶領鄉勇分
左右兩路夾攻尖山坪各路同時進發賊匪率
衆出敵我兵奮力衝擊自卯至未愈攻愈力斃

賊甚多匪衆首尾不能相顧紛向岳家院等處潰逃我兵乘勝追趕維時尖山坪屯聚賊匪經雷仁劉清等兩路夾攻亦由岳家院一路敗竄各路兵勇分投截殺計斃賊匪一十餘名生擒十九名並將邱家堡沙溪坊紅銅寨須峯寨尖山坪五處賊營全行燒燬餘匪竄至岳家院胡家梁一帶分屯散處惟西北之通江巴州兩面前雖酌派將弁帶兵趕往督同各隘口鄉勇防堵第山雜路歧誠恐守禦稍懈臣現在一面再行添派兵勇設卡圍防一面督飭該鎮將等趕緊兜剿其白巖山一路舒亮等於前月二十八九等日連次督兵攻剿賊匪固守巢穴並不出敵首逆林亮功等因被脅入夥之人間有投出卽與賊目賴儀章等分立賊卡五座把守甚嚴

《聖朝聖鑒編卷十

五

續有逃散黨與一經查獲卽行戕殺我兵未能徑上初二日賊匪數千向乾溪子李家巖一帶焚掠當派將備帶兵馳往剿擊斃賊三四百人餘匪仍敗回巢穴查該處賊巢遼濶現有兵力無多是以派委知府朱爾漢馳赴開縣協同道員李憲宜等於白巖山附近趕緊添募精壯鄉勇協同圍堵如徐添德羅其清等卽日就擒則移兵白巖山一路剿辦更可迅速賊事再楚省剿散餘匪竄回巫山奉節境內經總兵德齡等帶兵剿辦八月二十九日賊匪率衆直撲放牛坪營卡該鎮督兵擊斃三四十人賊匪稍退復又分股蜂擁前來該鎮親率將備帶兵衝擊斃賊五六人遊擊吳三泰射傷執旗紅衣賊目二名賊衆奔救吳三泰身受鎗傷千總周士遠把

《聖朝聖鑒編卷十

五

總陳傑越隊直前將賊目砍斃賊衆始行奔潰

我兵奮力追剿復斃賊匪二百餘名生擒十四

名兵勇亦間有損傷餘匪竄至鍾嘴一帶屯紮

刻下伊里布等所帶滿漢官兵計日亦可趕到

臣現飛飭該鎮等務即趕緊剿洗又接秦承恩

知會竹谿竄匪業經闖入陝境其白河洵陽本

境地方復有新起匪徒勢頗熾張臣查該處係

在興安郡城之東道路紛歧現有官兵為數單

薄若賊匪由洵陽竄入鎮安則商雒山陽一帶

備禦事宜不可不預為籌計查自太平截回竄

匪業已分股闖至西鄉境內而王三槐徐添德

餘孽尚在川省通巴一路與方山坪竄匪合夥

刻下惠齡恒瑞慶成等督兵追剿俱入西鄉惟

因該處秋雨連綿山險路滑兵行甚艱臣已飛

欽定剿平三省邪匪方略 正編卷五〇

咨恒瑞先帶原領本標官兵趕赴興安會同秦

承恩等分投堵剿

同日汪新奏言臣因吉林官兵已於初三日到

齊而察哈爾馬匹尙無抵楚的期臣隨與景安

酌商督飭鄂陽道府並豫省分投購辦壯健大

馬一千二百匹足敷分給乘騎先後馳赴明

亮等軍營其索倫頭起官兵一千四百名已於

本月初五至初十等日陸續到襄隨即應付前

進至頭股賊匪已由竹山竹谿竄入陝省白河

洵陽界內查白河縣係在漢江南岸對面即係

湖北鄂西地界該處河面淺窄先經臣派委道

員張道源督率駐劄江干多集鄉勇防守賊匪

於八月十五日竄至南岸尾子池溝口欲圖涉

淺搶渡兵勇鎗礮齊發賊即由羊坡一帶退去

欽定剿平三省邪匪方略 正編卷五〇

又明亮德榜奉所追一賊賊匪於八月二十九

日竄至郎縣南岸黃龍灘地方該縣督率鄉勇

在北岸排列鎗礮嚴密堵截賊匪由淺處策馬

搶渡該縣隨督勇施放鎗礮擊斃騎馬賊匪三

人餘賊畏懼退走由花果園折回草甸明亮等

又派副將劉廷基都司張鵬帶領兵勇一千餘

名前赴郎陽北岸防堵聲勢益壯已可毋虞竄

聖朝重寶編卷十

天

越再帽山賊匪因圍剿緊急於前月二十二

日夜由一碗水地方捨命衝出經額勒登保福

寧帶兵截殺殲斃甚多餘匪由歸州巴東一帶

奔逃額勒登保等倍道窮追臣已飛飭臬司張

長庚道員舒永阿等督令附近各屬探明官兵

所向將軍糧軍火源源起運俾資接濟至川省

奉節竄入利川之賊副將樊繼祖帶兵前往斬

賊甚多惟兵力尙單一時未能盡殲臣又派

湖南調來官兵四百名交與樊繼祖帶同協剿

再暨道保定自上年孝感賊匪滋事即率同商

人捐雇鄉勇數千親身帶領在漢口地方晝夜

防範商民賴以安堵本年正二月間賊匪竄入

孝感黃陂等處意圖窺視漢鎮該道復添捐健

勇實力堵禦且幫同藩司祖之望辦理軍需悉

聖朝重寶編卷十

天

心籌畫不辭勞瘁現在委令防堵下游漢江亦

極認真實為急公出力

同日觀成劉君輔奏言老木園一帶地處萬山

之中時常秋令霧雨連朝山徑險滑急切不能

進攻查樵風洞設立賊卡緊接巢穴賊匪恃為

保障若將此處攻獲該匪等失其險要即可直

搗中堅二十六日臣劉君輔督率遊擊楊洪新

等帶領兵勇各攜口袋黑夜由柏樹巖直攻樵
風洞賊卡^臣 觀成帶領遊擊德清額等隨後進
發鎮臣徐昭德遊擊朱進廷等分帶兵勇在冉
家溝野竹溪蜈蚣嶺進攻牽綴賊勢二十七日
五鼓楊洪新同署都司李寅等各帶兵勇從石
磴陡坎曲折而上潛近賊卡該匪所挖濠溝寬
深並於濠溝內密插竹簽李寅飭令兵勇將所
帶口袋裝土填塞濠溝李寅首先過濠砍開木
卡卡內賊匪驚覺捨命格鬪李寅奮不顧身左
右擊殺身受矛傷數處候補守備黃有學外委
楊成元亦俱奮勇殺賊身受矛傷均各殞命我
兵人人憤怒刀砍矛刺將卡內大小男婦百餘
人悉數殲斃^臣 等趁勢催令兵勇直搗賊巢忽
聞橋頂山礮響知係賊人前來援應惟時天色

欽定剿平三省邪匪方略

正編卷五〇

甫明^臣 觀成督率遊擊德清額都司馮培元等
帶領兵勇即於樵風洞山梁迎頭截剿該匪蜂
擁而至官兵旋放連環鎗礮擊賊匪敗退馮
培元帶領兵勇攀越嶺谷追趕剿殺詎有賊匪
從旁突出馮培元及把總江永輝俱猝被矛傷
陣亡外委殷正魁頭帶石傷^臣 等即督催官兵
接應鎗箭並發斃賊二十餘名賊始敗退竄上
老木園山梁時已天晚隨飭令弁兵於樵風洞
修築木卡暫駐再圖進攻均奏入
上命軍機大臣傳諭宜綿明亮德楞泰惠齡觀成恒
瑞慶成舒亮穆克登阿曰此次宜綿帶兵分路進
攻奪獲邱家堡等五處賊寨賊匪俱竄至岳家院
一帶並未獲一賊首不過於賊匪逃竄後將空寨
焚燒誰則不能且賊逃至岳家院宜綿等何不設

欽定剿平三省邪匪方略

正編卷五〇

法繞出賊前乃祇知在後尾追大屬非策其白

山一路舒亮穆克登阿等攻剿多時亦未能直搗

賊巢即使賊匪負隅拒守寧不當尋路進剿豈有

束手無策與賊相持之理宜綿舒亮穆克登阿俱

著傳旨申飭又觀成等進攻樵風洞並未擊獲賊

日一人而帶兵官員轉致傷損五人大爲不值觀

成劉君輔亦著傳旨申飭所有打仗陣亡之都司

聖三音雅魯編卷五

三

馮培元等俱著咨部加等優卹看來宜綿等各路

俱不足恃現在明亮德楞泰屢殲賊衆軍威已振

又調往之吉林官兵俱已到彼其黑龍江官兵及

察哈爾馬匹日內亦可陸續到齊明亮等正可馳

驟殺賊惟是賊匪見官兵聲勢浩大自必紛竄狂

奔若前路無兵堵截則賊匪四散逃逸必致仍前

尾追使生力勁兵又形疲乏宜綿惠齡恒瑞等卽

不能痛殲賊匪豈亦不能堵截其竄走之路乎若

該督等務須探聽賊蹤設法布置預行堵截使賊

匪無從乘間奔竄明亮等得以盡力剿殺而明亮

等亦當察看情形或於新到官兵內派令得力將

領酌量分帶勁兵覓道繞出賊前首尾合擊自更

可事半功倍也又汪新料理吉林官兵起程前赴

軍營並調備馬匹等事所辦尙好道員保定節次

聖三音雅魯編卷五

三

堵禦賊匪幫辦軍需勉奮出力著加恩賞戴花翎

以示鼓勵再川楚陝西等省被賊蹂躪地方屢經

降旨令該督撫加意撫卹此時賊匪奔竄焚掠難

民必多失業若不妥爲安撫轉恐去而從賊並著

該督撫等督飭所屬實力撫卹毋使流離失所爲

要

同日宜綿又奏言查湖北地方官兵分投剿賊

轉運事務本繁其宜官所屬之巴東歸州東湖等處自經邪匪蹂躪居民逃避人夫雇覓維艱撫臣汪新現在荆襄一帶辦理軍務恐其勢難兼顧而川省協濟糧石已據總理司道等稟報自夔開運自應另派大員專駐宜昌接運籌辦查明與曾任封疆前因賊匪擾及夔州經臣派往督辦糧餉諸凡無悞刻下夔州發運協濟楚省軍糧並大寧一路所需軍火糧餉尙有松茂道承勳暨該府張至幹隨時籌辦足資經理而宜昌一路較爲緊要臣已知會明興就近速往宜昌督同該地方官接收轉運並查此項軍糧前經

奏明運至巴東交卸近聞巴東船隻稀少且剝船過載恐致稽延已飭令承勳等卽用原船直運

欽定剿平三省邪匪方略

正編卷五〇

宜昌交收以期迅速奏人報

聞

十九日乙酉英善奏言臣行抵涇州途次復接奏

承恩來信因宜綿現今柯藩自太平起程赴陝

恒瑞由通江邊界赴陝會商分剿令臣暫駐甘

省邊界候信惟現據東路洵陽白河等處稟報

賊匪於漢江南岸分股滋擾尙未殲滅而西路

奔至西鄉石泉之賊現又竄至兩河口黃河壩

等處砍伐竹木拆毀民房似欲紮筏渡江僅有

署鎮及道府遊擊等官堵禦兵力尙單倘再偷

渡漢江所關匪細恒瑞柯藩雖自川起程來陝

可資得力而方山坪竄匪及徐添德王三槐諸

賊經宜綿等剿捕緊急恐或有竄逸則通江巴

州一帶與漢中在在連界是漢中一郡實爲緊

欽定剿平三省邪匪方略

正編卷五〇

要臣此時若在甘省邊界駐劄相隔較遠是以仍卽兼程督兵前進馳赴漢中並飛催保興所帶之兵星馳前進察看何處最要卽當督兵迎剿庶漢中與川省連界地方處處有兵堵禦逸賊不致竄入秦入

上命臣傳諭英善秦承恩汪新曰英善以漢中緊要馳赴督率截剿自應如此至賊匪竄至石

聖朝聖訓卷之

三

泉之兩河口黃河壩等處意欲紮筏偷渡該處賊匪是否經地方官擊退不致偷渡著查明具奏又前據汪新奏白河賊匪竄至南岸尾子池溝口欲圖涉淺搶渡經兵勇截圍現在已交冬令正值水落之時著秦承恩飭令地方文武嚴密防守再臬司高杞已降旨陞補福建布政使現在湖北軍務未竣該員尙有承辦軍需事件自未便卽赴新任

著汪新諭令高杞倍加奮勉統俟軍務完竣再赴新任

二十日丙戌明亮德楞泰奏言臣等率兵緊躡賊

蹤行至高賢川地方拏獲隱伏山坳探望官兵之賊六名訊據供稱自到湖北以來被官兵處處繞道抄殺傷折數千人今被官兵逼到房縣從房縣翻山出去可以由竹山竹谿逃到陝西

聖朝聖訓卷之

三

或者山路幽僻可以覓路前去與竄往陝西白河一股合夥好敵官兵等語臣等查房縣竹山竹谿鄉勇頗稱勇往當飭該處府縣及各卡鄉勇嚴加防堵一面飭副將劉廷基都司張鵬帶領兵勇繞赴楊圩口堵截使賊人不得進擾房縣臣等率兵由馬家峒太山鋪一路前進賊匪初由羊子山西竄汪家河經該處鄉勇截殺不

能衝越遂東竄地丁鋪思欲進擾房縣又經劉廷基等迎擊復向西南毛坪軍馬鋪一帶奔逃臣等進至汪家河察探賊人連日奔突一聞前有官兵卽行他竄非出其不意兩路兜剿不能截殺查軍馬鋪以西卽入竹山縣境復飛飭劉廷基等帶領兵勇跟蹤進追以堵賊人折回房縣之路臣等率兵由馬尾三家塘抄向賊前攔截初六日官兵進至界山塘正值賊人自芹口前來衝突鄉勇卡座臣等當派巴圖魯侍衛溫春鎮臣木騰額等帶兵分隊於山頂林內設伏待賊大隊行至山前突出剿殺賊匪倉卒不能抵拒卽亡命狂奔被官兵橫衝兜截斃賊二百餘名其後隊賊人卽竄上西南山梁思遁臣等同興肇率阿哈保等帶馬隊及屯土兵丁飛追

《聖朝聖訓編卷十

天

進擊復斃賊百餘人餘賊翻山由東河西竄臣等察看路徑東河之西卽爲小深河田家壩離竹山縣城二十餘里該處鄉勇現在有赴陝西白河一帶協剿者有在斗河一帶防堵者萬一賊人竄至彼處恐近城一帶村莊不無驚恐遂由霍山繞出竹山縣城南馳赴小深河初九日午刻至北岸老虎集聞前面鎗礮之聲催促官兵趕緊進發適賊人衝撲田家壩鄉勇卡座將欲搶渡小深河臣等督兵渡河衝上山梁兩路擊剿詎賊人自上下撲拋擲石塊併力抗拒阿哈保達音泰等率馬兵首先衝殺佐領永格布驍騎校厄勒錦藍翎領催連陞皆力戰被傷陣亡達音泰所騎之馬被鎗所傷該鎮復換馬趕上衆兵亦怒不可遏一擁而進斃騎馬賊五名

《聖朝聖訓編卷十

天

步賊十餘名賊人稍退劉廷基張鵬等亦帶兵
追至...後夾攻殺賊百餘人生擒十三名賊人
向南敗走時已向晚不便窮追當令官兵在小
深河山梁暫駐以定縣城內外民心一面派守
備馬應國帶兵勇二百名緊跟賊蹤察看竄向
何所相機進剿

同日額勒登保福寧奏言_臣等剿賊至羊苓橋

聖祖聖訓編卷十

罕

過橋即係歸州所屬之馬胡營山四面峯巖陡
削地面亦寬路徑不一無不險峻見賊匪上山
時即運石塊趕築卡牆意欲為屯聚之所_臣等
於初三日二鼓分路進兵_臣額勒登保帶同富
森布張廷彥等由馬胡營之左九灣一帶分路
進攻_臣福寧帶同慶溥許文謨等即由羊苓橋
一路進攻使賊匪不能兼顧_臣額勒登保於初

四日攻擊一日之久由九灣上至王家堖采入
三十餘里殺賊二百餘名生擒四十六名賊匪
在王家堖抵死抗拒晚間暫行劄營_臣福寧是
日督兵一面在羊苓橋山上用礮轟擊對面馬
胡營山坡之賊一面即搶過羊苓橋趕上山坡
十數里燒燬賊棚四處殺賊一百餘人生擒十
九人賊匪踞高滾木插石未能即時直到山巔
等彼此札商初五日仍督率官兵再行攻擊_臣
王家堖賊人集眾死拒自五鼓至已刻尙未攻
得_臣額勒登保率領侍衛官兵等奮力上撲直
至午後綸布春格布舍等始得帶兵搶過王家
堖一路殺賊逕由上磯頭九名觀直入馬胡營
山有破竹之勢斃賊不計其數賊之器械隨處
拋棄兵勇等割獻首級亦多生擒偽先鋒李植

聖祖聖訓編卷十

罕

一名餘賊十五名臣福寧與慶溥將官兵分爲數路另行覓道齊上賊匪不能抵禦都司孫應奉守備李光晨首先搶至山巔上下坡坎殺戮甚多隨與臣額勒登保所帶之兵相合周圍搜殺迨至孟家埡地方賊匪聚衆在隘口抗拒官兵奮勇搶攻卽得隘口臣勢下壓維時關騰於菲萊坡帶兵亦已趕至孟家埡之西兩面夾擊賊匪倉惶遁入溝內時已昏黑溝深坡陡不能遽下臣等訊據賊供林之華覃加耀來至馬胡營山見山場寬濶糧食亦足本思據險久住因官兵進攻甚緊林之華覃加耀已先由馬胡山營之白巖一帶潛逃等語查白巖一路係歸州地界與巴東接壤臣福寧帶兵由巴東之柳坪一帶攔截並分令慶溥帶兵出桃坪一路追殺

聖
纂
輯
要
編
卷
十

聖

關騰帶兵從白毛嶺天鵝流等處堵截臣額勒登保卽同綸布春等由白巖高家嶺馬家山一路追趕初六日於馬家山遇賊打仗賊匪竄入高家嶺山溝初七初八兩日我兵自高家嶺追壓賊又竄至小巖口紅巖河初九日賊復於土橋嚮板溪竄上巴東地界之高梁寨官兵到處截殺及沿途民人捉獻之賊不可勝計臣額勒登保於初十日分兵兩路進剿賊又亡命四竄臣福寧於柳坪一帶抄截行走初十日來至金象坪與臣額勒登保會合沿途擊獲竄匪三十餘人但林之華覃加耀尙在豕突狼奔未卽就獲此次連日所殺之賊統計又有二千餘名其附從餘衆日就消滅臣等現卽分路緊剿以期卽日掃除再疊次打仗守備羅宗禮外委吳占

聖
纂
輯
要
編
卷
十

聖

超俱奮勇殺賊陣亡副將汪啟腰帶石傷都司
孫應奉鎗傷右腿此外傷亡弁兵鄉勇容另查
明咨部辦理均奏入

上命軍機大臣傳諭明亮額勒登保德楞泰福寧曰
明亮等所奏情形祇係截剿賊匪殲獲不過三百
餘名賊匪又向南敗走殊不滿意此次打仗時計
吉林黑龍江勁兵尙未到彼明亮等僅就原帶之

聖訓

聖訓

兵分投截剿是以不加深責現在賊匪由竹山小
深河山梁向南敗走官兵是否可以兜截不致竄
入竹谿一帶未據聲敘且姚之富等欲從幽僻小
路竄往陝西白河是賊匪欲與前股楚匪合夥則
官兵又成尾追之勢明亮等探明賊蹤務須逼向
東趨歸入房縣山內以便擇要圍剿所有陣亡之
佐領永格布等俱著咨部加等議卹額勒登保等

雖將羊苓橋賊匪追殺而首逆復竄至巴東地界
之高梁寨仍未能設法兜圍摺內所稱官兵痛剿
俱屬空言額勒登保福寧著再傳旨嚴行申飭其
打仗陣亡之守備羅宗禮外委吳占超均著咨部
加等議卹至明亮等摺內稱房縣竹山竹谿鄉勇
頗稱勇往飭令嚴加防堵一節鄉勇等雖係地方
官雇覓得有口糧但能奮勇防禦亦屬向義可嘉

聖訓

聖訓

其中有實在出力者著查明優加獎賞俾知鼓勵
至領兵大員等尤須加以愛護不可祇令鄉勇在
前禦賊而官兵轉在後接應以致無所統率不能
得力再首逆姚之富齊王氏等是否卽在此次明
亮等所剿賊股之內抑另在白河股內並著確查
具奏

欽定剿平三省邪匪方略正編卷五十一 丁巳年

九月二十三日臣恒瑞慶成奏言臣等在西鄉

縣地方探知李全等股匪由罐子山向東逃竄

逼近漢江恐其復行搶船北渡臣慶成即帶兵

馳赴漢江渡口乘船抄截適接宜綿札令臣恒

瑞馳回興安應援隨於初六日借慶成星夜前

來惠齡即與總兵富成帶兵緊追臣等趕至石

剿平三省邪匪方略卷五十一

泉縣渡口察看沿江南岸村莊房屋間被前起

騎馬覓渡之賊焚燒秦承恩於北岸派有兵勇

防堵禁止南岸泊船甚嚴賊匪正在遲疑之際

一聞官兵繞截前來即竄向江汶山內臣恒瑞

令官兵裹帶乾糧即日渡江由北岸陸路兼程

前進於十一日馳抵興郡臣慶成帶兵登舟加

緊攢行所過漢王城白馬石一帶乃上次逆賊

偷越渡口詳查北岸陝省兵勇防堵尙屬得宜

探詢賊匪現由南岸大山竄至瓦房店距紫陽

縣城渡口僅三十里臣慶成一面順流逕赴紫

陽堵禦一面先派巴圖魯侍衛江鼎遊擊全亮

等帶領弁兵由白馬石登岸密赴瓦房店一路

截剿是日竄匪正在結隊前往紫陽適遇該侍

衛等帶兵由北面突出直前截殺賊衆猝不及

剿平三省邪匪方略卷五十一

防驚慌亂奔臣帶兵由水路趕到追殺十餘里

殲斃甚多餘衆翻越山嶺奔逃惟紫陽迤東至

興安尙有二百餘里南岸俱有支河可以紮筏

直達漢江臣恐顧此失彼仍將官兵帶回登舟

順江偵探前進行抵汝河洞河等處江口有無

數男婦老幼爭渡北岸避賊臣即令兵船停泊

逐一安撫并率同陝省防堵弁兵於扼要隘口

安卡把守以安民心十一日午刻忽有數百騎

驟馬賊匪一擁齊來汝河江口沙水勢甚兇悍

臣即督率弁兵防勇施放大礮賊匪奔向大山

竄逸現探賊蹤距江干較遠漸近平利安康邊

界若官兵乘船順流而下一晝夜可抵興安當

即帶兵遊行於十三日到郡與恒瑞秦承恩確

商查竹谿白河一帶滋擾之賊係柯藩帶兵剿

辦臣慶成沿江截殺之賊係在興安西南明亮

德楞泰所剿房縣之賊距洵陽白河一帶不遠

係在興安東南各股竄賊意欲牽綴官兵臣等

帶兵統計二千數百名若分路前往轉恐力單

而郡城亦關緊要防兵僅數百名臣等現居各

股賊匪之北飛差弁兵分投往探東西兩路竄

賊何路較近先即帶兵馳赴迎擊逼令仍歸原

路與明亮德楞泰及惠齡等兩面夾擊

同日汪新奏言據施南協副將樊繼祖施南府

法克晉等稟報川省奉節縣九江河賊匪楊秀

濬等暨黑山壩賊匪湯永禮等各聚眾數千竄

至利川交界之五家壩地方屯聚四出焚掠並

勾結利川匪徒陳大朋陳維新等各聚黨三四

百人在利川所屬之石莊坪鴨公頭等處焚搶

臣以為牽制官兵之計經該將樊繼祖會同利川

縣陳春波帶領兵勇於八月十四等日先後將

石莊坪鴨公頭兩處賊匪密圍殲盡而楊秀濬

等又令賊夥王作金等潛赴鄰近之恩施縣地

方勾令匪徒陳耀川等在木貢地方聚集千餘

人欲圖乘機起事經法克晉訪聞督同恩施縣

尹英圖率領紳士厚集健勇於二十日五鼓乘

賊何路較近先即帶兵馳赴迎擊逼令仍歸原

辦臣慶成沿江截殺之賊係在興安西南明亮

臣以為牽制官兵之計經該將樊繼祖會同利川

一第... 續修四庫全書第 28 版正內

其不備分路搶上山梁殲斃數百名生擒首犯
陳耀川暨夥黨周登武五十一名並起獲白旗
器械甚多其餘男婦放火自焚或跳巖投水身
死並無一人漏網現飭訊明分別凌遲斬決目
下本境被勾賊匪實已殄除惟四川奉節賊匪
兩股合併共有萬餘突入利川之南坪地方勢
甚猖獗臣查南坪距縣治僅四十里距施南郡
城亦止百餘里信宿可達而利川向無城垣樊
繼祖所帶之兵又止數百名此時各路均須防
剿實無多兵可調臣現於歸州鍾祥荆門各卡
防兵酌量抽撥健兵七百名交武昌城守營叅
將朱廷荃帶領馳赴幫同堵剿一面飛咨宜綿
派撥官兵與楚省兵勇前後夾攻以期迅速撲
滅至額勒登保福寧等所追帽子山賊匪已屬

剿三省匪類編卷一

五

萬分窮蹙惟巴東利川甚近林之華等自知
無路逃生必圖竄往利川入夥臣已飛咨額勒
登保等派撥官兵抄赴利川一路策應均奏入
上命軍機大臣傳諭明亮額勒登保恒瑞慶成景安
秦承恩汪新日竄匪屢撲江岸希圖搶渡經恒瑞
等連次截殺俱向南岸大山竄逸該處路徑分歧
賊匪素為熟悉漢江南岸渡口甚多若官兵直前
邀截賊匪或繞至江岸上游仍可乘間涉淺偷渡
不可不預為防範惠齡等自西鄉督兵追躡正可
迎擊恒瑞秦承恩等亦當隨時察探賊蹤於可通
江岸道路設法繞擊並嚴飭地方官防堵使賊匪
無從搶渡方可帶兵截剿若祇跟蹤尾追賊匪或
由小道偷渡擾及北岸則惟恒瑞慶成秦承恩是
問又汪新奏奉節賊匪竄至利川一帶勾結滋擾

剿三省匪類編卷一

六

經兵勇等截擊將恩施賊匪撲滅所辦甚好其殺賊陣亡之兵勇等俱著咨部加倍卹賞出力文武各員如果始終奮勉者咨部議敘至利川與巴東接壤額勒登保等如此時已將林之華等擊獲卽就近移師往剿毋使楊秀隆湯永禮二犯蔓延勾合倘林之華等竟竄往利川額勒登保等正可乘賊匪竄合之時與樊繼祖等併力合擊但額勒登保等追剿窮竄之林之華等尙不能卽時擒獲加以由川竄來萬餘賊匪更恐不足倚恃樊繼祖朱廷荃皆係營員彼此不相統屬且兵力無多調度乏人朕深爲懸慮著景安卽同愛星阿酌帶直隸山東山西新到各兵速赴施南利川一帶督率樊繼祖等將此股竄合匪徒迅速殲擒

二十五日辛卯宜綿奏言查羅其清冉文儔等敗

竄餘匪與王三槐等合竄至岳家院胡家梁甄家嶺長灘河漸灘河三溪口麻茨石等處臣隨嚴飭鎮將等分頭追截初五日總兵富爾賽督率將弁兵勇攻打岳家院胡家梁地方先有賊匪百餘人前來迎拒經我兵鎗箭並發旋即敗退將抵賊卡忽於兩旁樹林內突出賊匪接應正在攪殺間知州劉清從九品職銜仇允誥等帶領鄉勇由小路抄到兩面夾攻分投截殺三四百人是日總兵朱射斗一路攻打甄家嶺賊營該匪等佔據山梁恃得地勢排列山嶺抵死狠關我兵往上攻撲相持半日行營于總王道益兵丁張克明楊林不避鎗石首先衝突兵勇相繼而上刀矛直刺賊匪力怯退回據卡堅守我兵拋擲火彈燃燒賊卡草棚匪衆四散潰

聖祖實錄卷七

聖祖實錄卷八

逃我兵迎頭截殺斃賊無數其長灘河漸灘河
三溪口一帶潛伏賊匪或遇探哨兵勇前進卽
放鎗出敵或俟追兵過後冀圖邀截經百祥同
副將雷仁等分投搜捕殲戮四五百人餘匪俱
由溪河淺處蹠水而過適值大雨如注溪水陡
漲衝斃頗多該鎮等立督兵勇砍伐木植搶搭
浮橋跟蹤追趕由白巖子一路進攻詎各路竄
匪俱已奔至麻紮石會合分屯韓家院木通壩
一帶山巔其最高之處名中林架亦有賊匪屯
紮初十日富爾賽朱射斗百祥等仍分三路繞
由蜈蚣嶺撲剿中林山架我兵攀藤附葛奮勇
直上賊匪不能抵禦俱向通江一路潰竄臣查
通江縣治地勢本窪且無城垣先經臣飭令知
縣涂陳策創挖深壕召募鄉勇預備堵禦並派

《聖朝勦擒逆裔編卷五》 九

候補叅將尤漢玉帶兵五百名于縣治兩旁附
近山梁扼險駐守堵壕以外居民亦多有移駐
山坡倚藉捍衛者是日賊匪乘夜率眾直趨縣
治將壕外民房縱火焚燒涂陳策帶領鄉勇會
同尤漢玉正與相持適朱射斗帶兵趕到匪眾
一見官兵勢大遂卽翻山而竄富爾賽百祥等
同時並至縱兵合擊賊匪暫屯南背山地方計
官兵連日共奪賊營六座斃賊一千數百人生
擒章志銘等三十七名訊據供稱王三槐羅其
清等本要分路一由通江逃赴陝西一搶江口
糧臺直往巴州等語當將該犯等一併正法其
白巖山一路舒亮穆克登阿自初二日截剿擒
糧賊匪之後賊匪固守巢穴道員李憲宜知府
朱爾漢等在白巖山附近添募鄉勇數千初九

《聖朝勦擒逆裔編卷五》 十

日分爲四路進攻賊巢烏什哈達率同副將達桑阿等督率兵勇攻打白甲溪賊卡賊匪率衆抗拒革職縣丞桂紳率領精壯鄉勇爭先直上官兵分路齊登刀子並刺斃賊數百名即將賊卡奪據維時李憲宜朱爾漢等帶領鄉勇由排堽口一路進攻茅店子賊卡亦經奮勇攻克殺賊二百餘名轟斃執旗白衣賊目一名舒亮穆

《聖朝實錄卷五十一》

十一

克登阿等兩路官兵奪據張家嘴千層巖賊卡進攻鴨子坪該處懸巖峭壁賊匪施放插石不能徑上將兵勇撤回各路殺賊計七八百名奪獲刀子矛四百餘件兵勇亦間有傷損現在另行設法進攻刻下大兵分投追截該匪等或仍冀潛赴陝境與前股竄匪合夥臣已派游擊劉大魁帶兵七百名駐守竹峪關堵截臣恐兵力稍

臣單復酌派兵勇交碩雲保即由太平帶赴該處向通江一路迎截再總兵德齡所剿賊匪屯聚鍾嘴地方勢頗猖獗觀成派令總兵馬瑀由黑樓門一路迎剿九月初二日兵至馬嶺探得賊匪復由鍾嘴竄至張家巖地方初三日黎明馬瑀即與德齡會兵進攻該處地勢險仄賊匪率衆抗拒我兵施放連環鎗礮斃賊多名匪衆

《聖朝實錄卷五十一》

十一

敗退官兵乘勢撲近賊卡忽於兩旁樹林內突出賊匪五六百人前來接應我兵併力剿截賊始敗回張家巖該鎮等復分帶弁兵繞道攻撲詎賊匪奔回山頂放下插石馬瑀督兵奮力上撲身受石傷墮巖殞命千總衛學純亦即陣亡兵勇間有傷損德齡遂將兵勇撤至馬鞍山駐紮查臣前次派往之侍衛伊里布業經趕到現

飭會同上緊攻擊又據奉節縣周景福稟報南岸金子壩李子坳屯聚賊匪經該縣節次帶勇截剿斃賊甚多餘匪向利川之南坪汪家營一帶逃竄臣復飭令該縣廣募精壯鄉勇協同剿洗

同日宜綿又奏言此次邪匪起事蔓延數省節經征調官兵為數已屬不少無如賊情狡詐散

聖諭

七

漫難收如官兵迎頭攔截則賊匪奪路旁分官兵隨後尾追賊匪望風前竄兵以剿捕久而日疲賊以裹脅多而轉眾前蒙

聖慈簡調東三省勁旅又添調四川甘肅官兵四千餘名仰見

皇上燭照機宜實深感服近接明亮等咨會襄陽一帶竄匪正待吉林索倫勇健兵力分別布置而

陝西興安所屬邊境亦藉肅州等處新調之兵用資防堵其餘賊匪滋擾所及仍未能處處留兵惟藉各州縣團練鄉勇以佐不敷但鄉勇等自衛村莊齊心協力若遠出數百里外其中勇往出力者固不乏人而畏縮不前者亦復不少

此等鄉勇貧過則驕威過則散雖鹽糧等項與兵丁所費相同究非紀律之師可比刻下附近

聖諭

十四

省分官兵如四川一省已調至一萬九千餘名陝甘兩省已調至二萬餘名湖北等省更無餘兵可調因念前奉

諭旨飭令調兵省分按照派調額兵酌量募補十之六七實為慎重地方起見臣通盤籌畫此種

添募新兵本緣營汛空虛暫資彈壓如以備調存營者仍屬有限而目前賊勢如湖北之襄陽

宜昌鄖陽等府屬處處皆是明亮德楞泰等統
兵於襄陽一路則鄖陽之賊竄入興安之洵陽
白河宜昌之賊折回夔州之巫山奉節相距遙
遠勢卽不能兼顧至豐伸布馬瑀之陣亡均由
於偏師遇賊力量較單所致况如四川省雲陽
之白巖山奉節之南北兩岸新起賊匪較前倍
多而兵力日分日薄臣愚昧之見合無仰懇

聖恩勅令四川省於新兵之外添練備戰兵一萬名

五

陝甘兩省共添練一萬名湖北河南各添練五
千名酌定營分入伍操演方今戶口殷繁刻下
當農隙之時丁男休暇正應努力從公計一月
召募兩月勤搃咸可共知紀律較之臨時召集
之鄉勇自必派調合宜不致難于約束且賊匪
之所以在在竊發者亦由於苗疆之役川楚等

省營分空虛之故今知現有戰兵之外各省又

六

復添募新兵亦足以隱備其贍如一兩月內匪
黨速清則此種戰兵爲時未久散歸本業亦復
甚易其有情願入伍者更不妨歸入原募新兵
照例准其拔補至操演訓練刻下各省督撫帶
兵遠出卽責成在省司道及留營將備分別派
定會同操練如外營千把等官呼應不靈卽著
落地方州縣一體認真辦理各兵技藝不必拘
定鳥鎗弓箭卽刀矛擊刺之術亦足以制勝軍
中勒限三月挑備齊集數或不敷則總以年力
精壯儘先招募寧可稍爲缺額毋令勉強濫充
於備用似爲有裨均奏入

上命軍機大臣傳諭宜綿額勒登保福寧舒亮穆克
登阿日首逆王三槐等與羅其清等合夥宜綿自

應乘其屯紮未定之時併力兜剿聚而殲擒乃官
兵分路進攻賊匪復竄至通江一帶奔向陝境並
分股逃往巴州似此到處衝突不能設法攔截惟
事尾追毫無籌畫可謂無能之至而轉以曠日持
久兵力疲乏欲請添募新兵是誰之咎且緝務當
倍加愧奮剿盡首逆勿再遲延白巖山一路屯聚
之賊舒亮穆克登阿仍未能直搗賊巢著嚴行申

欽定剿平三省邪匪方略

正編卷五一

飭又夔州府北岸賊匪屯聚張家巖地方經德齡
等攻剿尙未能即時攻克現在侍衛伊里布又已
帶兵趕到著卽併力進攻不可又令他竄所有打
仗陣亡之總兵馬瑀甚爲可惜著照提督例咨部
議卹千總衛學純亦著加等優卹其夔州南岸賊
匪已自奉節竄往利川昨已降旨令景安同愛星
阿帶兵赴剿額勒登保等如已將林之華等擊獲

卽就近移師前往利川尙林之華等經官兵追逼
已與楊秀濠等合夥屯聚一處額勒登保等亦不
可坐待景安到彼著卽馳往利川一帶上緊籌剿
上又命軍機大臣傳諭四川湖廣陝甘河南各督撫
曰宜綿奏現在各路剿捕教匪四川陝甘已調兵
一二萬不等湖北等省更無餘兵可調請於四川
陝甘共添練備戰兵二萬名湖北河南各添練五

欽定剿平三省邪匪方略

正編卷五一

千名分營操演其言似屬近理然摺內稱一月召
募兩月勤操又稱一兩月內匪黨全清此種戰兵
仍可散歸本業殊屬自相矛盾試思招募旣需一
月訓練又復多時然後調至軍營尙有數月之久
宜綿豈竟坐待新兵不思進討乎但四川陝西湖
北交界處所曾經賊匪滋擾而甘肅地處邊陲河
南與陝楚毗連防兵較少自應酌量增添况現在

軍營鄉勇日支鹽糧口食等項與兵丁所費相同而緝以部伍究非紀律之師其有畏縮不前或未便遽治以軍法轉不若挑充入伍既於經費不致虛糜而於軍令亦可整肅且冬一兵丁便少一鄉勇即遊手無藉之徒一經召募入伍可資約束雖訓練亦尚需時而於現在軍營情形及彈壓地方實屬兩有裨益如軍務指日告竣或挑補營額或散令歸農其事尚屬易辦四川省著專交宜綿湖北省著專交勒保汪新陝西省著專交秦承恩柯藩即照宜綿所請之數招募入伍其河南甘肅二省著景安英善體察情形酌量增添景安現赴施南一帶剿賊或未暇兼顧即遵照諭旨飭令該省文武大員妥協經理以期無悞該兵丁入伍後必須實力訓練技藝嫻熟務俾一兵得一兵之用方

聖朝聖訓卷三

九

可期於實效倘將來或有調遣之處不能得力仍致有名無實則惟該督撫是問至勒保已有旨調任湖廣總督其雲貴總督員缺業將鄂輝補授此時湖北地方緊要且現有添兵之事勒保於交印後者即馳驛赴湖北籌辦一切

臣等謹案行軍制勝之道固貴以少擊衆至於山林陡險地廣兵單之會則又不能不多為之備我

皇之於剿辦邪匪之始即因川楚陝等省官兵赴調者多

諭令按照原額酌募十之六七茲復

俞宜綿所請

勅交該督撫分別添備責以訓練之精優以鹽糧之給其後各路防剿兵力不虞缺乏而鄉勇漸

聖朝聖訓卷三

十

歸裁減軍令益形整肅皆由

睿謀炳遠措置得宜也

二十七日癸巳明亮德楞泰奏言賊匪自小深河

敗竄後由麻家渡保豐一帶向西南奔突臣等

沿途獲賊訊知賊人欲攻撲竹谿縣城奔入陝

省十三日已竄至竹谿之水坪地方離縣治三

十餘里而八月初間從竹山竹谿竄入陝境之

《製看龍鳳編卷五》 三

另股賊匪近復自白土關折回竹谿之西小河

口一帶焚掠將欲竄合夾攻縣城查竹谿縣治

係新修土城雖有守兵三百餘名鄉勇千餘名

並無大員彈壓隨飛飭巴圖魯侍衛溫春阿納

保等帶領馬隊兵丁繞道馳赴縣城防護安撫

居民臣等漏夜帶兵由南山後趕進以期與阿

納保等內外夾擊十四日五鼓行至漫液塘該

處東離水坪十五里西距小河口三十里北至

縣城十五里天明集兵臣等從黃龍寨青草坪

分投迎擊適賊匪正由東西兩路分擾前來一

見官兵西路小河口賊匪即折回小關塘一帶

奔逃東路水坪賊匪亦折向秦家坪寬坪一帶

竄走官兵分投剿殺賊匪越澗翻山狂奔亂竄

西路之賊被副都統阿哈保副將扎勒杭阿等

《製看龍鳳編卷五》 三

領兵追至敖家寨截殺百數十人生擒五名餘

衆向關壩一帶疾竄東路之賊被與擊同達音

泰等領兵追至板嶺崗賊匪由鼓兒寺西逸臣

等率鎮臣木騰額等帶兵繞出獨松寺山前橫

衝截擊賊匪拋棄行李騾馱捨命遁逃官兵擊

殺二百餘人生擒十四名奪獲馬騾器械甚多

餘衆逃向店坪一帶查關壩以西係竹谿與陝

西平利交界之地店坪以北係往陝省白河大路兩股賊匪今被官兵分投追剿雖已不能會合亦是牽綴官兵現在滿漢兵丁六千餘名不敷分路追剿竊計關塹一股之賊有提督柯藩在平利八角廟堵截又有秦承恩截留新留之甘肅兵丁及恒瑞帶兵前來足資截剿其北面白河一帶經景安派王文雄帶兵二千名自北

《聖朝實錄卷五

三

兇擊亦可毋虞闖入惟該匪折向連線河北竄或店坪一股賊匪折向七里關大金河西竄則兩股賊匪仍得會合現在竄向店坪之賊尙在彼處屯聚^臣等昨已趕到沈家營相離十餘里即日整隊前進於兩股賊匪前竄必經之路扼要截殺務期以次遞剿至竹谿縣治週圍新築土城頗爲高厚城外有龍堰河廖家河兩道環

術所設兵勇逐加獎賞俱極奮勇向義居民亦已安堵

同日秦承恩奏言查東路賊匪分投奔竄一股竄至平利魏家壩一股竄至汝河初五日魏家壩之賊正在奔竄經溫承惠帶領兵勇趕到截殺後路賊匪數十名賊衆翻山竄逸汝河之賊因探知平利縣城守禦嚴密於初五日早向東南擾至白土路營該處先經^臣派因公革職知縣王行儉帶領鄉勇六百名協同都司趙禧防守該都司等一聞賊至督率兵勇奮力迎擊施放鎗礮擊死賊匪多名賊恃人衆向前直撲並分出兩股抄至兵勇之後趙禧等分投抵禦又各殺斃數十人賊匪四面圍裹趙禧身中刀傷陣亡王行儉大聲罵賊身被矛傷十餘處陣亡

《聖朝實錄卷五

三

兵丁鄉勇亦有傷亡時柯藩帶兵五百名甫經
趕到郡城臣卽將調到督標肅州等營官兵一
千五百名一併父令帶領馳往平利相機剿辦
均奏入

上命軍機大臣傳諭宜綿明亮額勒登保德楞泰惠
齡恒瑞福寧景安英善秦承恩慶成觀成劉君輔
日明亮等所奏擊退分擾竹谿賊匪情形所辨尙

《聖朝勳績錄卷五

五

好但祇係沿途追剿並未獲一賊首而所獲賊匪
亦不過二三百人未爲滿意賊匪東西奔竄忽分
忽合意欲牽綴官兵冀圖他竄明亮等不可墮其
奸計總當併力兜剿一股再辦一股以次肅清至
惠齡等所追之賊尙欲南竄或思與竹谿白河等
處之賊合夥則明亮等更當兩面夾擊迅速蕪功
其竹谿一股賊匪究係何人爲首姚之富齊王氏

在何股內並著查明速奏其在平利縣白土路營
剿賊陣亡之都司趙禧著咨部加等優卹王行儉
以離任文員能帶領兵勇協剿罵賊捐軀尤可嘉
憫著咨部照知州例給予恩卹伊子俟服闋後交
部帶領引見此次用兵以來多有陣亡及病故之
員總因領兵大員不能及早蕪功所致伊等當自
知愧恨迅勉剿捕再近日聞賊匪每至一村莊先

《聖朝勳績錄卷五

五

將年壯平民逼令入夥一遇官兵輒令逼脅入夥
之人當先抗拒賊匪隨後接應若當先者被官兵
剿敗賊匪卽乘間先竄官兵則隨後殺掠報功節
次摺內所稱殺賊無數者大抵皆係逼脅平民而
真正邪教賊匪早已遠颺所以日久未能成功而
新起入夥之賊未必不田官兵驅迫所致於事大
有關係著傳諭帶兵各六員或於剿賊之前遍行

示諭臨陣時再傳朕旨諭以爾等被賊逼脅本係無罪平民村莊已被蹂躪又逼令當先抗拒一遇官軍剿殺爾等先受誅擒而賊匪轉得乘間奔逸爾等與其為賊先驅致遭殲戮何不拋棄兵械投順官軍即得有生路或再能幫助官軍反戈剿賊並可仰邀恩賞庶被賊逼脅者自不肯仍前為賊前驅臨陣時亦必多有解散方可痛殲賊衆至官

聖祖聖訓卷五

毛

軍等臨陣殺賊必須探明此路賊首係屬何人攻其精銳擒獲首逆不可縱賊遠竄任聽兵丁沿途妄殺報功驅民從賊必當嚴束士卒秋毫無犯方無忝將帥之任倘經此次明白開導後仍有前項情弊一經查寔或被叅控伊等不但無功並當重治其罪凜之慎之

臣等謹案制勝之要先在擒渠紀律之師最

嚴濫殺教匪等兇殘已極經官兵圍剿之餘四竄村莊愚民近於死亡致被脅從迨與官兵接仗時逞其狡惡逼令衝鋒首遭殲戮一經擊敗匪徒等又復乘間先逃而被脅之人自後奔竄不免誅夷至官兵等意圖功賞玉石不分亦所時有我

皇上愛民如子明目達聰

聖祖聖訓卷五

天

特諭帶兵大臣諄切曉諭俾小民共知生路而又申明禁令嚴束士卒秋毫無犯洵所謂神武而不殺者夫

同日

上諭內閣曰陝西現在剿捕教匪大兵雲集需用甚多著於部庫內撥銀二百萬兩照例迅速解往以備應用

二十八日^甲汪新奏言查川楚奉節利川賊匪
為數衆多必須乘其初起之時迅速剿辦因思
施南鄉勇素稱驍健當經飭恩施利川二縣
約會川省奉節縣曉諭居民並諄囑恩施令候
補同知尹英圖利川令陳春波四川奉節令周
景福等設法鼓勵共相激勸三縣士民無不踴
躍爭先隨經尹英圖會同外委劉文玉帶領兵
丁率同義總紳士人等挑帶健勇三千餘名分
為五隊九月初三日馳赴奉節李子坳地方時
周景福亦會同千總劉忠魁帶兵三百名並紳
士人等挑帶兵勇三千一百名與之會合商同
分途遊發初四日賊匪竄至利川縣之長堰塘
地方經副將樊繼祖會同陳春波率領兵勇奮
力堵殺殲斃無數餘賊數千由柴嶺包退至樓

欽定剿平三省邪匪方略

正編卷五一

子壩適遇尹英圖周景福等三面兜圍而至賊
匪蜂擁上前抗拒周景福劉忠魁督率兵勇衝
入賊隊尹英圖劉文玉率領兵勇一齊圍攻刀
矛並舉殺死賊匪數百名川省兵勇生擒賊目
謝紹武等十七名楚省兵勇生擒賊目王廷獻
等十六名賊匪抵敵不住捨命突路狂奔兩省
兵勇抄向賊前截住去路復又殺死賊匪一千
餘人沿途丟棄幼孩並旗幟刀鎗火藥牛馬等
項賊匪直奔黃連坪山藏匿深林密箐之中時
值天晚不能窮追各兵勇即於對面張家壩山
駐劄當提獲犯王廷獻等查訊據供為首係邱
大才湯永禮包平利陳大鵬僧海青並該犯王
廷獻謝紹武七人俱偽稱都督丞相僧海青並
造有銅印其餘尚有頭目楊士秀鄒倫蒲在金

欽定剿平三省邪匪方略

正編卷五一

滿在揚州國柱盧元斌姚鳳舞許奉甲許可位
金明揚十人俱稱爲領將等情當卽一併寸磔
隨於初六日早探得賊匪分爲兩股一往後壩
一往葫蘆壩尹英國周景福特領川楚兵勇亦
分兩路追至金銀均兩路賊匪復又合併一處
屯聚觀音洞山係奉節地界四面懸巖僅有小
徑一條賊於要口安放插石抵死抗拒時守備

聖朝聖德

三

陳安信利川縣丞晏廷銓巡檢王霖等各帶利
川兵勇分路追至初七日早三路兵勇齊放鎗
礮向上轟擊打斃守卡賊匪數名餘賊站立不
住棄卡逃上山梁尹英國周景福劉忠魁等督
率兵勇一齊擁上奮力剿殺賊匪慌亂中鎗貫
矛及滾巖身死者約二千餘人生擒一百二十
六名內尹英國等一路擒獲賊首邱大才鄒倫

暨餘賊共三十六名周景福等一路擒獲賊首
陳大鵬賊目楊士秀許可位姚鳳舞並餘賊共
四十二名陳安信晏廷銓督率兵勇擒獲賊目
胡國柱並餘賊共二十七名巡檢王霖率同鄉
勇擒獲賊目滿在金並餘賊共二十一人其餘
各賊俱避匿山洞亦間有爬山越嶺捨命奔逃
者查該處山洞約寬二里洞口窄狹賊匪在內

聖朝聖德

三

堅守兵勇不能進逼當用火彈拋入洞內並於
洞口堆積柴薪放火焚燒其中男婦幼孩被焚
致死者不計其數並查有賊首僧海青賊目滿
在場盧元斌許奉甲金明揚俱被兵勇殺死飭
據現獲各賊及鄉勇人等指認確鑿並於僧海
青屍身上搜獲銅鑄偽印一顆其餘在逃之賊
爲數無幾現在逐處搜捕莫無竄逸再傷亡兵

勇亦有一百餘人另行造冊請卹此次兩省士民鄉勇實爲分外出力臣現咨會宜綿查明分別酌賞職銜以示鼓勵內有功績最著者亦俟會同宜綿飭查明確另行請

旨加恩

同日惠齡奏言臣與富成帶兵追趕賊匪探得

沿江各卡隘俱經秦承恩酌派兵勇嚴密巡防

聖朝肅清疆域

三

並無疎懈迨馳抵小河口地方偵知賊匪現從

山內圖往漢江口岸偷渡臣即與富成抄尋捷

徑於大石川附近適遇後起賊人竄至臣等分

投埋伏俟其將近縱兵掩擊副都統銜六十七

叅將穆克登布馬國銳等分帶馬隊橫衝剿殺

將賊股分截臣等帶兵兩面兜圍殺死賊人三

百餘名餘匪狂奔仍向沿江前竄現在慶成從

水路抄來正思逼至江干合剿旋據探報分竄

之賊復從江岸折回向東南山內逃遁查東南

一帶下達興安上通川境隨酌派兵弁於要隘

處所虛設旌旗使其望而疑懼不敢奔突一面

選帶熟悉道路鄉勇翻越數重大山繞至滾子

嶺適賊匪正在彼搶刦糧食不意官兵驟到即

向原路奔逃我兵直前衝殺殲斃二百餘人生

聖朝肅清疆域

三

擒趙學盛等二十九名訊據供稱此股賊內係

李全爲首因見官兵盡已前追以爲後面無兵

想要折回四川又遇官兵截殺今已逃往興安

一路臣等探得前竄白河一股賊匪現已擾至

平利縣之白土關連線河一帶其明亮等所追

均州之賊亦從竹山漸近洵陽界內均離興安

不遠今李全等又向奔逃是興安郡城最爲著

重雖有恒瑞慶成帶兵馳往第賊有三股俱已
 逼近秦承恩現駐與安帶兵甚少亟應撥兵前
 往策應庶可鎮定人心若臣仍由陸路馳往非
 七八日不能趕到惟從滾子嶺繞至紫陽乘船
 直下兩三日即可抵郡所慮賊情叵測探知官
 兵均已抄截前行仍復折回未免顧彼失此當
 囑當成帶領官兵二千餘名仍由小路前進臣

聖訓卷之三

三

酌帶兵八百名取道紫陽上船前赴與安俟到
 後與秦承恩商定機宜再行具奏

同日觀成劉君輔奏言官兵自奪佔樵風洞後
 賊匪情急率其醜類分踞驕頂山及老木園一
 帶山梁于陡壁巉巖之上添修卡隘十餘座堆
 積木石死守益力初五日四更臣觀成督率協
 領蘇勒芳阿等進攻驕頂山施放鎗礮賊匪悉

眾抵拒臣劉君輔徐昭德即帶領遊擊楊洪新
 把總燕金等直前攻撲燕金受傷一處正在督
 催競上詎老木園山頂之賊前來抵禦堆放擗
 石兵勇受傷頗多且地處險仄難以久立暫為
 撤回現在設法趕緊進攻斷不敢稍留餘孽至
 鎮臣馬瑀在放牛坪山梁與賊接仗受傷落崖
 身故其所帶襄陽鎮關防亦經失落而寶塔青
 莊坪一帶文報不通糧運梗塞又係通老木園
 之路臣等當即派令徐昭德抽帶官兵星速前
 往與德齡會合剿辦所有此次傷亡兵勇查明
 咨部卹賞均奏入

聖訓卷之三

三

上命軍機大臣傳諭宜綿勒保明亮額勒登保德楞
 泰惠齡觀成景安秦承恩汪新曰此次奉節利川
 會合賊匪不下萬餘尹英圖等以知縣千總等官

能率領士民鄉勇迅速剿除可嘉之至尹英國周
景福陳春波均著超賞知府銜有缺酌量奏補干
總劉忠魁著超陞都司外委劉文玉著超陞守備
其分路帶兵之守備陳安信等六人著交汪新查
明如果奮勇出力卽以應陞之缺陞用以示嘉賚
所有紳士鄉勇人等亦著汪新查明擇其尤爲出
力爲首者賞給六品頂戴其餘分外出力者酌賞
七八品頂戴汪新雖在襄陽駐劄但一聞該處匪
徒滋事卽分飭各縣設法剿捕果能卽時蕩事辦
理妥協著賞給金盒大小荷包副將樊繼祖著賞
給裝鉛子魚袋大小荷包其餘在事兵勇著汪新
酌加獎賞陣亡者俱從優賜卹但前據奏奉節賊
匪係楊秀濠湯永禮爲首今據獲犯供內祇有湯
永禮一犯而楊秀濠未經提及該二犯是否卽在

欽定剿平三省邪匪方略

正編卷五一

燒斃殲擒之內尙尙未就獲此外或有逸犯著汪
新轉飭樊繼祖會同該縣等趁此勝勢上緊查拏
毋使漏網至現在奉節利川賊匪既經剿除卽有
一二餘匪樊繼祖等足資搜捕豫楚交界亦關緊
要景安愛星阿竟不必前往施南利川卽於途次
轉回或仍至襄陽一帶以防賊匪折回之路或就
近爲明亮等聲援惟酌量事機緩急而行不可拘
泥又據觀成等奏攻撲老木園焚燬賊卡一摺不
但未得老木園賊巢而於轎頂山緊要賊卡亦未
能攻克實屬無能無耻且所奏馬瑀陣亡一節早
經宜綿等奏到尤屬無謂又惠齡奏帶兵追截賊
匪情形亦經恒瑞等奏到恒瑞慶成已落賊後而
惠齡尙未馳抵興安更在恒瑞慶成之後實人不
是惠齡觀成劉君輔俱著傳旨嚴行申飭朕辦理

欽定剿平三省邪匪方略

正編卷五二

軍務賞罰嚴明此次奉節利川賊匪經知縣千總等立時剿淨卽加等超擢以示優獎豈辦理遲悞之大員等竟聽其遷延貽悞不將伊等加倍治罪乎伊等不可不知愧懼迅勉蕝功勿謂朕恩可以屢邀伊等之罪可以倖免也昨已有旨令勒保馳赴湖廣新任該督到彼楚省軍務自當令其董率辦理宜綿亦本係總統但現在勁兵健馬俱在明

聖朝聖訓卷五

三

亮等一路且姚之富齊王氏尤爲賊首中緊要之犯此時所盼者惟明亮德楞泰二人捷報宜綿勒保雖係川楚總督亦斷不肯掣明亮德楞泰之肘伊二人不得因聞勒保現有到處之信稍存觀望倘不能卽將姚之富齊王氏擊獲而轉被他處賊擒則又將何顏對朕耶明亮德楞泰總當確探二首犯踪跡專心設法擒獲此外四川賊首徐添德

王三槐羅其清冉文儔責戎宜綿巴東賊首林之華覃加耀責成額勒登保等老木圍賊首責成觀成劉君輔其竄至安康賊首李全責成惠齡恒瑞慶成彼此各辦各賊原不相統率不拘何路擒獲賊首卽屬該處帶兵大員之功何路任賊首縱逸卽係該處帶兵大員之罪如此分剿各顧功罪自易爲力明亮德楞泰更不必分心他處爲要

聖朝聖訓卷五

四

上諭內閣曰此次川省奉節賊匪竄入楚北利川境內經汪新派令副將樊繼祖統兵堵剿並令恩施利川二知縣約會川省奉節令曉諭居民同心併力會合奮剿旋經各該縣尹英圖陳春波周景福會同千總外委等共相激勸督率三縣士民殺死賊匪一千數百餘名生擒賊目四十餘名又因賊分兩股奔竄兵勇亦分兩路追剿復殺賊二千餘

名生擒二百二十餘名所辦實屬可嘉除汪新等
已另加優賞外該省錢糧前已有旨普行寬免此
次恩施利川二縣及川省奉節縣鄉勇士民均能
齊心奮勇同深敵愾著加恩將該二縣應征錢糧
再行蠲免一年以示獎義推恩至意

欽定剿平三省邪匪方略

正編卷五十一

欽定剿平三省邪匪方略正編卷五十一 丁巳年

十月初一日 丙申 額勒登保福寧奏言查林之華

覃加耀等由高粱寨向三里城一路奔逃 臣等

當即分帶巴圖魯侍衛將領等趕剿沿途多有

斬戮賊匪翻山逃遁竄至清灘坪時已四鼓官

兵不能前進詢問道路由白沙坪八字岩一路

抄截賊匪尙藏匿深溝該處路徑叢雜賊從高

店子一路逃竄可直至巴東縣治若從黃木壩

一路而去則可至建始縣治 臣額勒登保帶兵

即由黃木壩一路兜剿 臣福寧帶兵由巴東過

紫荊河截剿正在分兵接據施南協副將樊繼

祖知府法克晉等稟報四川奉節縣蝦蟆口九

江河等處有匪徒聚集入利川縣境燒搶又據

利川縣陳春波稟報該縣東三堡地方亦有教

匪欲赴奉節縣黑山槽約會搶奪縣城查利川縣近接施南該處兵勇不敷防剿此間教匪雖相距施南尚二百餘里然亦不可不預為斷截遂商令總兵慶溥叅將許文謨等隨帶兵勇千餘名於崔家壩取道馳往施南府一帶剿辦倘該處賊匪已盡卽令躡探林之華等賊蹤前來合剿臣額勒登保於九月十三日至黃木壩該處賊匪滾放插石抵死抗拒我兵用礮對山轟擊斃賊多人又分令綸布春富森布富蘭格布舍等帶兵於離黃木壩十餘里之張義坡銅盆嶺一帶進擊賊匪亡命四竄臣額勒登保督兵晝夜趕殺十六日由紅岩子抄至建始縣之簡家灣等處已在賊匪之前斷其去路賊匪又向建始毗連之四川巫山縣地方奔竄臣一面留

兵於建始縣之左近要隘二道水洞木溪等處防禦一面帶同豐紳薩克坦布等由雞公嶺一路進擊十九日適遇賊匪奔竄銅鼓包我兵奮力追擊斃賊三百餘人暫於湯家灣駐劄臣福寧由巴東過河十四日在高店子地方追及賊匪剿殺一百餘人賊匪於十五日已向廖建槽一帶竄入巫山縣境內嚴飭將領等盡力追趕十六十七八等日在抱龍河一帶節節打仗十九日追至銅鼓包是晚與臣額勒登保會合成德現在巴東之召堡野桑河地方防範後路此次生擒賊匪鄭三級等三十五犯並擊獲林之華之妻林謝氏女么兒訊據鄭三級等僉供林之華覃加耀登經官兵剿殺因建始巫山兩縣地方向俱有習教之人意欲沿途勾結一路亦

有跟同入夥之人並未聽見一定去向又據林
謝氏供係林之華之妻生有二子長林恒德次
林恒聰現隨林之華女麼兒九歲至丈夫如何
造反實不知道當將該犯等分別凌遲正法連
日打仗遊擊馬天奇陣亡護軍叅領格布舍帶
有鎗傷弁兵均有傷亡容另查明咨部

同日景安奏言臣前將察哈爾頭起馬匹放給

《聖朝聖訓彙編卷五

四

索倫官兵五百名先經烏爾圖那遜帶領起程
連日二三四五各起馬匹陸續到襄隨卽分給
索倫官兵一千五百名沿途更換乘騎業於二
十三四等日圖桑阿等帶領起程臣亦卽與愛
星阿帶領綠營官兵於二十五日起程前往協
同明亮德楞泰剿辦再查直隸山西山東河南
綠營官兵除先遣隨同賽沖阿前往明亮德楞

泰軍營一千名又王文雄帶領二千名前往陝
豫交界由北截剿外留防漢江山西兵五百名
李奉翰帶來河標兵五百名張又奇原帶河南
兵一千餘名共二千餘名足資分防江岸臣復
留湖南河南官兵共一千名分撥襄陽防守尙
有綠營官兵三千餘名臣等帶領前往相機協
剿又此次承辦各員其中分外出力者如臬司

《聖朝聖訓彙編卷五

五

陳文緯自上年春間卽隨臣前來南陽邊境一
帶堵禦並趕辦軍需事事均往不辭勞瘁同知
王如金承辦省城軍需局務踴躍急公周到妥
速此次兵馬過境該員等於南北各路及黃河
渡口往來照料毫無貽誤再臣防守襄郡選派
文武幹員帶領兵勇均能奮勉無懈知府林樹
芳同知噶爾炳阿都司蘇大雄晝夜往來尤爲

出力均奏入

上命軍機大臣傳諭額勒登保福寧曰額勒登保等所奏祇係分路剿賊情形雖將林之華妻女擊獲亦屬無關緊要而賊首仍未擒獲一人又竄至巫山地方殊不滿意但林之華等已不能顧及妻女捨命奔逃是其勢實已窮蹙有何難辦而額勒登保等遷延日久惟恃尾追實為無能無恥况此股

聖祖高皇帝編卷

六

賊匪前竄巴東此次被追緊急並不就近竄往奉節利川恩施一帶可見該三縣賊匪經知縣千總等剿除淨盡林之華等早經得信而額勒登保等尙派總兵慶溥等帶兵前赴施南徒勞跋涉豈竟無偵探耳目乃懵然無知若此額勒登保福寧既屢經遲悞若再遷延致賊匪復在川省地方勾結滋擾其罪恐不能復邀寬貸也至慶溥既赴施南

聞知彼處賊匪已經剿盡自必轉回更可迎頭堵截其打仗陣亡之遊擊馬天奇著咨部加等優卹上諭內閣曰陳文緯林樹芳王如金或辦理軍需或防堵江岸俱屬奮勉均著加恩賞戴花翎噶爾炳阿著賞給知府頂戴蘇大雄著賞給遊擊頂戴以示鼓勵

初四日已亥惠齡奏承恩奏言據差弁探報白河

聖祖高皇帝編卷

七

竄入平利之賊經柯藩帶兵追至八角廟多有殺獲其由石泉逃往磚坪之賊已向東南竄至苦竹關與柯藩所追之賊相去不遠明亮德楞泰所追均州賊匪由竹山秦家坪竄入洵陽之銅錢關神河口一帶勢甚剽疾雖經恒瑞慶成等帶兵由張家灘取道迎擊惟慮賊情狡獪或聞官兵迎往竟從神河口翻越山梁向西竄擾

卽與郡城南山甚近適臣惠齡於十七日乘船趕至隨將原帶兵八百名及臣秦承恩原有留守兵六百餘名並恒瑞留交西安滿兵五百名分爲三股臣惠齡帶兵七百名在城南之石廟河駐紮以禦平利磚坪逃竄之賊臣秦承恩帶兵五百名在城東之金堂寺地方駐紮以禦明亮等追剿之賊並兼顧沿江一帶餘兵七百餘名留於新舊兩城交道員溫承惠候補知府趙洵帶領督同鄉勇人等晝夜在城防守並派候補知州龍萬育將聽差船隻盡行押泊北岸旋據探報賊匪果出神河口翻山西向二十日竄至安康之四溝壩經守卡鄉勇奮力抵禦擊殺百餘名賊匪竄至爛泥灣一帶滋擾因聞官兵將至卽分兩股一向平利南竄一向西來緊逼

聖朝編年

八

郡城遙見臣等紮營在彼公然蜂擁撲犯臣惠齡當令馬隊官兵直前衝擊一面帶領步隊繼進殺賊二百餘人時臣秦承恩聞報亦從東南小路抄繞前來並多佈旌旗于山林叢密之間賊匪望見始且懼奔逃我兵乘勢追趕抄截餘賊奔過對面大山向平利界上奔逸與南竄之賊會合臣等因官兵究屬無多仍回原營紮住探知各股賊匪先後均向白沙河一帶逃遁恒瑞慶成正從東北一路追剿自可迎頭截擊其西南一路又有潘帶兵在彼並聞明亮德楞泰等已至洵陽之七里關卽日亦可由東路截來正可痛加殲剿查富成現從漢江南岸山內截剿前來辰下已過磚坪一俟該鎮到時臣惠齡卽行帶領由西北一路兜擊再頃據防守漢

聖朝編年

九

江之閭河口遊擊葉炳餘報稱十八日有賊百餘人在南岸水淺處欲行偷渡該遊擊即率兵勇隔岸施放鎗礮賊始退回該遊擊渡江追往殺賊四十餘名生擒楊世林等二名審係賊首遣令前來測探水勢以便乘隙偷渡臣秦承恩已飛飭沿江各口岸加意防守

同日宜綿奏言賊匪前由通江一路情急竄逃臣本圖北出竹峪關入陝經朱射斗等帶兵截殺並富爾賽百祥等縱兵合擊匪眾即折竄巴州所屬之南背山據險屯紮我兵正在躡蹤掩剿詎賊匪即分從元山場小路翻山焚燒處下連江口為糧臺重地先經臣派令都司張東林

洪君得帶領官兵會同糧員余廷勳募勇拏卡扼險堵截十二日賊匪分撲江口附近之孤山

坪龍潭溪兩處營卡張東林余廷勳等率同兵勇截殺三百餘名賊即敗逃復由蘭草渡直撲上木寨卡隘該處義首牟文虎等帶勇迎擊斃賊數十人匪眾沿河竄至張家壩楊空子蟬翅埡分屯散聚均與南背山互相聯絡並分遣黨與四出探聽官兵信息經各路營卡拏獲奸細楊泳發等二十三名訊據供稱該首逆現要分眾攻搶巴州看何路兵少即從何路行走臣隨飛飭富爾賽等督兵星夜馳赴巴州並令知州劉清等帶領熟識路徑之鄉勇從間道繼進十五日辰刻富爾賽等繞出賊前暫劄大羅觀劉清等所帶鄉勇行抵芝頂山當有賊匪三四千人蜂擁而至直撲營盤各鄉勇等佔住山梁奮力下壓賊眾往來迎拒維時富爾賽朱射斗百

聖朝實錄卷五

十一

聖朝實錄卷五

十一

祥等督率將備分爲三路夾攻賊衆慌亂思竄
我兵奮勇剿殺殲戮七百餘人生擒八十六名
匪衆折竄青杠渡屯紮其南背山賊匪正在下
山接應因見前路賊匪已經敗退仍卽奔上山
梁訊據獲賊魏文舉等供稱現竄青杠渡賊匪
係王三槐徐添德等約計七八千人其南背山
張家壩等處屯紮賊匪係羅其清冉文儔等男
婦大小共約一萬五六千人當將該犯等正法
梟示查南背山青杠渡距巴州城俱止數十里
南面一路通達州渠縣臣現飭令富爾賽等卽
於青杠渡附近趕緊進發並飛飭接壤之儀隴
渠縣各地方官率勇防堵臣卽率同索費英阿
等移駐南背山附近之白沙場地方星夜布置
與富爾賽等兩面夾擊再奉節南岸金子壩李

欽定剿平三省邪匪方略

正編卷五二

子坳等處賊匪竄至利川之南坪汪家營一帶
屯紮先經飭令該地方官添募鄉勇協同堵剿
嗣又派令署守備劉忠魁帶領官兵三百名馳
往會剿茲據署奉節令周景福會同湖北恩施
令候補同知尹英圖稟稱九月初三日該縣等
與劉忠魁在李子坳會合初四日探得賊匪由
南坪汪家營擾至利川縣長堰塘一帶焚掠被
該卡官兵擊退復折向奉節境內滋擾又有九
江河蝦蟆口新起賊匪千餘人接應闖至紫嶺
包地方初五日該員等督率兵勇剿殺三百餘
名匪衆紛紛潰逃該員等追至大金壩又斃賊
四五百人搶獲旗幟鎗刀牛馬無數餘匪奔上
黃連坪該員等率領兵勇卽於對山張家壩暫
紮初六日卯刻探得賊分兩股一往後槽一往

欽定剿平三省邪匪方略

正編卷五二

葫蘆坪該員等亦分兩路追剿逼至金銀坳地方兩路賊匪復又會合屯紮觀音洞我兵亦即於咸池地方駐紮初七日該員等各帶兵勇從左右山梁繞道進攻極力撲剿殲擒甚多餘匪奔避入洞並有覓路逋逃者適施南協守備陳安信巡檢晏廷銓等帶領兵勇由長堰塘一路追剿利川縣巡檢王霖帶領鄉勇由伍家壩一

聖朝聖編卷五

古

路截擊同時並至於洞口用火焚燒其潰逃餘匪截殺殆盡內有賊首湯允禮中鎗身死僧人海青包平利亦經殺斃俱各割取首級梟示生擒王廷獻等一百餘名均經正法連日打仗陣亡官兵三名鄉勇陣亡四十二名奉節南岸賊匪全數剿滅

同日汪新奏言賊匪由川省巫山竄入楚境分

股滋擾經官兵抄襲斃擒旋由宜昌荆門安陸襄陽鄖陽一帶遁赴陝省邊界賊氛所經共十入州縣此內保康房縣竹山竹谿四縣上年被擾最重難民甫就安居又復猝被焚掠拮据情形較上年為甚鍾祥宜城襄陽穀城等四縣上年被賊俱在襄河北岸此次又將南岸完善之區復行蹂躪其興山遠安南漳三縣各鄉村落

聖朝聖編卷五

圭

多被焚掠情形較重荆門巴東歸州東湖當陽均州鄖縣七屬僅止擾及邊境臣於賊匪擾及各境時即飛飭地方官於難民中擇其年力強壯者挑充鄉勇人夫藉資駕馭其餘老弱婦女概行搭棚收養加意安撫數月以來俱屬安分寧帖實無流離失所去而從賊之人此時賊氛已遠正當播種麥田臣已飭令各屬勸諭難民

悉歸本處村庄其有避往隣境者亦令所在地
方官咨送回籍並將遠賊處所原設鄉勇酌量
裁撤歸農一面撥發銀米派委委員分往被擾
各屬協同地方官清查難民丁口及被焚房間
隨即給發三月口糧並予房屋修費俾令趕緊
復業免致有悞春耕仍責成道府藩司層層稽
考臣亦隨時密察親往抽查總期無濫無遺民
沾實惠再長陽賊匪前由芭葉山竄往施南旋
復折回白魚寨近日又由帽子山竄往巴東縣
往還幾及千里所經之建始恩施長樂長陽歸
州巴東等屬均有蹂躪之處而利川一縣亦曾
被川匪擾及臣現飭令一體查辦加意安撫
同日明亮德楞泰奏言店坪一股竄匪圍官兵
緊躡其後無處屯紮即行前遁臣明亮同興肇

欽定剿平三省邪匪方略

正編卷五二

等由西面前進臣德楞泰率侍衛溫春等由東
面前進追至銅錢關地方適賊匪已將鄉勇卡
座衝開其前隊之賊竄越陝境七里營一帶後
隊之賊尙在該處焚掠臣等飭兵並進賊匪立
即狂奔當令巴圖魯侍衛等飛騎由山後溝內
抄上前面山堙攔截官兵由東西兩面山梁壓
下剿殺將留後賊人二百數十名截住該匪猶
捨命衝突官兵痛加圍剿殲戮無遺將被焚房
屋趕緊撲滅其前進之賊由七里關火金河向
洵陽境內疾竄臣等當即率兵追殺該匪於山
溝內曲折肆竄並干東西四山焚燒多至一二
十處意將牽制官兵不能定其所向臣等詢明
路徑專向賊人去路追擊其不通大路處所令
一二弁兵分帶鄉勇前往剿捕臣等追至董家

欽定剿平三省邪匪方略

正編卷五二

營大張溝賊匪復由洵陽邊界西竄將擾及興安聞惠齡恒瑞慶成等自西鄉紫陽一路兜剿正期兩面夾擊詎官兵行至四股坪此股賊匪已經恒瑞慶成等擊退翻山折竄平利臣等一面派侍衛溫春阿納保達爾精阿等帶兵四百名繞道抄赴平利縣城防護一面率兵取道高望廟星夜追剿二十二日該侍衛等馳抵縣城賊匪又竄至城外四關焚掠該侍衛等會同在城防守之佐領七十六督率兵勇排列鎗礮轟擊擊斃數十人賊匪稍退西刻復又結隊前來大肆焚劫搶近城臣溫春等正在奮擊臣等趕至由後進攻賊始敗竄計斃賊三百餘人餘賊向西南逃遁時已夜深當在木瓜山停息片時一面將縣城內外人民招集安撫臣亦即探明

聖朝聖德編卷三

九

所向漏夜追擊不與以暇查此股賊匪大半籍隸襄樊屢思竄回舊地今臣等一路追剿又有賽冲阿所帶吉林兵丁及景安所帶後起各兵自均州鄖陽一路前來該匪斷不能折回東竄楚境業已肅清獲賊方為章等十三名俱係從賊打仗放火之賊訊明後當即正法連日打仗傷亡兵丁另行查明咨部再查興安郡城為漢江上下游總匯人民蕃庶江岸綿亘渡口亦多雖有秦承恩在郡彈壓兵力無多署鎮田有成亦祇帶兵四百名當此數股賊匪奔竄無定之時不可不留大員帶兵守禦柯藩係固原提督與郡是其所轄臣等擬令原帶兵一千五百名在興郡防護以鎮民心其自紫陽以至興安沿江口岸俱責成該提臣同署鎮田有成督率兵

聖朝聖德編卷三

九

勇往來巡查嚴密防堵

明亮德楞泰又奏言臣等追剿敗竄賊匪自楚

入陝經過被擾村庄有房屋為賊焚燬者有蓋

藏一切為賊搜劫無遺者有男婦人口為賊擄

脅前去者情形殊堪矜憫此時已經被擾之處

急須安頓撫卹未經被擾之處急須布置堵剿

使賊匪無從劫掠查各州縣在城之民城池足

製署刑部彙編卷三

三

為保障至村庄市鎮本屬散處僅恃一二隘口

鄉勇防護或相離較遠猝然遇警不及應援或

山路分歧有一二處設堵未遍賊已闖入年餘

以來百姓往往一間賊至倉惶躲避糧食衣物

即為賊有其躲避稍後者該匪既劫其物并擄

其人甚至備衛之火藥器械反以濟賊而該匪

每到一處有房屋以供棲止有衣食以濟饑寒

有勾結逼脅之人為之引道路而供負載以是

屢經剿殺而夥黨不加少為今之計欲籌卹難

民而困賊匪莫若飭附近有賊地方州縣于大

市鎮處所勸民修築土堡環以深寬壕溝其餘

散處村落酌量戶口多寡以一堡集居民三四

萬為率因地之宜就民之便或十餘村聯為一

堡或數十村聯為一堡更有山村寫遠不能合

製署刑部彙編卷三

三

併作堡者即移入附近堡內所有糧食牛豕什

物一併收入被難民人即於其中安置搭蓋草

棚賊近則令各戶壯丁日夜更番守禦賊遠則

仍不禁其出入俾得無悞耕作該壯丁各保身

家巡防自必奮勇壯丁不足更於難民中擇其

驍健者充當鄉勇酌給口糧即以代賑每堡派

文武委員二三人紳士耆老七八人為之董率

彈壓如此防範未被難之戶得有捍禦已被難之民得謀食息且收養堡內之人戶口有稽不特可免流離抑且賑無冒濫又其中有一二小人曾經入教首鼠兩端者亦皆有所拘束不致附和勾結設賊匪竄至溝壘森嚴難以衝突矧各堡以逸待勞併力抵剿賊匪處處受敵而人民不為逼擄糧食牲畜不為搶奪火藥器械不

聖朝聖訓卷三

三

為掠取該匪將必饑餓窮蹙料難仍前肆竄加以勁兵雲集併力兜擒定能按股殲除臣等前在襄陽該處紳士梁有毅等亦築堡防堵賊匪屢次攻撲不能進擾實有明驗是以現在飭令湖北之鄖陽房縣竹山竹谿陝西之興安白河洵陽平利安康石泉等處一律相地修築並移咨汪新秦承恩選派委員上緊妥辦此外或有

須籌防修築之處亦囑該撫臣暨地方官隨時酌量情形一體辦理至於川省之川東一帶每多險峻山寨祇須令有賊處所居民移住山寨一如守堡之法共相保護其大村鎮市不便挪移者則令仿照築堡似於禦賊安民之道均有裨益再臣等剿賊至竹山竹谿境內秉公確查除卡首杜正甫等均經蒙

聖朝聖訓卷三

三

恩賞給頂戴外其在籍原任道庫大使魏廷佐於上年賊匪滋事以來團集鄉勇親率子弟奮勇禦賊胞弟舉人魏一輪因保守縣治殺賊陣亡實為首先出力之員魏一輪之子監生魏正植為父復仇充當卡首實力急公又查房縣卡首生員林家福率領鄉勇剿賊首先衝入賊隊將執旗賊匪馬勒揪住諭以大義數罪責罵被賊戕

害其子增生林姓身克承父志至今率眾保護
 地方實屬勇往向義又房縣廩生汪有彥自上
 年至今捐糧集勇防護房縣西鄉一帶賊匪屢
 次撲犯該處卡座不能衝越蹂躪實緣該廩生
 督率有方始終不懈臣等沿途採訪無不衆心
 稱服伏乞
 皇上加恩獎勵

聖祖聖訓卷五十一

同日恒瑞慶成奏言探聞柯藩剿辦一股竄匪
 現向平利西南奔竄惠齡追剿渡江南岸賊匪
 已過磚坪係在興安之南相離尚遠明亮德楞
 泰所剿自楚竄回後起之賊現入洵陽地方向
 閭河口江邊奔竄意圖乘間偷渡臣等帶兵卽
 自牛蹄山馳赴閭河口途次探知賊匪已至江
 邊因北岸一帶秦承恩派有兵勇堵截未敢偷

欽定剿平三省邪匪方略 正編卷五十一

渡一聞官兵抄擊卽轉向南竄臣等卽於家
 難扼要紮營先派巴圖魯侍衛江鼎副將丁有
 成等各帶馬步弁兵間道馳擊併飛差密探與
 郡迤南賊匪折回之路以便迎頭截剿二十一
 日該侍衛將備等帶兵趕至洵陽所屬石香爐
 地方追及賊之後隊截殺多人生擒三十三名
 是夜據差探弁兵回稱竄匪現自洵陽地方折

聖祖聖訓卷五十一

回西南一路焚掠距興郡僅數十里並接秦承
 恩飛札知會速卽截剿此股擾近郡城之賊臣
 等卽督兵仍由牛蹄嶺一路繞出賊前將至狗
 脊關見前途烟焰正熾臣等帶領馬步隊分爲
 兩起互相接應衝冒直前賊眾瞥見官兵分數
 股搖旗放鎗前來抗拒兩傍山上尙有無數男
 婦老幼吶喊滾石助勢官兵施放連環鎗礮迎

四六七

擊繼以刀砍矛戳斃賊數百名賊眾敗退官兵併力掩殺至馬鞍舖山梁又有後來賊匪接應賊復折回抵禦山上男婦亦撲下圍裹而來我兵地處險仄向上仰攻自已至未勇氣倍常擊斃執旗賊目五人射中騎馬催陣賊目三人又殺賊數百名^臣等親率弁兵乘勢一擁搶上山梁賊眾向下敗逃遙見蔣家坪一帶俱係賊營尚不甚遠^臣等督令官兵在山梁稍歇加以鼓勵卽乘勝整隊前進賊匪初猶放鎗支持將備弁兵不避矢石奮勇衝入所向披靡賊眾潰散紛紛逃往西南深山密箐當卽奪獲賊營九處騾馬牛驢帳房包裹等物無算統計此次殲賊二千數百人生擒二百餘名除將附近被災從賊未久之人交秦承恩審明分別辦理餘俱凌

遲梟示牲畜衣服分賞出力弁兵並查明陣亡受傷官兵另行報部現在洵陽地方已就肅清各股竄匪俱在興安迤南深山分股竄逸^臣等乘勝督兵前進相機截剿仍卽隨時酌量緩急情形與明亮德楞額泰惠齡柯藩等不拘何路較近合力剿辦再^臣慶成所帶二等侍衛祥金保三等侍衛哲克霸州營遊擊達崇阿等三員係先後因病留於附近州縣調治已逾數月屢經飭催旋據各地方官稟報該員等早已病愈起程迄今尙未到營明係自知逗遛多日或藉辭道路梗塞或潛赴別路營盤希圖規避均未可定祥金保等俱係年力強壯打仗得力之員^臣已行文各路查催俟來營之日應請先行革去翎頂仍令在軍前打仗以觀後效果能始終奮

勇再行奏懇

天恩准其開復原缺倘不知奮勉自贖卽行叅奏治

罪均奏入

上命軍機大臣傳諭宜綿明亮德楞泰惠齡恒瑞秦

承恩曰惠齡秦承恩奏截剿賊匪保護興安郡城

所辦尙合機宜現在楚省竹谿及陝省興安兩路

三股賊匪俱已竄至平利地方恒瑞慶成正從東

聖朝聖鑒編卷三

天

北迫剿可以迎頭截擊柯藩在西南一帶而明亮

德楞泰已至洵陽七里關由東面會剿其西北一

帶地方又有惠齡在彼堵剿惠齡帶兵雖覺稍單

而富成從漢江南岸截剿竄匪已過磚坪卽可與

惠齡同由西北前進兜擊四路俱有官兵賊匪又

竄聚一處實屬極好機會現在吉林黑龍江官兵

及察哈爾馬匹自已陸續到齊正當四面合擊

首逆悉數生擒明亮德楞泰務須倍加奮勉

布置惠齡恒瑞秦承恩慶成柯藩富成等均當同

心協力會合兜圍剿辦奏績秦承恩前因失察賊

匪偷渡回護屬員獲咎今在興安一帶督率兵勇

堵剿尙屬出力著加賞還翎頂以示功罪不相

掩之意又宜綿秦分路截剿竄匪情形所辦亦均

合宜務須乘此勝勢鼓勵將士速擒賊首至明亮

聖朝聖鑒編卷三

天

等奏令川陝楚三省州縣相地設堡一招所見非

是勸民修築土堡收卹難民兼可杜賊竄掠迫脅

閱之非不近理且以事勢而論實爲迂緩難行地

方屢被賊匪蹂躪卽欲築堡保護亦屬無及若賊

匪已離之處流離難民方且安撫之不暇豈可復

興此役致勞民力且滋驚擾卽如湖北襄陽等處

現據汪新奏被難民人紛紛復業搭棚收養給予

口糧是難民甫免流離正當招徠安集俾得各安
生業設又令興築土堡團守則民人既被賊擾於
前又苦官迫於後欲息民而轉以勞民有是理乎
總之明亮等能將賊首擒獲肅清餘黨不但民心
鎮定可以復業如常卽心懷反側之徒亦不敢妄
行滋事又何庸設堡守護否則賊過地方如均州
洵陽白河等處均有城垣尙不能禁賊滋擾豈設
立土堡卽能捍衛抵禦耶明亮等卽欲辦理亦早
應籌及直至此時具奏已失之遲緩况此等事宜
本係地方官之責或秦承恩汪新等尙可籌辦及
此明亮德楞泰係統兵大員惟當以殺賊擒渠爲
事今乃舍其急而圖其緩於軍務未免分心且當
剿捕喫緊之時轉防賊匪竄回豈欲爲異日藉口
之地耶明亮德楞泰著傳旨嚴行申飭

上諭內閣曰恒瑞等奏慶成所帶侍衛祥金保哲克
遊擊達崇阿先後因病留於附近州縣調治已逾
數月尙未到營現在行文查催等語現當用兵之
際惟在紀律嚴明俾將士等知所凜遵人思致果
始能迅速奏功近來各路軍營俱因紀律不嚴以
致帶兵之員不能奮勇殺賊遷延日久祥金保等
先因患病留於地方調治一經痊愈卽應迅赴軍
營乃復逗遛多日飭催未到明係藉詞耽延不可
不嚴行懲治此時軍營帶兵之巴圖魯侍衛營員
等甚多亦無需此數人在彼効力著秦承恩汪新
飭查祥金保哲克達崇阿行至何處卽傳旨革職
拏問派委委員解交刑部治罪庶使帶兵各員共
知儆惕以肅軍紀而飭戎行

上又諭內閣曰明亮等奏原任道庫大使魏廷佐等

或團集鄉勇親率子弟奮勇禦賊或充當卡首或捐糧集勇防護地方均屬奮勇出力魏廷佐著加恩以縣丞府經歷陞用監生魏正植著賞給八品職銜生員林牲身著以縣丞府經歷選用廩生汪有彥著以教職選用以示鼓勵

初六日辛丑額勒登保福寧奏言臣等剿賊至銅

鼓包查巫山縣治在大江北岸銅鼓包離江之

《聖朝聖編卷三》

三

南岸尚有五六十里賊匪無船斷難過渡但該處一帶習教人多先經夔州府知府張至幹建始縣知縣趙源生等節次稟稱各該縣交界之大山頂九臺山廟耳壇棉花壩沈溪屯均有匪徒勾結起事有已經拏獲懲治者有未露形跡者林之華覃加耀等倘到彼勾連甚或過江與各路教匪攢集則辦理更覺費手是以臣等商

同厚集兵力於二十一日三鼓帶領巴圖魯侍衛鎮將等由湯家灣抄出銅鼓包之前盡力攻擊天甫黎明我兵搶上山梁賊匪放鎗擲石抵

死抗拒官兵橫衝直擊斬戮男婦三百餘人賊

匪亡命奔竄臣等連夜追趕賊逃至平壘壩該

處人戶稠密二十二日早間見四面火起因將

兇獲之賊譚之義張世華訊問據供平壘壩及

《聖朝聖編卷三》

三

附近之廟耳壇均有教匪定係聞林之華等到來接應臣等隨即整兵分投擊殺一日之久計殺一千餘人各賊從廟耳壇竄上天鵝池左近之老壩山屯聚臣等於二十三日五鼓發兵由鐵廠十字坪手爬岩一帶追剿賊又從二道水黃連溝逃竄二十四日臣額勒登保帶同綸布春等於陽坡之磴岩一路進兵臣福寧帶同關

騰等於斷山口茅田一路進兵均於午後趕至雪崖頂賊匪正在頂上搶掠居民我兵奮勇攻擊殺賊甚多生擒二百餘名認非首逆當即砍死內有鄧伯春李智祝明科三犯接仗時均手執白旗騎馬往來似係賊目訊據供稱林之華覃加耀本日均在雪崖頂林之華見官兵上頂即行先逃我等係總先鋒與覃加耀在後官兵

《聖朝勳績編卷三》

三

來至頂上我等搥旗叫喊因被擊獲覃加耀又不知逃往何處當將該犯等凌遲處死查雪崖頂係建始所屬道路叢雜距縣治七十里且接據施南府知府法克音稟報利川縣新起匪徒已經該處兵勇撲滅_臣等前令慶溥帶領兵勇一千餘名馳往施南該鎮知利川無須兵力已由施南折回建始當飭該鎮酌留兵勇在縣

治防範外其餘仍令帶領即探聽賊蹤前來合

剿

同日景安奏言_臣於新店集途次欽奉

諭旨令同愛星阿速赴施南利川一帶督辦_臣當即

取路前往茲於二十九日接汪新咨會該處賊

匪全行撲滅_臣自無庸再行前往現擬仍與愛

星阿帶領直隸等省綠營官兵三千餘名往鄖

《聖朝勳績編卷三》

三

陽一帶就近確探明亮德楞泰並王文雄等各路情形何處緊要即帶兵馳往策應奏入

上命軍機大臣傳諭額勒登保福寧景安曰此次額

勒登保等由銅鼓包一帶截殺賊匪僅殲斃無關

緊要餘匪一千餘名殊不滿意其所稱上緊剿賊

之語仍屬空言無補現在賊首林之華覃加耀又

折回建始地方在雪崖頂一帶屯聚該處與黃梢

山等處相近前經賊匪蹂躪之處各村庄均被焚燬無從掠食且賊匪探知奉節利川恩施賊匪已被該處官兵剿盡無可勾結是以仍回建始不過爲苟延殘喘之計額勒登保等豈尙不能兜剿仍前尾追耶著卽上緊截剿速擒首逆尙可稍贖前罪若似此窮蹙竄回之賊復令由建始他逸或未

欽定剿平三省邪匪方略

正編卷五二

經被賊地方又致竄往掠食則額勒登保福寧獲罪更大勉之慎之至賊首林之華等不能復向奉節恩施一帶勾結全係各該縣尹英圖周景福陳春波等剿淨該處賊匪之功前已降旨超賞知府職銜著再傳諭宜綿勒保遇有四川湖廣知府缺出先儘該三員陞補以示優獎至恩施利川等縣賊匪業經全行撲滅竹谿賊匪已由洵陽竄至興安平利地方明亮等業已帶兵追剿此時吉林黑

龍江官兵及直隸山西各兵俱已前赴明亮等營兵威壯盛景安毋庸前往協剿著卽於所帶綠營官兵三千名內將二千名交與愛星阿帶領前赴明亮等一路策應湖北襄陽地方現有汪新在彼防守足資彈壓景安酌帶兵一千名回至楚豫交界一帶往來防堵景安係本省巡撫呼應更靈倘平利賊匪或因明亮等四面截剿緊急仍行竄回愛星阿正可迎頭截殺更爲有益

欽定剿平三省邪匪方略

正編卷五二

欽定剿平三省邪匪方略正編卷五十三 丁巳年

十月初八日癸卯宜綿奏言查方山坪竄匪自與

王三槐等合夥分屯散處勢較鴟張九月十四

五等日竄至青杠渡一帶巴州左近數十里內

道路梗塞總兵百祥等督兵立進於十八日抵

右埡口該處對面之馮家山地方先有賊匪佔

據我兵分投攻擊相持兩三時之久殲斃二百

《聖朝聖紀卷五十三》

一

餘人適值大雨如注賊匪潛遁次日辰刻霧雨

未止百祥等復冒雨進發抵石笋塘其附近之

排埡口為巴州往來要路亦有大夥賊匪屯紮

百祥朱射斗富爾賽等帶兵甫到賊匪即力撲

富爾賽營盤衝突七八次旋又直撲朱射斗營

盤朱射斗督率將備併力下壓賊匪愈聚愈多

該鎮等互相衝擊斃賊三四百人我兵亦間有

傷損暫撤至尖山坪駐劄維時哨探賊匪前隊

已至巴州南面沿河屯聚當經臣飛飭叅將王

清弼等帶領官兵知州劉清知縣呂朝恩等帶

領鄉勇繞道赴援進抵龍城寨地方均被賊匪

攔截十九日賊匪擁眾踴水過河巴州知州常

發祥叅將增順等即於沿河集眾堵禦鎗礮並

發斃賊無數賊匪並不退避常發祥等因賊勢

《聖朝聖紀卷五十三》

二

洶湧退保州治但巴州並無城垣僅有土牆一

道該州又於牆外添紮木柵督率鄉勇守禦一

晝夜土牆被賊礮打缺十餘處雖立時補築而

賊匪鎗礮緊急鄉勇傷亡漸多男婦老幼數千

惶急欲潰常發祥查看州治後山有平梁城地

方較為險要如賊匪一經繞上平梁城則州治

民人恐全遭被害即商令增順率兵開柵迎敵

以制賊勢該州帶領居民搶上平梁城山頂倚險暫守增雇兵力無多奮勇衝出因被賊匪四面圍襲不能復回卽屯紮南龕地方州治房舍遂爲賊匪蹂躪百祥等因聞巴州被圍鎗礮絡繹乘夜鼓勵兵勇翻山覓路衝至河岸詎賊匪前隊直撲巴州而沿河一帶均有接應復紛來迎拒格鬪竟日又有賊匪從兩旁山徑抄出我

三

兵往來衝擊遊擊王相龍韓以明鄉勇首領貢生張騰耀等均以奮勇殺賊陣亡該鎮等將兵撤至排埡口對面山梁暫住另圖進剿至所駐白沙場一路本係防南背山賊匪西竄達州十九二十二十一等日賊匪亦於觀音寺茶店子雪花坪等處四出焚燒經分派將備設法堵截賊匪仍於南背山併力抗拒查賊匪既

已擾及巴州距保寧府不過數百里路徑分歧連日拏獲活賊嚴切訊問據供各首逆等要從儀隴南部奔竄分路前往保寧達州並據探報另有竄過巴州一股賊匪已由恩陽河前至花冲埡距保寧二百餘里等語竊念保寧北至廣元爲川北咽喉西近成綿省會重地其附近之南部儀隴等處本無兵力防範現在達州一面雖係帶兵駐劄而兵力有限戰守均屬不足是以飛派川北鎮朱射斗卽分兵五百名鄉勇一千餘名星夜繞赴保寧郡城暫爲防守並札飭藩司林儒再於省標新兵內酌調一千名由川北順慶一路前赴保寧以資分派飛咨英善將續調甘省官兵二千名內分撥一千名交總兵保興由廣元一路入川遏其北竄又恐保興

相距較遠復將臣隨營官兵內分撥五百名先

赴蒼溪以防自保寧至廣元中間糧餉要路而

臣隨營打仗之兵僅止八九百名其百祥等所

帶之兵亦不過三千餘名力量益形單弱戶現

仍督率該鎮將等儘此兵力鼓勵進攻趕緊克

復巴州並察看賊匪從何路奔突即行併力剿

捕

《聖朝聖紀卷五》

五

宜綿又奏言二十一二等日疊據巫山縣稟報

楚匪於十五日由察箭槽拐子坪等處突入前

至抱龍河次日復至平南壩距縣城八十餘里

福寧帶領官兵由歸州湖馬營一路馳抵察箭

槽督兵截擊現抵抱龍河額勒登保亦帶兵由

建始一路抄入巫山分投剿截臣接信後飛飭

松茂道承勳從夔州抽帶兵勇馳赴巫山分投

防堵並將大江船隻撤至下游毋許乘間偷渡

致與大寧後路之鉄瓦寺等處賊匪竄合惟查

巴州之賊勢較鴟張臣現駐劄白沙場其保寧

西北兩面不但備禦不能嚴密即臣此次檄調

河州鎮官兵及省城新兵到彼相距較遠亦難

兼顧如臣即移駐保寧一帶則自達州東鄉以

至開縣雲萬綿長幾及千里防剿事宜又無人

《聖朝聖紀卷五》

六

統率是以權衡緩急惟有飛囑福寧將剿捕林

之華一路軍務專交額勒登保調派該處尚有

副都統綸布春總兵關騰張廷彥慶溥富森布

等足敷帶兵打仗福寧即行趕緊前來分路督

兵進剿庶不致顧此失彼再接准明亮德楞泰

知會楚北賊匪疊經官兵追剿遂轉向房縣之

大木場奔逸該處西通竹山竹谿可入陝省白

河縣界折回南面卽巫山大寧境內若由中路偏東而去卽與太平縣城口毗連囑撥官兵於交界嚴密堵截臣查明亮等一路官兵軍威較形壯盛該匪等被追情急勢必復至川境滋擾刻下臣所帶之兵實在無可抽撥因思現在竹峪關地方距賊較遠是以卽將該處防兵七百名與安鄉勇一千二百名令遊擊劉大魁帶領馳赴太平交道員李鈺察看城口一帶何處最關緊要卽往堵截又碩雲保現患痰迷病症已飭翼長七十五派員送至太平醫治其所帶健銳營兵卽令七十五管領同日明亮德楞泰奏言查剿辦賊匪官兵本宜合併但現在賊匪流竄無定官兵繞近旋卽折竄若一處布置不嚴卽爲匪徒衝越兜截轉爲

欽定剿平三省邪匪方略

正編卷五三

費力陝省平利安康紫陽一帶大山層疊與川東各郡縣無異賊匪現向山內竄匿官兵跟蹤搜剿山崖險仄接踵以行若合兵一路進攻不但途中反爲擁滯倘賊匪西竄陝省一時已無可調之兵實難堵禦臣等體察情形現在臣等追擊一股竄匪已與前在白土關柯藩擊退之賊會合雖人數較增於前但連日以來臣等緊蹙兜擊於小豐堖左落河等處屢有殺獲賊匪寔已胆落現由八卦廟向西南山徑前竄以臣等原帶各兵合之賽冲阿帶到吉林直隸山西各兵及續後來索倫等官兵已敷剿辦其自磚坪竄往苦竹關一股匪衆非折四川省大寧太平卽折回紫陽西鄉恒瑞慶成現在帶兵由川陝一帶邊界迎前截擊自可得手惠齡秦承

欽定剿平三省邪匪方略

正編卷五三

恩將窺伺興郡賊匪擊退後秦承恩仍赴郡城
 彈壓惠齡已帶兵由西北托木溝一帶前進正
 可與_臣等及恒瑞等合力兜剿但三路跟蹤追
 擊前無攔截難保不又肆竄且查漢中一郡東
 界西鄉紫陽西與川省保寧廣元等處接壤為
 川陝門戶又聞方山坪剿散竄匪擾及通江近
 臨保寧萬一北竄漢中或闖入棧道所關匪細
 莫若令惠齡率同富成帶領原帶兵三千餘名
 迅速赴漢中寧羌一帶堵剿則不獨巴通之賊
 北竄陝省得以迎頭截殺即_臣等與恒瑞等所
 剿兩股竄匪或向前肆逸亦可由西面兜剿且
 就此時陝楚蜀有賊地方情形而論漢江一帶
 為陝楚豫三省保障今自漢中以至襄樊楚有
 李奉翰張文奇陝有柯藩田有成帶兵堵截又

聖朝聖訓卷五

九

有秦承恩在興郡防守往來策應江防已可放
 心惟漢中以西多與川省毗連堵剿未嚴恐賊
 匪將乘間竄入有惠齡帶兵前往扼要則東與
 柯藩一路西南與宜綿通巴一路皆可聯絡其
 通巴東南新開雲萬一帶則有舒亮穆克登阿
 等所帶官兵相應雲陽之東夔巫一帶則有觀
 成德齡等官兵相應接續夔巫巴歸一路又有
 額勒登保所帶之兵歸州東北則景安現由房
 縣竹山一帶前來聲援亦壯外圍周密賊匪不
 得乘虛肆竄_臣等率領勁旅緊跟剿殺處處有
 兵攔截可無顧慮肅清一處再行酌量情形將
 各路官兵緊逼移前次第圍剿似易得手再饒
 冲阿所帶吉林頭二一起官兵並直隸山西兵二
 千名自襄陽均州竹谿一帶前來於二十七日

聖朝聖訓卷五

十

續修四庫全書 史部 紀事本末類

已到軍營臣等得此生力勁兵惟有上緊籌剿均奏入

上命軍機大臣傳諭宜綿勒保明亮額勒登保德楞泰惠齡福寧曰宜綿奏到賊匪滋擾巴州通江情形賊勢未免稍張及閱明亮等摺已令惠齡同富成帶兵三千名迅赴漢中寧羌一帶堵剿不獨巴通之賊北竄陝省得以迎頭截殺而明亮等所剿

欽定剿平三省邪匪方略

正編卷五三

平利竄匪向西奔逸亦可兜剿稍釋慮懷明亮等運籌布置尙爲妥協川省巴州賊匪既向廣元保寧一路奔逸該處與陝境寧羌接壤惠齡富成務當奮力堵剿不使賊匪竄入棧道若稍有疎虞惟伊二人是問英善前奏帶兵前赴漢中堵截此時想可到彼若賊匪有竄近之信惠齡一時未能趕到英善自當上緊堵截至現在平利賊匪俱向西

南山逕前竄明亮等得有勁旅正可乘其併合之時上緊截剿巴州通江被賊蹂躪該州縣本有應得之罪姑念該二處本無城垣而該州縣又能督

率鄉勇奮勉防守尙無退縮情事俱著從寬免其治罪暫予留任令其帶罪立功至王三槐徐添德卽係宜綿前此在東鄉圍住復令竄逸之賊冉文偉羅其清卽係百祥朱射斗在方山坪圍剿未能

欽定剿平三省邪匪方略

正編卷五三

擒獲致令他竄以致四首逆會合一處宜綿等本有應得之罪但現在失守之州縣等俱已暫免治罪該督等正當剿捕吃緊之際功過尙在未定宜綿等惟當倍加奮勉速將首逆全擒尙可將功抵罪朱射斗現赴保寧防守該處卽係該鎮所轄呼應較靈該鎮本有應得之罪今已從寬令其自贖若再不知奮勉致令賊匪擾及保寧則不能幸邀

寬宥矣至保寧郡城地方文武現係何人在彼作
 何防堵又達州城垣亦恐賊匪闖入宜綿會派何
 人在彼駐劄並著查明覆奏至福寧前在黃栢山
 一帶剿捕並無寸長足錄卽令帶兵赴川恐亦未
 能得力况額勒登保福寧二人剿辦林之華等日
 久未竣若再令福寧前往川省則該處兵力更少
 著福寧與額勒登保酌量情形若能卽將折回建
 始之賊首擒獲殲淨餘匪則二人可同移師赴川
 最為妥善否則舒亮穆克登阿現在白岩山剿賊
 卽係開萬雲陽地方舒亮等速將首逆林亮功擒
 獲儘可就近前往剿捕以便額勒登保福寧專辦
 建始之賊或可不顧此失彼也又宜綿奏稱巴東
 竄匪闖入巫山地方昨據額勒登保等奏該處賊
 匪已折回建始想宜綿尙未得信遊擊王相龍韓

聖朝聖訓編卷三

三

以明著咨部加等議卹其陣亡之貢生張騰耀等
 及守禦巴州之傷亡鄉勇等均著宜綿查明咨部
 優加卹賞

十二日丁未英善奏言臣馳抵漢中探聞川匪王

三槐等在通江巴州一帶滋擾查漢中府屬之
 南鄭西鄉二縣與通巴連界隘口共拾四處內
 有南鄭之毛苟洞小壩千旗山西鄉之界嶺秋

聖朝聖訓編卷三

四

波梁九元子白陽關井泉子數處尤關緊要當
 派隨帶來陝之甘州守王榮榮候補直隸州牧
 應先烈遊擊德祿等分赴各卡點驗兵勇防守
 均尙嚴密漢中府城亦募有鄉勇二千餘名足
 資防衛旋接宜綿來信賊匪徐添德等欲由保
 寧一路奔竄朱射斗等所帶兵勇單弱迤西各
 屬無兵攔截臣查迤西廣元寧羌係川陝大路

運送兵餉文報最關緊要是以臣即將原帶兵

二千名與鎮臣保興先後分起帶領由寧羌廣

元前進探聽賊蹤迎頭截剿再漢中郡城已

派鳳邠道王文湧督率兵勇防守其石泉紫陽

一帶漢江北岸臣飭委漢興道文需帶領兵勇

嚴密堵禦以防賊人偷渡奏入

上命軍機大臣傳諭宜綿惠齡英善曰英善奏將原

聖訓

五

帶兵二千名與保興分起帶領由寧羌一路前進

探蹤截剿所辦尚好前因巴州賊匪欲向廣元保

寧一路奔逸與陝境寧羌接壤當經降旨令英善

速往堵剿今英善保興已帶兵前往而惠齡富成

又接續趕赴宜綿駐劄白河場一帶務當探明賊

蹤如已向廣元寧羌奔逸卽與英善惠齡等兩面

夾擊倘賊匪竟向保寧奔竄該處前經宜綿派令

朱射斗帶領兵勇一千五百名又續調省城兵一

千名馳赴堵剿而百祥富爾賽又在排亞口一路

進剿惟在各路上緊追截不可令賊匪竄入以致

未經被賊地方復被蹂躪

十四日臣景安奏言臣於花果園途次接秦承

恩咨各股賊匪已自平利竄至安康距興安府

城九十里距江岸三十里非直撲興郡卽欲洶

聖訓

六

渡漢江可由洵陽鎮安而至豫省此時鎮洵一

帶並無防兵業經咨明王文雄由商雒就近帶

兵移駐臣查自鄖陽由北抄赴鎮安計程七百

餘里若由竹山竹谿前往明亮等軍營程途相

等以兩路情形較論明亮等一路新添三千勁

旅並新舊官兵八千餘名臣與其遙爲明亮等

後路聲援莫若抄赴陝境由北策應王文雄較

為得勢秦承恩來信係九月二十九日所發其

時賊匪距江岸僅三十里此數日內如何情形

尚未續得確信臣現與愛星阿帶領原兵三千

餘名取道鄖陽直趨陝境沿途確探倘賊已渡

江臣即由北面迎截如賊匪尚未渡江臣即趨

往鎮安一帶會同王文雄分投防堵以壯聲威

同日觀成劉君輔奏言查蜈蚣嶺樵風洞緊接

《聖朝實錄卷三

七

老木園轎頂山兩路俱懸崖陡坎賊人臨高下

瞰官兵舉動悉為窺見其南北兩面下臨絕險

凡可進攻之處賊人深挖濠溝高砌壘石兵勇

屢次仰攻未能得手十五六等日賊匪於老木

園轎頂山山梁執旗號召時作衝突之勢必有

詭計臣等查東西北三面卡隘嚴密惟山南一

帶雖有野竹溪陰晴山等處卡隘而山溝綿亘

路徑叢雜復抽撥弁兵添募鄉勇於山溝內緊

要路口密設卡座並嚴飭員弁實力梭巡十七

日探有賊匪二三十人在大竹溪山腰豎立木

卡查該處原有賊卡前被我兵焚燬因地勢險

仄難以駐守今該匪等復來扎卡為扼要死守

之計十八九日連朝霧雪臣等籌商趁其拿卡

未定立派協領蘇勒芳阿遊擊洪新等帶領兵

《聖朝實錄卷三

六

勇於次日五鼓由穿山溪深溪兩路冒雪進攻

奮勇直上當將守卡賊匪二十餘人殲斃仍將

木卡焚燬生擒五名內有賊目裴金山訊據供

稱係陳崇德徒弟其兄裴友山係陳崇德大徒

弟尚有大小頭目十餘人因官兵四面圍困外

無接應陳崇德在轎頂山裴友山在老木園山

梁婦女都派守卡堵守甚緊復細訊賊巢路徑

據供祇有山南小青杠垭口一路地方偏僻設有數卡把守人不甚多當將該犯凌遲梟示

十四日臣觀成督率文武員弁於五鼓分路進

攻臣劉君輔率領將弁兵勇由陰晴山小徑覓

道繞至山南溝內魚貫而進賊匪果設木卡二

座瞭見官兵卽於卡內拋放擗石兵勇毫不退

避直抵小青杠垭口拋擲火彈經守備劉順首

剿平三省邪匪方略

卷三

先搶上連次砍開木卡賊人抵死抗拒我兵刀

砍矛刺將守卡賊匪三十餘人斃斃劉順及屯

守備本太均有受傷臣劉君輔卽督兵搶上垭

口山梁晒看地勢雖與老木園緊接而中隔深

溝對面一帶山梁陡壁羊腸紮立木城兩道賊

人堆立木石我兵卽或下溝不能遽上隨飭弁

兵卽於該處暫紮趕緊設法攻取奏入

上命軍機大臣傳諭宜綿明亮德楞泰觀成景安曰

景安奏各股賊匪已自平利竄至安康現與愛星

阿帶兵由鄖陽直趨陝境相機迎剿所辦俱好正

當趁此機會將首逆擒獲景安卽未能帶兵渡江

與明亮等夾擊務當將漢江北岸防守嚴密驅賊

折回以便明亮恒瑞等兩路大兵併力圍剿至觀

成等攻剿老木園賊匪爲期已久此次仍不過攻

剿平三省邪匪方略

卷三

克賊卡數處實屬無能之極其所稱該處俱係懸

崖陡坎仰攻未能得手更不成話試思黔省地方

在在險隘山高路窄何以勒保於數月之內卽將

苗匪賊首全行擒獲可見全在相機扼要調度有

方今觀成等在老木園經年累月該處僅係荒僻

空山並無莊稼賊匪何從覓食卽所攜糧石早應

食盡何以尙能支持日久其中必有暗爲接濟之

人自係觀成等防範未能嚴密致有偷漏今復覘
顏爲此一奏可謂無恥著傳旨嚴行申飭

十六日辛亥秦承恩奏言臣節次盤獲奸細或假

稱難民或扮作商販並有身穿號褂冒充官兵

潛赴郡城探信者訊據供稱姚之富李全二股

已由平利向南奔竄王廷詔高均德一股欲由

安康磚坪佐林溝一路直撲興安府城臣查佐

聖朝聖訓卷五

三

林溝在府城西南一百二十里水陸可通現在

郡城防兵無多隨於練就精壯鄉勇內派令職

員柯以德帶領七百名在佐林溝山右埋伏另

派武舉王萬春帶領五百名在碓窩石山梁據

險堵截尙恐不能抵禦適惠齡帶兵由郡城赴

平利會剿當卽密行札會改道由佐林溝一路

相機迎擊九月二十九日賊匪果由磚坪分股

前來一股將近佐林溝柯以德等從竹林內突

出欄截殲賊一百餘人賊匪退回歸併乘連日

陰雨連綿撲搶碓窩石山梁時鄉勇李秀章藏

匿山坎用矛戳斃騎馬執旗賊目一名被賊衆

蜂擁圍住李秀章奮身踴上揪住馬上一賊同

跌下坡身受鎗矛十餘處抵死不放致被賊馬

踐踏身死武舉王萬春因雨勢正大鎗礮難放

聖朝聖訓卷五

三

隨用油布遮蓋過山鳥引門連環互擊擊斃賊

匪數十人賊猶拚命向前鄉勇竭力抵禦適惠

齡帶領大兵冒雨疾馳馬隊已經趕到截殺多

人賊匪畏懼遂由佐林溝向西翻竄查佐林溝

一路西通紫陽石泉可達江岸之處甚多先經

臣酌撥員弁兵勇在北岸分布嚴防又經明亮

德楞泰派令柯滿由平利帶兵回守江岸臣復

添派田有成王文湧在漢中水陸要隘嚴密防
範現在惠齡卽由佐林溝緊躡賊蹤取道兜剿
再此股賊匪未至磚坪之前密令教匪楊彬攜
帶白布一包至黃連溪勾誘曾經入教具結改
悔之謝文武囑其糾夥接應謝文武正在分投
糾衆經西安府知府吳沂探信得實卽密帶員
役鄉勇星夜馳赴該犯家中前後圍住殺斃已
經入夥之犯一百十二人並將謝文武夫婦擒
獲搜出令牌木印靈文邪經五本訊據供認尙
有邱拔秀等五十四人已經糾約亦經吳沂按
名查獲審明辦理並傳集該處良民曉諭安撫
民情甚爲寧貼至明亮德楞泰恒瑞慶成所追
姚之富李全二股賊匪已至平利東南二百餘
里之曾家壩洪石河一帶漸近竹谿沿途截殺

聖朝罪孽

三

甚多現在吉林黑龍江勁兵將次趕到定可剋
日掃除

同日額勒登保福寧奏言林之華覃加耀二犯
尙在逃竄^臣等督令將領等晝夜追趕二十六
日早間由雪崖頂追至烏龍澗沿山斬賊一百
餘名生擒三名訊據供稱林之華等昨在雪崖
頂逃出後知建始縣治向無城垣欲由紅巖子
一路直犯建始縣等語當將各犯正法查建始
縣治原有慶溥在彼防範遂一面飭知帶兵由
三里壩萬坪一路前來紅巖子迎擊^臣等並卽
跟蹤追剿賊匪被追情急復由紅巖子之左高
店子落水碕等處一路折竄巴東^臣等復卽分
兵抄截賊匪又折向崔家壩一路逕趨施南府
計離城尙遠且^臣城附近已飭施南協副將樊

聖朝罪孽

三

繼祖知府法克晉等率領兵勇加緊堵禦然府城外之村莊人戶自必稠密不可不防其蹂躪

臣等督兵於沙子壩一路趕緊截剿賊匪翻山

於爛泥渡躡水過河上至圍子嶺臣等於二十

八日傍晚追至河邊二十九日追至嶺上隘口

賊匪於嶺巔滾放插石放鎗抗拒綸布春富森

布豐紳薩克坦布楊遇春帶兵奮力搶上斃賊

《聖朝實錄編卷三》

三

二百餘人賊又竄至藜葉村白楊坪龍馬涼風

壩官兵冒雨趕擊初一日賊匪分竄落壩是日

臣等督同巴圖魯侍衛將領等四面圍擊殲殺

男婦三百餘人生擒二十五名均卽正法餘匪

逃遁初二日復督兵進剿賊又竄上馬折野雞

水石梯子各山此一帶係恩施縣所屬山高箐

密路徑叢雜可通施南府之利川縣又可折回

建始縣並通四川之奉節縣勢不得不分兵堵

剿而利川奉節兩縣時有匪徒出沒尤不可不

杜其勾結臣等商令慶溥張廷彥帶兵從石耳

關閭王坡蒿壩板橋等處攻擊防其折回建始

地界關騰帶兵於黃土坡金絨坡一帶赴利川

之要路堵截臣等帶領巴圖魯侍衛將領等卽

於馬折野雞水石梯子各山進剿必當設法擒

《聖朝實錄編卷三》

三

獲二逆均奏入

上命軍機大臣傳諭宜綿額勒登保福寧惠齡秦承

恩曰此次王廷詔高均德一股賊匪由安康磚坪

佐林溝一路欲撲興安郡城經秦承恩密札惠齡

由佐林溝相機迎擊惠齡帶兵冒雨馳至截殺賊

匪多人所辦皆好惠齡著賞給嵌瑪瑙帶頭秦承

恩著賞給嵌寶石帶頭並各賞大小荷包現在惠

齡已跟蹤兜剿務當設法將賊首擒獲殲淨餘黨
卽遵前旨馳赴漢中寧羌一路堵剿武舉王萬春
職員柯以德均能奮勇殺賊著秦承恩酌加獎賞
陣亡鄉勇李秀章著咨部照六品銜議卹至賊匪
未至磚坪之前密令賧匪至黃連溪勾誘謝文武
經知府吳沂密帶員役鄉勇一併擒殺可嘉之至
吳沂已降旨補授潼商道矣其楊彬一犯會否拿
獲並著遇便覆奏至林之華等前次由巴東逃至
巫山又由巫山折回建始額勒登保等往來尾追
未能兜剿今賊匪又折向恩施縣地方並欲竄至
利川奉節等處該處賊匪業經地方官全行剿淨
今又任其竄往致被蹂躪實屬不成事體額勒登
保福寧著再嚴行申飭

十八日癸丑惠齡奏言賊匪經官兵在平利小豐

臣 啞截剿分股亂竄 以西北一路空虛是以同
總兵富成帶兵截剿前來行至托木溝探有分
竄賊匪由西南山內折向佐林溝一帶焚掠當
卽知會秦承恩柯藩督率兵勇於沿江上下晝
夜嚴防一面分遣員弁前往江岸哨探並令富
成及六十七帶領馬隊官兵繞至江岸截剿 臣
帶領步隊連夜進發前赴佐林溝詎賊匪探知
官兵迎來卽往小道河逃竄我兵隨後趕上沿
途殺斃二百餘人餘賊又向偏仄山徑及陡峻
之處覓路分逃官兵攀援直上賊匪四散翻山
直趨江岸適富成等由山內迎頭衝擊殺賊無
算生擒二十三名維時秦承恩所派兵勇在北
岸施放鎗礮柯藩帶兵乘船前來賊隨奔過大
山分股亂竄官兵連日起緊窮追復於鐵爐壩

黃泥壩紙房溝等處殺賊七八十人及一二百人不等生擒三十四名訊據供稱前在平利等處屢被官兵截殺是以四散潰逃分投焚搶既可牽綴官兵並可到處覓食且欲折回興安搶船過江往鎮安等處招聚夥黨現在此股賊匪係兩路會合共有一萬餘人是王姓高姓等為首實不知其名字等語當將該犯等概行正法

聖朝聖編卷三

三

差探賊蹤已至汝洞二河及廟溝日連橋等處臣與富成所帶官兵僅三千餘名若分投剿辦未免稍單自應乘此勝勢奮力兜剿惟現准明亮等札商以漢中一郡為川陝門戶臣同富成帶領原兵迅往堵剿臣等現在正當剿辦喫緊之時未便移兵且興安亦關緊要查汝洞二河等處即係前往紫陽石泉之路即移兵漢

中亦可由此行走臣現在設法抄截如賊欲折回興安即可迎擊倘復行南竄更有明亮德榜泰大兵剿捕或竟竄赴西鄉一帶則恒瑞慶成等現從川陝邊界前來其漢江一帶亦有柯藩帶兵乘船隨處探擊均可得手並聞英善帶領甘省官兵已至漢中合之該府原有官兵加以團練鄉勇似可暫資堵禦臣仍馳赴前途察看情形如必須趕赴漢中防堵即行馳往庶不致顧此失彼

聖朝聖編卷三

三

同日汪新奏言楚省幅員遼濶與川陝在在連界現在大兵雲集自西痛擊賊匪勢窮力蹙必致分由旁路東向狂奔仍行折入楚境此時各屬分駐防兵及湖南撥來兵一千五百名通盤算計不敷堵截臣查鄖陽宜昌二處鄉勇素稱

驍健且知大義若用以守禦邊境可冀得力惟
七縣之廣綿長千有餘里非鄉勇二三萬不能
布置周密臣現將腹地各防兵一併撤赴接壤
各邊界均勻駐守並飛飭竹谿等七屬各挑健
勇數千名製給號衣器械派令曾經打仗出力
之紳士帶領各擇要隘挈卡駐劄隨同官兵逐
日操演以壯聲威其紳士中如有奮勇殺賊始
終不懈之人俟大功告竣奏請

《剿平匪黨編卷三》

三

加恩以昭激勸並分派大員如竹谿竹山房縣三屬
委襄陽道胡齊會同副將多爾濟扎普參將
李正勇遊擊什圖分駐督辦宜昌之歸州及巴
東北岸委荆宜施道崔龍見會同提督文圖遊
擊俞國智佐領喜格分段督防其巴東南岸及
施西之建始利川二縣委候補道府恒慶會同

副將樊繼祖參將朱廷奎督率嚴堵臣以次親

往查察務使聲勢聯絡處處周密再察哈爾各
起馬匹陸續到襄除豫省扣存馬一千五百匹
外楚省實到馬六千五百匹計索倫兵丁二千
名共分給馬四千匹又應付官員例馬五百六
十三匹寔餘剩馬一千九百三十七匹臣飭委
陞任臬司高杞長沙協副將滿倉逐一點驗應
即留為吉林索倫官兵更換之用臣現擬挑撥
二千匹緩程解赴鄖陽郡城以備就近調用均
奏入

《剿平匪黨編卷三》

三

上命軍機大臣傳諭惠齡汪新曰惠齡奏設法截剿
偷渡賊匪情形所辦俱好前因明亮等札商惠齡
令其前赴漢中正慮其顧彼失此茲惠齡並不拘
泥所見甚是現在漢中寧羌一帶有英善保與先

後帶兵到彼足資防剿惠給務當上緊截擊將首
逆王廷詔高均德一併擊獲不可再令他竄至汪
新奏挑備健勇嚴防邊界所辦甚是此等健勇其
中遊手好閒居多或致被賊勾結今挑募撥防既
可杜其反側之心而地方又足資防禦且操練之
後技藝嫻熟將來剿辦事竣即可於此內挑補兵
丁實為一舉兩得汪新著賞給玉搬指大小荷包
以示獎勵

聖朝紀事本末類

欽定剿平三省邪匪方略正編卷五十四 丁巳年

十月二十日 乙卯 明亮德楞泰恒瑞廣成奏言查

安康平利一帶數股竄匪先後由東西兩路分

竄前來總思牽制官兵乘間北竄江岸經 臣等

分投截擊賊匪俱在西南一帶往返逃竄 臣明

亮德楞泰所追一股由八卦廟向會家壩逃遁

該處路運紛歧初二日 臣明亮同興華等帶兵

聖朝紀事本末類

由西北山後抄出擊剿 臣德楞泰同賽冲阿等

帶兵由東北山後抄出截殺約定兩路官兵行

至該處先在山後紮住察探賊人炊食歇息之

時出其不意同時並進已刺官兵甫到旋據哨

望兵丁稟報賊人分數股排列山前路口其餘

俱在山田民房內或搜採包穀或揀柴炊爨並

未聚集一處 臣等各放號砲從山後壓下賊人

慌忙失措被殲二百餘名其排列路口之賊直前抗拒經吉林兵丁奮力擊射賊人抵敵不住反身疾走官兵追殺十餘里賊人俱向深林內竄逸該處林密山高路徑不甚可辨暫將官兵紮住次早會值雨雪遂獎勵各兵冒雪追至竹葉關地方斃賊三百餘人生擒四十一名訊係賊管戰手富卽分別斬梟餘匪俱向西南唐家坪竄走臣恒瑞慶成等所剿一股自蔣家坪取道東河女仙山一帶緊跟兜擊初三日行至金竹園地方探知賊人因遇雨雪在全山地方屯紮卽率領巴圖魯侍衛等帶兵繞道抄出賊前攔頭進剿并於兩面溝內選派鎗手設伏賊匪捨死衝突官兵奮勇異常斃賊三百餘名該匪卽

聖祖聖孫編卷四

二

翻山旁竄臣恒瑞等仍率兵力追賊人由白似溝一帶奔逸初五日竄至唐家坪地方與前股賊匪會合適兩路官兵先後趕至賊匪狂奔向豐溪一路逃遁該處爲陝楚川三省交匯之所臣等惟有趁此機會趕緊兜剿再臣等接宜綿來信稱方山坪賊首冉文儔等率其餘黨竄入巴通境內與前由太平敗回之徐添德等合夥以致巴州失守賊匪屯據州城復分股奔逃保寧廣元一帶臣等抽撥兵二三千名前往協剿查保寧爲郡城重地廣元係入棧要道自應撥兵速往應援前因方山坪賊匪竄近巴州與漢中寧羌接壤曾經奏令惠齡率同富成帶兵馳赴堵剿今惠齡一路官兵正在擊剿喫緊之際未便移兵臣明亮德楞泰一路官兵亦難分

聖祖聖孫編卷四

三

往若僅令將領等官帶兵二三千名往援又恐不能得力因思臣恒瑞慶成所剿股匪現已歸

併一處毋庸分路擊剿臣明亮德楞泰有兵九

千餘名尙敷剿辦索倫山東各兵猶可催調前

進臣恒瑞慶成原帶兵四千餘名擬卽由漢中

一路前進與宜綿兩面夾擊又派撥新到直隸

兵五百名令副將德忠隨同馳往惟查程途不

下二十餘站行走未能十分迅速臣等因先傳

知沿途聲言派撥數萬勁兵漏夜進發以安漢

中一帶民心俾賊匪聞風震懾至索倫各兵已

自襄陽啟行來營業經知會景安會同烏爾圖

那遜等督率由竹谿關坵一帶前來惟索倫各

兵全資馬力賊匪現竄路徑皆係崇山峻嶺半

腸小道馬力殊難深恃且山深早寒現已雨雪

交作路仄泥淤不能乘騎如以有用勁旅置之

不得力之地陟險穿山致令疲乏轉爲非計計

該官兵等此時不過至均房一帶莫若暫令在

竹谿之保豐場地方駐紮以壯後路聲威預防

賊匪折回楚省北竄江岸之路俟臣等緊追賊

匪逼入一定去向卽行飛調前來應用則前後

緩急皆有所恃奏入

上命軍機大臣傳諭明亮德楞泰恒瑞慶成英善烏

爾圖那遜日明亮等奏兩路官兵連日擊剿竄匪

逼令歸併一夥及分兵應援川省籌布各路情形

所辦尙合機宜其暫令索倫官兵在保豐場地方

駐紮預防賊匪折回楚省北竄江岸之路所想亦

是但景安現已帶兵一千名馳回楚豫交界防堵

復令愛星阿帶領官兵二千名前往明亮等一路

策應所有黑龍江官兵著交與烏爾圖那遜圖桑
阿帶領駐紮保豐場聽候隨時調用倘賊匪被剿
緊急仍欲折回湖北邊界烏爾圖那遜等即可帶
領迎頭截擊又據奏恒瑞慶成帶兵前往漢中一
路所辦亦好漢中寧羌廣元一帶已有英善保與
赴彼堵剿今又有恒瑞慶成帶兵四千名接續前
往聲威更極壯盛伊二人現在行至何處如何剿
賊通巴賊匪曾否竄近廣元寧羌邊界英善如何
帶兵迎擊賊匪現在竄奔何處是否折回通巴均
著迅速覆奏

二十一日
丙辰

上命軍機大臣傳諭明亮德楞額泰烏爾圖那遜曰昨
明亮等奏因各兵俱到軍營楚北後路較單令黑
龍江官兵暫留竹谿之保豐場駐紮固為預防賊

欽定剿平三省邪匪方略

正編卷五四

欽定剿平三省邪匪方略 正編卷五四

匪折回起見但賊匪既向西南山內奔竄自係探
聞勁兵接續到彼心懷畏懼未必敢再折回湖北
卽再折回亦必由明亮左右經過且此項黑龍江
勁旅素為驍勇乃不以之打仗殺賊轉在後路閒
駐豈非以有用之兵置之無用之地究屬非策白
應仍調赴軍前及鋒而用卽使湖北邊界有需防
守亦祇須酌量留駐儘足為後路聲援不可將新

欽定剿平三省邪匪方略

七

到勁兵全行置之閒地著烏爾圖那遜等卽行帶
領迅往軍營剿賊至所稱賊匪現竄路徑皆係崇
山小道騎馬官兵恐易疲乏一語尤屬非是黑龍
江官兵皆生長山野能耐勞苦素以打牲為業馳
驟登陟是其所長况該處原有之兵與賊匪同係
川楚百姓路徑自能熟悉何以賊能來去自如而
兵丁一遇險阻遂不能登陟追躡無此情理豈或

四九三

帶兵大員不肯率先試險豈有兵丁等亦不能奮力先登明亮德榜秦二人先設此語以為尾追地步大非屬望之意務須據發天良倍加振作鼓勵官兵直前奮擊擒拿賊首斷不可以此藉口又復稽延

二十二日丁巳額勒登保福寧奏言臣等連日督

率巴圖魯侍衛將領等由馬折一帶覓道兩路

聖朝聖編卷八

八

夾攻賊匪四散奔逃綸布春等率兵奮力截剿

割獻首級甚多餘賊向蒿壩一路逃遁正在紮

營暫駐接據總兵張廷彥稟報該鎮從板橋間

王坡追賊途次獲有逃出之張三兒年十四歲

陳保年十二歲訊係從前林之華擄得跟隨日

久昨林之華被官兵追至雪崖頂以下之大茅

田中鎗墜馬而死臣等查前在雪崖頂四路殺

賊計有二千餘人因擊獲賊眾有林之華先逃之語刻即督兵趕追未經詳認所殺之賊該鎮所稟是否確鑿亦難遽信臣等一面追賊一面

派令遊擊陸祖德千總楊永順帶同張三兒陳

保星夜前赴大茅田尋獲屍身臣等親訊張三

兒陳保據稱林之華在大茅田被鎗墜馬身死

均屬眼見並稱林之華臉右有痣口上有一黑

聖朝聖編卷九

九

瘡左臂有火藥轟燒傷疤一塊頭髮在城口子

病落當將林之華屍身洗淨查驗皆與所供符

合令在營之眼目識認的確其為正兇無疑臣

等即令將該犯戮屍挫骨揚灰並將首級傳至

長陽長樂巴東建始鶴峯恩施巫山等州縣凡

其蹂躪之地俱飭地方官布告俾大小村落不

安分之人倍加警懼良民盡皆歡喜臣等於初

五日追賊至恩施地界之蒿壩殺賊又有二百餘人附近居民知林之華已經伏誅無不人人稱快歡聲動地現在覃加耀與其敗殘餘孽亡命奔逃亦斷不能久稽時日_臣等刻即督同鎮將等鼓勵兵丁盡力兜截主張三兒陳保原係被擄且屬年幼尙知乘間逃出不甘與賊匪爲伍情尙可宥已交原籍地方官查明安插奏人

聖朝聖訓

十

上命軍機大臣傳諭明亮額勒登保德楞泰福寧汪新日林之華覃加耀在長陽長樂一帶往來滋擾額勒登保等剿辦一載有餘屢被突圍奔逸今因總兵張廷彥擊獲張三兒陳保訊出林之華前在大茅田地方中鎗身死不能生獲解京雖少一首逆究未愜意額勒登保等寧不自知羞愧今既提訊張三兒陳保供認確切並傳在營眼目認識自

係確鑿無疑但該逆罪大惡極僅被鎗斃尙屬罪浮於法此時祇餘覃加耀一人與敗亡餘孽向蒿壩奔逃更屬勢孤力竭額勒登保等務當設法生擒解京處治

二十四日_臣惠齡奏言_臣等查探賊匪所竄之處均離漢江不遠明欲將官兵引入山中即乘間逸至江邊於水淺處偷渡是以_臣同富成六

聖朝聖訓

十一

十七等亦於沿江一帶山內趕緊兜截十月初九日馳抵目連橋探知賊匪分爲兩股一在斑鳩關焚燒一在雙河塘滋擾意圖會合隨帶官兵連夜從金子梁山頂見山下烟霧迷漫綿亘十辰刻至金子梁山頂見山下烟霧迷漫綿亘十有餘里當即帶兵分路下山行至雙河塘口見賊匪正在沿街四路放火六十七等帶領馬隊

官兵直前剿殺臣同富成帶領步隊繼進賊匪

搖旗吶喊直撲前來叅將穆克登布首先衝入

賊中射死執旗賊目一人官兵一擁而進殺賊

三百餘人巴圖魯侍衛塔什蘭亦射死執旗賊

目一人行營把總馬濟勝生擒騎馬賊目涂世

隆一名賊匪不能抵拒分竄西南大山六十七

同總兵銜穆維帶領官兵追往忽見西北溝內

《聖朝聖編卷四

三

突出馬步賊匪三千餘人前來接應兇悍異常

富成當即帶兵迎截鎗打箭射賊仍圍繞不退

富成激勵官兵奮勇剿殺並令遊擊太安都司

郭承緒分帶步隊繞出賊後開礮擊打應聲而

倒者枕藉賊目蕭會山丟棄白旗騎馬奔逸行

營外委劉興隆趕上生擒餘賊紛紛逃竄又見

東南山梁聚有賊匪二千餘人正欲從上撲下

臣即率領協領穆克登布等從半山橫抄截擊

令副將關聯陞繞上賊後大山乘勢下壓並派

候補知府鄭成基知州阿霖帶兵分於山坳埋

伏臣等進至半山賊匪竟敢放鎗抵禦我兵各

執旗牌亦即放鎗搶上並用大礮轟摧擊斃執

旗賊目一人騎馬穿白衣賊目一人賊招貼白

旗從左首山梁抄下欲截我兵後路適關聯陞

《聖朝聖編卷四

三

帶兵已上東南大山即時壓下施放連環礮賊

無算餘賊滾入山溝經李紹祖帶兵繞下截殺

數百人鄭成基阿霖所帶伏兵突出生擒二百

餘人各股賊匪分投亂竄有向西北山溝者有

向西南大山者我兵分爲三路追殺二十餘里

賊匪翻越三層大山直至土門坳聚其敗夥在

山梁佔踞六十七帶領馬隊趕到搶上仰攻賊

匪復搖旗撲下前鋒參領佛寧射死執旗賊目一人^臣與富成同時趕到帶兵四路上山兜圍鎗箭齊發殺賊無數賊即分向東西亂逃時已天晚山霧四起暫在山梁紮住詎賊匪於十一日黎明乘^臣等拔營之際分遣黨與四面上山直搗營盤^臣與富成六十七並穆維李紹祖關聯陞穆克登布等四路迎擊賊匪撲搶數次被官兵擊殺數百人隨即退逃我兵乘勢追壓賊匪尙回身抗拒又經官兵擊殺三百餘人始向西北大山內四竄分逃計此兩日內殺賊實有二千餘人生擒四百餘名婦女幼孩一百餘名自訊據賊目蕭曾山等供稱本年八月間該犯等糾約夥黨一千餘人乘機焚掠並於關廟河地方隨同高均德劫過官營戕害官兵多人旋

聖朝聖恩編卷四

十四

即逃至白土關與現在之賊首王廷詔合夥共有二萬餘人從白土關獅子壩走到八披梁又分兩起一從斑鳩關一從汝河溝昨日纔到雙河塘會齊商量要從水淺處偷過漢江從漢中前往河南招集夥黨等語當即凌遲處死其餘賊夥分別辦理一面遣人確探賊蹤即行窮追查西北一帶即係入柴陽石泉之路逼近漢江已飛咨柯藩嚴密堵剿惟是山內止此一線之路可通^臣擬俟行至前途察看道路情形另尋捷徑繞出賊前迎剿

聖朝聖恩編卷四

十五

同日英善奏言^臣帶兵行抵寧羌該處爲川陝

門戶餉道攸關隨督飭地方官查明最要之麥子坪八廟河西流河七盤關等處添撥兵勇扼險防禦以杜賊匪竄逸之路^臣即帶兵馳赴廣

元察看因賊匪前已趨至該縣所屬之木門場地方聞甘省官兵前來隨向蒼溪南部一帶奔竄並查該縣圓壩場地方先亦有賊百餘人潛來窺探該處兵勇奮力擊退殺斃賊匪七名並於木門場盤獲奸細盧正登等二名訊據供稱係冉文儔差赴廣元探聽餉銀消息並稱王三槐徐添德羅其清冉文儔等各右賊匪三四千

《聖朝聖訓編卷四

六

名欲赴巴州保寧營山達州一帶焚掠等語當卽正法臬示查廣元爲入川首站路徑叢雜與巴州保寧等處在在可通現值撥川餉銀陸續過境賊匪既生覬覦之心尤應逐段布置嚴加防範惟廣元祇有川省派來兵二百名不敷分撥現飭隨營之甘省知府知州督同地方官多募精健鄉勇抽撥弁兵管領於緊要各卡防守

其城垣坍塌之處亦經飭令上緊趕修均奏入上命軍機大臣傳諭宜綿惠齡英善曰此次惠齡一路僅有兵三千餘名而賊匪竟有二萬餘人惠齡以少擊衆殺賊二千餘人生擒四百餘名不使賊匪偷渡漢江實在可嘉之至惠齡著賞還雙眼花翎並加賞欽寶石玉帶扣玉搬指大小荷包富成激勵官兵繞出賊後亦屬出力可嘉前已擢用提

《聖朝聖訓編卷四

七

督今再賞玉帶板玉搬指大小荷包六十七穆維著各賞綠玉搬指大小荷包外委劉興隆將賊目蕭曾山生擒殊爲奮勇著超陞千總將領等俱著咨部從優議叙侍衛塔什蘭把總馬濟勝著咨部議叙打仗出力兵丁著賞給一月錢糧至英善已帶兵前至廣元則漢中寧羗一帶棧道自己寧謐稍慰厚懷此時賊匪竄往蒼溪南部一帶宜綿正

可帶兵迎頭堵截英善若緊躡賊蹤兩面夾擊自
可一鼓成擒

二十六日辛酉宜綿奏言王三槐羅其清等自竄

擾巴州之後即分股由恩陽河擾至花冲壩一

帶距保寧僅二百餘里經臣飛派朱射斗抽帶

兵勇繞道馳往郡城防守二十八九等日南背

山賊匪折向江口附近之青龍坎蔡子溝等處

聖旨 欽此

六

焚掠臣隨飛派參將皂常保知州劉清帶領兵

勇分投剿擊殲賊三四百人匪眾遂由頂山場

一帶折竄其恩陽河等處賊匪未能窺伺郡城

遂翻山赴黑石灘一帶滋擾該處逼近蓬州營

山為文報糧餉後路急需分兵堵剿惟臣隨營

打仗兵丁僅八九百名查百祥富爾賽二鎮所

帶之兵尚有二千餘名飛飭探明賊蹤趕往迎

截保護運道並飭劉清將所帶鄉勇留駐江口

以防賊匪折回蓬州要路臣即移住路通營山

蓬州渠縣之靜邊寺地方以為策應二十九日

百祥率兵進抵蓬州之徐家場即遇賊匪三四

千人內騎馬者一千餘人百祥督率兵勇奮力

攻擊富爾賽亦倍道前進繞由徐家場右手山

梁從旁衝擊斃賊五六百人並砍死執旗賊目

聖旨 欽此

九

一名匪眾正形慌亂復有步隊賊匪由巴州一

帶衝突前來捨死抗拒連日格鬪殺賊一千餘

人我兵陣亡守備鍾德千總白天選周德勝把

總丁爾表四員兵勇亦間有傷亡其白岩山一

路據舒亮穆克登阿報稱因鴨子坪賊卡路徑

窄狹我兵連次攻擊未能得手嗣於二十四日

舒亮督率翼長富廉富保副將王承勳等由張

家甯一路穆克登阿同艾如文等由千層石一路烏什哈達率同副將達桑阿等由白甲溪一路道員李憲宜知府朱爾漢等由茅店子一路同時進攻是日大霧迷漫各路官兵攀藤附葛直上鴨子坪賊匪一時驚覺即率眾拒敵我兵刀砍矛刺殲賊無數遊擊朱承茂委署前鋒參領德通等身先士卒拋擲火彈燃燒賊卡匪眾齊出我兵截殺二三百人遂將頭層木卡攻克朱承茂手刃守卡賊目李昌貴並匪黨數名旋被賊眾戕害德通及護軍校奇克坦布千總吳學義亦因殺賊陣亡我兵隨剿隨進直取白雲觀賊巢賊匪情急傾巢出抵將木石下壓我兵站立不住徐徐撤退陣亡委署護軍參領伊林保千總黃金榜外委黃洪沛三員兵勇亦有傷

聖朝聖恩編卷西

三

損現復添募鄉勇由西山坪雙河口一帶添募營卡另行踴路攻剿臣現知會舒亮穆克登阿等竭力攻圍並令艾如文於雲陽邊界嚴密防範仍飛飭保興速將河州兵一千名由漢中一帶兼程來川一俟到營即當督率各鎮將趕緊剿捕

宜綿又奏言川省地方幅員遼闊居民素多兇悍其川東川北一帶處處與楚陝兩省犬牙相錯是以邪匪滋事以來不獨本省匪徒乘機響應即楚陝竄匪闖入勾結者亦復不少茲又據署萬縣知縣劉大經稟報湖北利川縣新田壩地方突起賊匪數千闌至該縣青水蕩地方焚掠臣飛飭該令廣募鄉勇設法堵剿至儀隴縣屬响灘子竹山寺等處亦有匪黨二三千人與

聖朝聖恩編卷西

三

王三槐等合夥到處燒搶搜索馬匹臣現在督

飭各鎮將趕緊剿辦而林之華一股賊匪經額

勒登保福寧由巫山截剿該匪等暫行遁回建

始復又折入川境擾及奉節縣屬大和坪一帶

業經飭令道員承勳等抽帶兵勇馳往堵截其

明亮等所追賊匪亦逼近太平大寧兩縣邊境

此時川省攻剿機宜處處需人調度即各路轉

剿匪事宜

三

運軍火糧餉亦較他省繁劇臣蒙

恩兼辦川督事務深恐貽悞地方惟有仰懇

天恩另簡大員料理地方事宜臣得親臨前敵專心

辦理軍務再查川省武職各員自提鎮以下大

半帶兵在外其本營事務或係委員兼辦或令

備弁代理刻下又值召募新兵之際訓練需人

懇

勅部臣揀發熟諳營務之參將二員遊擊四員都司

四員守備四員飭令兼程來川以資委用

同日明亮德楞泰奏言賊匪自豐溪前遁後由

界嶺鎮坪一路日夜狂奔臣等進至界嶺擒獲

留後放火賊匪廖開梅等十七名審訊賊人所

向知該匪欲由雞心嶺竄入大寧老木園合夥

臣竊計雞心嶺之南即入大寧地界飛飭該處

剿匪事宜

三

鄉勇民人速將嶺北路逐一挖斷使該匪勢

必折回鎮坪得以迎頭截剿遂率官兵趕緊進

發初十日午刻行抵鎮坪隨據探報賊匪已自

雞心嶺折回在黑虎廟地方焚掠臣正在發兵

進攻未刻賊人衝突前來臣等同興肇襄冲阿

率巴圖魯侍衛帶吉林勁旅健銳營兵丁荆州

滿兵隱伏峽口對面山林迎擊派阿哈保溫春

達音泰等分伏峽口左右兩山夾攻賊人蜂擁而至^臣等率兵迎頭衝下殺賊甚多賊人勢將却退復有穿紅掛一人飛馬趕上喝令賊眾上前抗拒欲衝向西北一路前竄吉林兵勇氣倍增鎗箭連發該逆落馬墜崖人馬俱斃餘匪反身亂竄又經達音泰等兩路截殺後隊之賊不敢救應前隊之賊不能竄走自未至西斃賊一

聖朝聖德廣業卷十四

十四

千二三百名生擒七十一名餘匪仍向黑虎廟逃竄察看賊情非東向西溝一路竄回竹谿即西向甘溝竄至安康紫陽當派侍衛墨爾歡保總兵長春副將劉廷基等帶兵赴西溝截剿派侍衛阿納保西拉布副將扎爾杭阿等帶兵赴甘溝截剿連夜抄道分往並扮為鄉勇誘賊前至十一日已刻賊果奔往西溝直撲鄉勇卡座

墨爾歡保等率兵自卡內躍出奮勇攬殺殺斃三四百人賊人敗退即由西溝竄至甘溝時天色將暮該匪欲行遁竄幸派往官兵早已伏列路口衝下撲剿斃賊二百餘人賊人敗走是夜賊屯金竹壩^臣等先因金竹壩西南小樹河一路河小水淺可以淌渡派令總兵木騰額協領德明泰明保等率吉林官兵撒拉爾回兵馳赴

聖朝聖德廣業卷十四

十五

小樹河及豎旗山扼剿午刻賊人果由金竹壩西奔一股撲犯豎旗山兵隊一股向小深河逃竄木騰額等率兵分擊該匪退而復上者四次經官兵壓剿斃斃及滾山落河者不下五六百人至晚賊人退紮小深河西大樹河壩口該處兩山壁立河岸偏窄進剿不得地勢不如逼向樹河口山溝前後堵剿遂飭西溝甘溝兩路官

兵追逼而進衆兵由樹河口至暨旗山一帶分段設伏臣明亮率同阿哈保等帶兵至石板山爲一路臣德楞泰率同溫春等帶兵至樹河口爲一路與肇賽冲阿達音泰木騰額長春各帶官兵在三溪子一帶互爲聯絡十三日寅刻同時並進辰刻該匪在大樹河埡口經西溝甘溝兩路官兵追剿前來直向樹河口蜂擁竄突臣明亮率兵衝下擊其中堅臣德楞泰迎頭攔截擊其首隊與肇賽冲阿達音泰等繼進將萬餘賊匪截爲五股賊人彼此不能相顧官兵益形精銳併力攪殺積屍遍野賊人拋棄器械馬匹扒山思遁官兵矢石並進擊墜多賊其滾坡逃

出者約三千餘人涉水過河竄入箐林者千餘人計自初十至十三日斃賊五六千人生擒三

百六十五名婦女幼孩一百八十六名口器械

無數訊據獲犯僉稱斃穿紅褂之賊係大頭

人張世虎斃斃執旗賊匪係大頭人李潮又刃

斃偽副帥李得思俱令該犯等指認確鑿至逃

竄四千餘窮蹙之賊已星夜派委鎮將分投搜

捕臣等亦即日帶兵追剿前進沿途掃蕩務期

將首逆各犯全獲其生擒各犯發縣審訊實係

習教從逆抗拒官兵者即行正法其逼脅入夥

及被擄日淺者分別保釋撫卹官兵連剿四晝

夜奮勇爭先實爲出力都司趙永成馬良棟把

總張應彪俱經受傷六陣亡各兵查明咨部議

卹至姚之富齊王氏等自川省被剿後折竄楚

省卽分兩股一股進擾興山之後又分數股延

及南漳保康房縣等處其後合併由竹山竹谿

先竄入陝一股由歸州宜昌遠安宜城襄陽均州一帶逃竄_臣等跟蹤兜截亦由竹山竹谿入

陝昨於平利地方其前股賊匪又併入_臣等所

剿一股之內_臣等隨時查探其初賊人詭計每

股俱聲言有姚之富齊王氏二犯在內以搖惑

官兵前在宜昌遠安等處獲賊訊據僉供齊王

氏實在_臣等所剿一股賊內近日獲賊多人逐

《聖朝聖鑒編纂》

天

加研訊則云齊王氏自在均州茨河吳家灣等

處連被官兵剿殺該犯不敢率眾迎敵躲避官

兵日前竄及安康邊界時三股賊匪相離不遠

該氏即乘間逃往惠齡等所剿一股賊內而姚

之富一犯僉供並不見其人_臣等屢遣親信弁

兵確實查探亦與賊供相同想係變易姓名與

齊王氏定在一處至_臣等所剿股內首逆疊次

探聽并揭取該犯等所貼惑民說帖內係張漢

潮張世虎張世龍李潮詹世爵阮學明等六人

為首均係襄陽人與已經就獲之劉啟榮等同

時起事分管四營偽稱元帥其先竄入白河近

日前來合併者則係高王春王廷詔為首現在

張世虎李潮二犯俱已殲滅其在逃之張漢潮

等勢皆窮蹙查匪眾遁走者約四千餘人此內

《聖朝聖鑒編纂》

天

婦女幼孩不願相隨者尙多_臣等先已仰遵

聖訓到處曉諭近日被脅民人來營投首之金國美

吳天叙等數百人_臣委道府訊明即經省釋并

飭交道員溫承惠逐加賞卹令其回籍安業房

屋被燒者酌給屋價其無依之婦女就近交紳

士領回擇配俾有所歸至行軍之際_臣等出示

曉諭買賣貨物俱照價發給如有強買減價者

卽許扭送立卽處治或有在田菜蔬包穀草束
經兵丁採取者必先傳業主倍給價值是以
大兵所到之處民人皆負斗米隻雞來營犒師
亦俱厚賞而去民情極爲安貼其有棍徒混充
夫役恐嚇良民訛搶食物者曾經查出馬榮范
正潤等六犯當卽傳齊各夫役買賣人等將該
犯眼同正法現在兵民羣皆畏服沿途甚屬安

欽定剿平三省邪匪方略

正編卷五四

靜再_臣等前次所追賊匪竄至陝楚川交界地

方處處崇山小道兵丁易致擁擠是以咨會景
安酌令後起索倫官兵及續到山東等省漢兵
暫於竹谿之保豐場紮住今賊匪已翻山竄走
計恐逃向紫陽一帶則保豐場已可毋庸堵禦
而紫陽等處又爲緊要已飛咨烏爾圖那遜等
卽帶兵馳赴紫陽迎截並派溫春墨爾歡保鄂

爾綏往迎照料前進又此次賽冲阿帶來吉材

滿兵烏鎗弓箭各五百名屢次打仗奮勉倍常

其健銳營荆州滿兵暨各省綠營兵士練瓦司

撤拉爾圖子等共知觀法實屬出力

同日恒瑞慶成奏言_臣等帶原兵三千餘名并

新到直隸兵五百名馳往漢中一帶截剿前於

十四日行抵興安查漢中府屬地方爲漢江上

欽定剿平三省邪匪方略

五〇五

游水勢淺窄在在易渡城固洋縣寧羌皆爲自

川入陝之路現聞明亮德楞泰所剿竄匪已由

平利地方向南奔竄漸近川省邊界惠齡所追

一股由紫陽向西鄉一帶竄逸離漢中城固等

處亦不甚遠沿江北岸現有柯藩督兵堵禦_臣

等帶兵星夜馳往確探賊蹤相度截剿均奏入

上命軍機大臣傳諭宜綿明亮德楞泰惠齡恒瑞慶

成曰此次宜綿等各路殲斃賊匪自三四百名至千餘不等亦不爲多而兵力本單所辦尙不遺餘力此時由巴州竄往保寧之賊折向蓬州營山有百祥富爾賽在彼截剿運道可保無虞其奉節北岸賊匪欲與白岩山賊匪合夥宜綿已知會舒亮等奮力攻圍毋使乘間竄逸並令艾如文嚴密防範籌辦亦屬周到保興前已帶兵馳赴保寧而英

聖朝聖編卷四

五

善亦抵廣元均可與宜綿等分投剿賊且恒瑞慶成又從漢中而來宜綿等務須確探賊蹤設法迎截將賊首速行擒獲所有在徐家塢白岩山打仗陣亡之遊擊朱承茂守備鍾德等均著咨部加等議卹至摺內所稱湖北利川及四川儀隴地方亦有新起賊匪焚掠萬縣等處一節此等賊匪係前此利川恩施等處剿辦未淨及額勒登保等一路

追剿竄入零星之賊若首逆一擒無難立時撲滅宜綿務須持以鎮定不可心忙意亂以致漫無把握至宜綿因軍務緊要恐日久貽悞懇請簡員辦理地方事件所奏具見實心宜綿究形年邁已令勒保馳驛赴川總統軍務但宜綿不可因此稍存觀望若能赴勒保未到之前將首逆擒獲仍屬宜綿之功俟勒保到川交代軍務後宜綿再專辦地

聖朝聖編卷四

五

方軍需各要件其剿辦姚之富等一路係責成明亮德楞泰二人儻因總統更換心存懈弛致有遷延則是全無天良必將伊等從重治罪又據明亮等奏到官兵圍逼竄匪情形此次殲賊共五六千人生擒三百餘名並擊斃頭人張世虎等三名所辦實好明亮德楞泰著各賞給鑲嵌寶石白玉帶板大小荷包與筆賽冲阿阿哈保達音泰木騰額

長春溫春著各賞給玉搬指大小荷包但姚之富
李全齊王氏尚未擒獲一人不足為喜此時賊匪
逃竄者尙有四千餘人明亮等正當乘此勝勢帶
領勁兵併力兜圍勿任他逸為要看來此股賊匪
非歸入惠齡等所剿紫陽石泉一帶賊內即思竄
入川境大寧太平一路即賊供不見姚之富之語
殊不可信安知其不變易姓名或仍在此四千賊

聖朝聖編卷四

五

內故爾指東說西使官兵無從探蹤跟獲不可竟
以張漢潮等六犯為賊首而轉置正逆於不問再
前據明亮等奏令黑龍江官兵暫留竹谿之保豐
場駐紮朕即以其將有用勁兵置之無用之地所
辦殊為非計早有旨令烏爾圖那遜等帶領迅往
軍營若待伊奏明知會豈非緩不濟急且明亮等
此次剿賊得勝若再有此項黑龍江勁兵在彼併

力兜圍必能盡殲賊眾又豈至逃出四千餘人明

亮等接到前旨寧不信加心服耶所有打仗出力

受傷之部司趙承成馬良棟把總張應彪俱著以

應陞之缺陞用又恒瑞慶成奏馳往漢中一帶應

援現在惠齡在紫陽石泉一帶剿賊恒瑞等途中

是否迎遇惠齡擊敗之賊務須迅速行走抵川省

會剿至宜綿所請各營員已令該部揀選引見再

聖朝聖編卷四

五

行發往

上又命軍機大臣傳諭勒保額勒登保福寧曰據宜

綿奏現在剿捕賊匪處處需人調度請另簡大員

料理地方事宜以便專心辦理軍務鄂輝現已抵

黔著勒保交代後即由駟馳赴川省總統軍務但

勒保此時輕騎滅從並無隨帶之兵經由秀山一

帶與開萬等處附近該處現有新起之賊勒保沿

途行走務須倍加慎重不可大意現在額勒登保等在恩施一帶剿賊如勒保不能順道繞赴恩施即於途次飛咨額勒登保等倘該處賊匪業經剿淨即約會一同赴川若尙未蕪事該處一路現有兵八九千名額勒登保等即酌分一二千名交勒保帶領前赴川省該督馳抵軍營後惟當督率將領官兵大示懲創俾知儆懼不可稍存姑息之念

聖旨 欽此

奏

如有觀望逗遛情弊即當據實參奏

上諭內閣曰據明亮奏此次剿捕出力之吉林官員單內佐領扎克丹保著賞給法克晉巴圖魯各號照例賞銀一百兩協領德楞太佐領穆騰額著賞戴花翎驍騎校巴彥保達春明德驍騎校銜倉官永和均著賞戴藍翎以示鼓勵

同日倭什布奏言各路大兵雲集陝省與安一

帶食用浩繁現在將次出境而隨時應付未便稍分畛域且豫省所謂之官兵五千名亦往迎剿所有各項夫役人等隨地買食零星使用俱以錢文為便查陝省邊界各屬盡係山陬僻壤當賊匪奔竄之際商賈率皆裹足勢必錢價增昂艱於易換查前次賊匪經過商屬一帶經商州等處請發過寶陝局錢一二千串不等今與安地方需用倍多自應速為調劑臣已稟明督撫臣將陝局鑄存錢文動撥一萬串委員運交與安軍營分給各屬支發夫役口食等項至所撥錢文應俟事竣核實造報並在於鼓鑄案內作正開銷仍照例每錢一串作銀一兩在於軍需項下提還錢本歸欵奏入報

聖旨 欽此

奏

聞

欽定剿平三省邪匪方略正編卷五十五 丁巳年

十一月初一日 丙寅 額勒登保福寧奏言 臣 等於

初六日督同綸布春富森布豐紳楊遇春多福

等緊躡賊蹤行抵蒿壩該處左一帶江之南岸

係通四川夔州府及雲陽縣路徑先經派令張

廷彥慶溥帶兵截剿右一帶通利川縣城派令

關騰帶兵截剿賊匪亡命奔逃初八日官兵追

剿平三省邪匪方略

一

至堡子嶺羅塘灣山勢甚陡賊匪仍敢於嶺上

集眾抗拒豐紳烏爾呼諾楊遇春張持李錫命

多福等首先搶撲斃賊甚多三更後賊潰奔石

龍壩罐子山等處 臣 等連日分路夾擊十一日

賊匪又竄回利川縣之檀門坳磨刀溪正在四

散煮飯官兵猝至到處斬戮是日關騰帶兵亦

繞至磨刀溪之右大梁子雷打坪等處竄出之

賊經兵勇殺戮亦多餘賊又竄至七里溝佔據

隘口該處山峯陡削時已昏黑官兵祇可暫駐

十三日五鼓 臣 等一面進擊一面派令綸布春

關騰等分頭覓道抄出七里溝午後聞隔山鎗

聲甚緊遂督令巴圖魯侍衛將領等盡力攻撲

搶上隘口從上下壓竄下之賊又經綸布春等

截擊統計殺賊六七百名生擒騎馬執旗之賊

剿平三省邪匪方略

二

黃振谷曹文來二名又周道富等四十一名訊

據供稱林之華死後覃加耀商量原要到夔州

雲陽一路搶船渡江與四川教匪合夥聞到處

俱有官兵又被追緊急晝夜趨行昨日逃到七

里溝因有隘口可以阻隔官兵隨分為三股第

一股有一千餘人已經覃加耀隨帶先走中一

股男婦二千餘人留我等八九百人在後堵擋

官兵軍加耀現在不知去向等語別無要供當

將各該犯分別凌遲正法即督兵連夜追賊十

四十五日由萬縣之龍角壩大龍溪川竹塘尖

山子追殺賊匪男婦三百餘人賊又從小溪溝

四渡河走馬嶺一帶逃竄查走馬嶺下池壩係

四川萬縣地界過此則漸近石砭驪地方惟有

鼓勵將士趕緊圍剿務將軍加耀擒獲此次打

聖朝勳績編卷五

三

仗把總何應明身受矛傷陣亡千總劉秉陽受

傷甚重兵勇亦間有傷亡查明咨部

同日惠齡富成奏言臣等前在雙河塘將賊匪

痛殲後賊即向西南山內分竄該處可通紫陽

石泉西鄉漢中等處離漢江口岸不遠揣度賊

情欲牽綴官兵引入大山以便乘隙逸出偷渡

臣等現有官兵僅三千餘名若分股兜剿非特

兵力單薄且恐一入深山鞭長莫及連日在南

岸山內趕緊兜截於芭蕉口許家河周家壩等

處殺賊八九十人及二三百人不等並拿獲冒

充鄉勇之奸細嵇世華蔡發貴二名據供王廷

詔等因官兵攔剿嚴緊不能乘空渡河想從紫

陽前竄等語臣等隨抄紫陽溝近路馳至縣城

賊匪正遣其探馬於江岸窺伺一見官兵即行

聖朝勳績編卷五

四

西竄經官兵趕上殺斃一面探得在前之賊已

將入石泉界內而南竄一股亦已接續前逃盡

向北路而去臣等即由紫陽渡過北岸星夜迨

行十九日將抵石泉縣治望見南岸男女成羣

求渡其北岸居民亦甚驚慌旋據該縣高監珍

迎來面稟探得賊匪現在縣屬之繪溪桐車壩

梅湖等處焚掠離縣治約四五十里居民盡向

漢江北岸而逃該縣現有秦承恩撥來兵勇二百名柯藩派來官兵五十名其淺灘七處均係派撥鄉勇把守等語是該縣已屬兵單而各卡鄉勇更不足恃_臣等隨派委員會同該縣查明實係避難民人即時渡過北岸好爲安撫一面令副將李紹祖帶兵五百名馳赴上游最淺之紅石灘等處嚴行堵截一面知會柯藩速即派

聖朝聖編卷五

五

兵分赴下游梅湖等處加意查巡旋據李紹祖報稱二十一日賊匪七八百人由繪溪一帶乘霧前來騎馬下水直向紅石灘淺處搶渡隨即施放鎗砲擊斃十數人賊始退回南岸山內等語現在_臣等分帶將弁於近縣各水淺要口酌量安兵節節嚴防民情實已鎮定_臣等現接明亮等來咨已令恒瑞慶成帶兵馳往漢中一帶

堵剿並接恒瑞等來信現已馳抵渭門路途稍遠未能即時趕到誠恐兩路官兵尚未會合之前賊匪得以乘間遁逸此時自應嚴行攔截偷渡賊匪將各賊逼歸一處約計恒瑞慶成等已抵漢中分防稍定_臣等即時渡江緊躡賊蹤竭力追剿俾賊匪無從躲避以收前後夾攻之益均奏入

聖朝聖編卷五

六

上命軍機大臣傳諭額勒登保惠齡福寧秦承恩曰額勒登保等帶領官兵不下七八千人以之截剿敗竄賊匪有何難辦乃至今未將覃加耀擒獲此次在堡子嶺檀明叻七里溝等處殺賊並不爲多十四十五日由_臣等追賊仍任其從小溪溝一帶逃竄可見此二日內額勒登保等並未緊躡賊蹤又復予賊以暇可謂無能已極尚稱晝夜行走緊

追逆犯全係空言支飾似此遲延怠玩一籌莫展
尚復視顏陳奏額勒登保福寧俱著傳旨嚴行申
飭若再任覃加耀他竄必將額勒登保福寧先行
革去花翎倘賊匪又在川境滋擾勾結即將伊二
人從重治罪所有此次打仗陣亡之把總何應明
著咨部加等議卹又惠齡奏連日截剿沿江偷渡
賊匪情形所辦皆合機宜惠齡著賞給玉搬指玉
喜字牌大小荷包富成著賞給玉喜字牌大小荷
包以示獎勵現在惠齡已前往石泉地方追剿賊
匪其下游梅湖等處已知會柯藩加意巡防柯藩
務須與秦承恩督率兵勇實力防範仍同李紹祖
將上下游渡口分投堵禦毋使賊匪一名偷渡北
竄為要

初三日 戊辰 宜綿奏言賊匪王三槐等自經百祥

聖朝聖編卷五

七

富爾賽等兜剿遂向營山之迴龍場一帶滋植
窺伺縣城該縣地勢平坦四面受敵先經 臣
總理糧運之同知淡士灝督同該署縣謝惟良
候補理問李忻教諭高汝儀署典史蔡光緒等
廣募鄉勇分門嚴守並派參將李昌帶兵五百
名駐劄城外獅子嶺與城中遙為犄角十三日
賊匪數千直逼營山一股圍攻李昌營盤一股
直撲縣城東門經淡士灝謝惟良等督率鄉勇
準備鎗礮暗藏礮口俟賊匪將近城壕一齊施
放轟斃多名其圍攻營盤之賊亦經李昌督兵
堵剿斃賊多名詎賊匪愈聚愈眾屢撲獅子嶺
營盤並圍繞城池放火吶喊而頂山場徐家場
兩路賊匪復又全聚竄至勢甚洶湧並搭竹梯
八十餘架扒越上城經淡士灝謝惟良等自城

聖朝聖編卷五

八

上拋擲火彈悉行焚燒惟時臣又飛飭百祥等
挑選精壯兵勇裹帶乾糧星夜繞從小道前進
十五日卯刻該鎮等行抵距縣城五里之走馬
嶺賊匪分路前來迎拒我兵悉力剿殺城內官
兵亦分出衝擊相持三晝夜計鎗斃騎馬賊目
二名並指揮賊衆拒敵之大頭目一名賊匪二
千餘名我兵陣亡外委李政李喜登額外外委
党忠三員兵勇亦有傷損匪衆退至劉家溝復
分一股由大泥溪茶亭菴豐竇舖等處意欲搶
渡直撲蓬州適叅將蒲德遊擊沈宗文從保寧
一路帶兵趕到剿殺一百餘名匪衆折向營山
之黃渡河屯紮其白岩山一路經舒亮穆克登
阿由西山坪等處添拿營卡十二日五鼓霧雨
迷漫有賊匪數千前來分撲鄉勇營卡舒亮穆

欽定剿平三省邪匪方略

正編卷五五

欽定剿平三省邪匪方略 正編卷五五

克登阿飛派叅將烏爾卿額遊擊王霖等分帶
兵勇馳往截剿舒亮等親往策應烏爾卿額等
與賊接仗鄉勇亦出卡助陣舒亮等率領大隊
從旁衝入匪衆力難抵禦奪路潰逃我兵分投
截殺斃賊三四百人餘匪仍即奔回白雲觀賊
巢委前鋒叅領岳廣護軍校牛德把總陳士英
外委謝明陞俱因奮勇殺賊被戕臣查黃渡河
一帶與巴州之江口蓬州之石橋河並渠縣之
李家場等處毗連其江口一處先派叅將皂常
保等帶領兵勇駐守石橋河一帶亦派知州劉
清等督勇堵截臣現駐靜邊寺地方即係路通
渠縣要隘惟有督飭該鎮等儘此兵力設法剿
辦以冀迅擒首逆再侍衛祥金保前因病留楚
醫治嗣聞惠齡等追賊到川該侍衛帶病趕至

欽定剿平三省邪匪方略

正編卷五五

五二三

夔州適惠齡等復帶兵赴陝祥金保見伊里布帶兵剿辦奉節北岸鐵瓦寺賊匪路過夔州卽懇伊里布代稟同往打仗尚非藉病逗遛_臣因帶兵需員准令隨同伊里布剿賊可否准令該侍衛仍留川省軍營打仗出自

天恩

同日觀成劉君輔奏言查老木園山梁綿亘二

聖朝聖訓卷五

十一

十餘里賊匪恃其險惡死守困關官兵連日進攻屢損兵力本月十二日有從賊巢逃出蔡象寧一名來營訊係大寧縣民人並未習教四月間被擄前去押令砍柴取水今乘空逃奔來營並稱賊首陳崇德因小青杠垭口被官兵奪佔卽率衆在老木園四圍山梁添設木城石卡晝夜守禦轎頂山一處三面陡坎料官兵難以搶

上祇留賊匪五六十人在彼把守等語_臣等隨派兵勇紮縛木梯由彼進取十四日三鼓密派遊擊朱進廷都司沈文同等各帶兵勇分路進攻牽綴賊勢_臣等卽於五鼓親督協領蘇勒芳阿遊擊楊洪新並弁兵鄉勇等由蜈蚣嶺直攻轎頂山防禦崇喜外委巴克唐阿首先帶領奮力兵勇用木梯於峯尖石罅之中魚貫直上拋

聖朝聖訓卷五

十二

擲火彈翻進木城連砍賊匪十餘人匪衆驚覺抵死格鬪巴克唐阿受傷陣亡_臣等督催官兵繼進奮勇爭先將守卡賊匪五十餘名盡行殲斃生擒賊匪一名卽將轎頂山奪佔額外外委俱寬行營屯干總班第朋均受傷陣亡訊據活賊裴雲相供陳崇德與衆頭目俱在老木園迤南山頂周圍派小頭目帶領夥衆分段把守共

有木卡十三座俱堆積滾木播石預備抵拒轎
頂山至巢穴有小路一條業已挖斷等語當將
該犯正法初六日接明亮德榜奏咨會以所追
賊匪現從平利屬之鎮坪奔竄距大寧交界百
餘里恐與老木園合夥囑令嚴密防堵嗣據大
寧縣知縣鍾蓮稟稱平利竄匪萬餘已至鎮坪
小漁河一帶滋擾急需堵截臣等圍剿正在喫
緊兵力稍單不能分撥而大寧與平利道路分
歧有關緊要隨抽撥兵一百名鄉勇三百名飭
派千總朱映棠州判吳國鴻把總尹大雄外委
邵祥帶領馳赴西溪河構葉坪一碗泉雞心嶺
等處厚集該處義勇添設卡隘嚴行防堵續據
該員弁稟報初十一等日賊衆數千蜂擁前
來分路衝撲構葉坪雞心嶺卡隘經該員弁等

欽定剿平三省邪匪方略

正編卷五五

三

激勵兵勇竭力抵禦斃賊三百餘名擒獲賊馬
三匹賊匪已退竄平溪河一帶等語臣等復飭
該員弁等晝夜實力防堵自可不致竄合均奏
入
上命軍機大臣傳諭宜綿觀成曰此次宜綿督兵痛
剿攻擾營山蓬州賊匪雖未擒獲首惡倘能以少
擊衆殲斃多賊尚屬可嘉所有守城禦賊之淡土
灑謝惟良李忻高汝義蔡光緒甚爲出力俱著加
恩以應陞之缺陞用其白岩山賊匪攻撲營卡亦
經官兵分投截殺斃賊三四百人所辦亦好此次
打仗陣亡之岳廣等俱著咨部加等議卹宜綿一
路兵力無多而賊匪現在黃渡河一帶竄聚固應
督率官兵奮剿擒拿賊首若賊匪股數較多兵力
未能分擊亦不可稍涉冒昧惟當督兵防堵不使

欽定剿平三省邪匪方略

正編卷五五

五

賊匪蔓延他處佔據城治為一要茲又發去餉銀四百萬兩軍需緊要不得不寬為預備但自剿辦教匪以來先後撥發不下數千萬兩宜綿等務須趕緊剿辦樽節動支不可再有遷延坐食軍儲致糜帑項侍衛祥金保現已趕至奉節隨營打仗尚非藉病逗遛著留於軍營帶兵立功贖罪至老木園賊匪困守日久今僅將轎頂山賊卡奪獲未能攻

聖朝聖編卷五

五

克賊巢擒獲首逆仍屬延緩觀成等務須知愧知奮速擒渠逆毋得遲延干咎其打仗陣亡之巴克唐阿等俱著咨部加等議卹

上諭內閣曰川省各路大兵彙集供支軍餉需用倍繁自宜預為籌備著於內庫撥銀四百萬兩仍令直隸山西陝西各督撫照例遴委妥員分起迅速解往備用

初五日庚午明亮德楞泰奏言賊匪在樹河口經官兵截殺拾命逃竄分三路狂奔欲使官兵不能併路追剿且皆山谷小道叢密深林據探路弁兵報稱賊人竄過後多於路口堆積木石攔塞復將澗道橋梁概行焚拆臣等察看路徑飭令將弁兵丁分路窮追每路并派餘丁三四十名在前開除道路搭蓋浮橋俾不致有阻滯自

聖朝聖編卷五

六

十四日以後賽沖阿長春札爾杭阿等追剿由樹河口竄渡顯子城一股十五日追至平溪河賊入聞信急竄賽沖阿等復由嵐河老林至攔江山跟蹤截殺一百餘名搜獲三十七名將賊人逼向白沙河繖子坪一帶鎮臣木騰額副將明善李文蔚等追剿由三溪子翻山竄逃一股十七日追至魚峒子賊人見有官兵追入避匿

山溝林內幸其時積雪未融蹤跡可辨該鎮等認明所在因山溝窄狹不便進攻當將兵丁分堵前後用鎗礮擊斃賊四五十名次日餘賊捨命衝出經該鎮等截擊計斃賊一百數十名賊俱由口晒溪逼向緞子坪西遁臣等同與肇達音泰副將德寧侍衛富僧德等先於樹河口大樹河一帶逐一搜捕拿獲藏匿林洞內賊匪郭長志等九十二名婦女幼孩二百四十六名口遂於十五日早率兵追擊自打熊溪山頂竄走一股十七日追至華龍山探知賊人因山口陡仄兼多冰凌互相扶掖以行不能疾竄當於各營內選派奮勇官兵及屯土兵丁五百餘名各著草履多帶鎗箭前驅追捕其餘官兵繼進策應該兵等連步直前自上壓斃賊百餘名

剿平三省邪匪方略

正編卷五五

欽定剿平三省邪匪方略 正編卷五五

傾跌墮崖者亦多官兵於十九日追至緞子坪正值賽沖阿木騰額等兩路先後兜擊前來賊匪卽歸併一處前竄三路官兵亦卽會合臣等察量該匪行蹤飄忽官兵正恐轉落賊後且紫陽接壤川境不可不熟籌截擊先經知會烏爾圖那遜圖桑阿帶領勁兵由興安大路前赴紫陽一帶此時若能趕到正可迎擊臣等由小鎮銀硃壩一路趕緊躡剿因恐大隊騾駝帳房經行山僻仄徑未免遲滯概令留後惟裹帶餵糧窮日前進以期迅速趕上痛加殲戮奏入上命軍機大臣傳諭明亮德楞泰惠齡恒瑞慶成曰明亮等於樹河口等處打仗得勝之後僅分路搜剿敗逃餘匪其賊首姚之富李全齊王氏究竟是分是合或已竄往何處摺內均未提及現在勁兵

剿平三省邪匪方略

正編卷五五

五二七

健馬俱在明亮等一路非如他處兵力較單尚可藉口全望伊二人直前進擊迅擒賊首若似此漫無主見惟事追剿餘賊使有用勁兵又致奔走疲乏豈不可惜明亮等屢次打仗殺賊尚為出力是以疊加恩獎今乃置正賊首於不問又幾為宜綿惠齡等之續捨其所急圖其所緩處處為賊人牽綴惟知隔數日以一奏搪塞大非朕屬望之意著傳旨嚴行申飭此時烏爾圖那遜等已由興安前赴紫陽正可迎擊而惠齡恒瑞慶成亦在石泉漢中一帶皆當察探賊首所在奮力截拿不拘何路能將姚之富李全齊王氏拿獲即係何路帶兵大員之功不可不倍加奮勉也

初八日癸酉額勒登保福寧奏言單加糧一犯率其敗殘餘衆亡命奔逃臣等連日督率巴圖魯

聖朝聖編卷五

九

侍衛將領等晝夜窮追賊匪於石柱廳萬縣邊界之蘿蔔店三岔溪等處折竄湖北利川之杉木根十字路一帶我兵於十八日午後趕至十字路正值賊匪在各村莊掠食臣等率同綸布春等分為兩路上山兜剿追趕二十餘里斬戮計四百餘人生擒單多倫等三十五犯割獻首級內有蓄髮首級一顆當令活犯等識認僉稱係軍師張馴龍首級林之華等起事時是他主謀俱呼他為龍先生令我等見他磕頭衆人說他有法術認得天上星宿等語當即分別凌遲正法此次頭等侍衛烏爾呼諾因箭已射盡奪取賊矛擊刺復殺賊二名被賊矛戳傷左腿把總呂廷貴亦受矛傷十九日五鼓臣等復即督兵前進二十日於黔江地界之盤蛇溪曹家壩

聖朝聖編卷五

三

二仙岩一帶又殺賊三百餘名生擒十八名副將張持於二仙岩縱馬捨入賊隊被傷陣亡賊匪俱向東北亂山中竄入咸豐縣地界二十二日賊匪由小水坪尖山子隘口抵拒官兵臣等督令將士盡力搶撲卽出尖山隘口追及賊尾殲戮一百餘名而覃加耀尚在免脫臣等注意先擒該犯每於剿賊時仰體

聖朝恩惠

至

皇上網開一面大聲宣諭賊衆令其縛獻覃加耀免其死罪乃此等習教之人冥頑不靈仍固結不解卽生擒各犯無不兇悍察其就戮情狀亦無悔心可見罪惡貫盈難逃

國憲此時約計所有之賊不過二千餘名隨處詢問此一帶亦少脅從之衆再加剿殺定可殲除淨盡至隨臣等打仗之兵祇有二千餘名晝夜

盡力趕賊行至百里至一百數十里不等兩月

以來並未停息均能不辭勞瘁然深山窮谷霧雨不時上嶺下坡動輒數十里人力不齊在前在後亦所不免二十四日追賊已至宣恩縣之黃草壩小關口刻卽整兵進擊總兵張廷彥慶溥等先經札飭帶兵由利川一路探蹤截剿想卽日亦可來至宣恩地界會合將軍成德現已

聖朝恩惠

至

帶兵在施南府城防護再臣等一路軍火糧餉前經汪新派委糧道舒明阿專司辦運乃近日臣等帶兵追賊逐日移營該道不能隨地供支未免致有缺乏屢經札催杳無音信相應請旨將舒明阿拔去花翎以示懲儆

同日秦承恩奏言查前股賊匪於本月二十三四五等日連次攻撲西鄉縣城經在城文武員

天督率兵勇施放鎗礮奮力擊退賊匪現在城南數十里分屯窺伺恒瑞慶成已由洋縣渡江迎頭兜截惠齡在石泉途次亦即渡過南岸馳往應援適臣前派赴洋縣防守之叅將槐他哈等在途聞信亦帶兵趕到縣城自可無虞其後股賊匪探聞現亦竄近西鄉邊界明亮德楞泰緊躡賊蹤直前兜剿若前後兩股賊匪竄合一

聖朝實錄卷五

三

處則惠齡恒瑞慶成攔剿於前明亮德楞泰兜擊於後而索倫勁旅亦已趕緊前進計日可與大兵會合軍威壯盛剿辦極易得手惟漢江道路綿長此時上游水勢日淺可以踰渡之處甚多雖經柯藩田有成王文溥分帶兵勇逐段嚴防但恐賊匪被剿緊急或陽為攻撲縣城牽綴官兵希圖伺隙偷渡臣已密行知會惠齡等一

體留心防範並飛札柯藩即將紫陽迤東防江兵丁全數移至石泉西鄉洋縣城固南鄭江岸分布防堵臣復添派精練鄉勇馳赴西路偏僻要口設法堵截以免疎虞

同日恒瑞慶成奏言臣等前自竹谿馳赴漢中經過興安沿途留心探詢各股竄賊蹤跡方山坪逸匪已向保寧所屬地方奔竄英善帶兵由

聖朝實錄卷五

五

廣元前往距漢中漸遠惠齡所剿一股賊匪由紫陽竄入西鄉地方現離洋縣較近並接惠齡札知帶兵在江北石泉等處堵截但洋縣城固漢中均為漢江上游灘多水淺處處可以涉渡臣等加緊進行兩晝夜由于午峪至渭門渡赴南岸在竄賊之前堵截途次西鄉邊界經前途哨弁拿獲探賊十三名詢係紫陽竄來賊匪據

供賊淮西鄉已近此駭陝楚之人甚多四川地

方生疎不愿前往總欲渡江回鄉等語臣等若

改赴西鄉應援轉走東南倘賊匪聞官兵前往

竟由司渡河一路北竄我兵轉落賊後西北現

無截剿之兵必致擾及漢中且前過西鄉見該

縣城垣堅固兵勇尚多不致遽有他虞當於獲

賊內擇老弱者二三人放回諭知大兵即日赴

聖諭彙編卷五

五

西鄉應援使逆賊聞風驚逸不敢擾害縣治臣

等遠赴司渡河扼要迎剿本月二十六日行次

沙潭坎地方探聞賊匪果由西鄉縣東竄至鐘

子山離司渡河甚近惟北去路徑叢雜恐賊分

股竄遁一面令總兵觀祥先將官兵分佈紫營

拿卡堵截臣恒瑞慶成即帶巴圖魯侍衛江鼎

保邦等及奮勇將弁兵丁並有自甘省續調撤

拉爾回兵四百餘名經土都司韓光澤帶領前

來情愿隨同打仗行至神仙溝即與賊遇約有

萬餘蜂擁前來一官兵張皇錯亂臣等督兵

乘勢衝殺賊眾退上山梁持險抗拒我兵分投

上攻勇氣百倍登時殺賊甚多賊眾紛紛奔回

官兵搶上山梁忽見後路煙火甚大緣後起賊

匪見前賊已被官兵截殺即由小路遶出北竄

聖諭彙編卷五

五

臣恒瑞仍督兵往來掩殺臣慶成即分帶巴圖

魯侍衛等馳回截擊賊從後路遶出撞遇兵糧

駝馱正欲劫掠適臣慶成帶兵趕到直前衝入

奮力殲殺斃賊徧地土都司韓光澤帶領撤拉

爾回兵殺賊尤多餘匪翻越山嶺竄回歸駭臣

等復兩面併力痛加殲戮至昏暮始將兵劄住

次早探詢賊敗賊匪由鐘子山合聚向東北洋

縣城固一路竄逸^臣等各帶官兵又於七里溝

麻地灣韓家壩等處迎頭截殺賊匪數次捨命

衝突皆被官兵擊退復令步兵分布要路拿卡

^臣等帶兵追殺三十餘里殲賊數百餘衆四散

奔逸^臣等至二更始收兵回營仍飛差密探敗

賊竄蹤二十八日聞竄匪復結隊成羣自司渡

河西南山溝潛行北邊欲趨漢中中路弁兵及

聖朝聖德編卷五

毛

撒拉爾回兵踴躍爭先星飛馳往於白廟崖高

峯溝等處遇賊大駭官兵不候齊隊分投殺入

賊衆亂竄復佔拒大山捨命力戰鎗礮之後繼

以木石侍衛將弁兵丁一鼓作氣攀援而上痛

加剿殺殲賊尤多敗匪復回原路統計二十六

七八三日共殺賊二千餘人生擒王廷基等五

百八十一名此次超衆奮勇千總李行正行營

千總馬世昌前鋒年得七十三俱受刀矛重傷

行營千總楊青山中矛傷陣亡^臣慶成家奴川

兒跟隨打仗年餘此次亦中矛傷陣亡其餘弁

兵查明咨部詢明被脅之人分別發交地方官

查明保釋其從逆多日之賊概行凌遲梟示所

獲騾馬器械分賞出力兵丁及撒拉爾回兵等

以示鼓勵伏查此股賊匪既多陝楚之人不愿

聖朝聖德編卷五

天

入川必思復圖潛折北竄司渡河爲漢中各路

扼要^臣等察探賊蹤尚復折而北竄卽當迎頭

截剿想惠齡之兵自必追躡賊蹤而來兼聞明

亮德楞泰所剿一股賊匪已由安康一帶向此

股奔竄其意亦似窺伺漢中^臣等現已飛探務

將各股竄匪剿逼入川再與宜綿等各路之兵

卽於川境趕緊併力剿洗均奏入

上命軍機大臣傳諭宜綿明亮額勒登保德楞泰恒
瑞惠齡福寧秦承恩汪新曰額勒登保等仍任賊
匪復由萬縣折回咸豐宣恩地方不能將首逆覃
加耀擒獲僅殲戮並未著名之偽軍師張馴龍一
犯而摺內所稱分兵兜截剿殺連夜追趕等語全
屬空言可謂恬不知恥卽所稱此時約計所有之
賊不過二千餘名亦係飾詞著再傳旨嚴行申飭
副將張持因縱馬搶入賊隊陣亡殊爲可惜著咨
部加等議卹至糧道舒明阿業已旨革職拿問
糧餉軍火爲軍行要務舒明阿不能隨時運送以
致缺乏固有應得之罪但額勒登保等果能截住
賊匪將首逆早擒亦何致賊匪忽往忽來官兵東
追西擊使專司糧餉軍火之員不能確探軍營所
在隨地運送額勒登保等既知參奏他人貽誤寧

欽定剿平三省邪匪方略

正編卷五五

不自知貽誤之咎耶况軍行糧隨豈可一日缺乏
額勒登保等既屢催不應自當及早參奏另委幹
員辦理乃直待杳無音信始以一奏塞責亦屬遲
緩至汪新係湖北巡撫督辦軍火糧餉是其專責
既不能派委明幹道府大員分投妥辦又不能隨
時查察咎亦難辭汪新著傳旨嚴行申飭並著該
撫於前此簡發湖北道府內揀選妥幹之員奏補
糧道員缺卽令其接辦軍需嚴飭該員妥協辦理
以期源源接濟無誤軍行爲要又據恒瑞慶成奏
帶兵渡江在南岸司渡河等處截殺賊匪所辦俱
好恒瑞慶成俱著賞給玉喜字牌大小荷包土都
司韓光澤尤屬奮勇著賞戴花翎此次打仗之撒
拉爾回兵著賞給一月鹽菜口糧其陣亡千總楊
青山著加等議卹慶成家奴川兒跟隨打仗年餘

欽定剿平三省邪匪方略

正編卷五五

因殺賊奮勇受傷陣亡殊為可惜亦著照陣亡兵
丁例議卹再據秦承恩奏明亮等所追賊匪現亦
竄近西鄉邊界明亮德楞泰既緊躡賊蹤追剿而
惠齡亦即渡過南岸迎擊又有恒瑞等在漢中要
路堵截賊首無從他逸明亮等務當乘此機會將
賊首姚之富李全齊王氏三人一併擒獲即有零
星賊匪無難再事掃除佇盼擒渠捷音速至

聖朝實錄卷五十五

三

上諭內閣曰額勒登保等奏糧道舒明阿辦理糧
運未能源源接濟軍火亦有缺乏現當剿捕賊匪
喫緊之時軍火糧運關係緊要舒明阿係派委專
管大員未能催遣供支殊屬怠玩著即革職拿問
即令汪新派委委員解京交軍機大臣會同刑部
嚴審定擬以示懲創

欽定剿平三省邪匪方略正編卷五十六 丁巳年

十一月十一日 丙子 宜綿奏言賊匪自竄至黃渡

河一帶分屯數十里飛飭百祥富爾賽等跟蹤

追剿十九日我兵進抵營山所屬之石山舖地

方忽有四五千人前來抗拒百祥等分路攻擊

斃賊二三百名賊匪相持不退復分一股翻山

折向儀隴 臣 隨飛派將備帶兵趕往援剿二十

聖朝實錄卷五十六

一

日賊匪竟分三股攻撲儀隴縣城該縣知縣陳

嗣虞督率鄉勇竭力堵禦緣城垣低小賊匪拋

擲火彈入城延燒房舍居民正形惶急適官兵

趕到衝散縣治幸保無虞該匪等遂又折回黃

渡河向渠縣李家場一帶焚掠距靜邊寺二十

餘里 臣 隨儘帶營盤所有之兵督率總兵索費

英阿親臨前敵鎗箭並發斃賊多名維時石山

舖賊匪亦竄至官渡口冀圖窺伺蚊蟲溪糧臺

該處亦係達州後路轉運要區先經臣派參將

趙宗濬帶兵三百名並飭站員照磨朱連陞圍

集鄉勇協同防護二十二三日賊匪連次攻

撲糧臺均經趙宗濬朱連陞督率兵勇並鼓勵

本站人夫數千隨同堵剿計殺賊二百餘名生

擒尹文柄等二十一名我兵陣亡外委劉吉一

《聖朝聖紀編卷五十六》

二

員匪眾即分屯永興場三灘場一帶業已擾至

靜邊寺東面與石橋河切近其勢仍欲直趨達

州而自三灘以至渠縣僅九十餘里並與大竹

邊境毗連竊念達州為糧餉總匯之地雖有副

都統勒禮善道員石作瑞帶兵防守但追賊官

兵約在賊匪屯聚之西北一面設或匪眾直趨

達州該處防兵甚單因即酌留兵勇交索費英

阿防守靜邊寺一路臣自帶兵勇數百名繞道

馳至達州之文家梁駐劄以防賊匪折竄州城

並飛飭百祥等速帶原兵即由石山舖繞道前

赴渠縣大竹一帶偵探賊蹤迎頭截剿河州鎮

保興帶兵八百名已至保寧郡城該處距賊較

遠無須重兵防守亦即飭令會同朱射斗由南

部一路進發與百祥等兩面夾擊並咨會英善

《聖朝聖紀編卷五十六》

三

帶兵由廣元前進以為策應其營山達州一帶

間有零星餘匪已交富爾賽帶兵搜捕其白岩

山一路現據舒亮穆克登阿知會該處賊匪因

見官兵添拏營卡復於十六十七十八等日乘

霧雨迷漫分撲蘆花嶺上馬墩余家壩龍盤舖

營卡冀圖逃竄俱經官兵奮力擊退計殺賊匪

三百餘名護軍校德成額外委許建英均因殺

賊陣亡一俟霧氣稍開即設法進攻臣復疊次

飭催再查奉節北岸賊匪前次竄至雲陽縣屬

鹿馬溪一帶經該縣知縣梁敦懷督率鄉勇併

力堵剿斃斃多名匪眾不敢由雲陽一路窺伺

遂闌入閉縣屬東溪坳地方其勢欲與白岩山

賊匪合夥經知府朱爾漢督同知縣嵇承裕並

原任知縣陳寶田率領鄉勇馳赴東溪壩分路

《聖朝實錄編卷五十六》

四

攻擊十六十七等日連次與賊接仗斃賊二百

餘名生擒邱廣幅等十四名匪眾折竄石埡子

適總兵德齡徐昭德侍衛伊里布等由三寶山

黃草嶺分爲兩路跟蹤追到賊匪抗拒我兵分

投截殺斃賊百餘人匪眾捨命衝突遊擊王化

龍把總石得明王廷均因殺賊陣亡賊眾追至

馬家壩地方屯紮查此股賊匪據德齡等稟報

雖祇二千餘人而勢甚猖獗臣現飛飭總兵艾

如文即帶原防雲陽一帶官兵趕往協剿迅速

撲滅

同日惠齡富成奏言臣等所帶官兵僅有三十

餘名現又分安沿江口岸未免益形短絀正在

設法通融適柯藩由水路來至石泉查賊匪既

已盡竄上游所有下游防守之兵自當捲撤並

《聖朝實錄編卷五十六》

五

可將臣等分安口岸官兵撤回本隊以便趕緊

兜剿旋據探馬報稱賊匪數股分向南岸之銀

洞山楊樹樞茶鎮等處逃竄有直奔西鄉之勢

臣等隨令副將李紹祖帶領原防紅石灘兵五

百名乘船前進臣等帶兵渡過南岸沿江追襲

在繪溪漁場茶鎮等處斃賊八九十名及一二

百名不等生擒王之富劉漢傑等二十三名據

供王廷詔等總要過江逃往伏牛山一帶現聞
涓門江口防兵較少想衝突過去從五郎鎮安
往河南等語餘無要供當卽正法_臣等飛催李
紹祖帶兵趕緊前往涓門防堵一面帶兵前進
途次接閱西鄉縣稟報頭起賊匪已至該縣屬
之堰口地方離城不遠業已就近稟請恒瑞慶
成發兵援應查恒瑞慶成等計程已過西鄉一
時恐難趕回_臣等隨卽渡江加緊行走二十五
日馳抵子午站又接該縣稟稱賊已逼近縣城
勢甚危急當令副都統銜六十七帶領馬隊官
兵連夜先行馳往救援_臣等仍從涓門一帶先
後馳至西鄉縣詢知賊匪於二十三、四等日連
次撲城俱經該縣文在人等同遊擊張濯都司
神英傑等督率兵勇晝夜嚴防並用鎗礮擊斃

《聖朝實錄編卷五十六》

六

二十名賊少却退時有叅將槐他哈都司額爾
吉善帶兵五百名馳來救援賊復退回堰口屯
聚次日仍來撲城較前尤爲洶湧該縣等正在
竭力抵禦之時適六十七帶領馬隊趕到直前
衝擊賊匪不敢抵拒分向罐子山等處前竄文
在人與槐他哈等帶領兵勇遍處搜捕復殺斃
五十餘人、生擒二十七人賊盡向西逃去查罐
子山迤西卽係前往漢中、大路聞恒瑞慶成業
已帶兵迎頭截殺_臣等正擬躡蹤兜剿適據探
馬報稱白沔峽一路又有大夥賊匪焚掠而來
離堰口亦不甚遠並接秦承恩來信明亮德楞
泰所剿賊匪已從瓦房店一帶前奔似欲追及
前匪以圖會合是現來之賊或卽此股_臣等暫
將官兵在縣之東南黃草坡扼要紮住以防東

《聖朝實錄編卷五十六》

七

西兩路惟後來之賊為數衆多臣等兵力較單

未便直前衝擊臣與富成各帶兵一千名於堰

口左右山林內分投埋伏并令六十七帶領馬

隊侍衛官兵於許家壩山梁屯住察探賊匪將

至卽帶兵繞出賊後轟擊二十九日未刻果見

賊衆紛紛自白沔峽奔向堰口其勢欲撲縣城

六十七待賊匪將已過半卽施放號礮帶領馬

《聖朝聖紀卷五十六》

八

隊衝下山梁我兵兩路埋伏齊出賊匪驚慌亂

竄臣等趁勢掩擊將賊截為數段殺賊無算生

擒李繼先等一百餘名時天已昏黑隨提訊獲

匪據供此股賊匪共有一萬多人係張姓劉姓

等帶領在鎮坪平利一帶屢被官兵剿殺分投

西竄前在瓦房店分為兩起一從白沔峽山內

行走一從沿江逃來想要趕上前股之賊會合

逃過漢江好往河南等語臣等隨密派幹弁偵

探潰匪又復聚於縣南二十餘里之梭羅關喬

家壩等處臣等於四更齊隊臣惠齡由黃池法

竇前進臣富成由堰口東渡頭抄往三十日黎

明齊到見賊匪已有準備排站山梁我兵勇往

直前擊斃賊人甚多賊匪大敗向西奔逃臣等

帶兵追殺二十餘里隨路殲斃及生擒一百餘

《聖朝聖紀卷五十六》

九

名賊匪俱向大山深林紛竄查臣等連日所剿

兩股賊匪均向西北而逃察其蹤跡總在漢中

一帶現有恒瑞慶成等帶兵在彼截剿諒不致

有疎虞惟據賊供尚有沿江逃來一股賊匪不

日亦將到縣雖有明亮德榜泰追剿而臣等一

離此地無人阻遏賊鋒則西鄰倉庫城池居民

慮舍在在堪虞自不便輕於移動轉致顧彼失

此且使東股賊匪被明亮德楞泰擊竄前來有
臣等迎頭攔剿可收前後夾攻之益卽或西竄
之賊又被恒瑞慶成等剿敗折回臣等亦可隨
時截殺仍一面飛行知會柯藩在沿江一帶加
意防守並札致恒瑞慶成等扼要截殺一面知
會明亮德楞泰等相機籌辦以期互相策應均
奏入

聖朝聖訓卷五十六

十

上命軍機大臣傳諭宜綿恒瑞惠齡英善秦承恩曰
宜綿一路兵力無多伊又年老多病且已派勒保
前往接辦而宜綿仍能認真剿賊並不存觀望之
見此次調度將弁以少擊衆縣治糧臺俱能固守
不致被賊侵擾所辦實在可嘉宜綿及百祥索費
英柯富爾賽著賞給大小荷包陳嗣虞趙宗濬朱
遵陞俱著咨部議敘陣亡外委劉吉著咨部加等

議卹朱爾漢梁懷亦著咨部議敘陣亡遊擊王
化龍把總石得明王廷及護軍校德成額外委計
建英俱著咨部加等議卹又據惠齡等奏迎擊竄
匪馳抵西鄉保護縣城殺賊一千餘名所辦甚好
惠齡富成俱著賞大小荷包現在惠齡等因賊供
尚有沿江一股賊匪不日將到西鄉之語卽在該
縣駐守以防東西兩路竄匪所見誠是但川省需
兵甚急恒瑞慶成若留駐漢中聲勢不能聯絡自
當移兵速由廣元一路赴川與宜綿併力合擊至
漢中一帶文報往來無阻諒已無賊匪屯聚而惠
齡富成現在西鄉相距漢中不遠卽著交惠齡富
成在彼督率剿辦廣元地方爲秦蜀門戶棧道要
隘仍著宜綿英善察看情形如賊匪離廣元已遠
可以無虞英善自應帶兵援應宜綿一路倘尚恐

聖朝聖訓卷五十六

十一

折回則英善仍當暫留廣元以資堵禦再賊有會合逃過漢江前往河南之供此雖係牽掣官兵詭計未可為其所惑但漢江上游現當冬令水淺易渡秦承恩柯藩務須督率實力嚴防不可恃賊匪遠去稍有疎懈

十四日已卯額勒登保福寧奏言賊首覃加耀被

剿情急隨處奔竄二十六七八等日復由恩施

剿平霍亂竄案

三

縣邊界之萬寨凌冰河泰山廟蓼葉湖一帶竄

至石灰窰我兵緊跟剿殺於石灰窰左右山梁

殺賊二百餘人二十九日賊又竄出建始縣邊

界之石子路枇杷塘過芭葉山奔竄臣等覓路

抄截三十日由金果坪松木坪等處前至陳塘

坳富家堰賊匪正在下坡臣等督令綸布春等

奮力追趕自申刻至傍晚沿山斬戮甚多是夜

賊又竄至簸箕嶺麥莊灣口轉入黃柏山之四方臺自濠口至彼山徑俱係羊腸一線臣等於

初一日帶兵跟蹤趕剿賊匪又從梯兒岩長嶺

亂山中逃遁初二日復帶兵由筲箕灣上土地

嶺桃子坪分路夾擊巴圖魯侍衛並各將領馳

馬衝擊賊匪滾崖墮溝及斃於鎗箭者不下三

百餘人酉刻餘賊復由白岩竄入朱里寨此一

剿平霍亂竄案

三

帶係長陽縣地界在黃柏山之東相距七八十

里峯嶺險峻官兵自在宣恩縣地界追賊七八

日以來並未停息軍食軍火不能接濟鍋帳亦

難趕到且此次追賊所過深山窮谷賊匪半由

原路折竄居民屢遭焚掠盡皆躲避須於寫遠

之處採買糧食甚屬艱難官兵等既不能飽餐

風雪之中暫行止息亦多露處臣等隨時撫慰

官兵等雖尚知不辭勞瘁而其中凍病不能道

行及力不能到而落後者均所不免不得不暫

行駐營稍加整集此數日內所殺之賊約又有

六七百名先後官兵擒獲及民人搜獲解送之

竄匪謝國華等共七十三犯僉供單加耀疲憊

已極目下並無附從及逼脅入夥之衆無路可

走所以仍復折回長陽等語當將該犯等正法

製看龍夏編卷五

古

等俟兵力稍齊即行趕緊合力剿辦自可即

擒首逆現在時值嚴寒兵丁衣履亦須添補並

應用之軍火糧餉各項已一面移咨汪新飭屬

趕辦

同日英善奏言接據宜綿來信以賊匪現在分

股於保寧順慶一帶滋擾囑^臣帶兵前進策應

並連接保寧守城文武稟報探聞賊匪分爲數

起於南部營山儀隴等處焚掠並有奸細窺探

保寧郡城餉銀等項皆不能前進是保寧郡城

尤關緊要^臣已將廣元城垣飭縣趕修完固鄉

勇亦募有一千餘名並留川兵二百名交參將

徐南鵬帶領防守^臣即帶兵於本月二十八日

馳抵保寧民心畧爲鎮定並於南部等處拿獲

奸細屠槐敏李其秀何貴等訊係王三槐冉文

製看龍夏編卷五

五

儔等遣出探聽官兵信息該匪約有一二萬人

現在分股由南部往營山蓬州渠縣一帶脅掠

居民入夥到處焚搶查營山賊匪連次攻撲縣

城因守禦甚嚴又經百祥富爾賽帶兵赴援連

次擊斃賊匪二千餘名賊始分股退去百祥富

爾賽因賊匪分股竄往永興場蚊蟲溪三匯林

場一帶即帶兵馳往分剿其另股賊匪仍復折

回營山惟時保興業已帶兵到彼當即奮力截
 剿殺賊多名賊退至羅家壩黃渡河一帶屯紮
 保興現已趕往剿辦朱射斗得信之後亦帶兵
 趕赴羅家壩與保興會剿臣因差探此股賊匪
 甚眾保興等兵力稍單又於所帶甘省兵內挑
 選精壯兵丁五百名交將弁管領星馳前進策
 應至保寧地方與通江巴州營山儀隴處處相
 接且查羅家壩有小路可通保寧今保興等赴
 彼截擊恐該匪等被剿情急即由此路竄至保
 寧臣現於扼要處所密為預備以為兩面夾擊
 之計既可安保郡民心且可兼顧廣元棧道一
 帶後路
 同日明亮德楞泰惠齡奏言臣明亮德楞泰自
 在華龍山繖子坪等處擊殺竄匪以後敗逃之

聖朝聖編卷五

六

賊日夜狂奔臣等飭將官兵驟駛鍋帳概行留
 後親率鎮將帶領奮勇兵丁裹帶餼糧由銀硃
 壩一路漏夜進發十月二十八日趕至周家壩
 追及賊蹤察看該處岡嶺重疊蹊徑交錯因與
 興肇賽沖阿率領鎮將兵丁酌分四路以兩路
 繞道抄出賊前兜擊以兩路自後追剿該匪分
 據山梁捨命抗拒官兵爭先競進殲賊四五百
 人生擒六十三名該匪力不能支俱由瓦房店
 一路狂奔臣明亮德楞泰即乘勝追至瓦房店
 於空屋內搜獲冒充難民之劉宗梅等十七名
 當飭隨營道府覆訊據供賊人連被官兵剿急
 聞前股賊匪由五郎壩一帶西竄急欲趕上合
 夥今日至瓦房店將人數畧為齊集即分兩股
 由長嶺蜡溪壩等處奔竄等語當即分別正法

聖朝聖編卷五

七

一面派撥弁兵搜捕一面率兵進追初一日追至土高川探知惠齡等已帶兵馳抵西鄉其前竄一股業經攔頭截殺餘匪向西北敗竄因思此股賊匪被剿前竄正可與惠齡兩面夾擊臣等由撈魚壩連夜追剿當即飛咨惠齡由黃草坡迎擊初三日未刻臣明亮德楞泰由板廟子將賊匪追殺至白沔峽正值臣惠齡同提臣富成帶兵已自三郎鋪一路迎剿前進賊匪後被追擊前被截殺捨命衝撲其時臣明亮率同阿哈保等由後累剿絕其退路臣德楞泰率同賽沖阿等繞出山後擊其中堅臣惠齡富成率領六十七等迎頭剿殺攔截去路該匪前後衝突官兵鎗擊箭射四面圍剿賊匪首尾不能相顧官兵自未至西愈剿愈力計斃賊一千餘名生

剿平三省邪匪方略

卷五

擒周仕登等二百餘名其時天色已晚餘匪乘山霧四合之際穿匿深林臣等三路官兵分投剿捕復搜獲王瑤等七十一名婦女幼孩四十六名口其穿林逃遁餘匪約有數百名向西南大山一帶分投亂竄臣等訊據活犯供稱此股首逆齊王氏張漢潮等因見官兵連日擊斃頭人甚多已先後逃入前股賊內俱向漢中一路奔逃臣等因恐首逆正犯或乘間竄逸不可不細加根究將該犯等隔別嚴鞫僉供大頭目等均已會合前竄等語查此時東路安康紫陽石泉一帶均已廓清各首逆俱歸入前股賊內由西鄉向漢中一路竄走該處現有恒瑞慶成帶兵堵剿兵力不充臣明亮德楞泰即日由西鄉司渡河一路進發臣惠齡富成即日由西鄉沿

剿平三省邪匪方略

卷五

江一路進發其逃往南山等處餘匪已飛飭太平防守之道員李鉉遊擊劉大魁都司陳弼等將現帶分防兵勇一千七百餘名分佈要隘加意截拿并飭分防茶鎮一帶之署總兵田有成帶同參將槐他哈移兵前赴南山及川省連界一帶逐一搜捕以冀一律俘擒

同日恒瑞慶成奏言臣等前在司渡河痛剿竄

匪俱逃向西南漢山該處為川陝交界北通城

固洋縣漢中臣等隨自司渡河抄出北面行次

平水黃灘河等處見西南村民避賊扶老攜幼絡繹在道當即派員逐加安置一面令總兵觀

祥副將德忠參將涂登弼遊擊楊之震等帶領步兵前進臣恒瑞慶成先率巴圖魯侍衛等及

馬隊弁兵馳往迎擊至毛垵子即遇折回北竄

一股賊匪自溝內而來臣等督兵分頭衝擊賊眾披靡奔竄兩傍山溝復有賊匪竄出經觀祥等率兵施放連環鎗礮賊仍竄回漢山臣等帶領馬隊驅馳追殺斃賊一千餘名是晚即於北面要路山梁紮營堵截據鄉勇程允升來營報稱自司渡河回至罐子山復遇後來竄匪搶劫並據被賊裹脅現在投出民人勾文義等所供賊

情均屬相符伏思惠齡所追一股賊匪係由紫

陽西鄉至罐子山向西北折竄節經剿殺盡數

竄入漢山今罐子山又有賊匪自係明亮德楞

泰由鎮坪一帶剿敗之賊向前尋蹤合夥臣等現已帶兵馳抵漢郡以南扼要分佈拿卡防護仍分投飛探隨後各起竄匪就近迎頭截殺漢

屬地方避賊民人正在驚怖之時一見官兵無

不惟慰陸續歸莊再沔縣寧羌一帶邊界漢水
發源灘溪乾涸臣等接惠齡來信現已帶兵進
至西鄉明亮德楞泰等亦緊躡賊蹤而來查紫
陽西鄉一帶重山疊阻路徑狹仄官兵難以趨
程逆行一面知會明亮德楞泰處撥派官兵卽
由北面洋縣城固平坦大路兼程趕赴沔寧一
路堵剿可期迅速并知會惠齡兼程馳赴漢中
一俟到來則漢郡一帶防護有資上等卽可抄
出西竄賊匪之前迎頭截擊均奏入

《聖朝實錄卷五十六》

三

上命軍機大臣傳諭勒保宜綿明亮額勒登保德楞
泰惠齡福寧恒瑞英善曰額勒登保等前此已任
賊匪由萬縣折回咸豐宣恩地方今復由恩施建
始邊界轉入黃柏山之四方臺竄回長陽縣境仍
不能將首逆覃加耀擒獲僅殲賊六七百名實屬

無能已極所稱賊匪奔竄之處俱係羊腸山徑官

兵跟蹤趕剿現在賊匪竄入朱里寨相距七八十

里峯嶺險峻等語尤不成話此等教匪不過該處

百姓其所過羊腸山徑豈能插翅飛越何以賊匪

能往來奔竄而官兵總不能趕上截殺額勒登保

等並不趕緊追剿轉以兵力疲乏不得不暫行駐

營爲詞明係藉口爲落後貽誤地步尤屬全無天

《聖朝實錄卷五十六》

三

良額勒登保福寧著再嚴行申飭若再有遲延或

任他竄必將額勒登保福寧從重治罪凜之慎之

又據英善奏馳赴保寧一帶分撥剿賊情形所辦

俱好現在英善帶兵駐劄保寧扼要地方既可保

護郡城且兼顧廣元棧道一帶後路不卽馳往宜

綿一路所見甚是但宜綿處現在兵力較單亦難

望其卽擒首逆惟當布置嚴密竭力防堵使賊匪

不致四出滋擾此爲最要至明亮等摺內所稱首
逆齊王氏張漢潮等大頭目均已會合前竄是首
逆數人已有實在下落覽奏畧慰明亮德楞泰著
各賞玉喜字牌大小荷包惠齡恒瑞興肇富成慶
成著各賞玉煙壺大小荷包賽沖阿阿哈保達音
泰觀祥著各賞玉搬指大小荷包以示鼓勵至漢
江上游冬令水涸而寧羌沔縣等處並無江水阻

《聖朝實錄卷五十六

五

隔恐賊匪被剿緊急向該處奔竄亦不可不豫爲
防範明亮等已知會柯藩速將下游防守官兵撤
赴上游節節防堵而寧羌沔縣等處又有英善在
扼要地方相機策應想賊匪等無從他逸明亮等
不可不倍加奮勉迅速會合兜截擒渠以副委任
又恒瑞等奏訊問鄉勇程允升供單內稱自司渡
河走至罐子山遇見賊匪步元德告知伊被賊拖

累不堪且現在賊匪中亦多有懊悔者因畏罪不
敢投出並叫他兒子與伊識認將來託伊救他等
語可見賊匪屢被官兵剿殺多有悔意祇因被賊
迫脅不敢遽行投出今鄉勇程允升既與賊步元
德相見認識明亮等當加以重賞卽令該鄉勇等
設法招致或一面出示曉諭以爾等俱係愚民祇
因爲賊匪誘逼隨同抗拒官兵雖爲王法所不容
但果能真心悔罪或暗將賊首殲擒獻功或臨陣
反戈殺賊不但可免誅戮並當重加獎賞若始終
怙惡一經大兵圍剿必致全行洗蕩爾等生死攸
關不可不早知省悟如此明白曉諭再令程允升
設法誘問既可離間賊人亦可解散黨與是亦一
法再前曾諭知勒保令其沿途探聽如姚之富等
尚未就擒卽迅速馳赴明亮等一路督剿今據明

《聖朝實錄卷五十六

五

亮等奏各首逆俱竄入西鄉漢中一路現與惠齡等會合夾擊勒保務須倍加迅速兼程前往與明亮德楞泰等會合將陝境賊匪剿竣同赴川省則聲勢浩大無難將各處首夥匪犯以次殲擒也

臣等謹案天地以好生爲心聖王以至仁育物雖當詰戎除暴之時仍寓肆過宥罪之意自教匪滋事以來屢經

聖明指示復

三

申諭帶兵大員隨時招撫曉以大義此次因恒瑞等奏呈鄉勇供詞荷蒙

命加之重賞諭令設法招致仰見

至誠惻怛之懷亟欲化瘡痍爲衽席乃愚頑匪衆卒以怙惡不悛甘受誅滅其亦自外於

覆載生成之德者矣

二十日臣恒瑞慶成奏言臣等前自毛垭子截

剿賊匪後因漢中兵單卽馳赴洋縣城固一帶

扼要分佈拿卡堵截查各股竄匪接踵歸合一

路決意向北奔逃已知臣等之兵在適中要路

堵截不敢直來衝突乃於漢山東西僻徑分投

城固洋縣漢郡各路潛奔率級官兵希冀乘隙

竄逆臣等探知奸計處以鎮靜密遣侍衛江鼎

保邦及將官等分帶弁兵並漢興道文需添撥

三

熟悉山內捷徑兵勇引路前往處處邀擊遇其

分竄之路連日各將弁帶兵殲賊不下數百人

始不敢復圖竄伺旋接據褒城縣稟報該縣南

界南嶺黃官嶺等處有自漢山以西竄出賊匪

擾及伏思褒城爲雲棧咽喉北通西安大路臣

等以所帶之兵未免力單正在籌辦間隨接秦

承恩來札已知會柯藩帶兵沿江趕赴漢郡並聞明亮德楞泰惠齡等亦兼程進行早晚即可趕到漢中一帶似可無虞臣等一面將現在賊情飛札知會各路一面於初七日先行帶兵馳往褒城南界迎擊行次長寨地方探得有賊一股竄至黃沙舖滋擾人數不多該處亦係北通漢中褒城最要之路隨於該處扎營拿卡復即選帶弁兵馳抵黃沙舖居民俱已逃避衆賊正在街市搶掠官兵堵住要路臣等率侍衛弁兵縱馬衝入鎗箭並發千總祝成龍首先鎗斃手持大旗賊目一人驍騎校觀惠千總陳明前鋒富昌下馬生擒放鎗抵拒之賊張學鵬等數名餘衆紛紛亂奔皆被我兵內外夾攻殲獲無遺又有後來接應之賊甫至山嶺瞥見官兵圍殺鼠竄

《聖朝實錄卷五十六》

天

逃回臣等帶兵追捕查看賊蹤已遠仍即過要堵截現聞柯藩之兵已由城固而來離郡城不遠一俟明亮德楞泰惠齡到來即會商分路督兵協力剿洗同日英善奏言臣因賊匪均向東南奔竄正擬帶兵前進與宜綿會剿初九日接據通江縣稟報陝西賊匪已分股越過大巴山離通江縣界八里該縣現在督率兵勇於要隘處所堵禦臣一面酌抽弁兵前往協同防守一面咨會宜綿撥兵堵剿並札飭南江等處添募鄉勇於各隘口妥為防範查保寧西北一帶如南江通江廣元等處在在與陝省相連兵力空虛現在各鎮所帶之兵於渠縣廣安營山等處分投剿賊尚覺不敷難以兼顧保郡一帶並接到宜綿知會

《聖朝實錄卷五十六》

天

亦以保寧現在四面當衝最關緊要令臣於該處相機堵剿以安川北一帶民心臣所帶兵除派給保興一千五百名外僅存五百名不敷分剿伏思恒瑞慶成屢奉

諭旨派赴川省會剿此時若能帶兵由寧羌廣元一路前來於棧道更足資保護而川省賊匪亦可不致蔓延是以復又飛咨恒瑞慶成迅速帶兵

御看聖覽編卷五

三

前來臣惟就現在所存之兵隨時相機調撥扼要防剿以顧保寧一帶地方俟恒瑞慶成有入川之信卽馳赴前途與宜綿會商夾擊均奏入上命軍機大臣傳諭勒保宜綿明亮德楞泰惠齡恒瑞曰恒瑞慶成馳往褒城一帶將搶掠黃沙鋪賊匪殲獲無遺仍帶兵扼要堵截棧道可保無虞所辦尚好此時首逆歸併一夥向西緬漢中一帶奔

竄明亮德楞泰與惠齡會合後卽分路進發自己赶上賊匪正可與恒瑞慶成兩面夾攻何以未據馳奏朕亦不忍加之催促但勁兵健馬俱在明亮等軍營而黑龍江官兵月半前亦已早到且朕所屬望者惟此一路聲勢浩大足以兜圍賊匪爲一鼓殲擒之舉勉之望之再恒瑞等所稱在黃沙鋪焚掠賊匪自卽係前股奔竄之賊又稱後來接應

御看聖覽編卷五

三

之賊瞥見官兵圍殺竄回則明亮等正可迎頭截殺但賊情狡詐忽東忽西不過爲牽綴官兵之計明亮等總當探聽各首逆奔竄確蹤併力設法兜圍若賊匪仍前狡猾故留小頭目在後分投奔竄希圖分我兵力明亮等斷不可復蹈前轍祇知分路追剿在後零星之賊轉任首逆得以乘隙遠颺此爲最要又據英善奏保寧一帶兵力甚單已飛

咨恒瑞慶成帶兵迅往所慮亦是現在保寧等處
需兵甚急恒瑞慶成務當帶兵速由寧羌廣元一
路赴川不但可以策應英善幫門剿賊更可保護
棧道即使漢中西鄉賊匪向寧羌廣元奔竄恒瑞
等得信亦可折回迎頭截殺更為得力也

剿平三省邪匪方略編卷五十六

聖

欽定剿平三省邪匪方略正編卷五十七 丁巳年

十一月二十二日 丁亥 宜綿奏言查王三棍羅其

清等連次攻撲蚊蟲溪糧臺經官兵擊退分屯

永興場三滙場等處十月二十八日賊匪分股

窺伺渠縣大竹達州三處交界之柏林口卡隘

復經派駐該處之叅將尤漢玉會同署大竹縣

知縣張位中率領兵勇堵剿斃賊二百餘人匪

剿平三省邪匪方略編卷五十七

衆敗逃同日並有賊匪在渠縣所屬李渡河一

帶焚掠該縣倪鼎銓哨探賊蹤距城僅十餘里

遂將守城事宜布置嚴密率同典史陳啟泰各

帶精壯鄉勇分爲兩路行抵王家嘴地方即遇

賊匪數千搖旗吶喊而來倪鼎銓陳啟泰鼓勵

鄉勇併力剿殺斃賊二百餘名生擒二十三名

內有騎馬之賊陳正洪毛俸貴二名訊據供稱

俱係王三槐手下賊目派令黨與二千先來攻
 城當卽正法詎王三槐等見前隊賊匪已敗復
 於二十九日率領大夥黨與由三匯場一路接
 應倪鼎銓等帶領鄉勇分投堵禦相持不退維
 時索費英阿由靜邊寺帶兵趕到奮勇截殺兩
 路夾攻又斃賊四五百名匪衆不敢竟犯縣治
 遂向望溪一帶奔潰其永興場賊匪卽係羅其
 清冉文儒一股經臣派令叅將趙宗濬等帶領
 官兵於三十初一日由蚊蟲溪一路向前攻
 剿賊匪不能與王三槐等竄聚一處仍由鐵釘
 埡張家場等處折回適值知州劉清帶領鄉勇
 趕至鐵釘埡出其不意痛加截殺斃賊二百餘
 名生擒二十九名均於陣陣泉示匪衆卽屯三
 溪口譚家嶺等處初六日劉清復率鄉勇首行

欽定剿平三省邪匪方略 正編卷五十七

營千總桂涵武生冉子明等分爲三路併力攻
 擊自卯至酉殲賊五百餘人生擒四十三名賊
 匪不能屯紮遂竄至巴州所屬之碾盤壩靈剛
 寺一帶盤距至白岩山一路現接舒亮穆克登
 阿知會賊匪因各路營卡愈逼愈緊絕其攜糧
 之路於二十九日率衆二三千人欲由橫溪子
 楊家灘兩處乘霧偷渡經副將王承勳遊擊李
 芝榮等督率兵勇排列河岸施放鎗礮賊匪不
 能徑渡旋於三十日分股衝突西山坪一帶營
 卡紐舒亮穆克登阿督率翼長富保叅將魏攀
 舉烏爾卿額等分投堵剿斃賊四五百人兵勇
 亦有傷損護軍校德克登布藍翎長巴凌阿經
 制外委田增福均因殺賊陣亡初二初二等日
 復有賊匪攻撲金風觀營卡經叅領岱德知府

五四一

朱爾漢督率兵勇堵剿斃賊多名賊匪因各路圍堵嚴密傾巢而出捨命狠關岱德朱爾漢等身先士卒鏖戰多時自午至酉殺賊三四百名岱德朱爾漢皆手殺數賊經歷張伯魁亦射死一賊均受石傷知縣陸維基王世燾亦經受傷義首田雲漢陣亡正在相持急迫之際道副將達桑阿帶兵趕到截殺賊始敗回臣查王三棍等一股現在竄至渠縣所屬望溪一帶該處與廣安州並大竹隣水兩縣犬牙相錯道路叢雜臣復飛飭百祥等倍道趕赴渠縣會同索費英阿跟蹤追剿並派尤漢玉等帶兵一千名由柏林口繞赴大竹縣屬紅春壩一帶兜剿又查保興所帶河州生力官兵八百名已抵營山隨飭就近馳往廣安州並飭朱射斗抽帶各路防兵

繼進策應其羅其清二股現在屯紮碾盤壩靈剛寺等處自應乘賊勢已分趕緊剿辦該處現有劉清帶領鄉勇設法圍堵並嚴飭富爾賽將營蓬一帶餘匪搜捕淨盡卽行帶兵前赴靈剛寺一路上緊擒捕宜綿又奏言據署萬縣知縣劉大經訪得萬縣梁山交界之黃泥塘寶蓮寺等處有匪徒製造刀子潛謀起事附近居民聞風遷避臣查該處與白岩山切近設或再有勾結更形滋蔓隨飛派知府吳桂勳帶兵勇馳往督同該地方官慎密查拏旋據稟報劉大經及梁山縣知縣方積因聞該匪等有十月二十八日起事之信遂各選帶鄉勇於二十七日趕至寶蓮寺會同查拏該匪等相率驚竄經劉大經方積督率鄉勇實

聖朝實錄卷五

四

聖朝實錄卷五

五

5 頁下

力搜捕擒獲五十六名並起出刀矛鳥鎗火藥等件適吳桂趕到提犯研訊據向明先凌漢連供係湖南武陵縣人王正文勸入邪教輾轉傳習正在商議起事即被拏獲等語隨經劉大經同梁萬營千總白連陞萬縣典史會與臣購線將傳教之王正文一併擒拏又搜獲餘匪二十六名一併交與吳桂等嚴訊辦理

剿平三省邪匪方略

六

同日明亮德楞泰惠齡恒瑞慶成奏言查首逆姚之富李全齊王氏高均德等合夥西奔遁入漢中南岸山內自黃官嶺至新集連營二十餘里漢中以西至沔縣寧羌一帶為漢江發源之所江而不寬現屆冬令水勢日涸可以泅渡之處甚多該匪逐日在沿江窺伺總思乘間北渡而北岸長寨新街子黃沙鋪舊州鋪各隘口近

接郡城北達褒城均關緊要臣恒瑞慶成先帶

兵在黃沙鋪扼要堵截臣明亮德楞泰惠齡因

追捕首逆將鍋帳馱驛留後星夜遄行初八日

亦抵漢中察探情形公同商酌必須將官兵由

南北岸兩路前進庶夾攻截剿均為得力是以

臣惠齡同臣富成當即帶兵渡過北岸於長寨

地方堵截與臣恒瑞慶成等互為聲援臣明亮

剿平三省邪匪方略

七

德楞泰帶兵於南岸油坊街一帶相機進發正

在會商剿辦賊人益加情急思竄初十日乘天

色未明大駭由元子山衝出江岸一股向新街

子一路撲渡一股向長寨一路撲渡臣等彼此

接據探報遂各路整兵進擊臣恒瑞慶成率領

官兵在新街子沿江一帶路口設伏賊人騎馬

者先行偷渡步賊隨後官兵誘賊將至半渡臣

恒瑞慶成率同觀祥等帶領馬兵衝至江岸奮
 勇壓擊斃賊無數侍衛保邦首先迎住賊隊射
 殺戴紅頂花翎賊目一名驍騎校承書千總祝
 成龍把總溫起龍俱奮勇涉水爭先手刃斃賊
 生擒十數人奪獲馬數十匹後隊步賊復蜂擁
 而至有執刀矛直前抗拒者有背負行李互相
 牽掖四處奔渡者臣恒瑞慶成飭步兵排列岸
 口截殺施放連環轟擊賊人退而復上者數次
 俱被官兵擊退共又殲戮賊匪七八百名生擒
 龔玉等六十一名其搶渡長寨一股賊匪以該
 處江狹水淺一湧直前臣惠齡先已飭令眾兵
 斫削尖利竹籤於江岸水底層密排插該匪人
 馬猛進俱為竹籤所傷斃斃百餘名生擒數十
 名後隊之賊仍分股從兩旁奔渡臣惠齡同官

成穆維等率領兵勇競進剿殺復斃賊二百餘
 名生擒劉復等二十九名其時臣明亮率同阿
 哈保達音泰長春巴圖魯侍衛富僧德等帶兵
 由南岸高臺寺葛家灘沿江一路兜擊臣德楞
 泰率同興肇費冲阿巴圖魯侍衛達爾精阿等
 由南岸沿江上水渡一路進剿賊人狡詐異常
 分兩股向新街子長寨等處搶渡尚留數股在
 新集黃官嶺屯聚欲俟臣等官兵追剿渡過北
 岸該匪再由山內衝出撲官兵後隊以為乘間
 竄渡之計臣明亮德楞泰途中探知賊情並知
 惠齡恒瑞慶成等兩路擊剿江北可保無虞竊
 計賊人志在偷渡前竄不防後擊正可因其詭
 計制勝臣明亮德楞泰當即繞道翻山仍分兩
 路抄出賊後出其不意自上壓剿官兵將至黃

官嶺山下賊人胆敢率眾迎敵官兵分投併力
截剿殺賊三四百名賊人退向西南翻山逃竄

臣明亮德楞泰帶領馬兵趕擊追至李家集地

方道臣惠齡恒瑞慶成兩路將搶渡賊眾擊敗

俱由北岸追剿前來三面合擊復斃賊四五百

名餘匪亡命肆逸官兵分投追殺二十餘里沿

途殺斃甚多時已將暮因各路沿江營卡緊要

恐賊情詭譎將臣等三路官兵俱牽引南岸趁

北岸防兵不足之時別覓山僻小徑乘間偷渡

所關匪細是以將各路官兵撤回原營計是日

各路所殺賊匪二千餘名生擒一百三十五名

奪獲馬騾器械衣物無數臣等細心會籌各首

逆等皆籍隸襄樊南鄧等處是以總思北竄漢

江逃回本地萬一賊人竄過北岸仍由商維一

帶奔逃致甫經安集之地復被蹂躪更覺不成

事體而當此官兵緊逼之時賊人拚命撻鋒毫

無忌憚沿江一路隘口仍須加意防備况察賊

奔竄路逕西北可達寧沔地界查寧沔以上江

流益窄偷渡益易現在臣惠齡恒瑞慶成仍由

北岸繞道抄截臣明亮德楞泰自南岸緊躡兜

截如賊人直向西南山內前竄則臣明亮德楞

泰總視首逆所在緊跟剿捕若南竄川省廣元

通江等處正可與英善等兩面夾擊臣惠齡一

路亦接續迎前惟當察看賊蹤相機會剿至漢

中郡城地關緊要現有漢興道文需署副將瑪

靈阿督率分防兵勇稽查周安漢郡以下江面

柯蒞已將前設紫陽一帶防兵捲撤前進逐節

安卡並親在郡城左近往來梭巡紫陽以東下

游岸口有秦承恩王文雄督兵防範數百里江岸布置已極為嚴密可紓

聖厯

同日秦承恩奏言查賊匪兩股闖入沔縣南鄭境內現經恒瑞慶成及明亮德楞泰惠齡會籌剿辦而後股之賊另分一股至西鄉南路攻撲漁波營經該營署千總康士俊同臣標隨營千

總朱現章帶領兵勇分路迎擊賊賊多人賊恃

衆拚死向前康士俊朱現章奮力衝殺均受傷

陣亡兵勇亦有傷亡現經明亮派令防守江岸之田有城槐他哈帶兵前往剿辦竊計賊匪由白河洶陽而至漢中沿江奔走一千六百餘里因江面大小船隻先經臣督飭員弁全數收淨又經柯藩率同田有成王文湧等採明水淺處

所安設兵勇賊匪屢次撲至江邊俱被擊退是以思竄漢江上游將近發源之處希圖竄沒而

過幸諸路大兵會集正可趁此機會四面兜圍

聚而殲洗早靖逆氛惟此時近省一帶兵備空虛亟宜預籌防堵除棧道一路現據王文湧自請帶所練防守江岸之精壯鄉勇一千名同赴褒城縣雞頭關扼住北竄留壩要口臣已飭令就近迅速前往並另派都司龔鐸酌帶兵勇前赴五郎一路擇險防守臣現已商令王文雄先行馳赴鎮安駐紮策應以安近省一帶民心但王文雄所帶兵二千名業經明亮德楞泰調去山東兵五百名祇存一千五百名亦覺稍單適愛星阿帶兵二千各行抵興安若卽令馳赴漢中計須十日方可趕到已在各路大兵之後因

囑其暫住與安北面探明信息倘賊匪竟有北趨之勢臣卽酌帶兵勇與愛星阿趕赴鎮安會同王文雄確探賊蹤由北路向西迎擊如賊匪已在南路剿淨卽令愛星阿速赴明亮德楞泰軍營前往四川協剿王文雄仍回陝豫交界同日文圖奏言十一月初十日據防守長樂縣漢陽同知木特布稟有賊匪數百名四出焚掠滋擾請撥官兵速往剿捕伏思臣駐劄歸巴要隘防堵川匪今四川之賊業經官兵嚴密圍堵擬酌留協領喜格佐領清祿帶領滿兵四百餘名防守水師遊擊俞國智帶兵駐劄巴東縣江之北岸防守臣卽在四川湖南江西各營內抽帶官兵四百名馳赴長樂縣會同臬司張長庚商酌何處緊要卽帶兵前往堵剿均奏入

聖朝聖德編卷五

五

上命軍機大臣傳諭勒保宜綿明亮德楞泰懇齡曰宜綿奏連日截剿分竄渠縣及永興場賊匪能以少擊多使首逆羅其清冉文儔不能與王三槐等竄聚一處殲賊一千七百餘名生擒九十餘名所辦尙好宜綿著賞玉喜字牌大小荷包等費英阿亦著賞大小荷包知縣倪鼎銓著賞給知府銜以直隸州同知卽用典史陳啟泰著超等以知縣陞用其餘參將尤漢玉等俱著以應陞之缺陞用至白岩山一路賊匪經舒亮穆克登阿等堵剿殲賊八百餘名所辦稍可此內參領岱德知府朱爾漢知縣陸維基王世燾經歷張伯魁等均因殺賊受傷甚屬出力俱著以應陞之缺陞用此時宜綿等若能設法兜截將首逆王三槐羅其清冉文儔一併擒獲固朕所日夕盼望卽因兵力稍單亦當遵

聖朝聖德編卷五

五

照節次諭旨嚴密堵截不使賊匪肆出滋擾以待
 勒保明亮等剿竣楚匪會合赴川協同剿辦至白
 岩山賊匪舒亮等攻圍多日總未能直搗賊巢務
 當知愧知奮乘勝進攻將賊首林亮功擒獲尙可
 稍贖前愆又萬縣謀逆邪匪知縣劉大經方積能
 先期密訪立將首夥挈獲消息未萌不致釀成事
 端其功甚大實在可嘉劉大經方積著賞給知府
 銜以直隸州同知卽用又閱明亮等奏報祇係追
 剿竄匪分投圍擊情形殊不愜意賊匪屢次乘間
 奔竄皆因明亮等不能設法兜圍迅擒首逆且將
 黑龍江官兵留駐竹谿以致不能早到軍營合力
 剿辦卽摺內所稱賊情狡詐分兩股奔竄之語自
 係明亮等未能將賊匪逼歸一處併力圍剿一任
 東奔西竄是誰之咎宜綿一路兵力較單尙能以

少擊多明亮等軍營兵多將廣轉不能將首逆擒
 獲一名任其竄逸實屬無能明亮德楞泰著傳旨
 嚴行申飭看來明亮等亦未能得有把握必須勒
 保前往督辦方可得力勒保務須倍加迅速行走
 早抵軍營勿稍遲延又秦承恩奏稱愛星阿帶兵
 一千五百名已抵興安囑其暫駐該處探明信息
 倘賊有北趨之勢卽酌帶兵勇與愛星阿趕赴鎮
 安會同王文雄迎擊等語殊屬牽混現在明亮等
 統領大兵已過漢中賊匪俱向西南奔竄安能復
 折回北岸竄至東北鎮安地方卽或有迎剿之處
 該撫不諳軍旅又豈能帶兵打仗此不過該撫欲
 將愛星阿所帶之兵留於該處防守故爲此奏竟
 屬虛言閱之徒亂人意奏承恩著傳旨申飭至愛
 星阿甫抵興安距漢中尙遠明亮等一路軍威已

聖朝實錄卷七

六

聖朝實錄卷七

七

極壯盛竟可無須愛星阿帶兵前往協助所有此
 項官兵即留於陝境著秦承恩柯藩酌量或該撫
 有需愛星阿幫助之處即令其幫同帶兵防堵否
 則令赴柯藩田有成一路協防江岸毋令賊匪乘
 間北竄所有在西鄉剿賊陣亡之千總康士俊朱
 現章及四川白岩山剿賊陣亡之護軍校德克登
 布藍翎長巴凌阿經制外委田增福俱著咨部加
 等優卹其陣亡兵丁亦著咨部優卹

欽定剿平三省邪匪方略 正編卷五十七

上又命軍機大臣傳諭額勒登保福寧汪新文圖曰
 文圖奏長樂縣地方又有賊匪數百名因大兵遠
 去四出焚掠現已酌帶官兵前往堵剿此股賊匪
 是否即係額勒登保等追剿竄回餘賊抑係該處
 新起匪徒與首逆覃加耀早有勾結乘官兵遠出
 之後因而四出響應以為牽綴官兵之計汪新係

本省巡撫著即查明覆奏文圖既經帶兵前往尤
 當出其不意一鼓殲擒勿使與長陽縣餘匪合夥
 方為妥善至額勒登保等追剿首逆覃加耀以一
 倍有餘之官兵剿窮威無路之殘賊曠日持久總
 未能將首逆擒獲以致長樂地方復有匪徒乘機
 響應皆額勒登保等遷延貽誤之咎額勒登保等
 務須知懼知奮即將覃加耀生擒殲淨餘黨並將
 長樂縣新起賊匪一併搜剿淨盡再赴宜綿一路
 幫同剿辦若再有遲延致潛匿匪徒互相勾結額
 勒登保等自思當得何罪稟之慎之

欽定剿平三省邪匪方略 正編卷五十七

二十三日戊子額勒登保福寧奏言逆犯覃加耀
 竄回長陽縣屬之朱里寨該處距長陽縣治百
 數十里南通長樂東近宜都松滋等縣尤應趕
 緊剿辦賊匪於附近朱里寨之重溪葉家壩五

鳳觀五峯嶺等處俱有賊卡意欲屯聚久拒官兵前分路追賊之鎮將於初七八等日陸續趕到臣等即於初十一十三等日督令綸布春帶同各鎮將分路節次攻擊將賊匪所割之重溪一帶卡座先後共燒燬十七處殺賊一百餘名查朱里寨一山周圍五十餘里三面懸岩峭壁下臨深溝惟東南一處與千嶺石嶺兩山相連有一綫山徑此外懸岩之上東面之黃子岩及西北之百岩口大垵口小岩口尚有螺旋仄徑四處其餘更無別路臣額勒登保帶領關騰駐營百岩口臣福寧帶領富森布駐營葉家壩緊逼黃子岩張廷彥在五峯嶺堵截與石嶺相對綸布春慶溥在大垵口小岩口攔堵所有朱里寨之各要路俱已斷截臣等詢之被難民

聖朝聖訓編卷五

三

人張煥等並稱該寨共有四十餘戶先經團集鄉民將百岩口黃子岩千嶺各要隘築有木城星砌石卡各家備製鎗矛等件以為防範不料賊匪猝從百岩口上山殺傷男婦三十餘人不能抵禦居民四散等語是賊匪竟欲藉此險山以為藏身之計但為數究係有限勢力已孤臣等亦斷不因山勢之險稍事遲緩剋即整兵相機設法竭力合剿奏入

上命軍機大臣傳諭額勒登保福寧曰賊首覃加耀寬田長陽縣屬朱里寨額勒登保等雖將附近卡座焚燬但殺賊無多並未擒獲首逆無能已極昨據文圖奏長樂縣有賊匪數百各四出焚掠看來即係額勒登保等追剿之賊總因伊等不能堵截任其奔逸以致到處滋擾而額勒登保等尚稱賊

聖朝聖訓編卷五

三

續修四庫全書 史部 紀事本末類 五五〇

匪欲藉山險以爲藏身之固尤屬藉詞支飾試思賊匪奔竄處所何處非崇山峻嶺豈有賊人來去自如而官兵獨不能登陟圍剿之理今乃任其負險抗拒是誰之過額勒登保福寧所辦何事著再傳旨嚴行申飭

二十六日辛卯恒瑞慶成奏言臣等前於漢中西

南與明亮等三路會剿後探聞敗賊復向西北

《聖朝實錄卷五十七》

三

沔寧一帶奔逃臣等卽率領官兵覓徑抄繞於

十三日至沔邑之沮水舖探詢離賊僅數十里

恐賊知覺隨於三更帶兵起程馳往迎擊並令

帶撒拉爾回兵之都司馬鐘麒改換鄉勇旗號誘

賊並知會惠齡富成趕至沔縣迤西銅錢壩扼

截分竄之路臣等甫抵沔寧交界桑樹灣賊衆

正在結隊向西北狂奔一見撒拉爾回兵所執

旗號認爲木處鄉勇蜂擁直撲勢頗兇悍臣恒

瑞帶協領德昌等自北面山梁下壓臣慶成帶

副將德忠等抄赴西面山梁下壓總兵觀祥副

將常格叅將馬斌接續撒拉爾回兵進攻賊衆

披靡大潰分投爬上西南山梁猶欲負險抵拒

當令總兵觀祥在對面山梁用大礮轟擊又令

副將九十德忠從傍斷截賊之去路臣恒瑞慶

《聖朝實錄卷五十七》

三

成分兩路上攻斃賊甚多賊始分向西南逃入

老林高山官兵追殺翻越三重大山至昏暮收

兵扎駐此次統計殺賊一千九百餘名獲賊八

百九十五名將被裹附近民人一百餘名分交

該州縣訊明分別保釋奪獲鐵礮二位鳥鎗刀

矛七百餘件騾馬牛驢九百餘匹頭分給兵丁

撒拉爾回兵以示鼓勵所有受傷陣亡弁兵容

侯查明咨部臣等將活賊分別研訊據僉供首

逆數人現歸一路川北地仄山多市鎮稀少難

於覓食必欲分股衝突北竄陝楚繁富地方滋

擾姚之富與齊王氏為一夥王廷詔高均德為

一夥李全樊人傑為一夥張漢潮劉永太各為

一夥北王廷詔等人數畧少各夥輪流在前焚

掠躲避官兵奔竄遇則抗拒大賊目俱騎驟馬

聖朝通鑑卷七

古

佈置督陣有不向前者即用刀子砍刺一經官

兵擊敗先即縱馬奔馳沿路放火為號收聚黨

類等語現在敗賊南竄川陝邊界倘復折竄東

北明亮德楞泰之兵由漢中分路自北而南正

可迎頭截剿臣等一面酌派將弁帶兵搜捕西

北一帶林箐竄散餘匪並知會惠齡查探賊蹤

併力夾攻臣等即由寧羌廣元一路兜截前進

奏入

上命軍機大臣傳諭勒保明亮德楞泰惠齡恒瑞慶

成曰此次恒瑞等殲賊一千九百餘名獲賊八百

九十餘名其餘俱南竄川陝邊界復知會明亮惠

齡等迎頭截剿併力夾攻所辦可嘉恒瑞慶成著

各賞大小荷包至摺內稱訊據獲犯供稱首逆姚

之富王廷詔等分為數股在前焚掠躲避官兵奔

聖朝通鑑卷七

重

竄其意不過為牽綴官兵之計明亮等總當確探

首逆蹤跡設法兜剿將各首逆驅歸一處擒獲則

其餘夥黨自必潰散斷不可因賊匪詭言分股官

兵等亦分投追剿轉使首逆乘間脫逃致中賊匪

誘兵奸計即或首逆等實係分股逃竄明亮等總

應視緊要首逆所在併力兜擒辦竣一股再辦一

股無難以次剿除也至賊匪抗拒官兵具有鎗礮

屢經各路具奏此次恒瑞等奪獲器械內又有鎗
礮數十件賊匪既有火器所用火藥究自何處得
來是否係營汛火藥器械被其搶掠著各路帶兵
大員卽行查明具奏

上諭內閣曰恒瑞等交隨征奮勇之侍衛員弁單內
三等待衛江鼎保邦俱著陞爲二等待衛陝西守
備馬滿海著賞給鼓勇巴圖魯名號西安協領德

聖朝聖訓卷五

五

昌直隸游擊德保山西都司扎隆額都司馬鍾麒
俱著賞戴花翎直隸千總陳明祝成龍把總溫起
隆撒拉爾回兵察霍哲麻烏格俱著賞戴藍翎

二十九日甲午觀成劉君輔奏言查轎頂山距老

木園中隔深溝一道內有小路一條已被賊匪
挖斷該匪等自轎頂山經官兵奪佔之後率衆
退守老木園該處俱係陡坎懸崖復於周圍添

設石牆木卡十餘處並於一線可上之路俱堆

積木石死守抵拒自十月二十一日以後乘雪

夜嚴寒或數十人或百餘人穿溝越箐窺伺兵

勇營卡經守卡遊擊朱進廷都司沈文同等督

率兵勇施放鎗礮擊退屢有殲斃臣等籌思老

木園一帶路徑崎嶇該匪等佔據險要該卡抵

禦每於接仗之際反得以逸待勞查老木園前

聖朝聖訓卷五

五

面之轎頂山後面之樵風洞及小青杠堽口等

處卡座俱係緊逼賊巢經臣等飭令守卡官兵

逐日更番輪流攻撲使賊匪接應不暇以疲其

力臣等卽於初六日五鼓親督叅將呂朝龍並

員弁兵勇等從轎頂山前進攻先令兵勇砍紫

樹枝將挖斷小路填塞我兵於危崖密箐中曲

折而行直抵老木園山脚該匪等於山脚上設

有木卡二座望見官兵猝至即行拚命抵拒推
 放擗石兵勇不避危險爭先搶撲飛擲火彈當
 將頭卡焚燒即奮勇攻取二卡復經燒燬將守
 卡賊匪三十餘名悉數殲斃候補守備楊廷勳
 因殺賊受傷陣亡山頂賊匪即自上堆放木石
 勢甚兇猛時已天晚飭令兵勇暫為停息復聚
 夜督催將弁搶上二層巖轟斃賊匪十餘人兵
 勇等正在攀援競上詎賊匪招颺白旗兩桿率
 領精悍數百人從山頂鎗石並施官兵多有受
 傷隨撤至半山扼要紮卡趕緊即圖進取臣等
 初意轎頂山攻克即可迅搗賊巢而賊匪於陡
 坎之上添立木卡加砌壘石更兼屢次大雪水
 凌益厚臣等倍增焦急當提訊連日捉獲活賊
 裴之華賴仲文等供稱賊首陳崇德於老園木

四圍木城內幫砌石墻極為堅厚分佈男婦於
 各卡日夜防守陳崇德又常向眾人說屢次與
 官兵打仗就是投出也不能活不如在此死守
 等候外邊同教前來救應所有眾人聽信抵死
 把守當將該犯等即行正法竊臣等屢奉
 諭旨訓飭以困守無多之賊日久未能掃平臣等撫
 心自咎一刻難安惟有竭盡心力嚴密圍圍趕
 緊剿辦稍圖自贖至侍衛伊里布總兵德齡徐
 昭德追剿馬家壩之賊於本月初六日探聞折
 回大寧邊界逼近馬坪鹿塘溪距老木園百餘
 里臣等查平利一股竄匪前經擾至鎮坪當即
 抽撥兵勇於一碗泉雞心嶺等處協同本處鄉
 勇設卡堵截今該匪雖經明亮德楞額督率重
 兵追殺遠竄但恐被剿情急復行折回所有派

聖朝聖德

天

聖朝聖德

天

往兵勇仍應嚴加防範勢難遠撤茲馬家壩賊
匪又復竄回鹿塘溪馬坪一帶並聲言欲與老
本固賊匪合夥民心未免驚惶臣等相距較近
不得不再為抽撥官兵前往堵截當經飭令千
總陳國英把總馬爾元會同大寧縣知縣鍾運
帶領兵丁馳赴該處添募鄉勇擇要設卡實力
堵禦奏入

欽定剿平三省邪匪方略

正編卷五七

上命軍機大臣傳諭勒保觀成曰觀成劉君輔圍剿
老木園賊匪為日已久係困守之賊有何難辦乃
本日奏到之摺祇係攻取賊卡二處仍未佔住所
殺賊匪無多而守備楊廷弼轉致陣亡此等賊匪
卽殲斃數百人尙不足抵帶兵員弁一人况祇殺
賊數十人尤為不值觀成等摺內猶說顏稱老木
園陡坎懸崖賊匪周圍設卡死守抗拒所言實不

知恥試思該處賊匪圍困將及一年從何得食且
現非耕穫之時安得積存糧食該處皆係峭壁懸
崖並無土山又非可以耕種之地白因觀成等圍
守不嚴或有同教黨與暗中接濟或係賊匪四出
搶掠得以苟延所奏情節多有不實此一節並著
勒保嚴查據實叅奏觀成等惟知一味坐守曠日
持久無能已極此時官兵已逼近賊巢務須奮勇
進攻速擒賊首陳崇德不可徒托空言遲延干咎
其楊廷弼一員著咨部加等議卹

欽定剿平三省邪匪方略

正編卷五七

欽定剿平三省邪匪方略正編卷五十八 丁巳年

十二月初二日 丁酉 明亮德楞泰惠齡恒瑞慶成

奏言賊匪自在漢中新街子長寨黃官嶺等處

被官兵分投截殺向西南山內逃遁 臣等當即

分路兜剿該匪竄至新集地方復分前後兩隊

奔逃前隊係高均德一股經 臣 恒瑞慶成在桑

樹灣擊退後折回燕兒溝胡家壩一路東竄後

聖鑒事 卷六

隊係首逆齊王氏李全姚之富王廷詔張漢潮

等數股經 臣 明亮德楞泰跟蹤兜擊十四日探

知該匪尚在唐家壩屯紮遂酌派步兵分布各

山親率興肇賽冲阿阿哈保達音泰長春木騰

額侍衛阿納保富僧德等帶領馬兵直前撲剿

斃賊二三百名該匪肆行衝突復經步兵圍擊

奮勇攪殺其時 臣 惠齡正由銅錢壩馳赴青羊

驛堵剿途中聞鎗礮聲即率兵向南迎剿沿途

殲獲竄匪數十名帶領馬隊趕至唐家壩併力

剿殺該匪益形情急即竄上山頂將漫山枯草

木植分燃思拒官兵以便即從山後竄走官兵

衝冒烟焰一湧而上追殺十餘里復斃賊百餘

名 臣 惠齡因恐該匪竄及江岸仍帶兵抄回青

羊驛兜截 臣 明亮德楞泰乘勝由涼坵子鐵鎖

聖鑒事 卷六

關一路緊追十八日至離寧羌州治二十里之

羅村壩地方賊匪正在焚掠勢將進逼州城 臣

明亮即同興肇賽冲阿侍衛達爾精阿等搶上

右手露風堙山梁 臣 德楞泰同阿哈保侍衛墨

爾歡保等搶上左手楊岩頂山梁該匪反身迎

敵 臣 明亮德額泰飭步兵排列於前將大礮鎗

手排設於後暗令各兵誘賊匪結隊撲近然後

前列步兵閃開鎗礮並發該匪竟慙不畏死蜂擁來撲離前列步兵一前之地我兵分閃兩旁立將鎗礮施放匪眾猝不及避擊斃無數後隊賊人正欲退走臣明亮德楞泰復率同遊擊蒲尙佐蕭福祿守備馬應國帶領滿漢屯土撒拉爾官兵壓下賽冲阿率同協領明保等帶領吉林馬隊往來擊射殲戮尤多又附近羅村壩之

聖朝聖編卷五

三

楊家山有避難男婦一千餘名楊岩洞有避難男婦二千餘名賊人分股在彼掠取糧食擄脅民人當派副將劉廷基遊擊達自祥都司應元寬等分往衝擊派知府嚴士鉉州同徐如灝等分往收卹賊人見官兵馳至慌忙潰散全活男婦三千餘人適臣惠齡由北面抄截前來臣恒瑞慶成因追擊桑樹灣敗竄之賊取道寧羌亦

卽帶兵趕到併力夾攻官兵歡呼奮勇該匪奪路亂竄臣明亮德楞泰由寧羌城東北古城一路追擊跟剿三十餘里前至二郎壩臣惠齡恒瑞慶成由寧羌西南高寨子一路追擊跟剿二十餘里復殺獲二三百人一面令遊擊馬瑜至州城安撫計此次打仗殺賊一千五六百名生擒頭目石貴等五名餘匪李元德等二百餘名齊王氏甥女許女子一口持械女賊魯何氏等十三口其餘婦女張吳氏等一百二十三口幼孩七十九名口均經分別辦理該匪由二郎壩西流河折向東北仍合一處飛遁官兵追至三更暫行駐紮查二郎壩東北卽爲楊家河向北可至新集又離漢中不遠審訊獲犯據供各首犯總要渡過漢江往河南去前在漢中被官兵

聖朝聖編卷五

四

打敗各頭人商量要進攻寧羗州擄掠衣食就
 往廣元將棧道擋住使川陝兩省大路隔斷官
 兵信息不通彼時或在四川或由寶雞等處北
 去今又被官兵截住各頭人仍由原路折回要
 趕上高均德一股同回漢中趁官兵都在西面
 正好由漢中過江等語臣等若合兵追擊反恐
 逼令前竄江岸是以臣明亮德楞泰仍由鐵鎖
 關一路向東兜截臣惠齡趕赴沔縣北岸向南
 迎剿飛咨烏爾圖那遜圖桑阿等帶領索倫勁
 旅自漢中相機前進或在南岸迎擊或由北岸
 截殺併知會柯藩察探賊蹤沿江密堵臣恒瑞
 慶成現奉
 諭旨速赴川省協同宜綿剿賊即於二十一日由寧
 羗入川從廣元前進奏入

上命軍機大臣傳諭勒保宜綿明亮德楞泰惠齡恒
 瑞慶成曰明亮等所奏情形祇在唐家壩等處攔
 截賊匪殲斃一千數百名擒獲者半屬婦女並未
 拏獲賊首一人實屬無能況此股賊匪即係明亮
 等在漢中一帶趕至寧羗沔縣今復由寧沔折回
 漢中任其往來奔竄仍是疲我兵力明亮德楞泰
 着嚴行申飭現在賊首姚之富等仍由原路折回
 欲趕上高均德一股竄回漢中明亮德楞泰向東
 兜截惠齡從沔縣北岸向南逆剿若能自知愧勵
 上緊截殺即將各首逆擒獲尚屬明亮等之功設
 再遷延時日俟勒保到時擒獲賊首則伊等更有
 何顏見朕耶再烏爾圖那遜等自竹谿前至漢中
 行走多日何以至今並無信息烏爾圖那遜圖桑
 阿着傳旨嚴行申飭現在賊匪既向漢中奔竄烏

聖朝實錄編卷五十六 五

聖朝實錄編卷五十六 六

爾圖那遜等帶領黑龍江官兵自漢中前進務當
迅速行走迎頭截殺如果乘此機會將各首逆擒
獲卽係烏爾圖那遜等之功否則或與明亮等兩
面夾擊或將賊匪逼入川境合兵會剿亦俱有益
至漢中一帶江面較窄且當冬令水落之時柯藩
田有成俱在漢中並著協力嚴堵相機截殺勿令
賊匪一人偷渡至前據恒瑞等奏在沔縣交界之

欽定剿平三省邪匪方略

七

桑樹灣地方將首逆高均德一股截剿俱向西南
逃入大山今明亮等摺內又稱姚之富等一股仍
由原路折回要趕上高均德一股同回漢中是高
均德股匪已先竄漢中被時明亮等自東而西正
可迎頭截殺何以摺內並未聲敘此股賊匪現在
究竟何處並著明亮等迅速覆奏

初三日 戊 英善奏言連日接據查老通江儀隴

各路州縣稟報均有賊匪竄入境內並據廣元
縣稟報探得賊已竄入棧道文報間被阻隔恒
瑞慶成等已至寧羌惠齡亦在沔縣一帶緊蹙
追剿查川陝交界道路紛歧而廣元之七盤關
一帶尤關緊要 臣 前派叅將徐南鵬帶兵四百
名防守誠恐不敷分撥卽於現在存兵內抽派
二百名並委保寧府知府李杭隨帶鄉勇及軍

欽定剿平三省邪匪方略

八

火器械馳赴協同堵禦以便恒瑞等設法圍攻
至竄入通江之賊據該縣徐陳策稟報賊匪擾
至耀金山經該縣文武督率鄉勇人等悉力堵
禦殺賊四十餘名賊又竄往南江 臣 前已屢次
飛飭南江縣督率兵勇嚴密防守並於南江廣
元交界各隘口添派兵勇守禦至儀隴之賊去
保寧南部較近連次盤獲奸細訊稱賊匪探知

保寧兵數無多商量攻擾保寧南部一帶計圖

搶掠臣隨抽撥弁兵二百名馳往南部堵禦併

派知府王榮榮知州應先烈參將皂祿等多募

鄉勇於儀隴南部間中各要處分設卡隘當有

賊匪千餘人搖旗吶喊撲攻馬鞍場卡隘經該

守等督率効力武舉饒承元及該處義勇人等

奮力截殺斃賊四十四名賊匪仍由儀隴分股

聖朝聖鑒編卷六

九

竄往營山一帶該處現有四寧鎮總兵富爾賽

在彼防守臣已飛飭該鎮迎頭截殺併派撥弁

兵隨帶軍火馳往協同該縣守禦至保興朱射

斗所剿廣安一帶賊匪經該鎮等於本月十四

日追至小垵口地方殲殺數百名生擒十一名

餘賊由天池山竄往隣水縣該鎮等即馳往撲

剿查賊匪狡獪異常探聽心處無兵即分股竄

入滋擾臣惟有隨時設法派撥堵剿保護保寧

一帶地方俾附近居民不致又遭蹂躪仍一面

飛咨恒瑞慶成將寧羌一帶賊匪剿淨即帶兵

入川商同剿辦

同日恒瑞慶成奏言臣等自寧羌帶兵兼程過

行二十四日馳抵廣元縣所過川陝邊界地方

居民避賊外出者見官兵前來俱各歸業棧道

聖朝聖鑒編卷六

十

文報無阻臣等途次留心查探各股川匪情形

方山坪逸出賊目羅其清冉文儔現已竄往渠

縣廣安州一帶地方白岩山屯聚之賊屢撲營

卡意圖衝突逃竄夔州一股賊匪肆出焚搶該

處兵力無多剿辦尙未得手老木園屯聚之賊

亦未攻克又有自紫陽竄至川境之賊闖入通

江地方現在川省兵力甚單兼之蜀山重重跬

步陟險軍行一日祇能三四十里是以抄繞堵截不能迅速明亮德榜秦惠齡等所帶之兵及吉林索倫兵正在陝境截剿喫緊之際不能分撤來川惟有儘在川之兵整隊合力先剿一股若一處賊匪殲滅即得增添一路兵力我兵不受牽綴無難以次剿洗臣等現自廣元保寧一路馳赴宜綿英善處通盤籌度設法剿辦仍沿途探詢何設賊匪竄近先即督兵迎頭截剿均奏入

上命軍機大臣傳諭宜綿恒瑞慶成英善秦承恩曰本日英善奏稱據廣元縣稟報探得賊已竄入棧道又報間有阻隔殊深懸慮及閱恒瑞等奏稱由寧羌廣元一路前進所過川陝邊界地方居民紛紛歸業棧道文報無阻始為稍慰英善之摺拜發

在恒瑞等之前自係零星賊匪曾經闖入棧道及見官兵到彼即行奔竄並未有成羣賊隊在棧道內圍截滋擾而英善率據地方官稟報之辭入告亦未即行查辦該縣妄報不實著宜綿查叅示儆其漢中竄匪明亮德榜秦已由鐵鎖關一路向東兜剿惠齡等在沔縣北岸向南迎剿是陝境賊匪俱逼向四川此時漢中一帶是否肅清再竄難地方係北棧要路秦承恩如何督率地方州縣妥為安撫及北棧有無賊匪闖入如何防範之處併著秦承恩迅速具奏至恒瑞慶成即可與宜綿會合目下川省賊匪俱在渠縣廣安州及之江等處屯聚滋擾並據英善奏儀隴營山隣水地方亦有賊匪竄入急須搜捕宜綿務須與恒瑞慶成督率官兵兩面夾擊將首逆王三棍等迅速擒獲併將殘

保一帶及各處賊匪以次掃除肅清地方毋再遲
緩

初六日辛丑額勒登保福寧奏言逆犯覃加耀與

其餘孽竄踞朱里寨屯聚臣等連日於有路可

通處四百分兵齊上盡力環攻並親率綸布春

及鎮將巴圖魯侍衛或於三鼓發兵或盡日疊

次攻撲凡懸巖峭壁稍可容足之路悉用軟梯

製者聖鑒編卷八

三

撓鈞攀援而上賊匪無計可施捨命抗拒官兵

亦奮不顧身將賊人所立卡座草棚等燒燬二

十餘處斃賊二百餘人生擒喻文書等十三名

現在官兵均已搶至朱里寨山之崖巔嶺側緊

接可以入寨之路而路逕更屬懸陡賊匪倚恃

石卡木城鎗口俱下一時未能猝上隨接擊營

卡三十餘處而臣等目擊官兵奮力搶上岩壁

有連被賊矛陣亡者帶兵之參將孫清元都司

朱集才張超孫應奉守備姚士華劉興國千總

姚文富朱光起張永清把總秦天位各受石傷

似須畧為慎重臣等一面用大礮轟擊賊城石

卡一面激勵將士相機進取奏入

命軍機大臣傳諭額勒登保福寧曰額勒登保等

剿捕窮蹙無路之覃加耀曠日持久尚未就擒輒

製者聖鑒編卷八

古

以該處懸崖陡壁為詞冀掩其辦理延緩之罪試

思此股賊匪本係額勒登保等由黃柏山追至芭

菜山復竄至宣恩建始巫山一帶近又竄回長陽

復從黃柏山折回佔據朱里寨即使該處山徑險

峻獨非額勒登保等驅之來往轉使賊匪得成負

隅之勢額勒登保等但知以險阻藉口豈不知賊

之據險正由額勒登保等不能相機剿所致耶

額勒登保福寧著再嚴行申飭

同日明亮德楞額奏言臣等前將寧羌賊

匪擊敗後該匪復由新集黃官嶺等處折竄漢

中仍圖渡江北遁正值烏爾圖那遜圖桑阿等

帶領索倫官兵於二十一二十二日兩日全馳

抵漢中南岸二十四日該匪等乘早霧迷漫之

際由黃官嶺向長寨一路偷渡經防江兵丁探

《聖朝實錄卷五十八》 五

知分投稟報臣明亮德楞額已馳至南岸高臺

等臣惠齡已馳至北岸黃沙驛當即督兵進擊

烏爾圖那遜圖桑阿副都統銜溫春亦帶索倫

勁旅自東迎剿柯藩帶領防江兵丁在北岸轟

打四路官兵併集其時賊人已奔到江岸淺處

搶渡烏爾圖那遜帶兵馳馬衝入江心抄殺臣

惠齡亦自北岸渡過南岸迎擊臣明亮德楞額

將官兵分爲兩隊自西而東橫衝殺將賊匪

分爲兩截自辰至午截住賊匪一千餘人盡行

殲斃後隊賊衆即向東南山內亡命肆竄臣等

即分投追擊該匪狡詐已極穿林越嶺俱向極

仄之路竄逃欲使馬隊官兵不能追擊臣等當

派驍健步兵及屯土撒拉爾回兵進追吉林索

倫官兵亦多乘馬奔上隨剿隨進追殺二十餘

《聖朝實錄卷五十八》 六

里沿途殺賊無數餘匪隨山徑曲折前竄均被

官兵從青石關梅子壩一帶遁入川省通江境

內該處係曾經蹂躪之區焚掠既空茲復闖入

勢益窮蹙正當趁此機會四面布置漸次逼剿

查此時西面廣元昭化一帶已有恒瑞慶成帶

兵四千餘名前往又有英善帶兵於保寧堵截

南面渠縣達州一帶亦有宜綿一路官兵東南

則有舒亮穆克登阿一路官兵惟東面大寧夔

巫一帶僅有觀成德齡兩路官兵臣惠齡現帶

兵三千五百名由西鄉太平前赴大寧夔巫一

帶密探賊蹤臣明亮德榜泰率領原兵併

同烏爾圖那遜等帶領勁旅三千名由青石關

跟蹤擊剿至北面川陝交界處所現在賊人既

入川境離江岸已遠防江各兵毋須照前安設

聖朝實錄卷五十八

七

業經咨照柯藩率同愛星阿田有成各領原帶

官兵共五千餘名於川北與陝省交界處所相

機堵截總兵王文雄所帶兵二千名已咨會秦

承恩於興安左近相度地勢防堵併飭該鎮暫

行駐守以備調用

同日宜綿奏言王三槐羅其清等前在渠縣所

屬地方滋擾經官兵攔截痛殲羅其清一股折

向巴州境內屯紮王三槐等一股竄至望溪一

帶因後股賊匪已被官兵截斷仍欲轉回冀圖

接應經臣飛飭百祥索費英阿即於渠縣偵探

賊蹤追剿並查望溪等處路通廣安合州飛飭

保興朱射斗繞赴迎截該匪等遂從大竹一路

奔竄該處路徑叢雜先經派令副將凝德泰將

尤漢玉都司洪君得等帶領官兵於紅春壩駐

聖朝實錄卷五十八

六

劄併飭順慶守崔修紳大竹令張位中將各處

山坳小路挖斷廣募鄉勇分卡嚴堵十一月

一日賊匪分股攻撲該縣所屬之石埡口草壩

場等處隘卡張位中選帶鄉勇由千佛岩一路

趕往擊斃賊匪三百餘名匪眾未能闖入即率

眾攻搶廣安州屬大梁城該處形勢險峻山頂

平曠現有附近居民數萬遷於山頂屯紮匪眾

冀圖搶掠爭先攻撲先經崔修紳督飭地方官
等於各隘口預行準備見賊一到即施放滾木
擗石適知州阮和署廣安汛武舉熊文炳各帶
鄉勇從大梁城左右抄出殺賊多名賊匪由樵
溪竄至岩水壩戴家場等處分股屯紮並另有
一股從觀音場一路直趨州城經阮和等繞至
燕家溪迎頭堵剿維時保興帶兵趕到分投剿

聖朝聖德編卷五

九

殺賊四百餘人生擒二十五名餘匪仍從戴
家場一路潰逃嚴訊獲犯供稱王三槐等商議
如或不能佔據廣安即攻搶隣水當將該犯等
梟示十三日朱射斗由南部一路趕抵廣安會
合據探報賊匪已由褒先寺翻天池山直奔
隣水保興朱射斗立督兵勇倍道前進十四十
五等日賊匪圍攻隣水城勢甚洶湧該縣楊

為龍等督率鄉勇激勸士民協力固守並乘夜
密遣鄉勇衝破賊營燒燬木城一座賊匪暫退
旋又分為四路砍伐長竹紮縛為梯直逼城下
城上鎗礮並發焚燒無數斃賊四百餘名相持
兩晝夜保興朱射斗督兵趕到疑德尤漢玉等
亦從大竹紅春壩一路前來匪眾復併力迎敵
復經兩路官兵截殺又斃賊五百餘名楊為龍

聖朝聖德編卷五

十

亦率鄉勇開城衝出追剿二十餘里賊匪竄至
芭蕉河一帶屯紮其羅其清一股盤踞巴州所
屬碾盤壩靈剛寺經知縣劉清約會江口巡檢
余廷敷復於初六日各帶鄉勇擊斃賊一百餘
名現飭劉清並附近州縣添募鄉勇設法圍堵
再臣接准舒亮穆克登阿知會白岩山賊匪自
十一月初二日攻撲金風觀營卡經官兵擊退

復於初六日率眾數千在小帶溪渠馬等處渡
 口窺伺冀圖搶渡逃竄經舒亮穆克登阿督率
 各營卡滿漢官兵分股堵剿其由楊家灘搶渡
 一股業已過河經叅將文奎等剿殺三四百人
 生擒賊目方正覺曾文貴二名俱於臨陣梟示
 文奎及都司張永成身帶石傷兵勇間有受傷
 陣亡至沿河一帶搶渡賊匪經我兵併力轟擊
 相持一晝夜共計斃賊五百餘人匪眾仍即折
 回白岩山巢穴臣現在諄囑舒亮等設法進攻
 以期殄滅淨盡均奏入

聖朝聖鑒編卷五十六

三

上命軍機大臣傳諭勒保宜綿明亮德楞額泰惠齡曰
 此次賊匪因官兵截剿緊急搶渡漢江經烏爾圖
 那遜等帶領黑龍江官兵馳馬衝入江心抄殺而
 明亮德楞額泰惠齡等率領鎮將官兵分投迎擊殲

斃賊匪一千餘人遺殺二千餘里賊人無路可逃
 均被官兵逼入川省通江境內現在分路兜剿所
 辦俱好明亮德楞額泰惠齡烏爾圖那遜與肇賽冲
 阿阿哈保温春富成圖桑阿著各賞給玉喜字搬
 指併大小荷包等件圖桑阿並著賞還侯爵仍著
 明亮等將騎馬衝入江心殺賊之黑龍江官兵共
 有若干名查明覆奏加恩獎賞又宜綿一路兵力
 較單該督能督率各地方官鼓勵鄉勇以少擊多
 辦理亦屬妥協保興朱射斗繞赴賊前迎頭兜截
 殲斃賊匪亦尚出力宜綿及保興朱射斗均著賞
 玉喜字搬指大小荷包等件其文武各官着查明
 實在出力者咨部議敘

聖朝聖鑒編卷五十六

三

十四日臣宜綿奏言王三槐等自攻鄰水縣城
 經官兵追剿退屯板橋場天華山一帶其後股

賊匪仍於廣安大竹境內出沒滋擾經 飛飭
百祥索費英阿由渠縣戴家場一路躡蹤緊剿
二十日在廣安州屬踏水橋地方接仗殲戮二
百餘人該州紳士教諭鄭人康帶領鄉勇從旁
衝擊匪眾遂翻山奔潰其保興朱射斗一路官
兵由鄰水板橋場隨剿隨進二十一日前隊官
兵行抵天華山地方賊匪率眾折回迎拒我兵
搶佔天華山賊匪往上直撲經副將雷仁恭將
王清弼等督兵連環轟擊賊匪愈眾愈多圍繞
不退副將疑德等途中遙聞鎗礮緊急遂即倍
道前進賊匪知我兵後隊已到復又分眾迎敵
經官兵分投攻剿自午至申殲戮三四百人餘
匪敗遁我兵即暫在天華山紮營是日該縣楊
為龍亦帶鄉勇在豐禾場一路殲賊二三百人

剿匪方略卷五十八

三

殺死王三槐之弟王三元併生擒賊目郭孔銘
次日保興朱射斗等正在拔營復有賊匪數千
前來攻撲我兵分爲兩路併力痛剿斃賊五六
百人生擒苟文宰等三十七名陣亡外委吳玉
羅仕春二員適百祥索費英阿趕到互相截擊
匪眾俱由九龍場一路紛竄同日併有賊匪攻
撲鄰水所屬風和場八耳灘卡隘該處係通大
竹要路先經大竹令張位中召募鄉勇會同外
委王耀龍分駐防堵其攻撲風和場一股經王
耀龍直前衝擊鄉勇領首熊光耀等繞至賊後
截殺斃賊八九十人生擒胡德裕等十三名八
耳灘一股賊匪經張位中預派領首徐文鐸等
在山溝小路埋伏候賊過半衝出截殺該令復
率鄉勇兩面夾擊斃賊三百餘人割獻首級二

剿匪方略卷五十八

三

十六顆陣亡鄉勇三名受傷六名兩路餘匪亦俱由九龍場一帶奔走惟時長壽交界之鄰水縣屬樊家槽地方復有匪徒藉團練鄉勇為名陰圖接應經臣派委巡查卡隘之通判谷煊訪實隨會同長壽令程見龍將為首之高洪儒樊登拔高子俸等八名一併誘拿餘黨率眾拒捕經谷煊等鼓勵鄉勇格殺一百五六十人始行

聖朝通鑑卷五十八

五

潰散而賊匪趨官兵在天華山接仗之際業已先分一股翻山越嶺二十一二等口由長壽縣屬之梨家場萬順場等處闖至大路葛蘭橋傅和場一帶焚掠勢頗洶湧汎舟馬元陞帶領兵勇竭力堵禦身受刀傷保興朱射斗接據稟報遂分兩路趕往兜剿二十三日朱射斗進抵葛蘭橋即有賊匪攔擋去路官兵殺賊四五百人

生擒王震德等一十九名其保興一路官兵繞小路而進亦於二十四日在五百梯地方遇賊接仗詎賊情狡詐一面率眾與官兵狼鬪一面分股直趨長壽該縣憑河為治並無城垣知縣程見龍因在樊家槽查拏逆匪尙未回縣典史草潮率勇堵禦寡不敵眾殺賊捐軀縣治遂被焚掠查長壽上通重慶下接墊江併聞賊匪有

聖朝通鑑卷五十八

五

折竄墊江梁山一帶之信隨飛飭保興朱射斗即由墊江一路跟蹤追剿並派明興馳赴梁山督同該縣方積防守而重慶為商賈輻輳之區即飭百祥於鄰水一路抽兵一千名趕赴堵截務使設法擒渠痛殲夥黨其羅其清冉文儔一股自經劉清等率勇奮擊遂分股奔竄一股闖入儀隴縣屬思南溪地方計有二三千人一股

賊至營山來定寺計有四五千人劉清跟蹤前進二十一日進攻來定寺賊匪率眾迎敵劉清帶領行營千總桂涵李子清投効舉人胡大成監生尹溥等直前衝殺斃賊二百餘名賊匪竄屯苦竹寺一帶詎該匪等因營山爲糧餉要路意圖乘虛掩襲遂於二十二日由路市橋攻搶八廟場糧臺經都司羅全亮會同臺員知縣席世翔督率兵勇擊退二十三日匪眾復至羅全亮等併力堵禦殺斃二三百名賊匪卽於小橋鄧尖山環山子一帶屯紮查營山一路僅有富爾賽帶兵七百餘名當飭索賚英阿由隣水一路抽兵數百名馳回渠縣營山會同剿辦又於達州一路防兵內抽撥一千餘名交副都統七十五帶往協辦以期疏通運道再接舒亮穆克

登阿知會白岩山賊匪自初六日經官兵擊退舒亮等於二十六日乘大霧迷漫分路進攻甫至半山霧氣稍開賊匪哨見卽施放鎗礮我兵鼓勇直前攻搶謝家壩賊卡賊匪率眾抵敵我兵拋射火礮火箭將賊卡燒燬匪眾自相潰竄奔回白雲觀巢穴我兵乘夜攻擊未能徑上二十七日賊匪分股攻撲西山坪等處營卡舒亮穆克登阿分投擊斃多名又有匪眾數千復由銅林壩楊家漢一帶搶渡經副將達桑阿督兵堵剿匪眾急圖奪路奔逃適烏什哈達帶兵趕到橫衝直擊自申至亥賊匪不能衝出仍由銅林壩一帶折回撲河淹斃五百餘賊臣現諄囑鼓勵將士趕緊攻剿

同日恒瑞英善慶成奏言臣恒瑞慶成帶兵赴

川應援由廣元前進途次探查各股賊蹤知保
 寧以東巴州儀隴交界地方羅其清冉文儔等
 分股滋擾距保寧郡城較近復糾約營山縣新
 起教匪黎鄉約及棍徒黃道鄭正義等二千餘
 人勢頗鴟張英善所帶弁兵陸續撥往接應保
 興等外現在實屬力單是以臣恒瑞等兼程造
 行馳抵保郡與臣英善會商即帶兵自保寧探
 覓捷徑抄往儀隴等處賊前進剿臣英善帶兵
 由大道策應至廣元接連陝省棧道為入川門
 戶已陸續派往兵一千四百名交叅將徐雨鵬
 帶領在彼扼要防堵均奏入

上命軍機大臣傳諭勒保宜綿恒瑞英善慶成曰此
 次王三槐等分股滋擾宜綿派令各路官兵截殺
 賊匪二千餘名所辦尚好惟長壽縣治因無城垣

聖朝聖德編卷五十八

五

聖朝聖德編卷五十九

三

可守賊匪猝至該縣程見龍因在樊家壩地方查
 拏逆匪經典史章潮率勇堵禦寡不敵眾殺賊捐
 軀自應與在天華山殺賊陣亡之外委吳玉額外
 外委羅仕春一併咨部加等優卹其傷亡鄉勇亦
 著加倍賞卹通判谷煊等如果始終出力均著咨
 部議敘至羅其清冉文儔為首一股賊匪竄至儀
 隴營山渠縣地方現有索費英阿會同富爾賽在
 彼截剿該鎮等亦當設法堵截况恒瑞慶成已由
 保寧抄往正可兩面夾擊且保寧郡城一帶亦關
 緊要英善自應在該處扼要地方駐劄策應併可
 兼顧廣元棧道今英善又帶兵前進仍當隨時留
 心為要至賊匪擾至長壽距重慶一百五十餘里
 重慶為水陸通衢地方富庶設為賊匪闖入殊有
 關係勒保抵川境後自應沿途察探賊匪消息何

處緊要卽往該處截剿該督自南而北若能將滋擾長壽股匪殲擒淨盡卽入川之第一功也

欽定剿平三省邪匪方略正編卷五十九 丁巳年

十二月十七日王勒保奏言臣於四川永寧途

次奉到

諭旨令臣速赴明亮等一路軍營督剿查明亮等現

在興漢一帶距川省北棧甚近臣正在兼程馳

赴間聞有賊匪由順慶之廣安鄰水岳池直趨

合州長壽有窺伺重慶之意伏念重慶爲川東

門戶長壽尤爲水陸咽喉臣行抵瀘州距彼已

近正當先行剿辦以挫各路賊鋒惟臣輕騎減

從而來本未帶一兵將而前此

奏調黔兵三千名到川尙須時日現已飛飭迎催

究恐緩不濟急查重慶鎮總兵百祥現在合州

一帶臣一面飛飭該鎮星速馳回重慶督兵守

禦一面卽於瀘州一帶多募鄉勇並就近飛令

永寧營參將馬登朝帶兵三百名星夜前來隨

臣趕起重慶剿辦至川省現在賊情蔓延川東

川北擾及一處卽有一處脅從以致愈聚愈多

且爲首巨惡倏東倏西旣無定向姓名亦或屢

更卽如長壽一股之賊聞王三槐卽在其內究

莫悉其確實臣蒙

皇上天恩委以總統重任惟有於剿辦之始查明有

聖鑒事 聖鑒事

二

賊地方不拘何股頭目痛剿一二處鐵其巨惡

解其脅從清一處再進一處或先赴宜綿一路

或先與明亮等會合隨時查看情形和衷商辦

並先期知照各路領兵諸臣協力齊心逼歸一

處以期一鼓蕩平

同日觀成劉君輔奏言老木園山梁分紮賊匪

經官兵四面圍攻該匪等已無路逃生而山勢

綿長四面巉砢山下曲澗深林猶虞賊匪乘間

竄逸十二日擊獲奸細萬士虎據供陳崇德因

官兵圍住嚴緊糧食將盡令其下山探聽救應

賊夥現在何處要想衝出穿山溪走石柱山或

衝冉家溝逃往太平臣等恐係該匪等藉此傳

言爲聲東擊西之計當卽密飭各路守卡備弁

加緊準備並飭遊擊朱進廷楊洪新抽帶官兵

聖鑒事 聖鑒事

三

前赴冉家溝及穿山溪附近之長嶺烏鴉坑等

處督同兵勇嚴密堵剿十六七日賊匪果乘

大雪瀰漫連撲長嶺烏鴉坑卡隘經朱進廷率

同兵勇施放鎗礮轟斃賊匪數名賊復拚命搶

撲我兵齊用擗石推擲賊匪多滾跌下坡官兵

乘勝追壓割獲首級二十七顆臣等一面多發

告示諭令賊衆若能縛獻陳崇德其餘概行投

出尙可邀

恩免死以期離散賊黨一面分派守備劉順千總楊

富貴等各帶壯健兵勇二三百名於深溪口冉

家溝等處更番管領扼要埋伏二十三日四鼓

賊匪從箐林內爬越嶺谷魚貫而下直撲深溪

口卡隘經守卡官兵堆放木石抵禦伏兵從樹

林突出奮力截殺賊匪猶拚命格鬪劉順楊富

欽定剿平三省邪匪方略

正編卷五九

貴率領兵勇兩面夾擊將前隊賊匪三十餘人

盡行殲斃我兵陣亡三名鄉勇受傷五名謹照

例咨部請卹均奏入

上命軍機大臣傳諭勒保觀成曰勒保奏於途次探

聞長壽被擾賊匪有窺伺重慶之意卽由瀘州就

近馳起重慶先行剿辦正與前降諭旨相合可見

事機順利據稱賊首王三槐聞卽在此股賊內勒

保若能乘銳進擊生擒該逆卽爲入川第一大功

勉之又據觀成等奏剿殺衝撲營卡賊匪情形殊

屬無謂老木因賊匪經官兵圍攻日久勢已窮蹙

觀成等不能奮力進擊無能已極此次殲斃之賊

不過三十餘名而摺內猶以嚴密兜圍趕緊剿辦

爲詞尤爲無恥不知畏懼倘再曠日持久坐候他

路前來協剿必將伊二人從重治罪

欽定剿平三省邪匪方略

正編卷五九

二十日_乙額勒登保福寧奏言首逆覃加耀等

佔踞朱里寨_臣等於初四五日督令官兵緊攻

百岩口黃子岩松樹包石嶺干嶺等處並於初

五日將大埡口小埡口一帶營卡官兵先後抽

撤示賊以不復由此進攻之意賊匪果將全力

歸在百岩口黃子岩一帶官兵攻擊愈緊賊人

抵拒益堅薄暮時仍將官兵撤回大埡口等處

並令各鎮將揀挑超勇官兵加以獎賞訂於初六日五鼓同時進擊慶溥張廷彥密令兵勇於大小埡口左右懸崖之上先行繫挂軟梯繩索等件於初五夜三鼓時潛上數十人伏在箐林之中令聽聞四面鎗聲一起即抄出賊卡之上從高處吶喊拋擲火彈先燒賊棚使之慌亂臣等並先因黃子岩賊匪所劄木城之處半係沙土曾令富森布派兵開挖地窖藏納火藥以便臨時舉發再三申令總期必得初六日五鼓後各路官兵進擊大小埡口預伏之兵倒壓賊卡燃燒草棚賊匪猝不及防即行潰散慶溥隨即帶兵擁上黃子岩地窖內轟塌木城一處都司左俊首先搶撲用矛登刺賊匪被傷陣亡總兵富森布都司李光晟復即奮力帶兵搶進賊之

木城破殺甚多維時百岩口松樹包一帶官兵亦俱攻擊副將皂保鎗傷頗重守備葉培英于總王占熬均有受傷綸布春楊遇春繼又率兵將賊之卡牆掘陷未至天明各處草棚均已延燒烟焰四起各官兵橫衝亂砍天甫黎明尚見賊匪抱頭鼠竄往來奔突忽聞千嶺一帶有六七百人從陡岩衝下自相踐踏及滾跌死者不計其數千嶺附近各營卡鎗箭齊發斃賊紛紛臣叅將張順把總王進泰天位俱奮勇殺賊陣亡臣額勒登保帶領豐紳等由大埡口馳至千嶺望見賊匪尚在衝下當將佩箭全行射出官兵盡力砍殺屍積山麓臣福寧由黃子岩追殺亦至千嶺會合此次兵勇割獻首級四百七十二顆又生擒賊匪張尙緒王連雲等二十五名張

聖朝實錄卷九

六

聖朝實錄卷九

七

尙緒訊係總先鋒隨將所獻首級令其詳認據稱內有林恒德林恒聰皆林之華之子覃加泰覃加道皆覃加耀弟兄又有譚祖復等八先鋒在內惟覃加耀尙未擒獲而逸出之賊不過二百餘人斷不能再有滋蔓盤踞之事惟恐山勢層疊難保其不隱匿偷生或情急自盡以致倖逃顯戮不可不四面搜捕現囑文圖及總兵張廷彥慶溥帶兵由長樂縣一帶分路搜剿臣等卽帶巴圖魯侍衛等在長陽縣屬之上坪雙古木石版圖一帶搜捕務期生擒覃加耀以彰國憲所有四川官兵擬令富森布先行帶領卽由巴東一帶分起往川聽候勒保調奏入

上命軍機大臣傳諭勒保額勒登保福寧曰覃加耀一犯爲朱里寨股匪首逆額勒登保等未能設法

生縛任其他竄雖所存賊匪不過二百餘人而首逆未除難保無復有勾結及逼脅良民附從入夥之事乃摺內尙以攻破朱里寨爲伊等之功且稱賊匪斷不能再有滋蔓盤踞實屬全無天良額勒登保福寧著再傳旨嚴行申飭陣亡叅將張順都司左俊把總王進泰天位俱著咨部加等優卹勒保此時已早到重慶前調黔兵及屯土各兵亦陸續赴川本日又據額勒登保等奏將川兵全行撤出交富森布帶往軍威更爲壯盛勒保務須倍加奮勉剋日成功

二十一日丙辰宜綿奏言查川省大寧太平廣元通江南江等處在在與陝省接壤該匪等奔竄無定一經大兵追剿緊急卽隨處可以闖入臣先因賊匪在平利西鄉一帶逼近大寧太平當

飭川北道督率該二縣團勇擇隘堵禦賊匪遂
 從漁渡壩一路退去嗣聞大賊匪眾擾及褒沔
 寧羌又與廣元棧道相接該處本無重兵是以
 將前次所調分防成都鹽亭等處之兵六百名
 盡數撤赴廣元英善亦從保寧分兵二百名交
 叅將徐南鵬帶領協堵詎賊匪狡詐乘大兵聚
 集漢中一帶時仍由漁渡壩折回直竄通江先
 令亡命之徒四散焚燒以張聲勢該縣知縣涂
 陳策帶領鄉勇於耀金山地方併力堵禦賊匪
 不敢前進遂由烏林壩折入南江臣查南江地
 處萬山之中距保寧達州均六七百里現在太
 平一路賊蹤較遠隨令叅將銜原任總兵楊秀
 從太平抽撥防兵一千名馳赴南江堵截詎楊
 秀尚未趕到而陝省沔縣寧羌一路賊匪經大

兵剿散不能北竄已從南鄭奔入南江境內該
 縣裘良駿招集鄉勇先至烏林壩併力堵禦斬
 獲甚多因南江本無城垣縣治四面環山附近
 居民一聞賊匪緊逼俱各紛紛逃避賊匪愈聚
 愈眾夤夜分股由小路繞至縣治放火焚燒訓
 導余文泰父子均罵賊被害裘良駿聞信星從
 烏林壩趕回迎頭遇賊擊殺多人賊眾遂由陝
 境之沙壩官壩等處退遁正在飛飭楊秀趕緊
 追剿間旋接明亮德楞泰等咨會知陝省賊匪
 自漢中黃沙河大安驛及劉家壩等處屢經大
 兵剿散有由黃官嶺紅廟堂竄近通江者有由
 司渡河一路折至西鄉仍逼近太平者明亮德
 楞泰等帶領大兵即從通江追剿惠齡等亦從
 西鄉抄入太平截其東竄之路恒瑞慶成已由

聖朝聖訓卷八

十

聖朝聖訓卷九

十一

廣元取道前赴保寧吉林索倫勁旅卽隨明亮等一路繼進兵分數路頗壯聲威此股賊匪如高均德王廷詔齊王氏等各首逆均在其內俱係兇悍之徒而且川省本境如王三槐徐添德等正從長壽折回滋擾墊江大竹逼近梁山達州羅其清冉文儔等又盤踞於儀隴營山一帶梗阻達州糧餉後路且白岩山老木園兩處均未剿滅鐵瓦寺一股賊匪又竄至温湯井一帶亦未能迅速兜擒統計川省之賊川東則夔州重慶達州忠州川北則順慶保寧共係四府兩直隸州經臣督飭鎮將分股堵剿無如兵力實在不敷通籌大局此刻從通江入川之賊既有明亮德楞泰惠齡等分路兜擒賊勢自必潰敗惟王三槐徐添德羅其清冉文儔等出沒滋擾

欽定剿平三省邪匪方略 正編卷五九

欽定剿平三省邪匪方略 正編卷五九

仍須分股剿洗臣現在飛咨恒瑞慶成帶領大兵卽從保寧營山一路而進與七十五等夾攻羅其清冉文儔等股匪先清大路其勒保所帶滇黔官兵三千名由敘永入川臣已咨商由重慶梁山一路行走正可與臣會剿王三槐徐添德股匪以期剋日殲除宜綿又奏言羅其清冉文儔一股賊匪乘官兵遠赴廣安鄰水一路卽折竄營山等處滋擾運道隨飛飭總兵索費英阿抽兵回赴渠縣並派副都統七十五抽帶滿漢官兵卽由達州馳往會剿前月十三日索費英阿由渠縣一路進抵靜邊寺地方當遇賊匪率衆前來該鎮督兵佔據山梁鎗礮擊匪衆愈聚愈多七十五接據探報由蚊蟲溪一路倍道前進初一日未刻行

欽定剿平三省邪匪方略 正編卷五九

五七七

至崖峯尖地方賊匪亦分股來迎我兵奮力衝擊索費英阿率兵自上壓下兩面夾攻殲戮二百名七十五勝帶傷賊匪不能抵禦紛紛潰逃次日復有賊匪分股前來攻撲經七十五索費英阿分投堵剿自辰至酉斃賊無算前鋒叅領七十一殺賊陣亡賊匪即於我兵對面山梁屯紮初三日七十五索費英阿率兵分為兩路併力攻擊賊匪分投抗拒我兵鏖戰多時斃賊四五百名叅領存柱都司常在俱因殺賊陣亡兵勇亦間有損傷賊匪敗退二十餘里不敢屯踞連道其王三槐徐添德一股賊匪因朱射斗保興等繞至葛蘭橋五百梯等處迎頭截剿遂仍翻山折竄鄰水三十初一等日分股由鄰水縣屬生金灘興仁場王家場等處擾及大

聖香齋名書卷五

十四

竹縣屬張家場古家場四合鎮經該縣張位中飛調精壯鄉勇與汛防外委王耀龍帶領分投堵剿斃賊二三百名初二日賊匪分撲七牌石大安增隘卡張位中復又選帶鄉勇衝殺匪眾遂即繞至周家場高灘場一帶焚掠同日並有賊匪滋擾墊江縣屬鷓子觀經該縣李毓璣鼓勵鄉勇奮力迎擊轟斃騎馬執旗賊目二名初三日匪眾分撲風門舖角山茶店子該處鄉勇正在竭力相持保興朱射斗督兵趕到互相截擊斃賊四五百名匪眾亦即翻山由大竹四合鎮揚通廟一路奔竄其滋擾長壽一股賊匪闌至涪州所屬黃草河地方經外委馬躍雲督率兵勇堵剿該州李培恒復由螺迴壩一路抄襲賊後併力截殺斃賊二百餘人賊匪敗退三十

聖香齋名書卷五

十五

餘里兵勇陣亡十九名匪衆復又繞道攻撲石
家沱卡隘經把總田應龍奮勇擊退殺賊數十
人生擒一名訊據供稱長壽涪州交界之張家
箐地方賊匪藏有火藥在內李培恒卽密派田
應龍益生李雲驥等帶領兵勇星馳前往查起
詎賊情狡詐該處先有埋伏我兵將至卽放鎗
拒敵田應龍等鼓勵兵勇拋擲火彈燃及賊藏
火藥轟斃賊人一百餘名其餘匪衆紛紛奔竄
被兵勇截殺殆盡臣現飛飭七十五索費英阿
暫駐靜邊寺地方並知會恒瑞慶成卽從保寧
由營山一路進發自可收夾擊之功並督文武
各員將達州各卡嚴密布直飛飭保興朱射斗
等卽由梁山一路偵探賊蹤設法兜剿
同日舒亮穆克登阿奉言白岩山屯聚賊匪計

聖朝聖恩編卷九

六

有萬餘臣等所帶滿漢兵丁僅三千餘名屢次
進擊均係仰攻而上未能得手臣等不時體探
賊情凡遇有可乘之機卽派兵勇無分晝夜趕
緊設法進攻月來時有殲擒十一月二十六七
日分路進攻將賊匪大頭目鍾大保鎗斃勢已
潰散現在鼓勵將弁設法剿辦均奏入
上命軍機大臣傳諭勒保宜綿明亮德楞泰曰川省
竄匪由烏林埡折入南江而陝省沔縣寧羌一帶
賊匪先從南鄭奔入南江境內滋擾宜綿處兵力
無多尙能派兵堵剿而索費英阿朱射斗等在靜
邊寺及鄰水大竹縣等處追殺賊匪擊斃多名所
辦尙好其在南江屬賊被害之余文泰父子俱著
咨部加等子卹在靜邊寺等處殺賊陣亡之前鋒
叅領七十一副叅領存柱都司常在亦著咨部加

聖朝聖恩編卷九

七

等子卹其堵禦賊匪出力之文武員弁等俱著咨部議敘以示獎勵至明亮等一路統領勁兵數千又有各項官兵數萬何難將賊匪截住圍剿乃復予賊以暇任其輾轉竄至通江此次滋擾南江賊匪卽係陝境前股竄往之賊而明亮等輒以山高路險為辭試思官兵剿賊之路卽係賊匪奔竄之路何得以此藉口明亮德榜奏著再傳旨嚴行申飭至舒亮等奏攻剿白岩山賊匪一摺仍屬空言實屬遲緩無能若再不知愧懼復有遷延決不能再邀寬貸也

同日秦承恩奏言查從前賊匪竄入南鄭時各弁兵鄉勇奮力堵剿內有鄉勇廩生趙麟生員張直毅民人范瑞名何廷佐劉文壽鄧滋瑚回民鐵錦馬添喜等均係殺賊捐軀超眾出力可

聖祖聖孫編卷九

六

否照外委例議卹出自聖恩奏入得旨允行

同日汪新奏言查賊匪竄往漢中距楚較遠所有防江鄉勇自應酌加減撤以節糜費臣與景安往返劄商將均州以東豫楚兩省原設鄉勇全數裁撤各令歸農其豫省派防官兵應聽景安調往上游緊要處所派撥防守至鄖陽府屬之鄖縣鄖西二縣緊接陝省其漢江南岸卽係白河洵陽所轄地面究與賊氛相近江防未便全撤現卽減去鄉勇十分之七仍酌留三千名交漢黃德道張道源帶領會同河南河北鎮張文奇督率防堵俟陝省賊匪廓清再行全撤奏入報

聖祖聖孫編卷九

九

聞

二十七日壬戌明亮德楞泰奏言賊首齊王氏姚

之富等前在陝省經官兵處處截殺即乘勝追

剿入蜀該匪等復思牽制官兵分股奔竄齊王

氏姚之富李全等由青石關回軍壩一帶前遁

勢將擾及通江縣治高均德等由青石關西河

口一帶狂奔欲仍由小道折回陝省寧羗地界

刑部題本

三

臣等酌量情形兩路均關緊要是以臣德楞泰

帶兵由通江回軍壩一路兜剿臣明亮帶兵由

南江西河口一路抄截齊王氏等竄至通江貴

仁關適遇臣德楞泰一路官兵抄前截殺該匪

不能進撲縣治即翻山向西沙壩等處旁竄其

高均德一股自西河口由北面山徑奔逃臣明

亮察探路徑逐日緊躡抄擊該匪畏避南奔臣

等彼此知會兩路夾攻追逼初二日追剿至麻

柳灣地方殲殺無算將兩股分竄之賊仍逼歸

一路詎該匪不能分股折竄並因川匪冉文偉

一股自焚擾南江之後竄及廣元百丈關齊王

氏等遂合夥由流溪羅家壩等處奔竄冀與會

合臣等一面漏夜追擊一面派賽冲阿阿哈保

阿穆勒塔達音泰長春遊擊馬瑜等繞道向前

刑部題本

三

與臣等兜截夾攻初三四等日視賊人所向隨

剿隨進該匪未能趕上冉文偉合夥窮蹙之餘

復生詭計欲將官兵誘向東南以便北竄入陝

遂自橋壩五郎廟四方坡一帶直趨西北廣元

大道臣等鼓舞兵勇不帶鍋帳冒雪履冰黑夜

進至分水嶺四方坡二處扼要攔截該匪膽敢

捨命直前衝撲被兩處官兵截殺賊眾踉蹌遁

走復由四方坡北面折回在大蘭會白菓樹等

處屯紮^臣等乘勢亦折回追擊^臣德楞泰率同

賽冲阿阿哈保等抄向五郎廟穩木壩一帶絕

其折回之路^臣明亮率同興肇烏爾圖那遜圖

桑阿溫春等在溪口一路兜剿^臣德楞泰率兵

趕到五郎廟已值深夜遂分派官兵在東面一

帶山林溝內埋伏至初七日丑刻賊人分遣探

御平初聖編卷九

三

馬或二三十人或七八十人赴各山探望路徑

是夜正值大雪官兵在設伏處所借雪光瞭望

明白不出聲息誘賊近前突出擊殺所有偵探

賊人三百餘名一律殲擒初八日早^臣明亮德

楞泰各帶官兵前後進擊賊人恃人數眾多竟

向五郎廟山頭衝突^臣德楞泰同賽冲阿等分

據山包鎗擊箭射賊人撲上三次被官兵併力

壓剿殲賊多人賊始敗退又值^臣明亮等由後

兜擊前來首尾截殺該匪因而猶爾分投抗拒

官兵吶喊爭先殲斃甚多生擒執旗頭人四名

餘賊始紛紛潰逃官兵乘勝追殺共計擊斃七

百餘名生擒劉永興等二百十八名餘賊俱向

北面獨山一路狂奔該處山徑幽仄馬兵不能

進追恐墮賊人奸計當將官兵在對面山梁紮

御平初聖編卷九

三

住遂提集獲犯嚴訊據供首逆齊王氏等幾股

會合後總要渡過漢江前往河南因在陝西被

官兵處處攔截前月二十四五等日又被殺敗

齊王氏姚之富等要想將官兵誘入四川我們

仍由通江南江邊界分起回陝前日因官兵緊

跟姚之富說不如竄往百丈關會上冉文儔一

股可以抵敵官兵一面攻打廣元一面由棧道

回陝及到四方坡又遇官兵打敗齊王氏又說
且折回五郎廟一帶如過得去即仍由原路回
陝若再遇官兵即入獨山一帶山內小路甚多
大半與陝西交界官兵總不能路路盤住就仍
折回陝西等語當將該犯等正法梟示查獨山
以北係達野人村竹壩子等處可通陝省寧羗
官兵若徒事追剿恐反逼令折回陝境因查東
北有黃柏埡可以扼要堵截臣等當即率兵前
進抄截並接惠齡來咨已由西鄉馳赴太平臣
等即飛咨惠齡在太平一帶暫劄毋庸前赴夔
巫如該匪果折回陝境即帶兵仍至西鄉自東
堵截並囑柯藩愛星阿在北面川陝交界一帶
嚴堵不使再入陝省窺伺漢江
同日恒瑞英善慶成奏言臣等於本月初五日

帶兵向儀隴營山一路前進行抵柏埡塘地方
接據蒼溪閬中等縣飛報日前由陝竄入川省
南江各起賊匪今已分股竄至該二縣之龍山
場老觀場一帶焚掠滋擾距保寧等城均不過
數十里懇請速撥援兵救應臣等思儀隴等處
屯聚之賊一時不能竄遁今蒼溪保寧地方既
已賊氛逼近未便拘泥前奏先向儀隴等處進
剿致有顧此失彼之虞當即星夜折回應援臣
英善帶兵趕赴蒼溪並派撥知府王榮榮知縣
張利溥等共帶兵勇六百名繞赴縣城防護又
令知州應先烈帶領兵勇在尖山子要路埋伏
臣恒瑞慶成各帶兵馳赴保寧要路防護郡城
十二日未刻臣英善抵烟鋒樓地方即遇賊匪
一股當即率領叅將皂祿遊擊翔鳳扎克丹德

祿等及馬步弁兵搶佔山梁施放鎗礮賊眾公然排列搖旗吶喊正在抵死衝撲間應先烈帶領兵勇由左面抄至縱橫衝擊賊匪力不能支即行敗退兵勇趁勢追殺殲斃五六百名生擒武純秀等六十餘人賊匪隨向東北原路竄回時已昏暮當將兵勇仍在烟鋒樓扼要紮住以防賊匪折回是日午刻臣恒瑞慶成總兵觀祥各帶弁兵抵回龍場地方即遇撲犯郡城一股賊匪約有數千人結隊前進隨督率侍衛將備馬步弁兵奮勇殺斃七八百人賊匪紛紛向西奔竄臣等恐其與英善迎剿之賊合併復帶馬兵馳往抄殺又斃賊數百名保寧府知府李杭在二龍場帶領鄉勇設卡堵截進府要路聞知敗匪竄近亦從旁截殺甚多並生擒黃中利等

一百十二名凡保寧所屬附近居民得免擾害當將獲賊等提訊據供此兩夥賊匪俱係在陝省漢中一帶被官兵剿敗竄入南江大家商量李全一夥攻撲蒼溪縣王廷詔一夥攻撲保寧府城其姚之富齊王氏等夥隨後俱陸續前來等語當將該犯概行凌遲梟示查現在剿敗之東北一股賊匪有明亮德楞泰之兵自北而南可以兜剿又有愛星阿柯藩在北面督兵防堵無虞他竄惟東南竄匪離儀隴營山一帶較近該處各股匪徒盤踞日久加以此等竄匪勾結合夥現無官兵剿辦恐致愈形猖獗臣英善即帶兵搜拏蒼溪閬中一帶竄匪暫在保境鎮戢民心臣恒瑞慶成即督兵向東南儀隴營山一帶進攻疏通各路以便併力兜擒均奏入

聖祖聖訓編纂

卷

聖祖聖訓編纂

卷

上命軍機大臣傳諭勒保明亮德楞泰恒瑞慶成曰
賊匪逼入川省之後復分股奔竄首逆等由青石
關一帶冀欲滋擾通江又有一股欲由小道折回
陝省其詭詐情形實為可惡可恨但明亮等果能
設法前兜後圍將首逆速行擒獲則餘匪自必解
散乃惟知跟蹤追剿以致賊匪東奔西竄分股逃
逸似此遷延日久本不應加之恩賚姑念時屆歲
除仍頒年賞以期共迓春禧明亮德楞泰與肇烏
爾圖那遜圖桑阿賽冲阿阿哈保阿穆勒塔温春
達音泰長春六騰額著各賞給大小荷包俾伊等
同沾喜慶迅勉成功現在各股首逆俱會在一處
明亮等務須上緊籌辦趁此賊匪窮竄之時易於
集事又恒瑞等聞知蒼溪閬中地方有另股賊匪
滋擾卽折回援應擊退賊匪復向儀隴營山一帶

聖旨刑部彙編卷九

天

進攻疏通道路所辦尙好恒瑞英善慶成觀祥亦
著各賞給大小荷包恒瑞等尤當倍加感勵速將
該處賊匪一鼓殲除

二十八日癸亥勒保奏言賊匪自長壽失守之後

分股竄擾一侵江北一入涪州臣思江北有百

祥可恃涪州則甚屬空虛查松茂道承勳正在

川東督辦糧餉當卽密飭該道督同涪州牧李

聖旨刑部彙編卷九

天

培恒策勵兵勇實力堵禦旋據該道稟報賊至

涪州之黃草山經李培恒親率兵勇殲斃二百

餘名餘皆擊退其江北境內賊匪經百祥與署

同知李在文於華蓋山地方堵截殺賊一百餘

人生擒譚啟萬甘邦一等六十九名訊出江北

涪州兩處賊匪均由墊江一帶竄去隨飭承勳

前赴長壽查撫被難民人臣仍一面出示招徠

連日漸已歸集民情寧帖惟查長壽賊匪係王

三槐徐添德一股人數本多現往墊江大竹交

界地方屯擾自應先由此路進剿惟臣此來本

未帶有官兵而前調黔兵至今頭起未到事當

萬緊臣又就近續調四川省標新兵二千名數

日內即可趕到猶恐緩不濟急現已派令總兵

百祥跟蹤進剿並飭附近之總兵朱射斗保興

聖朝聖德編卷五

三

一赴墊江之沙坪關一赴大竹之北壩子分投

迎截該鎮等兵力尙單臣一俟所調官兵到有

千餘即日親往督剿與該鎮等四面兜圍臣連

日訪察各路軍情審度賊勢其所以不能得手

者蓋緣賊匪散漫分股隨處焚掠即隨處勾脅

是以日久愈多而川陝楚三省犬牙相錯綿亘

數千里崇山峻嶺處處有險可恃有路可逃及

至官兵擇隘堵禦賊又向無兵處滋擾以致有

賊之地無兵有兵之地無賊並有賊過而兵猶

未來者有兵到而賊已先去者東剿西竄南擊

北馳以言兜剿即數十路亦難以圍圍以言堵

禦雖數十萬兵亦不敷分佈臣再四思維現在

陝楚兵多賊少川境則兵少賊多若陝楚各路

截剿嚴密使賊匪不能北竄歸入川疆誘令散

聖朝聖德編卷五

三

者漸聚則各路官兵層層逼剿轉覺易於為力

竊查明亮德楞額泰惠齡各路兵將較多有烏爾

圖那遜等與之會合剿捕李全等賊匪想不日

即可得手臣已飛咨明亮等儘力將陝境廓清

即有餘孽寧可逼入川境不使北渡漢江其舒

亮觀成等兩路官兵一在白岩山一在老木園

若能即時掃蕩固屬甚善倘力有未能總須使

現圍之賊不能他竄外來之賊不能合夥俟臣

大局得手之後卽往併力兜殲自易清楚至額

勒登保等一路現將賊匪覃加耀圍困長陽之

朱里寨頃接其來信已遵

旨撤赴臣處官兵一千三百餘名臣卽知會額勒登

保等一俟該處蕩功先由夔州直赴雲萬一帶

則東路添此勝兵剿辦更爲周密其冉文儔等

聖訓聖賢編卷五

三

一股賊匪現在營山一路滋擾該處爲達州要

路經宜綿派令副都統七十五總兵索費英阿

富爾賽等在彼堵剿現聞恒瑞慶成英善俱在

川北亦可就近會剿臣目下不能驟與各路會

合通盤籌畫惟有小臣先從川東進剿清一路再

進一路以期與各路領兵大員及早會合協力

齊心一鼓掃蕩

勒保又奏言川省州縣地方多有未建城垣之

處所以捍護稍難卽如長壽失守亦由向無城

垣之故該縣知縣程見龍在外巡查猝被賊匪

攔截不及趕回守備夏繼元在城禦賊陣亡典

史章潮於賊匪開放監獄之時死拒力竭罵賊

被戕竟遭剖腹監犯被賊放出脅去有絞犯萬

廷勳一名乘間逃出自行投回歷言章潮被難

聖訓聖賢編卷五

三

情節實屬可憐萬廷勳知義投歸亦堪嘉尚臣

當加獎賞許以懇

恩赦免罪名又長壽縣丁憂在籍知府李坦於民人

紛散之後招集流亡在對河聚處得以及時安

撫臣現已親加慰諭令其幫同地方官收撫難

民惟該令程見龍雖先已在外巡查但平日未

能團練民勇認真堵禦以致縣治失守咎實難

辭現當防堵萬緊之際若不懲一儆百從嚴辦理各州縣視為泛常難期整飭臣現已將程見龍擄去頂戴枷號該縣地方事竣再行核辦以為疎防城池者戒

同日明亮德楞泰奏言首逆齊王氏等在五郎廟剿敗後向獨山一路奔逃臣等查明路徑獨

山之北係野人村竹壩子等處該處東北黃柏

聖訓編纂卷九

三

壩地方為通陝省要隘兩山壁立路通一線可

以扼要迎擊當飭將弁酌帶兵勇將鍋帳等物

由獨山一路前進使賊人只防官兵在後追擊

臣等挑帶滿漢勁兵於初八日夜即由五郎廟

抄向黃柏壩兜剿初九日未刻趕至該處派漢

兵數百名於壩口南面扮作鄉勇堵守臣等率

同賽冲阿阿哈保巴魯侍衛等分帶各兵於

壩口北面山梁駐伏使賊人自南而北不見官

兵可以誘賊近前痛加擊殺十二日已刻賊人

果由野人村一帶前來見壩口北面所設卡座

無多信為鄉勇即搖旗吶喊蜂擁撲上各兵畧

放數鎗抵禦即故作退却之勢避至壩口北面

賊人以為要隘業被衝開大隊衝過壩口北面

臣等率設伏各兵從左右兩路突出擊剿賊人

聖訓編纂卷九

三

驚駭錯亂即欲退遁臣明亮率同興肇阿哈保

等由左山梁臣德楞泰率同賽冲阿達音泰等

由右山梁各壓下抄殺自已至未共斃賊七八

百名生擒二百餘名賊匪翻山溜坡紛紛旁竄

臣等分投追殺至二十餘里之寬灘河敗逃各

匪分為兩股一由橫擔梁向香爐山竄走探係

齊王氏等一向船頭嶺竄走探係高均德等查

該二處俱北通陝境寧羌一帶山高澗澗道徑
險仄賊人詭計欲將官兵誘入深山使馬匹不
能追逐糧運難以接濟臣德楞泰率同賽冲阿
等不帶鍋帳挑帶壯健馬步勁兵裹帶乾糧由
香爐山緊躡進剿不與以暇又恐該匪等或經
官兵追剿緊急折竄西北勢將復擾廣元由棧
道大路入陝臣明亮卽同興肇烏爾圖那遜阿
哈保圖桑阿巴圖魯侍衛等亦酌帶官兵兼程
進發由廣元向北抄擊兩面夾攻並飛咨愛星
阿柯藩等帶兵在川陝交界一帶迎截咨會惠
齡在太平暫駐相機策應所有連日生擒之犯
內有廖邦會何萬仁何元隆楊升全何文舉等
五名訊係頭目卽行凌刑梟示其餘二百十二
名係久經從逆戰手卽正法餘犯六十三名

係脅擄入營卽行保釋均奏入

上命軍機大臣傳諭勒保明亮德楞泰曰此時賊首
王三槐徐添德等一股竄往熱江大竹交界地方
屯聚勒保已派百祥朱射斗保興分投迎剿而前
調黔兵及額勒登保等撤出川兵並添調省標新
兵想已陸續趕到勒保帶往督剿與該鎮等四面
兜圍先將王三槐等一股殲擒其餘自當聞風震
懾不攻自潰至所稱剿辦各情形切中向來各路
帶兵諸人之弊勒保既能周知暢論自當力除積
習大加振作况總統責成較重倘帶兵大員從前
實有因循怠玩此時仍不聽指示調遣卽當據實
嚴參不可稍徇情面庶可迅勉成功所有明亮處
欽差關防着卽迅速送交勒保接收盖用以專責
成又長壽縣治前此被賊滋擾時守備夏繼元禦

賊陣亡者各部加等優卹典史章潮罵賊被戕竟
遭剖腹前已加等議卹著查明伊子俟服闋後送
部引見以示軫卹知縣程見龍雖在外巡查但平
日未能團練民勇認真堵禦以致縣治失守咎實
難辭著卽革職治罪至明亮等一路兵多將廣賊
勢日威本日奏到之摺祇係分路抄截卽所殺賊
匪不過七八百名仍未擒獲一二賊首猶不滿意
至香爐山船頭嶺等處賊匪既能由此竄逸豈有
官兵轉不能行走之理明亮等惟當趁此賊匪窮
蹙分竄之時圍逼兜剿使賊匪驅歸一路將首逆
按名擒獲倘令賊匪北竄偷渡漢江闌入棧道則
伊等獲罪更重稟之慎之

三十日^{乙丑}額勒登保福寧奏言^臣等偵得覃加
耀由長陽之隆坪孫家坪等處仍竄建始地方

聖旨著福寧奏完

完

遂留將軍成德在長陽之招徠鹽井寺并提督
文圖由長樂縣來至長陽上坪燕子巖等處搜
捕^臣等卽帶同綸布春慶溥楊遇春等於孫家
坪麻石坪一帶趕殺斬戮賊匪數十名餘賊復
由場龍河長嶺奔竄當令綸布春慶溥率領將
備等跟蹤追剿^臣等卽帶兵由顧家坪東鄉門
前至巴東地界以備兩面抄擊行至大石橋地
方因該處為巴東總要之路^臣福寧暫駐堵截
令總兵富森布帶領四川官兵先行赴川^臣額
勒登保卽由大石橋前至黃木垵轉入建始之
華高坪聞賊匪經綸布春等由建始恩施邊界
石灰窰濫泥渡一帶急追屢有殺戮賊匪已竄
至五寶樹山距華高坪不遠當卽帶領豐紳汪
啟等馳馬趕赴我兵未及上坡賊匪望見官兵

聖旨著福寧奏完

完

猝至又從嶺上飛奔已被鎗箭擊斃二十餘人時已昏黑兼遇大雪未能前進詢之土人賊匪奔逃之處名長槽歸蛇地此一帶山徑叢雜亦甚逼仄不能容納多人行走維時綸布春慶溥等亦已趕至五寶樹山遂令是夜五鼓即從此路緊追臣額勒登保帶兵覓道由落水澗高店子折入巴東地方迎擊不期本月十五日以後大雪不止賊匪出沒無定四路躡緝由楊家壩追及賊匪未得痛殺又復脫逃臣福寧在大石橋地方探知賊竄至隆固溪即帶兵截剿於十九日在巴東之黃棟坪地方與臣額勒登保會合賊匪遁入菁林先後搜拏向其思等二十五名訊係節次與官兵打仗之犯隨俱正法十八日晚途中又拏獲賊先鋒都文詩一名訊據供

《聖朝實錄編卷五

四

稱覃加耀此時日夜潛逃並不敢在正路行走亦未預定去向有時到人少村莊仍稱是白蓮教驚駭村民希圖掠食若遇人戶多處即假充本省官兵用銀錢買食不敢擄掠現在所存祇一百五六十人等語當將該犯凌遲處死臣等惟有趕緊追捕早晚定可蕪事奏入

《聖朝實錄編卷五

五

上命軍機大臣傳諭勒保額勒登保福寧曰首逆覃加耀復由長陽之隆坪等處竄入建始地方又向巴東一帶奔逸額勒登保等竟不能攔截剿殺而摺內尚稱山徑逼仄不能容納多人又稱大雪不止飾詞迴護著再傳旨嚴行申飭昨據勒保奏知會額勒登保等一俟該處事竣即由夔州直赴雲萬一帶以爲東路聲援額勒登保等務當知愧知懼速擒首逆殲淨餘匪帶領各兵就近迅赴雲萬

一帶聽候勒保調度

御製通鑑輯覽

聖

欽定剿平三省邪匪方略正編卷六十 戊午年

三年正月初五日 庚午 明亮德楞泰奏言首逆齊

王氏等自寬灘河剿敗後分股逃竄 臣 等查各

首逆中惟齊王氏最為狡詐夥黨較多自宜先

籌剿蕩 臣 德楞泰率兵緊躡齊王氏捨命狂奔

從大紫壩温家坪等處折竄俱係幽僻山道當

卽鼓勵將弁星夜急追于八廟河抄前襲殺十

御製通鑑輯覽

一

七八等日連接四仗殺賊千餘名生擒李發祥

等一百五十七名黑龍江藍翎甲兵富明阿尤

為驍勇出力因與賊攪殺左手二指被刀傷斷

猶能手刃二賊外委陳啟林頭帶石傷 臣 明亮

因恐齊王氏等被追緊急竄及西北棧道大路

遂率兵由廣元一路抄截行至九曲坡探知齊

王氏等分遣夥黨于廣元境內滋擾牽制官兵

十七日李全一股竄至旺倉壩焚掠臣明亮率

兵迎頭截殺殲獲二百餘名該匪踉蹌奔逸官

兵追剿前進至元壩子地方又遇張漢潮阮學

明一股從該處竄出將撲廣元縣治闖入棧道

臣明亮同興肇圖桑阿等分帶官兵抄擊自己

至未殺賊一千數百名生擒王先等二百十七

名搜獲南江縣儒學印信一顆餘匪乘山徑曲

《聖朝聖編卷十

二

折分向西南山內逃遁縣治得以保護查元壩

子地方離廣元棧道不遠且聞齊王氏一股大

隊復由曾家河一路西竄逼近棧道臣明亮遂

僱由廣元抄入棧道闖截二十二日馳抵神宣

驛正值齊王氏等竄入茅壩一帶欲由轉斗舖

衝入棧道當飭將弁扼住神宣驛要道親帶鎮

將兵丁馳至轉斗舖迎擊其時臣德楞泰已率

同賽沖阿溫春等由曾家河前至黃壩驛兩面

並進首尾夾攻該匪分投抵禦并超上四面山

梁吶喊衝突臣等分飭官兵四下擊射斃賊六

七百名生擒張能舉等一百餘名該匪力不能

支俱逃入山內官兵乘銳追擊復斃賊二三百

人仍將官兵在青樹灣暫紮棧道得以疏通查

賊匪現竄之處山南係廣元所屬山北即寧羗

《聖朝聖編卷十

三

地界訊據活賊等供稱齊王氏等因到處經官

兵攔截不能與川省同教會合商量分股將官

兵引入西南仍乘間折回北面陝省地界希冀

搶渡漢江等語臣等商定仍自西北從寧羗一

帶沿途偵探若該匪竟狂奔陝境即從沔縣馳

赴漢中一帶迎擊務當乘賊窮蹙之時令其無

路可逃自當不攻而潰

同日宜綿惠齡奏言查王三槐徐添德一股賊匪竄至大竹縣屬周家場高灘場一帶分屯散處初十日賊匪分股由觀音橋鎖石橋一路掠至黃泥壩經知縣張位中鼓勵鄉勇併力堵截賊甚多匪眾不能直趨縣城遂于十一二等日由花岩灘大丫口一路攻撲梁山縣屬狐狸嘴卡隘該縣知縣方積同把總宋福各帶鄉勇分路馳擊盡斃賊目一名生擒劉高仁等一十五名奪回難民男婦大小七十餘名口匪眾敗退繞至貓兒寨一帶焚掠並分股滋擾沙河舖此梁山縣城三十餘里方積立即趕回縣城隨同明興防守城池總兵保興朱射斗由墊江一路偵探賊蹤保興酌分官兵繞道翻山馳赴梁山堵截朱射斗率叅將尤漢玉等跟蹤追剿十

聖朝聖編卷十

四

四日進抵四方碑地方適有賊匪抗拒我兵奮力剿退十五日官兵正在拔營前進賊匪復至勢甚洶湧我兵分投剿擊斃賊三四百名同日並有賊匪攻撲達州屬平灘場卡隘經副將凝德督兵堵剿並在籍之安徽州判杜茂材行營千總王宋祿各帶鄉勇抄襲賊後互相截殺斃賊一百餘名生擒二十四名十八日復有賊匪數千攻撲黃土場卡隘其勢直趨州城臣宜綿即由文家梁督率遊擊薛大烈帶領兵勇分爲兩路馳擊自辰至申追剿三十餘里斃賊五六百人生擒張正邦等一百二十四名臣惠齡等由西鄉太平一路入川因聞賊匪擾及達州大竹交界地方即同富成穆維六十七等督率官兵星夜過馳亦于是日進抵達州屬連池

聖朝聖編卷十

五

山正遇賊匪蜂擁而來我兵分路截剿斃賊二三百名生擒胡元泰等九十七名各處餘匪俱向新寧仁市舖甘棠舖一帶逃竄兩路官兵遂即會合伏念臣惠齡前因陝省各股竄匪闖入川境誠恐夔州府巫山縣等處兵力空虛奏明分兵馳往堵剿今賊匪分屯新寧縣屬並梁山縣屬黑天池一帶俱係阻碍川東輓運之路是以臣惠齡不敢逕赴夔州即率現有官兵先赴新寧梁山一帶與保興等相機剿辦疏通運道宜綿又奏言臣接據舒亮穆克登阿知會白岩山賊匪于初四初十等日分股下山攻撲營卡冀圖逃竄均經官兵併力剿截斃賊二三百名餘衆仍負嶠固守其鐵瓦寺一股竄匪總兵德齡等跟蹤追剿賊匪詭詐異常乘官兵進抵開

製奉聖諭編卷六 六

縣之迴龍場地方正在紮營之際連次攻撲官兵施放鎗礮轟斃一二百名匪衆分投圍繞兩日不退遊擊布勒亨都司崔德寧俱因殺賊被戕道員李憲宜接據探報即率典史張陳鉉帶領精壯鄉勇並知會遊擊張成即帶防守開縣官兵二百名馳往援應十二日張成張陳鉉各帶兵勇蹈水過河分路殺入匪衆始紛紛潰散德齡等遂率兵衝出與張成等合兵一處即於大佛岩地方暫行駐劄相機攻擊又羅其清冉文偉一股賊匪恃其人衆分屯儀隴營山渠縣境內其攻掠渠縣靜邊寺一帶賊黨於初十日分股滋擾營山縣屬九嶺子地方經總兵富爾賽派令遊擊花良阿等帶領兵勇分投堵剿斃賊一百餘名生擒十八名匪衆復于十二日焚

製奉聖諭編卷六 七

掠芙蓉廟距營山縣城八里經富爾賽率同該縣謝惟良將縣城防守嚴密即各帶兵勇分路馳擊互相截殺斃賊多名匪眾退屯濟川橋駱市場等處至陝省匪眾現在已由南江竄至廣元縣屬百丈關分股闖入蒼溪縣屬烟鋒樓等處並據探報英善已由保寧派撥兵勇前往蒼溪防堵至儀隴境內屯聚賊匪臣已暫飭地方官廣為團練鄉勇嚴密防堵另籌剿辦均奏入上命軍機大臣傳諭勒保宜綿明亮德楞額泰惠齡曰齊王氏等分段逃竄德楞額率兵追剿明亮由廣元抄截並迎擊李全張漢潮等廣元縣治得以保護齊王氏等欲衝棧道復經兩面夾攻痛加殲殺所辦尚好藍翎甲兵富明阿外委陳啟林均為出力著以應陞之缺陞用惟此次接仗殺賊仍未能

擒獲賊首一人該處道路如果險滑難行賊匪又何以來去自如况齊王氏以一婦人尚能行走豈有勁兵轉不能追剿之理明亮等仍著傳旨申飭適據宜綿奏到截剿滋擾大竹梁山境內賊匪情形所辦亦好其守城殺賊之文武員弁著查明實在出力者咨部議敘又白岩山一股賊匪屢經官兵截剿尚在負隅固守而分屯儀隴營山渠縣之賊亦尚輾轉奔逃老木園一股賊匪攻圍日久迄未擒渠均屬遲緩舒亮觀成穆克登阿等尤當倍加愧懼奮力進擊其殺賊被戕之遊擊布勒亨都司崔德寧俱著咨部加等予卹

同日

上諭內閣曰秦承恩現丁母憂例應離任守制但該撫現在興安一帶巡防軍務關係緊要且該撫在

聖朝實錄卷之十

八

聖朝實錄卷之十

九

1 冊 3 頁 4 行 5 字 5 3 頁 3 行 4 字

陝日久地方情形及軍需事件皆為熟悉未便遽
易牛手向來內外官員遇有丁憂事故朕俱令回
籍成服從不開在任守制之例至於辦理軍務則
非常例可拘古人原有墨綬從戎者即守禮之士
亦不敢以私廢公秦承恩仍著署理陝西巡撫在
任守制至每日辦公准其以素服視事遇有一切
典禮應用吉服者均不必與其在寓館時並仍准
其持服俾公務私情得以兩盡以示準情酌義格
外體恤之意

聖祖聖孫編卷六

十

初七日壬申秦承恩奏言臣由南山小路馳赴北

面近省一帶於洵陽途次接據鳳邠道王文湧
報稱探得賊匪馬步數千人於二十四日竄至
南鄭褒城地界滋擾該道以所帶兵勇僅止千
數百人必須出奇邀截方能以少制多查有距

縣城二十餘里之宗家營人烟稠密賊必竄往
搶掠該處地勢險要可以設伏隨將署遊擊蘇
維龍所帶兵丁一百名藩司陸有仁派往壯丁
二百名監生張顯名所練精健鄉勇一千名內
撥出八百名先分一半令蘇維龍同張顯名帶
領乘夜翻山至宗家營埋伏酌留一半王文湧
自行帶領在離城數里外安營一面密飭署褒
城縣汪銓率同鄉勇在城防守毋稍喧嘩如賊
人乘夜竄至即令城上施放鳥鎗營中接放大
礮賊必畏懼奔逃兵勇隨後追趕俟其竄近宗
家營伏兵出其不意從中截擊黎明賊隊撲至
城下汪銓同教職張峯典史白之斌督率鄉勇
放鎗抵禦王文湧營中亦即連放大礮整隊衝
出賊知有備即行奔竄王文湧督領兵勇緊隨

聖祖聖孫編卷六

十一

追趕汪銓亦挑帶守城鄉勇繼進賊果竄至宗家營前隊馬賊甫在街口放火王文湧等追兵趕到放鎗擊打蘇維龍同署把總崔節等監生張顯名率同義首徐正勝武舉馬殿元等即帶領兵勇壯丁一齊衝出將賊匪大隊截斷我兵前後夾攻殲賊八百餘人生擒四十五人兵勇一無損傷餘匪向東北奔竄除仍飭王文湧鼓

聖朝聖德編卷十

三

勵兵勇嚴防雞頭關要卡並確探賊蹤相機截剿外臣惟有與總兵王文雄趕赴北路探明賊匪由何路奔逸即繞出賊前迎頭兜擊再接再據南鄭縣知縣何振權稟報竄匪高均德一股由南江竄入南鄭岩方坪紅廟塘一帶滋擾常即飛札柯藩逯由寧羌汭縣趕回郡城堵剿並札會愛星阿嚴防江岸臣正在挑帶兵勇親赴漢

聖朝聖德編卷十

三

中剿辦間旋據漢興道文需稟報此股賊匪約有數千人內多騎馬之賊已于二十四日由南鄭周家坪踰淺竄過江北在府城西十餘里之浣手寺一帶屯聚臣查賊匪既已竄至漢中北岸該處路徑紛歧正北即係棧道可由褒城留壩而出寶雞鳳翔東北小路可由城固洋縣而至五郎孝義均與省城切近此時省城一帶兵備空虚臣若由興安趕赴漢中已在賊後萬一賊匪日漸北竄前面無兵攔截深為可慮臣得信後即帶領兵勇會同總兵王文雄兼程馳赴近省一帶探明賊匪由何路奔竄即抄出賊前迎剿並飛咨明亮德楞泰酌分勁兵趕赴漢中與柯藩愛星阿等會合兜剿又札飭王文湧遊擊襲鐸等嚴防褒城雞頭關及五郎要路一面

咨會景安在豫省邊界豫為布置防範

同日恒瑞慶成奏言臣等前於儀隴途次折回

保郡敵剿竄匪因營山縣告急當即帶兵兼程

進行于二十二日行次徐家場距該縣城五六

十里沿途詢知賊匪在縣城三面圍困已十餘

日惟西門近河尚可通信城內有官兵防範未

致疎虞臣等一面密差弁兵進城知會總兵富

爾賽約于次日內外夾擊臣等于二十三日冒

雨馳抵該縣城北神堂寺山梁遙見賊衆在城

外層層圍繞烟火甚熾城內鎗礮之聲不絕向

外轟擊賊匪並不退散臣等與總兵觀祥副將

皂靈保德忠等率領馬步弁兵分三路直前進

攻賊匪分股前來抗拒官兵施放進步連環鎗

礮迎擊斃賊多名逆匪隨倒隨進抵死衝撲我

兵與賊短及相接都司馬鍾麒王名望千總祝

成龍等三員尤為奮勇首先衝入賊隊手刃多

賊受傷陣亡臣等督兵自已至西奮力剿殺富

爾賽一聞援兵到來帶兵出城向外衝突兩面

夾攻賊衆紛紛敗退城圍頓解官兵追殺十餘

里時已昏暮暫行紮住統計斃賊七八百名生

擒五十八名訊係羅其清等一夥現與王三槐

分開焚掠前來攻撲營山縣城並勾合本處新

起教匪黃逆等約有數千人當將各賊凌遲梟

示所有此次受傷陣亡弁兵另行查明咨部現

在敗匪俱已奔往縣東簡家壩一帶倚山負險

迴圍稻畦竹叢密匝兼之連日雨雪蹊徑泥滑

賊匪恃此藏匿臣等若遽由一面進剿勢必分

投逃竄復歸各川匪夥內現聞索費英阿等帶

兵在東北達州帶邊寺一帶堵截相距百里已
飛札知會帶兵前移聯絡聲勢趁賊負嵎未遁
之時正可相機截殺以期早擒首惡先滅一股
醜類

同日英善奏言臣於烟鋒樓截剿賊匪後恒瑞

慶成已由營山一路進發臣隨選撥弁兵四路

偵探知蒼溪閬中交界之柏溪溝取蒼壩溜池

剿匪方略卷六

壩雙合場一帶尚有剿散餘匪或一二百人或

百餘人為一起於鄉村地方焚燒房屋脅逼居

民臣即派知府王榮榮參將皂祿知縣張利溥

抽帶兵勇二百五十名由溜池壩雙合場一路

搜捕派知州應先烈遊擊扎克丹德祿帶領兵

勇二百名由柏溪溝取蒼壩一路搜捕連日沿

途搜剿廿六殺賊二百餘名擒獲賊匪伍思用等

四十八名詢係賊匪李全王廷詔等股內之賊

被大兵衝散竄入各處搶掠亦有土匪隨同焚

掠者當將各犯正法梟示仍逐日派委各員分

路搜捕以安附近一帶居民惟查保寧一帶道

路叢雜處處可通各路賊匪一經剿殺恐又竄

入閬中蒼溪境內現在兵力無多不可不為

防範臣仍帶兵於保寧扼要防守使賊匪不敢

剿匪方略卷六

窺伺郡城即恒瑞慶成亦可無後顧之慮均奏

入

上命軍機大臣傳諭勒保明亮德楞泰景安泰承恩

英善曰川省賊匪在川陝邊界往來奔竄其意原

欲牽掣官兵乘間折回向北竄擾今高均德一股

仍由南江折至漢中踰漢倫渡擾及北岸實為可

惡漢江一帶係柯藩愛星阿田有成文需等在彼

防堵何以致任賊匪竄過江北著秦承恩查明此
股賊匪究於何處偷渡係何人防守沃地據實嚴
行參奏再王文湧既於褒城將賊匪截殺多名何
以不乘勝將賊匪截回西南仍令竄至東北而柯
藩愛星阿等聞信後是否已經趕往截剿之處並
著一併詳晰覆奏至賊匪雖已擾及漢中但距西
安甚遠省城現有藩臬道府等大員且有駐防滿

欽定剿平三省邪匪方略

正編卷六〇

兵賊匪自不敢心生窺伺秦承恩聞知賊匪折回
漢中之信自當即赴漢中東北一帶迎頭截剿乃
轉由興安馳赴近省一帶堵剿未免迂遠倘賊匪
聞知秦承恩已離興安該處守備空虛直趨東北
豈不墮賊奸計現在賊匪擾至褒城經王文湧督
率弁員兵勇在宗家營設伏遊擊殲賊八百餘人
餘賊向東北奔竄業已大挫賊鋒且賊匪亦尙無

多秦承恩惟當與總兵王文雄速赴漢中東北用
機迎擊勿使賊匪又向東北奔竄擾及秦川而維
或竟從東北奔竄必由城固洋縣一帶擾及五郎
孝義地方該處距商雒較近與豫省接壤早安應
即酌帶官兵速赴陝州邊境督率防範爲要再營
山賊匪祇係在城外焚掠縣城並未疎虞恒瑞等
到彼後總兵富爾賽即帶兵出城內外衝突擊散

欽定剿平三省邪匪方略

正編卷六〇

賊匪恒瑞等何得遽以保城無失爲功且賊匪經
官兵剿敗後奔往縣東簡家壩一帶恒瑞等正當
奮力圍擊將賊首羅其清冉文儔等速行擒獲乃
並未乘勝進剿轉札令索費英阿前來協剿現在
宜綿處兵力無多且靜邊寺一帶賊匪正須上緊
搜捕索費英阿豈能遽離該處即使索費英阿果
能帶兵前來恒瑞等豈竟束手坐待倘索費英阿

不能分身恒瑞等竟即任賊屯聚置之不辦耶恒瑞慶成此次不但無功而且有過若再不知愧懼迅速設法攻剿試思當得何罪其殺賊陣亡之都司馬鍾麒等俱著咨部加等子卹又蒼溪聞中地方俱有剿散餘匪滋擾業經英善派兵分路搜捕淨盡保寧一帶道路叢雜各路剿散餘匪難保其不又竄入聞中蒼溪境內英善務須扼要防守勿

聖朝聖恩編卷十

十一

使賊匪乘間闖入至明亮德楞泰前奏獲賊供內有乘間折回陝省之語曾經陳及設法抄出北面迎頭截剿今高均德一股竟從南鄭臨淺渡江有赴漢中滋擾擾城之事皆因明亮等未能將此股賊匪悉數兜圍致令乘間擾及陝境大兵轉在賊後適中賊匪牽綴誘兵之計明亮等無可辭罪著傳旨嚴行申飭現在齊王氏姚之富等緊要賊首

俱向在廣元境內而大兵勁旅均在明亮等一路此時北路褒斜及東北洋縣城固一帶兵守究屬稍單明亮等如能將齊王氏等一股賊匪趕緊殲擒尙可將功折罪否則或仍將賊匪逼入川省界內與勒保會合夾攻亦尙可稍贖愆尤倘既經疎失於前復不能補救於後致後起賊匪齊王氏姚之富等復有闖入陝境趕入高均德一股之事明

聖朝聖恩編卷十

十二

亮德楞泰自思當得何罪耶

初八日

癸酉

明亮德楞泰奏言

臣

等前在轉斗鋪

將齊王氏姚之富等股匪夾攻截殺該匪敗向山內逃竄恐徒事尾追不能得力二十四日即取道寧羌由西北前進兜剿該匪折竄廣元寧羌交界二郎壩一帶臣等正在統帶進攻二十七日接據漢興道文需稟報高均臣一股賊匪

由南江折回南鄭縣屬之紅廟塘二十四日竄
至周家坪從兩卡之中繞小道北竄過江其時
柯藩在寧羗堵禦惟愛星阿在郡城防江聞信
卽先遣副將官信泰將達桑阿帶兵二百名馳
赴江北萬壽寺堵截復親帶兵三百名繼進截
剿斃賊二百餘名生擒六名賊匪由猴子嶺沙
園子繞赴郡城愛星阿馳回郡城督率兵勇竭
力擊禦賊匪敗向東北洋縣一帶逃遁以目下
賊情而論齊王氏爲各逆之魁自宜先籌剿蕩
以地勢而論高均德旣已渡江如東竄興安則
與西安省會甚近且界連豫楚秦承恩景安及
王文雄等所帶防堵之兵無多恐難逐處嚴布
卽愛星阿聞信緊追前往柯藩亦自寧羗挑撤
兵勇跟剿已由城固前至洋縣兵力均單且所

聖朝聖德編卷六

三

帶皆係步兵追剿未能捷速是以_臣等卽連夜
帶兵出沔縣褒城馳抵漢中將防堵江岸事宜
布置妥協卽日前進趕緊截擊但齊王氏等匪
現于川陝交界滋擾亦須防其北竄漢江綿亘
千餘里水又淺涸處處皆可偷渡因酌留烏爾
圖那遜帶領山西兵五百名于寧羗要道防堵
又酌留荆州協領喜卜產帶領荆州滿兵二百
名于沔縣防堵至漢中爲郡城重地已酌留興
肇帶領荆州滿兵五百名督同文需帶該處兵
勇防禦柯藩爲本省提督呼應較靈且於江岸
情形熟悉應仍同愛星阿各帶原兵四千於川
陝交界及江岸一帶分布嚴堵不特防守江岸
正可截斷賊勢如該匪竟東竄西鄉一帶卽飛
咨惠齡帶兵由太平趕赴西鄉防剿如齊王氏

聖朝聖德編卷六

三

等南竄川省計川省除向有各兵外現經勒保帶到勝兵三千名又額勒登保剿賊完竣亦即帶兵赴川又有恒瑞慶成帶兵四千餘名協剿足資分布臣等原帶官兵除添安各處防守並前經添撥惠齡恒瑞慶成兩路外現帶勁旅及滿漢各兵八千名臣等仍合兵一路星夜前進跟蹤抄截速冀擒渠

《聖旨和覽彙編卷十

三

同日景安奏言臣於初四日接准秦承恩來信賊匪高均德一股約數千人竄過漢江該撫會同王文雄帶兵抄赴北面迎截查豫省閩鄉一帶近接潼關自應豫為嚴密防範臣前因賊匪竄入興漢恐其偷渡北趨先經集兵二千名駐劄許襄適中之地以備策應現即飛調徑赴閩鄉臣即日起程馳往該處察探賊蹤相機防堵

《聖旨和覽彙編卷十

三

同日陸有仁奏言臣接據差探稟報逆賊高均德一股竄至南鄭之浣手寺等處滋擾秦承恩王文雄帶領兵勇逃出賊前截擊臣查寶雞鳳翔一帶最關緊要當即選派幹員前赴各該處會同地方官添撥鄉勇設法堵禦並將渭河內船隻盡行撤至北岸不使賊匪得以偷渡再五郎廳東通鎮安北接省會前經秦承恩派委遊擊龔鐸帶兵二百名在彼防守今撫臣馳至近省地方設賊眾闖入五郎正可迎頭截剿至西安省城南有秦嶺山路險仄有一夫當關之勢臣與署將軍花尙阿面商密行挑備精壯滿兵五百名並久經訓練民壯五百名萬一賊氛漸近臣與花尙阿即商定一人守城一人帶領兵勇前赴秦嶺扼要堵截該匪自不能飛越所有

北棧大路及南山小隊均經安設糧臺多僱夫
騾伺候供支賊匪現既北竄各路大兵自必折
回兜剿軍火糧餉臣已寬爲預備斷不致稍有
遲悞均奏入

上命軍機大臣傳諭勒保明亮德楞泰秦承恩景安
口昨據秦承恩奏高均德一股由南江折回漢中
北岸經官兵在褒城邀擊餘匪向東北奔竄朕方

《剿平三省邪匪方略》

卷六

冀明亮等在川境將姚之富齊王氏李全等大股
賊匪先行殲獲則高均德一股人數無多又乏接
應無難一鼓掃蕩乃本日明亮等遞到之摺轉舍
姚之富齊王氏李全等大股賊匪於不問輒帶全
隊勁兵由沔縣褒城馳抵漢中追剿高均德僅留
烏爾圖那遜帶兵五百名協領喜卜產帶兵三百
名在寧羌沔縣防堵實屬大錯試思高均德一股

不過賊匪中十之一二且經王文湧愛星阿先後

截殺所餘無幾陝省又有秦承恩柯藩王文雄等
迎頭堵截自可杜其北竄之路何必遽率大隊官
兵來陝追剿况賊匪詭詐或令高均德折竄漢中
希圖牽掣官兵盡赴東北追剿而姚之富齊王氏
李全等得以乘間渡江赴陝滋擾豈不正墮賊計
若姚之富齊王氏李全等亦即跟蹤而至川陝境
上更無勁兵攔截以明亮等如許勁兵尙任高均
德偷渡漢江北岸何況烏爾圖那遜等帶兵祇數
百名焉能截住大股賊匪若竟乘虛隨後竄入明
亮等豈不貽笑受敵乎明亮等聞高均德竄入漢
中之信自應派委明幹將領酌帶兵丁赴陝截剿
一面仍在川併力進擊將姚之富齊王氏李全等
剿除淨盡後再行北剿高均德一股方爲上策否

《剿平三省邪匪方略》

卷六

則明亮德楞泰二人中或酌分一人帶領勁兵二三千北渡追剿既可與秦承恩夾擊高均德一股而姚之富齊王氏李全等不致無兵攔截尙不失爲中策乃伊二人茫無主見調度失宜本應將伊等革職拏問治以貽誤軍機之罪姑念一時帶兵乏人暫留立功贖罪著先將花翎拔去以示薄懲明亮德楞泰惟當知愧知懼如姚之富齊王氏李全等已隨後折回漢中伊二人能在陝境擒獲首逆尙可稍贖罪愆或即將高均德一股先行剿淨再行回兵將姚之富齊王氏李全等洗蕩亦尙可將功折罪設此旨到時明亮等已將高均德擊獲卽著明亮帶領官兵十之二三在陝督剿德楞泰帶兵十之七八速回川省幫同勒保剿辦尙仍前因循貽誤則罪上加罪矣看來姚之富齊王氏李

聖祖聖訓編卷本

天

全等大股賊匪或已同高均德折竄漢中而明亮等不敢據實奏出祇以高均德一股折竄爲辭文飾具奏若果如此則正應趁此首逆等聚集陝境之時速行圍剿猶可稍贖重愆再高均德由南江折回漢中北竄過江愛星阿等在彼防守不能截住轉藉在郡城防守爲名馳回堵禦實屬規避疎玩愛星阿亦應從重治罪先著革去花翎亦令戴罪圖功以觀後效又據陸有仁奏籌備防堵事宜所辦皆妥據稱西安省城南有秦嶺賊匪斷不能飛越所見甚是現在高均德股匪已由褒城向東北城固洋縣一帶奔竄秦承恩惟當與王文雄等帶兵由五郎孝義一帶迎頭截剿速將此股賊匪撲滅毋任前竄爲要至勒保在墊江大竹一帶剿辦賊匪著接奉此旨後卽輕騎繞道迅赴漢中督

聖祖聖訓編卷本

天

辦一切並查明亮等發摺時如齊王氏姚之富等
大股賊匪亦已偷渡漢江北岸而明亮等畏于重
罪不敢陳奏則欺罔之罪尤重勒保竟當參奏至
愛星阿係防守漢江之員是否有避賊情事均著
據實查明嚴行參奏至豫省相距較遠景安惟當
鎮靜防範勿致稍涉張皇也

臣
等謹案軍營帶兵大員於賊情之輕重緩
急兵行之遲速進退均應審度機宜間不容

髮此次明亮等正在進攻齊王氏姚之富大
股賊匪忽因高均德竄過漢江卽全行帶兵
馳抵漢中截擊僅留烏爾圖那遜等帶兵數
百名防堵齊王氏等股匪實屬措置乖方荷
蒙

聖明指示

訓飭諄諄又

慮及齊王氏等或已接踵折竄漢中明亮等不敢據
實具奏仰見

至誠先覺在遠不遺

披章燭照一無遁形凡身在行間者孰不敬畏而悅

服哉

初九日
甲戌

上命軍機大臣傳諭明亮德楞額奏承恩烏爾圖那
遜曰昨因明亮等奏高均德一股折回漢中伊等
帶兵至陝截擊所辦乖謬業經降旨訓飭今再四
思維明亮等卽欲留烏爾圖那遜等在寧卷一帶
防堵伊係原帶黑龍江官兵之人亦應將其原帶
兵丁酌量派撥庶可收指臂之效乃又計不及此
輒將綠營官兵給伊帶領以致兵將不能相識是

令其以素不相習之兵禦大駭猖獗之賊豈非置之死地焉能望其得力看來明亮德楞泰全不以軍務為重惟知自擁強兵為衛護之計此次剿除教匪以來各路軍營帶兵大員遇見賊匪不能奮力剿殺往往各自為計競擇勇健之兵留為自衛賊退作為剿敗賊竄惟事尾隨虛報斬獲坐糜軍餉以致經年累月迄未成功從前永保惠齡等即

聖祖聖訓卷十

三

蹈此弊今明亮等將大駭賊匪置之不顧又將勁兵全行隨帶轉留綠營官兵委之烏爾圖那遜等防堵此非伊二人擁兵自衛而何若以誅心而論即將明亮德楞泰照軍法從事亦所自取姑因一時帶兵乏人暫予曲貸但僅拔去花翎尚不足示懲所有明亮德楞泰前得之世職及優賞紫韁俱著撤行革去祇留本任職銜俾其戴罪圖功再奏

承恩王文雄已帶兵前赴漢中繞截高均德股匪必須速行撲滅而興安與漢中相距亦不甚遠且賊向東來此時秦承恩等往西迎去途次恰好相值務將賊匪截住與明亮等會合擒拏加緊馳奏至烏爾圖那遜當明亮德楞泰令帶綠營兵數百名堵剿大駭賊匪之時亦不自揣足資抵禦與否竟無一言見朕此旨亦當心服現在姚之富齊王

聖祖聖訓卷十

三

氏等大股賊匪烏爾圖那遜等究竟能否堵截不令北竄並是否先與高均德一同偷渡明亮等前奏不實有無迴護著烏爾圖那遜一併據實速奏不可代人受過也

十二日丁丑恒瑞慶成奏言前臣等馳抵營山解

散圍城後賊匪退至簡家壩黃連壩一帶山梁

屯聚臣等於二十四五等日率領弁兵奮力攻

擊詎該處竹叢密匝水田層疊徑通一綫馬隊

難馳逆匪恃險抵拒一時不能得手臣等復於

二十七日另覓路徑與侍衛將弁皆徒步帶兵

分隊直前進攻賊寨賊匪分蹤潛伏於竹箐叢

密之處候官兵經過或從旁放鎗擲石或從隊

後繞截衝突經官兵殲殺一二百人擒獲十六

名並拏獲賊探甸希賢等訊據供稱此股賊目

聖祖聖訓編卷六

四

羅其清自方山坪逸出其夥黨盡係同族親隣

攜帶家屬聚於一處又糾合儀隴營山黃道李

鄉約等土匪因王三槐冉文儔各差人約會以

營山爲成都順慶達州大路適中之地均欲來

此會合等語臣等連日親往簡家壩一帶週圍

相度必須前後兩路夾攻現在一面設法相機

攻擊一面飛札宜綿惠齡等酌量自達州分兵

前來以期各擊此股賊匪俾免勾結

同日觀成劉君輔奏言逆首陳崇德等節經官

兵圍圍截殺因守益力於老木園西面之馬桑

溪南面之白果坪東面之土地壩北面之茶園

嘴周圍添紮卡隘捨命抵禦臣等正切籌思適

有從賊巢攜帶家口投出之向登科訊係有各

頭目因山上祿糧將盡挖取草根樹皮度日並

聖祖聖訓編卷六

五

將山上婦女幼孩殘食是以潛逃下山乞命當

卽妥爲駕馭安撫據該犯稱惟有從深溝口黑

夜進攻佔得頭卡便可直搗巢穴自願隨同官

兵引路臣等察看情真維時雪已經旬深可沒

膝查看深溝雖係兩山壁立而攀援林木可以

潛進密派千總楊富貴鄉勇頭羅登朝帶同向

登科及奮力兵勇三十名從深溝口取道捫越

而上派參將巨朝龍佐領阿朗阿帶兵勇三百

名分爲四起臣貫繼進派守備劉順署守備劉

忠魁帶兵二百名鄉勇三百名從小青杠進攻

臣劉君輔帶同遊擊楊洪新弁兵四百名從大

竹溪進發搶撲土地壩臣觀成帶同遊擊愛隆

阿干總傅廷佐兵勇四百名從轎頂山進發搶

撲二層巖都司沈文同從樵風洞一帶施放鎗

聖朝聖編卷十

美

礮率綴賊勢二十一日丑刻楊富貴帶同向登

科等冒雪覓路而上賊匪於此處據險設立木

卡雖有號火均已睡熟楊富貴等拋擲火彈賊

匪驚起投崖奔竄呂朝龍等所帶兵勇截殺賊

匪三十餘名遂將深溝頭卡佔住臣劉君輔帶

同官兵搶上大竹溪子峰尖石磴中行抵賊卡

縱火焚燬殺賊多名該處懸巖一線上通茶園

嘴當即於上亞口扼要據住臣觀成見兩面火

起即督同遊擊愛隆阿及員弁兵勇進撲二層

巖賊匪倉惶抵禦我兵屢次搶上賊亦屢次壓

下臣飭令於轎頂山上連用大礮隔溝轟擊

賊紛紛天甫黎明將二層巖奪佔其小青杠壩

口及樵風洞兩路率綴之兵自辰至未連絡進

攻賊匪上下奔跑抵禦二十二日晚大雪不止

聖朝聖編卷十

毛

臣觀成派令員弁攜帶牛酒饌餅分犒各路兵

勇是夜四鼓臣劉君輔督率將弁兵勇從上壩

口進撲茶園嘴賊匪早經準備於深林密箐中

擲石放鎗勢甚兇悍兵勇頗有受傷向登科亦

中鎗陣亡臣劉君輔即督催競進斃賊六七十

名當將茶園嘴賊卡奪佔臣劉君輔右膀亦受

石傷二十三日晚賊匪竟敢攻撲二層巖官兵

新佔隘卡意欲奪回臣觀成先已密令兵勇于

黑暗中四散埋伏趁勢襲擊殺賊三十餘名餘

匪竄上土地壘當飭弁兵乘勝追剿詎土地壘

賊匪蜂擁接應從石卡內施放鎗礮拋擲石塊

兵勇受傷過多隨即撤退署守備劉忠魁千總

楊富貴外委楊祿李均魁均受石傷此次日夜

接戰兵勇未免稍疲而賊匪強悍者不過七八

欽定剿平三省邪匪方略

正編卷六〇

百人周圍尙有木城四五道惟有嚴飭各卡備

弁兵勇倍加小心圍剿勿令垂盡之賊致有竄

逸傷亡弁兵鄉勇另行查明咨部均奏入

上命軍機大臣傳諭勒保恒瑞觀成慶成日恒瑞等

奏連日官兵攻剿營山屯聚賊匪情形並未將首

逆羅其清由文備擒獲祇係空言塞責殊屬無謂

至所稱咨會宜綿惠齡等酌量自達州分兵前來

尤不成話試思宜綿一路兵力無多此時王三槐

徐添德一股賊匪在達州新寧一帶滋擾宜綿等

方且以少擊衆設法堵截焉能再分兵將赴恒瑞

等一路協剿耶再觀成等攻剿老木園賊卡不過

將深溝等處賊卡奪佔仍未能直搗賊巢實屬無

能已極且摺內稱賊匪糧食將盡挖取草根樹皮

度日並將山上婦女幼孩殘食老木園賊匪觀成

欽定剿平三省邪匪方略

正編卷六〇

等攻圍日久賊匪安得有如許草根樹皮婦女幼

孩充食况伊等士馬飽騰尙不能奮力進攻而賊

匪飢餓窮蹙豈能抗拒官兵支持多日可見觀成

等不過以按期發摺一次爲搪塞之計所奏全係

虛言觀成劉君輔著傳旨嚴行申飭守備劉忠魁

等所受石傷是否無妨其投出之向登科受傷陣

亡並著查明家屬酌量賞卹

欽定剿平三省邪匪方略正編卷六十一 戊午年

正月十四日臣景安奏言臣於初九日行抵灑

池接准王文雄來信自高均德一股賊匪由南

鄭偷渡漢江後又有一股賊匪接踵過江約有

五六千人外有騎馬女賊數百人已與高均德

合夥共約計賊匪八九千人現在洋縣北山之

八里崗一帶屯紮該鎮會同秦承恩帶兵暫駐

秦嶺口相機截剿又接明亮德楞泰來信賊匪

竄至洋縣東北茅壩一帶察其情勢將入五郎

明亮德楞泰自寧羌星夜回師已至洋縣抄前

截擊臣查五郎北通西安東北即係商維一帶

豫省之閩鄉盧氏浙川等處均關緊要自應嚴

密防堵惟南北兩鎮均帶兵在外現有之兵不

能處處設備臣已派令糧道元顏岱陝州知州

諸以謙率同各地方官募集本地精壯鄉勇擇

要嚴防臣即帶兵二千名前往閩鄉盧氏適中

之地察探賊蹤相機堵截再查總兵張文奇帶

兵二千餘名駐防湖北鄖西一帶江岸原恐賊

匪自南偷渡今賊匪兩股既從漢中涉淺竄過

江北鄖西一帶江岸現無賊匪窺伺該處江水

較漢中為深且有湖北漢黃道張道源帶領鄉

勇三千名並聞襄陽鎮臣路超吉業經到任臣

已咨會該鎮會同嚴加巡防張文奇自無庸株

守江面已飛咨該鎮迅速帶兵抄由北面就近

視賊所趨實力堵截奏入

上命軍機大臣傳諭勒保明亮德楞泰景安秦承恩

日前據明亮等奏高均德一股折竄漢中北岸伊

等帶領全隊大兵至陝追剿朕即以必係齊王氏

等大夥賊匪亦已北渡漢江明亮等畏于重罪不敢據實陳奏是以僅就高均德一股藉口趕回漢中今據景安所奏情形高均德渡過漢江後又有一股賊匪接踵過江並有騎馬女賊數百人此非齊王氏等大夥賊匪而何且賊匪已竄至五郎一帶而明亮甫趕至洋縣已落賊匪一站之後可見明亮德楞泰節次所奏抄截兜擊之語俱係飾說

欽定剿平三省邪匪方略 正編卷六一

全不足信明亮等所統俱係精兵勁旅乃不以之殺賊而調度乖方始既疎防又事尾追是將有用之兵置之無用之地其罪實無可道此時姚之富齊王氏等自已與高均德合夥該處雖有山路亦有坦途更不得復以險峻藉口吉林黑龍江官兵馳驟殺賊弓馬便捷更可展其長技是此時賊首折回竄聚未必非一轉機明亮德楞泰若自知愛惜首領當趁此時速行奮力截剿擊獲首逆猶可稍贖重罪倘再仍前延玩伊二人俱有身家性命豈竟不自知耶稟之慎之至秦承恩前奏賊匪向東北奔竄即同王文雄繞出賊前迎頭截擊今聞景安所奏賊匪已在洋縣之八里崗一帶屯紮有八五郎之信秦承恩王文雄俱在秦嶺相機堵截是前此賊匪奔竄後秦承恩等並未迎擊僅在秦嶺一帶駐守而明亮德楞泰又落賊後無怪其均未續有奏報也秦嶺山勢險峻地處扼要賊匪斷不敢越過但該署撫與王文雄僅事駐守設賊匪向東直趨商雒一帶該撫等遠在秦嶺轉致無兵攔截且子午谷一處現在聞已修成坦路非從前險窄可比亦不可不留心防範倘賊匪徑由子午谷窺探省城則秦承恩腹背受敵尤屬不成事體

欽定剿平三省邪匪方略 正編卷六一

著酌量情形如秦嶺地處險要祇須酌派兵丁在

彼防守可以無虞則秦承恩王文雄二人應酌留

一人在秦嶺駐劄探賊蹤以便相機在孝義五

郎一帶迎頭截殺與明亮等兩面夾擊其子午谷

一處酌分一人帶兵前往駐守並知會花尙阿陸

有仁等一體留心防範兼可杜賊匪分竄之路至

勒保前在川省所帶兵丁未免行走濡滯而一入

欽定四庫全書

五

陝境又不可無兵應用因思烏爾圖那遜與協領

喜卜產所帶兵八百名在漢中郡城駐守此時賊

匪已入陝境此項兵丁與其置之閒處莫若勒保

經過時卽全行帶領以供調遣勒保接奉此旨務

卽星夜兼程前進速勉成功至景安分派兵勇防

堵情形所辦尙是鄖西一帶原係襄陽鎮所屬路

超吉已抵新任前赴巡防張文奇儘可無須在彼

自應速回豫省幫同堵截不可稍有遲緩

十六日辛勒保奏言臣前因王三槐一股賊匪

經涪州江北兩處擊退由墊江大竹一帶奔竄

飭令總兵百祥保興朱射斗分投迎截去後臣

卽由重慶馳赴長壽安撫難民並鼓勵團勇分

佈卡隘後路可以放心適所謂黔兵頭起一千

名四川省標新兵二千名於十二月二十六七

欽定四庫全書

六

八等日先後趕到臣卽帶領由長壽一路進發

途次節據開縣一帶文武稟報王三槐徐添德

等先由梁山新寧各地方滋擾復從開縣之障

江一路竄出直逼縣城而鐵瓦寺一股賊匪擾

至雞公嶺屯紮白巖山賊匪又在後坪壩等處

焚掠均離開縣不遠駭駭有合夥之勢現在臣

雖已行抵墊江而距開縣尙有五百餘里且附

近梁山之余家場邵家場孫家槽等處亦有附
和賊匪出沒滋擾道路尚多梗阻必須隨剿隨

進臣一面飛札駐守開縣之副都統訥音川東

道李憲宜策勵兵勇實力保護城池並飭舒亮

穆克登阿等分投堵剿毋令竄合凡與開縣毗

連各地方如雲陽萬縣新寧東鄉太平等縣亦

卽通飭各地方官鼓勵團勇擇要嚴堵臣卽日

《聖諭親覽編卷十一》

七

馳赴梁山相機進剿惟所帶官兵內止有由興

義撤出之黔兵尙能得力其餘成都所調俱係

新兵不足深恃至二起黔兵一千名雖經具報

起程尙未到川三起黔兵二千名來川更需時

日茲又發檄迎催其朱里寨撤回之兵一千二

百餘名不日可到並聞宜綿惠齡均各帶兵由

新寧梁山一路前來臣已彼此先行知會一俟

會合後或併力而前或分投而進惟有殫竭心
力以冀迅掃妖氛

同日秦承恩奏言賊匪高均德一股前次攻撲

褒城意在窺伺雞頭關搶入北棧經道員王文

湧等伏兵宗家營痛加截殺賊遂由城固東竄

洋縣山內已經明亮德楞額統領大兵由西南

抄出東北兜剿與安商州一帶自可藉以無虞

《聖諭親覽編卷十一》

八

惟洋縣山道北通郿縣整屋長安東北通五郎

孝義均可直達省城西北小路可抄出雞頭關

之後斜趨留壩鳳縣而出寶雞現在王文湧等

駐守雞頭關帶領兵丁一百名鄉勇一千名爲

數無多祇能留防棧道門戶今賊匪被明亮等

大兵攔截不敢東竄勢必向西北小路乘間北

趨西安鳳翔兩屬處處可通不但慮其逼近省

城且恐徑趨潼關擾及豫境此時自應先顧北路臣現會同總兵王文雄帶領兵勇暫住大峪口要隘探聽賊由何路竄出即由何路迎頭堵截再齊王氏一股現自寧羌邊界竄至廣元出沒無定明亮德楞泰因須先辦高均德一股之賊是以趕至洋縣一帶合兵兜擊

同日柯藩奏言竊明亮德楞泰自陝赴川由南

聖朝通鑑編卷十一

九

江一帶進剿竄匪臣與愛星阿遵

旨

在漢中江岸防守自漢中至川省交界之青石關

江岸之長寨等處經愛星阿安設五卡第查寧

羌與廣元接壤該處係漢江發源處所江水淺

涸且為棧道大路臣即帶兵自長寨以西之黃

沙驛起直至寧羌之鐵鎖關安卡十二處分段防者途次接明亮德楞泰來信賊匪齊王氏高

均德張漢潮等被剿急迫竄奔廣元之野人村寬灘子一帶訊據獲犯供稱仍欲由寧羌直趨

漢江搶渡等語查寧羌沔縣黃沙驛大安驛各

隘口最為緊要臣刻即馳赴嚴行防堵適於二

十四日寧羌途次接愛星阿及漢興道文需來

信高均德一股賊匪於二十三日由小徑繞道

南鄭縣之紅廟塘周家坪等處焚掠臣隨即趕

聖朝通鑑編卷十一

十

回途次青羊驛又接愛星阿等來信知賊眾萬

餘人於二十四日由長寨之東偷渡漢江經愛

星阿帶兵剿堵殺斃二三百名該匪特來向北

逃竄等語臣於二十七日趕到府城會同愛星

阿率兵星馳趕赴城固二十八日申刻接據署

洋縣知縣王家齊稟稱賊匪已離縣城三四里

勢欲撲城請兵救援臣等即帶兵前往以刻馳

抵縣城賊即竄至距城二十里之周家坎屯聚時已昏黑暫護縣城次日黎明帶兵前往追至土門子地方截殺賊匪三十餘名生擒楊青等七名訊據供稱高均德大股賊人因官兵追趕緊急連夜由茅坪向五郎一路遠竄留我等在後放火以為疑兵之計除將該犯等正法外正欲躡蹤追剿間適接明亮德楞泰來咨即日帶領索倫馬隊各兵馳赴城固一帶追剿以兵力稍單令勿輕進即令帶兵仍回漢中江岸防堵齊王氏後股賊匪等因正月初一日明亮德楞泰先後趕至洋縣即帶兵馳回漢中防守惟是賊匪過江北竄未得趕回攔截疎防之咎實所難辭惟有仰懇

皇上一天恩將_臣交部嚴加治罪均奏入

聖祖聖孫萬壽無疆

十一

上命軍機大臣傳諭勒保宜綿明亮德楞泰承恩曰賊首王三槐徐添德等擾至開縣之臨江市直逼縣城而鐵瓦寺白巖山兩股賊匪復乘間焚掠均距開縣不遠勒保即帶兵馳赴梁山進剿並知會宜綿惠齡會兵合擊所見固是但具奏時尙未知高均德等折竄漢中之信是以如此籌辦王三槐等在開縣梁山等處滋擾有宜綿惠齡在彼堵剿又有恒瑞慶成在營山儀隴一帶剿賊即不能全行掃蕩自守尙屬有餘况勒保未到川境以前即係宜綿等剿辦猶能與賊相持此時情形急則治標自以陝賊更為急務高均德一股業已渡過漢江北岸且有女賊數百人接踵渡江自即係齊王氏賊夥是大夥賊匪折回渡江者已有十之七八急須併力截剿遏其東北奔竄之路今明亮德

聖祖聖孫萬壽無疆

十一

楞泰調度乖方已不足恃而強兵勁旅俱在明亮等一路勒保必應急赴該處總統督辦著卽兼程進發早抵五郎洋縣一帶督率痛剿其開縣等處賊匪著交宜綿等相機堵截卽不能擒拏首逆亦不可令其肆出竄擾至勒保由川赴陝若沿途剿殺前來轉恐將川匪逼入陝境合夥前竄之賊惟當倍道進行激勵吉林黑龍江將士速卽擒渠廓清陝境明亮德楞泰若能于勒保未到以前將首逆圍住全行拏獲猶可稍贖重罪卽或不能亦應堵住截回逼令南竄以便幫同勒保兩面夾擊又秦承恩奏帶兵堵剿竄匪情形所奏太遲前因該撫與王文雄駐劄秦嶺防守卽慮及東北一帶空虛曾降旨令酌量情形一面迎剿一面往子午谷一帶防守今秦承恩等亦以北路關係緊要帶領

聖朝實錄卷十一

十三

兵勇在大峪口要隘堵禦如能探明賊蹤迎剿痛緘固屬甚善否則將賊匪截回仍逼向西南漢江南岸一帶毋令留陝滋擾卽係秦承恩等之功又愛星阿柯藩均係留防漢江之人不能實力堵截以致賊匪偷渡均有應得之咎但伊二人係分投駐守此次賊匪偷渡處所在長寨以東係愛星阿分駐汛地其罪自較柯藩爲重愛星阿前已拔去花翎著將護軍統領副都統全行革去仍留防守漢江効力贖罪柯藩著拔去花翎加恩仍著暫留提督之任俾其立功自贖伊二人此時皆不必前赴明亮等軍營幫同剿賊仍著在漢江北岸一帶原守處所分防倘再有疎失致川境後股之賊或續行偷渡與前股合夥則伊二人之罪卽當在軍前正法凜之至騎馬女賊偷渡漢江又係在何人

聖朝實錄卷十一

十四

所管界內並著勒保於抵陝後據實詳查嚴行奏

十八日癸未額勒登保福寧奏言楚北賊匪屢經

剿戮所存不過一百餘人因山高雪大該匪等

亡命盤折奔逃希延殘喘臣等督兵晝夜追剿

業將敗殘餘匪圍逼在歸州地界之終報寨周

圍不過十餘里四面已拏定營卡卽日可以掃

剿

五

蕩本月初十日接准宜綿初一日來札賊匪已

搶渡漢江不特陝省全局震動卽甘省階秦一

帶亦甚逼近臣等星卽整旅入川又接穆克

登阿初四日札稱白巖山賊匪於西山坪安派

鄉勇拏卡堵截尙未敢肆出分擾近來鄉勇等

因一兩月未得關支鹽菜銀兩相率散去以致

賊匪乘間將西山坪焚搶又侍衛伊里布及總

兵徐昭德德齡艾如文追剿鐵瓦寺一股賊匪

於回隴場被賊圍困派兵前往援出賊匪日逼

口近現屯於丁家山與白巖山之賊表裏相倚

賊匪徐添德王三槐等由梁山墊江滋擾而來

一股聚於開縣附近之九龍山徐添德王三槐

又由臨江寺一帶率領大夥擾至渠口而萬縣

大周里又有新起賊匪乘間焚搶初二日白巖

剿

六

山賊匪擁衆下山過江攻圍魚家壩蒲溪口風

火灘一帶營卡王三槐亦由渠口前來並有匪

船數十隻停泊岸上之賊一聲吶喊船中之賊

蜂擁登岸侍衛烏什哈達出卡迎拒力竭被賊

賊匪等竟將魚家壩一帶營卡攻圍兩晝夜風

火灘蒲溪口營卡因兵力過單被賊攻破兵丁

傷損甚多兼之白巖山賊匪欲擾窺高陽斷我

糧道如該處為賊所截賊匪可以直趨雲陽萬縣現在達州開縣新寧道路極塞此間餉銀兩月未到軍火亦不能運來值此萬分喫緊之時無兵可調囑臣等帶兵迅往等因查偷渡漢江之賊該一路勁旅尚多無難跟剿至白巖山一路之賊肆出焚搶既急須策應且達州等處道路有阻糧餉軍火皆須另籌接濟賊匪擾至雲

聖祖聖訓卷十一

七

聖祖聖訓卷十一

六

陽萬縣即與夔州府相近臣等前令總兵富森布帶領四川官兵二千餘名由夔州一帶前進此時計已到夔正可迎擊賊匪然兵力尙單其糧餉軍火等項該鎮調度亦恐未能迅捷臣福寧擬即帶四川兵一千名星夜前往並札飭夔州府知府張至幹籌畫餉銀採買糧石飛送白巖山一路供支軍火一項楚省備儲元裕并商

致汪新即由楚省迅速撥解臣額勒登保將終報寨餘賊設法趕剿一經竣事亦即酌量帶兵馳赴夔州等處相機剿辦

同日明亮德楞泰奏言高均德股匪竄及城固洋縣一帶臣等在寧羌聞信當即星夜帶兵趕至洋縣囑柯藩帶領原兵並愛星阿所帶之兵仍回漢中一帶防堵江岸臣等即率兵探蹤加

緊前進初三日亥刻馳抵洋縣龍泉鋪時值大雪知賊人尙在金水鋪暫扎即乘雪夜猝進攻擊臣德楞泰同賽冲阿等帶領馬隊勁兵先行臣明亮同圖桑阿等帶領步隊繼進初五日五鼓行至金水鋪左右山梁賊人因雪阻未前臣等驟從兩面山梁壓下鎗擊箭射賊人勢不能支即成隊攀越北面山梁官兵併力趕上剿

擊殲賊三四百名餘賊翻山而走官兵追至大河壩賊人分向山林莊屋內藏匿意欲誘官兵四下搜捕該匪得以分投肆竄_臣等當合賽冲阿阿穆勒塔帶領官兵繞出賊前設伏遊擊蒲尙佐都司達自祥應元寬守備李東山等各帶官兵及墨爾根勁兵向村中莊屋搜擊擒賊百餘名逾時賊眾果從林內衝出伏兵齊起擊射並用大礮轟打殺賊四五百名賊人衝河北遁官兵亦踰水追殺初六日辰刻追至三河口正飭官兵炊食賊人竟敢反身迎敵分數路蜂擁而來兇悍已極_臣等察明路徑亦即分路追殺賊人抵死撲鬪憑高飛擲鎗石_臣明亮同圖桑阿副將劉廷基抄上右路梅子坡山梁絕其來路賊人連撲兩次被官兵迎頭截殺鎗箭具舉

剿平三省邪匪方略

正編卷六一

斃賊二百數十名賊始敗退_臣德楞泰同達音泰副將札爾杭阿槍上左路二郎塌山梁進擊將左一路賊匪截爲兩段痛加攪殺其中路四方山及溝內衝出兩股匪眾又經阿哈保温春副將德寧遊擊蒲尙佐等擊敗賊人披靡潰亂踉蹌逃遁行李馬匹棄滿山溝_臣德楞泰同賽冲阿達音泰等隨剿隨進三十餘里自辰至酉各路官兵共計殺賊六七百名生擒劉元義余一貴等二百餘名其被擄民人有拋棄器械投出者有分投逃避藏匿山林覓路回歸者共計一千四百三十二名口現飭隨營道員陳蘭森温承惠等審訊核辦是日該匪敗遁後向交溪河金子山一路四竄東達五郎關北通秦嶺均與西安興安切近若徒事追剿反恐驟令前奔

剿平三省邪匪方略

正編卷六一

臣 德榜泰由袁家莊一路兜剿防其北竄沿途

搜擒散出之賊六七十名臣明亮由青草關一

路迎擊防其東遁沿途搜獲九十三名口均經

飭委道員逐加安撫連日打仗遊擊蒲尙佐布

特哈委署叅領杜爾圖把總賀廷印委驍騎校

趕品班達爾什均有受傷其餘受傷陣亡兵丁

咨部辦理再頭起調到之撒拉爾回兵一千八

聖 著 纂 輯 卷 六 十 一

三

百名自上年六月間隨臣等軍營剿賊頗為奮

勉出力緣在川省水土不服病亡至四百餘名

嗣即帶赴湖北陝西仍復勇往打仗自賊匪折

入川境該回兵以時屆春耕就陝省回歸較近

呈請暫行回籍臣等查此項回兵籍隸邊徼本

與各營官兵有別素以種地為業今隨征一載

家口無資未免心懷顧慮現在勁兵齊集足敷

剿匪自應仰體

聖慈矜卹外番至意即令回籍以順夷情現飭副將

李文蔚帶領沿途約束仍傳集頭人賞給銀綉

按名獎勞該回兵均各歡欣感誦

天恩業已遣令回籍訖均奏入

上命軍機大臣傳諭勒保宜綿明亮額勒登保德榜

泰惠齡福寧秦承恩汪新日川省賊首田梁山墊

聖 著 纂 輯 卷 六 十 一

三

江渠口肆出鴟張而鐵瓦寺白巖山兩股賊匪又

復合併一處以致達州開縣等處道路梗阻軍火

糧餉未能接濟此種情形何以宜綿穆克登阿並

未據實具奏僅咨會額勒登保等帶兵援剿現在

福寧已撥兵一千名星往夔州該督亦即起程趕

赴尙屬得力而富森布前帶川兵二千餘名此時

諒已趕到正可隨同宜綿等相機截剿不使賊匪

擾及夔州爲要前因高均德股匪偷渡漢江由洋
縣城固向北奔竄節次諭令勒保輕騎馳赴漢中
督剿茲據明亮等奏在金水舖等處迎剿得有勝
仗現復分投截擊過其北竄東遁之路明亮德楞
泰務須倍加奮勉乘其敗竄趕緊截擊就目下情
形而論川境夔州達州開縣一帶賊匪更關緊要
昨據勒保奏已由墊江馳赴梁山正可直趨新寧
開縣與宜綿等會合勒保竟不必再赴漢中責成
專辦川境賊匪務須督同舒亮穆克登阿及鎮將
等鼓勵兵勇肅清川東再辦川北以次殲除所有
在渠口殺賊陣亡之侍衛烏什哈達殊爲可惜著
咨部加等優卹至楚北賊匪不過一百餘人已逼
在終報寨該處周圍祇十餘里四面擊卡以百倍
之兵圍剿百餘賊匪有何難辦額勒登保務須迅

聖祖聖訓卷十一

三

速掃蕩餘孽卽移兵赴川幫同勒保等剿辦勿再
延緩此時川省軍務正在喫緊多一將卽多一將
之益多一兵卽多一兵之力額勒登保尤不可不
加倍奮勉也至所稱穆克登阿一路因兩月未得
口糧鄉勇多有散去此時達州等處道路間有梗
塞軍火糧運或有阻碍楚省儲備充裕汪新接到
知會後自已就近撥運汪新當無分畛域源源接
濟不可稍有缺乏至秦承恩王文雄在秦嶺堵賊
北竄德楞泰現由袁家莊兜剿該撫等務當相機
堵截或分赴五郎孝義一帶迎頭截殺子午谷一
處亦須留心防範其東面紫陽石泉一帶係賊匪
奔竄熟路或因北面嚴緊仍思向東竄入商雒漸
近豫境並著責成明亮德楞泰留心堵截遊擊清
尙佐等打仗受傷曾否平復至撒拉爾回兵不服

聖祖聖訓卷十一

四

水土自應即行遣令回籍

十九日甲申

上諭內閣曰川省軍務正當緊要之時亟須大員督率調度勒保現係總統著即調補四川總督俾呼應較靈得以迅速成功宜綿本係陝甘總督且陝西亦有應辦軍務著宜綿酌量情形或回駐西安或赴甘肅以資彈壓其川省糧運事宜亦不可無

聖祖聖訓卷六十一

五

大員督辦並著專交福寧英善悉心經理倘有遲延貽誤惟伊二人是問

二十二日丁亥宜綿奏言王三槐徐添德等一股

賊匪前次窺伺達州經臣等擊剿後分竄新寧

梁山地方阻碍運道惠齡即同提臣富成等督率馬步官兵隨處疏通直抵梁山旋接勒保知會已帶領頭起黔兵由長壽墊江向梁山一路

進發臣自應趕赴前途面向商確惟達州為糧

餉總匯之區兵丁單薄現在羅其清冉文儔等

股匪分屯營山儀隴渠縣境內巴州所屬又有

匪徒竊發俱與達州接壤亦恐乘虛竄入臣即

飛札副都統七十五總兵索費英阿從靜邊寺

移赴蛟蟲溪就近堵截並飭參將銜楊秀帶兵

一千名駐劄周家河等處防堵巴州境內賊匪

聖祖聖訓卷六十一

五

竄赴東鄉太平要路又令副都統勒禮善知州

劉佳琦等督率兵勇保護達州城池臣布置妥

協即於初五日起程途次接舒亮穆克登阿知

會本月初二三等日白巖山賊匪分股出巢攻

撲余家壩營卡圍繞兩晝夜經頭等侍衛烏什

哈達泰將七十七等督兵力擊殲賊甚多烏什

哈達乘賊匪敗退又復帶領兵勇追剿賊匪情

急折回抗拒烏什哈達力戰捐軀殊為可惜臣

查白巖山賊匪屢次撲卡其勢似欲直奔開縣

且鐵瓦寺一股竄匪復在白橋一帶屯紮其王

三槐徐添德等大夥黨與則又盤踞臨江市竹

溪舖九龍山一帶並勾結萬縣所屬之余家場

趙家場廻龍場等處黨與響應起事均與開縣

城池相距不遠情形甚為急迫臣飛飭現駐開

縣之副都統訥音道員李憲宜等鼓勵兵勇實

力保護城池並咨舒亮穆克登阿設法堵剿臣

即兼程趕赴梁山一帶與勒保會合公同商確

督率剿除

同日汪新奏言臣由歸州一路行至巴東地面

探知賊匪竄入歸州境內臣隨星夜趕回十七

日馳抵九灣地方適遇賊匪狂奔而來當即督

率所帶兵勇百餘名迎頭截住鎗箭並發擊斃

賊匪數名並生擒戈履坦柳建功二名餘匪退

入附近之終報案臣提訊該犯等據供賊匪尙

有一百七八十名暫依山內苟延性命餘無要

供當即正法察看終報案四面懸崖勢甚陡險

前後均有一線窄路一通東湖建始東鄉一通

歸州甘溝等處臣即駐劄甘溝派撥兵勇在各

要隘分路堵截旋經額勒登保福寧帶領大兵

分途趕至將賊巢圍裹緣連夜雨雪不止未能

上攻一俟天氣開霽即可鼓勵兵勇搶上山梁

痛加剿洗數日之內定可蕺功完善福寧因接

川省來信知該省賊勢猖獗擬先酌帶官兵前

往協剿並聞川中道路稍有梗塞誠恐軍火糧

餉或有不繼此時楚省軍火尙多目前可以接

濟而糧米餉銀存貯無幾現在竭力設法委員
解往夔州以利軍行再楚省卽宜邊境悉與川
陝毗連前派防邊兵勇原有湖南官兵一千五
百名苗疆重地亦關緊要擬俟此間事竣將楚
北施宜官兵全行酌留更換南省官兵回營並
留宜昌鎮臣張廷彥駐守巴歸邊界至襄陽鎮
臣路超吉現已莅任臣亦飛咨赴鄖陽邊境駐

剿益昭周密均奏入

上命軍機大臣傳諭勒保明亮額勒登保德楞泰宜
綿汪新曰楚北賊匪現已逼在終報寨首逆覃加
耀竄感餘生黨夥亦不過百餘該處周圍十餘里
四面拏卡圍逼以四五千名之兵兼以鄉勇何難
立就蕩平乃至今尚未辦竣皆由額勒登保福寧
攻圍不力輾轉遷延卽將伊二人革職拏問亦屬

罪所應得姑念帶兵之員且予以自新之路額勒
登保著降爲三等伯爵並降戴單眼花翎福寧著
革去官銜花翎以示懲儆仍各留本職令其圖功
自贖額勒登保務須自知愧懼奮力進擊福寧帶
兵赴川已飭令與英善專司軍火糧餉尤當認真
督飭臺站各員妥爲轉運慎勿仍前遷延貽誤至
昨據額勒登保等奏白巖山一帶防守鄉勇因未

得關支鹽菜銀兩相率散去軍營糧餉最關緊要

若不按時發給不但鄉勇相率而散卽兵丁亦豈
能枵腹從事縱使兵丁不敢輒散而飢餒之兵又
豈能資以殺賊宜綿在彼何以並未將該處糧餉
因何遲悞緣由查明具奏亦不可謂無過今汪新
已就近撥運務須無分畛域妥爲籌辦宜綿所奏
布置情形俱爲妥協俟與勒保晤商交代後應卽

行起程或回甘肅或駐西安酌量緊要處所駐劄
以資彈壓策應

剿平三省邪匪方略 正編卷六十二

欽定剿平三省邪匪方略 正編卷六十二 戊午年

正月二十四日已丑額勒登保汪新奏言查終報

寨一山皆係懸巖峭壁進路有偏橋一處已為

賊人拆去因用木梯及繩索援擊而上官弁兵

勇疊被賊匪石擊間有傷亡仍俱奮力直前無

如積雪未消石巖過滑十五日以後始漸晴霽

將士倍加努力十六日二鼓發兵派令綸布春

剿平三省邪匪方略 正編卷六十二

等為北一路成德等為南一路文圖等為東一

路三路仰攻十七日黎明游棟雲噶拉董寧川

張廷楷等首先帶領弁兵搶上山頂其餘亦先

後趕上賊匪慌亂無措見有簇擁多人自係首

逆章加耀在內又有一人尙在驅迫賊匪與官

兵抗拒必係大頭目旋據都司張廷楷把總孟

光爵武舉李晉光外委王登科鄉勇頭目高元

李陞等將首逆覃加耀頭目張正潮等獲餘賊
 往來奔突我兵等久經恨入骨髓概行斬戮生
 擒覃加師覃加孔張洪海譚連志等一百零六
 名訊無要供亦俱正法其有滾崖墮溝者并卽
 戮屍並無一名漏網臣等當將覃加耀張正潮
 帶赴營中嚴鞠據覃加耀供稱前年起事時同
 夥有七千五百餘人後與林之華合夥共有一
 萬五六千人因私立偽號並封偽官以都督為
 大此外有總先鋒先鋒提巡提點各名目到處
 搶掠因我起事在先為老營林之華為中營還
 有前後右三營有左軍師張馴龍右軍師張正
 潮我等先被官兵追殺到黃柏山尚有一萬二
 三千人後又屢被官兵斬戮所存漸少前逃至
 銅鼓包平隴壩一帶又添有跟同入夥之二三

千人追林之華死後盜馴龍被戮眾心畏懼並
 未再有添人張正潮供亦相同臣等復詰以有
 無與四川教匪暗相勾結等事據供我等當日
 習教原係張馴龍為首初原說是修行並未謀
 反前年他說可以行事因我年輕相好稱我為
 頭後與林之華合夥此外別處的人實不知悉
 等語現在揀派文武各員將該二犯安速解京
 刻下生縛渠魁地方寧輯而宜昌施南一帶均
 與川省毗連湖北本省官兵自應分駐防範其
 餘官兵臣額勒登保酌量帶往四川其被賊滋
 擾之處居民不無拮据應遵
 旨加以撫恤現在公同商辦再將軍成德提督文圖
 前因賊匪於滋邱渡河逃竄革去花翎及巴圖
 魯各號臣自抵楚北以來見成德文圖感激

聖恩凡遇追剿事且無不踴躍向前實心出力又總

兵慶溥副將楊遇春前在湖南軍營已蒙

賞戴花翎及巴圖魯名號該員等帶領官兵深得兵

心而於打仗調度更能悉合事機實為出色之

員又內閣侍讀學士銜原任兵部郎中胡時顯

前在苗疆軍營辦事經臣奏請帶赴湖北臣本

不識漢字該員將一切緊要事件悉心襄辦俱

《剿平苗匪方略卷六十二

四

能妥協凡臣打仗所歷深山窮谷衝冒雨雪之

處無不隨同前往並未稍辭勞瘁洵屬始終出

力今臣前往四川仍將該員帶往至此外出力

文武各員另繕清單恭呈

欽定奏入

上命軍機大臣傳諭勒保明亮德楞泰額勒登保福

寧曰明亮等自十八日奏到截剿賊匪情形後又

閱六日並未據續有奏報朕匪念軍務自去冬至

今日甚一日幾於寢膳皆廢明亮等具有人心寧

不知之即使未能擊獲賊首亦應將如何截剿情

形隨時具奏乃遲逾多日實出情理之外豈竟安

坐軍營慶賞年節並不身先統率而專令官兵尾

追擊賊耶官兵剿賊全在帶兵大員為之率領如

能奮勇前進調度有方卽懦兵亦成勁旅倘主帥

《剿平苗匪方略卷六十二

五

先自觀望不前則雖有精兵亦必久而生懈今明

亮等一路軍威極為壯盛而剿辦此等分竄賊夥

似此曠日持久豈以國家除伊二人外卽無可任

使之入乎明亮德楞泰著傳旨嚴行申飭看來伊

二人竟不足恃惟待勒保兼程前往尅期底績也

正在飭催間適遞到額勒登保等奏擒獲首逆章

加耀之摺額勒登保福寧剿辦此股賊匪輾轉逆

延經年累月自竄入終報塞後餘匪止百餘人仍不能奮力攻圍及早辦竣而汪新移營協同剿捕始能將首逆擊獲不但無功而且有過乃摺內尙稱生縛渠魁地方綏輯並臚列隨營文武人員奏請加恩實屬覲顏業經降旨將額勒登保福寧分別黜革俱賞給副都統銜令其圖功自贖額勒登保前賞銀一萬兩仍令該旗大臣照數追繳福

《聖朝實錄卷六十二

六

寧罰銀四萬兩卽於川省就近交納以充軍需之用此時勒保一路帶兵有人兵力亦厚無須額勒登保帶兵前往協剿而漢中竄匪現由五郎一帶向東奔竄急須截擊著額勒登保卽帶原領之兵速由湖北就近取道赴陝西商雒一帶迎頭截殺陝省竄匪聞其生擒覃加耀張正潮等自必先聲奪氣若能與明亮等會合夾擊定可一舉殲擒則

不特可免前此遲延貽誤之罪并可復邀恩眷倘再仍前玩愒則罪上加罪斷不能再邀寬貸各路帶兵大員咸當引以爲戒至福寧前已責令在川辦理糧餉事務尤當倍加感奮悉心籌辦俾供支無稍絀乏庶可自贖

《聖朝實錄卷六十三

七

上諭內閣曰楚北賊匪覃加耀等糾合夥黨在長陽一帶肆出竄擾額勒登保福寧帶兵剿辦總未能及早搜捕任其輾轉逃竄已及年餘此次自巴東折竄歸州在終報塞地方山內藏匿僅剩一百餘人額勒登保等又未能進擊以四五千名之兵及無數鄉勇剿辦百餘窮竄之賊遷延數月今經汪新帶兵到彼協力攻圍始將覃加耀等擊獲實屬有過無功額勒登保著革去伯爵並領侍衛內大臣都統賞給副都統銜令卽前赴陝西商雒一

帶立功自贖至福寧之罪更重於額勒登保伊本
由湖北巡撫游陞湖廣總督楚北教匪勾結竄擾
卽係伊所轄地方及至旗鼓寨剿賊又任賊輾轉
奔竄毫無振作竊寧本係總督虛銜著一并革去
亦賞給副都統職銜在川辦理糧餉至汪新一聞
賊匪折竄長陽之信卽移營前赴終報寨協同剿
捕此次擒獲賊首或係伊爲之商酌布置能合機
宜否則卽係額勒登保見汪新到彼自知愧勵始
能擒渠賊事是汪新尙爲出力著交部從優議敘
如此核其功過分別勸懲庶出力者倍知自奮遲
玩者不能倖免俾各路軍營共知儆戒其首先擒
獲覃加耀之都司張廷楷著賞換花翎把總孟光
爵武舉李晉光外委王登科俱著賞戴藍翎仍令
以應陞之缺陞用鄉勇頭目高元李陞俱賞給六

聖朝實錄卷六十二

八

品頂戴藍翎以示鼓勵其隨同額勒登保辦理軍
需之內閣侍讀學士銜原任郎中胡時顯俟軍務
告竣該員回京補授郎中後遇有內閣侍讀學士
缺出再行奏補監生六品職銜黃集佑生員邱裕
霖蔣士魁交與各該撫以相當之教職佐雜補用
其餘摺內所奏帶兵出力各員均著交勒保察看
該員等如果始終奮勉著有勞績再行奏請加恩
示獎

聖朝實錄卷六十二

九

二十六日^{辛卯}秦承恩奏言賊匪高均德一股前

由城固東竄洋縣山內^臣因該處北通郿縣蓋

屋鄠縣長安東北通五郎孝義西北抄出雞頭

關之後通留壩鳳縣寶雞均可直達省城暨西

安鳳翔等屬自應先顧北路當卽飛札藩司陸

有仁並飭西鳳二府及所屬廳縣趕緊斷路挖

壕雇勇防守臣即與王文雄帶領兵勇馳赴大

峪口要隘探蹤迎擊賊匪竄入五郎境內明

亮德楞泰統領大兵分道兜剿並經臣派赴五

郎防守之義首柯以德等帶領鄉勇在黃草坪

地方截殺多人賊匪不敢窺伺廳治遂由東北

竄逸擾及五郎長安交界之高關窺伺夾嶺查

夾嶺係進省要路先經札飭陸有仁派令長安

聖朝聖鑒卷十二

十

縣知縣高珣帶領兵勇前赴嶺口防堵復添派

遊擊張彪帶兵二百名鄉勇五百名馳赴該處

分布嚴防但兵力尙單臣得有賊匪竄近高關

之信即與王文雄馳往剿辦途次子午峪接據

高珣等稟報探聞賊匪將至高關即帶同義首

李煊高甲率領兵勇趕往堵截正遇賊探已到

李煊等施放鎗礮奮勇抵禦賊知有備即行折

回隨據探報賊匪大隊已由沙坪東南竄至鎮

安雲蓋寺一帶明亮德楞泰緊隨追剿惟各軍

營獲犯訊供皆稱賊匪欲由鎮安山陽東竄商

州直趨豫境此時鎮安一路有明亮等帶兵追

剿而自山陽以至商雒並無迎截之兵現飭遊

擊張彪帶領原有兵勇仍暫在夾嶺與知縣高

珣嚴密防堵派令遊擊邢承誥帶兵二百名鄉

聖朝聖鑒卷十二

十一

勇五百名在孝義地方擇險堵截另撥兵勇二

百名紮住秦嶺以爲孝義聲援並令臣幕友監

生張顯名馳赴寶雞鳳縣一帶團練精壯可靠

鄉勇二千名嚴守棧道及城固洋縣一帶北山

要隘以防後股賊匪闖入布置已定臣與王文

雄即帶領兵勇由藍田馳赴商州確探賊蹤如

果由鎮安東竄臣等即抄出賊前迎頭截殺斷

其竄入豫省之路

同日恒瑞慶成奏言竊查營山縣東黃連壩茨

蓉寺簡家壩一帶賊屯週圍竹木叢密稻畦層

疊蜀境陰雨連綿徑路沉滑屢加攻撲未即得

手曾飛札知會勒保宜綿惠齡分兵前來前後

夾擊臣等日日帶兵更番攻擊不令賊眾休息

並將奪獲賊卡地方林箐盡行砍倒使賊匪無

聖朝聖德編卷六十二

十一

可伏匿復派兵勇二三百人誘賊出巢我兵於

稍寬地方併力夾攻本月初八日賊匪四五千

人果撲下山臣等各帶弁兵分路迎剿斃賊甚

多賊眾大潰奔竄回屯我兵奮力掩殺又斃賊

二百餘人擒賊五十一名追至賊屯忽有一股

賊匪潛伏山溝接應臣等即令弁兵敵住連日

復令鄉勇設法引誘賊匪不敢復出並將各山

上下挖深溝壕掘斷徑路壘砌木石固守臣等

密派幹練將弁帶領兵勇分投覓跡道路並於

高處日夜哨探賊屯情形十三日五鼓弁兵飛

報夜間三處賊屯火光散亂尚有向東北去者

因大霧迷漫未能真確辨明臣等即帶侍衛將

備尋蹤馳往行抵新店子黃木寺等處遙見賊

眾由林木深處紛向東北奔竄臣等一面差弁

聖朝聖德編卷六十二

十三

知會總兵富爾賽觀祥帶兵速赴賊屯搜捕臣

等先即帶領馬隊直前截殺鎗箭並施殺死男

婦數百人餘賊盡向東北老林越竄臣等復入

賊屯富爾賽觀祥已帶兵在芙蓉寺等處截殺

賊匪三百餘人生擒一百八十五名當交隨營

文員審訊僉供賊首羅其清與王三槐冉文傳

等分夥前來營山原欲由此前往蓬州順慶滋

擾因被官兵截殺數日未得王冉二賊之信羅其清恐被攻破屯寨與土賊頭黃道李鄉約等商量先往東北附近險峻林深地方暫為屯聚仍候王冉二賊之信實無預定奔竄何處等語當將各犯分別正法查營山西達成都東連達州南北路逕尤多羅其清股匪攜帶親眷一時不能遠竄與陝楚奔走之賊不同若尾追緊急

聖朝聖訓卷六十二

古

轉恐擾及未經蹂躪之區似應暫使屯聚一處俟勒保宜綿惠齡處撥兵前來併力攻擊臣等現在營山東北蓬州順慶渠縣一帶總路扼要分佈營卡相機堵剿

同日烏爾圖那遜奏言臣欽奉

諭旨以明亮德楞泰將綠營官兵交臣帶領在寧羌堵禦姚之富齊王氏等大股賊匪究竟能否堵截

明亮等前奏有無回護之處一併據實查奏等因

臣帶領索倫官兵在漢中會同明亮德楞泰惠

齡三路夾擊賊匪賊衆狂奔惠齡由西鄉一路

剿捕臣隨明亮德楞泰由南江廣元山路追剿

賊復竄入寧羌邊界意在復回陝省德楞泰隨

從小路堵截臣隨明亮從大路兜擒嗣抵寧羌

會合明亮德楞泰以該處緊要當飭該州添設

聖朝聖訓卷六十二

五

鄉勇並酌留山西兵五百名協同防堵適聞高

均德一股已由南鄭地方涉淺過江明亮德楞

泰星夜拔營將索倫官兵一併帶往留臣防守

寧羌時臣脚氣復發兼冒風寒自思既不能前

行即不敢畏難避險此臣留守寧羌之實在情

形也臣隨督率地方官兵於通川各卡監晝夜

巡邏連次擊獲奸細訊據供稱齊王氏姚之富

合爲一股現在廣元縣東北一帶佔住正月初一日遣伊等探聽寧河道路欲回漢中等語是齊王氏姚之富並未隨同高均德過江惟王廷詔李全張漢潮阮學名等不知下落現在臣疾漸愈惟有勉竭駑駘悉力堵禦均奏入

上命軍機大臣傳諭勒保明亮德楞泰額勒登保景安秦承恩恒瑞慶成曰秦承恩奏現在賊匪已由

《聖朝罪案彙編卷六十二》

六

沙坪向東南竄至鎮安地方且據獲犯供稱賊匪欲從鎮安山陽東竄商州直趨豫境秦承恩與王文雄由藍田馳赴商州若賊匪果由鎮安東竄秦承恩等正可抄出賊前迎擊但自山陽以至商雒並無攔截之兵秦承恩等務當兼程行走趕赴商州迎堵若稍有遲緩恐賊匪先已竄至該處無兵截住竟思闖入豫境大有關係雖秦承恩等帶領

兵勇無多若果能出其不意迎頭截剿將高均德等擒獲即係秦承恩王文雄之大功否亦當設法堵擊使賊匪不能直向東逸逼回來路正可與明亮德楞泰一路官兵兩面夾攻至賊匪屢欲竄還豫境想該處尙有同教邪匪潛匿冀圖勾結景安當仍駐陝豫交界一帶不動聲色留心防範既可爲陝境聲援又可消患未萌再前據明亮等奏明

《剿平三省邪匪彙編卷六十二》

七

亮由青草關一路迎擊防賊東遁德楞泰由袁家莊一路兜剿杜賊北竄正可乘勢進擊今賊匪已由沙坪向東南竄至鎮安地方是明亮等竟未能將賊匪截住仍係尾追前奏全屬虛詞況山陽商雒等處並無迎截之兵伊等若不抄前攔截必致直向東趨竄入豫境豈竟念不到此明亮德楞泰著再傳旨嚴行申飭昨已降旨令額勒登保帶兵由湖

北取道速赴陝西商雒一帶此時賊匪已向東奔
該處祇有秦承恩等帶領兵勇趕赴商州堵截兵
力較單著額勒登保加緊迅赴陝境與秦承恩等
會合夾擊至烏爾圖那遜留守寧羌竟係藉病逗
留不思出力大負朕恩若不認真堵禦致後股賊
匪復又渡江北竄必當重治其罪又據奏擊獲奸
細供稱齊王氏姚之富現在廣元東北一帶佔住
其王廷詔李全張漢潮阮學名等不知下落等語
廣元爲南棧要路齊王氏等在彼佔住則防守棧
道尤爲緊要此時勒保宜綿惠齡遠在梁山一帶
恒瑞慶成又在營山等處剿賊相距皆遠齊王氏
姚之富如果尚在廣元則該處並無官兵堵截豈
任聽賊匪在彼往來滋擾耶且齊王氏等股匪既
在廣元則前次景安所奏騎馬女賊數百人續渡

《聖賢雜錄卷六十二

六

漢江又係何人景安係據王文雄札會入告著秦
承恩卽向王文雄詢問此語得自何人現在姚之
富齊王氏究在何處是否續渡漢江至王廷詔等
各逆自必與高均德一股合夥並著秦承恩一併
查明覆奏又據恒瑞慶成奏報仍不過在營山地
方攻剿賊匪節次殲賊名雖七八百人其實婦女
幼孩居半又未能將羅其清擒獲任向東北老林
越竄殊屬無能且據稱咨會勒保宜綿惠齡分撥
官兵前來攻擊尤不成話勒保宜綿等正在會擊
開萬梁山等處王三槐徐添德一股賊匪豈能分
兵前來協剿此時賊匪既在老林竄聚恒瑞慶成
斷無與賊坐守之理若能鼓勵現有兵勇設法擒
渠尙屬伊等之功否則亦當扼要堵截勿使他竄
以待勒保移兵剿辦倘防堵不嚴又任賊匪竄至

《聖賢雜錄卷六十二

九

未經蹂躪地方復有勾結滋擾或致與王三槐等合夥則惟伊二人是問

二十七日壬辰明亮德楞泰奏言臣等前因賊匪

向交溪河一帶敗竄細察賊情不能北竄秦嶺

即慮東擾五郎該匪在城固洋縣等縣逼擄多

人夥黨較眾是以分帶官兵由袁家莊青草關

兩路前進沿途搜獲匪匪共二百餘名臣德楞

泰行至獅子壩探知竄往東岳甸賊匪欲向龐

家溝前遁即飛率滿漢官兵進剿斃賊三百餘

名生擒張廷魁王興貴等一百二十一名復派

兵三路追擊其時贊冲阿率領吉林協領明保

等帶領馬兵鎮臣長春率遊擊伯明等帶領雲

南廣西兵搶上左手王家山乘勝壓剿直衝賊

隊生擒劉有才等二百三十四名殲斃滾崖者

無數達音泰率遊擊達自祥等帶領漢屯川兵

副都統阿穆勒塔率總管色爾滾等帶領索倫

馬兵由右手大隴溝抄截橫衝斃賊甚多生擒

王老五等一百九十二名臣德楞泰率同巴圖

魯侍衛等帶領墨爾根兵丁漢屯奮勇官兵由

中路周家坪馳剿前衝後擊攪殺多時進追三

十餘里殺賊千餘名是日計三路官兵共殺賊

二千有餘生擒賊匪五百四十七名內有賊目

劉明貴一名割獲首級七百六十二顆並有被

擄民人謝成富等男女二百九十餘名口從賊

隊內逃出拋棄器械跪求投誠詢係城固洋縣

一帶民人當即收撫官兵進至安子溝因時已

三更暫行紮住詎賊匪復連夜折回衝撲官兵

營卡據哨兵稟報即密飭各兵准備誘賊近前

鎗箭並發賊人擁衆往來衝突連撲三次勢甚
兇悍經賽冲阿達音泰阿穆勒塔各帶官兵陡
從卡內跳出身先士卒併力壓下殲賊千餘賊
始敗退號叫狂奔臨陣投出者又有南鄭褒城
等縣被擄民人張文學等男婦一千二百三十
餘名口交與地方官妥為撫卹官兵仍乘勝
窮追於南田溝截殺賊人二百餘名於魚洞子
截殺賊人三四百名於九貫溝紅巖溝四畝地
等處截殺賊人七八百名生擒頭目朱其貴趙
文科二名訊係賊營副元帥均無要供卽於軍
前梟示鎗斃偽先鋒楊從慶其日二名其餘臨
陣擒獲及山溝林內搜捕者連日共得千餘名
沿途投出者每日或數十名數名不等該匪本
欲由金雞河北竄江口經官兵緊躡截剿遂由

旁路翻山敗向甘家礮一帶東竄五郎進擾廳
治該處爲邪匪聚集之所雖經投誠改悔猶恐
乘機蠢動適_臣明亮一路官兵先已由五郎進
發該匪竄及甘家礮之時正值_臣明亮派阿哈
保帶領索倫馬兵遊擊張朋帶領綠營兵勇前
往擊卡阿哈保等當卽率兵迎頭截擊_臣明亮
亦同圖桑阿等繼進殲賊四百餘名生擒張奉
林等一百二十七名該匪遁入深林由小道竄
向五里六里七里各溝_臣明亮星夜追擊於喬
家溝貓兒嶺砂坪三道梁竹山溝等處連接五
仗殲賊二千餘名生擒大頭目陳有賢何啟昌
等並餘賊二百十五名官兵復進追至廟子子
該處左右兩山皆係深林密箐該匪乘月夜隱
匿兩山林內欲待官兵追過該處折回抄截當

製書館彙編卷十二

三

製書館彙編卷十二

三

經阿哈保張朋於途中擊獲探信之賊訊出賊

情臣明亮遂因其詭計派阿哈保副將劉廷基

侍衛達爾精阿等帶兵由左手山後抄出臣明

亮等直前撲剿阿哈保等暗從山後搶上山頭

出其不意陡用連環轟擊兩山賊匪登時驚亂

阿哈保等率兵穿山深林壓下痛剿殲賊七八

百名生擒黃世榮等二百七十四名頭目徐大

元胡大益二名官兵一鼓作氣追至樓房溝沿

途投出者四百六十七名餘匪亡命前奔官兵

追至西川東川適臣德楞泰在十八丈龍王廟

一帶聞信借賽冲阿達音泰長春率領馬步各

兵趕到會合併剿斃賊一千三四百名生擒男

婦七百四十七名各山搜出男婦二百八十三

名查賊匪北竄漢江後本有萬餘人又於襄城

南鄭城四洋縣沿途逼擄者不下四五千人自

經官兵趕上日夜抄擊旬日以來剿除業已過

半在逃之賊勢甚窮感恐情急假裝難民偷竄

臣等已飛札秦承恩嚴飭各營卡留心查拏

德楞泰仍率領輕騎勁旅星夜跟蹤緊剿臣明

亮接續前進不與以服務將首逆高均德等刻

日就擒至連日打仗頭等侍衛阿那保委署秦

領富新西爾遜西靈阿哈勒章扣驍騎校巴彥

保守備何君佐馬元把總彭家棟均經受傷此

外傷亡各兵俟查明另行咨部再前奉

臣日令將騎馬衝入江心殺賊之黑龍江官兵其紅

若干名查明覆奏查其時派列前隊擊賊者係

黑龍江官兵一千名該弁兵因賊匪撲近江岸

即衝入江心擊殺實為出色奮勇且邇來日夜

睿覽

追剿竄匪因馬力迅速仍用該弁兵為前列每
遇接仗無不爭先競進其中有屢衝賊隊殲賊
多名者有馳擊逸匪不遺餘力者有當賊亡命
衝撲奮力抵剿者均屬分外驍健謹開單恭呈

同日勒保惠齡奏言臣勒保自墊江兼程前進

馳抵梁山臣惠齡同提臣富成等帶領官兵由

新寧一路疏通運道先已行至該縣正在齊集

兵力布置進剿間宜綿亦從達州趕到隨將剿

辦情形各就所見互相籌酌臣勒保查此時川

省各路賊匪惟王三槐徐添德一股人數眾多

且與白巖山鐵瓦寺兩起賊匪均於開縣境內

勾合屯聚情形最為猖獗必須先將此路剿滅

方可以次廓清惟萬縣所屬又有新起賊匪分

屯邵家場余家場孫家場趙龍場石壩山等處

黨與日齊日多內有曾柳郭長俊二名為首伍

一凱梁雲松黎仕濫金照明萬長子李光玉等

俱係頭目因徐添德等擾至梁山新寧先遣曾

柳前來勾結郭長俊等遂糾眾起事其屯紮之

處均逼近梁山若大兵竟赴臨江市一帶進剿

該匪等必乘虛截我後路亦應先行剿辦以免

牽制臣勒保當派富成等帶領官兵由鷲鷲場

廣福場一路前進並派總兵保興副將富森等

帶領兵勇隨後接應以截賊匪北竄臨江市要

路又派署梁山縣知縣方積帶領本地鄉勇前

赴梁山交界之大功山堵剿趙龍場一路賊匪

派總兵百祥等帶領官兵並派守備陳騰龍帶

領鄉勇從龍灣橋黃茅嶺正路進發臣勒保惠

齡同碩雲保明興等督兵策應十一日總兵百祥等前隊兵勇由黃茅嶺進抵邵家場賊匪率眾抗拒我兵施放鎗礮連環轟擊由邵家場余家場孫家塢甲午灣龍池溝一路攻剿自卯至酉追逐五十餘里殲戮無算餘匪敗至石壩山該處地勢險峻沿山築有木寨石牆賊匪即於寨上併力拒守而曾柳等一股先已帶領數百人向迴龍場彈子壩一路逃竄臣等一面催令百祥等乘勢進攻一面飛飭苗成等迎頭截殺臣等馳至石壩山下分兵四面圍圍督令碩雲保同百祥等各帶弁兵於次日五更分爲三路進攻石壩山賊寨該匪等尙敢恃險抵禦我兵不避鎗礮奮力攻擊迨至午刻我兵攀援木寨折毀石牆分路直上短兵相接斬獲甚多餘衆

《聖朝聖紀卷六十一》

天

復由龍門峽一路紛紛潰逃維時富成等先由廣福場進抵彈子壩地方正遇曾柳等一股賊匪奪路思竄隨策勵官兵全數截住賊匪驚慌無措我兵鎗箭並發當將賊匪殲戮殆盡該提督探知石壩山賊巢業經攻克即由龍門峽迎剿前來與臣等大隊兵合所有石壩山敗竄賊匪亦已全數搜擒計百祥等一路殺死賊首郭長俊生擒賊目梁雲松等二名殺賊一千一百餘名孥獲男婦大小一千六百餘名口富成等二路鎗斃賊首曾柳殺死二百二十餘名生擒賊目伍一凱等三名賊匪二百五十一名方積一路鎗斃賊目萬長子孥獲賊匪一百二十一名訊據賊目伍一凱等供稱爲首之曾柳係遼寧縣十八灣人於上年十二月間經徐添德遣

《聖朝聖紀卷六十一》

天

來萬縣與石壩山居住之郭長俊邀約同教起
事到處放火裹脅居民原想往開縣一路與徐
添德王三槐合夥因徐添德等差人來說恐大
兵先往開縣一路令我等在此探聽官兵過去
便截後路迨十一日官兵到來郭長俊齊集眾
人退守石壩山奉令曾柳等先到臨江市徐添
德處報信多派人來救應不想十二日攻破寨子

聖朝新編卷之三

三

曾柳被鎗打死我等都被擊獲等語並將曾柳
郭長俊首級令該犯等指認屬實隨將伍一凱
等犯寸磔梟示餘匪全行正法其被擾各場市
村莊難民飭令地方官出示招徠安為撫卹惟
王三槐徐添德等一股現在盤踞臨江市九龍
山一帶白巖山賊首林亮功等率眾擾至渠口
鐵瓦寺賊首秦在明等亦逼近開縣聯為一氣

臣等現在酌探路徑即行分路趕緊攻剿務期
計出萬全迅擒首逆再查白巖山賊匪本係舒
亮穆克登阿帶領剿辦乃駐兵日久不能設法
進攻近聞林亮功等連次下山衝突營卡與王
三槐徐添德等合夥焚掠是舒亮穆克登阿既
經遲緩於前又不能認真堵截於後咎實難辭
臣現在督兵由臨江市一路進剿一俟進抵開

剿平逆裔卷之三

三

縣查看地勢是否實係兵單不能兼顧抑或有
心玩悞自當據實嚴參不敢稍涉瞻徇
勦保又奏言臣前抵梁山與宜綿會晤當將各
路軍情悉心商榷臣因後路糧運緊要並詢悉
宜綿自去年夏秋以來染患脾泄病症是以囑
其留駐梁山以資策應臣即於初九日會同惠
齡帶兵起身途次接據陝省文武稟報高均德

一股經明亮等剿散分股四竄從漢中之長寨

涉淺渡江刻下雖經明亮德楞泰即日由褒沔

一帶馳抵截擊然凡有通往西安省城及與豫

楚交界之各州縣必須督率認真堵截宜綿係

本任陝甘總督如能回至漢興一帶擇要駐劄

會同秦承恩督率籌辦不但轉輸堵禦一切呼

應更靈卽本任事宜亦可就近兼顧而惠齡亦

刑部奏請開列卷六十二

三

可與臣同在一路合力會剿不必復行赴陝至

川省後路事宜侍郎英善在川年久且此次軍

務本係原辦之人較爲熟悉英善駐劄保寧其

所帶官兵除分撥各路外止有數百名如宜綿

回至陝西則英善自可移駐達州新寧一帶經

理川省後路糧餉保寧所屬地方現有臬司先

福道員李鉉同在郡城籌辦堵禦運事宜亦

可不致有悞均奏入

上命軍機大臣傳諭勒保宜綿明亮惠齡德楞泰日

勒保甫抵川省初次攻剿卽殺賊一千四五百名

生擒賊目三名賊匪三百七十餘名孥獲男婦大

小一千六百餘名將新起賊匪全數洗蕩此入川

第一功可嘉之至勒保著賞給金盒喜字牌大小

荷包至川省帶兵各員勒保未到之先從未見得

刑部奏請開列卷六十二

三

有此勝仗今勒保到彼調度有方俱各人人思奮

認真殺賊亦屬可嘉惠齡富成著賞給玉喜字牌

大小荷包百祥保興穆維碩雲保六十七亦著賞

給玉喜字搬指大小荷包此時勒保統領勝兵迅

赴開縣臨江市一帶進剿乘此兵威勝勢將王三

槐徐添德冉文儔等速行擒獲殲盡餘黨肅清川

東後卽移兵迅赴川北廓清全境又據奏陝省軍

務緊要請令宜綿回至興漢駐劄辦理及英善駐劄達州一帶經理糧餉所奏均與朕前旨不謀而合可見君臣一心事機極順宜綿接奉前旨自己由川赴陝惟當酌量情形或往西安或往興漢總擇最要之處駐劄與秦承恩督率籌辦於轉輸堵禦自更得力其川省糧運前已有旨專交英善福寧二人辦理至白巖山股匪曠日持久迄未就擒

《聖朝聖訓卷十二》

三

舒亮穆克登阿已難辭遲緩之咎今竟任其衝突下山合夥焚掠伊二人所司何事著勒保查看該處地勢如果有心貽誤卽行據實嚴奏必當加倍治罪從前帶兵各員因未經懲創罔知顧忌此次必當申明紀律嚴辦示懲勒保不可因業經奏奏於前又思取和於後也至明亮等所奏仍不過在五郎一帶分路剿賊雖摺內稱殺賊六七千名俱

係高均德等在漢中一路逼脅裹掠之人卽生擒投出者大半皆係該處難民婦女幼孩並未能擒一首逆殊不愜意向聞賊匪詭計將邪教同夥之人悉行帶往向前奔竄將裹脅難民等留於後路牽綴官兵趕到僅將此等在後之人殲戮虛報功級而大夥匪徒轉得愈竄愈遠每次殺賊大率如此今明亮等此奏仍係復蹈前轍且據稱德

《聖朝聖訓卷十二》

三

楞泰督率勁旅跟蹤進剿明亮接續前進等語尤不成話賊匪既向東奔竄明亮德楞泰自應設法抄向賊前截擊乃德楞泰已落賊後而明亮俟德楞泰帶兵去後始行接續前進豈不更落賊後明亮德楞泰著傳旨嚴行申飭

上諭內閣曰明亮等奏前次騎馬衝入江心迎擊賊匪奮勉出力之吉林黑龍江官兵等著照所請副

協尉富僧額賞給斐禮巴圖魯名號福當阿賞給
博齊巴圖魯名號佐領明德賞給噶爾薩巴圖魯
名號仍照例各賞銀一百兩協領齊木巴圖防禦
福珠隆阿倭神保西靈阿均著賞戴花翎協領克
什保著換戴花翎委叅領伊爾賡阿委佐領綽普
通阿委防禦庫岱蘇保福興曉騎校龍泰扎瑚泰
委驍騎校舒勒哈善幹品喀薩克領催崇神保額
勒金諾木塔前鋒伯興阿金保馬甲金精保哲森
保福爾金保等均著賞戴藍翎以示鼓勵

聖朝實錄卷六十二

美

欽定剿平三省邪匪方略 正編卷六十三 戊午年

二月初三日 丁酉 秦承恩奏言 臣 與王文雄帶兵

趕赴商州抄出賊前探剿途次據孝義廳鎮安

縣稟報高均德股匪於十九二十兩日在鎮安

太白廟風崖溝雲蓋寺等處經明亮德楞額泰大

兵趕上疊次痛剿擒獲多人餘眾向洵河奔竄

查洵河一帶東南可至洵陽東北可達山陽明

聖朝實錄卷六十三

亮等緊躡兜剿 臣 等自商州趕赴山陽正可抄

繞截擊惟現據漢興道文需南鄭縣何振權等

稟報後股賊匪已由川省竄入西鄉簡池壩一

帶西鄉在漢江之南西通南鄭褒城東通紫陽

興安江之北岸係城固洋縣稍東係石泉漢陰

路徑紛歧賊蹤靡定除飛札鳳郿道王文湧嚴

守雞頭關要隘並增僱鄉勇緊守城固洋縣西

路卡隘外現在漢中一帶有利藩愛星阿田有成等帶兵五千餘名分布防守今賊已入境

即飛飭就近帶兵馳赴截剿惟此股賊匪倘係

齊王氏王廷詔等合夥尙當酌添兵力與柯藩

等會合剿辦而與王文雄所帶兵勇除留防

夾嶺孝義廳等處外現帶兵力無多兼須顧住

東北兩路此時明亮德楞額泰剿捕高均德一股

屢有殺獲正在得手之時如能於數日內全就

掃除自可同領勝兵併力向南剿辦萬一匪眾

狂奔潛竄尙須跟蹤追捕已飛札明亮等酌

量情形分兵截剿并酌留一人會辦後來之賊

以免延蔓

同日觀成劉君輔奏言官兵奪佔茶園嘴後層

層進逼賊匪見險要已失於白果坪馬桑溪土

地坵等處添築木城石卡併於山頂深林密菁

中往來叫噪等揣度賊匪糧盡力屈故作鴟

張或乘雪夜嚴寒或假扮鄉勇拚命突圍均未

可定密飭參將呂朝龍等加緊防範並挑派得

力弁兵鄉勇於山腰坎脚凡可出沒處所更番

設伏乘勢襲擊初二日夜間賊匪於雪霧昏黑

中潛下山溝直撲茶園嘴新紮營卡經伏路千

總楊富貴王平方外委劉建功馬彪帶領兵勇

三百名於山嘴樹林內埋伏瞥見賊匪下溝我

兵鎗箭齊發截其歸路痛加殲殺守卡將備呂

朝龍劉忠魁及弁兵等齊用石塊飛擊並用劈

山礮位連環轟打賊始潰散天明查點擊斃賊

匪五十二名其附近青杠坵口之羊毛澗營卡

於初四日二鼓賊併力衝撲經遊擊楊洪新督

聖朝聖訓卷之三

聖朝聖訓卷之三

2 頁

飭兵勇鎗礮齊發斃賊甚多次早搜獲受傷賊
匪龔紹祖等三名據供陳崇德見周圍營卡嚴
密總想逃走令伊等黑夜衝卡出去以便一同
奔竄當將該犯等寸磔^臣等復躡看東西斜坡
嶺與土地埡緊接該處亂石危坡本無道路若
從此迤邐攀援而上可以得手十二日乘天氣
稍霽即抽調各卡官兵於十三日戌刻^臣等督
率協領蘇勒芳阿等率領兵勇從斜坡嶺繞道
攀越而上爲一路都司沈文同守備劉順千總
傳廷剛從二層巖隨後進發接應爲一路天府
黎明把總方得富外委謝福榮柯南杞從斜坡
嶺攀藤附葛首先搶上賊卡官兵砍開木柵賊
匪恃其地勢險仄拚命格關方得富腹受石傷
謝福榮柯南杞力戰陣亡惟時叅將呂朝龍都

司沈文同等帶兵請進斃賊四十餘名將土地
埡石卡奪佔而賊匪於對面懸巖之上密紮隘
卡安排木石兵力仰攻不能施展未能即日蕩
事^臣等愧懼無地現在嚴飭各卡備弁加緊兜
圍防其情急逃竄一面添鑄大礮盡力攻取均
奏入

上命軍機大臣傳諭勒保明亮德楞額奏承恩

剿平三省邪匪方略卷六三

五

日高均德股匪前在鎮安地方經明亮等剿殺六
七千人業已殲斃及半如果上緊繞前兜剿何以
復任賊匪又向東南洶河奔竄可見伊等前奏竟
係虛言且秦承恩業經奏到而伊二人並未續奏
仍屬延緩明亮德楞額著再傳旨嚴行申飭至後
股賊匪由川省竄入西鄉簡池壩一帶尙在漢江
南岸此時漢中等處有柯藩愛星阿田有成帶兵

五千分布防守秦承恩已飛札伊等馳赴西鄉迎頭截剿著傳諭柯藩等就近速往一面守住北岸一面渡江進擊斷不可再令賊匪偷渡北岸及從南岸竄入南鄭興安等處再烏爾圖那遜係在寧羌駐劄茲後股賊匪業至西鄉自己越過寧羌烏爾圖那遜何以並不設法堵截若此股賊匪經柯藩等截住則烏爾圖那遜正當帶領現有之兵向前進剿亦可爲前後截擊之計至所稱飛札明亮等酌量分兵截剿並酌留一人會剿後股之賊所見亦是前次明亮德楞泰追剿高均德股匪將吉林黑龍江勁旅全數帶赴陝省竟置姚之富齊王氏等大夥賊匪於不顧節經降旨嚴飭並以後股賊匪若接踵而來陝省無大兵堵截則姚之富齊王氏等必思趕上高均德一股合夥今秦承恩所

剿匪方略卷之三

六

奏果不出朕所料若明亮德楞泰前此分一人酌帶勁兵在南岸堵剿則齊王氏王廷詔等豈能闖入陝境是伊二人調度乖謬之罪更無可辭伊等若能速將高均德等擒獲殲淨餘匪合兵南向迎剿後股賊匪尚可勉自湔贖倘高均德尙在奔逸所餘賊匪無多明亮德楞泰二人內卽分一人酌帶勁兵回向西鄉一帶迎剿如伊二人實有不能分身之處卽於巴圖魯侍衛及總兵內派令二三人帶兵卽赴西鄉等處幫同柯藩等夾擊亦可得力著明亮等酌量而行不可稍存觀望致有貽誤又據觀成等所奏祇係將土地壘石卡奪佔殲斃賊匪不過數十名實屬無能已極老木園賊匪不過如草加耀一股窮蹙餘生無難立就擒獲且剿淨一處則地方少一處滋擾而官兵亦可抽往他

剿匪方略卷之三

七

處協剿豈不更易集事乃觀成等日久未能蕝事而摺內尚稱賊匪恃險紮卡官兵仰攻不能得力尤屬無恥觀成劉君輔著再傳旨嚴行申飭所有打仗受傷之把總方得富會否平復陣亡之外委謝福榮柯南杞俱著咨部加等優卹再高均德股匪由鎮安竄往洵陽一帶該處毘連白河距鄖西甚近僅有路超吉一人在彼防守兵力較單著額勒登保卽速馳赴鄖西幫同悉力防堵勿任賊匪闖入楚境若能逼令仍向西竄則明亮等正可迎頭截擊額勒登保不可不勉圖自贖也

上諭內閣曰現在陝省軍需緊要著於部庫內撥銀二百萬兩迅速解往陝省備用

初五日巳亥宜綿奏言臣於正月初五日自達州起程迎會勒保先後馳抵梁山計議軍務勒保

欽定剿平三省邪匪方略

正編卷六三

同惠齡等統兵由余家場一路進發臣暫駐梁山督辦後路防堵及接濟軍火糧餉等事十二兩日勒保等分路進兵剿洗余家場邵家場甲午灣龍池溝一路賊匪並攻破石壩山賊寨擒斬首逆郭長俊會柳伍一凱等二千餘人此起賊匪俱經殲戮無遺其被擄男婦大小一千六百餘名口解交臣處審辦臣隨委隨營辦事之知府龔景瀚等隔別研訊內郭中秀等九十三人雖係被擄曾經隨同殺人放火甘心從賊法無可貸卽行處決其婦女幼孩九百七十二名口內賊目伍一凱之母伍石氏妻伍唐氏子伍國聖女伍長妹賊目黎世濬之妻黎周氏子黎滿兒女黎科妹賊目李光玉之子李明達共八名口係逆犯家屬律應賞給功臣爲奴隨

欽定剿平三省邪匪方略

正編卷六三

交梁山縣監禁彙辦其餘男丁李正升等三百九十一名婦女幼孩曹張氏等九百六十四名實係良民與賊匪所居附近不及逃避均被逼脅入寨官兵一至卽行投出並無從逆抗拒情事自應省釋以廣

皇仁臣隨令釋回原籍交地方官妥爲安插婦女幼

孩招其家屬承領無家屬者官爲留養照難民

剿平番匪方略卷六十三

十一

之例一體撫卹現在勒保等分兵兩路由豆沙

關彈子壩進攻臨江市剿辦王三槐徐添德林

亮功秦在明等數股賊匪臣暫駐梁山督飭道

府將糧餉軍火源源運送並督率文武員弁分

布隘口嚴密堵禦

同日額勒登保汪新奏言查單加耀等就擒賊

淨餘孽之後楚省官兵原可裁撤歸營但念川

中教匪尙未剿淨與湖北接壤之處甚多且近

日接准秦承恩景安來咨知高均德等兩股賊

匪由漢中一帶先後竄渡漢江現在洋縣一帶

滋擾去湖北鄖陽不遠且上年派守鄖陽江岸

之河北鎮臣張文奇及防兵二千餘名現經景

安撤赴豫省防堵目下鄖郡北岸兵守空虛擬

將現在軍營之湖北官兵全行留楚分駐鄖陽

剿平番匪方略卷六十三

十二

宜昌各邊境要隘令宜昌鎮總兵張廷彥駐劄

巴東界嶺一帶以扼夔巫之路提督文圖帶領

江西官兵駐劄鄖陽南岸之房竹一帶以防大

寧之賊襄陽鎮總兵路超吉駐劄鄖陽北岸之

鄖西一帶以截漢中之賊並令就近兼防江岸

其荊州府爲水陸通衢將軍興肇領兵未回成

德帶有荊州滿兵及安徽兵卽移駐荊州以資

捍衛如此分駐川省一時或有徵調亦甚近便
其湖南省分駐湖北各州縣官兵均撤回湖南
原營慶溥關騰等原帶之廣東廣西興漢官兵
二千餘名臣額勒登保帶領分起酌由水陸兩
路前赴四川剿賊卽於二十二日帶同綸布春
巴圖魯侍衛等自營起程二十四日先後行抵
巴東催令慶溥等所帶官兵行過一二起後臣
額勒登保卽趕赴夔州府如迎頭可以擊賊沿
途卽帶兵剿辦均奏入

聖朝實錄卷六十三

十三

上命軍機大臣傳諭勒保宜綿額勒登保汪新曰宜
綿奏暫駐梁山策應後路前經降旨諭令該督回
陝此時自己接奉惟當遵照速赴西安或在漢興
一帶總擇扼要之處駐劄與秦承恩督率籌辦於
轉輸堵禦一切自更得力至勒保一抵川境事機

極順所調黔蜀各兵自己陸續到齊務須乘此勝
勢速將開縣臨江市屯聚各首逆按名擒獲肅清
川東餘孽卽赴川北將營山等處竄聚之賊痛加
殲戮一律廓清至額勒登保前因高均德股匪竄
往洵陽逼近郧西已降旨令卽取道湖北速赴郧
西幫同路超吉堵剿今據奏業經帶兵由巴東赴
川自尚未接奉前旨現在郧西一帶雖有文圖路
超吉在彼駐劄究覺兵單難恃若額勒登保起身
後距楚不遠可以馳回郧西仍當帶兵改道赴彼
堵剿倘賊匪由洵陽竄往正可奮力直前與明亮
等兩面夾擊若此旨到時已抵夔州距郧西較遠
則竟不必轉回惟當聽候勒保調度實力幫同剿
辦開縣一帶賊匪至汪新係該省巡撫巴東現無
應辦要事亦著速赴郧西與文圖路超吉商同嚴

聖朝實錄卷六十三

十三

密防堵

初八日壬寅恒瑞慶成秦言臣等於營山地方節

次攻擊羅其清等股匪旋復竄赴高山觀攔路

堽龍岡寨等處深山老林藏匿賊數稍多出沒

焚掠臣等所帶之兵不敷分布圍攻而山徑紛

歧恐其闖入蓬州順慶一帶未經蹂躪之處滋

擾臣等前此攻剿芙蓉寺賊巢時曾令隨營知

縣曹用茶章廷楓等

趕鑄鐵礮六位當派副將

德忠遊擊岳寧阿帶兵六百名兼同該縣等攜

帶礮位先即馳赴蓬州險峻要路埋伏臣

等即帶領將備弁兵躡蹤追剿賊匪果山高梁

寺雞公嶺一帶直奔蓬州一路該副將等伏於

山堽險要隘口俟賊上至半坡施放鎗礮擊斃

一百餘人賊從原路折回適臣等督兵趕到賊

匪驚慌失措臣等與總兵觀祥率領侍衛江鼎

保邦等及馬步弁兵分隊併擊斃賊二三百人

餘匪俱各奔上大山深林據險潛伏亦放鎗抵

拒時已昏暮密雨不止臣等帶兵與賊對紮山

梁次早觀祥仍用鎗礮轟擊臣等分帶奮勇弁

兵暗由兩旁山脚密林內抄出攀援而上奮力

攻撲賊匪數次捨命下壓皆被我兵擊回隨即

奮力向上仰攻一擁齊登賊衆不能支持紛紛

向東奔逃追殺二十餘里又殺賊二百餘人生

擒黃文彩等共六十六名內有大小頭目苟得

文等三名即行分別凌遲梟示賊目羅其清等

一夥分股向儀隴巴州一帶奔竄臣等當即督

兵緊躡賊蹤又探聞冉文儔一股在巴州境內

盤踞多日通江南江二邑地方俱有賊匪滋擾

三州縣爲保寧所屬距郡城均不甚遠臣等惟

有儘此兵力酌量緩急相機兜截剿殺所有打

仗傷亡弁兵查明另行咨部

同日福寧奏言臣酌帶弁兵入川會剿於本月

十九日行至夔州由雲陽萬縣一帶徑抵梁山

面晤宜綿知川東川北各股賊匪現在俱聚東

鄉達州一帶勒保當剿辦喫緊之時未克分身

《聖朝實錄卷之三

六

宜綿自當回駐興漢督率防範其川省軍糧川

北由潼川順慶運送達州川東由重慶夔州運

送梁山均屬充裕臣既入川境自當接辦以便

宜綿速回陝省遂於二十七日帶兵自梁山起

程馳赴勒保軍前隨同剿辦至英善係軍需熟

手即可趨赴達州梁山一帶接辦後路糧餉臣

在軍前督飭糧員供支各營兩處互相照料似

於軍務更爲有裨

同日柯藩奏言臣連接署鎮田有成來信有巴

州竄來苟張二姓首逆率領羣匪於正月二十

五六兩日由西鄉之飲馬池連撲堰口經田有

成設伏擊退賊斃賊匪五百餘名兵勇間有陣

亡受傷正在催兵進追接據西鄉縣典史劉紹

珙稟報又有通江一股賊匪突至麻柳壩焚燒

《聖朝實錄卷之三

七

逼近西鄉縣七十里惟恐兩面受敵仍回堰口

布置堵截等因臣查堰口距西鄉縣城祇二十

里田有成一路兵力稍單隨派遊擊洪德帶領

山東兵五百名平利鄉勇一千名卽日趕赴合

力攔截旋接劉紹珙稟報齊王氏一股賊匪自

通江竄來於二十六日仕麻柳壩焚掠仍回鐘

子山紮營等語查鐘子山迤西可走沔縣寧羌

西北可達漢中正東直達石泉漢陰正北九十

里即係洋縣路皆通漢江賊人紮駐罐子山

勢欲偷渡刻下城固洋縣漢中等處水勢正淺

處處可涉自沔縣以西寧羌地方係在江水發

源之外與下遊水深處迥不相同近據巡哨兵

勇拏獲奸細耿茂順訊據供稱因下流水深難

以偷渡是以前來打探虛實要從漢中上下過

《聖朝聖訓卷六十三

六

江等語隨將該犯正法伏思賊人詭計多端條

分倏合往往聲東奔西牽掣官兵乘隙奔竄况

後無追兵前無攔截臣將所帶官兵自寧羌至

涇門五百餘里凡灘淺緊要之處設卡十一座

嚴密防堵臣涇門以東距此為遠實有鞭長莫

及之勢臣已飛札田有成加意防範並飛飭漢

陰石泉等屬縣沿江文武多集鄉勇協力堵截

均奏入

上命軍機大臣傳諭勒保明亮德楞額福寧恒瑞秦

承恩慶成柯藩曰賊匪欲自山內竄往蓬州恒瑞

等派兵於要路截殺賊始折回並攻克賊匪屯聚

山梁殺賊數百名此次雖未能將逆首羅其清擒

獲但恒瑞等一路究屬賊多兵少尚能覓路邀截

打仗殺賊較之明亮德楞額秦擁有強兵遷延時日

《聖朝聖訓卷六十三

十九

猶為彼善於此又據柯藩奏西鄉地方有巴州通

江賊匪分股奔竄訊據獲犯供稱賊匪總欲從漢

江上下游偷渡滋擾柯藩現已於淺灘緊要之處

設卡防堵惟當同田有成等往來巡查加意防範

為要至福寧以川省軍糧等項尚為充裕英善又

係熟手可以辦理無悞伊即帶兵馳赴勒保軍前

隨同剿辦但後路糧餉關係緊要勒保一路現在

帶兵有人自可無須福寧在彼仍應遵照前旨會同英善專辦糧餉

初十日甲辰勒保惠齡奏言查王三槐等與白巖

山鐵瓦寺兩股賊匪彼此勾結傾巢同竄盤踞

臨江市九龍山一帶人數極多臣派提督富成

等繞道馳赴寶山關與總兵朱射斗合兵由南

埡場一路迎頭兜剿臣等於十三日統兵由彈

《聖朝實錄卷六十三

二十三

子壩赴臨江市正路進發以爲兩面夾擊之計

詎該匪等於十四日官兵未到之先連夜由小

寨子三匯口梅子壩等處分路奔逸查各該處

均與新寧東鄉連界必須另行設法隨飛飭富

成等卽由寶山關踰路馳赴新寧總兵百祥副

將雷仁等帶兵接應派令副都統碩雲保總兵

保興等由三匯口跟蹤追擊副將達桑阿等帶

兵接應並查東鄉開縣交界又有旁路可達太

平令提督穆克登阿總兵艾如文卽由開縣至

東鄉一帶遙爲堵禦並令舒亮帶兵接應臣勒

保惠齡卽同明興等帶兵由新寧進發十七日

寅刻富成等進抵新寧正值王三槐徐添德等

欲由離城五里之普安場直撲縣城該提督等

帶兵攻擊賊匪竟敢恃衆抗拒我兵施放鎗礮

《聖朝實錄卷六十三

二十三

自卯至未殲戮甚多適大隊官兵趕到臣等分

帶將備督同富成等分爲三路馳擊三十餘里

直至永興場沿途殺斃賊一千二百餘名生擒

李富等二百三十六名餘匪望東奔竄適接據

碩雲保保興等一吹稟報十八日進抵三匯口

大鼻梁地方正遇賊匪數千在彼擄糧造飯官

兵追及并力剿殺斃賊三四百人生擒二十四

名並據探率穆克登阿等一路官兵在燈草壩
 遇賊接仗亦有斬獲_臣等因思保興穆克登阿
 兩路俱各遇賊接仗驟難繞至賊前而富成等
 一路所剿賊匪人數本多若追躡過急則東鄉
 一面空虛賊俱由此分竄徒事尾追殊不得力
 因卽派副將富森帶兵一千五百名在新寧永
 興場留防後路_臣等督同富成等連夜由七里
 峽江口梁翻山行二百餘里始得抄赴賊前二
 十二日前敵至東鄉縣屬之桃花坪正遇前隊
 賊匪三四千人蜂擁而來富成等督兵截住痛
 加剿殺有馬兵許萬清首先將騎馬賊目張方
 化擒住餘匪紛紛潰逃大半俱向豐城場寨上
 待險佔踞_臣等卽分帶官兵兼程趕到查看該
 處山寨三面懸崖一線狹路卽飛催富成等連

《聖朝聖訓卷十三》 三

夜圍攻並添派重兵緊把要口四面攻擊賊匪
 放鎗拋石抵死抗拒富成等帶領奮勇弁兵紮
 梯直上賊見官兵四路上寨慌忙奔竄悉被我
 兵刀砍矛戳殺死二千一百餘名內有王三槐
 手下先鋒余爾欽首級一顆驗認屬實生擒二
 百八十餘名內有賊目張方化吳士奇戴賢德
 范興太四名訊知此股賊匪卽係余爾欽所帶
 爲王三槐前隊各首逆帶同後隊賊匪均在五
 寶場一帶屯踞因見各路均有官兵先令余爾
 欽率衆探聽商量要在東鄉後河一帶與羅其
 清冉文儔等合夥除將各犯分別凌遲正法外
 此次打仗守備毋之恭外委劉應魁均經受傷
 其餘陣亡受傷兵勇另行查明各部惟是首逆
 未獲夥黨尙多現在均向五寶場土黃壩等處

《聖朝聖訓卷十三》 三

逃竄亟須分路兜擒臣 勒保惟有督飭各路提鎮將領確探賊蹤上緊剿辦

勒保又奏言臣 行抵臨江市查白巖山賊匪已

經傾巢而出連日打仗拏獲活賊訊據供稱王

三槐等先於正月初二日遣人赴白巖山勾結

自初四日始林亮功等帶同全夥男婦一萬餘

人陸續由排牙口一路竄出與王三槐等合夥

聖朝重典 卷六十三

臣

初七八九等日攻撲開縣城池初十日該匪等

卽同夥竄赴臨江市屯聚查舒亮穆克登阿紮

營韓彭坳林亮功一股賊匪本係專交伊等剿

辦且所帶官兵不下六千餘名力量不爲單薄

而株守該處時越半年及至林亮功與王三槐

等彼此合夥在開縣滋擾舒亮穆克登阿一籌

莫展既不立時追擊迨初十日賊匪全赴臨江

市又不趕緊跟蹤進剿遲悞之罪實無可辭相應請

旨將舒亮穆克登阿革職交部治罪以爲貽悞軍務

者戒

勒保又奏言查白巖山鐵瓦寺匪衆與王三槐

均勻合竄逃此起賊匪內王三槐冷添祿稱爲

白號徐添德稱爲青號樊人傑稱爲黃號近來

聖朝重典 卷六十三

臣

各處裹脅又分爲月藍等號人數多寡不等樊

人傑原係襄陽教首樊掌櫃之子亦爲此起渠

魁自勾結林亮功等分股從新寧竄至東鄉境

內臣 况設法圍剿其羅其清冉文傳一股自去

年十一月內與王三槐等分夥之後屯紮營山

滋擾達州後路雖經恒瑞慶成接仗數次賊鋒

未挫該首逆等現與陝西賊目阮正濠張異材

等彼此合夥又有儀隴賊目鮮大川南江賊目馮元捷一同嘯聚於本月初九日焚掠巴州所屬之江口地方並分股滋擾達州之蒲家場石橋河東鄉之雙河場胡家場等處其餘蹂躪村莊亦復不少齊王氏等一起賊匪節據廣元等處文武稟報僉稱自高均德等奔往城固洋縣之後齊王氏及伊姪齊國謨亦尾隨入陝至王三槐等現竄之五寶場一帶為東鄉之前河羅其清等所竄之胡家場一帶為東鄉之後河俱係太平通江入陝之路臣屢次獲犯訊供僉稱該匪等欲往陝西合夥察其去向似屬有因查川省廣元南江通江太平大寧一帶在在與陝境毗連沿邊如竹峪關漁渡壩等處又係賊匪出入熟徑是以現派原任總兵楊秀帶兵八百

餘名就近由東鄉後河前赴太平防守並札令恒瑞慶成將原帶官兵由儀隴巴州馳赴通江一帶擇要堵禦以遏其入陝之勢第地廣兵單總未能處處周密隨又檄飭陝省防守之署鎮臣田有成漢興道文需等一律認真堵禦其高均德一股賊匪自應仍交明亮德楞泰等就近設法兜擒楚北一路亦係賊匪往來出入之區現聞額勒登保已將首逆覃加耀等殲擒賊事應令迅帶官兵由荆襄而下前赴鄖陽一帶相機堵截興漢一路如有賊匪折回則應交宜綿秦承恩督同柯藩等嚴密籌備臣仰仗天威如能將王三槐等各股賊匪次第殲除即帶勝兵兼程前進視何路緊要即赴何路督辦似於大局有益總之此次賊匪奔竄多途兩年以來

聖祖聖孫編卷三
三

聖祖聖孫編卷三
三

展轉追逐往往兵未見賊而已疲賊不見兵而

益肆實緣各路兵分勢單不能併力夾擊所致

且臣經過川省被賊各州縣目擊沿途大小村

庄焚燒殆盡有因距賊較近百姓尙未歸復者

亦有已經復業又遭賊匪蹂躪者賊到之處住

則飽糧而居行則緝火而去戕其老幼脅其丁

壯以此爲常若不急事剿除則日復一日爲患

聖朝聖訓卷之三

滋甚臣荷蒙

委任一到軍營卽與各提鎮將領籌劃切開導並將

舒亮穆克登阿據實劾奏不敢稍避嫌怨是以

連日發兵進剿察看圍營將士尙知勇往向前

較前日稍有起色嗣後惟有殫竭血誠申明紀

律鼓勵兵勇以期早獲渠魁庶幾上慰

聖心厘注

同日秦承恩奏言臣與王文雄由商州馳抵山

陽探聞高均德一股經明亮德楞泰叠次痛剿

隨由大新川直奔鄖西欲竄豫境臣與王文雄

帶領兵勇星夜馳至漫川關由東北兜截明亮

德楞泰分兵抄出賊前由東面迎擊賊遂翻山

向西奔竄仍折回鎮安之西毛坪磨石溝一帶

明亮德楞泰統領大兵緊躡追剿查鎮安東通

聖朝聖訓卷之三

山陽北通孝義西通五郎此時明亮德楞泰俱

在東北賊匪諒不敢東竄惟西北兩路兵備甚

單已飛飭派防五郎孝義及秦嶺夾嶺各員弁

督率兵勇加意嚴防臣亦卽同王文雄帶兵馳

回山陽一帶探明堵截至後股賊匪前由川省

竄入西鄉簡池壩因該處鄉勇防守嚴密復折

回九元關分路竄至麻柳壩控馬嶺等處滋擾

據田有成報稱拴馬嶺之賊於正月二十五日由飲馬池谿河過渡經該鎮督率兵勇預行埋伏乘其半渡突出截擊殺斃三百餘名賊即退屯楊溪河該處路通石泉紫陽現在探蹤堵剿等因^臣查田有成防守西鄉原帶兵勇無多東路石泉一帶難以兼顧即與安郡城亦祇有防兵數百名亟須酌添兵力接濟而^臣原帶兵丁一千名除留防夾嶺等處要口外現止有兵五百名王文雄所帶之兵尚須兼顧豫境斷難零星分撥除飛飭延榆綏道溫承惠多僱鄉勇防守興安郡城並酌派員弁馳赴石泉紫陽會同地方官添募鄉勇嚴密防堵外仍再行札會柯潘等速由漢中趕赴西鄉截剿以免蔓延均奏入

上命軍機大臣傳諭勒保明亮德楞額泰惠齡景安奏承恩曰賊首王三槐等與白巖山鐵瓦寺兩股賊匪盤踞臨江市九龍山一帶經勒保等兩路夾擊賊匪聞聲先竄勒保等即跟蹤馳擊並繞道抄出賊前截住痛剿又追至豐城寨奮力攻擊共殲賊三千餘人甚為可嘉至所奏賊匪詭詐伎倆及官兵玩悞情形皆深中其弊且籌辦機宜均與前旨脗合殊可嘉尚又據叅奏舒亮穆克登阿請革職治罪所辦甚是行軍之道全在賞罰嚴明帶兵人員方知懲勸前此各路督辦大臣惟事姑息因循毫無振作以致人多觀望迄無成功總由督辦大臣先不免有退避遷延情事是以威令不行即遇此等玩悞之員亦不敢遽行叅奏今勒保到川後力加整頓親身督率方能無所瞻顧據實劾叅帶

聖祖聖訓編卷六十三

三

聖祖聖訓編卷六十三

三

兵各員自必益加畏服不負總統之任舒亮穆克登阿已另行降旨斥革此外各路帶兵人員似此懈弛貽誤者恐尚不免勒保務須留心查察據實一律嚴叅不可稍避嫌怨其四川提督一缺卽著勒保於軍營打仗出力人員內核其才具勞績或於提督中酌量調補或卽於出力之總兵奏請陞用又秦承恩奏高均德股匪經官兵分路兜截折竄鎮安此股賊匪前竄入陝境時爲數本屬無多卽或有脅從之人節經明亮等剿殺據奏殺賊已有六七千名所餘諒屬無幾乃明亮等自前次奏到後距今已逾旬餘未據續有奏報或現在緊躡賊蹤無暇具摺此時賊匪已折竄鎮安秦承恩與王文雄馳赴山陽一帶探蹤迎擊明亮等務須趕緊跟剿會同夾擊倘與賊以暇再稽時日或致賊

匪復有南竄與齊王氏等合夥之事則舒亮穆克登阿卽前車之鑒況此時高均德股匪在漢江之北而齊王氏等屯聚西鄉一帶在漢江之南相距尙遠賊勢未能遽合明亮等尤須奮力追剿擒獲高均德再赴西鄉協剿後股竄匪以期立功自贖至漢江南北一帶係川陝交界之處現經勒保分派楊秀並札知恒瑞等分投堵禦是川境布置較爲嚴密而西鄉竄匪雖有柯藩赴彼堵剿尙覺兵力稍單前令宜綿速回陝西於興漢一帶擇要駐劄計此時宜綿自己趕赴陝境酌派兵將嚴防江岸如齊王氏等一股尙在西鄉滋擾卽可與柯藩合力截剿毋令渡江與高均德合夥

上諭內閣曰舒亮穆克登阿帶兵六千餘名剿辦白巖山賊匪既未能速行掃蕩又未能嚴密圍堵致

令逸出與他路賊匪合夥其罪實無可追著將舒亮穆克登阿官職全行黜革作為兵丁留於軍營効力贖罪並將伊二人家產查抄示儆仍著勒保留心察看若伊二人再不知奮勉報効即於軍前正法示眾如此嚴行懲創俾各路帶兵大員咸知儆惕庶足以肅軍紀而飭戎行

聖朝聖訓卷六十三

十四

欽定剿平三省邪匪方略正編卷六十四 戊午年

二月十二日丙午秦承恩奏言據漢興道文需稟

報後股賊匪於正月二十七日夜由西鄉竄至

石泉之黑石頭地方躡渡江經派防該處之

備弁等督率迎擊詎賊勢眾多兵勇俱有傷亡

致被賊匪竄過北岸現在石泉一帶焚掠柯藩

已帶兵馳往截剿訊據獲犯供稱此股賊首係

聖朝聖訓卷六十四

一

齊王氏並探聞另分一股尙在西鄉峽口伏思

此股竄匪過江非北趨五郎即東竄洵陽鎮安

其峽口一股亦將接踵而至而明亮德楞泰所

追高均德一股現在鎮安西南竄逸亦與相近

萬一乘機竄合已飛札明亮德楞泰柯藩等彼

此關照相機籌辦再查五郎北面係通子午谷

要路前蒙

聖明訓示令臣與王文雄留心防範此時尤應妥為

籌備飛札原派防守夾嶺之遊擊張彪知縣高

珣等鼓勵兵勇加意嚴防臣仍與王文雄暫在

山陽一帶探明賊蹤相機截剿兼顧北路

同日興肇奏言臣自留守漢中即督同漢興道

文需率領兵勇晝夜嚴防隨時偵探賊匪情形

相機辦理茲於二月初二日據文需面稟適據

聖朝聖編卷十四

二

探報城固縣屬漢江南岸之五郎口南鄭縣屬

漢江南岸之安家渡等處均有賊匪各數千人

向西奔竄勢甚鴟張查漢中近城一帶漢江上

游處處可以躡淺過渡附近守江官兵僅一千

名不敷堵禦現在柯藩又已前赴城固洋縣一

帶佈置防江事宜臣即商令該道添派鄉勇協

同防堵仍同該道不時往來嚴查防範

同日柯藩奏言臣前接據署鎮田有成稟報賊

匪由通江竄入西鄉堰口鐘子山一帶紮營三

座肆行焚掠當即派撥官兵協剿初一日辰刻

有賊匪一股約二萬餘人由鐘子山竄入洋縣

之筆架山紮營臣隨帶領兵勇星馳前往行至

細水河先有騎賊數人並步行千餘人蜂擁搶

渡臣即將兵勇分布北岸鎗礮轟擊賊匪恃眾

聖朝聖編卷十四

三

抵死直前我兵奮勇截殺自辰至未殺斃騎馬

賊六十餘名執旗賊三名並步行賊匪二百餘

名始行敗退向西南竄奔臣即帶兵勇過江追

趕三十餘里又殺賊一百餘名生擒男婦六十

一名兵勇亦有傷亡餘匪俱向西南竄逸時已

昏黑誠恐賊人又從別路折回江岸臣仍帶兵

勇回北岸巡邏防堵訊據獲賊劉起雲等供稱

此股賊頭係張元帥河南人實不知其名字餘

無要供卽行正法是夜卽接據城固縣稟報賊

匪已竄入該縣五堵門一帶焚掠距縣城七十

里勢欲搶渡當派副將官信守備穆克登布帶

兵五百名在洋縣江岸防堵臣卽帶領兵勇沿

江星夜趕回城固行至該縣沙洲渡見漢江南

岸民人紛紛逃難後有賊匪二三千人從山梁

《聖朝聖紀卷六十四》

四

撲下一見官兵仍行退回臣督兵過江追至左

巴河賊人依山紮住回頭抵拒臣催兵前進鎗

箭齊發斃賊六百餘名餘賊向西南逃逸臣親

領馬隊追殺又斃賊二百餘名生擒四十七名

訊據賊匪張運才等僉稱我等前來城固原係

虛張聲勢引誘官兵後股大隊要從漢中上下

乘空過江等語當將該匪等正法時已將晚緣

江水淺涸復恐賊匪繞道偷渡隨將兵勇撤回

江北嚴防但查賊勢衆多分股搶渡自寧羌至

渭門江面綿長八百餘里臣一入所帶兵勇三

千餘名難以遍行堵禦惟有竭盡血心晝夜防

範均奏入

上命軍機大臣傳諭明亮德楞額泰興肇泰承恩柯藩

日秦承恩奏訊據獲犯供稱後股賊匪卽係齊王

《聖朝聖紀卷六十四》

五

氏並另有一股在西鄉峽口柯藩已經帶兵前往

剿捕此股賊匪旣由石泉竄過江北距五郎洵陽

鎮安較近明亮等所追高均德一股昨已折回鎮

安西南是兩股賊匪勢將合并一處明亮德楞泰

正可趁賊匪未經竄聚之先速將高均德一股先

行辦竣再與柯藩兩路會合剿辦齊王氏一股卽

或齊王氏竟與高均德等竄歸一處尤當乘此機

會合力兜圍尙可將功折罪若再如前延緩惟事
落後致令齊王氏高均德合駁在陝滋擾或竟闖
入楚豫交界明亮德楞泰自問當得何罪至柯藩
本在漢江一帶防堵現在賊匪又已北竄雖據稱
自寧羌至渭門江岸綿長八百餘里所帶兵勇僅
有三千名不敷分堵但究係該提督防範不嚴以
至賊匪復又竄逸疎縱之咎實無可辭與肇本在

《聖朝聖訓卷十四

六

漢中一帶防堵江岸現在後股賊匪齊王氏等於
正月二十七日由西鄉渡江竄至石泉地方本日
奏到之摺係初三日拜發尙稱籌辦堵截而柯藩
亦稱擊退搶渡漢江賊匪伊等豈尙未知賊匪已
從石泉渡江爲此夢囂之語殊屬無恥與肇柯藩
俱著傳旨嚴行申飭再防守江岸本係與肇烏爾
圖那遜愛星阿等分防此次後股賊匪由石泉偷

渡究係何人防守地方本日與肇柯藩尙有一奏
塞責而烏爾圖那遜愛星阿二人均在寧羌漢中
一帶豈賊匪偷渡時伊等竟毫無聞見並不帶兵
堵截且並無一字奏及著與肇柯藩烏爾圖那遜
愛星阿各行明白回奏

上又命軍機大臣傳諭勒保宜綿泰承恩日勒保身

任總統一切軍務均歸管轄明亮德楞泰自帶兵

《聖朝聖訓卷十四

七

以來惟事尾追毫無振作是否心存畏葸觀望不
前又前次高均德一股賊匪渡江時係在愛星阿
分駐汛地是以將其黜革仍留防守漢江此次齊
王氏股匪於石泉地方偷渡在漢中之東自係柯
藩分防地方但愛星阿既經獲罪自應加倍奮勉
不分畛域探聽賊蹤在何處偷渡卽帶兵馳赴該
處幫同堵禦豈以賊匪偷渡地方非伊所管竟置

之不問耶至烏爾圖那遜留駐寧羌一帶堵賊前
此賊匪偷渡失於防範業經降旨嚴飭而此次賊
匪偷渡烏爾圖那遜何竟安坐寧羌不思帶兵併
力堵截又與肇駐劄漢中何以亦不探聽賊蹤於
偷渡時帶兵截剿均著勒保查明奏惟勒保在
川省東鄉剿賊相距較遠宜綿此時自已回抵興
漢秦承恩雖在山陽而賊匪在石泉偷渡情形地

《聖朝實錄卷十四》 八

方官必有稟報並著宜綿秦承恩查明此次賊匪
偷渡處所係何人分管及與肇烏爾圖那遜柯藩
田有成愛星阿等如何疎縱之處據實先行覆奏
勿稍瞻徇

十三日丁未明亮德楞泰奏言賊匪前經官兵分

投兜剿捨命奔逃臣等帶領官兵於十九二十

兩日在太白廟風巖溝雲蓋寺等處或繞出其

前攔頭痛剿或設伏路口突擊橫衝斃賊一千
餘名生擒男婦五百六十一名口各兵丁亦各
勇往用命陟險攀山不遺餘力該匪肆竄狂奔
臣等又分路前進臣明亮追至三官廟探知左
右四山竄匪甚多當同圖系阿等帶兵搜捕該
匪等初猶冒充難民散處樹林巖洞之內及官
兵臨近竟敢施放號鎗四山奔聚併力抗拒官

《聖朝實錄卷十四》 九

兵分路搶上山包奮力剿殺斃賊四百餘名
殺逃出者百餘名又於各山搜殺一百十三名
生擒一百三十七名驍騎校趕森保前鋒瑚福
因首先衝入賊隊猝被矛傷陣亡官兵盡一日
之力將三官廟一帶藏匿留後牽制之賊盡行
殲擒臣德楞泰追至沙河溝口賊匪正在溝內
我兵分兩路從上壓下斃賊一百餘名又於界

牌石場殺賊不計其數生擒頭人魏順鄭冠羣
二名賊匪裴從科等四十二名賊從廟峽子竄
逃時已深夜官兵又乘夜追至曹家河馬家溝
殺賊三百餘名追至文家埕生擒何美等三十
一名隨馳至東毛坪紅巖一帶督剿生擒七十
三名訊供高均德已竄入湖北鄖西境內廟川
地方意欲逃奔河南等語臣德楞泰當卽趕赴
廟川痛加截殺並經該處鄉勇堵截該匪仍折
回陝省歐家川地方臣德楞泰飛派官兵進剿
賊匪佔據山包施放鎗礮並用擗石擲打抗拒
官兵分三路截殺左一路係賽冲阿達音泰帶
領滿漢官兵由東家坪廟川追剿右一路係阿
哈保長春帶領滿漢官兵由石板溝董家川截
剿臣德楞泰率同阿穆勒塔巴圖魯侍衛遊擊

欽定剿平三省邪匪方略

正編卷六四

六六七

馬瑜等帶領兵勇由太平橋進攻各官兵一鼓
擁上攬殺多時箭射頭人王文貴一名擊斃騎
馬賊匪甚多殲斃步賊七百餘名割獻首級九
十五顆擒獲劈山礮五位生擒李文宗陳國有
等男女五百七十一名口官兵內防禦西凌阿
副將劉廷基遊擊劉惟馨均各受傷該匪被剿
情急奔上三十六巖是日風雨交作山石水凌
官兵愈攻愈力賊匪皆滾坡逃逸其時臣明亮
由康家坪一路兜剿前進探知賊匪欲由羅家
河康家坪向北竄遁當遣溫春愛星阿帶領索
倫官兵馳至羅家河迎擊溫春等率兵趕往正
值賊匪在該處村莊擄掠經官兵自上下擊該
匪奔上山梁抵禦溫春愛星阿亦卽率兵搶上
擊射繼以短兵相接斃賊二百餘名賊衆翻山

欽定剿平三省邪匪方略

正編卷六四

六六七

四逸官兵乘勝追擊生擒周正才等五十八名
 協領克什保因追殺騎馬賊隊猝被矛傷陣亡
 賊匪敗逃後俱向青銅關一路南竄查青銅關
 路徑分歧東面可達山陽西面可達鎮安西北
 可折回五郎臣德楞泰擊獲鍾文貴等據供賊
 匪要由米糧川秋梁川逃往山陽前入豫境又
 查米糧川為赴山陽要口一經堵截賊匪自難
 由此路竄走當即率兵由曹家川抄出米糧川
 一路兜截該匪望風畏避又從河河一帶南竄
 山陽等處得保無虞臣明亮已由柴家坪躡剿
 前進仍彼此知會於長坪地方會合緊追剿擊
 總期併力逼歸南面迅速擒掃惟昨接秦承恩
 來札並道員溫承惠稟報齊王氏一股於正月
 二十四日由川省南江竄入西鄉簡池壩一帶

臣等商酌此時剿辦高均德一股正在喫緊得
 手之際必須旁抄後擊而齊王氏一股亦急須
 截剿因飛咨柯藩酌帶官兵馳赴西鄉在漢江
 北岸相機迎擊飭署鎮田有成在附近西鄉東
 面一帶堵剿並飭道員溫承惠在興安郡城率
 領兵勇防守旋據漢中府知府趙河稟報探得
 後股賊匪於正月二十八日由石泉縣黑石頭
 地方躡水渡江臣等愈形焦急伏查齊王氏姚
 之富李全王廷詔高均德張漢潮等各逆上年
 本分四股滋擾繼又合為三股由川楚竄入陝
 境臣等疊加痛剿其時有惠齡富成恒瑞慶成
 柯藩王文雄等各路官兵合計二萬餘名兵力
 本充分投堵剿得以逼歸一處入川詎該匪等
 復分起折回陝境偷渡江北高均德一股原有

洵陽逼近鄖西諭令額勒登保取道速赴幫同路
超吉堵剿額勒登保自早已由荆襄順流而下著
迅速行走奮勉堵剿勿稍遲延

十五日己酉秦承恩奏言據漢興道文需稟報西

鄉罐子山一股賊匪分竄城固之孫家坪天明
寺南鄭之娘娘山等處焚掠初四日在城固之

三河坎會合竄過漢江柯藩自洋縣帶兵趕到

《聖朝實錄卷十四》 六

賊賊多名賊匪分股向東北一帶奔竄又據鳳

邠道王文湧稟報探聞此股賊首係李全張添

文現在分出一股西竄南鄭之南壩穆家壩等

處欲搶長寨查長寨距褒城雞頭關三十餘里

該道現督兵勇在雞頭關嚴密防守又據署興

安府陳祁等稟報高均德齊王氏兩股賊匪俱

竄至漢陰屬之觀音河會合明亮德楞泰分

道帶兵截剿臣查高均德齊王氏兩股既經會

合而後股李全等又分竄城固南鄭逼近北棧

及五郎一路賊數漸眾分合靡常且路徑分歧

在在可以牽制官兵肆行竄逸情形萬緊臣已

飛札柯藩田有成速帶防江守卡各兵趕緊兜

截李全等一股兼杜其闖入棧道之路並札會

烏爾圖那遜亦即帶所有之兵馳至漢中一帶

《聖朝實錄卷十四》 七

幫同攔剿一面飛飭王文湧鼓勵兵勇嚴防北

棧雞頭關要卡並札飭派防五郎之遊擊龔鐸

署通判左觀瀾添募鄉勇協同原帶兵勇在於

緊要隘口扼險堵截一面飛札明亮德楞泰趁

李全等尚在西路速將高均德齊王氏等趕緊

剿辦併節次飛札知會額勒登保迅速兼程進

發由鄖西山陽一帶向西南抄截與明亮等兩

面兜擊將賊匪逼歸江岸即可合力攻圍至

與總兵王文雄暫在商州原為兼顧東北兩路

今李全等又逼近棧道省西一帶兵備空虛

等惟有確探賊蹤何路信息較緊即趕赴何路

相機剿辦再查罐子山之賊即係臣前奏另股

分竄峽口之賊合併陳明

同日劄勒登保奏言臣於二十六日自巴東趨

程行走初一日前抵夔州府詢知王三槐徐添

德各賊匪經勒保宜綿惠齡等痛加剿殺已竄

至達州所屬新寧縣一帶福寧亦已帶兵由萬

縣梁山一路前進臣原欲趕赴勒保等軍營商

辦但查夔府距新寧道路已遠即兼程行走恐

勒保等追賊又已前行梁山一帶或尚有逃竄

之賊又有福寧在彼追捕其開縣一帶勒保已

派留副都統訥音總兵德齡帶兵防範亦無須

再添兵力若臣復由勒保等追賊之路前去不

能抄出賊前於事恐屬無濟伏思賊匪陳崇德

久在老木園抗拒自應及早剿淨臣擬即從夔

州府之北黑樓門青坪一路帶兵馳赴如觀成

等已將賊匪剿淨臣即同觀成一并帶兵探往

勒保等軍營協剿倘尚未竣事臣即於老木園

相度山勢將現帶之官兵二千餘名併力攻擊

均奏入

上命軍機大臣傳諭勒保明亮德楞泰與肇秦承恩

日西鄉罐子山股匪在城固地方竄過漢江賊首

李全張添文又分出一股西竄南鄭之南壩等處

而齊王氏高均德兩股又俱竄至漢陰地方此皆

怕明亮德楞泰辦理遲緩剿捕不力所致厥罪維

剿平三省邪匪方略

正編卷六四

均然德榜泰打仗數次尚能向前殺賊明亮則屢
次落後惟事尾追伊等原摺具在非朕任意軒輊
明亮種種疎縱玩愒之罪較德榜泰為尤重現在
李全等在後尚未竄台明亮德榜泰惟當知愧知
懼速將齊王氏高均德等合夥賊匪趕緊辦竣再
將李全一股截剿猶可稍贖重罪至李全一股分
竄城固南鄭逼近北棧及五郎秦承恩亦當確探

聖訓 卷十四

三

賊蹤何路緊要即與王文雄趕赴何路相機截剿
又額勒登保奏帶兵前抵夔州即赴大寧籌剿老
木園賊匪所辦更屬錯謬可謂不知緩急若額勒
登保接奉前旨已改赴鄂西堵剿固屬甚善倘已
抵老木園則當與觀成等將老木園賊匪上緊剿
辦擒拏陳崇德剿辦餘匪即與觀成劉君輔帶原
領之兵就近赴陝協剿

聖訓 卷十四

三

上又命軍機大臣傳諭勒保宜綿曰明亮德榜泰剿
辦高均德一股賊匪未能迅速竣事致齊王氏等後
股賊匪又復渡江竄合伊等帶領強兵勁旅若云
陝省一帶山勢高峻則吉林黑龍江兵丁俱以打
捕牲畜貂皮為業登山陟險是其所長明亮等果
能身先督率奮力剿擊自可以一當百且節據以
亮等奏前後殺賊已及萬餘如果屬實賊勢早就
窮蹙何至以數倍賊匪之精兵剿此窮敗無多之
餘匪總未能擒拏賊首轉令後股賊匪復有乘間
竄合之事是其因循貽悞之處伊二人厥罪維均
而明亮尤非德榜泰可比伊曾任將軍屢次出兵
於打仗殺賊自當倍加勇往乃曠日持久惟事尾
追落後疊經嚴飭總不知愧懼稍圖自贖且聞明
亮等節次所奏打仗情形皆係德榜泰帶兵在前

而明亮不過在後接應是其退縮不前之處即係
伊自行陳奏並非出於他人指摘核其二人之罪
自以明亮為尤重甚或於打仗時德楞泰帶兵前
往明亮忌其獨自成功有從中掣肘之事亦未可
定前已有旨令勒保於到陝後據實宣奏但現在
川省賊匪正需勒保在彼督率剿辦一時未能到
陝宜綿則早經諭令速回興漢一帶駐劄計此時
自應到陝今明亮既不可恃宜綿竟當速赴明亮
等一路軍營將所帶官兵悉行統領督率德楞泰
等實力剿辦以期士氣振奮並傳旨即將明亮革
職交刑部治罪仍應派員嚴行看守宜綿務須
慎密辦理並當倍加奮勉激勵將士以期肅清陝
境迅速成功

上諭內閣曰明亮此次帶領吉林黑龍江精兵屢次

落後致賊逃竄實屬貽誤軍務著革職交刑部治
罪伊二子二等侍衛德倫藍翎侍衛鄂倫亦著革
職發往熱河充當苦差以示懲戒

十七日辛柯藩奏言臣接准明亮等札會囑令

嚴防漢江惟冬令水涸寒寒可涉且沿江八百
餘里亦不能寸節安兵臣於初二二日在洋縣

城固等處擊退賊匪後見南岸一帶難民紛紛

躡淺過江數日內幾有數萬恐擁擠之時賊匪

混入偷渡即督飭官兵鄉勇往來稽查初三日

亥刻接據荊州將軍興肇漢興道文需來札賊

匪竄至離府城三十里漢江南岸之娘娘山焚

掠當派令副將德明額泰將達桑阿帶兵五百

名仍在城固之沙洲渡守備朱廷舉帶兵二百

名在城固之沙河坎都司綉倫額帶兵三百名

在城固南鄭交界之柳林舖分投防守又酌留

遊擊阿克東阿帶兵二百名幫同防堵臣隨即

帶領所剩官兵三百名於初四日未刻趕到漢

中與興肇文需面商撥兵堵禦據阿克東阿差

弁報稱有馬步賊匪萬餘人分作四股蜂擁直

撲江岸勢甚兇猛該遊擊等督率兵勇轟擊賊

匪並落水者一千餘名奈賊匪恃眾不肯折回

製看邪異編卷十四

二四

拚命衝突等語臣因帶兵僅二百名復於漢中

守江兵勇內抽撥五百名即時帶赴該處行至

城外十里舖據探差回報娘娘山賊匪於放火

後仍復折回東去臣星馳趕至十八里舖復報

到官兵正在轟擊之際又有賊匪二千餘人從

柳林舖下游踰淺過江繞至官兵之後直撲營

盤我兵前後受敵該遊擊等督率兵勇兩面抵

敵突有執旗賊頭帶領數百人抵死吶喊向前

把總游國棟奮力迎殺當將賊頭砍倒賊匪蜂

擁攻撲該把總復砍斃數人身帶重傷陣亡遊

擊阿克東阿射死賊匪三名與守備朱廷舉均

經受傷把總趙鑑羅一忠外委田印時郭仁武

舉張成功受傷陣亡領鄉勇頭監生張忠恕父

子二人奮勇殺賊同時遇害兵勇內傷亡甚多

製看邪異編卷十四

二五

賊匪乘勢搶渡過江臣聞信後飛馳趕到賊人

見官兵接應直向東北奔竄臣即帶兵追剿殺

斃賊匪五百餘名生擒男婦一百三十七名口

餘匪漫山竄逸時已昏黑未便窮追隨於該處

紮營暫住查獲賊內有帶傷落馬賊日張文華

一名訊據供稱是偽先鋒同頭目張文秀陳先

等領馬隊撲江中鎗落馬又小頭目易朝印一

名據供其師名劉學仁我等是齊家營分出之
一股共有四十桿旗一桿旗內二三百人不等
隨將該二犯凌遲處死餘匪卽行正法此次賊
匪分股搶渡實因江水淺涸賊勢衆多臣兵力
單弱未能堵禦而捫心自問咎實難辭惟有仰
懇

皇上將臣從重治罪此時賊衆已向東北逃竄卽係

《聖旨》

《奏》

前股所竄之路臣仍帶罪前往追剿

同日烏爾圖那遜奏言臣自留守寧羌卽督率

文武員弁鼓勵兵勇於各卡隘晝夜巡邏防守

詎賊匪知有準備並節次探路奸細俱被擊獲

遂由南江通江一帶東竄西竄聞柯藩等已就

近帶兵堵剿臣現帶山西兵五百名勢力稍單

且寧羌爲南棧門戶未便輕動以致顧彼失此

又聞勒保現將王三槐林亮功等大股賊匪連

次痛剿設法圍圍設此等剿散餘賊亡命狂奔

則寧羌邊境在在毗連川界九關緊要再臣原

領索倫官兵經明亮德楞泰帶往剿賊相去甚

遠漢中已有與肇柯藩愛星阿帶兵數千駐紮

防堵臣現駐川陝邊界距勒保等大營較近擬

俟寧羌地方稍可放心卽將山西兵留守臣尾

《聖旨》

《奏》

赴梁山一帶隨同勒保等帶兵剿捕均奏入

上命軍機大臣傳諭勒保宜綿德楞泰秦承恩日前

據秦承恩奏報賊首齊王氏等由石泉偷渡在漢

中之東自係柯藩分防汛地降旨令勒保查叅今

據柯藩奏到情形并自請從重治罪果不出朕所

料柯藩係提督大員帶兵防守自應督率官兵嚴

密堵截乃疎於防範任賊匪偷渡漢江其罪與愛

星阿相等著革去頂戴官職暫留護理提督事務
仍令帶領原兵戴罪自贖以觀後效其殺賊陣亡
之把總游國棟等俱著咨部加等議卹烏爾圖那
遜原在寧河一帶防堵不能截住賊匪任其竄至
漢中又不卽趕緊追剿轉欲前赴四川梁山竟係
心懷畏怯避難就易其罪更無可追著卽革職作
爲兵丁交宜綿德楞泰差遣若再不知奮勉出力

聖祖聖訓卷十四

天

仍前退避伊自思當得何罪耶

十九日癸丑宜綿奏言臣欽奉

諭旨命仍回陝省酌量緊要處所駐劄以資彈壓策
應伏查王三槐等各股賊匪聞大兵將至由開縣
新寧竄入東鄉境內勒保現統大兵圍剿而冉
文儔羅其清與楚匪張漢潮等由巴州江口滋
擾後河勢將會合東鄉太平一帶漸入陝境現

在貴州兵勇陸續到齊福寧額勒登保先後帶
兵入川軍威壯盛可以抽撥英善亦不日前來
會同福寧辦理軍儲後路似可無虞臣與勒保
札商將陝甘弁兵酌量抽帶一千餘名並帶領
臣索費英阿馳回陝境督率防範臣於初五日
趕回達州將一應交代事宜查明交翼長移送
勒保去後適福寧以奉

聖祖聖訓卷十四

天

旨督辦軍儲改道抵達臣亦將辦理糧餉一切情形

詳悉告知卽於初七日起程馳回漢中

同日額勒登保奏言臣於初三日行至青莊坪

接奉

諭旨命臣卽帶原領之兵速赴陝境商州雒南一帶
迎擊賊匪伏查陝省賊匪東竄較之老木園更爲
緊要且臣現抵之青莊坪離老木園尙有一百

八十里若由大寧所屬之徐家壩一帶至雞心

嶺即可入陝西平利縣境前至商州雒南臣當

將現在所領之官兵二千餘名即由此路行走

該賊匪係奔竄餘生此時或又逃往他處抑或

屯聚何處臣一人陝境定能偵得實情即行馳

赴剿辦

同日恒瑞慶成奏言臣等前自營山地方扼要

堵剿羅其清等股該匪由深山老林分投竄往

巴州儀隴一帶邊界臣一面密差將奔躡探賊

蹤臣等先即帶兵由西面大山林箐內抄過儀

隴之東迎剿探聞該匪竄至儀隴之石板壩新

寺場白果壩一帶屯聚距縣城僅數十里官兵

進至水東寺地方即與賊遇約六七千人結隊

成羣直撲儀隴縣城焚掠當派副將常格遊擊

岳寧阿等帶步隊弁兵密赴左山梁截擊令副

將德忠皂靈保在水東寺赴縣之路扼要分佈

營卡堵截臣等各帶奮勇馬兵直前迎擊將前

面三股賊匪擊退該匪等恐不畏死復從兩旁

山溝抄出經常格岳寧阿等帶兵由左邊施放

鎗礮截殺總兵觀祥等督兵自右邊邀擊臣等

往來接應衝突剿殺殲戮無算餘賊敗潰亂奔

等率兵分路追殺二十餘里又斃賊二三百

人追至蕭家梁地方遇有後來接續之賊與敗

賊復佔山梁捨死抵拒臣等鼓勵將士分路併

力攻擊並令奮勇弁兵先於林箐內繞上高梁

拋擲火彈施放噴筒下壓賊欲奪路西竄與官

兵數次攪殺又斃賊三四百人賊匪仍由原路

乘夜竄回臣等將兵紮住查羅其清等賊匪現

與王三槐冉文儔等股相離漸遠臣等惟有儘此兵力相機堵截不使賊匪西竄仍卽上緊設法擒擊首惡

同日汪新奏言臣於前月二十五日料理大兵

入川後隨將軍營撤留之襄陽鎮標官兵一千

餘名派委將弁帶領飭令兼程馳赴鄖陽交與

鎮臣路超吉帶赴鄖西防守以扼漢中之賊臣

聖朝聖訓卷十四

三

卽起程前往巴東歸州各邊境勘明該州縣與

川省巫山在在接壤原設兵勇卡座極爲周密

當與宜昌鎮臣張廷彥酌商將軍營撤出之宜

宜昌鎮標官兵分佈各隘以資堵截臣隨赴施宜

被擾各屬督飭道府將被難戶口分投撫慰途

次接准路超吉札會陝省漢中賊匪於正月二

十二日由洵陽縣竄入楚北鄖西之紅巖歐家

川等處滋擾該鎮與都司郭廷樞各帶兵三百

餘名於鄖陽郡城及鄖西縣治分駐防守臣隨

兼程馳回巴東將軍營撤留之督撫等標官兵

六百餘名親身帶領倍道前往鄖陽相機堵剿

惟巴東相距鄖西幾及三千里兩旬始能趕到

此時賊離鄖郡尙遠臣已飛札路超吉速赴鄖

西督同郭廷樞前赴要隘據險固守免致賊匪

聖朝聖訓卷十四

三

狂奔肆竄再杭州將軍成德現帶安徽兵二百

餘名駐紮宜昌目下荆宜一帶頗爲寧謐臣已

飛咨該將軍卽帶領原兵速赴鄖陽防守實與

機務有裨均奏入

上命軍機大臣傳諭勒保宜綿德楞泰恒瑞汪新慶

成日昨因明亮等剿辦高均德一股賊匪遷延日

久又致齊王氏股匪渡江竄合種種因循貽誤其

罪甚重降旨令宜綿速赴明亮等一路軍營將所帶官兵悉行統領督率德楞泰等實力剿辦並傳旨將明亮革職交刑部治罪茲據宜綿奏稱抽帶甘兵一千名率同索費英阿馳回陝境想宜綿在途接奉前旨自即馳赴明亮等一路軍營接辦計此時自己可到若明亮於宜綿未到之先能將高均德齊王氏李全等擊獲尚可稍贖重罪倘仍事尾追落後即當傳旨將明亮革職解京治罪宜綿接辦此路軍務尤當倍加奮勉振作士氣速將各逆截剿兜擒若仍復因循時日致賊匪輾轉奔逃必俟勒保剿平川匪前抵陝境始能贖事則明亮即其前車之鑒又據恒瑞等奏抄赴儀隴截剿賊匪仍未能將羅其清擒獲看此情形總須勒保將川東賊匪剿淨速赴川北方能集事勉之望之

又汪新奏馳赴鄖陽堵剿並咨會將軍成德帶領安徽官兵速赴該處防守所辦俱是該撫等務須會同實力辦理毋使賊匪竄入至該省籌辦防堵安撫事宜著撥給內庫銀一百萬兩迅速解往應用該撫務當飭屬樽節辦理不可稍有虛糜至額勒登保已由大寧一帶前赴商確此時自可抵陝現在齊王氏高均德兩股賊匪俱已竄合而李全一股又復偷渡漢江至城固五郎一帶額勒登保務須速赴宜綿德楞泰一路幫同剿辦若能擒獲首逆不但可贖前愆并可再邀恩賞不可不倍加感奮也

欽定剿平三省邪匪方略正編卷六十五 戊午年

二月二十日甲寅勒保惠齡奏言查王三槐徐添

德及林亮功等各起賊匪經臣等分投剿殺後

各首逆即從五寶場華尖壩趙塘壩分股由中

河後河四竄焚掠查該處附近太平通江均有

入陝之路勢甚散漫臣等現在帶兵自南而北

其迤北沿邊一帶兵力本屬空虛如賊匪乘間

剿平三省邪匪方略卷六十五

入陝更難兜剿現除通江一路道路較遠已令

恒瑞慶成帶兵截剿外其太平地方賊勢已經

逼近尤易闖入極應設法剿辦過其北竄之勢

當令提督富成總兵朱射斗等帶兵由木竹坪

跟蹤追躡派總兵保興由觀音崖小路抄出賊

前迎頭堵截並派副將達桑阿等帶兵接應臣

等督率總兵百祥副將雷仁等由豆坪寺白沙

河一路兜剿又恐道路分歧賊匪往來靡定必

須於適中之地另派勁兵探明攻擊適貴州遊

擊王宏信帶兵一千名到營臣等即派令從廠

溪前赴官渡一路以資策應一面布置妥協一

面催兵前進據保興一路稟報因賊匪晝夜翻

山奔竄該鎮隨將鍋帳等留後帶兵二千名各

裹乾糧星即繞道於正月二十九日馳抵固軍

剿平三省邪匪方略卷六十五

壩山梁遙見山溝內賊匪甚多該鎮即用礮轟

擊賊匪愍不畏死直撲山前幸我兵已佔地勢

分爲兩翼從上壓下鎗箭並發自辰至午殺賊

八百餘名內有執旗賊目新營頭領樊大珩任

元策南營總頭領劉志德三名並生擒賊匪八

十三名正在帶兵進發間復有賊匪數千由溝

內繞至半山冀圖抄截後路保興即派遊擊王

國棟等分投截殺自甲至酉又殺賊三百餘名
擊獲賊目左國搢一名賊匪五十八名其餘均
向山溝奔逸百祥雷仁等馳抵豆坪寺探聽王
三槐股匪已從趙塘塢聞風驚竄正欲覓路截
剿適據王宏信稟報初一日在官渡地方探有
賊匪在金竹山一帶焚掠該遊擊星夜帶兵馳
赴出其不意痛加截殺斃賊五百餘名餘匪跟

剿平三省邪匪方略

三

踏奔潰復由甘溪溝至長壩一路折回百祥聞
信卽帶兵於初三日趕到長壩時已薄暮賊衆
正在涉淺渡河一見官兵直前對敵該處地勢
稍平我兵施放連環斃賊三四百名生擒四十
五名官兵乘勝連夜追剿直至白沙河臣等督
兵趕到隨派保興百祥兩路兵勇星夜繞道前
赴太平扼要堵截臣等於白沙河山梁暫行紮

駐候前敵官兵分路進發之後卽於初五日四
更同明興督率總兵徐昭德參將穆克登布遊
擊薛大烈哈三泰等帶兵進剿維時賊分數股
佔據白沙河一帶大小山梁旗號插立無數見
官兵兩面夾擊卽搖旗吶喊蜂擁分拒我兵奮
勇迎擊刀矛並舉相持三四時殺獲無算賊匪
屢敗之餘不敢抗禦旋有拋擲器械扒越山溝
紛紛潛逃者我兵乘勝追殺復斃斃賊匪五百
餘名內有執旗頭領許一龍吳士貴二名并生
擒賊目陳雲升唐國訓羅三濤三名賊匪七十
五名臣等當卽進抵太平白楊溪地方接據富
成等一路稟報該提督等由木竹坪帶兵進發
行抵天台觀適見賊匪在彼焚掠經官兵趕上
立時剿散獲賊訊供知係王三槐等分股在該

處牽繳官兵大夥已從白沙河一帶奔走該提督訊明後亦即由天台觀一路繞至太平與保與百祥等會合統計此次各路殺死賊匪二千五百餘名生擒賊目賊匪等二百六十餘名訊據供稱王三槐徐添德樊人傑等因在五寶場聞前隊賊匪於豐城場被殲當即計議分三股行走就近要往太平再向陝西逃竄不料連日處處遇見官兵截殺未能衝出恐分路前赴通江一帶亦未可定林亮功等股匪聞得已竄回開縣燈草壩十三壩一帶等語餘無要供當將各犯凌遲正法所有此次連日打仗把總李瑤外委楊銳曹天佑殺賊陣亡其餘陣亡受傷兵勇另行查明咨部查刻下賊匪雖經官兵從太平一路併力兜截但恐官兵一經移剿賊匪仍

聖朝聖德

五

復折回因念太平地方先派原任總兵楊秀帶領兵勇駐防茲又酌留官兵一千名交與楊秀一併管領擇要分防其餘各路提鎮將領所帶官兵均已會合一處_臣等即日察探賊蹤相機兜剿其開縣一路折回之賊_臣本先派舒亮穆克登阿帶兵迎擊茲又竄至十三壩地方該處路接雲夔亦關緊要惟緣舒亮穆克登阿已經_臣恭摺劾奏當派建昌鎮_臣富森布副都統銜六十七馳赴接辦並查額勒登保擒拏首逆賈加耀等業經嚴事亦已知會帶兵竟赴開縣境內力加剿辦至川北所屬通巴等處綿長數千里在在與陝境毗連且羅其清冉文儔等夥黨內尚有陝楚餘匪設或聞風知懼竄入陝疆殊有關係_臣先經札令恒瑞慶成將原帶官兵由

聖朝聖德

六

巴州馳赴通江一帶擇要堵截嗣據營山文武稟報恒瑞慶成帶兵甫到儀隴地方因新寺場石板埡石路溝等處節節有賊未能繞道直前而前股賊匪已有竄赴通江洪口一帶者臣復專派提臣富成總兵朱射斗穆維等分帶前敵官兵星赴竹峪關洪口等處趕緊攔截仍飛催恒瑞慶成隨剿隨進毋許再有遷延再臣入川督兵以來留心察看查河州鎮總兵保典前在彈子壩三壚口等處打仗本屬奮勇此次最為出力又山東曹州營叅將穆克登布節次隨同打仗殺賊最多人極勇往其餘超眾奮勇將備等員臣核其勞績開單呈

覽一併請

旨再副都統碩雲保自上年追剿竄匪入川感患疾

迷病症旋即就痊節次打仗俱極奮勇昨因追剿竄匪舊疾復發又墜馬傷足應請令其回京調理奏入

上命軍機大臣傳諭勒保恒瑞慶成日勒保等奏官兵連日分路截剿賊匪情形雖經殲斃多賊究未獲一賊首未為滿意勒保自抵川境以來節次痛殲賊匪各首逆敗竄東鄉意欲闖入太平該督前奏分飭帶兵各員繞截邊擊自當將首逆設法擒獲如首逆未擒仍可到處裹脅而附從匪徒得有依恃豈能望風潰散不但殲斃二三千名於事無益卽斬獲二三萬亦不敵生獲首逆二三名前次明亮等剿辦楚匪卽係如此況各路所報殺賊名數類不可信勒保自當力除積習大振軍威豈得踵襲故套隔數日具奏一次以爲搪塞地步耶此

聖鑒事

七

聖鑒事

八

時王三槐徐添德等一股折向何處勒保由白楊溪一路督兵進剿究竟到何處剿賊摺內亦未聲明看來川境賊首較多賊勢亦復散漫一時未能悉數殲擒勒保轉不必分心陝境專辦川東賊匪尅日擒渠至竄往開縣十三棚地方之林亮功一股據稱已派富森布六十七等馳赴開縣堵剿並咨會額勒登保仍帶原兵由雲陽開縣前進等語

額勒登保昨奏已由大寧取道赴陝現距川境已遠即續接勒保咨會亦不能復行折回況首逆齊王氏高均德俱已竄合而李全一股又復偷渡漢江至城固五郎一帶該處正關緊要昨又諭令額勒登保速赴宜綿德楞泰一路幫同剿辦其竄回開縣賊匪不過敗竄餘生不難剿捕淨盡着責成富森布等奮力剿辦至恒瑞慶成前奏抄赴儀隴

聖朝聖訓卷五 九

截剿羅其清一股迄今又已數日本日勒保奏稱新寺場石板堰石路溝等處節節有賊恒瑞慶成未能繞道直前而前股賊匪已竄通江洪口一帶是恒瑞慶成之沿途逗遛勒保雖未明白悉出其意已在言外恒瑞慶成着傳旨嚴行申飭並着勒保查明如果伊二人有遷延觀望之處即行據實嚴叅又據奏打仗出力人員請加鼓勵此次勒保等分路剿捕不過殲賊二千餘名首逆仍未擒獲乃亦臚列多員請恩鼓勵從前帶兵各員並不認真殺賊每遇奏報打仗情形輒將隨營員弁奏請邀恩以為見好市恩地步今勒保亦蹈此陋習姑念伊為總統後倘係初次保人不得不予以顏面是以降旨俱准所請嗣後必須擒獲首逆方准保奏此次殺賊陣亡之把總李瑤外委楊鏡曹天佑

聖朝聖訓卷五 十

着咨部加等議卹

上諭內閣日勒保奏總兵保興等迎殺賊匪最為奮

勇保興着加恩賞戴花翎參將穆克登布着賞給

副將職銜其餘打仗出力之參將王鎔遊擊王國

棟哈三泰都司常羣俱着賞戴花翎守備李連發

張潔馬洵千總張如龍丁洪閻俊烈把總陳大榮

外委馬鳴鶴楊林馬奉其馬兵邵澤潤仙安清俱

聖祖聖孫萬壽無疆

十一

着賞戴藍翎外委徐有山着賞給勤勇巴圖魯名

號以示獎勵

二十一日乙卯

上命軍機大臣傳諭勒保宜綿德楞泰額勒登保曰

朕聞軍營積弊或官兵追剿之時間有將賊匪擒

獲者類皆老幼殘弱之人而真賊百不獲一兵勇

打仗陣亡者則以多報少而殺賊之數則以少報

多或賊未來而先放鎗礮以冀其遠遁若賊勢逼

近則移營退後以避其鋒且聞賊匪登山越嶺往

來便捷而官兵轉畏崎嶇賊匪測探水淺處所即

呼羣而渡而官兵必待舟梁始過賊匪日竄百餘

里而官兵日行祇四五十里前此帶兵大員皆中

此弊以致首逆遠颺脅從日眾此種情形難逃洞

鑿此時宜綿自己到明亮一路接辦剿賊事宜惟

聖祖聖孫萬壽無疆

十二

當督同德楞泰額勒登保等盡革前非俾將士同

心協力旗鼓一新速將首逆高均德齊王氏擒獲

再整隊西向殲擒李全一股以期陝境肅清若稍

踵前弊仍復因循日久使首逆忽分忽合到處蹂

躪或竟闖入楚豫邊境則明亮等覆轍昭然亦不

能稍為寬假也

二十三日己丁明亮德楞泰奏言臣等前將高均

德一股賊匪連次殲殺該匪折向南竄正在乘勝逼剿詎後股賊匪復渡江而北前至鐵爐壩

與高均德會合沿途捕獲賊匪玉國相等訊據

供稱續來之賊係齊王氏一股齊王氏因高均

德一股屢被官兵擊敗人數無多分給一二十

人幫同抗拒官兵等語數日以來該匪等時分

時合擾至安康界內兩河關趙家灣一帶臣等

聖祖聖孫萬壽無疆

三

查該處係四達之區東北可通鎮安山陽商州

東南可通洵陽及湖北鄖西等處官兵必須分

路兜截臣明亮當即率同圖桑阿賽沖阿溫春

長春等帶領官兵由譚家壩松樹壩一路抄至

蘭草坪臣德楞泰率同阿哈保阿穆勒塔達音

泰木騰額愛星阿等帶領官兵由大橋老樹嘴

一路抄至張家坪該匪聞兩路官兵前來退至

判官嶺該處山深林密溝澗幽深既可據險埋

伏抄截官兵並易從小道奔竄臣等彼此知會

星夜前進十一日臣明亮等率兵抄出判官嶺

之西北截擊臣德楞泰等率兵抄出東北夾剿

合圖桑阿達音泰木騰額長春愛星阿各帶官

兵由判官嶺南面左右山梁兩路並進該匪等

於溝內排列四五百人誘官兵進溝剿殺山林內

聖祖聖孫萬壽無疆

四

復擁出伏賊數千人併力抗拒賽沖阿溫春阿

穆勒塔達音泰愛星阿等首先從兩山壓下賊

眾見兵勢勇猛仍穿入深林臣等飛飭四面用

鎗礮轟擊約半時之久賊眾站立不住成隊衝

出捨命力鬥官兵斃賊甚多有穿紅衣賊目在

後指揮率黨死拒賊人有退卻欲逃者該匪阿

叱使前官兵奮力殲殺擒獲騎馬賊目馮大甲

朱錫二名並射死穿紅衣賊巨二名殲斃三百餘名賊人仍逃入深林紛紛狂竄_臣等分投追剿殲擒二百餘名該匪等俱由兩旁高山林內肆逸官兵自未至申攪殺三時其殲戮五六百名生擒七十二名當將馮大申等嚴訊據供齊王氏與高均德商量原說不從商州到河南就從洵陽到鄖西昨日聽得松樹埡麻坪河兩路都有官兵高均德說若仍由北路前去恐官兵緊跟還要與虜須當分爲數股從小路轉回南走牽誘官兵進入深山可以合力抵敵否則由小道繞出鎮安洵陽北去官兵就不能趕上等語察其供詞係屬狡譎實情當將該犯等凌遲正法_臣等查賊志總要前竄東北被官兵分路抄擊復又南奔恐賊人詭計往往東擊西竄惟

欽定剿平三省邪匪方略

正編卷六五

有乘勝擊剿隨時相機兜截總不使賊匪肆竄東北亦不墮賊奸計爲其牽制_臣等現由東北向南逼剿昨准興肇來札漢江南岸已無賊匪興肇已帶領荆州滿兵會同柯藩前進協剿_臣等飛咨令其各帶官兵探明賊蹤與_臣等兩面夾擊此次打仗佐領噶三保恭領扎拉芬阿驍騎校多昌阿均因奮勇殺賊受傷陣亡把總彭家棟胸受矛傷其餘弁兵間有傷亡另行咨部同日秦承恩奏言賊匪齊王氏高均德二股自漢陰會合由安康北界竄至洵陽所屬之趙家灣兩河關一帶滋擾_臣與王文雄正在確探截剿聞據城固縣牟鴻壽稟報李全一股竄入城固北山內分爲兩股一向西北竄至留壩界內一向東北竄至洋縣鐵石河北通郡縣蓋屋東

欽定剿平三省邪匪方略

正編卷六五

通五郎柯藩帶兵由此路趕剿又據署留壩廳李崗稟報自城固竄來賊匪於初十日攻撲該廳所屬之桅桿石梁卡監經派防該處之巡檢董邦寧督率鄉勇據險抵禦賊匪不能越過現在竄赴佛葉坪老林其地可繞出鳳縣寶雞又據鳳州道王文湧稟稱現與_臣幕友監生張顯名帶領鄉勇由雞頭關趕往留壩探蹤截剿等

聖朝聖訓卷全

七

情_臣查鐵冶河距五郎較近此股賊匪勢必仍由五郎竄合齊王氏等一路佛葉坪之賊雖經王文湧等帶勇探剿但路徑叢禰萬一闖入鳳縣寶雞別無出路必由鳳翔岐山大路而出咸陽徑趨潼關就此時情形通盤籌計齊王氏高均德二股有明亮德楞泰大兵兜剿李全等分竄鐵冶河一股即使趕入大夥亦有柯藩與筆

烏爾圖那遜等陸續帶兵追剿惟佛葉坪一股既已逼近棧道即難保其不竄出寶雞_臣等此時自不便為所牽制遽即移師前往以致東路空虛但近省一帶並無攔剿之兵亦為可慮_臣已飛飭王文湧等速即鼓勵鄉勇入山搜剿如能剋日剿淨北面可以無慮_臣等即趕赴山陽一帶專心迎剿南路之賊以期速奏廓清

聖朝聖訓卷全

六

同日柯藩奏言賊匪於二月初四日從柳林舖北竄_臣帶兵追剿於初七日趕至楊家灘賊人正在焚掠_臣帶領兵勇壓下賊賊百餘名生擒朱云勝等三十三名訊據供稱聽得頭目萬順等說要往小北河去等語餘無要供即行正法查小北河地方東達五郎洋縣西與留壩鳳縣寶雞相通雖有秦承恩派撥兵勇堵禦尚恐賊眾

兵單是以商令秦承恩幕友張顯名帶領鄉勇

二千名趕回褒城會同鳳翔道王文湧擇要堵

禦臣即挑選兵勇三千名翻山抄截初九日趕

至雙溪據探差報稱賊知官兵追至蜂擁而來

臣即帶兵趕緊前進行將數里正遇賊匪兩面

俱係石崖臣督兵施放鎗礮擊斃多賊天已昏

黑賊方退去臣見道路窄狹恐墮賊計未便深

入露處紮駐臣隨察地勢情形派令叅將海洪

阿玉福帶兵七百名約定天明從山上壓下臣

帶領副將德明額叅將達桑阿從溝內前進叅

明賊人向陽春溝翻山奔竄臣等兩面追擊殺

死四百餘名生擒五十三名臣於十一日趕至

密坪有本地民人報稱賊人離此十數里在三

岔河放火臣刻即帶兵趕至見賊匪正在焚掠

不過百十餘人我兵從山上壓下鎗箭齊發登

時剿盡連日逃出被裹民人男婦一千餘名當

皆釋放其前隊賊人已向華陽楊家河一帶逃

竄臣仍復督兵趕緊剿辦

同日成德奏言臣於二月十一日接汪新谷陝

省漢中賊匪竄入楚北鄖西之紅岩歐家川等

處滋擾已飛札路超吉帶兵速赴鄖西據險固

守囑臣帶兵速赴鄖郡防守查臣原帶荊州滿

兵三百數十名安徽兵二百餘名前准額勒登

保咨稱荊州府為水陸通衢囑臣將原帶之兵

暫駐荊州並於襄陽宜昌二處隨時巡查今既

鄖陽一帶緊要臣即酌挑荊州滿兵二百名及

安徽兵二百餘名帶領前往鄖陽察看情形相

機堵剿均奏入

欽定剿平三省邪匪方略 正編卷六五

六八九

上命軍機大臣傳諭勒保宜綿德楞額秦承恩倭什布曰明亮等因賊匪在判官嶺竄聚帶兵分路進攻雖殲賊數百名尙不及前兩次殲賊之數而首逆未擒一名賊匪仍向深林奔竄殊屬無謂明亮等業經貽誤於前當此賊匪竄合之時尤當乘勢設法迎截兜剿不得因賊匪現在轉回南竄仍前尾追落後墮其牽掣官兵奸計又任乘間繞出東北闌入楚豫邊境所有殺賊陣亡之恭領扎拉芬阿佐領噶三保驍騎校多昌阿俱着咨部議卹前因明亮等遷延日久已不足恃特令宜綿速赴明亮等一路軍營督辦軍務並將明亮革職解京治罪今又思宜綿究屬年老且又多病而明亮在彼日久且現在追剿賊匪正在喫緊之際若卽將伊等問軍營轉少一人帶兵不若仍暫留軍營令其

戴罪自贖以觀後效着宜綿再行傳旨將明亮作為領隊帶兵聽宜綿調度使令此係朕於無可寬貸之中格外施恩若能自知感愧痛改前非能將齊王氏高均德等首逆拏獲不但可贖前罪尙可仰邀恩獎倘竟不知悔改仍前因循觀望則二罪俱發斷不能再邀曲貸也又據秦承恩奏截剿分竄賊匪情形已經四面兜圍惟潼關商雒一帶逼近豫境前經倭什布酌派官兵前赴蒲州駐守今思王文雄雖與秦承恩在一路帶兵但該鎮究係豫省總兵或有須兼顧豫境之處兵力仍恐不敷著倭什布再添調壯健兵丁湊足二千名卽親自帶赴蒲州駐劄防堵並着秦承恩酌量情形如有需此項兵丁之處卽飛咨倭什布催兵前進此時秦承恩維當持以鎮靜不可稍涉張皇至柯藩所

奏情形全不明晰柯藩所追賊匪卽係秦承恩所
奏李全分股在鐵右河一帶竄奔之賊此股賊匪
自必與齊王氏高均德一股合夥如賊首歸併一
處則興肇柯藩等自西而東宜綿德楞泰等自東
而西正可兩面夾擊柯藩等務須知感知懼勉圖
立功自贖又成德奏帶兵馳赴鄖陽自應如此惟
當布置嚴密不可使賊匪闖入楚境爲要

聖朝聖德編卷五

三

二十五日己未山西巡撫倭什布奏言臣探得川

陝賊匪經官兵追剿勢甚窮蹙并聞孳獲賊匪
供稱現擬假扮客商欲由鎮安商雒一帶竄回
豫省等語查晉省與陝豫僅隔一河賊情多詐
防堵不可不嚴雖經檄飭各文武員弁小心巡
防惟恐日久生懈或有張皇滋擾之處臣現赴
蒲州府解州一帶查閱營伍卽就近親赴沿河

各渡口逐一密查毋使疎懈亦不敢稍涉張皇

以昭慎密奏入

上命軍機大臣傳諭倭什布秦承恩日前因秦承恩
等在商雒一帶截剿賊匪恐兵力或有不敷曾諭
令倭什布挑派壯健兵丁帶赴蒲州駐守今據該
撫奏稱因查閱營伍之便前往蒲州適與前首相
合倭什布於到蒲州後酌量情形如賊匪距潼關
已遠省城有應辦要件卽將所調兵丁交明幹將
弁帶領駐守聽候酌調該撫仍可回省辦事倘有
未可遠離之處該撫卽應駐劄蒲州相機防堵總
在察探情形隨宜斟酌方爲妥善

二十六日庚申勒保惠齡奏言查川省太平通江

一帶處處毗連陝境自高均德等入陝之後陝
楚竄匪多由川北邊界零星遁赴陝疆者尙有

在川境內與冉文儔羅其清等勾結滋擾者而

王三槐徐添德等一起賊匪自臣等於太平境

內截回俱折向通江一帶其勢非與冉文儔等

合夥即從竹峪關仍出陝境臣等先因恒瑞慶

成進抵儀隴相距較遠是以派令富成朱射斗

等帶兵星赴竹峪關一帶攔截而該處路徑叢

歧隨又派令總兵百祥副將雷仁等由茨巴門

一路倍道繼進以為接應並派總兵保興副將

達桑阿等由亮埡子石窩場等處旁路兜截另

派副將宋延清等由豆家營立馬坡一路襲其

後路臣等督率鎮將等由太平之白楊溪通江

之草壩場進發一面差弁密探據報樊家灣絲

羅壩等處均有賊匪放火焚掠察其狡詐伎倆

必係後隊夥匪牽綴官兵臣等就近分兵搜捕

該匪等均即踉蹌潰散其前隊賊眾果向竹峪

關一路翻山奔竄適富成等於初七日先抵該

處正在紮營即有騎馬賊匪數十人竄至對面

山梁望見營卡隨從厥成壩折回富成等當令

朱射斗酌量帶兵留駐竹峪關該提督會同百

祥分路進剿趕至茶尖坪殺賊二百餘名餘眾

捨命逸去保興於初九日自石窩場一路進發

探知東峪溝現有賊匪青號白號賊旗甚眾該

鎮即分兵兩翼馳往迎擊叅將魏攀舉等由右

面山梁先行趕到賊眾一見即放鎗抗拒保興

在對面山梁用礮轟擊賊亦分兩股前來抵禦

我兵兩面夾攻殲賊六百餘名生擒騎馬賊目

馮雲美並賊匪一百二十八名其由茶尖坪逸

出賊匪於初十日竄至董溪口正遇宋延清等

趕到賊卽佔踞山上放鎗抵拒該副將等策勵
弁兵槍上山梁當有騎馬賊目首先執旗衝下
經官兵鎗擊立斃賊勢稍却我兵乘勢壓下短
兵相接殺賊三百餘名生擒男婦八十二名口
並搜出先鋒賊印一顆查驗鎗斃賊目旗號上
書副帥先行張金蘭七字餘匪復由龍鳳壩一
路奔竄臣等現在分兵兜剿一面提訊活賊等
據供王三槐徐添德因連日被官兵剿殺逃至
黃鐘舖遇見陝匪阮掌櫃等首夥一千餘人從
巴州一路來至通江欲從竹峪關赴陝王三槐
等卽與同行逃出竹峪關找尋齊王氏等合夥
不意走到厥成壩望見竹峪關先已有兵連夜
折回仍想從通江至巴州與冉文儔等合夥今
被官兵殺散不知竄往何處等語當將各犯分

剿平三省邪匪

卷五

別處遲處斬查楚匪阮掌櫃據供不知名字自
卽係前次所奏之阮正隴與王三槐羅其清等
往來勾結茲已折赴龍鳳壩一帶屯聚正應設
法殲除惟查龍鳳壩地方本係通江至巴州路
逕而冉文儔羅其清等大夥匪衆正在巴州所
屬青山觀等處盤踞恐王三槐等又復彼此聯
絡是目下川北情形較川東更爲緊急自應偵
探賊蹤卽從通江一路趕緊兜剿其開縣境內
雖尙有林亮功等竄回滋擾而各路官兵現經
行抵通江暫難兼顧已飛飭副都統銜六十七
總兵富森布察看情形遇要堵禦毋任蔓及雲
萬下遊並飛催額勒登保仍由老木園前來就
近督剿再甘肅藩司楊揆屢次出兵諳練軍旅
去年來川辦理軍需情形均所熟悉是以臣入

剿平三省邪匪

卷五

川後檄調隨營辦事現在後路糧餉軍火等項
奉

旨專交福寧英善督辦並有本省司道分路催償足
資經理可以毋庸該司兼管俾專心襄理軍務
以期得力

同日秦承恩奏言據寶雞縣孟正笏稟報賊匪
一股於十六日竄至該縣觀音峽滴水崖經該

聖朝寶錄卷五

五

處守卡鄉勇竭力堵禦因眾寡不敵多有傷亡
致被闖入又據鳳翔府崇祿稟報賊匪於十七
日晚已由滴水崖竄至寶雞之號川岐山之桃
川現在挑帶鄉勇星速馳往堵禦臣查此股賊
匪因留壩地方有道員王文湧監生張顯名等
帶勇堵截遂向東北翻山擾至號川桃川一帶
該二處地界毗連距寶雞岐山及郿縣縣城各

一百二三十里不等若由寶雞岐山竄出係鳳
翔進省大路若出郿縣竄出距省更為切近且

地勢平衍可以直趨潼關窺伺豫境臣與王文
雄籌酌此時賊匪自應以齊王氏高均德兩股
為重明亮德楞泰自判官嶺痛加剿殺後賊眾

仍向西路奔竄明亮等分道向南逼剿斷不令
其竄至東北而額勒登保於十五日行抵興郡

聖朝寶錄卷五

三

日內已可馳赴鎮安是東北一帶有此兩路勁
兵商雜等處尚可無虞惟省西兵備空虛是以
臣等帶領兵勇即於本日由商州馳至西路探
聽賊蹤迎頭截剿已飛飭王文湧等督率鄉勇
速由留壩直路抄截並飭鳳翔府崇祿率同各
地方官鼓勵鄉勇嚴防要隘再接據辦理鎮安
糧運漢中府知府趙洵稟報本月十三日賊匪

一股由穆王坪撲至廟溝糧臺委員華陰縣縣丞王銑聞報即將存糧二百三十袋令在臺長夫先由山後溝內趕緊背出自帶丁役二十餘名在溝口攔截後路不意賊匪蜂擁趕到該縣丞上前抵禦被賊匪四面圍裹該縣丞大聲喊罵手刃一賊賊眾憤恨將該縣丞亂矛戳死遍體鱗傷並遭剖腹情殊可憫理合奏

聞

同日額勒登保奏言臣由四川大寧縣所屬之雞心嶺一路入陝連日趨程行走俱在萬山之中沿途未得賊匪確信茲於十五日抵興安府接見道員溫承恩據稱高均德一股賊匪前向湖北鄖西一帶竄經明亮德楞泰等截殺該匪仍折回陝省臣聞官兵追至洵陽一帶又聞

齊王氏一股已由西鄉等處竄來合夥並洋縣一帶尚有餘匪滋擾旋據明亮等咨送摺稿內有拏獲賊匪鍾文貴等供稱賊匪要由山陽商州前入豫境各情查高均德齊王氏等分合無定倘竟由商雒一帶竄入河南該處道路寬廣且鄖陽鄖西一帶原有總兵路超吉在彼防守臣前經奏令提督文圖帶領江西官兵往房竹一帶堵禦楚北邊境想尚嚴密惟商雒一帶最關緊要秦承恩現駐商州帶兵甚屬有限王文雄帶兵駐劄山陽之漫川關距商州尚有一百二十里恐聲勢亦未能聯絡臣自應即日渡江由鎮安一帶馳赴商雒如沿途遇有竄賊即可迎頭截擊倘賊匪或又繞道前往商州臣亦必另覓道路趕緊抄在賊匪之前務使賊匪不得

竄入豫境至温承惠所稱洋縣一帶滋擾之賊
匪或係齊王氏一股餘孽該道已多集鄉勇保
護興安并派有鄉勇前往石泉五郎一帶堵截
臣帶有總兵關騰現領興漢官兵五百餘名卽
飭令帶赴石泉一帶相機堵剿均奏入

上命軍機大臣傳諭勒保宜綿德楞泰秦承恩倭什
布曰賊首王三槐徐添德等折竄龍鳳壩一帶屯

《剿平霍亂彙編卷五》

三

聚勒保卽從通江一路趕緊兜剿祇可如此辦理
惟當趁此賊匪窮竄未合之先奮力截擊將首逆
速行拏獲肅清川北斷不可又任逸入陝境致與
勾合又據秦承恩奏賊匪竄入寶雞岐山界內現
經帶兵截剿此股賊匪自卽係李全等分夥奔竄
因留壩地方有兵勇防堵遂翻山繞至虢川桃川
一帶該二處路徑分歧距省不遠秦承恩現與王

文雄由商州馳赴西路迎頭截剿前已降旨令倭
什布調山西兵二千名駐劄蒲州聽候檄調今分
竄賊匪若由岐山逸出卽係鳳翔大路地勢平行
可以直達潼關晉省新調之兵正可迎頭堵截但
恐一時未能調齊倭什布務須速行調撥派令安
幹將弁帶領迅赴蒲潼以資截剿至委辦糧臺縣
丞王銑在廟溝遇賊被害情殊可憫着各部照陣
亡例加等議卹但該員既經委令辦理糧臺何以
並未多派兵役防護軍糧祇帶丁役二十餘名以
致被賊戕害且存糧二百三十袋據稱已由山後
溝內背出賊匪既擾糧臺此項糧石是否被賊搶
掠並着查明據實覆奏至現在宜綿白己早抵軍
營務須大加振作一洗明亮等從前委靡積習而
額勒登保現已馳赴商雒日內亦可到彼伊本係

《剿平霍亂彙編卷五》

三

吉林人於帶領該處官兵自尤得力務宜各加奮勉策勵將士直前奮擊速將各首逆擒獲自無難以次淨盡倘再稍延時日或至齊王氏等復與李全合夥甚或在其由大道擾及潼關關入豫境則不但明亮等應加倍從重治罪即宜綿額勒登保亦各有身家豈不自知顧惜耶

二十九日^亥陸有仁奏言據各屬稟報統川賊

匪已竄至桃川直趨山門口經實難令孟正笏

率領鄉勇在於九龍山施放鎗礮擊殺賊匪數

十人並聞由省派撥兵勇前往策應賊隨折向

東走由斜峪關出至平地圍攻郟縣城垣併擾

及盤屋縣下青化鎮地方臣正在派撥兵勇帶

領赴援適西安府朱勳自撫臣軍營回省面稟

秦承恩一聞賊匪竄入實難即經飛咨明亮德

楞泰額勒登保分剿鎮安孝義一帶賊匪以斷

其東竄商雒之路並即日會同王文雄連夜馳

回近省一帶迎頭截殺旋據探報秦承恩王文

雄已由捷徑趕赴鄠縣距盤屋郟縣不遠指日

大兵臨剿正可乘賊人蟻聚之時痛加殲此

同日興肇柯藩奏言臣興肇自漢中行抵原上

鎮接據柯藩來信初十日在雙溪擊敗賊匪賊

已向東奔竄可由洋縣以北前來臣興肇

取道前進探知賊匪竄至鐵冶河十三日馳抵

該處臣柯藩亦率兵到來次日即合兵緊追行

至楊家河地方據差探報稱賊匪現屯石板壩

臣等整旅進發賊人佔踞山巔毫不畏避其山

惟一徑可上派委副將德明額協領那全富魁

恭將玉福海洪阿等帶領奮勇兵丁直撲正路

臣等率領副將德亮協領巴克坦布喜卜產參將達桑阿槐他哈遊擊洪德及滿漢官兵分左右兩路繞道而上賊見官兵撲及山腰即拋擲石塊紛紛下擊_臣等鼓勵將士繞樹避石施放鎗礮仰攻多時賊匪始漸驚亂三面官兵蜂擁而上斃賊二百餘名餘匪滾山敗逃官兵直撲下山復殺賊一百餘名生擒騎馬賊目一名餘匪六十八名時已昏黑_臣等即暫紮山梁十五日五更_臣等帶兵追趕三十餘里又復掩殺二百餘名賊人拋棄駝馬衣物甚多紛紛爬山越嶺逃逸訊據騎馬賊目供稱名張倫泰管轄十旗有四五百人我等本要趕上前驟等語餘無要供當即臬示兵丁內間有受傷陣亡者查明另行報部

聖祖聖訓卷五

三

同日宜綿奏言_臣於本月初七日由達州起身十三日途次岳池縣適英善亦自保寧行至該處當將川省軍需糧餉一切應辦事宜詳悉告知隨將英善代辦陝甘事務文案接收視事近接陝省稟報竄入西鄉之賊已擾至洋縣城固一帶柯藩帶兵往東截剿漢中不可無人彈壓_臣將所帶兵丁令其隨後行走_臣先酌帶員弁數人輕騎兼程趕抵漢中妥為辦理均奏入上命軍機大臣傳諭宜綿勒保德楞泰秦承恩曰陸有仁奏賊匪擾及郿縣整屋地方大兵分路堵剿此股賊匪自係李全等分股奔竄之賊現在秦承恩與王文雄帶兵已至郿縣地方距郿縣已近又據興肇柯藩奏在石板壩剿賊後亦即向東追剿此摺係在整屋拜發自己趕至郿縣正可與秦承

聖祖聖訓卷五

美

恩等兩面夾擊但興肇等究不足恃着秦承恩督
同剿辦斷不可復令東竄與齊王氏高均德等合
夥亦不可令其逼近省城向臨潼等處逸出潼關
此爲最要又宜綿秦酌帶員弁馳赴陝省相機剿
辦前已降旨令宜綿赴明亮一路督同德楞泰等
剿辦伊接奉後自必加緊行走趕抵鎮安孝義一
帶而額勒登保此時自亦早到宜綿務須大加振
作督同德楞泰額勒登保明亮等統領勁旅直前
奮擊將齊王氏高均德等孥獲再赴盩厔郿縣一
帶與秦承恩興肇等會合將李全一股迅速掃蕩
不可再有遲緩

欽定平定回疆方略

卷六十五